

5-49



FD 378

~~Receiv 835~~

J
Ha corregido segun el nuevo catologo de la
132 en el raimen de bay en 24 de mayo 1334

J. M. de la Llave

IUSTI LIPSI

EPISTOLARVM


per Comission del Comisario Inquisitor de Escuela Conveg

SELECTARVM

este libro conforma al nuevo catalogo, en 3 de julio de 1641

CENTVRIA PRIMA

MISCELLANEA.



*estran por el indico
del año de 1641
No ducan*

ANTVERPIÆ,

EX OFFICINA PLANTINIANA,

Apud Ioannem Moretum.

CLD. IDC. V.

Cum Privilegiis Casareo & Regio.

*F.D.
378*

*Pos 1300
1246130*


IVSTI LIPSI

EPISTOLARVM

SELECTARVM

CEMENTARIA PRIMA

MISCELLANEA.



ANTHROPIC

EXOTICINA PLANTINIANA

ANTHROPIC

CL. LOC. V.

CL. LOC. V.

AD PRÆTOREM,
CONSULES,
ET

SENATVM REIP.
VLTRAIECTINÆ.

Viri Nobiles, Viri Prudentes,



PISTOLAS meas aliquot, quas his diebus collegi, & errantes redegì sub vnum huius Centuriæ velut signum, visum mihi in lucem dare: idque sub tutelâ nominis vestri. Causam habui duplicem. Prior est, quia lucem aliquam tenui huic, & per se obscuræ scriptioni, conciliare conatus sum à luce vestrà: quorum antiqua, potens, & amœna vrbs splendet inter Belgicæ primas: vósque in eâ, per prudentiam & virtutem. Causa altera. quòd beniuolentia vestra huc me impellit & comitas, quâ publicè ac priuatim insigni semper in me fateor esse vsos. Omitto amicitias, quæ mihi cum plerisque vestrorum ciuium artæ: sed pedem numquam in urbem vestram posui, quin clara mihi signa semper exhibueritis eximij cuiusdam

iufdam adfectus & cultus. Cum honore & amore venientem excepiſtis, hærentem habuiſtis, abeuntem dimiſiſtis. Quo meo merito? nullo, fateor: ſed ſolo impulſu beneficæ & humanæ naturæ. quæ velut fato aut Genio, inter adſitas omnes gentes, propriè eſt veſtra. Quod eò maius beneficium interpretor; quia tam munes fuiſtis, in re & verbis hactenus immunem. Id autem ne vltrà ſim, verborum ecce ſaltem & ſcripti munus hoc capite: Epiſtolas inquam meas, nouum & veterem ingenij partum. nouum diſpoſitu, compoſitu veterem. ſed partum proſectò infirmum aut informem: & quem, per diuturni hoc morbi tedium, nec fingere nec polire mihi mens, quémque abieciſſe veriùs videor, quàm peperiſſe. Vos ei tutores, imò patres aduoco: tangite, tollite expoſitam hanc prolem: & in primis auctoritatis veſtræ ſcuto defendite, contra maligni liuoris dentem. Ita deus vos & veſtram urbem ciuiliū hac bellorum flammâ aliquando eripiat, quâ vndique nunc eſtis cincti. Lugd. Bat. Id. Nouemb.

LECTOREM MEVM

SALVERE IVBEO.



En tibi Epistolas nostras, mi Lector, sed in parte: & eam ipsam partem, nō mentior, trepidē emissi, & quodammodo volens nolens. Volentem me sanē volentia tua facit. cuius fauoris aura suauiter adhuc mihi spirat: nolentem, ipsum argumentū. Primū, quia id tenue: nec famæ ab eo magna spes aut seges. Epistolas enim meras damus: id est, diales nostras nugas, iocos, lusus, & cū amicis garritus. Quid serium hīc magno opere, aut cultum? quin epistolę esse desinunt, si nimis tales. Ordinem aut dilectum in materiā, curam aut limam in stilo, quispiam exspectat? à me frustra: quia in blandiente illā heresi sum, vt epistolas sub manu nasci debere censeam, & sub acumine ipso stili. Atque adeò (dicam verē) bis non scribo, bis vix eas lego. Profluunt mihi ex liquido quodam canali pectoris: & vt animus aut corpus meū est cū scribo, ita illæ. Victor meus solitus dicere, indices ei semper valetudinis nostræ meas litteras, etiam cū indices non essent. Benē. languent enim illæ, excitantur, dolent, gaudent; calent, frigent mecum. Vt verbo dicam, affectus animi corporisq̃ue mei in hāc tabellā. Quod si quēdā in his serię, tamen pauce: & præponderat, vereor, leuiorum multitudo. Nam nullas esse, falsò dixerim. quia interdum intercurrent totæ, & ex professo tales, philologæ aut philosophæ, & salubriū aut docentium præceptorum. Consulimus, monemus, cauemus, apud iuentutem præsertim: quam cura mihi semper ad vtilia, non solum ad amœna ducere, & animo ac robore ponere supra vulgum. Quas ipsas si paullò diligentius scripsi, & velut percolui digniori quadam sermonis veste: nihil, credo, peccaui. quia hoc quoque sine curā meā magnā, sine ambitu. cuius manus facile mentem sequitur: & cū impleuit eam materies grandior, chartam mihi vltro verba. Famam igitur siue laudem sperē hīc haud magnam. atque adeò infamiam quā nō timeam, cū oculos siue ad æuum hoc flexi, siue ad rem ipsam? illud quidem, proum ingerere calumnias vtraque manu; hanc, natā accipere toto sinu.

Detegimur enim in epistolis, & subijcimus oculis penè nudi. Nos-
se me, aut alium vis? epistolas lege, quæ depingunt. Ingenij mei,
adfectus, iudicij, imò & vitæ, non vana imago istic. Alibi fucus
& simulatio habitat: hîc candor, hîc veritas, & non nisi natiuus
ille color. Quî simulet in subitâ illâ, & sæpè calidâ, scriptione ani-
mus? non potest. quî apud amicum, & se alterum? non vult, non
debet. Reuera enim deprehenditur aut emicat, priusquam se
componat: nec velum ei ducere succurrit, quo tam citò, & apud
tales, se tegat. Protrahit igitur hominem maximè hæc scriptio: &
ideò iudicijs calumnijsque exponit. De te tuisq; memoras? quod
carpant reperient, vt vanum, aut iactabundum. De alijs? hîc quo-
que, quod carpant. Illi in laudes nimis pronus videbere, alij in re-
prehensiones: huic ad superbiam vergere, alteri in adulationem
proclinare. Denique in publicâ & ciuili re, sub cineribus qui oc-
culi ignes? Pietatis mihi rem alibi tange: apud hanc aut illam
partem peristi. Reges aut status: cadauer es & funus. Atqui hæc in
epistolas sæpè intercurrent necesse est, aut illæ ne currant. In qui-
bus omnibus etsi nos (quantum prudentia quidem mea tulit)
temperauimus: tamen vereor vt temperet sibi à me quoque in-
temperies quorundam. Voces iam audio, & præuideo. quid ad
me? ego à verâ culpâ tantum abesse me scio, quantum carptores
illos à verâ laude. Improuidè fortasse alibi aliquid dictum emis-
sitij illi oculi reperiât: at nihil impiè aut malignè. Hoc testor, hoc
profiteor. mali iuris, mali moris ille, quisquis aliam mentem mi-
hi affinget ex suâ mente. Nec hoc te lædat, quòd vnum aut alte-
rum alibi læsi: aperte, fateor, nec tamen nominatim. Se ille qui-
cumque est prius prodat & accuset necessum est, quàm me. Cur
autem non liceat? Pestes & vitia hæc hominum detegi, ex vsu ho-
minû est: etsi non aperte ipsos. Peti se illi sentiant, alij suspicentur.
In hoc tamen quoque, sicut in ceteris, siquid peccatû: post emen-
dabitur. quia nunc vnicum hunc librum, velut in gustum, da-
mus, & periculi faciendi causâ. Emitto, inquam, hanc Centu-
riam, aut præmitto veriùs, ex Epistolari meâ legione, tanquam ad
incerta itinerum exploranda: & si nulli aut pauci hostes, fidenter
omnes copias producam in hunc Faimæ campum. sin laquei &
insidiæ; quiescam, & tenebo me iure in fidis silentij castris. Tu
ô bone, faue, ama, fauentem, amantem.

I N D E X

E P I S T O L A R V M

S E L E C T A R V M

C E N T V R I Æ I.

M I S C E L L A N E Æ.

| | | | | |
|--------------|-------------------------|-------------------------|----------------------------------|------------------|
| A | BRAHAMO | Ortelio epi- | Francisco Raphelengio | xxxv. |
| | stola | liij. | Francisco Raphelengio Francisci | |
| Adolpho | Metkercho | xciiij. | Filio | lxxvij, lxxxij. |
| Alexandro | Ratloni | xij, xxxij. | G. | |
| Amico | cuidam | lxij. | Gabrieli Roelandio | xlviij. |
| Andrea | Dudithio | xcij. | Gaspari Schuermannno | xliij. |
| Andrea | Schotto | xlvi. | Georgio Benedicti | lxxij. |
| Augerio | Gisleno Busbequio Cesa- | | Georgio Ratallero Prasidi Ultra- | |
| ris Legato | xix, lxij. | ieet. | | xxv. |
| | B. | | Gerarto Falkenburgio | iiij. |
| Bonaventura | Vulcanio | lxv. | Godschalco Steevvechio | xlj. |
| | C. | | Gulielmo Breugelio | vij. |
| Carolo | Clusio | xlviij, xcj. | Gulielmo Cambdeno | xxiiij. |
| Consulibus & | Senatui Antuer- | | H. | |
| piensi | lvj. | Hadriano vander-Burchio | lvij. | |
| Cornelio | Prunio | lix. | Henrico Ranzowio | lxxxviij. |
| Cornelio | Valerio | j. | Henrico Viltio | lv, xcviij. |
| | D. | | Hieron. Berchemio | xxj. |
| Dominico | Lampsonio | lx. | J. | |
| | E. | | Iacobo Cuiacio | lxviij, lxxviij. |
| Errico | Memmio | lxxxviij. | Iano Douſe | iiij, xv, xxiij, |
| Euerardo | Pollioni | xvj, xlvi, | lxxj, xcvi. | |
| | lxxix. | | Jano Grotio | xviij. |
| | F. | | Iano Grutero | xciiij. |
| Florentio | Thinnio | xc. | Iano Gulielmio Lubecensi, | xj, |
| Francisco | Bensio | liij. | xxxix, lxvi, lxxiiij. | |
| Francisco | Modio | xxviij. | Iano Hauteno | l. |
| | | | Jano | |

| | | | |
|-------------------------------|----------------------|----------------------------------|------------------|
| Iano Lernutio | x, xiiij, xx, | P. | |
| xxxiiij, xl, lj, lxxx-vj. | | Paulo Busio | lxxxix. |
| Joachimo Camerario | lxxv. | Paulo Melisso | lxxxiiij. |
| Ioanni Ionstono Scoto | xxxviij. | Petro Egmondo | c. |
| Ioanni Moerentorsio | lxxij. | Petro Pythæo | vij. |
| Ioanni Rotario | xcix. | Philippo Lanoyo Nobiliss. iuueni | |
| Joanni Sambuco | xxxvj. | xxij. | |
| Ioanni Viniano | xlx. | R. | |
| Josepho Scaligero Iull F. | vj. | R. Pincao | lxxxv. |
| Josia Mercero | xxxij. | Rolando Vincelio | lxxx. |
| L. | | S. | |
| Leuino Torrentio | lxiiij, xcviij. | Stephano Pighio | v. |
| Lernutio & Gifelino | xx-vij. | T. | |
| M. | | Theobaldo Teelingio | xxix. |
| Marco Antonio | liij. | Theodoro Cantero | xliij, lxxxiiij. |
| M. Valerio Collino | xcv. | Theodoro Leervio | xix, |
| Martino Antonio Delrio | xiiij. | xxvj, xxxj, xxxviij, xliij, lxj, | |
| Martino Lydio | lviiij, lxix, lxxix. | lxviij. | |
| N. | | V. | |
| Nicolao Biesio Casareo Medico | | Victori Gifelino | ij, ix, lxx, |
| xxx. | | lxxxj. | |

4

IVSTI LIPSI
EPISTOLARVM
SELECTARVM
CENTVRIA PRIMA
MISCELLANEA.

EPISTOLA I.

Louanum.

CORNELIO VALERIO S.D.



ITAE genus, quod à reditu elegeram & indicaui præsens tibi mi Valeri, & probaui: quietum istud, modestum, latens, remotum ab ambitu & à curis. Et iam ingressus feriò eram: cùm (ecce subitam vim fati) vereor vt subitò id mutem. Nam tempora quæ impendeant, vides; & quæ tela improuisò exorsa ciuiliū bellorum.

quæ si pertexitur, & nisi stamen eius ac subtemen pax aliqua aberrumpat, stare mihi diutiùs non licitum in hoc loco. Quomodo enim? exposito cottidie non rapinis solùm militum, sed iniuriis: quorum quàm libera licentia sit, nosti. Heu vitæ legem! cui annexum, angere & dolere in omni sorte. Itaque agellos istos mente iam defero, & specto Grudios vestros. non planè inuitus, fateor, cùm te cogito & Canterum nostrum: quem tamen audio & doleo in lento esse morbo. Quid autem tabes ea est & marcor? an quis alius languor? De illâ, visus mihi dicere medicus Gemma. quod Muscæ tamen prohibeant, & diurnare paullò magis in terris velint Parnassium hunc alumnum. Sed causa morbi quæ? studia, an curæ?

* Τίναται γὰρ τοιγὰρ νόσους δουρυπται:

ait Tragicus. De studiis tamen magis credo: quæ calidè ille nimis habuit & intentè. Numquam vidi tam indefessum ingenium, & laboris huius Musici aut appetens magis, aut ferens. Semper ille in libris, chartis; noctu, diu; assiduus, accubus:

* Morbos enim producere & cura solent.

A nec

* Epist. v.
lib. II.

nec dies solum omnes appensi & numerati ad hanc curam, sed hore. quas singulas ad clepsydram diuidere, & attribuere ille solitus huic lecti oni, aut huic scriptioni. De Plinio suo scribit & iactat alter * Plinius? atqui torpor ille hominis & desidia mera, si cum hac assiduitate comparetur. Nos, mi Valeri, remissiores: & si per hanc viam mors, sum immortalis. Vis scire, quam ignauiter cessem? Tot protela adinonitionum tuarum nondum effecere, ut vel manum adnouerem Commentario Corneliano. ita subiit me ignauiae huius dulcedo: &, quod illeipse Cornelius ait; *inuisam primò desidiam, coepi amare*. Mutabo fortasse, cum loco. Tuus certe non sermo solum excitabit me, sed vultus. quem iure vereor & veneror, ductorem doctoremque meum in meliore hoc animi cultu. Vale. In Iscano meo. a. d. XII. Kal. Decemb. ∞. IO. LXXV.

EPISTOLA II.
VICTORI GISELINO S. D.

Brugas.

RARAS à te litteras, mi Victor, accipio: sed certè caras, stillantes mero melle & amore. Vellem vtrumque. ut & diligentiam tuam amare possem, & adfectum. At principium tuum vanum, de abitu meo Coloniam. Vnde hoc autem? ab amico aliquo, an à famâ? non enim à me certè, aut meis litteris: nec vinqum mihi fuit in mentem. Apage illud scelus (ita loquor) ut pedem hac prouinciâ efferam, non visis vobis. Et sane paullum modò hic morbus perseuerasset, veniebam ad te non solum corporis, sed animi medicum mei. Nunc, cum deo faciente, reualui: & gallum debo Aesculapio tuo. O diecula illa, quam vnà mecum exoptas, quando exoriere? quando te & Lernetium, in Iscano isto, complectar & fruar? quando in pergulâ illâ ad Lunæ lumen garriemus, viuemus, imò & bibemus? DI amicitiae praesides, repraesentate mihi hoc votum. Festino enim. quia ut cogi nubes has video, breui dabunt tempestatem. Circa nos militares globi: qui vereor non ut interpellent, sed pellant. O locum hunc beatum, absque metu isto sit! A Samboco herè ad me litteræ, sanequàm amicæ. Humanissimum virum coram repperi, non pro opinione meâ (tecum hoc sit) litteratum. Ita in his quoque rebus, ludit & illudit illud siue Fatum publicū siue For-

Fortuna: & quidam merentur famam, quidam habent. Inter illos, in eadem Germaniâ ^{Andreas Ellingerus} ~~Andreas Ellingerus~~ ^{novi.} ~~novi~~, virum magnū, & penitus doctum ut ille pignotat ~~reba~~ ~~et~~ ~~fallit~~ ~~et~~ ~~centum~~ ~~Ita~~ ~~fama~~ ~~sepulchri~~ ~~mei~~ ~~indicia~~ ~~novi~~. Et nos quid speremus, aut laboremus? dormiamus potius, aut cucurbitas pingamus. quorum alterum ego quidē iam facio. Scripsi enim hæc ipsa ad lychnum, labente manu, prementem somno. In Iscano meo. III. Non. Octob. ∞. Iō. LXXVI.

EPIS TOLE. ~~III.~~

Lagodon Bar.

KIND BOMBAE

Ergo cum dicitur ubi ait, in diebus istis non habetis dominum vestrum, sed hominem, sed in diebus istis ad quem venitis. Vult enim dicitur Rogare signum, quodam modo, quoniam sciamus, de re secularia. Adhuc enim mihi inescit, hoc ipso tempore, & eodem in diebus istis, in manu & in corpore habere semper dominum, ut ait illi. nosse certe si mecum manum quoniam semper in animo, quod est, a me existens, in corpore est. Non solum in corpore, sed in diebus istis per se, quod est, in corpore.

Quæ cum componam, dicta facis discipulus.

[illegible]

EPISTOLA IV.

Vbios.

GERARTO FALKENBURGIO S. D.

MVNVS vestrum accepi egregium, mi Falkenburgi, imò
regium. Et cur non vestrum? ego scio Redigerum caput

A 2

huic

huic dono fuisse, te pedem: nec tam beniuolo conciliatori minus debere mihi, quàm datori. Animus enim est, quem in his tabulis specto: nec pretium iis vniquam à se facio, sed ab adfectu, qui in te certè maior. Aurum autem ipsum, quid nisi splendens quædam terra, & nitidius paullò lutum? Iudicium tuum de libellis nostris mihi gratum: sed vtinam iudicium! siue tamen amor, is quoque gratus, quia magnus: nec aliter vniquam tam rectam certamque mentem cogeret in errorem. De lapsu memoriæ quod submones, verum est: corrigam libens. Quod autem his & ad Pulmannum litteris iteras & pungis de seruitute: audi quæso liberè & diffusius paullò meum sensum. Ego qui status patriæ huius sit, nec ignoro mi Falkenburgi, nec nego: (aspera in eo multa, intenta, rigida, præter mores, aut præter leges:) sed hoc quoque scio, qui meus. Apud me ecce, & in rusculo meo viuo: cur angar, quid Cotta aliquis aut Carus moliantur in aula? Vim aliis inferunt? nondum mihi. opes delibant aut diripiunt? perirent eadem absenti. ad impium aliquid adigunt? numquam. Mentem enim istam liberam quis tyrannus mihi artat? internam sententiam quis cogit? cultum metumque diuinum è pectore isto quis eripit? Et si velint: ecce sacram ancoram,

* Quis seruus est, perire modo qui nati mei?

* Τίς ἐστὶ δούλος τῶν Περσῶν ἀφ' ὧν ὧν?

Hoc enim firmum aduersus externa omnia telum, non timere propter quod timentur. Sic Socrates adfectus, qui Athenas non deseruit, infestas non vno, sed triginta tyrannis: sic Seneca, qui sub Nerone, imò cum Nerone vixit: sic Heluidius, sic Thraseas, & magna illa sapientum manus. Me cur in alia vocas? Animo diffidis, aut annis? noli. Ego enim mi Falkenburgi in iuuenili hoc pectore sic sum adfectus, vt deum, virtutem, & me constanter colam: non aduler imperantibus, sed nec irriter: & cum Cornelianò illo * lepido, inter abruptam contumaciam & deforme obsequium, pergam iter ambitione ac periculis vacuum. Periculis inquam, quorum non ego (homini quantum licet) occasio sim aut causa. Quod si aliunde & ab externâ vi ingruant, quomodo aut vbi excludam? Non Vbij vestri ab iis me liberet, non liberet omnes Imperij vrbes. Sed reuerâ (dicendum est) peccamus multi in hanc partem. prouocamus pericula, & lacessimus sæpe imperantes, vanâ quadam specie aut superbæ libertatis, aut incautæ pietatis.

* Decius cautâ prudentiâ apud Tacitum, Annal. iv.

tatis. Modestia autem est quæ Deo placita, & his qui dii in terris. Reges ut fulmina esse didici: dura frangere, mollibus plerumque illæsis. Itaque hæc tempora, ut nimbium, habeo: donec defæuierint, latito & me tego. Nec nimium tamen de sæuitiâ illorum queror: quia scio exoriri posse deteriora. Rusticulus ille mihi in mente. qui de Antigono rege uiuo questus, cum obiisset successore peiore: terram laboriosè inuertens, & votorum iam pœnitens, *Antigonum*, inquit, *refodio*. Faxit & ille deus, ut hinc turbæ nostræ stent, neu breui procelle ingruant sæuiiores. Sed hæc magis seria fortasse, quam pro epistolâ. occasio tamen iis ex iteratâ tuâ accusatiunculâ: & gaudebo, si consilij mei ratio proba iam apud te probû. Talem enim non minùs repperi, quam amicum mihi: qui ut esse perseueres, rogo. Ad Redigerum ipsum scripsi seorsum. In Iscano meo, Kal. Sextilibus. Anno ∞. 15. LXXV.

EPISTOLA V.

Viennam.

STEPHANO PIGHIO.

FIDEM meam culpas? audi. Prandium mihi hodie apud herodem nostrum (nō enim virum dixerim) Busbequium. post prandium longiusculæ etiam fabulæ: sed de litteris, ut apud illum solet. Hæc res diem mihi abstulit, & me tibi. Ignosce, & iam etiam cognosce. Nam de Prætorum lictoribus, lictulæ nescio quid adfero ad te nostrum Prætorem. Vulgus & auctoritas veterum sex eos facit. loca & testes tibi noti. At duos fuisse tantum, lex vetus mihi ingerit, apud Censorinum ista. *Prætor urbanus qui nunc est, qui que posthac fuerit, duos lictores apud se habeto. usque supremam ius inter ciues dicito.* Cauillari poteram & effugere, tamquam minimum duos lictores lex esse vellet; de pluribus non yretaret. sed ligauit iterum meus Plautus: apud quem in Epidico clarus ab hac re iocus,

At enim vnum à Prætura tua Epidice abest? EP. quidnam? TH scies.

Lictores duo, duo pinninei fasces virgarum.

Inter ornamenta ecce Prætoria disertim duos lictores numerat, duosq; fasces. Hac reprehensione, huc ibam: ut censerem Plauti & veteri illo æuo, haud plus duos sanè fuisse, at numerum postea auxisse, splendoris maioris causâ. Sed hoc quoque diuerticulum

EPISTOLA VII.

Lutetiam.

PETRO PYTHOEO IC. S. D.

PLANTINO nostro elapso ex Troiano casu, id est incendio suæ vrbis, & ad vos abeunte : iure mihi amplectenda occasio fuit, mi Pythæe, compellandi tui. quem iamdiu (verè tibi, & in os dicam) inter paucos Gallos amo & admiror. Ignotum, fa-teor : sed à vultu, non ab animo. quem politissimum exoscula-tus sum sæpe in tuis scriptis. Nec blanditiæ apud te sunt. testa-buntur id publicè Epistolicæ meæ, per hunc tumultum ausæ adspicere lucem : in quibus, si erit tanti, reperies cum beniuolen-tiâ memoriam tui. Te pariter quæso, vti hunc eundem adfe-ctum erga me aut sumas, aut retineas : &, vt planè pleneque me bees, mutuis cum litteris foueas atque alas. Litteris, non rerum grauium, aut de arcanis regum (quid ad me ista?) sed quæ aluci-nentur liberè & vagè per studia nostra : quid tu, quid Scaliger, quid alij vestri Galli meditentur, eiusdem nobiscum Musæ. Va-le, & me ama. quod valdè facturum te scio, si scias quàm valdè ego te. Fratri tuo Francisco, lectissimi ingenij iuueni, à me salu-tem dicito. Louanij, XVI. Kal. Febr. ∞. 15. LXXVII.

EPISTOLA VIII.

Bruxellam.

GVILIELMO BREVGELIO REGIO CONSILIARIO

cognato meo S. D.

MAGNUM, sed amicum mihi dissidium tecum est, de agro deque vrbe. Tu istam præfers, ego illum : & rationes mihi, nisi fallor, magis firmæ. Quas quoniam herè inter differen-dum leuiter libauimus, vísne hac epistolâ (otium enim & liben-tia mihi) promam accuratiùs & diducam tibi per partes? Scio velle. aurium tantum, vt sic dicam, vacuas ædes mihi aperi : & admitte, fodes, peregrinantē veritatem. Agrum & in eo cultum, meliorem Vrbe esse aio, ad Sapientiam, ad Mores, ad Volupta-tem : addo & Fructum. De Sapientiâ : non negabis, quin illuc aprior ad eam animus, vbi is liberior & magis sui iuris. talis au-tem in agris est. Opida vife & adi : non effugies, quin vnà tu-multus,

multus, procellas, turbas. Circumstrepent enim te subito res hominesque: & negotium tibi non solum tua negotia facient, sed aliena. Vt difficile est in conuiuio lauto & opiparo solum esse ficcum & sobrium: sic vacuum, inter tot occupatos. Ille ad sponsonem te trahet, & ad forum: ad nuptias alius, & ad templum. In ipsâ viâ, clamores alibi & lites: pugna nonnullibi & arma, & mox iudex, lictor, carcer. Domum ipsam tuam cum veneris: ne in secretum venisse te cense, aut penetrale. Irrumpent ecce salutatores, inuisores, & nomine amicorum quidam fabulas, imò epulas, captantes. Hos nullum limen submouet, nullum velum: & per omnes rimas inuolant importunæ illæ muscæ. Inter ista & inter istos, quis libris liber locus? quis cogitationibus? sine quibus an vlla legitima ad Sapientiam exercitio aut via sit, haud equidem cerno. Et tamen fac te felicem, aut fortem: otium aliquod in ipsâ vrbe diu luctatus tibi vindices: nego id liberum, firmum, aut aptum animo vegetando. Spernit enim naturâ suâ includi cælestis ille ignis, & aërem amat ac campos. Vt generosas feras cauea domat & frangit: sic altas mentes vrbicus ille carcer. Equum ad cursum apertus & liber circus prouocat: animum ad studia, vagans vacansque aura. Siluam illam viridem videt? hîc carmen auet, aut hymnum deo pangere. Horti illam purpuram? hîc cum libellis suis decumbere. Aquæ illud murmur? ad eam altiori cogitatione abiici. Et nocte ipsâ aut sub eam, pictum illud patensque cælum eum capiet: & inter tot stellas errantes, aut inerrantes, à curis terrisque erro, mente scandet super illas. Adde quòd hîc altum securumque otium: nemo qui appellet, aut interpellet: & amicissima semper studiis, solitudo & quies. Vides igitur quæ in hac parte ager ante urbem habeat: nec vanè à Columellâ scriptum, *Vitam rusticam proximam & quasi consanguineam sapientiæ esse*. Quòd si nunc ad Vitâ me vocas & ad Mores: bonâ fide, vtrubi, te quoque iudice, illa innocentior, & hi puriores? veritas tibi exprimet quòd in agris. Oculos paullisper coniice in magna illa & commerciis crebra opida: mentior, nisi ambigas cætus illîc hominum, an confluges vitiorum. Adfert enim seorsum quisque suas culpas: quas mixti vulgant, & velut contagio, tradunt inuicem capiuntque morbos animorum. Quin vt flumina per se dulcia, cum in mare venerint, salescunt: sic homines.

mines haud mali, ex agris in urbem redacti, tactu inquinantur & mixtione. Illuc enim ambitio, auaritia, libido propriè habitant: & fons omnium vitiorum, depudere. cui origo, non negabis, ex crebro illo inter se adspectu occursumque. Itaque prudentes olim legiflatores & qui semina iecere boni status, ciues suos plurimum ab urbe & conuentibus abductos, habere voluerunt in agris: quos ad probitatem, modestiam, robur, gymnasium censuere & palæstram. Romulus ille æterni auctor imperij, in duas classes cum ciuem diuisisset, Seruos ac Liberos: istis duobus tantum studia Militiæ & Agri dedit; illis artes reliquas, quæ ad Mercurium & ad lucrum. Ita enim est. mercatura & quidquid artium ad opes ducit, ducit ad vitia: nec animum solum emoluit & effæminat (verè Sallustio dictum) sed corpus. Quis vires & viros unquam in opidis quæsiuit, aut inuenit? adeo vetus illud verum in omni gente & ævo est, *Optimum militem legi ex agris*. Parthi olim belli potentes: sed sparsi in agris. Scythæ: sed in tuguriis oberrantes. Germani: sed priusquam vrbes coluissent. Turcæ hodie: sed minimè dediti in amœnitatibus opidorum. Quin illud ipsum Genitiferorum agmen, iure terror orbis, non ex agris solum, sed pænè dicam haris collectum, & mapalibus pastorum. Nam Romanos tibi quid ingeram? Curios & Fabricios nosti ferentes, occantes: Quinctios arantes, & Dictaturam inducentes: & vno verbo, non milites solum ab agris, sed duces. De Moribus ergo vides. qui si vsquam etiam hodie prisca integriusque quærendi sint, vestigia reperies in agris. vbi apud se quisque: & ideo pudor, innocentia, simplicitas manet, & vita malarum fraudum artiumque expers. Sed quid possim in hac parte magis verè, magis ampliter dicere, quàm Hippolytus ille apud Senecam? quem, quæso te, audi.

*Non alia magis est libera & vitio carens
Ritùsque melius vita quæ priscos colat,
Quàm quæ relictis mœnibus campos amat.
Non illum auaræ mentis inflamat furor,
Non aura populi, & vulgus infidum bonis,
Non pestilens inuidia, non fragilis fauor,
Non ille regno seruit, aut regno imminet,
Spei metusque liber.*

& adde plura pulcherrimi cothurni, quæ omitto. Ad Voluptatem enim transeo: quæ tamen hîc tam obuia, vt indigner super ea moueri mihi liteam. Elementa omnia intueor? vim suam vsumque palam & toto, vt ita loquar, sinu in hoc rure nostro effundunt: obscurè & parciter in tuâ vrbe. Solem vide: melius hîc nitet. Aërem: lætius lætiusque diffunditur & ridet. Aquas: purius bibuntur. Terram: hîc tantum cernitur in vero suo vultu. Alibi in planitiem effusè porrigitur: alibi in collem placidè adsurgit, aut magis rigidè in montem. Illîc herbis & sponte natis arbutis vestitur: hîc, fruge fructibusque, & feliciore ligno. Quem non delectet tam varius adspectus & cultus magnæ matris? cuius apud vos vna facies ædibus pressæ aut pauimētis. Iam domum si venisti, hîc prorsus gaudiorum & amœnitatis vera sedes. Manè surrexisti? ad musicam quidem & circumsonant te ac velut saluant chori illi alitum, suauiter fritillantium, trutillantium, minurientium. ad quos non æquiparent se tibiæ, citharæ, aut ex arte vlli cātus. In hortum prospexisti? oculorum aciem tibi præstringet illa ipsâ nocte exortum agmen florum & herbarum. In pratum? occurrent vere nouo arbores odorâ quadam & canâ niue perspersæ: eademque sub Autumnum, aliâ pomorum purpurâ siue cerâ distinctæ. Propius easdem adspice. insitiones mirabere & matrimonia: adulteria etiam, & suppositos fetus, insciâ matre nec inuitâ. Quam lasciuam cōprehensionem fecunditatemque quisquis in ligno non miratur; ipse profectò lignum. Iam ad agros diuertisti & tua rura? illîc boues lentè pascuntur & oberrant; hîc pecudes magis vagè lasciuiunt & hœdi. Porcus alibi volutatur & grunnit: alibi cristata cohors cugurrit & scalpit. Segetes illîc tuas vides, & siliginis, farris, hordei vberes fasces: siluam istic, & ad hiemem lignorum strues. Vitem denique alibi florentem aut maturescentem: & spe iam præbibis sacrum illum alibilemque liquorem. Quorum omnium quæ copia in vrbe sit? quin ne imago quidem satis certa & expressa. Sed vt ij qui parietem intuentur, ex leui linearum ductu, animalia in eo & facies sibi fingunt: sic vos harum rerum futiles quasdam umbras. Ita viuitis in pulcherrimo hoc mundo, mundi exsules: nec bona aut dona eius plenè vnquam nostis. Postremum Fructus mihi superest. de quo quid ambigimus? cum non solum cultus

cultus & ornatus plerumque vitæ ab agris fit, sed vita ipsa. Agricoltio enim moriatur: & vnà humanum genus. Adde illa com-
moda. agnum aut hœdum à stabulo, pullum è corte, porcū ab
harâ, & tot dapes inemptas: quas vos ægrè & carè præstinas
à foro aut macello. Quòd si opes omnino quæris & aurum: ri-
deo ego & sperno. & tamen si quis hæc quoque ambiat, non ali-
bi parandorum vberior materia & seges. Non palatia, non fora,
non scœnora plures ad opes euexere: quàm beati isti agri. & addo
rei caput, quòd tutò euexere: quòd citò, quòd innocenter. Tha-
les ille olim annò vno diuitias amplas corrogare potuit, emptu
prospero omnium oliuarum: & viro prouido sapientique non
hodie idem fas, in segete, pecude, siluâ? Sed de his quia non li-
benter, nec ampliter quidem dissero: & mitto te, si voles, ad ve-
teres rei rusticę scriptores, à quibus disciplinam eam petas. Nam
ego fastidio. sicut & illud, quod crebrò ac pertinaciter mihi ob-
iicis de dignitate. Dignitatem ea mansio non habet, inquis: imò
nec pietatem, quia patriam is desertum. Dignitatem? me iudice,
amplam: qui Reges & Principes fuisse scio in hac parte. An illud
dignius, in foro latrare, tribunal siue aulam lambere, fastum in
æquales, adulationem in superiores exercere: quàm Sapientiæ
sacrum colere, Naturę opes lustrare & promere, denique placidè
vivere, placidè mori? Nam de patriâ, quid ais? In hac confusio-
ne rerum ad clauum ego sedeam: vbi nemo auditurus, non ne-
mo etiam irrisurus rectè gubernantem sit? Sæculum hoc paulli-
isper vide. quo noxæ integritas, contumeliæ pudor, ludibrio fi-
des est: & aude suadere vt iis præsim, quibus, hoc ipsum (panè
dicâ) ægrè mihi est, quòd intersim. Concludens voueo, vt pro-
cul ab vndoso illo vrbium mari, in hoc tràquillo & rurestri por-
tu quiescam & consenescam: vbi Deum inprimis piè pureque
venerer, deinde Sapientiæ studia & Musarum tractem, & quid-
quid propriè ad vsum aut cultum animorum. Vbi classica nul-
la aut tubas audiam, vbi coruos aulae aut fori non videam: sed
modestè tranquilleque mihi & mecum victitem, expers ambi-
tionis & pallentium curarum. Cumque vltimus ille & decreto-
rius dies venerit, spiritum hunc, sine metu, sine motu, emittam:
& apud notos ignotosque memoriam mei relinquam bonam
potius, quàm magnam. Habes quæ pro agro, in agro scripsi. quæ

si approbas, tandem etiam hoc institutum meum: neu ultra commouendum me cense ex beatâ istâ sede. Ita Deus beatum aliquando te faciat, cum vxore liberisque: quos saluto. In Iscano meo III. Kal. Octob. ∞. IO. LXXV.

Carimen ecce etiam adiunxi, quod eidem argumento, calore isto effudi.

LAVS ET VOTVM VITAE BEATAE.

ILLE est par superis deis,
Et mortalibus altior,
Qui fati ambiguum diem,
Non optat levis, aut timet.

Quem non ambitio impotens,
Non spes sollicitat lucri:

Quem non concutiunt metus
Regum præcipites minæ,
Non telum implacidi Jouis.

Uno sed stabilis loco,
Vulgi ridet inania:

Securoque oritur dies,
Securo cadit & dies.

Vitam si liceat mihi
Formare arbitriis meis:

Non fasces cupiam aut opes,

Non clarus niveis equis

Captiua agmina traxerim:

In solis habitem locis,

Hortos possideam atque agros,

Illic ad strepitus aquæ

Musarum studiis fruar.

Sic cum fata mihi ultima

Pernêrit Lachesis mea;

Non ulli grauis aut malus,

Qualis Langius hic meus,

Tranquillus moriar senex.

EPISTOLA IX.

VICTORI GISELINO.

LEGI tuas, ad os appressi & ad pectus. O quæ penna tibi me sistat! Ego ille constans deiicior vnâ cogitationis hac plagâ. Scripta mea desideras & nugas: ego te, te. Sed quî agis? vt ex nuncio intelligo, perbellè. Gaudeo. nam timebam, ob subtractum tibicinem Moufflinum celeri casu. Nos fluctuamus, vt qui maximè. sunt qui ad arma inclinant, sunt qui ad Irenen. Aiunt & apud vos puncta esse pro istâ. Quidquid est aut erit, ego te non amo sed pereo. De scriptis, scripsi ad Ocellum nostrum. non inuidebit. Propriid. Kal. Septemb.

EPISTOLA X.

IANO LERNVTIO S. D.

HAFTIVS apud nos est, ille cuius tu sororem. Eum rogavi de te multa, & rettulit omnia quæ vellem, excepto silentio: quod causam habeat necesse est vel ab obliuione nostri, vel quod malo, ab inertiâ tuâ. Et quis insolitus hic torpor? Tu ille qui laceßere me soles, taces ad meas binas? *Omnia mutantur*, ait ille: non enim addam vel ominis causâ, mutari amores. melius de te sentio. & tamen si amorem non deseris, non etiam debebas officia amoris. An etiam nunc te angit nupera mea fuga? Peccas: & emenda hanc culpam, vt in amicitia sis sine mendâ. Amicum nostrum audio adscitû in aulam, & in medicum Ducis. Gratulor: & magis, siquid is titulus ad Plautinam aulam. Nam si nomen tantum, & nihil ab eo vncti: sperno. Nos hîc in alto otio (Nemesis non audiat:) & te istuc inuitare audemus vel habitandi causâ. Multi certè vestrates oculos flectunt ad hunc portum. Plantinus ædes hîc habet, Typographiam instituit. Quid multa? viuimus & vigemus. Tu vicissim, quid valeas, quid facias, cum Victore, cum vxore, cum amicis, nisi significas: scito serid me. sed deleo. nec cadat in amorem nostrum vquam hoc verbum. Vale, Lugduni Batauor. Pridie Idus Sept.

∞. IO. LXXXII.

EPISTOLA XI.

IANO GVLIELMIO LVBECENSI S. D.

ADFIRMO tibi Iane Gulielmi : pauca munera iamdiu gratiora mihi fuisse, & animo tuo, & versibus, quorū vtrumque tam benignè offers. Ille enim amoris plenissimus, isti elegantia : & cogor (nisi ab ingenio meo abeam) valde redamare illum, istos æstimare. Hoc magis, quòd vltro prouocas, quòd ignotum, quòd immerentem. Nam quòd beneficia quædam mea in publicum profers & prætexis : desine. hoc ipso video quàm me ames, qui non admodum laudanda laudes, & per adfectum recedis à certissimâ iudicij tui normâ. Itaque hoc ex fide tibi respondeo, vicissim amari te à me, vero honestoque adfectu : quem dies ipsa augebit & accendet. ea est eritque tua virtus. Lugduni Batau. III. Eidus Sextil. ∞. MD. LXXX.

EPISTOLA XII.

Gandam.

ALEXANDRO RATLONI S. D.

RARÒ scribis. sed nescio an ideò litteræ tuæ desiderio ipso cariores. His quidem postremis fateor me non voluptate solum perfusum, sed gaudio : si verbo eo vti nobis fas in tristitiâ hac rerum. Nam de Antuerpiâ, quæ monstra audimus ? Deus bone, huccine tandem erupisse tot mensium consilia malè sana, malè cocta ! O factum à regio iuvene minimè regium ! Et si nobis adhuc tenebræ, nec de re totâ satis certis nec de causâ. Eiûsne fraus siue error ? an vulgi consternatio & furor ? Quiduis enim potius, quàm vt perfidiæ noua hæc macula inuratur laudatissimæ olim optimæque genti. Sed hæc publica videbit publicus ille Rector. Tu in re tuâ quid ? etiâ mne fluctuas ? sic apparet. atqui statuendum semel aliquid est, cui firmiter inherescas. Mutatio quidem hæc crebra, & desultorium, vt sic dicam, genus vitæ, non ex vsu tuo, non ex famâ. Pessimæ, & Græcorum quoque prouerbio damnatæ sunt, nutantes & * δισταλαῖ illæ νόμοι. Litteraria hæc vita & otiosa tranquillitas, quid non habet commodi ? Non externa illa fortasse. sed nec terra quæ aurum aut argentum gignit, res alias producit : nec animus, qui se colit, & virtu-

* Væque
claudican-
tes senten-
tiæ.

virtutem. Cetera, ille ferè sterilis. Quid tamen præferas huic uni? cui honos, cui salus comes, cui externa & interna quies. Militiam gustasti: & vides quàm non ea suavis. Itaque, mi Ratio, huc redi: &, si me audis, in Musæo hoc portu nauim tuam defige & liga semel sacro morfu. Ad circumfusa illa & vana bona si abis, quis finis? iactabere, & nabis semper inter cupidinum novos fluctus. Non enim ratio, sed opinio tibi illas ingeret: cui insitū, variare & pænitere. Vt chamæleon, quoniam aurâ (vt aiunt) non cibo vescitur, hianti semper est ore: sic illi cupidine, quos ventus inflauit vulgarium opinionum. Hoc volunt, hoc nolunt: hoc hodie spernunt, cras appetunt. &, vt resculæ, quæ fluminibus innatant, temerè impinguntur in hanc illamve partem. Hinc perpes illud tædium in nobis, & velut nausea omnium rerum. damnamus parentum & nostra vota; & tam cupide quæsitâ quædam deferimus, quàm antè quærebatamus.

*Certa amittimus, incerta appetimus; atque hoc euenit
In labore atque in dolore vt mors obrepat interim.*

exclamat verè meus vates. Ecce ille ad aulam adspirat, & intrauit? rursus fastidit, & beatos censet qui latent. Alius priuatim victitat? ægrescit, & inuidet purpuratis. parique leuitate rogati ad sagum properant, & hi rursus ad togam. Et quis non de Lachesi suâ quæritur? reges ipsi de suo regno. At tu inter eos esto, quos Ratio, quos Sapientia firmavit: nec circumagere mihi vulgarium iudiciorum omni vento. Vt Vlysses ille donec Leucothea velum ei supposuit, natat nigrum pōtum: sic tu hoc vitæ salum, donec pectus tibi præcinxerit candida illa diua. Constantiam dico. quam, audi, admitte, serua.

* Η δὲ ἐμοὶ καὶ θυμὸν ἀπίσιν φάιντο βελόν.

Vale. Lugduni Bataur. x. Kal. Octob. ∞. Iō. LXXXIII.

* Hoc mihi
ex animo
visum op-
timum
consilium.

EPISTOLA XIII.

Brugas.

IANO LERNVTIO meo salutem mitto.

QUAM recepi iam ipse. Hinc enim iure ordior: & gaudere te iubeo, mi Lernuti, quia à molestissimo morbo reualui, imò reuixi. Ad fauces Orci destitutus mihi hos menses fuisse videor: ita me oppressiunculæ & obstructiunculæ illæ interne pessimis

latè se spargunt / quàm laboriosè colliguntur, & scribuntur! In quibus nos tamen etiam, nescio quo fato an morbo, insanimus. Pergebam in hoc garritu. sed alius mihi in auribus garritus, nuncijs ad excubias trahentis. Arma capio, pono stilum. Quid ais? fatin' tuti Belgæ, hoc milite? Ite, dormite in vtramque aurem. Louanij Idibus Iuniis. ∞. ID. LXXVII.

EPISTOLA XIV.

Louanium.

MARTINO ANTONIO DELRIO

Consiliario Regio S. D.

MIRA tua fides in me, mira pietas. amoris enim certè verbum leue est, in re quam rari pro fratre fratres audeant, pro liberis parentes. Me meaqué absentis defendisti: & obiecisti te non molestiis solùm sed periculis, in hac flammâ rerum. Venisti vtrò ad meos, erexisti, securos esse iussisti: hoc tantùm questus, quòd non indicassent. Itaque quòd res opesq; meæ saluæ, quòd scripta & libelli (id est, vita ipsa:) beneficium est vnus tuum. Quid scribam? gratias agere me? ne concipio quidem: & affecisti me in summo beneficio vnâ hac iniuriâ, (quod olim ingeniosè ille ad Cæsarem) vt viuendum & moriendû mihi sit ingrato. Gaudere me tantùm nuncio; meâ causâ, tuâ, sæculi. Meâ, cui is amicus obtigit; tuâ, cui ea virtus; sæculi, cui hoc exēplum. Mea salus salue. Antuerpię a. d. iv. Non. Mart. ID. ID. LXXVIII.

EPISTOLA XV.

*Ultraiectum.*IANO DOVSAE *meo* S. D.

SILĒNTIVM tuum mihi, Doufa, molestum: absentia multo magis. Vbi autem fides? intra dies octo exspectari volebas te: menses ecce labuntur. Statueras hoc iam antea? an quid interuenit? an placent tibi nouitij isti & fallaces mores? An potiùs vxoris partio te detinet? quæ genuit tibi (ita audio) decumam iam prolem. Maçte hac fortitudine dicam, an fortunâ? vtrâque certè opus. nec minùs hîc, quàm in agricultu, Labori & Euentui litandû. Sed tibi quidem propitijs vterque deus: & gloria Masanissæ te manet, si sic pergis. Vide tamen ne dum assiduus nimis in illis vallibus, desertû eas nostros montes. Suspicio: & iure.

C

Vt quid

Vt quid enim procaces illæ antea Musæ tuæ tam diu silent? cur tribus his mensibus gutta nulla nos irrigauit poëtici tui humoris? Emenda: & hîc & ibi vir esto. Libelli etiam tui addicti Plantino, vbi sunt? Solue sodes, aut Prætorem expecta & suspensum capiti tuo libellum. Non enim differo, non protollo. Indicem Francoforto en habes. sed sterilem bonarum rerû: & nihil nundinæ istæ ad Phœbum. Melleri tamen Spicilegia edita, acutissimi ingenij iuuenis: vtinam rectissimi, verè addam! Sed profectò aut fallor in hac omni litteraturâ: aut ille valdè in censendo, & scribendo. Quales pleræque eæ coniecturæ? quàm non callidæ solum, sed calidæ? imò quàm audaces? Mihi crede, corruppendis ista, siue perdendis potius libris litterisq̃ue sunt: si dimanat hæc labes. Et dimanabit. ita iuuenturem hanc video: & tantum ingenij specie blanditur hic calor. Iam stilus ille quis? doctus, antiquus, arcanus, inquires. Scio. sed quò tam doctus, antiquus, arcanus? Ego ille ipse qui aliquid hîc capere me puto & sapere, sæpe quæro aut non video eius mentem. Quæso mittamus tenuem nimis subtilemque hunc colorem, & Apellæas, vt sic dicam lineas: & Venus nostra inspiciatur etiam à vulgo. Vt nihil minus expedit, quàm agrum optimè colere, (aiebant veteres:) sic censuerim de stilo. Nimis ornas? fucus & adfectatio apparet. Nimis attenuas? tenebræ & squalor. Modus autem in omni re optimus: etiam in epistolâ. quam finio, & te saluere iubeo no-
ue Hercules ~~Quædam~~ ~~matrum~~ matrum. Lugduni nostræ, a. d. iiii. Nonarum Aprilium. ∞. IO. LXX.

EPISTOLA XVI.

Ultraiectum.

EVERHARDO POLLIONI meo S. D.

AMEA enim velut manu es, à domo, & à disciplinâ. Vt statuarium opus suum delectat, si laudabile: sic in te iure mihi placeam, si tu bonis. Quod futurum omnino est, mi Pollio: si non audies solum præcepta quæ crebrò dedimus, sed obaudies: eaque admissa in hoc pectus, re exprimes & factis. Ad virtutem ante omnia te hortamur: cui litteras istas seruire volumus, magnum vel in parandâ eâ adiumentum, vel paratâ ornamentum. Non enim solum pulchrior comptiorque per doctrinam virtus, sed fortior: nec colorem modò ab illâ ducit, sed sanguinem & robur.

robur. Egregiè noster Seneca : *Et si magis refert nostrâ fortiores fieri, quàm doctiores : tamen alterum sine altero non fit. Non enim aliunde animo venit robur, quàm à bonis artibus, quàm à contemplatione naturæ.* Quod ita verum scito, si doctrinam non hanc mollem & amœnam solùm intelliges, quam φιλολογίαν haud malè appellamus : sed virilem illam magis & robustam, quæ in naturâ aut animo occupatur, quamque φιλοσοφίαν propriè indigetamus. Illa enim sola, tantum abest vt tutum securumque te præstet inter hos vitæ fluctus : vt moueat sæpe excitetque in ambitioso animo cupidinum nouas tempestates. Itaque vt nautis solitarium Helenæ fidus non placet : non item mihi ista. Gemini illi sunt, qui cum apparuere, tranquillitatem nautis nunciant : tibi hæc duo, si iunges. Quod voueo ex animo : & in firmâ hac spe saluere te iubeo carum mihi caput. Lugduni Bataur. III. Nonas Octobr. 66. ID. LXXXII.

EPISTOLA XVII.

Delfos.

IANO GROTIO.

AT tu quasi ad Collegium etiam scribis : cui vitam fuisse te nescis, & obiisse illud te abeunte. Certè à nuptialibus tuis facibus, funereæ accensæ sunt Musis & quidquid hîc fuit Musicorum. Rem dico. solutus dudum ille cœtus : non tamen etiam vinculum amoris, quo inter nos ligati. Tu mihi sæpè in mente, rarò in oculis : nec leporem & virtutem tuam deleuerit ex animo meo vlla dies. non magis quàm tuo litterarum studia exciderint, etsi callidè id præ te fers, & negas agnoscere te Deas, idque carmine, quod agnoscant ipsæ Deæ, Abi Socratice noster εἶρων, & apud tam fidum age ex fide. Tu Musas, te illæ amarunt, amant, amabunt : & cum illis ego. Carmen totum approbum : nec Critica illi à me nota. Rem ipsam & argumentum vt meliùs nôrim curabo : & legam quæ scripsit Belgicus hic Euclides. Nos Pindaricus ἀλέκτωρ ille νέστον respicere cœpit in parte. vtinam diffusiore paullò vultu, vt sanitas apud me sit læta, plena, firma. Quam tibi, vxori, liberis (nónne rectè ita loquor?) opto. Lugduni Bataur. postrid. Kal. Sextil.

EPISTOLA XVIII.

Lutetiam.

AVGERIO GISLENO BVSBEQVIO,
Cæsareo Legato S. D.

NOMEN ipsum tuum in litteris ante legendum me adfecit, & lectio multo magis. Iudiciû talis viri meritò magnum apud me est: & hæc tam proluxa beniuolentia, quam solo animo meruisse me scio. Nam rem quidem tu auges: & facis tam liberali beneficij interpretatione, vt vltro obliger, & nouam gratiam debeam tibi. Quam vt prorsus soluam, ne exspecta. non est istarum virium; non item animi. qui magis magisque illigari tibi cupit, & numquam dependere, vt pendeat à te semper. Liuij variantes lectiones ex codice Puteani quas submittris, gratæ mihi: etiam vtilis spero, post perfectum cōmentarium Cornelianum, in quo vnus nunc sum. Absoluto enim eo opere, libens sanè manum & limam adiecerim vberissimo historicorum. Permittit iam valetudo: quæ non paullò melior, post iter Antuerpiense & haustum aure siccoris. Nam marina ista & palustris, nescio quomodo corpori huic non amica. Sed quis in Belgicâ alius angulus ad quietem? Itaque ferimus, & hîc hæremus: donec Deo visum pacem huic Belgio reddere, & nobis veterem sedem. Quod, vt res sunt, vouemus potiùs quàm speramus. Amplissime & Nobilissime Vir salue. & inter cultores virtutis nominisq; tui Lipsium non falsò cense. Lugduni Batau. Non. Mart. ∞. I. C. LXXX.

EPISTOLA XIX.

Hagam.

THEOD. LEEWIO *Consiliario S. D.*

IN silentio tuo, mi Leewi, mirabar, & (hanc enim libertatem amicitia mihi dat) indignabar: Sed indignatione tibi non ingrata, cuius fons ab amore. Iniuriam mihi ferre videbar, quia priuabas me hoc alloquio: quod etiam in negotiis occupationibusq; meis vsurpo cum libentiâ & voluptate. Veluti hoc ipso tempore, quo Plantinus cum genere apud me est: & eripit mihi non inuito optimam diei partem. Ego tamen scribo. de re priuatâ, valere me non optimè, vt hoc anni labentis tempus fluxionibus

nibus meis ferè est infestum. De repub. nec multa nec bona. Hostis Ninouiam obsidere dicitur, & imminere meæ Bruxellæ. certè copias colligit circum illam. Galli lentè & frigidè agunt; nec pro ingenio gentis. Ita vides, mi Leewi, in longum trahi rem, & produci calamitates patriæ iam exhaustæ. Nec abiiciendus tamen animus. quem si ratio non adfectus subegit, ille est eritq; in firmâ arce, quam nulli insultus, nulla vis perfringent. Sed opinio nobis hæc facit magna & metuenda, quæ ratione si examinas, leuia sunt. Bellum metuimus. ita enim accepimus à parentibus, ita à nutrice, ita à publicâ vulgi voce. Sed imponunt. Cur enim bellum malum? nempe quia vastitatem inducit, quia pauperiem, quia mortem. Atqui hæc ipsa mala non sunt, nisi malis. Quot viri boni beatiq; paupertatem appetiere vltro? Litteræ ipsæ diuinæ eam nobis conciliant, vt rectâ ad cælos viam. Mors autem quid? metuenda viro? optanda potiùs: quia finis huius miseriæ, & principium melioris vitæ. At enim hæc Philosophorum sunt, inquires, dictu pulchra, re & vsu asperrima. Imò, mi Leewi, communis hæc vox totius generis humani: quotiens abstersâ adfectuum illâ nube radius diuinæ mentis illucebit. Sic tu, sic ego loquemur inuiti, si rem pendemus ad veri iudicij lancem. Signum vis? Ecce pone mihi ex illo ipso corrupto & corruptore vulgo aliquem in morbo. spernet diuitias, spernet opes: sanitatem dumtaxat vouebit corporis & mentis. Scilicet seriò cogitare iam de se cœpit admotus ad extrema: & inanium obliuiscitur, cum periclitatur de salute. Exfulant adfectus, cum ratio rediit: & erigit attollitq; se animus, corpore iacente. Tamen sani redimus ad eadem omnia: quia litigium illud cum adfectibus fuit, non diuortium: nec proposito aliquantisper boni, sed metu sumus. Quare maneamus in hâc viâ, quam institimus, segregandi nos à vulgo: nec id sermone tantum, & velut in pompam fiat, sed reipsâ, & quod dicitur, Bonâ fide. Vacillamus, imò cadimus interdû? Surgamus, & citâ celeritate corrigamus, quod temporis ereptum lapsu. Viden' vt miles quoque, si cecidit, surgat alacrior, & animos irasq; sumat à casu? Idem nobis sit, & constanter pergamus ad illum Tranquillitatis internæ portum, qui verè efficit beatos. Vale. Lugduni Bataur. i i i. Idus Nouemb. ∞. D. LXXXII.

EPISTOLA XX.

IANO LERNVTIO *meo* S. D.

DIMISI nuper à me Oudermannum vestrum sine litteris, valdè præter meum votum. Sed mihi crede, ita distinebar, vt eius rei facultas mihi nulla. Nec nunc magna: (Plantinus enim apud me cum amicis est, quibus dies dandi panè toti:) tamen erigit & conari me iubet epistola tua, siqua alia, plena suauitatum. Vel illud de SVAVIIS tuis quàm mihi spirat? crede, quòd omnes Arabum diuitiæ, imò quòd illeipse halitus à suauiorum deâ. Tu tantum perge, & damna me huius voti, vt citò teneam amplectarque libellum, & te in illo. Sed de titulo cur mutasti? Mihi simplicius suauiusque inscribi SVAVIA videbantur, quàm funereâ & atrâ voce SECUNDI MANES. An frontes seueras metuis, & consultum tibi is modestiâ inscriptionis? Frustrâ: quatenus ego gustum sumpsi, pura illa basia tua: quæ & Catones capere possint, & dare ipsæ Vestales. Denique quousque scribimus istis? paucis nobis potius. & da quod in sinu tenere Scaligeri possint & Turnebi. De Plantino, verum est. ædes hîc conduxit sanè amplas, & partē vacantem Typographiæ transferet istuc. Aliquid ea res fortasse me excitabit ad lucubrandum: cùm interesse editioni libellorum nostrorum licebit, imò præesse. Nam aliàs, & valetudo sæpè illud igneum, quod in nobis, retundit: & iudicia hæc multorum aut maleuola, aut malesana. De Germaniâ quidem audistin? Proscribere misellam Satyram nostram nuper voluere, & eiicere edicto extra imperij fines. O pisces, pisces! non hæc aqua, in quâ vos natetis: & magis vobis faciat ille ab Cithærone liquor, quàm hic ab Helicone. Sed feramus: & quoniam cœpimus, aremus etiam hoc litus. De Venatione in manus iam sumpseram, & eram in secundo libro: reieci, & iterum daturus me videor in torporem. Catarrhi mei id faciunt, statim mihi sub hoc tempus & sollennes. A Scaligero nuper litteræ edit De Emendatione temporum, & promittit breui exemplar. Vale mi anime, cum animâ tuâ, & cum iis qui ex felici vestro cœru. Lugduni Batavor. III. Id. Nouemb. ∞. MD. LXXXI.

EPISTOLA XXI. *Antuerpiam.*

HIERON. BERCHEMIO IC.

NIMIVM vr̄ges, mi Berchemi, de Imitatione. nuper omnibus sermonibus, nunc epistolis hoc agis. Quid censes? aliquos thesauros mihi esse doctrinę reconditę? erras. siquid in hoc genere posse tibi videmur, magis à casu siue naturâ est, quàm ab arte. Et tamen quidquid illud est quod sequor, quod teneo; non vltà celabitur. & proximâ epistolâ pręcepta aperiam, ad quę stilũ meum fingo & conformo. Tu Minerual, sis, para doctori no-uo. Scaligeri ad Ausonium en tibi. ~~venit, etiam quoniam~~
~~quo magis!~~ ~~nam in dote~~

Schmiffis desit et scribere perit.

~~non est, quod in meo, quod a meo, quod~~
~~non est, quod in meo, quod a meo, quod~~
~~non est, quod in meo, quod a meo, quod~~
~~non est, quod in meo, quod a meo, quod~~
De rep. quid scribam? manus mihi labat, & ingemisco. Carcer ille novus tot Lentulorum quò erumpet? de quibus ambigua hęc fama. alij emissos dicere, alij artiũs teneri: hi culpam affingere, illi demere. Omnia incerta mihi, pręter illud: quod omnino futurum video, vt plebecula illa aliquid plus faciat. Habet hoc semper nova libertas, vt ad licentiam facilẽ defleat: quid censes de vrbe, cui insitum & fatale, turbare? Vt fistulę diu interclusę aut interceptę turbidiores aquas emittunt: sic isti actiones, aliquamdiu pressi. Sed nos quoque hęc in metu. Quidam inter optimates partium non optimatum: qui, vt cum Pindaro dicam, * & *Singis* * Non in-
τῆχθ' ὕψιον, ἀλλὰ σχολιᾶς ἀναβαίνειν ἀπ' αἶθ'ας. Plebs ista mollicula. *stitia rectũ*
quid augurer? hostis tantũ adueniat: ego tibi spondeo, non *sed obliqua*
fore hęc Numantiam aut Saguntum. Cometam & nos per hos *fraudis*
dies vidimus: immanem, dirum, & facie haud sæpẽ visitatã. *scandunt.*
Quid portendat, quæris? Chaldaus non sum, nec cæli signa cognoui: tamen hoc vetus noui,

Οὐδεὶς κοίτης ὄρεϊς ἔκτανον φέρει.

cui versui magis quàm Aristoteli credo, qui hæc talia ad causas fortuitas refert & infernas. Quid tamen aut quibus minetur,
distinctè

distinctè nouit ille *Prudens futuri temporis arbiter* : ego communiter, non referre eum aureum sæculum. Vale. & illustri Comiti tuo à me salutem. Louanij III. Id. Octob. ∞. IO. LXXVI.

EPISTOLA XXII.

Ducum.

PHILIPPO LANOYO, *Nobilissimo iuueni* S. D.

IN Italiam cogitare te audio, nobilissime iuuenum : & audio volens. Placet ea mens, quam agnatam scio non nisi optimæ cuique menti. Humiles istæ & plebeia animæ, domi resident & adfixæ sunt suæ terræ : illa diuinior est, quæ cælum imitatur, & gaudet motu. Itaque siue p̄isco siue nostro æuo, peregrinati ferè sunt viri magni. Sed ista hîc cautio : vt id fiat non cum voluptate solùm, sed cum fructu. Vagari, lustrare, discurrere quibus potest : p̄cipi indagare, discere, id est, verè peregrinari. Vt tu id possis, finem verū fructumq; ante omnia mihi proponere, quem is petiuit. Vt enim ij qui iaculum mittunt, non in vanum dirigunt, sed scopum præspeculantur ad quem collineent : sic tu præfini, quid peregrinatione istac quæras. Duo, nisi fallor : vtilitatem, & voluptatem. Non enim hâc solùm. nec vt coronarij bellissimas saltem herbas floresque struppis aut coronis innectunt, salubrium nullâ curâ : ita hîc tu. Quin contrà potius, plura ad mentem ac salutem referes quàm ad sensus aut ad spectū. Ac de voluptate aliquid dicere vacuum sit : cum ea sponte obuia : nec quisquam tam lapis aut frutex, quem non titillet ac flectat amor : illa variaque spectio gentium, vrbium, locorum. Natura scilicet illuc aurigatur, nec duce opus vllâ ratione. At in vtilitate laborandum est. quam nec secuti omnes, nec qui secuti, adsecuti. Eam tibi ingero, & triplici hoc limite designo, Prudentiæ, Scientiæ, Morum. Hæc enim omnia peregrinatio adferre debet, si consilio, si ritè instituta. Ac Prudentiam ab eâ peti, Homerus nobis satis auctor ; ille non poëtarū solùm eximius, sed, me iudice, sapientum. qui cautæ illi Vlyssæ prudentiæ quam aliam causam vbique tribuit, quàm quòδ πολυξενος : quodque, vt ipse ait,

* Multorū
mores ho-
minum &
simul opi-
da vidit.

* Πολλῶν ἀνθρώπων ἰδὲν ἄστα πρὶν ὅσον ἔγνω?

Et verè. Instituta enim illa varia gentium, ritus moresque hominum, formæ ciuitatum, incredibile est ad iudicium & prudentiam

tiam quam potenter possint. si tamen non visa aut libata ea leuiter; sed admissa, retenta, & collata inter se examinis quadam lance. Quod ante omnia tibi censeo faciundum. Vide inquam, audi, iudica: nec conquire solum hæc talia, sed in ea inquire. Et inquisitio quidem à te & tuâ mente erit: conquisitio ab hominibus esse debebit, aut à libris. Nam & libri ferè siue historiarum peculiare suis quibusque locis & linguis sunt quas indagabis: & homines æuo & usu prouecti non deerunt à quibus percontando discas. Et si enim modestiam & silentium iure tibi suadeam: tamè nihil abnuo quin per iter fræna sæpè laxes effræni illi membro. Ius tibi sermonis non in viâ solum (siqui eiusmodi comites) sed in hospitio sit: nec ante mensam modò, sed in eâ, & post eam. Sed sermonis ius intra hos fines, quærendi de moribus, legibus, facie cuiusque vrbis. addo & de Principibus, bellis, casibus, aut siquid euentuum magis insigne. Hæc notabis, hæc sepones. certus ex iis ciuilem illam prudentiam inseri, tacitâ quadam vi & viâ. Vt enim herbas, vt arbores, crescere non cernimus, sed creuisse: sic factam hanc prudentiam potius, quam fieri. Atqui incrementum & irrigatio illi, ab his inquisitorij, vt sic dicam, humoris guttis: quas altè perbibit melior animus, & paullatim madescit sapientis iudicij succo. Atque hæc de Prudentiâ dixerim: verbis parcè, rebus ampliter, si rebus experiris. Ad Scientiam te nunc eâdem manu ducō. Quam mirè fortasse, quòd peregrè quæram. cùm domi illi sedes potius, & hæc litterarum studia quiete secretoque magis gaudeant, quam motu aut discursu. Sed defines huius admirationis, si animum flectes ad duplicem, qui ad Scientiam, modum. Aut enim ab Auribus ea, aut ab Oculis est: à Doctore dico, aut à Libris. Et de libris quidem, nemo ita negatum quin domi habeantur, tractenturque melius: in doctoribus, aliter esse ratio suadet mecum. Quæ enim illa, obsecro, tam felix regio, quæ felicissima omnia ingenia includat? Quin sparsa illa: &, deo dispensante, sua cuique terræ velut gemmula quæ illustret. Hanc adi, hanc audi: & è sacris illis pectoribus, hianti ore bibe abditæ doctrinæ fontes. Quis non à Turnebo aliquo doctior redeat? prudentior à Sigonio? disertior à Mureto? quorum ego non auditum solum magno emerim, sed visum. Quòd si notitia etiam aliqua tibi cum

iis accedet (& id pronum apud tam humanos:) deus bone, quæ occasio hîc tibi discendi & ditescendi! quot gazas legere & recondere cottidie poteris latentium litterarum! Mecum vides. tu arripe tantum: & me auctore, in vsum eiusmodi virorum omni arte irrepe, vi irrumpe. Nusquam meliore damno frons ponitur. Hæc Platonis, hæc Pythagoræ, Democriti, & aliorum sapientium mens fuit: qui relictâ penu artium Græcia, non ad cultos solum, sed ad barbaros peregrinati, acri quodam cupidine discendi. Iam & alia ab Oculis utilitas: qui hîc tibi soli & nudi ad Scientiam sæpe duces. Italiam ecce nunc adis. illam frugibus, viris, opidis cultam, illam famâ inclutam scriptisque. In eâ non vestigium vsquam pones, non oculum flectes; quin monumentum aliquod premas, aut memoriam vsurpes, ritus siue historiæ priscæ. Illîc Thrasymenum miserantibus oculis subiicies, aut æternum imperij vulnus Cannas: hîc magis latis, Albanum, aut Tybur, aut nobiles Baias. Plinij alibi mansio, & Virgilij aut Propertij patria tibi ostendetur; alibi rudera Varronianæ aut Tullianæ villæ. Quanti & quàm arcani gaudij ista visio? cùm non animo solum, sed panè oculis sese inferunt manes illi magni, & sola premimus pressa toties ipsis. Iam coloniæ illæ veteres, iam templa, theatra, arcus, sepulchra, lapides, quem non & doceant mirificè & delectent? Doceant dico. quia reuerà notata aut exscripta hæc talia, mirum quantâ luce mentem perfundant, trepidantem per veterum scripta. idque experti dicimus ipsi. Vt omittam etiam illud commodum, quod nescio quomodo attollatur & grandior sese fiat animus, ad spectu tot sublimiū & grandium rerum. Cupidinem veræ virtutis & gloriæ ingenerat, visa toties aliena gloria & virtus. Ad Mores iâ venio, qui postremus mihi locus; tibi, siquid sapis ô adolescens, primus. Ab hoc enim scopo si aberrasti, aberrasti ab aliis: & inutilis, imò noxia, scientia omnis prudentiaque est, secreta à probitate morum. Cetera speciosa puta, hanc necessariam: illa ad ornatum adhibe, hanc ad salutem. In moribus autem duplex mihi præceptio: & vt bonos rectosque vbique adnotes, & fugias malos & detortos. Sed in bonis, ne mentiar, haud magna fortasse peregrinatio est. Latent enim plerumque verè probi: & in pectore intimo domiciliū Virtus habet, non in vultu aut fronte. atque inde

vt extrahatur, vsu opus & notitiâ quadam propiore: ad quam peregrinantibus rarò accessus. Tamen elegantia quædam morum & comitas, & externa quædam, vt sic dixerim, virtus, quin apud exteros iure quæratur, non negabis. Quid in cultu, vestitu, actionibus debeat; quæ Veneres & lepôres in sermone aut gestu; docere te ritè politiores illæ gentes possint, Itali, Hispani, Galli. atque ita rus illud nostrum aptè sapè diluas quæsitâ istâ vrbinitate & peregrinâ. Sed quæsitâ, non adfectatâ; vsurpatâ modicè, non ostentatâ: alioqui nihil comptu eo incomptius, elegantia ineptius. Risimus non semel eiusmodi histriones, qui ab Italiâ aut Galliâ noui, gestus nescio quos mimicos molestè vsurpabant, & delicias parùm non dicam ciuiles, sed viriles. Tu hæc fuge. & inprimis vera & interna animorum vitia, quorum vbi que larga & obuia seges. è quâ ne quas spicas improuidè colligas, magna mihi pro te cura, imò metus. Admittimus enim nescio quomodo & combibimus facilè peregrinas illas culpas; siue quia nouitate aliquâ blandiuntur, siue quia specie virtutû. Atque vt venena vinis admixta, medicorum scito, perniciousè & perniciosè penetrant: sic peccata hæc adsita virtuti. Ferè enim ita fit: vt in quâ gente vitia certa increbuère, mores iam vocentur, nec in veniam modò veniant, sed laudem. Adde, quòd naturâ ipsâ prouiores nos ad mala imitanda. Vt pictor, leui manu, & volante penicillo, rugas, verrucas, næuos in facie exprimit, haud tam facilè ipsam: sic probitatem laboriosè imitamur, nullo negotio maculas illas animorum. Aduigila hîc igitur: & iam-antè seriò prouide, quæ vitia cognata vel amica cuique genti. Quis enim neget? vt hominibus singulis, sic populis suæ laudes, suæ labe. Galliam ecce cogitas? leuitatem & vanitatem etiam, quæ in plerâque eâ (omni, falsò dicam) gente. Italiâ? proteruiam in eâ & libidinem. Hispanias? typhum quemdam & Africanum fastum. Germaniam? comestationes & ebrietatem. Quæ velant illi, scio; & comitatem, fiduciam, grauitatem, hilaritatem interpretantur falsò. at tu vitabis, nec in venas rapies peruersi iudicij aurâ blandientem pestem. De moribus tantum est. & pertexui hanc telam: nisi quòd leue parergum illi addam de Italiâ ipsâ. Laxat enim nescio quomodo vela huic stilo, prouehitque longiùs amor & cura tui. In terram is igitur terrâ istâ

meliorem, fateor: gentem gente nobiliorem: haud scio an probam magis, an fidam. Ingenium, & subtilitas, & magni erectique animi in illis locis habitant: non semper puri, simplices, & ad Gallicam istam niuem. Ideoque incautis & apertis nobis nonnullum ibi periculum, & quidem à duplici telo. Nam & inter viros multi tecti, callidi, periti simulare: & inter feminas, formæ conspicuæ, sed lasciua & procaces. Hinc Scylla, ibi Charybdis: & duo hæc discrimina ut enauiges, opus non prudentiâ quadam solum, sed dicam fortunâ. Prius tamen illud me angit minus. quod amoliri magnam partem posse videor cauentibus quibusdam præceptis. Nam contra insidiantes illos aut simulantes, quidni firmum scutum à simulatione item aliquâ sit? Cres mihi esto inter Cretas. Nec viam tibi tamen ad fraudes præco. absit. sed ut medici, venena quædam venenis pello, in salutem tuam non in noxam. Ad minutas & innocentes quasdam simulatiunculas te voco: nec ad alienas insidias, sed ad animi tui opportuna regumenta. In Italiâ totâ tria hæc mihi serua. Frons tibi aperta, lingua parca, mens clausa. Comis & communis vultus aduersus omnes sit, animus externo nulli pateat: & velut in thecâ clausum eum habeas, dum redeas ad notos animos & verè amicos. Epicharmæ sapientiæ ille neruus hinc valeat, nulli fidere. Nisi facis: non vnus Vlysses Aiace te circumueniet; & dolorem nobis debes, illis risum. Atque hæc tamen cautio mea propriè in vulgus Italorum dirigitur. Nam de nobilibus cur diffitear? reuerà optimates illi plerumque optimi: celsi, alti, sinceri; virtutis, gloriæ, litterarum amantes. In vulgo aliter esse obseruauimus, qui fex & limus, & verè vulgus. Itaque in illis; vetus Italicus aut Romanus sanguis ferè apparet: in istis, peream, nisi claræ reliquiæ (fidenter dicam) Gothorum, Vandalorum. Iam contra telum alterum quæ muniam te, aut moneam? Ita sim saluus, ut opto potius quàm spero te hinc planè saluum. Tantum mihi metus & ætas tua facit, quæ in ipso æstu: & illæ non dicam feminæ, sed Veneres, Venetæ aut Romanæ. In naturâ tantum tuâ spes omnis præsidij hinc, & voluntate. Quarum si alterutra ad calidas & callidas istas Solis filias inclinât: quis hominum te seruet? certè rues: nec vlllo præceptorum sufflamine te sistam. Tamen ne nihil dicam aut addam: ecce armaturam à me duplicem,

cem, Oculis, Auribusque. Oculos inquam, primum mihi claudere, & auerte longè ab illecebroso hoc aspectu. Aditus enim mali morbi hinc est: nec amor aut cupido facillè irruerit, nisi per geminas has fenestras. Sed & aures etiam muni, contra omnes non Venereos solum, sed paullo magis venustos sermones. Ij sunt enim qui titillant, qui excitant: & ut cupere ab aspectu est, sic velle ab auditu. Igitur ut athletis olim, munimenta quædam aurium adponi mos (*ἀμφοῶνδας* vocabant) ad vitandos ictus: sicut hoc firmum contra amatoria vulnera habet velamentum, Amatorium nil audire. De hominibus dixi (quæso ne cum inuidiâ cuiusquam aut irâ: quia liberè aliquid protulerim fortasse, nihil acerbè aut malignè:) adiungam & aliquid de locis. Qui varij in Italiâ omni & pulchri: ut non iniuriâ deliberes, quem præferas ad videndum, siue habitandum. Et meo quidem sensu (vidimus enim plerosque omnes, & triuimus) prima tibi vel antiquitatis causâ, adeunda Roma est: adeunda tamen, non habitanda. Confusio enim ibi & σύγχυσις, aëris & morum haud pura puritas: & quod verissimè à Varrone dictum, turba turbulenta. Loca igitur illa prisca & vetera, monumenta ac rudera,

— *Et campos ubi Troia fuit,*

cum lustratus satis & veneratus fueris: Neapolim mihi abi, & paullisper inside illam nobilem, illam cultam, illam amœnam. Per quam viam deliciæ locorum multæ, quas omitto. sed si inhabitanda diutius Italia est, in Tuscos mihi redi, & illos incole, linguæ, aëris, morum causâ. Omnia hæc ibi pura. Quod si de opido etiam quæris: Florentia mihi aut Senæ placeat: & magis istæ. At iam in ambitu & reuersione, Bononiam amicam studiis libens videbis, & eadem laude insigne Patauium. quibus cum dies aliquot dederis, non pigebit in vrbe maris domina (Venetias dico) lustrandâ ponere septimanas. Heu ad inuidiam pulchra, opulens, felix vrbs! minùs tamen ad nostrum Genium, quia Mercurio amicior quàm Mineræ. At in exitu grande illud & diffusum Mediolanum te capiet, in quâ sine Italiæ finis mihi epistolæ. Deum supplex precabor, ut te seruet, & tu ista. Vale nobilissime iuuenis, vale, vale. nec Deus mihi *auguria perficiat, quæ in tristi mente. Antuerpiæ III. Nonas Aprileis, ∞. IO. LXXVIII.

*Certè vera, obijt enim eiusp̃ peregrinatione, princeps nostra iuuentutis.

EPISTOLA XXIII. *Ultraiectum.*

IANO DOVSÆ S. D.

HEVs tu, sacrifica. Lipsius etiam vivit. Discrimen igitur tibi? inquires. Grande, capitale, mi Doufa: & quidem sine crimine discrimen, à scriptis iterum meis, non à factis. Satyram ego nuper scripsi, & illa me pænè proscripsit. Iocari me putas? verò, seriò, à grauibus, imò à grandibus viris res agitata: à proceribus imperij: tamquam in læso aut turbato publico statu. Suspendo adhuc te: rem habe. In iocis illis Menippææ nostræ, aliquid est de lauru poëtarum, quam largitur Cæsar: & ab eâ iste ignis. Aiunt, ignominiâ à me affici vniuersum id genus: aiunt, Cæsarem ipsum aspergi iniuriâ, quasi non id ei ius per me aut potestas. Itaque à Legatis ipsis Cæsaris litteræ subito Francofurtum, quæ grauitè me accusarent, minarentur: & Satyram ipsam priuatum irent publicâ luce. Hæc audis? hæc credis? non ego ipse: nisi litteras eas vidissem his oculis, tenuissem hac manu. O sæculum, ô viri! Ite vos docti, vigilate, scribite: & pro famâ, subite hanc flamam. Et tamen vtcumque calumniarum ferax æuum: quis materiam iis censuisset in re tam leui? Nisi si hoc proprium mihi fatum, vt ex candore istarum niuium oriantur semper aliquis ignis. In Epistolicis meis nōne simile? Benè certè sperare de iudiciis posterorum debeo: cui tam iniqui sunt viui. Tu vide, ride, & si vir es, pro Satyrâ nostrâ Satyram in saturos illos scribe. Nōne enim nostrâ? tu certè eius magna pars es. Vale mi oculissime. Lugduni Batauor. iiii. Kalend. Iulias. ∞. IO. LXXXI.

~~Epistola XXIII. Ultraiectum.~~~~I. Lipsius.~~~~Gratias agere.~~

Magis accipere, vnde accipere, perinde est, ut
 tu videris: quia illud est, quod & in dicitur
 in dicitur. Vnde potius videris: vnde enim videris. qui per
 te per hanc in dicitur videris, vnde enim videris.
 Perge in hoc & vnde videris, quod alibi non potest
 quin tibi in dicitur, per te videris, vnde enim videris. Lugduni Batauor.
 ta. I. Lipsius.

EPISTOLA XXV. *Vltraieſum.*GEORGIO RATALLERO *Præſidi ibidem**Conſilij Regij S. D.*

VALDE alienus à gratiis omnibus ſit, Vir Ampliſſime; cui non & litteræ tuæ gratæ, & hæc ad amicitiam inuitatio, tam amica, tam honeſta. Quam quòd prior, quòd vltro ſuſcipis: iure magni facio, qui ſcio quàm tu ſis magnus. Et amaui quidem te, imò colui iam pridem, tacito quodam ſenſu: qui diu inclufus, libens nunc ſe promit & exſpirat, ad hanc ſuaueſcentiæ tuæ auram. Cui tamen non dicam paria, ſed maiora facio: quo plures mihi ad amorem & æſtimum tui cauſæ. Doctrina, dignitas, virtus, & ante omnia hæc humanitas: quâ trahis & neſcis me tibi, adamantino quodam vinclo. Quod nulla vis, nulla fraus, laxabit aut ſoluet; donec

Lumine adempto animam moribundo corpore fundam.

Idque tibi non per epistolam ſcriptum, ſed velut per ſyngrapham volo ſponſum. Tu mihi quæſo reſponde: & hunc, vt ſic dicam, amoris noui fruticem, quem tam amanter eduxiſti, euocaſti, alere & fouere perge beniuolentiæ tuæ radiis, ô Belgij & meus ſplendide ſol. Lugduni Bat. poſtrid. Kal. Auguſt. ∞. Io. LXXX.

EPISTOLA XXVI.

*Hagam.*THEODORO LEEWIO *Conſiliario S. D.*

MAGNUM illud Antuerpienſe facinus, magnum: dicerem & malum, ſi de cauſâ mihi liquidò conſtaret, aut ſine. Sed tamen hoc ipſo malum, quòd malum imò exitium patriæ trahet ſecum. Heu, quæ videmus! quæ audimus! quàm inopinata! quàm obliqua! quàm non pro veteri fide & more regum! Nec tamen, mi Leewi, deiicere. erige te potiùs: & vt palma, attollat ſe animus contra nouum hoc pondus. Inſpice ludibria rerum humanarum, & aleam ambiguaſque Fortunæ: quæ gaudet iactum aliquem ex occulto iacere. nec exſpectandum. Hinc ille vulgi ſtupor & querela, Quis putaret? quæ non cadit in mediocriter ſapientem: qui iam antè ita meditatùs, vt ſciat hæc & deteriora poſſe euenire. Vt in bello, etiamſi hoſtis

abſit,

absit, semper excubiæ: ita vigilat ille contra improuisum omnem ictum. Quis fuit ille dies, cum hîc & alibi insulæ totæ aquis absorptæ, aut vrbes terræ motu? Quis eorum, qui tam magnâ ruinâ perierunt, id putasset? Nec exempla nobis defunt istarum, quas patimur, cladium: sed ipsi nobis, qui, insito à naturâ vitio, proni semper ad spes meliores. Quas coërcere tamen potius sit, & laxiores habenas permittere timori. Non deerit consilium aut solatium illi animo, qui timuit quidquid potuit-timeri. Iure à Romano sopho laudatur is versus,

Cuius potest accidere, quod cuiquam potest.

Quem velim impressum tuæ menti, vnâ cum amore mei. Vale.
Lugduni, Prid. Kal. Febr. ∞. IO. LXXXIII.

EPISTOLA XXVII.

Brugas.

LERNVTIO, ET GISELINO.

SALVETE meæ animæ. ita enim meritò vos appellem, quia quamdiu istîc fui, vixisse videor: nunc vitâ frui quasi per umbram. Circumagunt me hæ turbæ in Numidæ morem: & adhuc discurre sine lare, sine certis sedibus. quas tamen positurus in Batauis videor, Ordinum vocatu, & stipendio sanequàm honesto. Sed temporaneas, non perpetuas: saltem,

Dum hæ consilescunt turbæ, atque iræ leniunt.

Aliter videtur quibusdam è meis, qui in mutatione hac rerum ad dignitates & splendores vocant. videatur: mihi stat vetus illud decretum meum, reipub. tam confusæ non misceri. Orpheus ille vester Lugduni est, & (inuideo vobis hunc risum) partes has simulat, & ambit professionem. Exambiétne? non, si Batauos noui: in quibus certè plusculum, quàm pro veteri verbo, auris est & cordis. Eurydice etiam eius hîc: & illa professionem. O Dousa, viuis & Satyram non scribis? Sed ridebimus coràm. Ita enim de vobis recepit mihi Winterus vester, adolescens adprobus & perhumanus. Facite, & properate ad hæc Neptunia loca: in quibus ego cum Dousâ tam arctè, tam auidè, vos amplectemur, quàm Amymonem suam illeipse Neptunus. Sed hospitium quidem vobis (ita iubeo) apud me erit: familiare scilicet & sobrium, nec propter vos maiorem fumum

vicinia

Vicinia videbit. Properate tantum. quod ut magis faciatis, nuncio accepisse me nunc nuper Lutetiâ à Pythœo Trochaicum vetus, cui titulus Peruigilium Veneris, elegans & scitum carmen, & dignissimum illâ ipsâ deâ. Plura non addo. venite, videte, valete. Lugduni Batavorum, Kalendis Veneris ∞.
 ID. LXXIX.

Sed heus tu, Lernuti! est quod à te seriò petant mei horti. non magnum aliquid, sed illud idem quod hortus tuæ, Seminari. Itaque siquid semini tibi superest, non illius Plautini (apage nuptiales nunc nugas) sed istius hortensis: quaeso, hoc nuntio mitte. Habeo enim & colo hîc in ipsâ vrbe hortum, amœnum potius quàm grandem, cõcessu nostri Hauteni. Pro eo, ad Venerem natum mihi herè hoc Carmen. quidni enim friuola mea mittam, ut eliciam gemulas tuas? Ita callidè captator sum: nec nego.

AD STELLAM VENEREM PRO HORTO.

A LMA Venus, quæ cælorum colis ardua templa,
 Quæ maria ac terras vitali semine complex:
 Quâ sine nec flores hortos, nec gramina campos
 Vestierint, neque frugiferas animalia terras,
 Quæ' ve solum pedibus sulcant, quæ' ve aëra pennis:
 Tu dea, tu fautrix hortorum in cultibus esto,
 Adspiresque meo numen genitale labori.
 Nam sine te nil Flora potest, nil flaua Segestis,
 Nodutisque, herbæ pubenti optabile numen.
 Pelle malum virus à floribus, imbricatorque
 Ne noceat Aquilo, neu grando, neu robigo,
 Effice. diua potes. Solis Lunaque potestas
 Te superà: sed consensu tua tertia regna.
 Nec tibi Mercurius certauerit, aut tibi Mauors:
 Ipse tuo fascis submittit Iupiter igni.
 Intereà, dum nos fera mœnera militai
 Exercent, lituique vocant ad ciuica bella:
 (Patria da veniam) Hauteni securus in hortis
 Ipse habitem, fallatque meos cultura dolores.
 Non ego Bellonæ sim victima, non ego Marti
 Miles: nascentique aliis mihi risit Apollo.

*Sat patriæ Belgisq̃ue datum, si fama Camœnæ
Nostræ erit, atque aliquis venienti Lipsius auro.*

EPISTOLA XXVIII.

Herbipolim.

FRANCISCO MODIO S. D.

ERGONE viuis Modi, & nos amas? De vtroque enim ambiguo reddebant & locorum interualla in quibus agis, & silentium quo tamdiu non iustè vsus. At nunc emendasti, & longâ epistolâ cessationis culpam eluisti in parte. nam totam tum demum, si perseuerabis. Et quamquam remotum te doleo seiunctumq̃ue à nobis: tamen quòd in ijs locis, & apud eum virum es, lenit desiderium, & gaudio panè inutat. Amo enim, amo, Germaniæ illum tractû, in quo beatè viximus olim ipsi: & gratulor de hospite, qui, vt scribis, tam benignus est in meliores Musas. Sæpè apud notos prædicaui, sed parum credulos, Homines etiam illa tellus alit ingenio doctrinaq̃ue pares nobis, fide & virtute meliores. Experiris ipse: & magis experieris cottidie, si omisâ inanimum specie, de re iudicabis ex re ipsâ. Intereâ vides portum aliquem & receptum in his studijs esse, per res afflictas: nec vanum illum quicumque scripsit,

⁹ *Artē minuiā terræ
quaniēdant.*

* *Τὸ τέχνην γὰρ πᾶσα γαῖα ἐντρέφει.*

Ego quidem auctor tibi sim nō commouendi ex ijs locis, donec Belgio huic fiducia status melioris. Nam nuncquàm fluctuemur, vides. Fœdera, & domini noui: & omnino aut mutatio, aut interitio rerum. Sed malo aliquid de studijs. Tacitum ad me, siue Eclogas potiùs tuas in Tacitum, si mittes, gratum: & vtar, non sine memoriâ eius, per quem vtar. Paramus enim iterùm vulgare Commentarium nostrum, sed auctiorem. Habemus & libros duos de Venatione iam adfectos, Saturnalium priorum (quæ dilaudas) titulo & exemplo. Sed & de Epistolis meis edendis aliquid cogitabam, si quas colligere aut seruare potui in hoc naufragio nostrarum rerum. Quæ mens iniecta mihi nuper, non nego, per Italos: quorum epistolas ambitiosè editas vidi, & (liberè dicam) non inuidi. Quid enim à verbis cultas eas censeas? sæpè nec Latinæ sunt. à sententijs acutas? torpor & repor merus est. O Italia, vbi Politiani tui, aut Barbari? defecisti: & hoc sæculum ambi-

ambitionis & fuci aliquid fortasse plus habeat, re deferitur & ferri illâ doctrinâ. Etiam Agellius nobis nuper in manibus: deposuimus, postquâ alijs audiuius eam esse curam. De Matulis illis & Petreijs, iam aliquid inaudiuerâ. sed quid? etiam illæ nitedulæ extrahi volunt è suis senticetis? à me frustra. Tu tantum purga me calumniarum eiusmodi apud Posthium: & animum hunc illi aperiri candidiorem vestrâ niue. De poetis Germanis aliquid dixi aut scripsi: at non de germanis, inter quos mihi ipse. Fucos & de honestamenta poetarum saltem tetigi: quorû fertilis sanè illa ora. Vidimus nos, & vides ipse. Quis non ibi somniasse vult in bicipiti Parnasso? Itaque vates omnes audiunt, & prodeunt: & compti sublimesque multi, cum Cæsareâ suâ lauri. Quos non equidem sperno aut rideo: hoc tantum ijs instillo, *Laurigeri multi, pauci Phæbi*. Quin re plerumque didici, minimè re poetas, qui titulo illo sunt & nuncupatione. Extrema tua epistola pupugit me de M. Antonio. Itane est? abijt? certè doleo. Nam æmulatiunculas illas eius (ita appellare malo, quàm calumnias) nihil moror. Habere hoc scio ista studia, ut nescio quomodo faciliè pariant rivalitatem. quam ego serio contemno: sed & hoc mihi serio dolet, contemni per hanc illa. In contentionibus enim istis quis risus sapè vulgi? & iure, cum tam pueriliter desipientes eos videant, qui ad sapientiam alijs magistri. Ratallerum Præsidentem quod saluere tu patronusque iubetis: ille verò saluus. iam pridem enim à nobis abijt ad beata illa loca: idque præcipiti quodam fato. Nam benè valens ad curiam cum venisset, subito deliquio animi concidit, nec surrexit. Ita ereptus patriæ optimus ciuis, nobis amicus. Hoc ante septem menses accidisse scitote, & mecum dolete. Vale mi Modi, & magno illi patrono tuo à me salutem. Lugduni Batauror. Nonis Augusti. ∞. IO. LXXXII.

EPISTOLA XXIX.

Hagam.

THEOBALDO TEELINGIO.

APPELLA me verò, & litteris, & sermone: nec excusa. vaco semper ingenijs, quibus discere vacat: quale est, & spero erit, tuum. Hoc excusa, quòd ad epistolam prosam, carmen non addideris: nam id te decebat. An alienum ab Musis me censebas?

non sum. amaui adolescens & nunc amo, & scio eas esse, quæ lato & læto limite ad sapientiam & virtutem ducunt. Lasciua modò caueatur, & obscenæ illius dæ laquei, quos in Muscis illis arbustis sæpè textit. Tu redux me appellabis reducem, (nam & ipse iam in vltiorem Batauiam exurrebam:) & hoc mihi semper gratior, quò maior in te ardor ad discendum. Ætatis tuæ florem cogita, & æui huius fluxum: quodque Æneas ille Homericus aurigæ suo dixit, tibi ego:

* Verum,
age, nunc
manibus
flagrum &
splendentia
frana Acci-
pe.

* Αλλ' ἄγε νῦν μάστιγα καὶ ἡνία σιγαλέον τε
δέξαι.

Atque vnà salue. Lugd. Bat. postrid. Id. Sextil.

EPISTOLA XXX.

Vienna.

NICOLAO BIESIO *Cæsareo Medico.*

Nos quoque, mi Biesi, Legatum Budensem vidimus. Magna pompa, multi comites: vestis & mores nobis exteris mira. Pellis illa iniecta puerorum antecubitiū humeris, numquid abest à prisco Scytharum ritu & habitu, qui pelliti? non videtur. Vestis illa laxa à Braccis? nihil. Sed & honoris habendi ritum, quem Cæsari retrogradiens exhibuit (sollenne id genti) odoramus esse à Persis. Ammianus suggerit lib. xviii. de Antonio quodam, qui transfuga ad eos eorumque mores: *Simul hoc dicens è medio prospectu abscessit, non aduersus, sed dum euanesceret, verecundè retrogradiens, & pectus ostendens.* Garritum hunc præmissi. plura, si voles, in cænâ: ad quam bonâ fide me sistam. Salue.

EPISTOLA XXXI.

Hagam.

THEODORO LEEWIO S. D.

ITA certè oportuit. in viam, inquam, officij redire, à quâ exorbitauimus vterq; nimium diu. non negligentia aliquâ, vt scio, aut contemptu: sed fortasse dulcedine cessationis, & fiducia amoris. Id enim de me fateor, de te opinor. Quin sæpè sic afficior, vt quemadmodum mulieres, quæ vterum ferunt, ad omnia nauseant: sic mihi nec scribendi libido vlla sit, nec legendi. Mare quoddam mortuum esse aiunt, sine vento sine motu: sic sæpè ego.

Sed

Sed tu me excitasti: præsertim illâ parte epistolæ, quâ consilium à me petis de summâ vitæ. Deliberas de coniugio, aut cœlibatu. Difficile mihi sententiam interponere, præiudicio iam panè deuinctam. Vides enim quid ipse fecerim. Ita nisi à coniugio dixerò, damnem me ipse necesse est aut inconstantia, aut erroris. Sed seponam tamen paullisper eam cogitationem, & de totâ re videbo quasi liber & exsolutus. Ac principio coniugium si quis damnet; impius sit in vtramque legem, & ciuium, & naturæ. Stare genus humanum non posse omnes scimus, sine viri mulierisq; cœtu. Non ergo vniuersè id quæris, credo, an coniugiū probandum: sed strictius, an sapienti, an hoc tempore, an tibi. Sapientiæ studia & vitæ quietem si sequeris; nescio an ducenda vxor. Exemplum veterum sapientū in vtrumvis sunt: ratio magis est vt neget. Si enim liber animus, Deo & sibi vacans, ad sapientiam & tranquillitatem requiritur: non video quomodo adsumenda illa cura, quæ noctes diesque adhæreat, angat, coquat. Si satis molestia in te tuisque cupiditatibus regendis, frænandis: quid aliunde accerfis, cui imperes & moderêre? Cymbam nostram difficulter gubernamus: ecce nauim adiunctam volumus, cum tot armamentis? Et fero adhuc, si reges. sed quid si regere illa vult? si fulmenta lectum scandunt, vt vetus verbum est? quid? nōne bellum tibi non ciuile, sed familiare sumendum est de principatu? At enim moderatam audientemq; tibi speras. Ita censeo, & opto. sed quâ in re vniquam magis spes & vota fefellerūt? An ex composito illo vultu, oculis, verbis, toto corpore ad modestiam ficto, vxorem eliges? crede mihi, nulla fides. Proprium hoc & velut innatum illi sexui, vt crudæ adhuc & vix pueritiam egressæ simulent, fingant, fallant. At enim fide & commendatione aliorum, inquires. Nolim equum sic emere aut agrum. Et quâ in re libentiùs, aut minus cum periculo, fallunt amici? Si in equo aut agro imposuerunt, ex postulandi mihi saltem ius est: at id non in isto. Canetur tibi illud comicum, *Habeas vt nactus*: & querelæ tuæ in ventum ibunt, imò in irrisum. In genere hoc prædixerim de sapiente: iam tempora ista videamus. Si res lætæ & proluxæ: magis ferrem te ligari hoc nexu. Nempe publica solarentur: nempe in spem honorum & felicitis æui liberos susciperes, educares. At nunc quid nisi communes calamitates & bella? ne domi tu quæras. Quid

nisi exsilium, exitium, imminet, & mutatio vniuersi status? ne ad aureum sæculum liberos procudi à te censeas. Denique teipsum (quod tertio posui) intuere. Animus tibi ingenuus, & corpus: id est vires valetudoq; parum firmæ. Ætatis quidem bona pars superest; sed & bona elapsa. ingenium tibi come, molle, quod ferre iniuriam potius possit, quam inferre. Hæc omnia vide sis, an apta ad mores sæmineos nostri æui. Et Diogenes quidem ab omni ætate coniugium remouebat, satis scitè: *Nam iuueni, in- quiebat, nondum ducenda est vxor: seni numquam.* Gracè hoc sonat melius τὸ νέῳ μὴδέποτε, τὸ γέροντι μὴδέποτε. At ego certè non vanè id restrinxi ad statum mediumque hoc æuum, quod velut vinum iam deferbuit; & quale, mi Leeui, est tuum. Hæc in parte vnâ dici possunt, nec pauciora in alterâ: quæ quoniam scio subijci & à te tibi & ab alijs cottidie, laborem non sumam in ijs recensendis. Eò minùs, quòd frustrà scio suaderi coniugia aut dissuaderi: quæ à cælesti nutu & à fato haud vanè esse dicuntur. Benè Euripides,

* *Fatalis
est viro at-
que femi-
næ thorax.*

* *Εὐνὴ γὰρ ἀνδρὲς καὶ γυναικὶ μορσύνει.*

idque didicimus nos ipsi. Bina Socratis monita tantùm addam. Primum, iuuenes cælibes similes esse piscibus, qui alludunt circum nassam & gestiunt inire; contrà, qui iam inclusi, exire: simile in matrimonio esse, quod ambiunt liberi, damnant capti. Alterum, Sciscitanti cuidam Vxorem an non duceret? *Vtrumuis*, inquit, *feceris, pœnitebit.* In quo verè oraculo concludo, & ambiguum te sententiæ meæ relinquam, non amoris: qui tam verbosam à me Epistolam expressit. Vale.

EPISTOLA XXXII.

Lutetiam.

IOSIAE MERCERO S. D.

AD me verò sæpè eiusmodi muscæ aduolent (ita per iocum te appellas:) imò apes. quoniam tu & litteræ tuæ plenæ suauitatum, & meri mellis. Ipsâ quidem causâ scribendi quid mihi gratius? Appetere te amicitiam meam: quæ si vltro offerenda sit tam benè natis ingenijs, nihil abeam à decoro. Tu tamen antevertisti. etsi non ignotus planè, vt ais: quia famæ aliquis radius te quoq; illucet à magno illo patre: cuius eruditio, & virtus, clara apud

apud omnes. Et tu succedes, imò præcedes: si pergis modò in hoc laudis stadio, quod currere cœpisti recto & felici pede. Nam notæ tuæ ad Cornelium nostrum quas mittis (verè, nō blandè dicam) vix tuæ ætatis. Macte hoc acuminet, quod vide te, quæso, ne ambitio deprauet aut calor. Nam illud nisi ad rectum maturumque iudicium dirigis; nocet, non iuuat, & infligis scriptoribus vulnera, non sanas. Nos Tacitum vulgare iterum paramus, cum Commentarijs nostris (siue Notæ erunt) ad omnes libros. Nam priores sanè illi ad Annales, refingendi etiam sunt: quia & lapsus alibi sum, & quædam mihi elapsa. Cur negem? semitam sæpè ingredior, cum maximè censeo viam: & gratiam seriò habeam, si quis corrigat, dirigat, reducat. Ad P. Pythœum litteras iam nuper dedidi. accepitne? inquire obsecro. Nam ipse quidem silet: at non in illum meus amor, quod indicabis, & salutē à me nunciabis ipsi & fratri. Vale. Lugduni in Batauis. Idibus. Martijs. ∞. IO. LXXXII.

EPISTOLA XXXIII. *Gandavum.*ALEXANDRO RATLO *amicissimam salutem.*

LECTIS litteris tuis, mi Ratlo, & dolui dolorem tuum, & gauisus in constantiā sum: quòd videam te quæ euenerunt ita terre, vt ferenda humana sunt, & vt dignum est ijs sapientiæ studijs quæ tractas. Nam reuera hæc bella, hæc turbæ, hi discursus, quid aliud quàm ludi? cruenti fateor, sed tamen ludi, ~~quorum sumus ædificatio & spectacula nostrorum negotiorum~~. Itaque non ferenda solum ista, sed ridenda. Et vidēsne cum nuces sparguntur, vt currant pueri, & rixentur? idem isti, qui oppida & arces rapiunt, diripiunt, alieno malo & suo nullo bono. Atqui ea ipsa quæ tanti faciunt, propter quæ sudorem sanguinemque fundunt, si dimotâ vulgi nebulâ consideres, nuces sunt. Quare mi Ratlo mittamus ista, & habeamus eo loco quo sunt: id est, pro nugis. Ad nos redeamus, & ad eum quem dicis * τετραγωνον λίδον: in quo solo quies ^{* lapidem quadratū.} & tranquillitas firma: cetera fluminis ritibus feruntur, vt canit Poëta ille inter verè sapientes. Senecam nostrum tibi placere ex animo gaudeo. Scio non alios è priscis magis consentire cum Christianâ pietate, quàm eos qui è Stoicâ domo. In quo numero etiam Arrianus est, qui digessit Græcè dissertationes Epicteti, mihi valdè proba-

probatas. Quære, moneo, & lege. Nos hîc turbæ iterùm exercent, quæ sub discessum tuum sopitæ. sed sopitæ tantùm : nam euigilant iterùm & viuunt, metuo ne in reip. malum, & scholæ nostræ exitium. Nisi fallor, ea imminet, vt non discessisse à nobis videre, sed nos præcessisse. De Gallis mihi quidem ænigmata. Veniunt; non veniunt; volunt, nolunt: audent, timent; & omnia ancipiti metu suspensa & suspecta. Turcarum princeps aliquid in Africâ mouet: & aget is saltem bonâ fide. Mitto ad te Saturnalium meorum primam partem De Gladiatoribus, vt videas cruentas etiam illas in pace pugnâs. Salutem quibus dici voluisti, dixi: iidemque te refalutant. de patris tui morbo doleo: quem à me saluta, & tu vale. x. Kal. Feb. ∞. IO. LXXXII.

EPISTOLA XXXIV.

Brugas.

IANO LERNVTIO.

SPES iterùm me fefellit. quid fecimus, quòd totiens in nos vana ista dea? Mercurialis ille hodie ad me rediit, negauit posse. Rem dicam? poscere volebat, nec audebat: quia collybum vulgò iam dinumerant trium florenorum in centenos. Id lucellum inhiabat; nec petere scilicet ab amico volebat, nec ego dare, te inconsulto. Tu dispice illîc. aut, si vis, Atuaticum excurrere in hoc statu abeuntium, redeuntium, transferentium, reperies qui velit. Loquere cum Moreto, efficaci ad res tales. Sed quid me celasti? tunc Grudios? Peream, nisi adprobo: ad quietum locum, amœnum, &, quod caput, amicum Paci, & eximium à milite ac Marte. Si expedire te vinclis possessionum tuarum potes, abi, curre, vola. Ego nōne aliquando vicinus? si dî me, & mihi Iscanum meum seruant, quam sedem destinaui reliquæ huic vitæ. Cum lege, si securitas illîc; si status, quem Modestia & Probitas non spernat. Parère boni possunt & debent; seruire, ancillari, adulari, non nisi vitiorum ancillæ. Valeat autem æternùm mihi patria, si valebunt in eâ ista. Tu quoque, mi Lernuti, (sed ab aliâ mente) mihi vale. I. Octob. ∞. IO. LXXXV.

EPI-

EPISTOLA XXXV. *Antuerpiam.*

FRANCISCO RAPHELENGIO.

DILATVM mihi responsum ad superiorē epistolam tuam, non dimissum. Dum enim cottidie discessum sororum tuarum exspecto, atque aliud ex alio interuenit; septimanæ aliquot in hoc silentio exactæ, vt vides. Ceterum grata mihi tua scriptio, vti & amor: cui à me cum fide respondebo. Filius tuus in studiis perseuerat, & effecimus ne quid Typographia auocaret illum aut impediret. Cursum certè hunc studiorum interpellari aut sisti, non erat è re eius. De filio altero tibi agnato, gratulor: etiam filius tuus, vt videbis è carmine Genethliaco, quod credo illum iam misisse. In Constantiâ nostrâ pergimus: sæpè negotiis, sæpè valetudine, retardati. Iuuat tamen opus argumento saltem vtile futurum hodie multis. Nubem enim hanc temporum vides: nec Solem aliquem qui pellat. Ille quidem Gallicus, qui * DISCVSSVRVM se promiserat, videtur FOVISSE. * Ad dictū eius allusum: Discutit, & fouet. Et Austri isti cum Circiis mixti & iuncti, vereor vt dent maiores tempestates. Omnia hodie Principum, infida, intuta: nec veri solatiij vsquam spes, quàm in se cuique. Firmemur iam antè contra hæc omnia, quæ euenire homini non solùm possunt, sed communi quadam lege debent. Ciceronis falsi Consolationem vidimus. quæ me quidem adeò non erigit, vt deiciat potiùs: scripta videlicet frigidè, solutè, & verbo dicam, ineptè. Quis ille tam stultus, qui sperauit se posse imponere nobis falsâ hac persona? sub quâ latet aliquis ne superioris quidem, vt suspicor, æui. Bardi Typographi, qui tam ambitiosè hæc diuulgant! sed credo in nostrum risum, & suum quæstum. Valdè me Ciceronis poeniteat, si ille vel in medio dolore tam elumbis. Nusquam nerui, nusquam sententiarum sanguis: ne color quidem verborum, nisi cum cerusâ & fuco. At tu vale, & sine eo me ama. Delphis. huc enim sorores tuas abeuntes deduximus. III. Idus Septemb. ∞. IO. LXXXIII.

EPISTOLA XXXVI.

Viennam.

IOANNI SAMBVCO S. mitto.

DIV mihi nullum alloquium apud te, ne per litteras quidem. causâ & temporum horum, quæ nos turbant: & locorum, quæ sciungunt. Nam nos, ut audisse te credo, in Batauis agimus, apud Oceanum verè vndosum: & iactamur ciuili tempestate, tibi non ignotâ. At nec loca tamen, nec tempora, gratam mihi memoriam Sambuci excutiunt: quam testari volui per hanc occasionem, primò nunc datam. Qui enim illuc viam affectaret, præter hunc adolescentem, nactus sum neminem: & nuncij illi ordinarij, ordines deseruere per hæc bella. In studiis, dum Mars hîc feruet, languidè versamur: ita tamen, ut cogitemus editionem nouâ Taciti, cum pleno iustoq; Commentario in eius omnes libros. Eâ in re iuuari me à te posse sentio, vsu libri manuscripti, quem memoriâ teneo Viennæ olim vidisse. non illum quidem antiquissimū: sed è quo tamen non dubiè aliquid eruamus, & Criticâ istâ sagacitate indagemus. Quare si eum ad tempus gratificari mihi volueris; amorem in me ostenderis, & simul morem tuum tenueris rei litterariæ adiuuandæ. Videtur sub has nundinas tutò transmitti ad Plantinianos posse: quibus mandata dedimus accipiendi, adseruandi. Velim voluntas tibi & occasio in mittendo non desit: nobis fides constabit in remittendo. Salue ab eo qui meritissimè te amat, Iusto Lipsio. Lugduni Bataur. Kalend. Mart. ∞. IO. LXXIX.

EPISTOLA XXXVII.

Hagam.

THEODORO LEEWIO S. dico.

SEMPER amo litteras tuas, præsertim eas quibus (ut sic loquar) nota aliqua impressa est bonæ mentis. Vel hæc postremæ quàm sine adfectione prudentes! quàm verè Philosophū referebant, & sine vllo fūco! Itaque ut calebant adhuc à meâ latorisq; manu, iis rescripsi. Melonis tui odor vel hucusque nares meas adflauit: & mentior, nisi saluam mihi mouet & desiderium

siderium gustandi. Sed cohibe tamen. & vide ne gnatum illum, qui vnicus nobis, nimium properè auellas à matre. Auster saltem & imber hic abeat, & soles aliquot videat puriores. tum licebit.

Extremum hoc oculis lumen radiatum rape.

De Alenconio me herclè quid dicam nescio: ita ænigmati similis res est. Venit, non venit: accessit, recessit. Credo non illum Callipidem, qui prouerbio locū fecit, tardiùs ambulasse, quàm hunc subnixum tot equitum alis. Nec aliud tamen adhuc audimus quàm, Veniet. Si seriò hæc aguntur, facilè præfagio difficile & diuturnum bellum: cuius exitus Deo in manu est. Ad nos quidem quid ista? non magis quàm si Æthiopes inter se beligerent, aut noui Indi. In animo nobis pax sit, cum affectibus concordia: & ecce omnia tranquilla. At enim patria periclitatur. Fateor. sed quis nostrum iter præcludet publicis fati? Habent ista transitus suos, imò interitus: quorum tempora cum venerint, nulla vis aut consilium ea firmet. Et tamen illi ipsi patriæ, cum res feret, non manu, non mente, deerimus: atque hoc scilicet agemus, vt non solum boni viri simus, sed & boni ciues. Vale mi amicissime. Lugduni Bataur. xv. Kalend. Septemb. 1600. IO. LXXXI.

EPISTOLA XXXVIII. *Rostochium.*

IOANNI IONSTONO SCOTO.

QUOD & me amas, & Constantiam meam laudas, mi Ionstone: alterum valdè amplector & approbo, alterum timidè, quia scio reipsa non attingere me culmen hoc laudis, in quo collocat me tuus affectus. ~~Est tamen nonnulli sordidum, quod Deo obnoxium (qui illam) potius cum, et in seipsum, sumere.~~ Quidquid huius est, amo iam, amo Constantiam meam, quæ tam multos mihi conciliat amicos. In quo numero vt fidenter te deinceps censeas, mi Ionstone, iubeo, non solum rogo. Quod si Deus mihi tangere & videre Germaniæ solum iterum dederit (fiet fortasse voto citius, vt res hîc fluunt) te videbo, & dexteram iungam, testèram Fidei & Amoris. De Carmine gratiam tibi habeo, magis magisque ha-

biturus, si crebrò me epistolis tuis salutaues, in quibus notas claras video elegantiae priscæ & doctrinæ. Lugd. Bat. XI. Kal. April. ∞. ID. LXXXVIII.

EPISTOLA XXXIX.

Lutetiam.

IANO GVLIELMIO S.

LIBENS vidi Quæstiones tuas Plautinas, mi Gulielmi: in quibus non doctrinæ solùm notæ vberes & acris cuiusdam iudicij, sed etiam amoris in me tui. Partem enim mihi inscribis. cum magnâ meâ gratiâ (liberè profiteor) vel quia scriptoris eius res est, quem amo vnicè, vel quia beniuolentiæ hoc testimonium me delectat ab eo, quem æstimo, quemque amo. Ego profectò si vnquam occasio erit, præstabo me ad gratiam referendam non modio, sed horreo toto. At in libro eo tuo, magnæ mihi voluptati non semel interpositum iudicium, de studio Sapientiae & Morum. Maeste hac sententiâ! Obsecro enim, vt quid ista humanitatis studia tam ambitiosè adfectamus, tantùm propter ipsa? Abutuntur plerique ad malam & vanam pompam, vt scis, verè cum Appione illo cymbala quædam inanis iuuentutis. Tibi melior, vt video & gratulor, mens: atque vt porrò sit, quæso & horror. Nostrium illud de Constantiâ censeo vidisti. nunc damus De Amphitheatro, & cis paucos dies habebis: etsi opus ludicrũ, & natum mihi per remissiones, vt stilius ipse indicabit. Dedi litteras ante septimanas sex ad Egmundum, quibus inclusæ alteræ ad Busbequium de te, imò pro te. quid iis factum, nescio. quia hætenus nihil inaudiui. Quæso inquire. Ille quem tangis, quid & vbi agit? Vtinam in gratiam cum virtute redeat! nam mecum tunc vt volet, & quando volet: Busbequium si conuenis salutem illi à me dicito: & è iuuentute selectâ, Iosiae Mercero, si nosti. Passeratio item doctori publico, & si quibus aliis ex eo numero procerum innotuisti. Vale.

EPISTOLA XL.

Brugas.

IANO LERNVTIO S. D.

CISTAE tuæ hesternò die ad me perlatae binæ. hoc ante omnia scire te volui: sed perlatæ benè madidæ, per continuum imbrem. Itaque valdè veremur, si quid in iis sit, quod periclitetur ab vdore, ne putifcat: præsertim si quid è lino aut lanâ. Cogitet tua vxor: & si videtur, aliquem fidum huc mittite, qui inspiciat, aperiat, euentilet. Nos quidem amicam & sedulam omnem operam custodiamque pollicemur: quantum id pote. Collocabimus etiam eas bono & aërio loco. Scripsi bis ante septimanas aliquot, & valdè fallor si meas non accepistis. Carmina tua adhuc apud me sunt. Doufam enim exspecto in horas, cui velim ostensa. Ego, nisi quid interuenit, intra septimanas duas aut circiter Antuerpiæ ero. velim sanè te videre & amplecti: & si illuc venis, posses mecum pergere in Batauos: atque ita ipsum iter nobis non sine gaudij & amoris fructu. De Giselini re, omnia hæctenus nequiquam, & nonnihil turbellarum inter Magistratum & Curatores, occasione professoris cuiusdam admissi Senatu inconsulto. Priuata profectò & publica turbant. quid refert? si quies modò apud nos & in hoc animo sit: ex quo puro siue impuro, liquidum omne aut turbidum manat humanarum actionum. Vt in corpore ægro & corrupto, quidquid infertur, alimentum est morbi, atque abit in noxam: sic in homine, qui internum illud non depurauit. pectus dico, fontem & originem cupiditatum. Opes adfluunt? auaritia te torquebit, & angor seruandi, dispensandi. Desunt? inopiam non feres, & quæres eas per vndas & per ignes. At motus ab animo petendus est: cui composito semel & securo, numquam superest aliquid aut deest. Sola, mi Lernuti, quies est & internæ illæ opes,

* Οἷον τ' εὖ ζώσι, καὶ ἀφνειοὶ καλέονται,

vt ait Homerus. Vides philosophari me tecum: nec excuso. amplius dico, Sæpè faciam. Valdè enim te tuamque egregiam naturam trahere ad hæc alta velim (quò scio propendes:) & collocare te supra hominem, etiam dum es in humanis. Et enitèris, si nitèris. Vale, & salueat à me virorum optimus noster Gise-

* Quæi re-
tè viuunt
homines,
ditescit pu-
tantur.

linus, à quo responsum exspecto, sed non lentum vt solet.
Lugduni Bataur. III. Non. Feb. ∞. IO. LXXXIV.

EPISTOLA XLI. *Pontem-Museum.*

GODSCHALCO STEEWECHIO S. D.

MIHI & scriptio tua grata, & magis Coloniam reditio:
quam extra noxam fuisse gaudemus, etsi non extra me-
tum. Scimus quàm intutæ viæ his temporibus: quibus ad
iniuriam omne ius prædonibus non militibus, dant hæc la-
trocinia non bella. Tu quoque gaude. portum enim iterum
attigisti, in quo acquiescere possis, Musarum suauiter adspi-
rante aurâ, sine vento vlllo aut nimbeciulis huius tempesta-
tis. De promissis Plantini, securus es. hominem non nosti, si
ambigis: & credi illi potest, tamquam Fidei ipsi. Nec tamen
deero submonere, cùm redierit: quod fiet cis paucos dies. De
Modio, certè amicus ei sum. (ingeniû & adolescens eius virtus
ita merentur.) ac valdè auctor tibi, sic rem in scriptis tuis tem-
peres, vt nequâ parte eum aut stringas aut lædas. lædas au-
tem? laudes imò volo. Ita de illo ipso Vegetio meruit: &
sepone mihi, sodes, omnes istas æmulatiunculas, quæ inter-
currunt hæc studia malo iure, malo more. Inuidet quispiam?
hoc ipso inferiorem se ostendit. quia apud humiles diuitia-
rum animos habitat, & in altos dirigitur liuida illa dea. Sed
tu non talis. moneo tamen vel ex superuacuo, quia peccatum
hoc in litteratorum nostrâ gente peccatur hodie nimium cre-
brò. De Vegetio ipso sic sentio. scriptorem non malum po-
tius, quàm bonum esse: & hoc tamen quod in eo boni, de-
prauatum & pollutum à patribus variâ labe. Creber enim in il-
lorum manibus: quæ nec innoxia vsquequaque, nec puræ. sed
nec oculatæ. Itaque non iniuria ad perpurgandû cum tu Modio
nostro velut optio succedis: & opto vt cum publico fructu,
cum tuâ famâ. Quod fiet, si stilum manumque modestiâ
quâdam temperabis & diriges: malisque ambigua quædam
vulnera relinquere, quàm districtè auferre omnia, & præcipiti
quodam ferro. Medicos in Criticâ istâ ferre possum: sectores
ad Matrem deûm ablegem, procul à virginali nostro choro. Vale
mi

mi Steevvechi, & mutuiter me ama. Lugduni Batauor. Po-
strid. Nonas Octob. ∞. ID. LXXXII.

EPISTOLA XLII.

VltraieEtum.

THEOD. CANTERO S. D.

ITANE Dalius noster abiit? abiit, non visurus amplius, non videndus. Sanè dolui: eò magis, quòd subita ea plaga, & præter expectatum. Nā letalis quidem ille morbus (phthisis enim vera erat:) sed quis putasset tam præcipitis eum fati? Trahere, vt scis, plerumque solet, & lento passu ducere ad Orcium illum thesaurum. Sed nimirum vt nauim interdum improuisus vortex absorbet: ita homines nigra dea. & præsertim eos, quibus indoles melior, & ingenium supra annos. Quod in Daliò planissimè fuit. Claudium Quadrigarium scribere memini: *Hæc maximè vexatur deorum iniquitas, quòd optimum quemque non sinunt inter nos diurnare.* Aptè & verè. nisi quòd iniquitati impiè tribuit, quod est æquissimæ æquitatis. Cur enim cælestes illæ animæ diu in hac face?abeant imò, & euolent ad suū cælum. De Arnobio, vrge cœptum. Quis post Tertullianum inter sacros scriptores doctior? ideoque doctorum limâ dignior? Etsi bona sanè in eo opera Gelenij: quamquam interdum (quis non Criticorum?) exerret per acumen nimium aut calorem. Saryram quam vulgaui his diebus, en tibi. Nomen te terret? frustra. edentula est, & vt antiqui nostri loquebantur, planè innox. Lasciuiam alibi agnoscas, nusquam morsum. Artemidorum tuum totum auidè legi, & velut ἀμύς. Nescio quomodo non sperno totum hoc diuinare (id quoque fortasse à nostrâ porticu:) & eam rem visus mihi ille commodè & acutè tractasse, ex ipsis fontibus naturæ. Salue. & salutem à me, vt Comicus noster ait, plenis faucibus propina Lamberto Burchio Decano, viro qui litteras & literatos vnicè amat, ideoque digno qui ab iis vnicè ametur. quod me bonâ fide facere ei nuncia, imò sponde. Lugduni Batauorum, quo die Cæsar olim in Curiâ Pompeij. ∞. ID. LXXXI.

In Arnobij tui isto loco, libro I. *Et tamen, ô isti, qui pollutas res nostras vitiorum criminamini: sribiligenes & vos istas in libris illis*
maximis

maximis atque admirabilibus non habetis? Nōne aliud hęc Vtria, aliud dicitis hos vtres? calus, & calum? non item filus & filum? crocus & crocum? fretus & fretum? sanguis & sanguen? Odor duplex vitium. Ac primū scripserim, res nostras vitio verborum criminamini. Fugit enim omnino prior illa verbi syllaba, retrahenda ex Arnobij ipsā mente. Hoc scilicet politi illi & docti Romani obiiciebant nostris, solæcismis obfitas res nostras, vitiorum deformitate pollutas, vt ipse præmisit. Responder: variari sermonem pro arbitrio, & illos ipsos veteres à talibus solæcismis non abfuisse. Nam, inquit, aliubi hęc Vtria, aliubi dicitis hos vtres. Ita enim alterum vitium tollo; Aliubi, inquam; scribo, non Aliud. Clamat res, & sequentia exempla. An enim aliud sanguis, quàm sanguen? fretus, quàm fretum? Minimè. Variatum tantum licenter genus ostendit, & modò Vtres positos ἀντὶ τοῦ ἀσυνωνίᾳ, modò Vtria. Ecce in Nonio: Vtres vsu generis masculini tantum. Neutri, Liuius Andronicus: Flacci teget Vtria.

EPISTOLA XLIII.

Hagam.

THEODORO LEEWIO S. D.

TE verò laudo, non imitaris meam pigritiam, & quamquam ad binas tuas iam silui, tamen tertiis etiam laceffis. Et si, mi Leewi, nulla hęc pigritia. ignoscas aut miserearis potius, si scias quàm per omnes hos dies distrahar & distinear negotiis nec feriis nec bonis. Amici & alieni adpellant, interpellant: ad conuiuia vocant: & hoc putant comitatem, auferre mihi vsum veræ vitæ. Pareo tamen, & quamdiu in hoc proscenio sum, sustineo personam. Mallem ad interiora illa gaudia diuertere, studia dico & sapientiæ exercitationes: à quibus non per hęc solum acerbissima tempora, sed etiam latiora, veros petam quietis & gaudij fructus. Sed differo sæpè illa, non dimitto: quod tibi etiam vsu venire certò scio. Plantinus nunc adest, seriò à me monitus de *Thalete illo Gallico, seriò ad suos iterum scripsit: & illi responderunt iam Lutetiā se petiisse. apud nos scilicet sapientia illa non habitat. De adolescente quem nuper mihi commendaras: scis quàm omnia velim tuā causā. Hoc tamē nolo. & si rationes omnes meas audias, scio, ipse non velles me velle. Multis iam recusavi. quos omnes offendo, si vnum admit-

* Ita indiget
getauit Mi-
chaeli Mā-
tani librū
Gallicum
Gustuum
titulo: pro-
bum, sapiē-
tem, &
valdè ad
meum gu-
stū.

admittam. denique rimam aut fenestram hanc si aperio, toto ostio admittendi alij sunt. Quies autem mea id non patitur, & ratio vitæ quam per silentium ago. Peto ergo vt id excuses: & maiora aliqua à me petas, cum opus erit, non neganda. Institutum tuum de omisâ domo, hætenus probo si in eo perseueras. Semel enim constituendum est quod vitæ genus eligas, solitarium an sociabile, illud cum paucis & sapientibus quos melior Deus adspexit, commune tibi futurum; hoc, cum multis. Et vtrumque tamen illi rectum, qui incommoda vtriusque fert. nam vt omnia tollas, vanè cum vulgo speres. Siue vxor ducitur, siue omittitur: habebis quod doleas, quod querare. nec in hac omni vitâ tam optabile aliquod bonum est, quod non mixtum poculo aliquo inœrorum. Hæc publica & æterna lex: cui, improbus & refractarius est, quisquis repugnat. Vt athleticis olim fors non electio aduersarium dabat, cum quo certarent: sic cuique nostrum vitæ suam conditionem fata, cum quâ luctemur. Hanc vincere oportet, id est ferre. Huius enim pugnæ robur omne in patiando est, & victoria in cedendo. Res publicæ non in bonâ spe. Præcipuæ aliquot Flandriæ & Brabantia: vrbes nauscare incipiunt, & fastidire præsentem hunc statum. siue diuturnitas belli id facit, siue gubernatio non vsquequaque inculcata. Consilia arcana agitare dicuntur de paciscendo cum hoste. quidquid horum est aut erit, nos pessima timere nihil nocuerit: & vt pugiles, iam nunc parari ad strenuam cum omni sorte pugnam. Paupertas imminet? exsilium? carcer? proponamus interdum animo has imagines; & persuadeamus illi quàm nihil in his aut certè non multum mali sit illis, qui mala ea non putant. Reuerà enim vti opinio diuitias bonum fecit, sic eadem inopiam malum. Sed hæc facilia dictu videntur: fortassis etiam factu, si quis conetur. Nunc plerique eò stultitiæ venimus, vt nec aspirare audeamus ad bonam mentem. Sicut ij qui phrenesi laborant, irrident aut verberant suos medicos: ita nos. Vale. & me amantissimum tui, ama. de hortulo tuo nihil narras noui. meus in eadem causâ. qui iam pridem animâ agit, aut potius egit. Credo enim per huius ipsius dici æstum ablatum illi omnem succum & vitam. Hoc quoque feramus. Leidæ. viii. Kal. Iun. ∞. Io. LXXXIII.

EPISTOLA XLIV. *Antuerpiam.*

GASPARI SCHVERMANNŌ IC. S. D.

LITTERAS tuas, mi Schuermanne, libens vidi: at nondum sororem. quam ne frustra mihi commendaueris efficiam, si quā in re operā meā illi vsus. Constantiam nostram quod laudas amasque, gaudeo: complecti magis te velim & amare virtutem ipsam. quā certē in omni auro, & hoc nostro inprimis, opus. Hostis, ut audio, vicinus vobis, perfidiā eorum in quibus nunquam fuit eritque fides. qui ut trutina in eam partem vergit, in quā plus ponderis; sic ipsi in eam, vbi plus aris. Pestis iam olim & calamitas nostri fundi. sed quā auertas? cū etiam nunc immixti nobis, nec longē à clauo, quibus idem morbus. Ambitio aut Auaritia multa regna & opida euerit: utinam ne vtraque hunc Belgicæ statum! Hortaris me, ut iuueni. votis possum, non consiliis: quis enim audiet? Publicè dico. at priuatim si quosdam possim erigere, & in singulis ciuibus de totā patriā benè mereri; non immunis hæc mea quies. Conati id sumus in postremo hoc scripto, & conabimur porro, si Deus mihi dat vitam. Nam otium ipse mihi parabo, etiam in æstu negotiorum. Gabrieli Roelandio, adfini tuo, velim ex me nunties beneuolam salutem. Verè eum amo & æstimo inter paucos meos Belgas. Vale. Lugduni Bat. postridie Non. Nouemb. ∞. IO. LXXXIII.

EPISTOLA XLV.

Toletum.

ANDREAE SCHOTTO.

CARVISSE me alloquio litterarum tuarum tamdiu, mi Schotte, non re solum, sed cogitatione molestum fuit. Illud, quia priuari voluptate eā mihi durum: istud, quia trahebatur animus hoc silentio in varias suspicionum partes. Quid censerem? mutatum esse te? non fidei tuæ videbatur, non amoris. Offensum? verebar. utique cū oculos flecterem ad illum, qui non mihi, non bono cuiquam satis bonus. Sciebam litteras te crebrò commutasse cum eo, & sermones: sciebam & hominem duplicem, cuique (sed non mente Ennij) *plures lingue & plura corda.*

In

In aliis didici, quàm illi volupe disiungere & soluere, qui mihi iuncti. At rursus tuæ prudentiæ videbatur, non temerè ei credere, qui aliarum rerum apud te sæpè vanus. & vt video ac gaudeo, haud planè credidisti. Litteræ hæ tuæ mihi testes, scriptæ ex veteri more & amore. nam binas alteras, quas dedisse dicis, non vidi. Istæ me delectarunt; & te mihi restituerunt, me tibi. De mansionem in Toleranâ vrbe, & in illustri domo, gaudeo. eò magis, quoniam splendorem hunc cum fructu video, nec interiora illa tua studia interpellari aut abrumpi: quod sæpè in illis aulis. Senecam patrem quòd paras, approbo. Vnicè me sapientia in filio delectat: in patre comitas, lepos, & facundia quædam profluens ac simplex. Sanè Controuersiarum illi libri mirificè non corrupti solum, sed abrupti: atque opus in eliminandis ingenio meliore, sed in primis libro. quem valdè veterem & integrum si repperisti, vt ais, apud Couarruiam; vt ere, fodes, & adnitere. nos inuabimus in parte. Nam quæ notata mihi, quidni transmittam libens? De Lanoij nostri morte, valdè mihi acerbum. Amabam adolescentem altæ indolis, niuei pectoris: & destinabam cum olim in corruptâ hac nostrâ nobilitate velut geminam. De Papio etiam, vt video, inaudisti: qui mersus Mosâ flumine, dum in eo iuueniliter ludit & natat. Sed hæc tristitia. illud lætius, quòd amicum mihi te interprete & tamquam parario conciliatum video Ant. Couarruiam, virum à stirpe, à fratre, à se verè illustrem. Deus bone, quæ illa ad me epistola! mentior, si ab aliquot annis litteras vidi magis litteratas. Imbutum profectò arcanâ doctrinâ pectus illud oportet, quòd promittam docta. Quidni ita iudicem? facile nobis * *ἐν τῇ νεκρώσει τοῦ ὁρατοῦ γε γινώσκων*. Veterani venatores ceruum ex impresso vestigio dinouerint: ego ex scriptiunculâ virum. Saluta quæso à me: & quoniam te ferente, & sub tuâ velut manu, hæc amicitia surrexit, effice vt eodem te irrigante, augeat & crescat. Libellos nostros misimus, & in his Electa: in quibus reperies amicam memoriam tui. Iure. quia amamus te, & æstimamus: quod velim à te mihi fieri, alterum certè. Vale. Nonis Iulij. ∞. IO. LXXXII.

* è simbridi
de veste in-
dicare.

EPISTOLA XLVI. *Ultraiectum.*

EVERARDO POLLIONI S. D.

LITTERAS tuas & adiunctum Carmen, Euerarde, legi lubens. Alteræ memoriæ mei; alterum diligentiam tuam testabatur: quam te non remittere in ipsis remissionibus, lætor. Et ita te dignum est. Quid ætatis sis, vides. in hoc vere, nisi virtutis doctrinæque feceris sementem, frustrà cum ætas erit, expectaueris fructum. Indoles tua ingeniumque ad alta te vocant, & sæpè Homericum illud instillant:

*-Omnis
virtutis
memor
esto.

— Παιδείας ἀρετῆς μνημονεύο:

nec nos monitores tibi defuimus aut doctores. Nisi sequeris & adsequeris, præter ipsum te, quem culpes? Feriæ nostræ finem habent cum ipso Caniculæ fine. Sub id igitur tempus te expecto: sed ad Valerianum scitum: *Vegeta ingenia quò plus recessus sumunt, hoc vehementiores impetus edunt.* Vale. Lugduni Batauorum. VI. Idus Sextil. ∞. L. LXXXI.

EPISTOLA XLVII. *Antuerpiam.*

GABRIELI ROELANDIO IC. mitto salutem.

GRATAE mihi tuæ gratiæ: quas tamen ita ad me mittis, ut ipse eas non dimittas. Habitant enim apud te illæ Diuæ: nec aliud pectus magis amant, scio, inter meos Belgas. Fama ita mihi antea dixerat: nec mentitam eam, firmant lepide istæ litteræ & litteratæ. Atque vtinam post hos nimbos lux & sol aliquis tranquillitatis; in quo apricari nobis liberè liceat, & sermones sæpè miscere, non solum scripta. Voueo. quid sperem tamen nescio, cum oculos deflexi ad hunc rerum statum: qui indies minus stabilis, & nisi à Deo aliquo fulciatur, (non enim à Gallo illo tibicine) ruet. Iani Guilielmi litteras accepi: paullo antè etiam librum Questionum, quem ego ita probo, ut negem aliquid melius in hoc genere vidisse ab aliquot annis. Rectam viam adolescens ille ingressus est: & ingenium in eo ac iudicium pariter magna. At tu mi Roelandi salue, quod ut mihi quoque magis magisque sit, litteris me tuis sæpè appella. Doufa, nisi fallor, scriptu-

rus est, quem scire debes tui peramantem. Ad finem tuum Schuermannum saluta. Lugduni Batau. Non. Maijs. ∞. 10.
LXXXIII.

EPISTOLA XLVIII. *Viennam.*

CAROLO CLVSIO S. D.

ET salutem à te accepi, mi Clusi, & munera quæ Plantinus noster reddidit; bis mihi grata, quia & à te missa, quem tacito quodam sensu dudum amo, & quia missa in optatum mihi finem. Vis enim ea fanciendæ amicitiae esse, & offers velut arras: quas libens accipio, & restipulor tibi sanctè, eâ fide & officiis cultum à me iri hanc nouam amicitiam, quæ sunt inter verè bonos. Talem enim te scio, nec minùs integritate & ingenuâ quadam virtute clarum acceptumque, quàm doctrinâ. Atque vtinam tempora aut conditio nostra permittant, minùs longè vt absimus: non litteris solum beniuolentiam hanc foueremus, sed alloquijs & adspectu. Sed istud quoniam non datur, nec fortassè citò dabitur (augescunt enim hæ turbæ, & in isto mari cottidie maiores fluctus:) quod relictum est alterum amplectar, & te amicissime Clusi per chartaceum hoc æquor (vt cum poëtis loquar) sæpè adibo, sæpè salutabo. Vale. Lugd. Bat. Non. Maijs, ∞. 10.
LXXXIV.

EPISTOLA XLIX. *Antuerpiam.*

IOHANNI VIVIANO S.

VTRVMQUE libellum carminum tuorum accepi, mi Viuiance: gratissimum mihi & argumento, & tersâ (ita sentio) versione. Sciunt experti, quàm arduum sit in talibus & mentem scriptoris exprimere, & non abire à proprietate aut venustate prisci sermonis. quod vtrumque egregiè es adsecutus. Atque meo voto, poëtæ nostri alij laborent in similibus argumentis: quibus non oblectari tantùm animi possint, sed instrui & iuuari: pietas & mores inferi, qui nimium exsulant ab hoc æuò. Itaque Proverbia eiusdem regis, hortor te, accelera & vrge; quibus ne in externâ quidem sapientiâ melius aliquid apud omnes Sapientes. Otium nōne adest? Mercurius certè vester non calet. Mars

vobis ante portas, & hæcenus non nimis felix. Deus tamen ille noster iuuabit: quem bonum & propitium semper scimus bonis, vtcumque externa ista cadant. Remitto muneri Constantiam nostram recusam, cum Epistolæ nouæ additione ad Lectorem. Doufæ non libellos tuos offerre potui, non salutem. abierat enim à nobis in Angliam peregrinandi causâ. De loco Iosephi nihil mihi in mente, præter adfentiri Ortelio. Sed nec in Serrato nummo iuuo multum: de quo tamen quid sentiam, iam dixi in Notis meis ad Tacitum, qui tantum non absolutus. Vale mi Viuiane, & pariter me ama. Lugduni Bataur. ∞. IO. LXXXIV.

EPISTOLA L.

Lugd. Bataur.

IANE HAVTENE

ALIPSI O tuo salue. Suaues herè conuiuas habuimus (auribus enim meis inerrat ille sermo) elephantos. Multa de ingenio eorum, deque mirâ indole, garriuimus: omnia iucundè, nisi quòd in plerisque indignabar haud plenam mihi esse fidem. Quid censebatis? madidum esse me? non fui. Quin siccus nunc & sobrius ingeram tibi eadem: & laudum hunc campum stilo paullo certiùs decurrâ, quàm linguâ. Nónne Hilariûm isti dies sunt? lubet ludere hunc lusum. Sed fides mihi priùs stabilienda veterum, quibus præcipuè innisa mea fides. Non nemo enim eam herè eleuabat: & nimios harum rerum aiebat fuisse, aut vanos. Itâne? quibus igitur hæc res notior? Nobisne, qui omni hoc nostro æuo vix vnum vidimus, eumque pusillum, iuuenem, bonarum artium rudem: an illis, quibus cottidiè bellua ea in ore, in oculis? quibus tam crebra de ingenio & moribus eius pericula facta, in bellis, in ludis? Habebant enim & docebant magnâ curâ, Afri, Asiani, Græci, ad prælia: Romani magis ad spectacula & Venationes. Quamquam Europæis tardè sanè innotuit; & *ἐλέφαντας (Pausaniæ verba sunt) ἀπὸ τῆς ἐν τῇ Εὐρώπῃ Αλεξάνδρου ἐκπύματο: qui victâ scilicet Indiâ, intulit siue immisit. Sed ab eius tamen morte statim crebri: & transportauit in Italiam ipsam Pyrrhus, bello quod cum Romanis. Hinc quoque iam Romæ nobiles. & magis per Punica bella: quibus tanta copia, vt vno tempore centum quadraginta duos ceperit & in urbem miserit L. Metellus.

* Illū, qui anno LXII. donū Cæsari missus ab Hispaniarum rege.

* Elephantos primus inter Europæos Alexander habuit.

tellus. Nam Critolaus apud *Plutarchum apertè mendax; qui à ^{*In Paral-} Paullo Æmylio, bello Pyrrhi, centum sexaginta Romam missos ^{leis.} vult, & quidem turrìtos. At postea sanè Romæ semper: siue capti, siue magis pretio parati ad populi voluptates. Vides initia, vides frequentiam. quæ magis expressa apud Plinium: quem, si voles, lege. De fide igitur veterum cur ambigimus? Nónne nouerunt hoc animal? intimè atque optimè. An fallere nos voluerunt de compacto? nec potuerunt quidem, in re cottidiè omnium oculis sensibusque exposita: & in quâ miracula milleni aliquot homines simul viderunt, id est theatra tota. Ista ipsa ætas fidem fidei illorum struit, etsi in alio illo orbe. Lusitani nauigationibus suis terras eas aperuerunt, in quibus animal hoc crebrum. Insula Madagascar eos habet, & quidem Indicis maiores: habet Zeilam, vbi vanales sunt miro modo. ad mensuram enim admetiuntur, vt pannos, aulæa, telam: tanti palmos singulos. ita cuin magnitudine pretium crescit. Habet prouincia Malabar, Goa, & tota illa ora: itemque regnum Beniamen inferioris Æthiopix, sed omnes (quod notes) albos. Qui adierunt, qui viderunt; eadem aut similia narrant de ingenio bruti huius non bruti. Quæ vt seriò aliquando noscas ac credas: cape à me de naturâ eorum & moribus. quæ nihil aut paullum ab homine abire, miretur aliquis, imò indignetur. Sed prius vniuersè commemorabo elogia de iis veterum: inde facta ipsa distinctè, & exempla. *Aristoteles inter alia ^{*Lib. ix. Hist. cap. XLVI.} de elephante: *ἐστὶ δὲ καὶ τοῦ εὐαίσθητος, καὶ τῆς συνέσεως τῆς ἀλλήλου περιβάλλοντος: est autem*

tem apprimè bonis acutisque sensibus, & cetero intellectu excellens.

*Cicero: *Elephanto belluarum nulla prudentior.* *Idem: *Elephantum acutissimis sensibus.* Quin homini ipsi adiungunt passim. *Cicero: *Esse illi belluæ quamdam cum genere humano societatem.* *Strabo: *ἐγγύς ἐστι τοῦ λογικοῦ ζώου. adsidere animali ratione prædito.* *Philostratus: *ἐγγύς δὲ ζῶον δότι ἐστὶν αἰσθητικὸν πάντων, καὶ εὐαίσθητον καὶ βέλους: hoc enim animal proximum ab homine colloco, prudentiâ & consilio.* Plinius: *Animalium maximum elephas, proximumque humanis sensibus.* quippe intellectus illis sermonis patrij, & imperiorum obedientia, officiorumque quæ didicere memoria, amoris & gloriæ voluptas. imò verò, quæ etiam in homine rara, probitas, prudentia, æquitas, religio quoque, siderum solisque ac lunæ veneratio. Et Plinius sanè effusè: tamen verè. ad cuius accuratam laudationem, videor non ineptè diducere posse & adducere

*De Nat. deor. i. i.

*De Diuinat. ii.

*Epist. ad Marium.

*Lib. xv.

*Lib. ii. De vitâ A. poll.

cere lecta mihi testimonia aut exempla. Tribuit primò,

Intellectum sermonis patrij.] Quod mireris. Nam cum duo velut limites sint, quibus Hominem à Bruto disparamus, Sermo & Ratio: prior iste vide quàm vacillet. Sermonem patrium ait ab iis intellegi: id interpretor, Indorum, Æthiopum, Afrorum, & ubi-

*Lib. iv.
cap. xxiv.

*Libro
xlviii.

cumque nati. Præter Plinium, *Ælianus: *συνιάσι γὰρ ἐλέφαντες, καὶ γλώττης ἀνθρώπων τὸ ὅτι, χάρις: capiunt & humanum sermonem elephant* *tes, sed indigenam.* Etiam *Dio: *ἦδὲ καὶ ἐκείνο εἶπον, τὸ φωνῆς τὸ πατριώπιδος ὡς ἐπὶ τῶν: Etiam hoc aiunt, eos patriam vocem audire atque intelle-*

*Li. xiii.
cap. xxii.

gere. Nec alia res certior. Institutionem eorum vides? linguâ fit. Domituram? linguâ. Incitationem, reuocationem? linguâ. Denique ut clauus nauim: sic animal hoc impellit dirigitque, quò libitum, humanus sermo. De institutione, *Ælianus audi: *Doc-* *centur, inquit, atque instituuntur ad varia φωνῇ τινι ὀπιχωρίῳ, ἡσπερ ἐοικὼς ἐπαίειν εἰλήχασιν, φύσει τινὶ ὀπιφῆντι & μέλυσσι, καὶ ἰδίῳ τῷ ζώῳ τῷδε, sermone*

*Lib. xv.

vernaculo, cuius miro quodam & ineffabili modo ac velut peculiari natura sunt capaces. De domiturâ, *Strabonem: *Primum, ait, captos* *vinclis ac fame domant, καὶ δὲ ταῦτα πειθαρχεῖν διδάσκουσιν, τὰς μὲν δὲ λέλει-* *τες δὲ μελισσοῦ τινι καὶ τυμπανισμοῦ καὶ ὄντες, deinde cicures eos reddunt*

mansuetosque, hos sermone, alios cantu aliquo aut tympani sonitu delinientes. De regimine toto: cottidiana olim exempla in bellis, in pace. atque item hodie. Quin furere etiam cum incipiunt & à se abire, ad mentem reducuntur oratione. Credere ita seriò Christophorus Acosta me iubet: cuius assertioni præstruenda breuiter fides. sæpius enim testimonio eius utar. Is gente Hispanus, professione medicus, ad nouū illum orbis tractum abiit, quem Orientalem Indiam vocamus. Diu illuc egit, lustrauit, scripsit: & inter alia de elephantis non pauca, visa sibi aut à visoribus accepta. Crebrum enim valdè & cottidiani vsus, animal in iis locis. Is igitur

*In libello
De Aro-
matibus.
*Plinius &
Aristor.
meminere
eiusdem
morbi, sed
Plinij locus
malus, cui
corrigen-
do non hie-
cus.

*refert: Genere morbi tentari elephantos quotannis, quod haud distat à *furore. causam, amorem esse, & venire cum venit ad eos Venus. Tum bacchari eos, furere, lædere, incurrere: nisi quidem vinclis coërceantur. quod fit ab incolis studiosè. *Sed cum* *morbum haud fermè aliter tolli, quàm pharmaco verborum. Adstipere* *belluæ magistrum, increpare acriter, & ostendere fæditatem. Tantùmne* *belluam & reginam aliarum ita dementire per adfectum? Vilitatem cam* *esse, degenerationem à naturâ & à stirpe. Rediret ad sese, & conculca-*

vet amorem, qui turpiter nimis ipsum. Et his talibus, quæ etiam homini
utiliter adhibentur, fieri medicinam. Quomodo autem possunt ista,
nisi si non audit solum, sed imbibit, & capit? Nec verò, ut ali-
quid mirius dicam, audiunt solum sermonem, sed edunt. Op-
pianus disertè Elefantos colloqui inter se vult:

Φήμι δ' ὡς ἐλέφαντες ἐπ' ἀλλήλοις λαλέουσι,

Φθογγὴν ἐκ στομάτων μερῶντιδ' ἀνθρώπων.

Fama est inter sese sermonari elefantas,

Distinctasque susurrare atque emittere voces.

Acosta ille idem nihil acceptius in regno Malabar esse ait, quàm
quòd hæ belluæ communicent inter se sermone. Denique vis in
hac re aliquid mirissimum? (ignosce. tanta nouitas egebat nouo
verbo.) edunt & loquuntur etiam humanam vocem. Boues in-
ter prodigia Romæ locuti olim: iunge & elefantem. Atque au-
di ipsum Acostam: Erat, inquit, in urbe Cochîn elephas, qui operas
diurnas præbere solitus ad portum & res marinas. Eum fortè iam ses-
sum urgebat nihilominus Urbis eius Præfectus, ut Liburnicam quam
commouere cæperat, deduceret porrò in mare. Ille abnuere. instare alter
multis blandisque verbis, & ad extremum in gratiam Lusitani regis ut
id vellet, orare. Hic (immane dictu) elephas motus, clarè hæc duo verba
ingeminat, Hoö, hoö: quod Malabarum lingua est, Volo, volo. ac sine mo-
rà nauim traxit in mare. Trepidas ad hæc, & nutas? Age, age, mo-
uebo tibi in isto exemplorū mari magis maiores fluctus: & am-
biguum relinquam, non dicam an hominem capiant, sed ad ho-
minem imò supra hominem sapiant elephantes. Dixi enim de
priori limite, qui discriminat obscurè: alterum vide, Rationem.
quâ ego omnino carere me fateor, si prorsus ille. Audi igitur è
Plinio, quæ huc spectant. Ait:

Imperiorum obedientia.] Clara, & quam nemo neget. Semel do-
miti, omnia ab homine, & pro homine perferunt: & tanta illa
moles vel à * pusione regitur ac dirigitur tredecenni. idque sine
vi, bacillo tantum (καλύπτει in Philostrato scriptum) aut * leui
ferro. Et quid non imperentur? etiam iugum subière, & trahere
currum. Oppianus id tradidit, & Romæ primus ostendit Pom-
peius, ac postea sæpè Principes secuti. Nummi docent. Tertia
in Plinio laus,

Eorum quæ didicere memoria.] Tenax sanè memoria, & ad hu-
manam,

* Philostr.
tradit lib.

11.

* Falcè siue

ἀνέπαινον

Aristoteles

Elephan-

tistæ attri-

buit: Ae-

lianus eā-

dem mēte

ἀνέπαινον.

manam, vt mox dicam. Sed ingenium Plini cur omittis? Præuaricaris in hac causâ: quia si vlla propria & magna iis laus, hæc est acuminis & ingenij. de quo, te silente, non ego silebo. Ingenium igitur iis docile, facile, flexile, aptum ad omnes artes: & artes Belli dico, siue Pacis. Quod vide mihi, & disce, è paucis his effectis. Ac de bello, quis non ingenium eorum admiretur: siue cum bel-

*Plin. viii.
cap. vii.

Aelian. vi.

cap. lvi.

*Aelian.

vii. cap.

xxxvi.

*Libello,

πότῃ τῶν

ζώων.

*Aelianus

libro vii.

ἀντιπρὸς

χειρουργίας

ἐπισήμους.

enim velut * consilio aciem, defessos aut infirmos in medium agmen recipiunt, in * fugâ ipsâ suos non deferunt, sed gregatim abeuntes circumdant & propugnant. Iam læsis medicinam faciunt: spicula aut infixâ tela leniter manu suâ extrahūt, & * vt Plutarchus ait, ἀνὰ παραγῆς ῥαδίως καὶ ἀελαβῶς, sine convulsione, facile & sine damno, prorsus vt * peritissimi chirurgi. Quin & proprium medicamentum, aloës lacrimas, instillari vulneribus ab iis, Philostratus adseuerat. At pro homine quis homo nescit acres eorum pugnâs? Instituuntur velut milites ad prælia; bellatores non dorso solum ferunt, sed & ipsi bellant: propugnant suos, impugnant hostes: deniq. cò veniunt, vt munia etiam omnia militaria

*Lib. xiii.

cap. xxii.

vsurpent. * Aelianus quidem mihi auctor, Elefantos decorè etiam motus bellicos edere: ex iis vigintiquattuor Indorum regi adsistere, & excubias agere, vt fidiſſimos quosdam corporis custodes. atq. ita agere, vt alternis in stationem succedant, sine somno quidem aut conuiuentiâ oculorum. A peritissimo milite, dic sodes, quid aliud exspectes? Iam quanta fides eorum in dominos, quàm ad extremum spiritum pro iis pugnent; satis tibi claruerit vel ex vno elephanto illo Pori. qui decantatus: & ab eo disce omnes. Hæc de belli artibus. At in pacis; quid hominem doceas, quod non istos? Quorum tanta in

*Lib. i.

cap. xi.

*Obtem-

peratio &

facilitas.

discendo(* Aeliani verbis & sententiâ vtar) * ἐν πείθει καὶ εὐκολίᾳ, vt eas disciplinas artesque hauriant, quas ægrè homo ipse. Circa corpus, circa animum hoc considera. De corpore: conformant id ad omnem ex arte motum aut gestum. Ingeniculare, submittere, & adorare reges docetur. * Aristoteles: πολλὰ γὰρ καὶ παιδεύει καὶ ξυμ-
σι. ἐπεὶ καὶ προσκυῖν ἐν δὶ ἀσπονῶν τὸν βασιλέα. multa erudiuntur & sciunt. quando & regem adorare discunt. Saltare etiam & choræas du-

*ix. Histor.

cap. xlv.

*περὶ τῶν

χορέων.

cere. * Plutarchus: ἀρχήσεις τε μανθάνει, καὶ χορείας, & προσκυνώσεις: saltationes discit, & choreas, & adorationes. Ad scopum iaculari, armis vti, natare. Strabo: ἔτι δὲ ἐν τιθασύνῃ τῇ, ὥστε καὶ λιβάζειν ἐπὶ σκοπὸν μαν-

θάνειν

θάψειν καὶ ὅπλοις χρῆσθαι, καὶ τε καλλιτεχνῶντες: *adde autem mansuescere, ut & lapi-*
des ad scopum iacere, arma usurpare, & natate optimè discant. Vbi ta-
 men τὸ νῦν siue Natandi verbum mihi anceps: quia nec alteri id
 traditum, & alienū à naturā elephantis qui aquas profundiores
 horret. Ventilare, gladiatorios militaresque motus edere docen-
 tur. Plinius: *Vulgare erat arma per auras iacere, non auferentibus ven-*
tis, (vt scilicet iterum iacta reciperent.) gladiatorios congressus edere,
aut lasciuiente Pyrrhice colludere. Denique in theatris eos gestus ef-
 fingere, quos vix Pylades aliquis aut Bathyllus. * Plutarchus: ἐν
 τοῖς θεάτροις ἐπιδείκνυσθαι χημάτων εἶδη καὶ μεταβολὰς, ὧν οὐδὲ ἀνθρώπων αἰσὶ μελέταις
 τὸ ποικίλον καὶ πρῖτον ἐν μνήμῃ καὶ καθεύξει γένεσθαι παντὶ ῥαδίον ἐστίν. *in spectacu-*
lis ostendit elephas eas gestuum figuras & varietates, quarum copiam
atq; concinnitatem difficile sit humana vlli industrie exprimere aut me-
moriam complecti. Itaq; & funambuli elephanti reperti sunt, irrisum
 vobis herè & explosum. * Plinius: *Postea & per funes incessere.*
 * Iterum: *Mirum maximè, & aduersis quidem funibus subire, sed re-*
gredi magis; utique pronis. Quorum verborum mens: quod &
 ascendant per extentos funes aduersi: & regrediantur etiam per
 eosdem proni. * Seneca: *Elephantem minimus Æthiops iubet subsi-*
dere ingenua, & ambulare per funem. Suetonius Nerone: *Notissi-*
mus eques Romanus elephanto insidens per catadromum decucurrit. id
 est, per funem in theatro extentum; interprete Dione de hac ipsâ
 re: καὶ ἐλέφας, inquit, ἀνέστη ἐς τὴν ἀνωτάτω τῶν θεάτρων ἀψίδα, καὶ ἐκείθεν ὅτι
 χορῶν κατέδεχεν, ἀναβατῶν φέρων: *Elephas ad superius theatri fastigium*
conscendit, atque illinc per funes decucurrit sessorem ferens. Quod ge-
 nus spectaculi primū exhibuisse Galbam, qui postea Imp., Sue-
 tonius idem monet: *Prætor, inquit, commissione ludorum Floralium*
nouum spectaculi genus, elephantos funambulos dedit. Et quæ frons
 vltra obduret contra tor & tales testes? Atque hæc tantâ curâ &
 intentione discunt (id quoque valet ad vim testandam & indol-
 em acrem animi:) vt sæpè deprehensi sint noctu velut dictata
 sua ruminantes & meditantes. Plutarchus cum Plinio mihi au-
 ctor, quemdam tardioris ingenij, & verbis verberibusque malè
 sæpè acceptum, inuentum ad Lunam gestus illos & motus præ-
 scriptos exercentem. Grandia hæc, grandia: tamen de illis artibus
 quid dices, quæ non nisi propriæ videtur humanæ mentis? Lege-
 re aut scribere, quis ab homine seiunget? ego: nisi si elephas inter

* Libro,
πρῶτον τῶν
ζῴων.

* Lib. viii.
cap. i. i.
* Eod. lib.
cap. i. i.

* Epistola
LXXXVI.

eos. Nam is quoque scribit. Rides? time potius æmulus mi Hau-
tene repertus muneris tui, & tuæ artis. Plinius è Muciano clarè
adfirmat: *quemdam Græcas litteras pingere didicisse, eaque linguâ
scripsisse.* IPSE EGO HAEC SCRIPSI, ET SPOLIA
CELTICA DICAUI. Et Philostratus: *Scribunt igitur, atque
tripudiant, & ad fistulam salunt.* Quòd si hos duos testes eleuas
(herè ita memini)* Æliano quid facies, qui oculis suis id spectasse
pænè per oculos suos iurat? *Vidi, inquit, ego ipse quemdam in tabulâ
litteras Romanas promuscide scribentem,* rectè & non contortè. Quin-
etiam cùm scriberet, oculi eius cum rigore deiecti in tabulam erant: ut
planè intentos diceret & scriptitantes.* Sed iam concludam hæc de
artibus, insigni & nimis certo exemplo, cuique milleni aliquot
oculi spectatores: munere, quod Romæ publicè dedit Germani-
cus Cæsar. * Plinius tågít, & magis vberim narrat* Ælianus: exq.
iis ego. Ludis igitur illis, Tiberio Principe, duodecim elephanti theatrum
inducti sunt siue Circum, induti floridas & histriomias vestes. Ac pri-
mum ad vocem Magistrì diuidebantur in diuersas Circi partes, inter
eundum molli & saltatorio gressu inundâtes: iterumque ad eandem vo-
cem coibant, & efficiebant saltatorium quemdam orbem. Sed & flores
spargebant, & corollas, & ad cantum terram pedibus leniter & nu-
merosè pulsabant, & omnia præstabant quæ peritissimi ludiorum. Iam
iidem (quod insanum mirum) docti mensas accumbere, cibum potumque
sumere, parcè, modestè, ordine, humanum in modum. Lecti erant humiles
(agnoscis Romanum ritum) instrati purpurâ & aulcis: mense ad
eos, vario & dapili instrumento: disposita pocula aurea, argentea, minu-
ta, grandia: cibi in lancibus, panis, caro, fructus. Ecce ingressi duodecim
elephantes, sex mares, totidem femina: illi togati, hæ stolatæ. Decorè &
verecundè in lectis se reclinant, mensam accumbunt. tum signo dato (non
enim antè) in mensam promuscides siue manus suas extendunt: summâ
modestâ cibos capiunt, delibant. non voracitas vlla in iis, non auuiditas
visa, non maioris meliorisve partis appetitio, præreptio. denique cùm bi-
bendum, pateram pueri porrigebant: uique promuscide eandem genialiter
hauriebant & (iucundæ potioni hoc adnexum) reliquiis vini cir-
cumstantes aspergebant, velut cottabum facientes. Hæc meis verbis
texui, sententiâ germanissimâ Æliani. Et effare. potuítne specta-
culum magis ad Gratias, ad Venerem, ad Naturam? cui vtinam
his oculis arbiter paullisper ego! id mihi ante omnes theatrorum

* Lib. II.
Var. cap.
XI.

* uis pœbæ;
xui cœpæ;
πτας.

* Cap. II.
* L. b. II.
cap. XI.

opes, luxum, nugas. Atque hæc nisi promptissimi cuiusdam & acutissimi ingenij signa sunt, tardus valdè & cæcus ego. Quid illa, quæ non à doctrinâ insita sunt, sed emicant & subsiliunt naturæ ipsius sponte? Cuiusmodi spectata in iis sæpè, ad prodigium vsque, sagacia & acuta. Quale illud * Plutarchi: *In Syria elephas quispiam alebatur. seruus curator additus, cottidiè de dimenso subtrahabat, & dimidio belluam malo furto fraudabat. Fors fuit, vt hero præsentente cibum daret: & ad mensus igitur est totum. Elephas vt iniuriam diu sibi factam, quâ possèt, detegeret, accuratè hordei partem separat: dimidium sibi seruat, altero repulso. quid nisi clamans, callidissimo inuento, illud diarium sibi hætenus fuisse? Alius (refert idem scriptor) cùm rudera & terram magister ad explendam mensuram pabulo idemtidem misceret: fraude fraudem hanc ultum iens, in ollam eius carniū plenam, è foco correptum cinerem iniecit. Sed exemplū quod ab Acoistâ, fidem omnem superat, etsi scriptum ex fide. Palâm enim & spectante populo res gesta est. Elephanti cuidam in vrbe Cochinchin ad horam cibus non oblatus. Queritur, & barrit. Magister excusat, & vas æneum eius cibarium ostendit perfluens & pertusum: causam hanc moræ esse, quòd cibi non vltra tenax. iubet igitur, si esse velit, ad fabrum ærarium ferat reconcinnandum. Ille paret, promuscide aufert, fabro offert. Faber siue per negligentiam, siue ludos belluam faciens, infideliter reparat atque obstipat. Elephas refert, herus vitium videt, & indignatur. inclamat illum absentem, hunc præsentem: denique redire iubet cum illo ipso vase. Facit. & fabro querulus impingit. Ille homo suavis iterum imponere conatur, & admoto malleo claudere rimam simulat, non claudit. Nec tamen imponit. nam ille catus lebetem resumptum ad flumen desert, immergit, & aquâ implet periculi faciendi causâ. Videt effluere. Plenus igitur irarum ad fabrum recurrit, intonat magnâ voce. Confluunt vicini, & inter eos Vicarius regis. Faber blandis verbis demulcet (nescio an vltra audeam dicere) belluam: Vas denique sumit, & resingit probè atque ex fide. Sed ille ne tum quidem fidens, iterum ad flumen, & ad haustum. dum contineri aquam videt, vertit se ad adstantes & ostendit, velut testes eos aduocans in hoc factum: ita demum abiit domum. Quid addam? nec verbum: quia reuerà datus sum in stuporem. Et cur iam * Æliano non credam, qui iure optimo*

* Libello,
πρότερον τῆς
ζωῆς.

* Lib. xlv.
cap. vi.

Memoriam.] Ea autem pars tam magna in hoc anim ante, vt homini nō dicam nihil cedat, sed cum excedat. Vnū exemplum vetus dabo, pauca noua. Michaël quidam Glycas inter Græcos, Annales scripsit haud improbè nec indecenter. Is in parte primâ prodidit: *Elephantum quemdam cum in Circum deduceretur, sedentem in foro ad Milliarium aureum Magistrum ferarum, subitâ irâ atque impetu interfecisse. Caussam non aliam violentiæ fuisse, quàm quod ante annos totos decem, eodem illo loco, idem Magister, eundem elephantum ferro percussisset. quam iniuriam tot annos recondens, tunc demum iniisse vltum.* Aliud ex Acoſtâ: Miles quispiam in vrbe Cochī elephantum, per lasciuiam, in fronte putamine nucis percusserat: (grandem illam Indicam intellego, quam incolæ Coccum appellant.) *Elephantus putamen studiosè tollit: illud, atque iram, recōdit. post dies plusculos, in viâ quapiam publicâ obambulantem militem conspicit. accedit, & elatum ex ore putamen, promuscide suâ acriter in illum coniicit. tum exultabundus abiit, quasi talione illâ iniuriam probè vltus.* Iterum ex eodem: Miles elephantem in eadem vrbe cum rectorē obuuium habuit. noluit decedere. *elephas suam & rectoris contumeliam id interpretatur: vlcisci tamen à rectorē prohibetur.* Post dies aliquot, in ripâ Mangatæ fluminis (id urbem alluit) militem fabulantem otiosè repperit. *Cum rector non adesset, corripit illicò hominem, in altum tollit, nec precibus nec clamore adstantium motus, aliquotiens flumine merſit, alleuans subinde & demittens.* Cumque lusum cum satis diu lussisset, contentus hâc vindictâ, hominem vitæ suæ iam diffidentem, rectorē & illeſum destituit eo ipso loco vnde susstulerat. Sed hæc in deteriore & vindicem partem Memorix exempla: ecce etiam in beneficam & benignam. Acoſta idem mihi suggerit: *Elephantum in vrbe Goâ fuisse, qui annuo illo & sollenni furore correptus catenas abruperit & vincla. Fugientibus omnibus, seruulum quempiam qui vlnis infantem dominicum gestabat in aedes properè irrupisse, oblitum sarcinæ quam deposuerat in illâ trepidatione ante aedes. Elephas adest. mortem omnes & obtritum pueri exspectant. Ille contrâ, manu suâ leuiter attollit; in humile tectum, quod è regione adium, collocat, respectans curiosè, satine puer illic sine damno. Dein furibundus cursum suum exsequitur. Id datum omnes interpretabantur veteri beneficio, quia mulier earum adium domina & infantis mater, elephantī transeunti sæpius panem aut fructus obtulerat. Et alia quædam legere tibi fas, si lubet apud eundem*

dem Hispanum. Ego in Plinio pergo, qui admonet

Amoris.] Quod ipsum iure mirum. Nam sicut Sermo & Ratio homini peculiaria videtur, sic certi quidam Adfectus. Inter quos audus ille & varius amor, pro leni tormento, soli huic animantium datus. Sed abnuat elephas, & hac quoque parte sociat se nobis. Serio enim amat. Trita & nota ^{*}historia est illius qui Aristophani Grammatico praeiuit se riualem. *Uterque enim Alexandria in Aegypto corollariam quampiam amavit. nec minus studij aut ingenij elephanto fuit ad declarandam & mitigandam suam flammam, quam illi acuto & litterato. Forum, in quo ea desidebat, crebro adire: adsistere, suspirare, poma aut flores offerre: manum intra sinum blandè penetrare: & ea omnia, quae Venerens aliquis nepos. Alia similis in ^{*}Æliano. In Antiochiâ vrbe Syria, elephas inter cicures more suo ad pastiones iens, vidit fortè mulierem haud inscitam, pariter corollariam. Vidit, periit. Assiduus ille apud eam; promuscide faciem, manus, lambere, tergere; & quacumque poterat, blandiri, insinuare. Quin & illa redamavit, corollas & flores aliasque amoris illecebras saepe offerens. Cum perseverasset mutuus hic amor, mulier ecce ad plures abiit. elephas desiderium non tulit, nec mentis suae vltra compos datus est in furorem. Sed & honesti fidi que amoris non deficient me exempla. Habe vnum.*

^{*}Antigono regi elephas femina fuit. Evénit vt in obsidione opidi Megarensis, puerum pareret vxor Indi elephantistae. Is suâ linguâ commendat infantem inter bellicas turbas elephantum (ita nomen eius fuit) Nicææ. Capit illa serio in fidem: & omnia officia exhibet, quae piissima aliquanatrix siue mater. Infans ante pedes eius deponi debebat. nisi fieret; cibum non capere, iram omnibus signis ostendere & dolorem. Gaudere contrâ, eo adiacente. & tum cunas mouere ad oblectandum, aut somnum conciliandum; tum ventilare & pellere muscas. quod faciebat sanè scitè, arundinis ramum promuscide suâ motitans. Atque hæc officia interdum etiam vsurpabat elephas maritus. Pergit Plinius, & addit

Gloriae cupiditatem.] Qui sanè ipse affectus hominum proprius; & inter eos, animæ cuiusque maximè sapientis. Exempla eius in hac belluâ plura. tu vnum vetus à Plinio cape, nouitium alterum ab Acoûtâ. Plinius: Erat, inquit, Antiocho regi elephas, cui (ita enim hominum canumque exempla distinguuntur) nomen Ajax. Is dux plerumque agminis, generosus, celsus, & velut rex in regio illo grege. Evénit vt flumen transmittendum esset. renuat infelix, & malâ suâ sorte

^{*}Narrata Plinio c.v. & Plutarcho, in libello περὶ ἑλέφαντος.

^{*}Lib. vii. cap. xliii.

^{*}Athenæus lib. xiii. cap. xxx. Aelianus lib. x. cap. xliii.

sorte Ajax. Pronunciatum enim illicò à Magistris, Principatum eius fore qui prior transisset. Intellexit, & arripuit Patroclus (& hoc elephantì alteri nomen) fluviumque transmisit. Præmio igitur donatus est; phaleris argenteis, quibus mirè gaudent, ornatus, & velut in possessione positus principis loci. At Ajax noster properè ab hoc Vlyssè circumventus, fatum etiam quà potest, illius veteris exsequitur: & mortem ignominia præferens, inedià se confecit. Acoſta autem inſit: In litore vicino vrbi Goe tormentum grande aneum commouendum erat. conatur elephas: non potest. Instigante magistro & duos iuniores elephantès ostentante, qui id facerent ni ipse faceret: iterum iterumque conatur, tantonisu, vt medius illicò creparet. En! dum gloriam illam præreptum alteris iuit, miser sibi vitam. Sed prosequitur laudationem suam Plinius, & adiungit magis alta. Est enim, inquit, elephantis, quæ etiam in homine rara,

Probitas.] Ergone virtutes elephanto? virtutes. vt nequid scilicet ad perfectum, omnibusque numeris hominem, desit. Et de probitate, planè verum est. Innoxium enim, pudens & pudicum hoc animal: probæ mentis, probi oris. Vis ei vt omnibus noceat; vt nemini, voluntas. Homini occurrit? vitam non adimit, ostendit viam. Feræ alteri? transit. Quin nisi irrites & impugnes, nec in Arenâ quidem excitabis ad lædendum. In magistros rectoresque suos mira illis pietas. * quos aliquando per calorem aut furorem interfectos, ita luxêrūt, vt inedià interfecerint sese ipsi. Eadem in natos: quos, * vrgentibus venatoribus adcò non deferunt, vt millies capi, cædi, malint, quàm ipsos. Adde reuerentiam in grandiores & senes. quibus de * loco, de potu, de cibo iuuenes concedunt, bonæ suæ Naturæ legibus, non Lycurgi vllis minis adducti. Adde pudorem, & castitatem. quia non nisi occultè & filuis tecti coeunt, & sanè rarenter. Nam quod Plinius, & ex eo Solinus prodiderunt, *non ampliùs quàm semel pàrere, nec plures singulis*: validè refutat ratio. quia si vnus saltem è duobus: iam diu, minuente numero, defecerit id genus. * Ælianus tamè vsum Veneris semel item iis tribuere videtur. Sed ea ex Aristotele hausta, malè aut lecto aut intellecto. Nam * ille hoc tradit: *Marem quam semel inierit, non vltra tangere. interposito tamen triennio coitum repetere. sed nimirum in aliâ. Faminam vterum biennio gerere, pàrere singulos.* Strabo etiam de initu eorum & partu, magis cautè & verè.

Adte-

* Plinius
cap. IIII.

* Strabo
tradit, lib.
IV.

* Aelianus
lib. VI. cap.
XV.

* Aelianus
ibid.

* Lib. VIII.
cap. XVII.

* Lib. V.
Hist. Ani-
mal. cap.
XIV.

Adtexitur in Plinio

Prudentia.] Quam non dilato, satis mihi in Acumine & ingenio dictam & doctam. Ostendunt tamen & hanc propriè in Acie instruendâ, in tardandis secutoribus fracto abiectoquedente, in flumine transmittendo. quæ apud Plinium, Philostratum & Ælium vide. Sequitur

Æquitas.] Quam in se, quam in aliis amant. In sese, exemplum à Petro Bellonio narratum Clusio nostro. In Asiaticâ, inquit, peregrinatione nostrâ hospitium diuertimus medio iam die, & acri æstu. In comitatu nostro elephas erat: in hospitij stabulo viatoris alicuius asinus, quo ipse vectus. Comedebat fortè hordeum, magno illo ingrediente: qui famebat. Itaque stimulo illo impulsus, asinum pellit, ipse hordei reliquum avidè inuadit & vorat. Superuenit mox elephant dominus, dimensum suum hordeaceum, de more, elephant offerit. Ille, spectante hero & ipso Bellonio, memor iniuriæ & rapinæ, reparatum statim it, & diuiso in duas partes promuscide suâ hordeo, alteram asino procul stanti & mustanti offert. Atque ille & iste suas deinde partes edunt. Vis æquius aliquid aut iustius? sed amplius, retegunt scelera, amore isto iustitiæ, & alienas etiam iniurias vlciscuntur. Historiam Æliani duplicem te non celo. * Narrat Romæ euenisse, Imperatore Tito: *ut vxor elephantistæ malo iure cum altero mœcharetur. Videt elephas, non fert domini hanc iniuriam: irruit, & in ipso complexu, vtrumque dentibus transfigit. Denique providè ita copulatos relinquit, stragulo tegit. & cum dominus aduenisset, stragulo reiecto facinus ostendit, & se ultorem.* Hoc pro magistro, sed probo. Narrat iterum in illum, sed improbū. *Fuit se magistrum elephantis, qui adulteraret. nec contentum furtiuâ libidine, uxorem suam clam sustulisse, & ad præsepe elephantis sepelisse, alterâ illi mox inductâ. Elephantū hoc scelus tacitū non habuisse. uxorem nouam illuc traxisse, & cornibus pedibusq; refodisse cadauer, tantū nō rebus ipsius mulieri inclamantē, cui, & quomodo, innupisset.* Extrema laus est

* Lib. x.
cap. xv.

* Lib. iij.
cap. xvj.

Religio.] Quam veteres omnes tribuunt consensu. Lustrari aquâ, orientē solem ab iis adorari, Plutarchus & Ælianus mihi auctores: Lunam nouam, Plinius, & Ælianus. Sed & hoc ad Religionem, quod mortuos è suo genere sepeliunt, & prætereuntes iniiciunt humum. Ælianus ille idem hoc tradidit

* Libello,
πέρεια.
* Lib. vii.
cap. xliij.
* Lib. iij.
cap. x.

libro I. cap. XLIX. Homines ecce, mi Hautenc, elephantes feci; Sermone, Ratione, Adfectibus, Virtutibus præditos: quid superest, nisi ut etiam diuinos? diuinant enim. & Oppianus de hoc animante dixit:

Μαντιχόν ἐν στήθεσιν ἔχειν χέαρ.

Diuinum cor habere in pectore.

* Libro
XXXIX.

additque præscire eos fatalem suam horam.* Dion amplius, scientiâ eos ornat cælestium rerum. ἡδὴ γάρ τινες, inquit, καὶ ἐκεῖνο εἰ-
πων, ὅτι πρὸς τὰς τῆς φωνῆς τὴν ἀτελειώτους ἰσχυρὰς ἐπαίειν, καὶ τὸ ἐν τὰς βέλους
γυρομένων συνιᾶσιν. *Quidam hoc etiam aiunt, eos, præter quod sermonem
patrium intellegunt, scire etiam quæ in cælo gerantur.* Sed inter quos-
dam illos, ne te fallam, non ego. Habes lusum, natum non im-
portunè mihi ex hesterno lusu & ioco inter vina. cui ut seria
multa & vera inesse nihil ambigo, ita quædam maiora vero: nec
usquequaque in his talibus veteres illos Fidei litasse, facilè tecum
credam. Quis enim tam magni oneris sit, ut quidquid illi im-
ponunt, vehat? Nec tamen mali quidpiam in istis, etiam falsis:
quia innoxia mendaciola sunt, & volente deo Rifu nata. Qui si
te non aspexit dum hæc legis; iam nunc me imponente licet v-
surpes cognomen prisca illius Crassi. Iterum salue.

EPISTOLA LI.

IANO LERNVTIO S. D.

IPSVM pectus mihi commouit series malorum, quæ es passus.
Heu homines, quid sumus? quid speramus? Atque ego sub idē
illud calamitatis tuæ tempus, nescio quo instinctu, in Saturna-
libus meis adfinxerā orationem tibi de incertis casibus vitæ. Sed
benigno Deo gratia, qui concussit te, non deiecit: ostendit vul-
nus, & non impressit. Vtile enim, mi Lernuti, utile, admoneri
nos interdū à summo illo Principe & imperij illius, & fluxæ no-
stræ conditionis. Nempe quid est homo? lutum, ut ille ait, scitè
mixtum. quid vita? hæmina vna sanguinis: quam quilibet le-
uis casus rumpit, quælibet febricula corrumpit. Solus animus &
eius actiones æterni. Vides pulcherrimum hoc mundi corpus?
ruet aliquando. Vides hanc Belgicam nostram? iam ruit. ne in-
dignemur interitum aliquod hominum, cum cadauera futura
sint cæli terrarumque. Saturnalia nostra credo te accepisse.
primam

primam dico partem, quæ de Gladiatoribus. Nam reliqui sunt aliquot libri, De Venatione, & Circo: in quibus etiam tuus sermo. Iudicia vestra liberè, liberè, velim adscribi: vt mutemus, si quid tale erit, iteratâ editione. Iubebo enim, si otium aut valetudo mihi constat, simul excudi omnia quæ ad ludos Romanos. Nunc molesti mihi quidam nomine Ordinum, vt Grammaticam conficiam, quæ legi possit in Belgicâ vniuersâ. Ride, si sapis: & vide quò me vocent isti. Apud vos miles, vt audio, & turbæ. Si ita est; quid si expedias te ab eâ vrbe, & secedas in hæc loca sub Neptuni regnum? Nam terrestres dij, parùm nobis æqui. Cautè id fiat tamen, & circumspectè. Nam & apud nos nescio quid turbellarum, ab iis qui pax deberent esse mundo: at illi fax sunt. Vale mi suauissime, & aut me expecta sub æstatem, si quies illîc; aut ego te, si hîc. Vxorem saluta à me ex animo, & tua pignora disfluauia. Victorem nostrum filere ita miramur, vt suspicio sit ne & ille penetrauerit ad loca silentium. At tu eum saluta, & è veterno excita. Salutat te Dusa, Hautenus.

X. Kalend. Feb. ∞. ID. LXXXII.

EPISTOLA LII.

Romam.

FRANCISCO BENSIO S. D.

DEVm ego testor, vir optime, vt in solo nomine tuo lecto Dexilij: quanto magis in commemoratione amoris, quem integrum inuiolatumque seruari apud te cognoui! Ita enim ad me scribit P. Egmondus: quem certum mihi, amatum antea, vel nuncij huius causâ, magis amare. Non enim dissimulo. verus & vetus mihi in te adfectus est, hæresq; mihi in arcano isto penetrati. Genus vitæ mutasse te audiui: quod salutare tibi futurum omnino confido. Et reuerâ, mi Bensio, quid hæc humana sunt, nisi iactationes & fluctus? in quibus nihil firmum sit, nisi ad anchoram ea alliges veræ Pietatis. A me quoque abiit illa iuuentus: & vna mihi hæc cura, vt quidquid hoc est æui, in virtute & feriis iam studiis traducam. Publicè id testari cœpi: & edidi nuper De Constanriâ libros duos, qui pietatem (nisi fallor) aliquam præferunt, etsi priscae Philosophiæ velo. quos ad te mitto, nō vt inspicias modò, sed iudices: & liberè me moneas,

I 2 si quid

si quid exorbitans in iis aut minùs rectum. Nec amanti adfectu iudicabis, sed vt apud Pindarum est,

* Sententiis
rectis & ri-
gillis Rha-
danti hi.

* Βελαίς ἐν ὀρταίς Ραδ' ἀμάντος.

Hoc omnino peto. M. Antonium Muretum (ex animo dico) amo æstimoque. minùs promptè id ostendo, quia quædam in me ab illo non amica. Ita enim moneor litteris multorum. Quo meo merito? nam ego te iudicem non defugio, qualiscumque ea est, litris. Tacitum edidi. quid ergo? an illius? quæ hîc iniuria est, si campum eundem Famæ decurri, sine fraude? Sed mihi iam ista non magna: & reuerâ pudeat me verba consumere in talibus rebus. Nati ad maiora & meliora quædam sumus, & ego & Muretus. Quem tu quidem à me salutabis, & animum hunc illi firmabis volentem semper eius & amicum. Ita me posteritas amet siue æstimet, vt ego illum. Constantiam nostram vt cum eo communices, volo siue iubeo: cuius exemplar etiam à me expectet. iam enim recuditur. De Amphitheatro ante paucos dies edidi: & mittam. Tu quæso me ama, & interdum solare & erige in his turbis & confusione rerum. ix. Kal. April. ∞. IO. LXXXIV. Si quid ad me voles, mittes tutò ad Plantinum.

EPISTOLA LIII.

Romani.

M. ANTONIO S. dico.

CAVSSA mihi scribendi nata ex tuis ad Plantinum litteris: quas cum gaudio vidi, cum motu animi legi. Vel in manu tuâ conspectâ latabar: quanto magis in hoc animo, & tam insigni testimonio amoris? quem si à quoquam mortalium, à te certè volo. Ita adolescens iudicaui, ita nunc, consensum quemdam esse conspirantis iudicij nostri & naturæ. qui ad coniunctionem, quæso te, valeat; non ad æmulationem, aut, quod pudet me dicere, similitatem. Et fuere tamen improbi homines, qui id sperarent: à quibus alia quædam ad me delata olim, non nego. sed vana, falsa, vt nunc video; & quibus caput homines non profecti solùm, sed vtrique nostrum infesti. Ea, per communes deos deasque, obliteremus mi Amice: & beneficiis inter nos certemus, non querelis. Electorum librum iam nunc vulgaui: paro Saturnalium sermonum, & de vitâ ac scriptis An-
nati

nai Senecę, quem nec inuitus ad te miserim, quasi vadem amicitiae cõeuntis & faneſcentis. Etsi quid in eâ ægrum? nec aliud peccatum vtrimque, quàm celsatione, & amicitia, vt sic dicam, inusu. Quod ipsum emendemus. Viximus amicissimè vnà, viuamus porrò & moriamur. En ego ille, cuius ingenium & os coràm probasti: nec amorem absentis requires profectò aut fidem. Te vt eundem sperem, faciunt pauca, sed impressa & signata epistolæ tuę verba: quæ ruminor idemtidem & examino, vt solent amantes. Vale. Lugduni in Batauis, ad magnū & sine terminis mare. III. Kal. Decemb. ∞. IO. LXXXI.

EPISTOLA LIV.

ABRAHAMO ORTELIO S. *precor.*

PER fidem, Orteli, vt tu vtrimque largus es, & amando, & donando! Miseram ad te nescio quid munusculi nuper, Amphitheatrales meas nugas: tu rependis illicò & reponis, sed verum amplumque donum, THEATRVM tuum. Ad tutelarein Prætores ibimus? Profundis enim tua, & quidem valdè
** ἀμέτρητος μέτρον*: cùm pro libello, libros; pro ludis, seria: pro orbiculis Arenarum, diffusum istam terrarum Orbem admetiris. & eum ipsum in triumphali veste, purpuratum auratumq;. Quid censes? donis magnis capi me? non magis quàm numina (si comparare fas: quæ vt voluntatem solam in oblationibus meriuntur, sic ego. At ea in te magna: & ideò munus tuum iure mihi magnum. Vtinam hic quoque animus aliquà tibi liqueat: in quo acris flamma, sed per nullam occasionem erumpendi, adhuc clausa. Quod vereor, mi Orteli, vt breui quoque vestræ vrbi sit. Quæ enim istæ pontium moles, quas audimus? aut quid parat nouus ille Xerxes? Non ego
** κέρκω σάινων*, cum Aristophane: sed maior profectò est & prudentior opinione nostrâ ille Princeps. Hoc ipsum opus quanti animi est? prisci, & Romani. Ac compedes profectò Poliorcetes ille iniiciet indomito vestro Scaldi, nisi quid subueniant filij isti Neptunini. Batauos & Zelandos dico. qui tamen lentè accurrunt, nec vt ad socialem flammam. Heu
** κρατὴρ κακῶν*! & falsa vobis vita, si auferitur hoc salum. Quid suadeo igitur? fugam. sed non ab vrbe,

** Immensâ
mensurâ.*

** Caudâ
blandiens
sive adu-
lans.*

** Crater
malorum.*

* Scripsit
de Imp.
olim, &
exempla-
ria in Ita-
liâ edita,
sed per-
pauca.

mi Orteli, aut solo patrio; tantum à vulgo. Ad Constantiæ nostræ asylum te voco, & ad arcana illa Sapientiæ templa. Cuius tectum si semel subis & penetras, tectum ego sacrumque te habeo ab omni vi, ab omni hoste. Salus missa à Dudithio, Cratone, Monauio, mihi grata: quæ tres stellæ in vnâ iam vrbe, valdè illustrent Germaniæ illum tractum. tu quoque à me remitte. Viuiani nostri poemata vidi: valdè mihi tersum & probum. Sed Itinerarium vestrum quando ad nos? Ne preme. & quod boni prouidique patres, si tibi obsideri visum, emitte saltem hanc prolem. De * Chirio Fortunatiano, indagatio tua noua. adeò autem mihi ille non visus, vt nec auditus. quin ipse vltro peto, si alicunde eruis, concede vsuram. Ad Scottum nostrum scripsi. en litteras, quas mittes, & amorem nostri non dimittes. Lugd. Batauor. iv. Kal. Ianuar. ∞. 10. LXXXIV.

EPISTOLA LV.

HENRICO WILTIO S. D.

VERE existimas. officium mihi fuit tua scriptio, imò beneficiū: quia & amoris tui in me index, & diligentia, quam intermittere à te in hoc otio gaudeo, non dimitti. Adde amicam inuitationem tuam: cui quòd hoc tempore non pareo, ab occupationibus meis est, non à voluntate. Nam animum si consulo; reuerà ambit esse isthic, & regustare humanitatem vestram, quam anno superiore pleno ore hausi. Sed ita conditio mea est, vt mos mihi potius alienis cupiditatibus gerendus sit, quàm meis. Impedimenta, quæ desubito mihi nata, scripsi ad Pollionem: nec hîc itero. Itaque quod benigni creditores solent, voluntate meâ sustentaberis, & illam nunc accipies in solutum. At te, mi Wilti, hortor (quod in extremâ epistolâ tuâ prudenter scriptum) cogites, quàm in præcipiti cursu ætas tua sit: nec facile facturum te messem, si in hoc iuuenili vere neglexeris facere sementem. Sementem dico, & virtutis & doctrinæ. Ad vtramque enim te voco. quòd hæc sine illâ damnosa: illa sine hac, parum decora aut ornata sit. Aures tuas sæpè insonet illa De-

* sumptuosissima
iactura tem-
pus.

mocritici, vt opinor, laudata vox: * πολυτελέστατον ἀνάλαμα χρό-
νου. Vt in flumine vnda vndam trudit, nec vinquam reuocas
clapsam:

elapsam: sic in tempore dies diem, nec reparas amissam. Cogita, & vale. Parens tuus à me saluebit, & noster Canterus. Lugduni Bataurorum III. Idus Sextiles. ∞. ID. LXXXII.

EPISTOLA LVI.

CONSULIBVS ET SENATV
ANTVERPIENSI S. D.

NOBILISSIMI & Amplissimi Domini, Munus accepi, non meo munere, sed splendore vestro dignum. Pretium in eo respiciam, siue artem; omnia eiusmodi, quæ animum vestrum abundè declarent, & quæ me deuinciant nouo vincolo. Cuius si non soluendi, at laxandi saltem aliquo genere officiorum, vtinam facultas mihi vniquam sit! Intelligeretis profectò æstimare me munera posse, & accipere: non tam propter ipsa, quàm eos qui adfectu tali dederunt. Ingenuè dico. Aurum illud aut argentum nihil me mouet, aduersus talia satis firmum: mouet proluxa hæc vestra humanitas, quæ omnia non impetrare solum à Lipsio potest, sed imperare. Valete Ampliss. Coss. & Senatt. urbemque vestram regite inter hos fluctus, præeunte & gubernante supremo illo Naclero. Lugd. Batauor. IV. Idus Ianuarias. ∞. ID. LXXXIV.

EPISTOLA LVII. *Vltraiectum.*

HADRIANO VANDERBVRCHIO V. C.

ET litteras tuas nunc accepi, & nuper carmen. vtrumque gratum mihi fuisse scire debes, etiam me silente: quidni enim testimonia hæc à pectore tam amico? At tu etiam Valerium Max. vltro submisisti: in quo priuatim mihi, & publicè non nihil litteris etià contulisse te, re(spero) ostendam. Maneat feliciter hic coeptus amor inter nos, qui Genio ingenioque non dispares; & his solatiis vtamur in mæstitiâ publicâ temporū & infelicissimi æui. Nā vt sol aliquis alius tenebras & turbas istas pellat, video nondū. Ligna & oleum ad miserum incendiū hoc Belgicæ suggerunt passim. & nos ardemus: vicini alij rident, spectant;

Etant; alij miserantur, sed miserantur tantum. Deus scilicet ille est qui punitum it iure veterem nostrum luxum. feramus; aut ne feramus, emendemus. De munere apto ad valetudinē meam firmandam, habeo gratiam. ego quid mittam? animum & verba: cetera immunis. Vale. Lugduni Bataur. v. Kal. Febr.

EPISTOLA LVIII. *Amstelrodamum.*

MART. LYDIO S. mitto.

NEC epistolā tuā quidquam mihi potuit accidere gratius, nec admonitione siue censurā. In vtraque amor tuus elucet: in hac magis. quam nisi liberē in amicitiam admittimus, tollimus pulcherrimum eius fructum. Ego de meo sensu noui & attestor, libentissimē me sicubi deflexi, non corrigi solum, sed corripī: certē cū de animo mihi constat corrigentis. quem totum candidum purumque in te scio, mi Lydi, & famæ ac salutis meæ amantem. Itaque nec excusatione nec tergiuersatione istā opus: quā (verē dicam) gratiam admonitionis corrupisti in parte. Ego enim me ab amicis non blandē amari velim, sed fortiter; id est, vt viris ac sapientibus est dignum. Sed de notā ad verba illa paginæ 66. * Constantiæ meæ: sententiā meam breuiter sic habe. Cū ea scripsi, ad peccatum & ad malum respexi: quod Deo sanciente & præscribente euenire, durum mihi videbatur dicere. Fateor eam vim esse Prouidentiae diuinæ, vt nihil in minimis maximisque eueniat, quod à filo illo non pendeat: tamen cautionem cautissimam in verbis & effatis adhibendā censeo, vulgi inprimis causā. Itaque Damasceni verba hoc fine adiunxi. Nā *ἀπόγνωσιν, ἀπόνοian, ἀπορροσµον*, ratione quādam distingui ab hominibus, & causā hominum, non ignoras: nec temerē dixerim, Peccata euenire Dei præfinitione. Nec tamen certamen hīc mihi vllum tecum: sed rem altam, intricatam, & vereor vt homini semper obscuram, sic explico. Definitum à Deo omne agnosco, quidquid euenit: trepido tamen dicere, peccata ipsa. quorum fontem à solā malā voluntate nostrā esse censeam, supremā illā voluntate permittente. Exempli causā. In Tarquinij adulterio, in cadibus ab Herode innocentum, duo specto: factum ipsum, & crimen. Factum à

* Lib. i.

cap. xx.

Vidit, non

coegit: sci-

uit, non

sancit. &c.

Deo definitum fateor, & comprehendo sub fatali illâ lege: crimen, quod soli voluntati inhæret, non videor fateri posse, sine iniuriâ Dei. Causam omnium rerum diuinam voluntatem statuo, omniumque euentuum etiam si mali sint: at non causam causæ mediæ, quoties ea mala. Alias quomodo effugimus, ut non auctor ille sit mali? ut non adprobator? Itaque ea quæ ex * Actis ap-
* Acta Apost. c. II. vide.
tissimè adducis, huc accommodo. Mortem Christi destinatam ab æterno, proditorem Iudæ ab æterno, mediæque omnia quæ ad salutare illud opus ferrent: sed non crimina adnexa ipsis factis, quibus fundamentum in impiâ tantum voluntate. Quod si tamen satis habemus generaliter & vniuersè dicere, omnia non præscita solum à Deo, sed præscripta, hoc respectu, quod illa ipsa facta sine peccato euenire non potuerunt: ego non pugnaciter pugnauero, & fatebor fortasse (cum omnia examinauimus) vim hanc inesse cathenæ illi & nexui Prouidentiae immotæ & æternæ. sed differi tamen ea in vulgus, periculi inuidiæque plenum existimem: vulgo autem scriptus meus liber. Habes strictim mentem mei scripti. Tu si quid aliud obseruas, aut si quid etiam est in quo ambigis, valdè à te peto ne me celes. Non delectabunt me solum eiusmodi iudicia & indicia, sed docebunt. In istis ipsis quæ nunc scripsi, si quid aberro, dirige: reipsâ videbis, me non admoneri solum posse, sed emendari. De misso ad me Heroldo, habeo gratiam remittam cum fide, ubi legero. Quamquam de Germaniâ Taciti, nescio an hac editione emoliar accuratè. Occupationes, & valetudo, & Typographi festinatio, sæpè nobis impedimento. Quod pag. eiusdem Constantiæ meæ 131. in margine positum est, * *Davidis adulterium*: facilè obseruasti peregrinationem esse meæ mentis. Itaque velim pro eâ notâ hanc in libro tuo substituas, * *Quâ populum ambitiosè recensuit*. quod alios etiam monui. Vale. Lugduni Bataur. XIII. Kal. Decemb. ∞. MD. LXXXIII.

EPISTOLA LIX.

Antuerpiam.

CORNELIO PRVNIO S. D.

LIBROS hos de Constantiâ cum ad Senatum vestrum, Vir Clarissime, mitterem: valdè peccassem, si nō ad te vnâ. Nec enim Senatus solum ipsius magna pars es: sed & mei. qui amo te,
K qui

qui abs te amor: nec cum Antuerpiam veni, facile pectus reperio magis promptum in me aut pronum. Addo & causam tertiam, quia prudens tu & doctus: cuiusmodi lectore, imò iudice, opus mihi in nouitio hoc scripto. Parum adhuc tritum istud ad Sapientiam iter: nec scio an ipse id peragrauerim vsquequaque pede recto. aut si; an alijs videbor. Sæculum enim & mores non ignoras, quamq; in re quæ pietatem tangit, varij hodie sensus & dissensus. Non sententia, sed verbum aliquod à calente calamo anceps fugiat: ecce calumniarum subitus & magnus ignis. Quæ causa abstinuit me, fateor, ab altiori initu in sacrarum illud rerum mare. quò materies alioqui & ingenij ventus vocabat: sed repressit hic metus, & ad nauigare iussit litus. Elephantas aiunt, etsi amnibus impensè delectentur, haud temerè tamē cos ingredi, cum inscij sint natandi: idem in Theologiâ mihi. quam amo, quam æstimo; & tingo salubribus eius aquis libens animū, non tamen mergo. Quæstionum enim vortices illos horreo: ijsque ne inuoluatur, ad fidei & obambulo saltem eius ripas. Et hinc tamen haurio & ex tuto sumo, quæ ad usum. Nā acumina aut dissertationum culæ quid iuuent? Quod ille de Virtute censet, rem eam esse non verba: iustiùs ego de Theologiâ. cuius verum seriumque finem censeo, Vitam. Vt melior; non vt doctior fiam, sacra illa volumina tango: vt pectus instruam, non vt acuam mentem. Procul à me isti, qui alti & subnixi ambulant, * μέλλω τινὰ ἢ καὶ ἀνθρώπων σοφίας σοφοί: quique, quod Socrati obiectum olim, * θεωρεῖν τὸν ἑαυτοῦ ἑαυτοῦ τὰ τε ὑπὸ γῆνι καὶ τὰ ἐπὶ οὐρανῷ. Et cum omnia tamen subtilis ingenij alâ peruolarint; miselli, præteruolant ipsi sese. Reliqua sciunt: illud vnum quod scitu necessarium est nesciunt, vt se sciant. Sed hos mitto. te Vir amicissime quæso, vt gratum hoc munus animumq; nostrum habeas: & istum ames, illud examines. quo fine præcipuè scito à me missum. Siquid alibi aliter dictum: hoc magis mihi amicus, quò liberius monueris. quia inter eos ego qui labi & errare possunt, sed & inter eos qui resurgere & emendari. De Amplissimi Torrentij valetudine & statu, gratum mihi si per te cognouero. Iure nobis carus, rarus ille vir. Vale. Lugduni Batavorum xviii. Kal. Nouemb. ∞. Io. LXXXIII.

* Maiorem
quàm pro
homine, sa-
pientiam
sapientes.

* Satagunt
inquirentes,
in qua ter-
ram infra
in qua ce-
lum supra.

EPISTOLA LX.

Leodium.

DOMINICO LAMPSONIO, *Leodiensi Episcopo* &
Principi à Secretis, S. D.

Div est cùm scripturio ad te, Vir clarissime, sustinui me dum scriptum illud promissum exspecto, materiẽ scilicet vberiore respondēdi. Nam lata & lata illa epistola, quid ferè aliud habet, quàm adhortationem & laudes? Quæ amplector vtraque, quia in ijs amorem tuum agnosco, sine labe, sine fūco. Non merui, quid refert? hoc ipsum delectat, talibus viris & iudicibus meruisse videri. Non enim fallacia tua verba, sed prompta è pectore, & vt ille ait * ἐκ φρενῶν μυχῶ. Itaque calcar mihi addis ad decurrendam reliquam hanc viam: quod detrahunt mihi sæpè iudicia quorundam, qui θεολόγων, vt volunt, παίδες. Misceri enim hæc novllā Sapientiæ humanæ. Nec acriter ijs sanè pugnem: nisi quòd nescio quomodo apud homines vim aliquam habeant & iuvēt etiam ista externa. Quis veterum Theologorum Philosophiam spreuit? vsurparunt imò & Græci & Latini, sed suo quodam fine. Ego ex vsu non iuventutis solum nostræ, sed generis humani putem, trahi & conducì omnia ad metam hanc pietatis: modus teneatur tantum, & vt hæc diuinis litteris seruiant, non vt contrà. De Amphitheatro, philologū aliquid nuper edidimus: & exemplaria mitti iussimus ad Clariss. Torrentiū, vnà tecum. Nunc feriamur: nisi quòd Taciti Commentarium recensemus, & in quibusdam refingimus, sed leui manu. Ximenio tuo, imò nostro, velim à me multam salutē dici. quem virum olim penè puer Colonia vidi & audiui, sed numquam pernoui. Doleo, & excitor, non in amorem solum eius, sed amplexum: ita multa à multis audio de sincerâ illâ & doctrinâ & pietate. Tu si mihi interpretes & conciliator amicitia illius es, magno me beneficio deuinxeris. Otho Venius à nobis abit, sed inuitis: insignis moribus & arte adolescens, & cuius manus vsui mihi esse poterat ad multa Antiquitatis illustranda. Eum commendatum tibi, tamen cōmendo. etiam me: quem scire certò debes tui ex animo amantem. Salutat te I. Doula. Lugduni Batavorum Prid. Kal. Iun. ∞. MD. LXXXIV.

EPISTOLA LXI.

THEODORO LEEWIO *Consiliario* S. D.

HAVTENVS noster ad te venit: cui vtinam ego comes! Sed valetudo validè vetat: quæ semper anceps, nunc acerba, tenet, ligatq. me domi. Alioquin in votis mihi prorsus, te videre, te solari, & officium exhibere quod eiusmodi tempora exigunt ab amico. Litteris id feci antea: sed nescio quomodo momentum hîc magnum habet frons ipsa & ipse vultus. Euripides non vanè mihi visus scribere, Non serenitatem nautis gratiorem in tempestate aduenire, quàm lugenti amico amicum. Sed & hoc breui, vt spero, fiet. Interea mi Leewi, firmare quæso paullùm, & frigus illud tenebrasque dolorum calface & illustra ad Rationis solem. Ante omnia nouitatis opinionem hanc exue, quæ luctui tuo malè fauet. Miserabili, inquis, genere mortis periit, & quod luctu municipium omne nostrum compleuit. Scio, & adfectu aspectuque primo ipse misereor: sed hîc quoque paullùm te attolle, & fecerne à vulgo. Quid illud miserabile? cùm omnia circumspexeris, Mori. Varia ad illam metam via fert, cliuosa, plana, breuis, longa: eadem tamen omnibus quies, cùm peruenêre. Tua per difficilem partum, & velut per nimbos fluctusque delata est in Beatum illum portum: delata tamen. & præteritus labor adeò non grauis illi nunc, etiam gratus. Tu tantùm ne misereare, imò nec mirare. Scilicet id genus Fati non cadit in hunc sexum? non communis ille omnium prægnatium timor? Imò non crebriores alios sermones audias, si in confessum aut conuentum venias muliebrem. Attamen hic nostrum omnium error: cùm triste aliquid accidit, etiamsi non nouum, habere id vt nouum. Per circumstâtias quasdam augemus, polimus, & velut fucum ac lenocinium circumponimus dolori. Peruersi mortales! contra oportuit: & in omni casu oculos flectere ad communem dispersamq. legem. Non Hagam solùm aut Batauiæ hunc angulum intueri, aut quid pauculis ibi annis gestum sit: sed diffundere cogitationem per sola hæc terrarum. Conditionem tibi pono. Iure non lugebis solùm, sed indignabere vt in nouo fato: nisi alibi terrarum, hac ipsâ horâ, idem ille aut acerbior casus. Et tam encur peregrinêre?

nère? reperies exempla eadem, si quæres, in finitimis istis locis. Quamobrem exsurge, & contra leuia ac luforia hæc Doloris arma, arripe vera. Quid vita, quid mors, quid fatū sit, seriò cogita: scio placari posse implacabilem etiam dolorem. Quid enim hæc vita, quam eripi lugemus? ludibriorum scæna, miseriarum mare. per quod vt maximè ex voto tibi feratur nauis, tamen in multos scopulos impingas, multis vadis obhærescas necessum est. Quid ipsa mors, quam timemus? requies, gaudiū, & vera vita. aut siquid in eâ mali, malis tantum. Quid miseraris traductam ad hanc, optimam matronam, & per fidem salutis suæ velut certam? Iam Fatum quid? æterna, ab æterno, in æternum, dei lex: quam adeò non abrogare fas, vt nec obrogari ei liceat aut derogari. Si ab æterno & immobilis: stulte, quid cum Necessitate pugnas? hoc vnum vinctes, vt pluribus plagis cōtusos vincare. Si à deo: impie, quid queris? Culpare nō potes aliquid malum aut acerbum in eo & ab eo, qui Bonitas & Benignitas est totus. Naturam eius si exprimere vales, non meliùs aut magis propriè exprefferis, quàm per eas voces. Mortua igitur tua est? debuit. illo tempore, illo fati genere? debuit. Lex ita lata: quam frustra sollicitant & exagitāt acumina hodie ingeniorum. non enim mouebunt. Quin nos, qui sapimus, pareamus potiùs; & quod necessariò patiendum est, etiam libenter patiamur. Leuamentum aliquod miseriarum est, non reniti. Cur autem renitamur? Non Deus solū est, quia ita de nobis statuit: sed & pater. Salutare igitur, bonum, prosperum: quidquid sensibus oculisque nostris aliter videatur. An illi curæ aut amoris nos esse non putas? magis quàm nos nobis. Sed & pueris parentes multa præter votum imponunt, idq; tutelæ aut salutis causâ: item ille nobis. Hæc mi Leewi seriò discute & bonâ fide. leuaberis, si ostium pectoris semel Rationi aperies, remoto repagulo isto vulgarium opinionum. Plura me Hauteni discessus vetat addere: iubebat tamen amor, qui magnus mihi in te semper & sanctus. Vale. Kal. Martijs. ∞ IO. LXXXV.

EPISTOLA LXII.

AMICO *cuidam* S. D.

IRASCI debebam mi **, si possem. Tu ne vt iter vllum susceperis, non dicam sine comite me, sed sine conscio? Hoc verum

fuit: Pectus tuum roga: non dicet id esse pro veteri illo & fido inter nos amore. Caput meum hoc tango & testor, nullum mihi caput carius fuisse tuo. Quid autem suspicer? arcanam aliquam causam huius consilij fuisse? non inquirō. & si ea aperienda mihi non fuit totâ fronte, saltem vestigijs & sub personâ ostendenda. Ego te in meis rebus tale aliquid nūquam celassem. An subito hoc tibi natum, & per mortem vnus illius viri? Hoc potius credo: quia reuera causæ tibi temporanei alicuius secessus hîc non iniustæ. Noui collegas tuos, scio quibuscum res & consilia miscenda fuerint: homines & actiones, parum ad tuum stomachum aut ad nostrum. Interea tamen (quæso hoc volens audi à volentissimo tibi amico) nec nos omnino eam rem celandi eramus, nec certè vxor: quæ misera se adflctat. Quamquam nos solamur & erigimus: certi, nō aliud latere sub hoc instituto tuo, quàm secessum aliquem ab his turbis. Tamen mulieres nostri; (etsi tua sane prudens, & mariti ex animo amans) & linguas siue malas, siue vanas. Quibus, oro te, in tēpore medere: & ad nos redi, qui manere tecum parati, abire, parè dicam petire. omnia, vt feret res & tempus. Quæ enim tibi causæ eximij alicuius consilij, aut singularis? Confusio hîc & discrimen? scimus: sed & animum tuum nouimus nihil horum metuentem. Denique inter homines istos dum viuimus, obsecro vitam etiam instituamus humanâ hac & communi viâ. Pax aut bellum erit? communiter consilium aliquod capiemus, quod paci huic attemperemus siue bello. At ego tamquam seriò scribo, & quasi monendus mihi sis: quem liquet vsurpasse hanc profectionem animi causâ; etsi cum angore aliquo tuorum. Quibus etiam, mi **, consule. & ad suauitatem conuictus illius nostri redi, sine quo tenebræ nobis in mediâ luce. Verè dicam etsi vulgariter, Vita sine te nobis non vitalis. Res adhuc hîc quietæ: sed Brabantia tamen & Flandria raptantur, vt audire te credo etiam istic. E Gallijs litteras iam bis accepi, & quædam in ijs noua. vti de Re accipitrariâ carmen, subtilis & nouitiæ inuentionis. Veni & vide, & (quod Constantiam tuam meamq; decet) ride. cur enim non spernamus hæc circumfusa & externa, iure ijs altiores? Nobiliss. VV. Philippum Sidnæum, & Dierum, si vides, saluta à me quæso: & ijs indica, per te stetisse quòd eos non viderim tecum. Certè enim inuitis meis omnibus iuissem.

Tui valent: vale & tu, & fac vt breui te videamus expectatum. Salutat te Hautenus noster, qui hilariter herè apud me in prandio fuit, ad funus Melonis. Inuideas illis exsequialibus epulis, si in tam albo pectore liuor. Lugduni Batauorum x. Kalend. Septemb. ∞. 15. LXXXIV.

EPISTOLA LXIII.

Lutetiam.

AUGERIO BVSBEQVIO *Cæsaris Legato*, S. D.

PERIISSE litteras meas nuperas ad te, minùs dolco, quòd de officio meo tamen tibi constat. Nihil enim in ijs magnum aut serium. hoc tantùm, adfectus mei & cultus significationem continebant: quem à iudicio susceptum, constanter seruo. At tuæ istæ litteræ, quàm mihi gratae, & in medijs his molestijs iucundæ. Præter enim amorem (qui largiter appâret) etiâ grauissimi testimonij tui pondus continêt & iudicij de meis scriptis. Quod amo magis, quàm probo: quia mihi virium mearum cōsciùs ego sum, & modicæ laudis. Fuimus his septimanis aliquot in Taciti Commentarijs refingendis, & nouis quibusdam attexendis, vt videbis. exemplar enim Antuerpiâ iussi mitti: si tamen commodè id poterit per has turbas. Nam caput illud Belgij à corpore nostro semi-auulsum. Ripas obsident, & tormentis aditū nauibus arcent: etsi nautæ adhuc perrumpunt. Nobis mutatio non impender iam, sed adest: faxit ille Deus vt in bonū. Quamquam hæc sunt illa, aduersus quæ Constantia nostra nos armauit: quæ hoc saltem mihi profuit, quòd ab eâ scripture impressum animo meo sensi aliquod robur. Plures hîc imperant. nec vidi eam rem benè vmquam cessisse in bellis. Discidium etiam animorum præfagio, & motus fortassis in ipsâ plebe. Nobis tamen decretum patriam non mutare, si mediocris aliquis in eâ status. si nullus, & si confusio tantùm & raptus: quæcumque terra dederit nobis aliquam sedem. Nec enim liberi prægrauant, & sola mihi vxor. Ianum Guilielmium commendaueram tibi superioribus meis litteris, adolescentem, si quid video, probi ingenij, animi, iudicij. Ei si quid benignè facere potes aut dicere, quæso ne grauère. Ex istâ iuuentute nō est alius, de quo meliùs sperem. Itineraria tua Plan- tinus si accipiet, edet. nos qualecumque augmentum auidè exspectamus.

spectamus. De Thraseâ meo poliendo cogitabam, vereor vt tempora permittant. Quidquid tamen ea permittet, mihi certum conferre ad hanc meliorem curam: & quod in me est, fugitivas virtutes retrahere in nostrum æuum. Valdè me huc incitat etiam tua admonitio, & votum, quo honorificè nimis epistolam tuam claudis. Vale Amplifs. Domine. Lugduni Bataur. x. Kalend. Septemb. ∞. Id. LXXXIV.

EPISTOLA LXIV.

Leodium.

LAEVINO TORRENTIO V. amplissimo S. D.

ITA Salus aliquando seriò me respiciat (nam hætenus quidem adit, abit, & vacillat) vt mihi insigni gaudio imò robori sunt tuæ litteræ, tam amanter ad Plantinum de me scriptæ. Te noui, me noui: & hoc scio, hunc tam prolixum adfectum non meruisse à tali viro. Quid dicam? me meaque offerrem & addicerem, nisi iam pridem addicta tibi, nexu quidem & vinclo, quod non nisi atra mors rumpet. Commentatiunculas nostras semestris hic morbus valdè tardauit: morbus, qui per interualla duxit me ad Fati limen, & reduxit. Nec nunc optimè: etsi in optimâ spe, vt medici volunt, & iam in abscessu atque inclinatione sit morbus. Absque eo, iam & Suetonium meum haberes (meum? imò verè tuum, cum tuo integro Commentario, meis tantum ad oram Notis: prætereà, votum tibi & dicatum:) & Dialogos nostros De Rectâ institutione iuuentutis, quibus sermonis partes do Philippo Lanoyo & Papio nostro. Amo enim & amaui rectissimum ingenium adolescentis, dignissimi hac vitâ, nisi meliorem ei Deus destinasset. Plura iubet amor meus, imò ardor: vetat languor, & serum hoc diei, quo litteræ tuæ conspectæ nobis. Excusa. & apud Dominicum Lampsonium item nostrum, cui cis paucos dies vbertim scribam. Officij enim aliqua cessatio apud me per hos menses, non amoris: qui mihi æternus in tales viros. Vale, & salueat à me Læuineius tuus. Lugduni, vt volunt, Bataurorum. Postrid. Kalend. Ianuar. ∞. Id. LXXXV.

EPISTOLA LXV.

Lugd. Bat.

BONAVENTURA VULCANI, Vir & collega amice,

CALLIMACHVM, Bionem, Moschum, iam nunc à te accipi:
 Vno partu trigeminos, rarum & felicem ingenij tui fatum.
 Publicâ causâ (verè dicam) tibi debeo: priuatâ magis, quia duos
 ex ijs mihi inscribis, hoc est, immortalem me facis. quo quid ho-
 mini ab homine maius dari potest? Viuent enim amœnissimi
 poëtæ illi, quamdiu Musæ: & cum ijs tuus labor: & cum labore
 tuo meum nomen, quod Musæo illi peplo intexuisti amicâ &
 doctâ nimis acu. Gratias agam aut habeam? referre malim. & ta-
 men verbis quoque nunc dicam, sed paucis & fidis. Emptum me
 tibi hoc munere, inancipio tuum. & addo improbi hominis pri-
 scas illas voces, sed probè & sinceriter: *Quid concupiscas, tu videris:
 quod concupiueris, certè habebis*. Libros nouitios, quos è diuite bi-
 bliothecâ tuâ prompseram, per hunc puerum recipe. De ** Col-
 lectaneis iudicium quæris? illud Iuliani scitum profero: * *ἔγωγον, * Vidi, legi,
 δυνέγων, κατέγων*. Magis ad gustum meum Conuiuialia Stuckij, ex
 eâdem gente, nō ab eâdem mente. Firmiora hîc omnia & lectio-
 ra. De Sigma, quod obiter querebas & videras, ille nihil noui: for-
 tasse nunc ego. Nam quæ in antiquis scripsi, vacillantia aut falsa.
 Non enim Sigma antiquis Biclinium propriè, vt sensi ego: non
 diæta aut cænatio tota, vt Cælius: nō mensa ipsa, vt Brodæus: sed
 nisi fallor, certa in cænatione pars seorsum erecta & exstructa ad
 recipiendum lectum. idq. hemicycli aut lunatâ formâ, quâ litte-
 ra illa Græca passim hodie in lapidibus & priscis libris. Suggestū,
 inquam, quoddam ligneum (siue quâ meliore materiâ, non im-
 pedio) semirotondum: in quo perpetuus vnus lectus, ad sex se-
 ptem conuiuas recipiendos. Quod velut dimidiatum triclinium
 repertum inferiore æuo, ad facilem & magis aptum vsum. Ab
 Apuleio hîc mihi prima lux, & à me illi. de Psyche, lib. v. *Viso quæ
 statim proximo semirotondo suggesto propter, instrumentum cænatorium
 rata refectui suo commodum, libens accumbit*. Non nominat Sigma,
 fateor: sed auribus oculisq. ingerit quasi nominasset, ita clarè. Se-
 mirotundum suggestum ponit, & Instrumentum cænatorium
 appellat. quid capere aliud est, quàm hoc Sigma? Triclinij enim
 certè non illa forma. Radium mihi etiam aliquem, etsi à tene-

broſo æuo ſcriptor, allucet Ditmarus Epiſcopus libro IIII. Chroni-
cor. De Othone Imperatore: *Imperator*, inquit, *antiquam Roma-*
norum cupiens conſuetudinem reuocare, magnâ ex parte iam ſuis deletam
tēporibus, multa faciebat quæ diuerſi diuerſè accipiebant. Solus ad men-
ſam quaſi ſemicirculum factam, loco ceteris eminentiore ſedebat. Quod
libens item rettulerim ad Sigma: ſicut illud ad Principalem mo-
rem, quòd ſolus, quòd loco eminentiore. Sed menſam ipſam
ad Sigma, lunatâ item formâ fuiſſe hinc diſcis. parte dico eâ, quâ
conuiuas tangebat: nam illâ, quâ alios, fuerit lineâ ſanè rectâ,
ad miniſterium & adſtitionem puerorum ſcilicet aptiore. Et
quamquam de menſâ hîc Ditmarus: non tamen eam ſolam ve-
niſſe in id nomen (eruditiffimo Brodæo ſcriptum:) peruincit Si-
donius, qui in his verſibus diſcriminat clarè:

Non tibi gemmatis ponentur prandia menſis,

Aſſyrius murex nec tibi ſigma dabit.

Ita omnino lego, non *Signa*, vt vulgò. Idem alibi nominat, &
oſtendit duplex fuiſſe, *Æltium* & *Hibernum*.

Cominus aſſicitur vel prima vel extrema turris:

Mos erat hic dominis hibernum Sigma locare.

Vbi Locandi verbum refutat item Cælium, Diætâ capientem
ipſam. At ea non transfertur; nō locatur in turre. Cetera, quæ huc
faciunt, aut ego aut Stuckius iam diximus. De Antecænâ etiam
ambigo, quòd ad vocem. Macrobius ſanè ita: ſed in Apuleio &
Iſidoro tuo Antecænium, ſiue multitudinis caſu Antecænia re-
perio. quidni rectè, quo flexu à Scænâ Proſcænium? Ille libro II.
ſic: *Prorſus gladiatorie Veneris antecania*. Alter lib. xx. *Merenda*
eſt cibus qui declinante die ſumitur: quaſi poſt meridiem edendus &
proxima cane. vnde & Antecania à quibuſdam dicitur. niſi ſi hîc
vtrobique Antecæna reponenda: quod haud temerè putem. Sal-
ue iterum mi Vulcani: iterumque tibi à me gratiæ. quas promam
ſemper & recondam, habebo æternum & debebo.

EPISTOLA LXVI.

Lutetiam.

IANO GVILIELMIO S. D.

SERIO ægrotabam, mi Guilielmi, tamen expreſſit amor vt
ſcriberem: non miraberis, ſi paucis. Hepatis enim acer nec
ſine

sine discrimine morbus est, qui me septimanas iam aliquot affligit: quam partem ad vitam eiusq; munia principem esse, non ignoras. Litteræ tuæ nuperrimæ suauēs. celsi in ijs me de Epistolâ in Sigonium, quam missam tamen è Britannia vidi. Gaudeo conspirare te mecum: cuius iudicium super eâ Consolatione credo te iam vidisse. Sed tu, sodes, cur non acrius paulò egisti hanc causam? Debebas. & sine adspectu illius, quem nimis attollis, falsæ huius prolis patrem. Agnosco stilum, disiectum, otiosum, lentum: & illam (audeo apud te dicere) Sigoneitatem. Quid sibi volunt Itali? Transalpinos omnes esse fungos? Scilicet nemo nostrum inter oletum illud dijudicet, & Tullianam myrrham. De Re Accipitrariâ nouitiæ & acutæ inuentionis carmen accepi: legi mihi iussi per hunc ipsum morbum, placuit. Gratias quæso à me auctori & datori nuntia. cuius mihi laudes gratæ, eò imprimis, quòd iunxit me laudatissimis illis viris. De P. Fabro: gaudeo mihi impositum. Tamen scripseram etiam aliquid ad Cuiacium. tu purga. Tacitus noster prodit, & nouæ ad Historias reliquosque libellos Notæ. sed Notæ tantum. plura valetudo vetuit, & hæc turbæ, quæ rerum & mansionis nos faciunt incertos. Saluta Brissonium, Memmium, Scaligerum, & tu salue quidquid me erit. Constantia nostra iterum prodit, cum Præscriptione aduersus quosdam, qui in *doctæ doctæ*. Critica omnia nostra imprimuntur vno volumine iunctim, quibus noua quædam addeamus, si valeo & viuo. Lugd. Bat. xiii. Kal. Octob. ∞. Io. LXXXIV.

EPISTOLA LXVII.

IACOBO CUIACIO IC. S. *dico.*

SÆPE mihi de te sermo, Cuiaci clarissime virorum: apud te adhuc nullus. Hoc pudor vetuit: illud iussit amor & admiratio tui. quæ nō apud me solum, sed apud omnes in quos scintilla aliqua diffusa lucis melioris. Et eualerunt tandem hæc duo, ut abrumperem ingenitum mihi modestiæ vinculum: & iter ad amicitiam tuam struerem, sine vllis cuniculis, apertè. *Perit enim procari, si latet*, aiebat ille: & sæpè iam litteris nec vnus nec vnus, spes imò fiducia mihi facta mutui tui adfectus. Quæ non me fallit: si noui humanitatis veræ genium, qui spirat in tuis scriptis.

De rebus meis si in hoc aditu amicitiae aliquid quæris: cetera commodè agimus, nisi quod inter eos, quibus rerum bonarum nō magnus sensus. Bella etiam & tumultus, quibus inuoluimur, fieri non potest quin interdum & tangant nos & angant. Si de studijs: Commentarium Cornelianum vulgamus iterum, sed pleniorē. addimus enim in Historias & adiunctos libellos. Vtinam autem fas polire mihi eum presentis tui limâ! Quia non licet, velim tibi animus oriumque sit vel per litteras dirigendi me, corrigendi. Labimur enim, Cuiaci, in hoc genere ego alijque: & illa tua velut propria laus, exacta certaque esse quæ semel ex adyto tui pectoris profusa. Paramus etiam de Amphitheatro seu Venatione libros tres, ut fiant legitimi Saturnales quinque. Nescio quid præterea in Liuius nuper exorsus: quod pergam detexere, si auxilium mihi paullo firmitus librorum. Duo tresque apud me sunt: sed quasi de compacto consentientes. Tu, Vir maxime nostri æui, si dignum me habes quem redames, quem rebus item tuis consilijsque (de litteris loquor) participes, in cælo me collocabis nouâ apotheôsi. Ios. Scaligerum quem scio me tantum amare quantum tu, & quantum te (liberè enim addo,) ex animo salutes velim: cuius libros De emendatione temporum auidè, auidè exspectamus. Nisi ambitiosum sit, includam in eandem salutem magnum Brissonium, Puteanum, Fabrum, Pythæosque, viros clariss. & idè mihi quoque famâ notissimos. *Amare autem liceat, si potiri non licet.* Vale Vir clariss. Lugduni, ut volunt, Batauorum. III. Non. Octobris.

EPISTOLA LXVIII.

THEODORO LEEVIO *Consiliario* S. D.

DISTVLI ad te scribere, Vir clarissime, non libens. Morbus meus hoc fecit, qui non sine discrimine etiam nunc me vexat. Ego fero: & æquissimo animo exspecto illum diem, quo Imperator hoc corpore, imò carcere, me soluet. Obstructiones sunt quæ me tenent, internæ inflammationes, nescio quæ arcana alia symptomata, ad quæ medici ipsi trepidant & caligant. At non ego. scio hanc legem vniuerso humano generi datam: nec magis mirum aut nouum mori hominem, quàm nasci. Denique quid

quid est quod in sæculo hoc me teneat aut delectet? Publica video: pessimè habent. Priuata: etiam in ijs suæ cruces. Melonem nostrum tibi gratum fuisse, mihi gratum. Sanè bonos & eximios aliquot habui hoc anno. sed quid? ego, velut Tantalus sitit inter suas vndas, esurio inter medios melones. Nec gustare quidem mihi fas, ob hunc morbum. Constantiam nostram recudit Plantinus. pauca mutata aut addita præter Epistolam, quam videbis. Exemplar Latinum Seb. Gryphio nostro dabis, cui ex voto debeo. Belgicum vxori tuæ seruiet: si tamen hæc ad sapientiam illius sexus. Sed tu, si tanti est, interpretando iuuabis. Ego te illamque saluere ex animo iubeo. nam longior scriptio mihi non facit. Valete vterque. Leidæ, IX. Septemb. ∞. IO. LXXXIV. hodiè paullò rectius valere visus sum.

EPISTOLA LXIX.

MARTINO LYDIO S. D.

VALDE me, Lydi, de scriptiunculis meis vrges: vtiq; de Thraseâ. quod nollem. Cur enim eæ tanti? & si essent, non certè differrem, si otium aut vires mihi tempora darèt & hæc valetudo. Quæ nunc quidem (deo magno gratia) præter spem melior: sed infirma tamen ancepsque: & quam fouere ac vegetare per quietem debeo, quàm meditatione aut scriptione infringere. Paratus sanè magnâ ex parte Thraseas, fateor: sed limam tamen expectat & extremam illam manum, quæ mihi quidèmaximè in labore. Cetera enim impetu & calore quodam scribimus: iudicij hîc res est, & acrimoniæ, & intentionis. Materiem ipsam vide, grauè, seriam: an præcipitanda tibi ea videtur, & in pugnam aut aciem vocanda mea fama? Futurum id enim certè in rebus illis sublimibus, nisi omnia non benè solùm dicta, sed etiam cautè. Sæculum hoc noui, cōtentiones & variantes sententias, quæ vbique vigent. & vt veram liberè maximè exprimam (non enim vnquam deterrebor:) videndum tamen vt verbis & tempore id faciâ opportunè. Festinare in alio quouis scripto possum fortasse, & debeam: hîc non nisi maturare. At de Agellio, ecce magis me tibi facilem. Etsi enim H. Stephanus iam nunc eum dedit: tamen non spicæ mihi solùm multæ, sed fascēs reliqui,

quos carpam ex Attico eo agro. Itaque Plantino vltro iam locutus sum: nec differemus, si cursum typographiæ eius non sistent aduersi isti venti. Nam Antuerpia si amittitur, optimi viri res in arcto: nec facilè de sumptibus expediat aut papyro. Quamquam id quoque curabimus. Sed tu mi Lydi, quando in Frisiam? Gratulor enim tibi hoc otium, non otium: honestum tibi, vtile futurum iuuentuti. Meo voto & electione, iam pridem tibi is locus apud nos fuisset, & Doufam habeo crebri iudicij huius mei testem. Sed Deo aliter visum: qui te meque ad salutem foueat & firmet. Vale Vir amicissime. Lugduni Batauorum. IIII. Kalend. Iul. ∞. IO. LXXXV.

EPISTOLA LXX.

Brugas.

VICTORI GISELINO S. D.

ITANE litteræ à Victore? tandem, tandem. Quod in gaudio improuiso, vix credidi ipse meis oculis cum legerem, manibus cum tenerem. Itaque verè scribis, pro bono tibi cessit peruicax cessatio: quia in morè abisse videbatur, & desijisti flagitari. Imò præscriptio tibi iam pænè proderat (si Iurisconsultus esse vis) nisi hæc interrupisset scriptio. Sed vide ut non specimè solùm emendandi nobis præbeas, sed re emendes: nec gustū modò, sed rectam plenamque cænam. Aliàs, quò arenti mihi & sitienti pauculæ istæ gutte, si venâ tu iterum interclusurus es huius suauitatis? Sed non facies: quia non vltro ego facilis in ignoscendo, vel te auctore. Quod si iram etiam meam contemnes: quid? quid? Veniam videlicet ipse, & iterum te mihi adseram subtractum non bonâ fraude. Trellæo illi dij omnes benefaciant: qui adiutor tibi, ut opinor, & interpret honestissimi muneris. Sed ad carmen eius suadescne rescribam? nec enim hominem satis noui aut mores. De scidis recipieratis, noua & mira. Sed siue illum pœnitentia (non enim pudor) furti subijit: siue eum apud quem deposita: tibi quidem ex animo gratulor de receptis. Vide, ut te vnâ cum illis. Nam certè, mi Victor, indignantur iam pridem nostræ deæ desertas se à te, illo militiæ suæ principe olim & antesignano. Purga: & ostende emanationem hanc fuisse tantum, alendis ingenij viribus, & velut quiete irrigandis. De Plinio, ego quidem valdè
sum

sum auctor. Nec excusa. velis modò, fides mea interueniet de successu. Plantinus ædes hîc emit, Typographiâ instituit, & videmur effecturi vt stipêdium ab Ordinibus accipiat honestum. Fortassis ea res eriget excitabitque me ad studia, aliâs sæpè languentem. Laco noster, vr audio, planissimè perijt: nec deseruit illum præeuntem Nemesis, etsi pede claudò. A Cuiacio benigna multa ad me & honora. Gifaniij Agelliû excudi audimus. quem ego scriptorem ante quattuor menses ad Plantinum miseram, seuerè & anxie correctum: curq; omiserit aut dimiserit, ne nunc quidem scio. Nec quæro sanè aut curo. Nam si mens aut otium mihi, fatis multa in alijs scriptoribus que agamus: ne eripiâ hanc patri prolem, iam certè nubilem & plus quàm quindecennem. Scis quid ille semi-Italus questus de filioliâ suâ nuper: non sine risu meo, credo etiam vestro. Quem mihi commendasti, cupio omnia: sed nihildum ego aut Dusa extricamus. Nam de Plantino quam ei spem ostenderam, profertur in eius aduentum, id est ad initia veris. Antè nihil statuere de domo suâ vult, aut potest. Dusa noster Commentarios ad Petronium scripsit, nunc totus in Historiâ concinnandâ suæ gentis.

EPISTOLA LXXI.

Londinium.

IANO DOVSAE V. N. *Salutem opto.*

AN potiùs linguam? ista enim deest, qui tam diu files. Vindictam talionis merebare: sed noster amor si non maior, certè acrior: procatur, & laceffit te vltro. Valemus ego, tui liberi, tua vxor. non meæ Musa, ~~quæ scribere aliam tibi scribo. De vxo- & me vultu meo coram te habeo, me illam scribo, me illam scribo. De vxo- & me vultu meo coram te habeo, me illam scribo, me illam scribo.~~

EPISTOLA LXXII.

Antuerpiam.

IOANNI MOERENTORFIO S. *dico.*

VXOREM ad te redeuntem, mi Moerentorfi, quâ dimittam sine litteris? Ægrè eas scribo, fateor: sum enim in alienâ vrbe & domo: scribo tamen. siue quia debeo, siue quia valdè volo. De filioli tui apud nos obitu socer, credo, iam scripsit. Ego te so-
ler?

ler? animo facio: verbis nunc non licet, nec opus est, si firmitudinem animi tui probè noui. Sæpè eam in litteris ad focerū adspexi, sed in alienis rebus: te illa deferet in tuis? Non opinor. præsertim cū ita placita tibi ea virtus, vt per eā Constantia etiam nostra: quam non legis solum auidè, sed vertis. Vidi enim specimen, & probo. illud vellem, plus aliquid tibi permitteres, nec vestigia vsquequaque sermonis Latini premeres pede tam certo. Arta per hanc curam versio, astricta, tenuis, sæpè obscura. Est suus videlicet cuique linguę Genius, quem non auellas, nec temerè migrare iusseris in corpus alienum. Quàm multa Latinè breuiter scripserim; quæ si totidè verbis transferas, sententia nec plana satis, nec plena sit! Quàm multa rectè & altè: quæ in aliā linguā iaceāt, aut vacillēt! Quod ijs præsertim euenit, quorum stilus paullò magis ab eruditione habet & à curā. Iam allusiones illas, annominationes, flexus, & in vno sæpè verbo imagines, quæ tam dextra mens vertat, vt eadem vis ijs aut Venus? Exorbita igitur: & hoc erit rectam in vertendo viā tenēre, viam non tenēre. De pecuniolâ Facuens grata tua cura. expediemúsne aliquid à nūmario hoc tricone? quidquid erit, tibi debebo. De cistā scriptoriā, ô gratum & opportunum tuum munus: planè eā egebam. gratiam tibi meæ Musę. Tu tam benignus in nos salue; & vide vt validū te reperiat valentula iam tua vxor. Delfis, III. Idus Sept. ∞. IO. LXXXIII.

EPISTOLA LXXIII.

GEORGIO BENEDICTI.

ET carmen tuum valdè mihi gratum, mi Georgi, & beniuola memoria mei. sed illud longè gratissimum, quòd valens & incolumis appuleris ea loca, ad quæ missus es velut ad mercatum artium feriarum. Philosophię dico, & imprimis Theologiæ, ad quam postremam, non actiones solum omnes tuas, sed cogitationes necessum est collineare. Quæ tamen ipsa, quoniam sine pietate & puritate nulla est; caue, te quęso, ne quid labis aut maculæ trahas ex cœtu iuuentutis maculosæ. Fuge illos, fuge, qui liberioris vitæ obtentu ad licentiam trahunt: quę vna ianua & aditus ad omne scelus. Magna nō frustrā nobis de isto ingenio tuo pollicemur: tu vide sollicitè, ne id deprauent prauī. In flexu ipso ætatis

ætatis es: in quo si non laberis, speramus te inoffenso deinde cursu pertingere posse ad metam. Vale. Lugduni Bataurorum. ∞. IO. LXXXIV. Deus te seruet, in quo & à quo omnis salus.

EPISTOLA LXXIV. Lutetiam.

IANO GVILIELMIO meo S. D.

EGO verò Quæstiones tuas iam antè videram, & legeram cum curâ. An gemmæ hæ non luceant? an nos celentur? itaque non itero apud te iudicium meum, quod apud alios nusquam celo. Si tamen de alterâ editione cogitas, sunt minuta quædam quæ te monebo. Quid ni moneam? amici hoc est: & vti nam id mihi iuueni factum in meis scriptis! Quamquam reuerà tua iuuenile nihil spirant, matura, adstricta, grauia: nisi quod à iudicio tuo abeo in pauculis locis. Itaque abi, nec festinationem mihi excusa, quâ nihil peccas. Noster, ille noster, etiamnum Lutetiæ? & quando tandem videbimus in luce illas Noctes? sanè longa & difficilis fatio in hoc Agello. & metuo vt acerbi etiâ fructus, incusante & incurfante Oberto. Doleo. sed videor tamen de his studiis nostris posse dicere.

* Δίκην δίκην ἔτιμῃς, καὶ βλάβην βλάβῃ.

* *Litem parit lû, noxa item noxâ serit.*

Impudentiâ id fit & scæuitate quorundam, qui perfudère animum scientiâ, non imbuère. Gulielmi Furnerij, ad De verborum significatione, vidimus: probum, & sine ambitione doctum planè opus. Fauco, admiror, amo. Petri Fabri Ad Regulas auidè exspecto: nec inducor vt lædi me credam posse ab eo viro, non certè si me nouit. Quid tamen eius sit (nam è Coluio nostro inaudiui aliquid) liberè, vt oportet, scribe. Ego æquiter punctiunculas aliquot stili eius feram, qui sæpè me iuuat. Errico Memmio viro summo, (ita dudum sentio) meo nomine indica: scriptum ad me ab Egundo de oblatiis Notis aliquot in Tacitum. sed litteras eas tardè, imò serò redditas: itaque non postulasse eas me, habere tamen ei gratiam, proinde ac si impetrassem. Dicare me ipsi hunc animum, & sine fūco amo-rem. Clarissimo viro Claudio Puteano, iam diu etiam laboro, vt animus meus innotescat. scio illum esse inter lumina illa Gallix: & velim valdè eum à me saluere. Sed tu, mi Gulielmi,

M

mi,

* Imminet-
nabiles deo-
rum libori.

mi, quid agis? quid cedis? ut enim vegetum ingenium tuum est, non cessas. Perge quæso te gnauiter in hac viâ, quam ad æternitatem tibi strauisti. De Scaligero, doleo siue indignor esse nebulones, qui conuiciuntur & obstrepant viro, ~~quoniam non de-~~
~~deus (sed) paterfamilias est, et paterfamilias non potest esse,~~ &
~~quod non deus non potest esse, sed non deus non potest esse.~~ Et quis, obsecro, ille Insulanus, qui iactat etiam reges? Me pariter morantur interdum, & turbant hæ pestes. De Iosia Merceri Nonio, gratum. vrge ut promat. Ad Augerium Busbequium credo me nunc aut certè breui scripturum, cum testimonio quod tibi debeo. Nicolao Fabro, Pythœis, Passeratio, multam à me salutem dicito. Vale; & saluè à Dousâ nostro. Lugduni Bata- uorum xv. Kalend. Iunias, ∞. IO. LXXXIV.

EPISTOLA LXXV.

Noribergam.

IOACHIMO CAMERARIO Doctori

Medico, S. M. precor.

EXHILARARUNT me litteræ tuæ solo nomine & adspectu. ~~Quod non deus non potest esse, sed non deus non potest esse,~~
~~quod non deus non potest esse, sed non deus non potest esse,~~
cuius beniuolentiæ in me olim signa non obscura. Libellum à te missum falsi Ciceronis, cum iis quæ adiuncta, accepi & legi lubens. O duram frontem Sigonij, qui hoc pertendit! sed sentire eum ita seriò, vix fides. Quid autem ais de altero illo Riccoboni responso, si vidisti? fatin' ut acriter & veris armis in Sigonium itur? Ait non obscure, illum ipsum auctorem esse laudatæ Consolationis. Vide & ride hoc bellum Italum, cui me non misceo. Ut quid enim? mihi tam clarum est quàm Solem illum lucere, scriptum hoc nouitium esse & improbæ nimis spci. Nec dissentient, scio, docti. Sigonio ignoscere possumus, si agit suam causam. etsi meruo ne labecula aliqua ab hac re offusa priscae illi gloriæ. Ita fit, si quis eam non habet cum modo. Nos Tacitum recudimus, & Constantiam in quâ Notas aliquot adiunximus, ad reprimendas calumnias quorundam: quarum hoc sanè sæculum ferax. & eâ re tardari nos ad nouum aliquid pangendum non negamus. Andreae Duthij

dichij per te litteras accepi: viri magni, alti, & de quo illud possim

—* πεπλασμένον ἐν Διὸς ἔργῳ.

Salueat à me, & tu vnà amicissime Camerari. Lugduni Batauor.

* *Efficiens*
ex Ioue ra-
mus.

xvi. Kalend. Iun. ∞. IO. LXXXIV.

EPISTOLA LXXVI.

Biturigas.

IACOBO CUIACIO IC.

NON ipse contentus in amicitiam tuam penetrasse, alijs ecce fores aperio, quasi in eâ vetus. Iuuenē hunc tibi commendo, familiarem nuper meum, oris & ingenij probi. Commendo autem ita, non vt ad interiorem illam amicitiam tuam admittas (alijs seruetur aditus ad illa adyta) sed ad externam hanc notitiam, quæ in adfatu posita & adspectu. Hæc enim illi sufficit: & adolescentibus id ætatis satis gloriæ, Vidisse, Conuenisse. Quamquam hic etiam Audisse referet: quæ vnica illi causa Biturigas, imò Galliam, petendi. Tu mi Cuiaci illum, vel meâ causâ complectere, & me omnino, qui ætatem tuus. Lugduni Batauor. Non. April. ∞. IO. LXXXV.

EPISTOLA LXXVII.

Lutetiam.

FRANCISCO RAPHELENGIO FRANCISCI F. S. D.

IAM vires, laudo. Binas à te litteras accepi, tu à me nullas: non culpâ tamen nostrâ (scripsimus enim vbertim nuper) sed Legatorum qui diem ex die ducunt, & more suo morantur. In eorum enim comitatu I. Esychius noster est, cui fasciculum dedimus. Valetudo nostra infirma, incerta. non etiam animus, cui fixum parère & sequi magnum illum Deum. At rumor ille falsus, qui vos terruit de meâ morte: qui tamen idem Brugis & Leodij sparsus, ne mirer apud longinquiores Gallos. Homines de meo capite possunt ludere, statuere tantum supremus ille Princeps. Ego mortem non timere dudum didici: quin vt hæc tempora & languores mei sunt, propior sum appetenti.

* melius est
semel mori,
Quàm cō-
tinenter in
diem affligi
malè.

* Κρείσσον εἰς ἀπαξ θανεῖν

Ἡ τὰς ἀπάσας ἡμέρας παθεῖν κακῶς,

ait Æschylus. In studiis quod pergis & perseueras, gaudeo. quid sequendum tibi, reperies in litteris meis primis. Passeratio scdulam operam da : qui vna columna labenti nunc Scholæ. Nam vetus sanè Parisiensium doctorum gloria valdè flaccuit & imminuit. Sapientiæ studia & virtutis ne omitte. Pietas tibi in mente, modestia ante oculos, & demissio animi : ad quam nunquam fatis te hortet. Illa fundus bonorum omnium & fundamentum : nec pestis alia plura ingenia abripuit, quàm Confidentia & æstimatio sui. Tu abstine. Reuerà enim quid sumus? quid scimus? Quò longius progredi in scientiæ veræ viâ, tenebras, & circumfusam caliginem magis cognosces ingenio humano. De me ne labora, si quidam inuideant aut carpant. An ego eximius sim inter homines qui sunt, qui fuere? Omnes qui excellere aliquâ in re conantur (non enim dicam qui excellent) statim adfluit & adussit malevolentia ista aura. Cita veteres, reperies. circumspecte hodie nostros : idem. Quid miraris si Marculus aliquis hoc in me faciat, aut Lacon? Mihi sententia de me, non nisi apud me feratur : nec quis sim, alium rogo. Interno isto iudice si probus audiam : quid addent aut dement mihi hi sermones? Nec famam tamen sperno, aut neglego : sed hoc de te moneo, non esse eam nostræ potestatis. idè inter externa habendam, & in momentum nullum ad beatam tranquillamque vitam. Quis sim, in me situm est : qualis audiam, in vano isto vulgo. Sed ad te redeo. Iuxta Sapientiæ studium, stilum cole & exerce : qui diuæ illius fidus & necessarius administer. Quid enim recodita illa aliis proderit, nisi spargere & emittere ad plures eam poteris felici quadâ pennâ? Stilum autem, meo iudicio, Plautus & Cicero tibi perficient : aptâ quadam, & quâ ex me sæpè audisti, mixturâ. Æuum tuū vides? prospera. non aliud magis idoneū disciplinæ. Auum tuū vides? itè prospera. infirmus enim ille tibicen, qui te sustentat. Morbi & languores cottidiani illum.urgent, facturi aliquando quod minantur. Quis autē studiis tuis gubernator, amisso illo? Nā & ego sanè infirmus. quo tamē viuo haud spero quidquā tibi deerit. Vale. & veram virtutem nosque ama. Lugduni Batauor. xvi. Kalend. Ianuar. ∞. 10. LXXXIV.

EPISTOLA LXXVIII. *Aurelianus.*

EVERARDO POLLIONI S. D.

ERGÓNE in Galliâ tam diu es, & files? Siue adfectum meum in te respicis, siue consuetudinem quâ domi meæ vsus: peccas. Nam me certè vel morbus excusat, qui quattuor iâ menses perpetim me vexat. Et tamen cum mihi arbitro tibi res est. scribe, & excusasti. Loca illa quâ placent? quâ homines? Probi illi, scio, improbiq̃ue: sed hos, mi Pollio, vita: & in primis si qui nequiores aut leuiores. quæ vetus gentis illius nota, & nunc per bella, per tumultus, auxit valdè. At illos (probos inquam doctosq̃ue) elige & excerpe: his adhære: linguam ab iis disce & mores. Vt aromata odorem semper aliquem adfricant tangenti: sic boni & modesti, auram aliquam suæ virtutis. Inter hos Aureliani (illi enim agere te censeo) Furnerium antecessorem habeo: quem virum probum esse audio, penitus doctum è scriptis scio. Si potes, illi innotesce: & si gratum esse putas, à me saluta. Pestè in iis locis sæuire accipio, nisi si iâ defæuiit hoc frigore & hac hieme. fuge contagem illam, quantum humaniter potes: sed ante omnia pestes illas animorū, sodales malos, qui fraude & arte inrepunt & inrumpunt. Plura, cūm rescripseris. Nos enim adhuc in morbo: nec sine discrimine, nisi clemens ille Deus auertat. qui virtutem modestiamq̃ue tibi seruet, & nostri amorem. Lugduni Bataur. XVI. Kal. Ianuar. ∞. ID. LXXXIV.

EPISTOLA LXXIX.

MART. LYDIO S. dico.

SOLICITVDO tua de valetudine meâ, non magis mihi no- sua, quàm amor tuus, quem iam diu ostendis. Vtraque grata. consilium etiam, quod amicè adiungis contra vim melancholici morbi. Sed mihi, mi Lydi, non planè capitalis ille morbus, non inquam vera Melancholia; sed tantum suboles eius, flatuosa illa hypochondriaca adfectio, longa & sæua nihilominus, nisi quòd cerebro & menti adhuc parcat. Quæ constant mihi, nisi erro. Nam in hoc ipso morbo illud mirum, quòd cūm

maximè desipiunt, sapere maximè sibi videntur : & ita aberrat à se mens, vt se non quærat. Libellum quem dicis Aloysij Luisini, vidi numquam. argumento certè iam nunc placet, nescio an tractatione. De Thraseâ meo aliisque scriptis, quæso minus vrge. In morbo hoc nisi morbidum quid possim ? & ego me ne sanum quidem ad scribendum scio accedere, nisi cum vegeta mihi mens & acris. Cum calore quodam nostra illa pangimus, non minùs quàm poëtæ. At nunc frigeo & rigeo, anni tempore & morbo. Ego mortuus in Galliâ & alibi dictus sum, vt ex litteris non vnis intellego: falsò. Vtinam tam falsò. I. Guilielmus noster, quem emigrasse scies Iulio mense Auarici Biturigum, correptum ardidâ febre. Item C. Sigonius in Italiâ abiit, reliquum in eâ gente lumen. Herè mihi dictus Cuiacius idem fecisse, nec tamen certò. Quid ais ? nōne funestus & fatalis ingeniis hic annus ? videtur. De me, Deus ille & seruator meus videbit : qui nec præter mentem meam hac in re aliquid statuet, nec præter votum: Obsecro enim quid nos teneat aut liget in hac facie ? Nihil me : qui magis magisque in dies video & rideo furorem Principum & vulgi. Etiam priuata si introspicias: miseriam, & angor, & languor : & cum Homero

* Maror
subit ex
marore.

Quæ tamen Christiani meritò ferimus, quamdiu Deo illi visum, qui explorat & expurgat nos per hunc ignem. Tu vale. Lugd. Batauor. xvi. Kal. Ianuar. ∞ . Iō. LXXXIV.

EPISTOLA LXXX.

Romam.

ROLANDO WINCELIO S. mitto.

ME quoque certè accendit ad redamandum amor hic tuus, cuius scintillæ exsiliunt & emicant in omni epistolæ tuæ parte. Quem quod meritum meum siue aluit, siue accendit ? Nam quod magni æstimas hoc nescio quid litterularum, quod in nobis est; vide mi Winceli, ne abducatur & seducat te adfectus. Voluimus sanè quædam in publicum; sed adolentes, nec annis aut iudicio satis adhuc firmi. Quibus, benignè mecum agitur, si venia à Lectore tribuitur; nedum vt cumulus iste laudum. At tu tamen ea extollis, & cum aliis quibusdam errorem

errorem erras, quem negare mihi non possum esse gratum. Posteritas saltem (vt ille inquit) ita de me meisque aut erret, aut iudicet. Nam viuus certè iudicia multorum experiar valdè in me prona. Quorundam etiam aduersa, fateor. & cur offendar? scio quòd sæpe meritò. Lapsi enim non semel sumus, præsertim in iuuenilibus illis scriptis: quæ tamen nunc reprehendo & retracto, & à postremâ hac incude firmiora erunt, nisi fallor, contra malum dentè. Sed cur tamen in me iniqui? Dent mihi aliquem ex omnibus æuo nostro Criticis, qui nō peccent; & flageller ego solus. Sed hos omitto. illud tantum instillo: si temerè arroserint,

— καὶ μὲν δ' αὖτος ἀνδρὲς πομπῶν.

* Etiam

mus mo-

derit

virum im-

probum.

Sed libentiùs ad beniuolas & amicas animas deuenio, in quibus te auctore dehinc censeo Illustrem Gondosaluum Pontium, Neapolitani Proregis nepotem: cui quid nisi gratias agam pro adfectu? addo etiam redamare me iure, etsi ignotum. quomodo enim non, qui tam benignè prouocat? De Mureto summa mea opinio est, & erit: & felices vos sanè illo doctore. Patria nostra porrò turbat: nec scio quando nobis adfulgebit tranquillitatis ille sol. Itaque nos etiam sæpè frangimur: nisi quòd conatus solari me meosque Belgas sum nupero De Constantiâ scripto. quod scire equidem velim, quâ faciat ad Italorum tenebram saluam. Vale mi Winceli. iam enim interpellor, imò auocor. Non. April. ∞. IO. LXXXIV.

EPISTOLA LXXXI. Rhotomagus.

VICTORI meo S. dico.

QUOD deficientibus aspersa frigida, hoc mihi vestræ litteræ. Releuant recreantque labentem me, & virium adspirant nouam auram. Hem, amor quid potes! tu honestè, tu verè, & qui semel in puro amicitia solo egisti radices. Intemperies mea adhuc me tenet. ita enim veriùs appellitare videor posse, quàm morbum. Cetera valeo: calor tantum molestus in hepate, mesenterio, & pænè dixerim venenatis in eo venis. Eæ sunt, eæ venulae, quæ pugnam mihi cum stomacho mouent: quæ calorem eius succumque ad se trahunt, malâ vi aut fraude. Caputne alterum de Melancholiâ Rondeletij tui legisti? is purus purus

putus meus morbus. Myrchialem Arabes, nisi fallor, appellant. Pugno sanè cum eo strenuè; & abiecisse sæpè videor, sed vt Antæus quispiam, virefcit & refurgit. Frigidis iuuari imprimè videor: sed crebra & continens eorum vsu, scis quàm non ventriculi ex vsu. Hic nodus. habes ei cuneum? an tu quoque cum veteris Scholæ medicis obhæres? Dico, veteris. nam isti noui à Paracelfo, auxilium pollicentur ab Vitrioli aceto. Frigerare id aiunt, penetrare, aperire; & simul robur addere visceribus & membris. Et sanè (iram & vocem comprime) iam vtor, successu non infelici. De exitu videbo: si iuuare ita porrò pergit, ego inuentorem hunc deum. Phlebotomiâ nuper etiam vsus eram, & iuuat valdè. sed quid dicam? Vt ille in Ætnâ ignis interualla sua habet, & cùm desæuiisse creditur, redit: ita meus iste. Quem nisi breui tollo, me tollet. Quid refert? generosa & Herculeæ hæc ad cælum via est, per æstum & per ignem. Ego, mi Victor, iamdiu paratus ad hoc iter: nec cum alio adfectu minor mihi pugna, quàm cum metu mortis. Vitam habeo, velut hospitem. si manet, non eiicio: si abit, non teneo, nec penulam scindo. De Modio, grata mihi narratio. Faueo & faui iamdudum illi ingenio: nec (cùm à paucis vobis abij) in Belgio habeo, cui factum velim magis. Placent mores & indoles, & (constet sibi tantum, nec transversum eum abripiat aliquis Lacon) fructus, scio, dabit studiorum. Sed cur ad me non scripsit? cur ne salutem quidem adscripsit? Peccatum largum; siue illius qui dicere omisit, siue tuum qui scribere. De Lacone quid? trepidas in aduentum eius & palles? Sta tantum: spondeo tibi, fugit. Nihil eo

*Crocodilo
*negroδελότερον.
similius.

homine. Scelera hoc faciunt, & occultum illud in pectore flagellum: quod commouet, quisquis eum constantiùs aspexit. De Apuleio & Pintiano, curæ habebō, imò iam habui: & indica siquis alius tibi à viuo mortuoque me vsus. Doufa in Angliam abiit legatus. Mihi, si vires paullò magis firmæ, (nam atrophia quædam coniuncta cum hoc languore) decretū Vbios excurrere, priuatæ meæ rei causâ: & illinc Eburones, ad acidos fontes. Mira iis vis dicitur & propria in hunc morbum. Videbo. & pro valetudine omnia faciâ, pro vitâ haud multum. Mori enim mihi non graue, graue tabère istud & languere. Tu salue, cum tuâ. Fratri tuo, si iam adest, amicissimam salutē: quem tuâ,

tuâ, & magis morum eius causâ, seriò amo. Rubicarium nostrum valere audio, sed calere totum in rebus. Dea Lua eum adiuvet, & nexibus illis malarum litium exsoluat, quibus implicatur. Valdè eum saluta, & iube(ita loquor) amantem me amet. In Batavis, xi. Kalend. Sextil. ∞. Id. Lxxxv.

EPISTOLA LXXXII. *Lutetiam.*

FRANCISCO RAPHELENGIO FILIO S. dico.

GRATAS expectatasque nobis fuisse tuas litteras, nihil opus est scribam. scio te id scire. etiam adfectum tuum amauius, qui & in epistolâ se ostendit, & in carmine quod adiuncti. Tu verò & in amore nostri perge, & in virtute ac modestiâ multò magis: sine quibus caue censeas, non dicam famam ullam tibi esse posse, sed vitam. Litterulæ enim, & aliæ elegantiae siue cultus ingeniorum, vacuæ ab istis, sordes sunt & deliramenta mera. Modestia est, quæ ad cognitionem nostri nos ducit: hæc ad virtutem & ad Deum, in quo omnis felicitas. De professoribus quod distinctè scripsisti, gratum. Ego audiendi tibi Genebrardi auctor sum in Hebræis, in Græcis Helix aut Gullonij, (nam magnus ille Auratus lectionem, ut audio, iam desit:) ut res suadebit, aut scriptor aliquis quem legent. Philosophiam ante omnia non deferres: cuius fructus demum gustabis in progressu. At nunc obdura. Sed de litterariâ tuâ sarcinâ, quid? peritne? insignem* *μεγαλίστην* tuam: quam vide seriò emendes. * *neglegentiam.* etiâne in eadem sorte meæ litteræ? Nam memini dare me tibi ad Memmium, & Pinxum, & Faucium. cur non scribis, ut saltem iterum scribam? Nam silentium meum trahi alioqui possit in culpam. Agellium (quandocumque difficilis ille partus lucem videbit) fac habeamus: & si quid aliud prodibit, quo scias nos capi. Scribe de P. Fabri ad Regulâ iuris, an prodierit; aut potius mitte. quod facile tibi per Somnium. Contagionem pestiferam valere istic audio: tu quantum in te est vita, & segrega à turbâ. Abstine à multiplici omni cursu, discursu: donec hiems & genu telum infregerint malæ diuæ. Valetudo mea nondum ex voto, melior tamen: sed ita, ut nec corpus nec

mens mihi satis firma. non certè ad labores. Itaque studia nostra cessant. non tua spero : quæ nisi auidè, imò calidè prosequaris in hoc flore æui, frustrà postea quæres fructum. Hæc monita nostra tuâ sponte seruabis, confido : nequid tamen ea laxent alij, nonnullus mihi est metus. Quos vita, per Deum immortalē : & mala illa, soluta, & petulca ingenia, fuge supra ipsam pestem. Non enim hæc magis corrumpendo corpori est, quàm illi animo : cui per subdolas blanditias instillant & adfigunt venena. Euripidæum illud cogita,

* Labor
gloria ge-
nitor.

——— * πόνος δὲ δόξας πατήρ.

Auus tuus & auia valent. tibi volunt semperque volunt, si voles ipse. Salue & vale. Vxor mea te resalutat. Lugduni Bataurum Prid. Kalend. Decemb. ∞. IO. LXXXIV.

Ecce tibi ad Busbequium librum & epistolam. si ita Porreto visum fuerit, tu illi meo nomine dabis. Sed vide ut tales viros conuenias honestè & modestè. Hoc atatem tuam, hoc institutionem decet. Inter loquendum (monco enim nunc, quia fortasse non alius tibi monitor) caue tua verba præcipites, ne sint cum Homero * ἔργα πρὸς ἑντα. vitium tuum nosti : quod nunc aut numquam corrige, & effer sermones tuos, clarè, articulatè, distinctè. Sed heus tu. de sumptibus itinerarijs tuis quid audio ? valdè vos quidem largi. non conueniebat. An tempora hæc nescitis angusta, arcta ? Sed in posterum attentiozem futurum te confido. Vale. III. Kalend. Decemb. ∞. IO. LXXXIV.

* Verba
alata.

EPISTOLA LXXXIII. Lutetiam.

PAVLO MELISSO S. D.

EPISTOLAM tuam, mi Melisse, quæ non amem ? indicem constantiæ tuæ in amore. & magis carmen, quod de morbo meo scriptum cum ingenio & adfectu. Gratiam habeo, & debeo. Sed te quis Deus, quæ Dea è Germaniâ tuâ mediâ tra-duxit subitò in Gallos ! Amor nisi fallor, non ille à Cipride, sed hic à Phœbo, discendi, videndi, & doctos cognoscendi. Quorum omnium fores & pectora, non dubito, quin pate-scent tibi. Nos etiam in morbo : contra quem animo magis, quàm corpore pugno.

* Νόσος δ' ἀνάγκη τὰς θεηλάτας φέρειν,
ait Sophocles. In I. Guilielmij morte valdè indolui. De vultu aut
facie non eum noueram : optimè de animo. nec censeo melius
aut rectius ingenium fuisse hoc quo. Sed Deo ita visum, optimos
quosque traducere ad optimam illam vitam. ad quā in tot tur-
bis & molestijs nos quoque adspiramus, & te saluere iubemus,
optime poëtarum. Lugd. Bat. Kal. Decemb. ∞. ID. LXXXIV.

EPISTOLA LXXXIV. *Ultraiectum.*

THEODORO CANTERO V. N.

DIV & sæpè ad te scripturio, mi Cantere: tardauit morbus,
qui aliquoties minatus discedere, non discedit. Redit enim
per interualla, & cùm seriò surrexisse me censeo, prostermit. Ta-
men nunc iterùm meliusculè est, & omnino aut mensis huius
genitalis aura me reficiet, aut nulla. Ad vos cogitavi sapiùs. (in-
uitabat, præter amorem vestrum, aër) sed absterret via longior,
imbecillitas, finitimi etiam nunc terrores. addere audeo, & con-
uiuia vestra : quæ lenta nimis apud vos & lauta. Librum II. Ele-
ctorum nuper demum tibi per Vulcanium misi. credo accepi-
sti. Cetera cessamus : & satis abundè habeo, si omni curâ cor-
pusculum hoc sustento. Labores certè nec ingenij quidem fero
aut subeo, sine manifestâ noxâ. Ferenda ista : don ec aliter vi-
sum magno illi & benigno Deo, qui te mi Cantere seruet, & me
(si ita expedit) aliquando firmet. Vale. Lugduni Batauor. Non.
April. ∞. ID. LXXXV.

EPISTOLA LXXXV. *Lutetiam.*

RENATO PINCAEO Senatori regio S. D.

QVAE hæc tam obuia humanitas tua est, Vir clarissime?
quod vltro appetendum mihi fuit, ipse defers vltro, ami-
citiam & coniunctionem tuam: quibus, moriar, si quidquā mi-
hi gratius accidere potest à talibus viris. Splendor, fama, opes haud
altè me tangunt: iuuant & penetrant hæc iudicia, quæ proficisci
scio à viris, mystis Virtutis & Doctrinæ. Quarum candidatum
me non nego: sed hoc tantum. & vereor vt purpuram seriò vm-
quam

quam induam tanti honoris. At vos ita benigni, ut non rem tantum ametis, sed umbram etiam & speciem, omnesq; in quo-
**Honesti* rum animis effulget aliqua * *τὴν καλὴν* imago. Itaque mi Pincæ (amicè & familiariter iam nunc te compello) amorem meum vicissim serio tibi offero: spondeoque futurum, prius ut à me ex-
 cidam, quam ut ex animo meo illi, qui tam procliues ad me aman-
 dum. Amplissimo quidem Brissonio, & Regij concilij & cœtus nostri Præsidi, publicè deuinctum diu me scio; priuatim nunc, hanc amicâ salutatione. quam meo nomine illi reddes, cumula-
 tam adfectus tui aurâ. Vale vir Clarissime, & litterarum hoc iter si crebrò teris, gratum mihi: qui nunquam vincar in offi-
 cij aut fidi amoris cursu. Lugduni Bataur. ix. Kalend. Octob.

EPISTOLA LXXXVI.

Brugas.

SALVTEM AMICISSIMAM IANO LERNUTIO.

Tv certè, mi Lernuti, in amore iuxta & in litteris prolixus. Nam Victor noster quàm breuiculus! In hac raritate nun-
 tiorum, difficultate temporum, tribusne verbis ad Lipsium? Ita fecit. pro more suo, imò naturâ: quam quia nosco, ignosco. At effusionem tuam amo & amplector: cum quâ iure pariabo. Va-
 letudo nostra ne nunc quidem ex voto. Mensis Maius iuuisse aliquid & vegetasse visus, sed ut in floribus quoque, vigore flu-
 ido & haud diuturno. Anceps enim hæc sanitas, mi Lernuti, an-
 ceptus. Hodie stare me putem? cras relabor. vires recepisse? amit-
 to: & quod medici mecum mirentur, cæcis nec liquentibus caussis. Calores saltem viscerum sentio & nescio quos edaces æstus. Quid me aliosque fallam? tabes ea est, nisi erro, & cer-
 tâ sed lentâ viâ eo ad mortem. Nec ingemisce. Deo ita visum: cui nos tam libenter, tam fortiter paremus, ut manum non ver-
 terim, hoc fiat an illud. Ennianum istud verè proclamo:

Viua an moriar, nulla in me est metus.

Cur aliter adficiar? Æquissima hæc naturæ lex est, quæ pariter ligat omnes. Carnifex illud Fatum te meque exspectat: & alium alio tempore duci iubet magnus ille Imperator. Ecce tibi ple-
 becium aliquem tam constantem, ut licitorem suum sequatur, &

manum

manum vltro exposcat percussoris : aliena ab eruditis vis ea sit? Non à me : nec præibo ad mollitiem hanc exemplo. Ut fera auis, apertâ caueâ, non eiicitur, sed euolat: sic ego libens in apertum illum purumque campum. Atenim iuuenis. Fateor, sed vitæ huius tam satur, quàm Priamus aliquis aut Nestor. Quousque enim eadem? edere, bibere, legere, scribere: & adde misérias, quas largiter suppeditat hoc æuum. Sed mitto hæc sophia: ad mattya venio tuarum litterarum. Electa nostra Secunda probari tibi ais vnicè. Gaudeo. eoque magis, quòd seriò verbar ne parùm ad Genium priorum scriptorum meorum is fectus. In morbo quippe conceptus & editus, quid mirum si referat aliquid triste & morbidum, & tabeat ipse à spiritu hoc tabente? Quod si aliter; præter spem meam est, non præter votum. Epigrammata tua in impurum illum valdè pura. Cur plura eius generis non mittis, reficiendi saltem mei? Pascor enim libens hâc ambrosiâ: quam per altum istud otium vbertim necessum tibi est gigni. Sed illa aspis etiâ mne Audomari? Æternum velim, necubi propinquior halitu suo vos afflet. Agellius autem eius tam ambitiosè promissus, vbi est? Stephanicum enim vidimus, & in eo scommata ac tela non obscure in istum. O improbum pariter & infelicem! Vbique vapulat, & corpus eius tot cicatricibus infamiæ iam occalluit, ut plagæ nouæ non sit locus. Et tu tamen hoc cadauer petis? me inuito: qui mucronem hunc acutissimi ingenij seruari & dirigi velim in digniorem hostem. Hic quidem calcandus est, non feriendus: & demittat atque abiiciat se necessum est, quisquis eum tangat. De Modio, gratissima. vos monete, firmate, & comitate vestrâ retinete, quæso, in hâc meliore viâ. Fax aliqua Belgis aliquando ab ingenio illo. Rubicasiû nostrum amo, & in pectore gero. Litigatne etiam & tricatur? an Grudios nostros potius abiit, sedem illam Musarû olim & Gratiarum? Quæ breui assurget, nisi fallor, & virorem & calorẽ iterum ducet ab hoc Zephyro pacis. Ibi enim certè iam lucefcit: si verû quidem est de Machliniâ, quam deditam nos audiebamus. Critica nostra en tibi. quibus* versi-

* De aureis
transmissis
anigma est.

cessu. Di viales adeste, di præstites, di tutelares. En epistolam, an querelam? meri enim in eâ morbi & mortes, quæ non ingrata tamen tibi, siquid in Lipsio gratum habuisti, præter corticem hunc externum. Ille enim abijcitur, at Lipsius vester nullus moritur: eumque præire scitote, non perire. Longum mihi salutare, tu, vxor, liberi. Lugd. in Bat. Kalend. Sextilib.

EPISTOLA LXXXVII. *Lotetiam.*

ERRICO MEMMIO V. A. S. D.

ANIMVM sæpè corpori imperare, vir Amplissime, non vanè dictum: ego testis. Ecce enim cùm Iani Guilielmij epistola ad me venisset, amoris & iudicij tui de me index; etsi languebam ex acri & difficili morbo (nam hepar mihi laborat ex inflammatione & infarctu) tamen animum secuta hæc manus est, & per adfectum potui, quod vix per vires. Scribo igitur; & gratias seriò tibi ago pro amico isto in me animo, in eoque ut perseueres, si necessum est, rogo. Etsi cur necessum? quem vltro amandum delegisti, non spernes, ut opinor, cupientem iam, imò ambientem. Utar enim isto verbo, & ambio reuera amicitiam talium virorum & gratiam, quos velut sidera quædam huius æui habeo, & à quibus lucem conciliare me posse scio pallenti meæ famæ. Quam vulgarem, & à vulgo, nihil moror: bonam, & à bonis, numquam contemnam. Vale Amplifs. Domine, & à valente me litteras pleniores expecta, & ut sic dicā, magis robustas. Lugduni Bataur. IV. Kal. Octob. ∞. IO. LXXXIV.

EPISTOLA LXXXVIII. *Jñ Holsatiam.*

HENRICO RANZOVIO, *Viro illustri, Vicario*

Regis Danię, Salutem mitto.

LEVEM significationem animi & iudicij tui, Vir illustris, pro beneficio habuerim: quid censes hoc testimonium & litteras, tam amicè ad me, tam honestè de me scriptas?

Omnes mortales sese laudari expetunt,

ait poëta vetus: nō valdè tamen ego, nisi à laudatis. Inter eos autem, quis ante Ranzouium mihi sit? Genus tuum intueor? nobilissi-

bilissimus es. Famam? clarissimus. Virtutem & doctrinam? vtrâque maximus. nec facile quem his iunctim rebus prætulerim tibi, reperiam in Europâ. Itaque beasti me hoc tuo iudicio, beasti. & iam demum Constantia nostra mihi placet, cum illa vobis. Incitor ad scribenda talia: quæ apud rectas istas mentes fiat recta. Tribuni illi, quos indicas, me absterreant? nihil. iactent se apud suam plebem: mihi adfatim satisfacitur, si eques hic plaudat & Senatus. Vt eadem purpura homines delectat & ad gaudium prouocat, tauros offendit & irritat ad pugnam: sic eadem veritas aut virtus intellegentes capit, lædit improbos & imperitos. Itaque scribere hæc talia (quidquid incurrant) nihil tardor. & vt Luna, quod luminis à Sole accepit, infero huic mundo refundit: sic libens ego dona, quæ à magno illo Deo. Qui te, Vir illustris, reip. & bonis feruet: & mihi hunc animum tuum, quem tam amanter defers. Vale. Lugduni Bataurorum Idib. Februar. ∞. IO. LXXXV.

EPISTOLA LXXXIX.

Delfos.

PAVLO BVSIO V. *Amplifs. S. D.*

CVRATOREM te (ita iam nunc intellego) huic Scholæ datum, Vir Amplissime, iure tibi, & magis nobis gratulamur. Tibi honorem aliquem: nobis grande beneficium, quod ab hac electione merito speramus. Speramus? imò iam teneamus. ea voluntas tua est in iuuandis optimis studiis, ea facultas. Illa clara; qui omnia pro nobis egeris, laboraueris, re priusquam titulo Curator. ista etiam non obscura; qui magnus es inter magnos. Sedes in hac publicâ, vt sic dicam, naui, non inter remiges aut nauales socios, sed inter eos qui ad gubernacula & ad ipsum clauum. Vis igitur, & potes: & ideo adfirmatio mihi non iniusta, de adfectu optimo & simul effectui. Sed sub initia tuæ Curæ, ingerâ tibi maximè curas duas; de Collegio & Philosophiâ. Diu nimis dilata vtraque res, cum nostro, imò cum patriæ damno. Collegiū inquam ante omnia instituendum est, in quo ali iuuentus aliqua possit: certo numero, disciplinâ, lege. Domus ijs vna sit, vna mensa, vnum caput: lectiones variæ, pro capto cuiusq;, & pro iudicio Præfecti. cui hîc & alibi districtè parebunt.

rebunt. Numerum esse quàm maximum velim: certè non infra tricenos aut quadragenos. Sumptus in eam rem aliqui faciendi, fateor, sed exigui pro fructu. Hoc seminarium lectissimorum hominum erit: hæc seges eorum, qui ad Ecclesiam, ad remp. ad-mouendi. Nec alios legi quàm ex ipsâ patriâ velim, qui in eâ, pro eâ, & ab eâ alentur. Cur enim lac maternum hoc germanæ soboli præreptum, indulgeatur & immulgeatur exteris? ne facite: & sumptus cum à vobis, ad vos etiam fructus redundant. Cetera quæ ad legem & disciplinam, tunc distinctè superædificabo & addam, cum positum hoc fundamentum. Quod si Ordinibus de Collegio ægrè aut tardè persuademus, (tempora video & impensas:) age, inite saltem hanc viam alteram quæ impendij minus habeat, compendij non minus. Pro Collegio, substitute Mensam communem. Ita suadeo, ad Germanorum aliquot Principum exemplum. qui in Academiis (vtamur voce tritâ) subsidium hoc subtiliter & vtiliter inueniêre paupertinæ iuventuti. Domum aliquam à se præbent, instruunt: nec eam nimis laxam. In hac Oeconomum cum familiâ collocant; cui cura nulla præter eorum, quæ ad victum. Conueniunt cum eo certis legibus: & ferè istis. Domum hanc, tibi & familiæ, habeto. frumenti annui tantum numerum, ad panem: tantum, ad zythum siue ad potum. Iuvenes cottidie ad mensam recipies quadragenos, quinquagenos. pro obsonio viritim quid pendent? Et ferè in septimanas conuenit, de pretio aliquo minuto: idque vnum onus (excipio quòd cubiculum sibi quisque parat) incumbit iuventuti. Singuli inquam pro obsonio obligantur, cetera liberi & immunes. Sed id quoque leges suas accipit, quantum & quale ab Oeconomo detur. Iâ Rectoris & Professorum illa cura est, qui ad hanc Mensam admittantur, qui admissi reiciantur: & quater anno recensensus habetur & examen eorum, qui beneficio Principali digni siue indigni. Submouentur, retinentur, subrogantur, vt censoribus illis visum. Conuiuolum iisdem tunc, pro labore. Mihi crede, non alia res sumptum minùs grandem habet, fructum magis certum. Nam in ordinariis illis collegiis, scimus quàm multa ambitu peccentur, admittendo, reiciendo: scimus quàm verba ferè sint, præclaræ illæ de disciplinæ leges. Nescio enim quomodo, assidua conuictio illa & con-

tubernium, non ex usu iuventutis : qui, utcumque arceas aut se-
pares, sermones communicant, consilia, vitia, fordes. Non id
peccati in meâ Domo, in quâ, præter mensam, nil commune.
Nec aliud ea est, quàm velut publicû Diuerforium : sed parcum,
sed honestum. Cogitabis : & cùm voles, colloquemur. Iam de
Philosophiâ, quàm turpe ! Ceteras hîc minores, & velut ancillas
artes, coli & colere : negligi illam dominam & reginam ? locum
ei non esse in proprio suo loco ? Quò enim aliter hæc omnis Aca-
demiarum institutio, quàm ad Prudentiam Sapiëntiamque in-
primis spectat ? Atqui ad eas Philosophia ducit : quam tu, Vir
sapiëntissime, induce. Barbaries te terret, & spinosa illa via-
rum ? Pelle illam, has purga : quas patres nostri malis tribulis,
malis scrupis, impleuere, per prauum acumen. Ipsam illam legi-
timam Diuam reuocari à te volo : non hanc squalidam & per-
sonatam. Nam Scholarum hunc, ante annos trecentos aut qua-
dringentos, usum siue abusum cur teneas ? Sperne. & reduc om-
nia ad veterem veramque formam : cui, præter fructum, maior
sanè dignitas & venustas. Quis enim amcenior adolescens ad il-
la tam inamœna veniat ? fugiunt imò, cùm aduenire : & imbi-
bere non iniuriâ spernunt tætrum illud absynthium doctrina-
rum. Nos Aristotelem reducimus : sed ipsum &, si me audis,
non solum. Ipsum dico. quia obscuri illi in eum & aculeati Com-
mentarij, cui rei ? Detorquent rectissima ingenia, & in acumi-
num flexuosos labyrinthos abducunt, à vero Philosophiæ fine.
Ipsam legisse, & intellexisse, satis sit : & maximè in ijs libris,
quos hi minimè legunt. Logica illa ætatem eos occupant : con-
cepta ab Aristotele fortasse, numquam ita scripta. Politica quis
tangit ? quis De animalibus ? aliaque diuina, ob quæ mirati il-
lum nos & prisce sumus ? Nam Ethica ipsa, leuiter libant & velut
in transcurso. Scilicet hoc iam diu moribus his obtinuit, ut nulla
pars minùs ad Philosophiam facere censeatur, quàm quæ ad mo-
res. Atqui ea præcipua erat, vel veriùs sola. Iam, nec solum, ad-
didi : & bono iure. Cur enim vni Aristoteli locus in hoc procin-
ctu sit ? Ille signifer quidem aut Imperator, si volunt : commi-
litent tamen alij, & in vnâ legione non vnus saltem Centurio
aut Tribunus. Plato aliquod agmen mihi ducat, aliquod Epi-
ctetus, Plutarchus, Seneca : & in opinionum nonnullâ varietate,

omnes tamen pro Sapientiâ & sub eâ pugnent. In Ciuili & Morali eius parte, an ille à Lycæo indignetur Platonem sibi apponi? fortasse nec præponi. ita diuinitus libri illi de Rep. & Legibus magnâ ex parte concepti sunt & conscripti. An Senecam sâpè & Plutarchum? Idemque de Physicis censeam: ad quæ & Senecæ Quæstiones Naturales, & Lucretij etiam liber sextus, aliquod, me arbitro, adferant momentum. Nec enim vel poëtas expunxerim ex hoc maniplo: & cum fructu hæc talia publicitus legi censeam in Scholis. Sed plura item & distinctè magis huius rei, coràm. Illud mihi non monendus es, sed rogandus, ne te aliorum trahant iudicia quorundam. Nouam viam noui homines ineunt: & explosâ illâ sectâ veteri, sapientiæ frugem quærunt in agellis Rami, aut Philippi. Quid dicam? neutrum culpo. vterque doctus, sedulus, industrius: sed valdè erro, si errorem hunc errare nos voluerunt ipsi. Compendia perueniendi conscripserunt: an vetuerunt adire loca & templa ipsa? Atque isti ita eos complectuntur; vt non viam illos, sed metam censeant: nec per eos ad veteres transitum faciant, sed in his subsistant. De Philippo, vt vir fuit, aliam ei mentem fuisse planè scio: de Ramo, spero. Quod si alteruter hoc adfectauit: si ipse solum illud Sapientiæ insidère, priscis eiectis: ne ille apud sapientes omnes valdè insipiens. & quem isti ipsi tyrunculi Principatu mox deiciant, qui per prauam seditionem elegère. Puerorum enim ista (dicam liberè) illudia, & Saturnalia dierum aliquot regna. Nec tamen eos sperno aut refuto prorsus (scio, & fateor, multa in his breuitate & ordine bona:) manère tamen intra fortunam suam iubeo, contentos parietibus & auditionibus priuatis. Puluerem scholasticum & aërem adfectant? non ferent: obruentur siculis & pugionibus istorum, qui prodeunt à Veteribus illis castris. Iuuentus nostra à me hoc audiat: Numquam ille magnus erit, cui Ramus est magnus. Pergebam in hac scriptio- ne: (vides quàm benigna materia:) reuocant me non meæ occupationes, sed tuæ. Eas aspicio: & in ambulatiunculam nostram vnâ, aut cænulam potiùs, hæc conseram, quàm vt manum tibi & mentem impleam epistolâ tam longâ. Quod initio dixi, repero: gratulari me, & optare vt curæ has curas habere possis, non rogare. Cur enim rogem? scio te iuxta ac me velle:

nec penes te vñquam culpam futuram non impetrati huius aut non effecti. Deus illis, in quorum manu res est, tuam mentem det, tibi seruet. Vale Amplissime & amicissime vir. Lugduni Batauorum, IV. Idus Iulias. ∞. IO. LXXXIII.

EPISTOLA XC. *Ultraiectum.*

FLORENTIO THINNIO *Syndico reipub. eius.*

SILVI aliquamdiu Vir amicissime : sed (dicam veram causam) fiduciâ solâ amoris. Obliuio tui fuerit? absit. hæres mihi tu & humanitas tua in medullis. Neglegentia mea? nec illa. quia alibi focors, numquam in hac parte quæ ad amicos. Amor, inquam, fuit, firmus inter nos amor : & ab eo fiducia, quia tam certus eram non irasci te posse Lipsio, quàm non amare. Et tamen siquid hîc quoque culpæ, morbus excuset : sub cuius vmbone sæpe nunc in his talibus latito & me defendo. Nam etiam nunc apud me ille hospes, lentus, deses, certus non abiire. Vitrioli acetum à te nuper accepi, siquid acria eum fortasse fugarent : & vtor. Nam nec Heurnius noster improbat, medicus mihi in omni hoc morbo fidus, peritus, & (quæ laus ei propria) cautus. Refrigerat sanè aperitque insigniter : sed nocet exsiccando. Iraque nondum plenè iuuat. A Pollione nostro antè biduum ad me litteræ. Omnia, quæ volumus. Aureliani sanus agit : Furnerio innotuit : pecuniam accepit. Consulit super abitu, aut mansione. Illum ego suadeam, vt rem video & natas in regione eâ desubitò turbas. Et Basileam (antèa mihi scriptum) cur non emigret? placet locus, incolæ, mores. Atque adeò si nulla vis alia aut merus expellat, suadeam Germaniæ tamen adspectum. Vtile enim & è re peregrinantium, qui Galliam insederint, in illam transilire : vt siquid ex gente istâ adhæserit exultans, diluant siue temperent Germanâ grauitate. Quærit & de Titulo, Vbi? Ego, dum rem adferat, Aureliani an Biturigis, non discernam. Et illam adferet, aut valdè me fallent semina, quæ hîc iecerat firmioris doctrinæ. De rep. non illa mea cura. Tamen excusso Palinuro nostro valdè fluctuatur hæc nauis, nec Æneam aliquem promptum video, qui succedat ad clauum.

clauum. Varij inter Ordines sensus : benè, si non. dissensus. Deus videbit : ad quem confugio. quia, vt scitè Plinius, *tunc votorum præcipuus locus est, cum spei nullus est.* Quæ ipsa vota mihi interposita pro tuâ meaquæ (si ita expedit) salute. Vale. Lugduni Batavorum, a. d. xii. Kal. Iulias. ∞. IO. LXXXV.

EPISTOLA XCI.

CAROLO CLVSIO V. C.

MI Clusi, & litteras tuas accepi, & cum iis thesaurum (ex animo sic appello) hortensem. Cariores mihi bulbi illi Tuliparum selectarum, quos ad me mittis, quàm si globulos totidem ex auro vel argento. Vulgus non credat? ego de meo animo & ex animo loquor. Grandes tibi gratias habeo : & cùm habeo, debeo : ac debebo semper. Infortunium quod in pede tibi euênit, mihi dolet. sed quid? tu hanc sortem, ego aliam : & quemque clade aliquâ internâ siue externâ afficit Homericâ illa Ate. Dea tristis, amara, perambulat hunc orbem, nescio quomodo magis celeri pede, quàm candidæ Litæ. At tu quiescis, & id luges. Vtinam nobis domi illa desidia! Sed (en tempora, mi Clusi, imminent) iactamur & pellimur ad nescio quæ terrarum. Nam hîc palàm discidia. Tamen sermo etiam aliquis de Irene : sed vereor, vt sermo. Te vocaui nuper : nunc reuoco, cùm video instabilem statum. Nos in studiis agimus, & promouemus haud multum inter tot turbas : tamen his diebus feriatis nescio quid in Senecam adnotauimus Tragicum. quæ mitto, si te fortè delectat ille poëta. Paramus Politica & grandiora quædam; sed quid mihi aut tibi spondeam, per hæc tempora & valetudinem hanc incertam? Hoc vnum. amare me virtutem, doctrinam, & amaturum semper : eosquæ qui cā præditi. te, mi Clusi, inter primos. Vale. Lugd. Bat. vii. Kal. Nouemb.

EPISTOLA XCII. *Preslawiam.*

ANDREAE DV DITHIO V. N.

Cæs. Consiliario S. D.

IN ruborem me das hâc humanitate tuâ, Vir illustris. Scribis vltro, compellas vltro : & promis atque offers ea, quæ improbæ

probæ panè mentis sit à tali viro sperasse. Ego enim te noui, Dudithi. & quamquam inter nos multæ terræ, multi montes: tamen etiam huc penetrauit se dudum fama nominis tui & virtutis. Boni omnes ita me probent amentque, ut iam pridem ego te, etsi tacito dumtaxat quodam sensu. Quæ enim mihi occasio aperiendi? ad quam præiuisse nunc te, & velut strauisse hoc iter beniuolentiæ & amoris, sanè gaudeo. In quo sedulò & cum fide decurrendo, numquam erit ut vincar. Libellos nostros & Constantiam laudas. mentiar, nisi id mihi gratum: non quia laudes me capiant nimis aut titillent, sed quia testimonia talium viro- rum. Itaque addis ad reliqua calcar. quo egere nos interdum fa- teor, ob iudicia siue calumnias quorundam. Nam valetudo mea nunc (propitio Deo dixerim) nihil impedit: & querela il- la, quam Constantiæ subtexui, scripta in morbo meo ante ali- quot annos. De Amphitheatro librum edidimus: quem mitto ad te non ut munus, sed nouæ amicitiae velut arram. Superfunt Saturnalium aliquot libri: qui digesti, imò perfecti, nisi quòd aliquam exspectant iudicij limam. Quam haut facilè adhibeo, partim negotiis districtus, partim his bellis: contra quæ etsi sta- mus erecti, tamen auocant sæpè hunc animum à talibus cogita- tionibus, & in se intendunt. Remedium tu amicè offers (scio enim quod domicilium, & apud quem, designes: & exosculor adfectum. Sed multa mihi nunc impedimento. familia, vxor, (nulli tamen liberi) parui è sorore nepotes, quibus tutor ego, illâ nuper mortuâ, imò velut pater. Sed nec corpus mihi nimis firmum ad longum iter: etsi integra adhuc & viridis ætas. Itaque non decretum mihi commouere ex hac patriâ, nisi fluctu aliquo maiore expellar: quod non semel nobis timendum videtur, in hâc tam diuturnâ tempestate. Alioqui beniuolè me habent Ba- tauui, & stipendio sanè honesto. Nicasium Ellebodium ab ad- spectu numquam noui, optimè à nomine: iam tunc cum Romæ apud Cardin. Granuellanum agerem, paucis mensibus post eius discessum. Nam ipse tunc Patauij: & scio me aliquando ad eum scripsisse, Cardinalis nomine & iussu. Scire velim viuârne, & ec- quid agat. Idem de Michaële Bruto: quem ex Epistolis editis video tibi amicum, itemque ex Præfatione eâ, quæ in iudicio tuo de Cometis. quem libellum iam olim auidè legi & cum

fructu. De ** Mathematico scripseram olim ad Ortelium, sed nescio reuera sitne futurus ad saluam vestram & gustum. Mathematicus enim merus est, sine aliâ arte, imò panè linguâ: denique ex genere, qui *μὴ χενοποιοί* potius quàm *θεωρητικοί*. Adde quòd ægrè nunc auellatur ab his locis, in quibus arti eius honos & vsus. Siquid de altero eruam, non grauabor indicare. Donellus Iurisc. amicè te resalutat: quem Norici abstrahere conati à nobis ad Altorfianam Academiam, frustrà. Manet enim mansurusque est, quamdiu hæc schola. Valdè & tibi se insinuat noster Doufa: itemque Plantinus, qui apud nos nunc agit, & casu cùm has scriberem interuenit. Vale Amplissime & nobilissime Domine. Lugduni Batau. ∞. IC. LXXXIV. Saluto ex animo D. Monauium, si est istic.

EPISTOLA XCIII. *Middelburgum.*

IANO GRVTERO S. D.

IMPEDITVM in Galliam iter tuum molestè fero. & hoc tamen malo, quàm vt cùm perueneris, periculum tibi aut fuga. Quamquam rumores illi magis grandes fortasse, quàm graues. Sanè qui modestiores illinc veniunt, omnia magis placida nuntiant, nec de bello etiam nunc aperto. Suspectam tamen pacem esse fateor: sed quando non in illâ gente? utique hoc statu: quo de religione illud discidium malè factum malè coit. Consilium tamen à me si quæris: ego censeam per Galliam transire te posse ad Germaniæ fines. Basileam vel Argentoratum dico: atque illic velut è speculâ prospicere quis in Galliâ ventus. Si Zephyri pacati: redire. si Austri aut Noti: hære apud crassio rem, sed & quietiorem gentem. Omnino consilium non est, dare te frustrà & cupidè in turbas. quarum si tibi amor: mane apud infelices Belgas. De Electis meis. si is, fer ad Brissonium vnà: si manes aut aliud iter capis, remitte. Nam vt per nuntium, non sunt tanti. atque ego tantùm munus illud velut conciliando tibi viro magno dederam, & aditu muniendo. Vale, & salue à me nondum saluo. Lugd. Bat. xiv. Kal. Maias. ∞. IC. LXXXV.

EPISTOLA XCIV.

*Antuerpian.*ADOLPHO METKERCHO *Præsidi Flandriæ S. D.*

QVOD rariùs te appello, Vir amplissimè, ab occupationibus tuis est, non à meis. Illis hoc largior: quas cùm in reip. curâ & patriæ nostræ salute defigas, non inscitus solùm sed impius sim, si temerè interpellem. Et verò quid magnopere ad te scribam, præter colere me & amare? neutrû ambiguum, qui deberi hoc tibi à bonis omnibus scis & iam reddi. Effecit enim dudum (rarum in * πολιτοῦς) integritas tua & mira probitas, vt inuidiam odiumq; non minùs in aliis viceris, quàm auaritiàm in te & ambitionem. Ad patriæ salutem consilia tua omnia diriguntur; ad tuam, ciuium vota. Sed hæc apud alios malo. Studia nostra per has turbas non vigent, sed nec planè cessant. Aliquid De Pronunciatione linguæ Latinæ meditabamur, vt tu de Græcæ: sed exemplo magis eodem, quàm curâ fortasse aut successu. Tenuis enim hæc materia: & quam vix impleam, nisi à suspitionibus & coniecturis. Nam auctoritatum nos hîc ferè inopes. Planctinus etiam ad Grammaticam concinnandam impellebat, quæ communis Belgio vniuerso esset. sperabat id enim Ordines decreturos. Vix ego. nec si faciant tamen, valde ingenio aut Genio meo scriptio talis. Quamquam fateor vtilissimi instituti rem fore: nec magis peccari in iuuétute instituendâ, quàm hac Grammaticarum varietate. Inter magistellos factionum res est: & quisque hanc aut illam præfert, quia posthabuit eam alter. Iam illi ipsi qui condunt, quid? hoc vno reges. Mihi puero triplex olim Grammatica prælecta, in triplici migratione. Ad annum decimumtertium nugæ illæ tenuerunt; & adfirmo tibi ab anno octauo eadem me tenuisse, etsi non eodem modo. Quinque illi anni si in stilo & grauiorum rerum scientiâ positi fuissent, quis mihi fructus? Et hæc peccantur cottidie, non tã imperitiâ, quàm ambitu docentium & prauitate. Cui vos quoque, velut publico malo, mederi par sit: si tamen à grauioribus illis respiratis paulùm & ad mortem morbis. Quos Deus aliquando à miserâ hac Belgicâ auertat, & te Vir Amplissimè nobis illique seruet. Vale.

Lugd. Batau. III. Idus Nouemb. ∞. 10. LXXXII.

* *Admini-
stris reip.*

EPISTOLA XCV. *Lutetiam.*M. VALERIO COLLINO S. *multam precor.*

NON largiter solum, mi Colline, sed, quæ maior laus, firmiter amas. Louanij cœpisti: comitatus te in Galliam adfectus etiam nunc non deserit, etsi in temporum & locorum grandi interuallo. Adde inter nos silentium: quod frigus inducere potuerit vel incitatissimo amor. At tuus nec intepuit quidem: & scintillas acres sparsas video, & colligo in epistolæ tuæ omni parte. Redamo, redamo; & iure, pectus tam fidum, tam amicum. Locum sic satis honestum tibi illuc esse gratulor: nec, si me audis, muta. Ad patriam enim cur aspires? Zephyri interdum aliqui melioris spei, fateor: sed turbant subito ex transuerso Noti. Cur autem iuuenilem hanc, ut sic dicam, nauim in feruidum illud fretum immittas; cum statio tibi aliqua saltem, si non portus? Obdura. credo aliquando, post tam diuturnas tenebras, miseris Belgis sol aliquis illucebit firmioris pacis. Nos quoque non mutamus: etsi exteri ianuam aperiant & inuitent. De pugnis, quas in improbos quosdam pro me pugnās, (ita scribis:) gratum, nec gratum. Ab adfectu gratum: re displicet & effectu. Quid enim litigio isto vincis? non illos meliores facis: non me honestiorem, quem nihil maculant linguarum illę sordes. Ita serio sentio. laudari me, cum culpant tam illaudati. Non virus illud homuncionis ego noui? inter cuius minimas culpas est liuor. Alia peccata sunt, quæ ipsum eosque perdiderunt & perdunt, qui adhærescunt. imò qui tangunt. Tu fuge igitur, non pugna. Cessisse hinc præstat, quàm incessisse: quia nec vincis quidem ac repellis sine maculâ tam maculosos. De Hospitalij Epistolis editis, valdè gratum. haueo inspicere: magis quàm illos ad Ciceronem Commentarios, famæ grandioris quàm rei. Quid refert? emptores suos, imò & amatores reperient vana illa doctrinarum. Nos solida nihilominus amabimus, contra iudicium hoc vulgi, & te vnâ, mi Colline, quamdiu tu me & virtutem. Vale. Lugd. Bat. Pridie Kal. Septemb. ∞. MD. LXXXV.

EPISTOLA XCVI.

IANO DOVSÆ meo S. dico.

LEGI ad vxorem litteras tuas, quâ de me erant. Bellum hominem & facetum! qui tam arguto schemate scribis ad me, & non scribis. Quid censes? excusatum iri te? Non debebas. præfertim cum nō alieni solū multi huc cottidie, sed ipse à te tuus homo. Et tamen excuso. non tam arte istâ captus, quàm indutus à naturâ tuâ: quam cetera efficientissimam, cessare plerumque scio & fastidire in scribendo. Culpa ea in amicitia, fateor: sed cui non sua labe? Nec circumfusa illa Thetys eam in te eluerit suis vndis: nedum vt ego me postulem ininis. Taceo igitur, & patior. Emanatio vestra præter vulgi vota & nostrâ spem est. Etiamne in illâ aulâ tricæ & remoræ? nec tamen miror in re tam intricatâ: cui, in vrbe vrbium iam amissâ, nouus nodus. Multi apud nos concidunt, multi dilabuntur. è familiaribus tuis abit quantum potest *Jupiter ille Tonans*. Iam valedixit, iam sarcinas collegit, iam est in viâ. non tenuerint hominem Batauæ omnes quadrigæ. O vim metus, & verè * τὰ νόστιμα δέμα! A quo pennas ^{* timor} ^{passis aliis.} etiam Hybrida noster sumit, ad eandem fugam. qui tamen dissimulat, & resistet, vt ait, hac hieme: scilicet cum ciconiis ad vos venturus, sub æstatem. Ceteri valemus, & stamus. Valemus. vt & me includam: haud planè etiam firmum, adfidentem tamen iam sanis, imò & accumbentem. Nam conuiuia etiam obire hilariter audemus: quibus ades plurimum, & non ades. Nam mens nostra sæpè apud te, & de te lingua. At inuitatiunculâ tuâ, & illorum procerum, nunc non vtor. Di boni, quàm voluisssem nobilissimam insulam! Sed antea languor impediuit; nūc hiems, quæ per continentes has tempestates occupat præmaturè. E Galliâ mihi litteræ; & hoc noui, Petronium ibi recusum cum tuis Notis. Apud me est, videbis redux. De Mureto, nunciant vixisse. antea tamen Senecam Romæ edidisse castigatum & illustratum. Valdè velim vidisse. Rogertius noster istic quî valet? quem inuideo tibi, te illi. Fabulamini enim assiduè, muginamini, & estis vnâ quando libet, quamdiu libet. ô beatum par! & quod vtinam per me impar! Saluta fodes, & excusa me de silentio iustissimâ morbi causâ. Sed heus tu! imitabor tuum *ὄφισμα*, & ad alium id

hac epistolâ scribam. Cognatus mihi illîc est in comitatu Busij, appella hominem, saluta, (caue neglexeris.) dic accepisse vnas eius litteras, cupere plures. responsurum me in breui: impeditum adhuc morbo. O velum mihi vtile, & hâc saltem parte salutarem morbum! patrocinator in omni culpâ. Tu ne inuide, cui frons tam dura, vt excusari etiam possas & possis sine illo. Nos editionem Epistolarum paramus (si quid fortè subitum in hoc morbo) & iam concinnauius ad libros plures. Tardat, quòd offensam alibi aut inuidiam veremur, ex candore & libertate. Quomodo tamen aliter ad amicos scribamus? Sed videbo, & incîdam aut recîdam: nequi noui in nos venti. Qui vtinam te referant, mihi, vxoriqûe! quorum alter te amat, altera perit. Vale. Lugd. nostrâ, Kal. Septemb. ∞ . I D. LXXXV.

EPISTOLA XCVII.

Leodium.

LAEVINO TORRENTIO

V. *Amplissimo* S. D.

LITTERAE tuæ quàm gratæ mihi acciderint, haud facile effabor. Mittentem intueor? scio ab eo viro, à quo nosci perhonestum, non dicam compellari. Ipsas? plenæ sunt fidæ cuiusdam beniuolentiæ, & salutarium præceptorum. Et fateor, de Constantiâ meâ iure ita sentis. Aptare enim veterem philosophiam ad Christianam veritatem volui: & in cogitatione câ totus dum sum, illapsa & elapsa mihi quædam fortasse, quæ illam magis sapiant quàm istam. Non purgo. correctionem imò pollicor. & effecturum me vt ad culmen illud veniam, à primo isto velut gradu. Ego enim seriò scio & sentio, in vno Deo & Filio eius Christo, qui nos benignè redemit, liberauit, spem omnem positam humanæ salutis. Vias ad eam perueniendi, expressas in Sacris litteris. nec hæc externa omnia, & Philologa siue Philosophia, aliud esse quàm accessiones quasdam & ornamenta: folia inquam, non fructus. Quod iudicium meû in isto ipso de Constantiâ libro in fronte apparebit: qui iam iterum sub Plantiniano prælo. At Senecam & Stoicos admiratus sum. Certè. sed non vt qui verum, me iudice, viderint: sed qui paullò magis tamen in iis tenebris oculos aperuerint, quàm ceterum vulgus. De immortalitate

litate nostrâ aut malè aut timidè senserunt, & scripserunt: esto. (etsi disputari eâ de re potest) deum tamen adspice: quæ secta aut illum magis aperuit & homini inseruit, aut ea quæ ad ipsum? maiestatem dico eius, providentiam, gubernationem, & curam nostri. Quem primum limitem esse ad cognitionem & amorem veri dei, nemo negat. Hæc mihi sectam illam non probam prorsus fecerunt (absit:) sed probabilem tamen supra ceteras, quæ magis humi & circa hominem repunt. Iam de moribus & animorum lustratione, quis Senecæ, Epicteto, Arriano (quamquam ille, Epictetus alter est, & loquitur ferè eius verbis) hac parte præponendus? Multa & præclara Plato, cōfiteor, multa Aristoteles: sed non robore eodem aut nervis. Spirat nescio quis calor in Senecæ aut Epicteti scriptis, qui ad lectorem quoque pervenit: nec differere illi magis de virtute videntur, quàm inferere & inculcare. Quòd si vitâ eam & factis non expressere: quid miramur? Verè fidei & verè lucis fulcrum illud defuit: cui qui nō innixus, necessum est in partem aliquam ruat. Et tamen hîc quoque facile peccari sentio, si quis eos nimis apud lubricam iuventutem hanc miretur & laudet. Abstrahat enim à veris & legitimis illis animorum medicis, alliget ad agyras istos. quod cùm aliis, tum mihi quoque deinceps censeo cauendum. Non enim satis, ne ipse errem; sed ne alteri sim erroris causa. Itaque, ut illuc redeam, iure quædam in scripto illo meo desideras: & præsertim magis expressam pietatem. Quam ego, te hortatore & duce, non animo meo deinceps geram inclusam, sed proferam & præferam clarè in scriptis. Factum antè à me parcius, (si veram causam vis) in hoc ancipiti statu rerum & varietate iudiciorum, metu offensionum. At ego te sequor: nec inuitus in placidum illud mare rapior ab hoc Torrente. Quod superest, & te (vir maxime) ex animo amari & coli à me scito, & canam illam veritatem. De Dousâ hoc quoque confirmo, virum modestissimū optimumq; esse, & tui amantem. Plantinus ad nos redierat: è quo speramus aliquid audituros de tuis scriptis: quæ æstimari magis à nobis scito, quàm apud te promo. Vale. Lugd. Bat. Prid. Nonas Maij. ∞. IO. LXXXIV. Dominic. Lampsonium valdè velim à me salutes. cuius litteras accepi, at non illud quod in iis promissum. Item Læuineium, sororis tuæ filium.

EPISTOLA XCIIIX.

Lutetiam.

HENRICO WILTIO S. D.

QUOD salui adueneritis, idque ex litteris tuis intellexerim, valdè gratum. contrà molestissimum audire, de morte Sigonij & Guilielmij. Sed ille præter ætatem nihil passus est, (canescebat enim:) & fructus vberes cepit & reliquit studiorum suorum: iste noster, exstinctus in ipso æui & ingenij flore. Feramus, & vercor ut hic annus fatalis sit ingenio non vni. Me quoque carpit lentè morbus: etsi mitior nunc paullò molliorque. Lutetiæ, siue in plerâque Galliâ totâ, pestiferam luem vigere audio: caue & fuge, quantum humaniter licet. Abstine à discursu, ab intemperie, luxu, & imprimis ab insolenti illo Baccho. Nisi caues, fatum tibi per illam viam. Melissum istic esse, gaudeo: & magis si vsus tibi cum illo. Velim te in hac peregrinatione innotescere viris; qui claritatis aliquid habent ab ingenio & scriptis. Hęc enim res ad tuam lucem. De Cuiacio quid est? Auaricîne agit? an Lutetiæ est in consilio Regis? ita nescio quis rumor ad me adfert. Tu hæc & talia scribes: quæ grata nobis scis intellectu. Eidem viro epistolam meam ostendere poteris ad Ianum Guilielmium (si tamen occasio erit) quia si memini, quædam in eâ quæ ad illum. Aperi prius, & vide: & quod videbitur face. Sed ô illius alumni nostri ignauam ignauiam! itan' eum perdidisse aut proiecisse commissas litteras? At ego de superbiâ & contemptu pericliter apud Memmium, Pinxæum, Faucerium, quem Leidę olim nosti. Plura verat languor: nec manus aut mens mihi satis prompta ad scribendum. Deum rogo te seruet, & augeat cum annis modestiam & virtutem. Lug. Bat. Kal. Decemb. ∞. IO. LXXXIV. I. Aurato, viro & poëtæ summo, item Passeratio à me salutem.

EPISTOLA XCIX.

Antuerpiam.

IOANNI ROTARIO S. D.

ET ipsæ litteræ tuæ, Vir prudentissime, mihi gratæ: & gratior caussa, quæ te impulit ad scribendum. Amor enim & humanitas est: quem nisi mutuum amem, manantem à tam puro fonte, durus sim & inhumanus. Atque ego te, mi Rotari (verè & sine

& sine blanditijs dicam) iam antè inter iunctos habebam & inter caros: ita multa de virtute tuâ audiebâ, & studio sapientiæ & doctrinæ: quod rarum inter tui ordinis homines, quibus * pen-
 natus ille deus carior est quàm * laureatus. Nunc autem à te lit-
 teris tam amantibus prouocatus, sequar in hunc amicitiae campum, nec vinci me patiar officiis, quæ ab animo quidem sunt & adfectu. Constantiam nostram à te probari gaudeo, & magis illud, quòd significas te iam olim in studijs his Sapientiæ deditum: quæ sperni scio à quibusdam vt superuacua, & in quibus parum ad virtutem sit momenti. Sed errant. quoniam etsi à diuinis litteris verum omne robur, & purâ luce nos perfundi fatear pietatis: sunt tamen hæc iuxta diuinum verbû adminicula quædam, quibus dirigi & firmari possint vacillâtes isti gressus. Nam quin castè & cautè Philosophiâ vtendum sit, non abnego: eaquæ ad normam & velut lapidem exploranda cælestis legis, cum quâ tamen consentire pleramque eam (dico quæ de Moribus est) quis item neget? in Platone, Trismegisto, Epicteto, Arriano, altas præclarasquæ multas voces reperio: quid refert à quo eæ profusæ, si ab vno illo spiritu veritatis? Quem inspirasse, vbi libuit, prisca illa etiam pectora, & oracula edidisse per homines vanos & profanos, nihil ambigo. Inter vetustissimos Iobum vide. quem è gente electâ fuisse non censent, & tamen scripsisse omnia electa. Mercurium illum ter maximum, quem dixi. mysteria in eo multa & arcana nostræ legis; etsi Ægyptium fuisse traditum sit, nec imbutum veris sacris. Idem in philosophis est, & omni illâ scholâ quæ à Socrate: quorum scripta notas non obscuras & scintillas præferunt clari illius ignis. Itaque vt in prælio, non gladijs solùm & grauioribus telis res geritur, sed etiam funditorum quædam opera & leuis armaturæ est: sic in hac nostrâ contra vitia & adfectus militiâ, non solùm illo penetrante Verbi mucrone, sed etiam philosophorum hastis & sagittis aptè interdum & vtiliter pugnabimus. Sed digredior. & tu fortasse aliquid de repub. item nostrâ exspectas, vt remunerer te hâc quoque parte. Sed quid scribam? lenta hîc omnia, non læta: & videntur res nostræ velut in vado quodam adhærescere. idquæ eo tempore, cum velis & remis festinandum sit. Nam qui in nos pugnant, quos progressus cottidie faciunt, vides. Remedium

* Mercurius.
 * Phœbus.

dium hîc mutatâ reipub. formâ & ab vno capite quaritur, vti-
nam vtiliter! Sed vix spero. ita multi palàm, plures dissident oc-
cultè. A labe eâ quæ Flandriâ corrumpit, immunis nostra Batavia
non est: & hîc quoque varia iudicia & discidia animorum. Ita
vereor ne rebus nostris fractis & labentibus *extremum malorum*
(vt Tacitus noster ait) *discordia quoque accedat*. Quod si fit, con-
clamatum est: & exsequias Belgicæ, quibus commodum est, ire.
Sed hæc sunt illa, aduersus quæ Constantia nos munit: & in
cuius præsidio ego quidem acquiesco. De falso Cicerone illo,
gaudeo tibi probari iudicium nostrum. Illud miror, Italos fuisse
tam obescæ naris: à quibus, si deo placet, aureus ille partus. De
Boulenio & Panhuisio, faciam sedulò: & si quid aliud erit, in
quo gratum facere tibi tuique similibus possim. Salue. & per te
Iohannes Viuianus vir planè bonus & poëta. Lugd. Bat. XIV.
Kal. Ianuar. ∞. ID. LXXXIII.

EPISTOLA C.

Antuerpiam.

PETRO EGMONDO S. D.

GRATVLATIONEM expectas? increpabo. Tûne Româ re-
cens redieris, & tribus verbis ad Lipsiû? idque post bien-
nium, & illo ipso biennio per silentium elapso? Certè tuum. non
enim ego etiam silens, qui ad te crebrò, ad Bensium etiam, & ad
Wincelium dedi. At nunc, tamquam in oculis mihi & ore affi-
duus, ita languidè scribis & quasi inops rerum. Quin si de te
nihil & itinerum euentu: saltem de manu illâ nostrâ aliquid lit-
teratorum? quid Fuluius, quid Muretus, quid meus Bensius acti-
tent, & illi velut Patres litterarum ac Senatores? quid iunior alia
soboles, qui succrescunt? Non enim effatam nunc ingeniorum
Italiam censeo, illam nutricem eorum olim & parentem. Hæc
peccasti. &, vt spem imò viam veniæ ostendam, purga. Quod
fiet vnâ re, si priores illas litterulas delebis & obrues grandî ali-
quâ epistolâ, longâ, latâ, & quò magis latâ, magis lætâ. Talibus
enim alloquijs egeo nunc, ô Egmonde, in torpido hoc morbo.
qui me, annum & tres ipsos menses, iam tenet; nec notus quidem
adhuc planè medicis, adeò non remotus. Ardores viscerum sunt
& interni æstus, haud procul ab Hypochondriacâ melancholiâ:
nisi quòd mens & caput mihi sana. quæ tentari tamen & lædi per
cum

eum morbum non te, credo, fugit. Similis aliquis languor fuit, qui magnum Laurentium illum Medicē tenuit & citò abstulit, sed per imperitiam medicorum. Nam aliàs, ad mortem non ita præceps. Ego omnibus armis in eum pugno, & præcipuè auxilio Nympharum (frigida enim in potu & esu mirè iuuant:) & aliquid sanè proficio: nisi quòd ad extremum, vereor ut suppediter me tam pertinax hic luctator. Victus enim aliquoties non vincitur, diectus non cadit, fugiens non cedit. Antæus aliquis est:

—— ab ipso

Sumit opes animúmque casu.

Et profectò Terræ illa progenies, ducet me ad terram. De me habes. nam de studijs, scilicet in languore hoc languent. Tu autem quid? Grudiosne cogitas, & illi cō honorem? Faueo, & voueo. illud miror, in eadem togâ candidâ tecum conspici tam nigros. Etiámne ille, ab Lutetiâ huc adspirat? O frontem, frontem! Nec tamen illum nimis culpo (perseuerat enim esse quod fuit:) magis illos, qui flectunt & inclinant se ad tales. O vrbs mihi olim amata & culta, misereor. tenebræ & infamia tibi, per tam obscuros, tam infames. Tu autē, si me audis, obdura & fortiter age: peruinces, si inter suffragatores aut arbitros, vlli erunt mediocriter boni. De migratione nostrâ: amicè tu, nescio an ex famâ meâ, aut ex vsu. Inter hirundines istas ego? æstates aliquot otij & pacis hîc egimus: vis mutem ad ingruentem primam nimborum hiemem? non decorè, fortasse nec prudenter. Perpetuum enim serenum in illâ parte quis mihi spondet? Obscura, mi Egmonde hæc talia: in quibus vetus illud Tiberianum iure nobis placeat, ut *consilia, quibus impares sumus, fato permittamus*. Homo hîc quid videat? desipit maximè, qui sapit maximè. & solus ille æternus æthereusque oculus est, qui hos euentus cernit, & dirigit sæpè præter omnium mentem. Illi ego hæc & me permitto, & clamo ex animo hoc vetus:

* *Αγὼ δὲ μὲ ὦ Ζεῦ, & σὺ γὰρ ἡ περὶ ὁρμήν.*

Tu mi Egmonde vale, & Clarissimū Iurisc. & Antecessorem Iohannē Wamesium, si occasio tibi, à me saluta. virum prudentem, doctū, & (quod expertus sum) in virtutem & litteras valdè pronum. Idem cupio & censeo de Antecessore Philippo Suerio.

* *Tu Iupiter me du-
cito, & Fa-
talitas.*

IUSTI LIPSI
EPISTOLARVM
SELECTARVM
CENTVRIA SECVNDA
MISCELLANEA.



ANTVERPIÆ,
EX OFFICINA PLANTINIANA,
Apud Ioannem Moretum.

CLD. ICD. V.

Cum Privilegiis Casareo & Regio.



Ad Illustrem Virum

THOMAM BVRGIVM

B A R O N E M,

E T

BRIELANVM PRÆFECTVM.



LTERAM Centuriam episto-
larum nunc emittimus, Vir il-
lustris, & nomini tuo meritif-
simò eam dedicamus. Si amor
aut beneficia huc me vocant:
ille in me magnus, & hæc cre-
bra. si dignitas aut virtus: utrâque ornatus es
inter gentis tuæ primos. Genus tibi nobilissi-
mum, & antiquâ stirpe decòrum: magnitudo
animi & prudentia eximiæ, & cuius vtriusque
specimen dedisti in his Belgicis quoque tur-
bis. Ad arma quoties te hostis aut occasio du-
xit, tu manu strenuus, consilio prouidus: &
quies cùm fuit, Præfectura tua te habuit cum
ciuium militumque veneratione pariter &
amore. Quinetiam in illâ nocte temporum,
cùm homines quidam maioris animi quàm
consilij hæc nostra turbarent, & vno velut
filo appenderent publicam salutem: ea mo-
deratio & prudentia tua fuit, vt in medijs

flammis flamma te non tangeret, & pænè vnus firmus quietúsque stares in communi illo motu. Magna ista sunt: & maiora futura, si maior aliquis aut latior virtuti tuæ campus. Quod voueo: & te, Vir illustris, rogo, vt inscriptionem hanc accipias velut animi cultúsque mei in te pignus. Vtriusque quidem eximij exiguum: sed quid faciam? vt Vlysses ille apud Alcinoûm nihil habet quod rependat pro ingentibus meritis, præter vota & grates: ita ego, quem cetera destituunt præter munera hæc mentis. Quæ tamen vobis magnis quoque sæpè magna. & meritò: quoniam fama & æternitas ab istis: & vt ait Pindarus,

* Sermo
factis di-
tius viuit,
quem cum
Gratis vo-
lentibus
lingua ex-
tulerit è
profundâ
mente.

* ῥῆμα δ' ἐργμάτων χρονιά-
τερον βιοτάει,
ὃ, ἡ κε σὺ χάριτων τύχα
γλῶσσα φρενὸς ὀξέλοι βαθείας.

Vale III. Idus Apr. ∞. Iō. xc.

AD LECTOREM.



ABE etiam hanc CENTURIAM
 Lector, sed puram, simplicem, &
 sine mixtione. In priore illâ alienas
 aliquot inseruimus: nunc displicet,
 & detraxi. Non ergo digna illa edi?
 digna, sed non à me: & mali ex-
 empli, arbitrium hoc sibi sumere in scriptâ aliena.
 Mihi fieri nolim: & tamen faciunt. atque ecce edunt
 a libi hanc aut illam epistolam, me non ignaro solum
 sed invito. Quæ hæc temeritas, siue improbitas, est?
 Clamo & testor apud homines qui sunt, qui erunt,
 inimicus mihi quisquis hoc facit.

QVICVMQVE QVODCVMQVE
 MEVM, PRÆTER ME, DIVVL-
 GAT AVT DIVVLGABIT, PRÆ-
 SES LITTERARVM ET FAMAE
 DEVS VINDICATO.

Homo imperite & * φρένας ἡδέε. Verba aliquot apud ^{mentem}
 te familiaria, aut libera, aut blanda effudi: sed apud ^{vacue.}
 te: & in lucem tu hæc calidè effers? Quid hoc est
 aliud (ut ait disertissimi viri verbis) quàm tolle-
 re è vitâ vitæ societatem? tollere amicorum
 colloquia absentium? Quàm multa ioca so-
 lent esse in Epistolis, quæ prolata si sint,
 inepta esse videantur! quàm multa seria, ne-

que tamen vlllo modo diuulganda! *Abi igitur inhumane, inepte: nec sic me produce, imò traduce. En, cùm cautè omnia & circumspècte scripsimus (ut hoc auum est) non effugimus morsum: tu subitaria mea prodis, id est, latus pectusq; meum nudum obiicis ad omnem ictum? Abstine. & tu Lector, mea ama, sed mea.*



INDEX

EPISTOLARVM
SELECTARVM

CENTVRIÆ II.

MISCELLANÆ.

| | | | |
|---|--------------|---|-----------------|
| A BRAHAMO Mylio epi- stola xxvij. | | G. | |
| Abrahamo Ortelio | xxxvij, lix, | Gerardo Tuningo | lxxvj. |
| xcix, c. | | Gulielmo Cripio Filio | lxxxij. |
| Æ milio Rosendalio | | H. | |
| | xix. | Hadriano Sarauia | xx, lxx. |
| C | | Hadriano Turnebo Hadriani Fi- lio | j. |
| Carolo Clusio | xxiiij. | Henrico Borbonio Principi Dum- barum | lvij. |
| Caspari Vosbergio | lxxxvij. | Henrico VViltzio | vij, liij. |
| Christoph. Plantino | xxvij, | Hieronymo Grosstio Lisleo | xj. |
| lxxij. | | Hieronymo Mercuriali | xlviij. |
| D. | | Hugoni Blotio | xcv. |
| Dionysio Gothofredo | xxxiiij. | J. | |
| Dominico Baudio | xxij, lxxx. | Iacobo Augusto Thuano Amerio | iiij, lxj. |
| Dominico Lampsonio | xvj, | Iacobo Corbinello | v. |
| lxxxvj. | | Iacobo Cuiacio | xvij. |
| E. | | Jacobo Monauio | lxxvij, xcviij. |
| Elberto Leonino | xij. | Iano Douſæ V. N. | lvij. |
| Euerardo Pollioni | xij, xxxix. | Iano Douſæ Filio | xliij. |
| Euerardo Reidano | xcv. | Iano Duystio | xxxij. |
| F. | | Iano Grutero | xlj. |
| Federico Morello | lxix. | Iano Lernutio | ix, xvij, liij, |
| Francisco Bensio | lxxv. | lxvij. | |
| Francisco Hildesheimio | lxxij. | Ioh. Arcerio | xxv, lxxxij. |
| Francisco Iunio | xiiij. | Ioh. Guliel Stuckio | xxvj. |
| Francisco Nanſio | xxxvj. | Iosepho Consalues | liij. |
| Francisco Raphelengio Filio | vij, | J. | |
| xxxiiij, liij, lxxv, lxxj, lxxiiij, | | Iosepho | |
| lxxxvj. | | | |

| | | | |
|-------------------------------------|----------------|-----------------------|----------------|
| Iosepho Scaligero | xxj. | Nicodemo Frischlino | xxxv. |
| * Ioseph. Scaliger Iul. Caesaris F. | | Nicolao Oudaerto | xcij. |
| Francisco Vertuniano | xlj. | P. | |
| Iosia Mercero | xxxj. | Paullo Melisso | xxx. |
| Issaaco Casaubono | lxxxiv. | Petro Aloftano | xl. |
| * Iul. Scalig. Ferrerio | xlvi. | Petro Brachio | lxxvj. |
| L. | | Petro Pauvvio | lx. |
| Leuino Caluardo | lxxix. | Petro Regemortero | xxij, xlix. |
| Lamberto Culenio | xlviij. | Petro Villerio | x. |
| Lamberto Vander-Burch | vj. | Petro Villerio Filio | iiij. |
| Lanceloto Brunio | xcvj. | Philippo Marnixio | lxxxv. |
| M. | | R. | |
| Maria Gornacensi, virgini nobili | | Regnero Grutero | xcj. |
| lvj. | | T. | |
| Martino Lydis | xc. | Theodoro Bernardi | xlj. |
| Matthæo Dressero | xxxviij. | Theodoro Cantero | lxij, lxxviij. |
| Michaëli Forgacz, libero Baroni | | Theodoro Leevvio | xvj, xliij. |
| de Gimes | lxxxj. | lxviij. | |
| Michaëli Huralto Hospitali | lxiv. | Theodoro Marcilio | xxix. |
| Michaëli Montano | xlj, lv, xcij. | * Typographus Lectori | xcviij. |
| N. | | U. | |
| Nathani Chytrao | lxxxix. | Victori Gisellino | ij. |

IVSTI LIPSI
EPISTOLARVM
SELECTARVM
CENTVRIA SECVNDA
MISCELLANEA.

EPISTOLA I.

HADRIANO TVRNEBO HADRIANI F.



ERV M mel, non epistolam, à te, Clarissime Turnebe, accepi. Tu mihi gratias? ego tibi, qui tam gràtè & benignè interpretaris officium, quod sine scelere non omissem. Qui vir diuinus ille parens tuus fuerit, nò-runt & fatentur omnes, quos stupor non præpedit, aut liuor. Ego à puero, velut astro quopiam inclinante, iui in amorem illius & laudem: nec grandior mutauì affectum, sed auxi. Nonnemo inuidet? esto: ille viuet in summâ æternaque gloriâ, quamdiu res Græcæ aut Romanæ. Nec plura hîc de illo: de te, germanissime Turnebe, sic habe. non ambire me amicitias, naturâ & iudicio propèsum ad tenebras & quietem: sed triumphare in tuâ, quem iure amo purum aurum ab illo auro. Plura liber, non licet. testis mihi iste Hier. Grossetius vestrâs, insignis iuuenis, qui iam nunc mihi adest, & abit. At nobis haut sæpè opportunitas mittendi, scribendi tamen semper voluntas. quod crebrò & magis seriò faciam, ita amor hic inter nos perennet, quem còinus auspice, & teste immortalì tuo patre. Postrid. Id. Mart.

EPISTOLA II.

VICTORI GISELINO.

INVITI à vobis abiimus, inuiti. Quid vis ampliùs? apud amicū hoc satis est: ceterū, calceum hunc vide, nemo vestrū

R

scit

scit ubi me premat. Apuleium tuum scriptum conferre cœpi: quædam in eo valdè bona. Venationes etiam nostras attigimus, sed frigide imò contemptim. A peregrinatione enim hac supinus & aliarum cogitationū, vagè adhuc in studijs erro. nec facilè insistam lineæ, nisi recreatus aduentu vestro: qui, per omnes deos, ne me fallat. Hoc communiter rogamus, Doufa, Hautenus, ego. Varias Lectiones legi, editas in Galliâ nuper. placet ingenium adolescentis, placet aliquot locis nostri imitatio, si non fur-tum. Idem in libello Quid dicam? discipulos habeo, & breui faciam sectam. Sed ut ait Pindarus,

*Optimum
omne quod
à naturâ
est.

* Τὸ δὲ φῶς κατὰ τὴν ἀπαιτείαν.

Sanè siquid in oratione nostrâ aut stilo probandum: totum à naturâ est, vix à curâ. Rationem meam scribendi scire vis? fundo, non scribo. nec id nisi in calore & interno quodam impetu, haud aliter quàm poëtæ. Siquid operosius paramus; rem meditatur, disponimus. verba facilè succedunt, ac pænè præcedunt meam mentem. Istos rideo, qui etiam epistolas, si dis placet, lentè & velut ad numerum componunt. Verba examinant, circumspiciunt, traijciunt: & miselli cùm omnia fecerint, umbras putes non homines loqui. Ita tenuis tota scriptio, sine sanguine, colore, carne. Sed diffundor. peccatum meum sollenne, cùm ad te scribo. Nuncemendo, & fileo; & te valere iubeo, ac venire. Ni facis, Amor Gisellini res tuas tibi habeto. Lugd. Bat. xv. Kal. Iun. ∞. IO. LXXXI.

EPISTOLA III.

Lutetiam.

IAC. AVGVSTO THVANO AMERIO.

DISTVLI ad te scribere, V. C. dudum: præter morem meum, & præter votum. Amantes redamare non ego neglegens: & tu merueras, non amore solùm, quem benignè vltro artulisti, sed ingenio, sed doctrinâ, sed probitate: quæ tria in vno Carmine tuo clarè vidi. Sed amabo te, ita perpetuùm Fama te amet & Virtus, ignosce: & morbum hunc nosce, qui non finit me esse mei iuris aut moris. Verba non dedi, non misi: dedi animum, misi affectus mei sæpè auras, qui apud te & duos illos quos in extremo Carmine tuo mecum iungis. O caelestem panè dixeram

dixeram Trigam! nisi de terrâ & luto meo aliquid afferrem ego, finalis ille tertius equus. Nam iugales duo, reuerà supra homines: & tu item auriga, qui iunxisti. Nos Epistolas dedimus nuper: & valdè hauebam exemplar tibi illisque mittere, nisi qui has ferret, recusasset. Nosti per hoc bellum, nec tuta, nec trita nunc viarum. Valetudo mea meliuscula: sic tamen, vt extra morbum potius videar, quàm languorem. Damus nunc & edimus *De Pronuntiatione Latinae linguae Dialogum*, tenue in re tenui opus, nec dignum meliori vestrà aure. Tu ex animo à me salue: qui æternum tuus sum. ita sim saluus. ~~Ad Cuiacium~~ Cuiacio & Scaligero salutem. Lugduni Bat. III. Id. Februar. ∞. IO. LXXXVI.

EPISTOLA IV.

PETRO VILLERIO *Filia.*

VERE scribis. semper tu mihi curæ, & nunces: ita ingenium tuum & mores, & pater etiam, merentur. Vtinam aliquâ curâ meâ te curem, & à morbo isto releuem, qui pertinaciter vrget! Quid facias? feres. certus ad salutem tuam hæc dirigi, etsi non ad voluntatem. Si vulgi more loquerer; querelas miscerem, & dolorem meum ostenderem in casu, quo hæc ætas tua & tu indigni. Non faciam. fortiore esse te & me volo: nec te cupere solatia ex alienâ sympathiâ, nec me promere dolorem, etsi doleam. Nam hoc non nego: si deo visum esset, aliû te malim. cum non visum; quod ipse vult, nolens, (vt sic dicam) volo. Hoc de te scribo. in me nōne idem? languor hic biennalis me tenet, & abijcit in validissimâ hac æui parte. Annum enim trigessimum-nōnum vix attigi. quid tamē angar, aut opponam? facit ille, qui me fecit. Nōne in figuli manu est, effingere leui rotâ vasculum, & idem frangere? Et hoc melius, quòd figulus noster nos non frangit, sed refingit, & è miseris beatos, ex inferis superos reddit. Sed hæc talia aut tu tibi sepè, aut omnium optimè pater dicet. De iuris studio, quid nunc cogites? profectò solitudinem id non amat, cui forum semper propositum & turba. Ad Philosophiam magis te nunc ducam, quæ non delectet solum in hoc tædio, sed firmet. Eloquentiâ & stilus rus tuum non spreuerint; in quibus si tempus hoc ponis (donec melior tibi valetudo) id non perdis. Scripsimus

mus De Pronunciatione, leui manu, vt in re leui. en habes, vide,
& à me salue, qui ex animo tibi cupio. Lugduni Batauorum,
Kalend. April. ∞. IO. LXXXVI.

EPISTOLA V.

Lutetiam.

IACOBO CORBINELLO.

LITTERAS ad me mittis, non adfectus solùm plenas, (leue id
verbum sit) sed amoris. Benignè ad amicitiam prouocas,
laudes adiungis: è quibus has vix agnosco, illam appeto pari te-
cum voto. Gentem vestram amaui semper: & ex eâ illos maximè,
qui vetere illâ Italiâ digni. Qualem te esse, mi Corbinelle, nō so-
lùm ex igniculis litterarum tuarum, quos sparfos colligo, video:
sed etiam ex testimonio viri magni P. Victorij, qui de indole tuâ
ad virtutem magna prædicat, nec vana. Atque vtinam pessima
hæc tempora concedant nobis liberum eundi redeundi iter! pro-
fectò viderem vos, (lumina illa Galliæ etiam includo:) & nectar
illud sermonum vestrorum haurirem auidâ aure. Sed nos iacta-
mur: nec Æolo etiam vos, vt video, litastis. Venti vbique & tem-
pestates: quæ, mirum, nisi hoc anno euertant, certè conuertant,
hanc Europam. Fratris tui μεγαλοψύχῃ historiam & tristem exitum
legi. quid miremur? hodie illæ viæ, & nil nisi σκολὸν videmus à
plerisque his dynastis. O Italia, Italia illa prisca, vbi es? At tu, vir
nobilissime, solare te cùm alijs rationibus, quas litteræ & sapien-
tia tibi suppeditant, tum maximè communi eo Fato, quod ini-
quum hîc semper in bonos. Exempli tibi prompta scio. tu scito
& hunc animum: quem iam nunc seriò deuoueo in tui amorem.
Lugduni Batauor. ∞. IO. LXXXVI.

EPISTOLA VI.

Vltraiectum.

LAMBERTO VANDER-BVRCH, Decano.

AMO iure tuas litteras, amoris & prudentiæ simul plenas. A-
morem enim interpretor, meas laudes: quas adfectus tibi
magis certè, quàm iudicium dictat. Quid enim sumus? conari
me magis scio quàm efficere, velle quàm posse in publicum pro-
desse. Quidquid tamē id est (& esse aliquid vobis tam fidis ami-
cis

cis credo)gratum mihi,quod gratiæ saltem locum parit apud tales viros. At prudentia tuâ,in ijs mihi clara,quæ de publicâ istâ re scribis:quæ sanè confusa,turbida,& vtinam non vicina ad occultum est,quoniam mederi non in nostrâ manu. Imò fortasse nec humanâ.Deus ille est, qui publicas has clades immittit, qui alit,& fouet;& tum finiet,cùm nos earum causas. Ex autem peccata sunt. quæ adeò apud nos non desinunt aut minuunt, vt augeri mihi & accumulari videantur vnà cum pœnis. Irutamur cotidie magnum illud numen, & quasi puniendi iustæ causæ non sint,damus nouas. Quando luxus,fastus,libido maior,impunitior? & religio passim nunc in ore, improbitas in corde. Verba pietatem sonant, facta ambitionem, avaritiam: nec in vno alteròve, sed apud plerumque ordinem, ætatem, sexum. Itaque de pace aut tranquillitate, nihil ego spero. — *bella horrida, bella exspecto: aut certè tyrannidem non optabiliore quouis bello. Illi ad quos Victoria inclinare se videtur, irati veniunt: & si qui moderari volent, nescio an audientur. In omni bello cruda post victoriam principia: magis in ciuili, vbi odia & acerrimæ factiones. Sed Deus videbit: cui, quod ad me, curas has ex animo relinquo. Sicut & illam de valetudine meâ: quam non ego quidem, Vir amicissime, neglego, nec mortem vltro appeto: sed cùm feci quæ humanitus possum, securus exspecto euentum. Hoc curo, vt vitam meam corrigam, vt deo meo placeam, vt sedē ab his nimis quietam in superâ illâ arce possideam: vnde adspiciam humana hæc omnia, & contemniam. Intereà tamen nec studia prorsus omitto, nec ea omnia per quæ publicè aut priuatim humano generi videor posse prodesse. Ostendent id breui quædam etiam scripta nostra, quæ iterum paramus. De Floro tuo manuss. quem offers, valdè gratum. multa sanè reperio, non animaduersa Vineto aut Stadio ante me censoribus: & reperiam plura, scio, si auxilium mihi tui libri. Itaque si eum quamprimum ad me miseris, beneficio adficies me & posteros: nec id celabo. Vale, & fratrem tuum Graphiarium amanter à me saluta, cum gratiarum actione pro munusculo nuper ad me misso. Lugd. Batauorum.*

EPISTOLA VII.

*Antuerpiam.*FRANCISCO RAPHELENGIO *Filio.*

TVAS reuerſus vidi libens: non etiam ea, quæ in ipſis. Langorem præferunt, & naſeam in rebus omnibus ſerijs & honeſtis. Vidi, mi Franciſce, iam olim inſitum tibi hoc vitium: quod ratione & curâ, quæſo te, vince. Iaces, niſi facis. Quid hominis tam proprium, quàm erigi & ſpectare alta? Alta dico, id eſt, quæ ad ætheream illam partem pertinent, cælitùs immiſſam nobis mentem. Hæc colenda. nec poteſt ſine meditatione, ſine actione: neque iſta, ſine labore. Hunc igitur uſurpa: quidquid reclamet faſtidiens illud tædium, haud longè à veterno. Tu deo, tu auo, tu mihi, curæ & cordi es: nec te deſeremus, ſi non te ipſe. Doctore illius noui diem quòd obieris, benè factum: quòd cum verſu celebraueris, nec malè. Sapientiæ pars eſt leuiter deſipere, & paullùm extra viam rectam ire, ad vitandum violentum aliquem occurſum. Vidēsne vt nautæ vela ſinuent & obliquent: & reneant nihilominus ſuum portum? imitare. Pietas tibi interna & vera ſit propoſita, Modeſtia & Virtus: in externis, perſonam interdum ſume aut pone, pro re aut pro auo. Studia tua calere velim (ætas iſta hoc poſtulat) & videbimus quid in rem tuam maximè ſit vnà cum auo. Surge tantùm, & cōfide. Ineptias vidimus, & riſimus. quis comprimet Criticorum hunc luxum? Satyra mea frenos non dedit: opus lege aliã aut rege. Vale. Ex urbe, in quâ tu olim, XVI. Kal. Decemb. ∞. IO. LXXXVI.

EPISTOLA IIX.

*Biturigas.*HENRICO WILTIO *Io.*

CANTERVVS apud me erat, cū tuas accepi. dicam gratas? gratiſſimas, ita me Deus amet, vel hoc nomine quòd à ſex menſibus primas & ſolas. Et tu de me quereris? bellè. at ego pluries ſcripſiſſe me ſcio (vide an deceat) quàm te reſpondiſſe. Excufabis non redditis. credo: feramus igitur inter nos & excuſemus, non tam culpam communem, quàm temporum ſortem. Valetudo tua & ſtudia proſpera, mihi gaudio. perſeuera. Nōne apud

apud illum virum es, qui sæculi decus? vide ne frustra: frequenta, audi, discere. Pollio meus honore ab illo auctus: quòd ab illo, iure ante honorem ipsum cēseat. Scripsi ad eum, & quàm grata mihi Dedicatio illa, ostendi. Vos, quæso, inter vos cōcōrditer & amicè viuite: quia Belgæ, quia ex meâ domo, quia sacrorum corūdem & studiorum. Senectus mea, si ad eam pertingo, solatiū sibi sponder in vobis. Sed quando videbo? quādo reditis? mihi placet non porrò vos currere, in Germaniam flectere, illinc lares. Iuno Iuga vos exspectat, & Quies. Et si patria hæc etiam nunc turbulenta. sed si non antè peregrinandi vobis finis, quàm hîc quies, quis finis? Tua ad Nonium grata, proba. Sed litteras yrge, & sapientiæ studium ne omitte: ad quam metam dirigi velim omnia tua. Infelix semper erro, si ab illâ aberras. Vt naus quæ inter fluctus sine clauo iactatur, sic mens quæ in hac vitâ sine sapientiæ gubernaculo. Mores illi plebeij, stolidi, vani, ne te inficiant caue. Alphæus mare Siculum subterlabi dicitur, sine mixtione vndarū, ad suam Arethusam: tu per leuitates, per vanitates, ad amatam illam. Diuam. Vidisse ea vtile, non se inferuisse: trāsisse, non miscuisse. Edidimus nuper Centuriam Epistolarum. magni illius viri mihi illic mentio, & sæpius fuisset nisi impedisset ille vir quem hîc nosti. Scænæ feruendum est, quamdiu ego in hoc Theatro. Sed verum meum sensum breui aperiā magis & diffundam. Nec vos quidem omisi, te & meum Pollionem, vt videbitis, aut potius iam vidistis. Nam libri, credo, allati. Etiam nunc edidi De pronunciatione Latinæ Linguae Dialogum, mihi probum. Tu salue, & redi si parenti tuo ita visum. De Italiâ, non tibi, non Pollioni nostro nunc ego auctor, ponite vana cogitationum. xvi. Kalend. Maijas. ∞. IO. LXXXVI.

EPISTOLA IX.

IANO LERNVTIO S. dico.

IT A perpetuus inter nos amor sit, mi Lernuti, vt cum aculeo discessi à vobis. Cursim, inquires. Quid facerem? aliud animus, aliud res suadebat. Vitam meam nosti, & scēnam cui seruimus. Si vinqum aliquid verè scripsi, hoc est. quasi anima à corpore, auulsus sum à vobis. Fuge aliud suspicari in me: quem, culpa

culpa tua est, si nondum nosti. Nam apud amicos nihil me vno simplicius: apud alios, sanè sim quod Vlysses. Nónne & aulam, & Etruriam ego vidi? sed ijs non vtor apud simplices & candidas istas mentes. De colligendis & digerendis poëtarum nostrorum versibus, ego verò tibi iterum auctor. Famam tuam cum alienâ auctum ibis (quanti enim est, putas, illa recti iudicij gloria? apud me, super ingenij aut doctrinæ.) decus item Germaniæ & nostræ Galliæ. quarum interest, non omnia ingenia intra Alpes clausa videri. Non exemplum nuperum illius vidisti, qui Italos poëtas digessit? sed vellem eius, imò ipsoꝝ causâ, magis cum dilectu. Inter nostros Lotichium amo: Ianum Pannonium æstimo: Scalligerum patrem admiror. qui si felix illud ingenium & inuentionum inuidendum acumen curâ temperasset & limâ, coronari contra omnes poëtas posset ab illo ipso æuo prisco. Hac, nisi fallor, deficitur: nec in edendis quidem eius adhibitum, quod debuit, discrimen. Eò suaferim, illius & aliorum optima quæque ab optimo iudice selegi: & tu is eris. Reliqua in sermonem reijcio, qui inter nos proximo mense. Ita enim scribo, ita impero. Venies inquam ad hunc Iunium: & iam nunc aures claudio ad omnem excusationem. Extra iocum, Lernuti, in hac breui fugaciq̃ue vitâ fruamur hunc fructum. Ferrum nostrum in igni est. Vale.

xv. Kal. Iun. ∞. Io. LXXXI.

EPISTOLA X.

P. VILLERIO.

SOLATIO mihi antea amicorum litteræ, nunc remedio: nec vlla medicina magis leuat hunc languorem, quàm alloquia hæc à vobis. A te inter primos: qui me seriò amas, quem seriò ego amo. Vultum tuum videre nuper cùm Hagæ esses, optabam. Fecellisti. contentus manu sum, quia scio quæ negotia te circumstant & implicant, atque abripiant sæpè inuitum. Ego hoc vno felix, quòd meus. Sed nimirum, vt qui semel nauim & mare ingressi, in arbitrio ventorum sunt, nec redeunt ad terram, cùm volunt: sic vos, qui in remp. Tenet illa inuitos; & cùm terram maximè spectatis, retrahit aliquis æstus. Atq; vtinam tui similes teneat semper! Remiges & sentinatores plerique sunt, qui nunc ad clauum.

clauum. Hinc iactatio, & ad extremum, naufragia: nisi ab alto dirigit ille Deus. Inuitatio tua in Zelâdiam, grata: & puto, parebo. non illi alteri consilio, de Galliâ. Nec vera nego quæ de opportunitate, salubritate, & suauitate locorum hominum quæ narras: sed peregrinandi mihi nunc vna causa, Valetudo. Eam meliorem posse fieri per acidas illas aquas medici suadent, & (vt in spem nostram proni sumus) persuadent. Tentasse quid nocuerit: eo certè animo, vt nihilo abiectior illinc redeam, quàm eam, etiam si omnia sint contrà. Vitam hanc magnificare Christiani non puto, quem manet vita illa melior: sed nec abijcere, & remedia spernere, quæ data huic fini. Gallia vestra, si deo ita visum, sanū me videat; & exosculer magnas illas animas, quas ignotas amo: imò etiam, queis ignotus amor. Nam si vsquā in Europâ, amicos mihi in eâ gente esse, hoc scio. Busbequius meus iamdiu inuitauit, differo. In grandi illâ Epistolâ tuâ, de stilo & imitatione quod monuisti, verum est. Quàm multi in iuuentute nos æmulatur! & rideo: quia aut à me procul illi, aut procul certè ego à recto. Nihil magis breuitate amo, sed si simplex: nihil magis breuitate odi, sed si adfectata. Quid etiam, si fucata? nam verba emendicāt, & abstrusiores aliquot phrasæ: ad quæ, non dicam risum nō teneo, vix iram. Comprimam publico aliquo scripto, & de Imitatione totâ. quid mihi videatur, monebo. Nam ego vt mutem, seruum est. arbuscula hæc, siue recta, siue aliter, creuit & induruit in hanc formam. Ciceronem amo. olim etiam imitatus sum: alius mihi sensus nunc viro. Asiæ dapes non ad meum gustum, Atticæ magis. De Lemouicensi: an frustra monueris, vide. Misi enim exemplar ad filium tuum, nō ad te: quia parum dignum te argumentum. Sed tamen cū ad filium, nōne & ad te? qui imago vera tui, imò tuipse. Sanitas tantū ei adsit. quam Deus ille dabit, si salutare: & in eadem te Vir amicissime seruabit. Lugd. Bataur. Kalend. April. ∞. IO. LXXXVI.

EPISTOLA XI.

HIER. GROSLATIO LISLAEO.

TANTVM non in procinctu iam eram iturus Vltraiectum, & inde in Germaniam; cū me litteræ tuæ inuenerūt. Dicam

cam gratas eas? non gratior Gratiarum ipsa diua: per se, & nonnihil à clausulâ illâ, quæ de Mercero. Illène illîc? hîc mallem: & iam nunc vos inuitem, nisi abeam. In reditu fiet, si viri estis; & tam vicini videbitis & libabitis saltem oram Bataviæ nostræ. Mihi valetudinis vnus causâ susceptum hoc iter. imus enim ad acidos, qui iuxta Confluentiam, fontes. Valebo per eos fortasse, aut valere iubebo hæc omnia humana. Ad alta illa ibo, nec ibi quoque me amor vestrûm deseret, qui altè in pectore isto hæret.

^m - dij verò
sunt mihi
testes.

* — Deo δ' ὁρῶν ἄρτιον ἔστω.

Lugd. Batavorum. vi. Kal. Maias. ∞. IO. LXXXVI.

EPISTOLA XII.

ELBERTO LEONINO *Geldriæ Cancellario.*

PECCARE mihi viderer, si expertem te habeam consilij, quod firmandæ valetudini meæ cepi. Iter in Germaniam institui ad acidos fontes: in quo iam sum, sed sorte non nimis faustâ. Discrimen quidem adhuc nullum, sed in hocopidulo, circumcludor à turmis equitum, quæ in Belgium parantur. Ita differtur mihi via, imò pænè aufertur: quia perit opportunissima pars anni, & hyemi sustinendæ haud planè firmum hoc corpus. Ambigo an pergam, an sub tectum me dem, & resistam in aliquâ maritimâ vrbe. ad vos quidem bonâ fide redibo, nisi impediat me, vt vos Iurisconsulti loquimini, vis maior. Ego vir amplissime, amorem & officium omne tibi offero, ab animo non ficto: & iure debeo, quia te comperi mei amantem. Vale. Oldenburgi, Non. Octob. ∞. IO. LXXXVI.

EPISTOLA XIII.

Francofurtum.

EVERARDO POLLIONI.

QUID ais? siluisse me? erras. Nullas ego à te vidi, ad quas non sedulò responderim: & habui te, mi Euerarde, semper inter primas curas. In languore tuo doleo: & miror quid illud mali morbi, quod vires tam valdè afflixit. Sed ætas tua est, quæ facilè resurget: & si quid spirituum aut sanguinis perierit, reponet. Tu modò te cura, sed sine curâ: & quidquid Deus ille noster dabit,

dabit, excipe libenti, imò & hilarâ fronte. Viuere te vult? velis. Mori? non nolis. finis & initium nostrum ab illo sunt: felices, si in illo. *Συνοδεῖα* quædam fumus à magno illo figulo: quid querimur, si fingit nos & refingit? Hæc tibi, & per te mihi dico: qui & ipse valdè inter imbecilles. Febris quidem nupera vix vitam mihi reliquit: & eam ipsam, præter spem omnem medicorum. Basilæam meam placuisse tibi, gaudeo: urbem eo nomine planè dignam. In Gallijs nondum *γαλῖναι*: & sanè doleo Wiltzium nostrum inuolui, nonnullâ suâ culpâ. Vt quid enim desidet & cunctatur, præter nostram & parentis mentem? Nam de abscessu in Germaniam, suasi pridem. At quod ad te nunc, mi Euerarde: ego de reditu seriò tibi auctor: siue quia pater ita poscit (scis quid illi debeas) siue quia tua valetudo. Amicus hîc & familiaris aër, facilè tibi dederit nouas vires. Et quid ibi hæreas? inter bonos & doctos, scio: sed sine magno tuo vsu. Meta itineris quæ tibi fuit, eam iam attigisti: nec tu mihi Vlysses aliquis esto aut Philocteres. Terrent te hæc ambigua? quî magis, quàm nos? Sanè infirmus hic patriæ status, fateor, & qui sine manu Dei palàm ruit: sed valdè erras, si his pereuntibus, speras illîc firmitatem. Europæ libertas corrui, si semel hoc vallum. Ego hoc non suadeo solùm, sed hortor: & fac, vt in viciniore te aliquando conquiescamus. * *Ατρεπον* esse me scis: tu, ** Sine liberis.* & qui alij probi è disciplinâ nostrâ, mihi * *τέκνα*. De genere vitæ ** Liberi.* quod capias; hoc vnum dico, vt nullum. Late nunc & quiesce, donec desæuiat ciuilis hæc tempestas. Plura coràm. nam me spero in primis videbis. Prid. Kalend. Mart.

EPISTOLA XIV.

FRANCISCO IUNIO S. D.

Non tantum in te peruenisti, sed significacione factum auctoris. Quia paulatim humanior, et non acrior & quiniore, qui non acrior. *Αντι* enim affectu te per te tangit, sunt delectationes, cum epistola transmissa scripta, non inuenire adinuenit, quod meriti in hunc eam. *Μαν* enim inuenire inuenit, inuenit est. parum illud de gaudio vale, *Εν* enim: sed *Μαν* & *Νε* inuenit, quibus paulatim acriter indicabile fecit. Sanè in implicatissimo scripto valde solutissimeque operatur. *Αν* enim: & *Μαν* enim: inuenit, inuenit.

~~non solum caligantibus. Nunc plurimum in alioquin hunc~~
~~debet, ut illa illa in corpore non possit, & in~~
~~non, non.~~ Iam de affectu tuo in Georgium nostrum quàm mi-
hi suaue! Viuit enim in animo meo ille adolescens, magni inge-
nij, magni acuminis, & qui ad summa omnia venisset, nisi Deus
ad verè summa illum euexisset. Felix, qui ereptus tot instantibus
malis, & tot futuris. Nam fauillæ huius nostri incēdij spargi mihi
videntur, & iam ad vos ire, comprehensuræ (utinam fallar!) Ger-
maniam rotam acri igne. Sed publica omitto. De ijs quæ Episto-
lis ad Atticum obseruitalle te scribis, & offers mittere: valdè ve-
lim. Nunc tamen in alijs curis sum, ut videbis. Nam, cum absol-
uero, mittam. In tuis ad Curopalatem de Aspro Turcarum lēgi:
addas opportunè notulā è priscis Glossis, *Δωδεκον λοκον, Asprum.*
& iterum: *Ασπότης, candor.* Vberius aliās. nunc salue, vir magne: &
tui amantem ama. Lugduni Batauorum.

EPISTOLA XV.

Leodium.

DOMINICO LAMPSONIO.

SPERABAM & aspirabam ad vos, mi Lampsoni: sed, heu, spe-
rabam. Consilia illa omnia euerit is, qui melius nobis, no-
bis it consultum. Redij, & acquiesco: nisi quòd lepidissima tua
epistola saliuam mihi sæpius mouet, & * *παραγίξω* iterum ad vos
facit, Amoris & Venerum ita plenos. O sermones neētarei, quos
promittis! ô fabulæ! ô epulæ! ô Iunonem tuam mihi non timen-
dam, quam placem nō verbulo vno, sed ocello! Nullo Ioue opus
ad iram eius leniendam in hunc Æneam: qui paratus est satisfac-
cere, & altera tanta scribere aut dicere in viros. Viles mihi, & do-
mi nascuntur tales sermones. Dic illi, saluta, dissuauia. Quid ais?
* *ἀσπις* familiariter? non excuso, talis apud te volo esse. Nolter * *ἀ-*
* *δίστιμος* estne Antuerpiæ? vbi cumque, ille meus. Imaginem no-
stram mittam breui. quam sculpi iussimus à Golzio, qui te amat
& multum sapere in isto quoque genere ait nō falsò. Amici qui-
dam in Germaniam, & ultra, me vocant: ego delibero, & caueo
nequid temerè: * *ζώει δὲ μάστον ὄλεος ὀπιζόμενον.* Quid nī circum-
spiciam? vbi que sunt quæ arceant, quæ alliciant: nec ad gustum
humana omnia, quamdiu erimus in humanis. Contentus ergò
ego

* *Alas*
querere.

* *Venerabi-*
lis, siue
Reuerens.

* *Durat*
magis feli-
citas circū-
spiciendum.

ego meo Catone. Tamen Austelli nonnulli nos hîc turbant : sed adhuc occultè. si pergunt, & magis se aperiunt, mihi quoque ad alia consilia viam. Politica dogmata pango, selecta ex antiquis. Minus gloriæ ea scriptio habebit, scio: sed & minus inuidiæ, & fidei plusculum apud eos, quibus homines magni (vt poëta ait) *Propter mille annos. Valetudo vacillat. sustentamus eam quantum potest, remissionibus, peregrinatiunculis, & præsertim hortuli delicijs : in quo leges ecce meas vide. nam inferui, vt rideas. Vale.*
 XIII. Kal. Iul. ∞. IO. LXXXVII.

L I P S I A N I H O R T I

L E X

IN IPSO ADITV, SVB PERSONA
 B I F R O N T I S I A N I.

* B. F.

* Bonum
 factum.

Quisquis es, STA, LEGE, PARE.
 IANVS ad hoc limen sic EDICO.

K. I. **H**ORTO & HERO *fruendi tibi ius esto:*
Sed illo ad ASPECTVM, isto ad SERMONEM.
Nisi OCVLIS, quidquid heic satum aut natum, ne LIBATO.
TIRO esto, MANVM apud te habeto.
Si effers ad TACTVM aut ad RAPTVM:
Verbo dicam, te EFFERTO.

K. II. *Sed nec HERO vsquequaque FRVITOR.*
Ante SEXTAM vespertinam ne ADITO:
Post SEPTIMAM ne MANETO.
Horæ aliæ, ad alias illi curas.
Heic cogitat, heic pangit:
STILVS heic est, Abi MVSCA.
Quid si & CAENA? Abi MVSCA.

K. III. SERMONES *etiam ne exlèges.*

IOCARI *licet:*

NARRARE *licet:*

ROGARE *licet:*

Sed nihil SERIVM.

GRATIARVM *hic locus est.*

K. IV. *Siquid* AMOENIVS *tamen in* STVDIIIS,

Inter AMBVLANDVM

Differe, doce, disce.

Et MVSARVM *hic locus est.*

K. V. *Tu qui* SERIOSVS,

Tu qui RIXOSVS,

EXESTE.

CLVSIVS *ego sum vobis.*

K. VI. CANIS, *præter vnâ,* EMANETO.

HECVBA, *præter vnâ,* EMANETO.

Habes? hoc etiam.

QVOQVÒ TE AGIS, TE VIDEO.

EPISTOLA XVI.

Hagam.

THEODORO LEEWIO.

ERGO tamdiu te expectamus frustra? non hoc pollicitum, cum nuperrimè istic essemus. Præsta age fidem, imò & amorem: & veni non quia promissisti solum, sed quia cupis. Certè debes. quid iucundius quàm cum amicis versari, diu non visis, aut vix visis? Nam aspicere & non alloqui, nec videre quidem est: si non fallit ille Sapiens, *Loquere vt te videam*. Verborum satis habes, si vir bonus es qui soles: sin degenerasti, nec preces quidem te adducent. Quibus abstineo, quia amicis summum precandi genus est, Velle. Ego te die Dominicâ expecto vespere in cænâ, cum Dousâ & Hauteno. Hæc, vt iuris prisci verbis vtar, summa dies esto. Vale & ambula, aut vehere potiùs, postrid. Kal. nouas. ∞. IO. LXXXVII.

EPI.

EPISTOLA XVII.

Biturigas.

IACOBO CUIACIO IC.

DI V filui, sed inuitus. Bella hoc faciunt, quæ viam nobis omnem intercludunt, penè & vitâ. Ego Germaniam meditabar nuper, & tentavi, sed non volente Euentu. Nunc huic epistolæ spem fecit ad transitum Hier. Grosslorius, egregius adulescens, & quod inter laudes eius pono, tui amans: ideo amatus est mihi. Utinam ipsi mihi os illud intueri coràm aliquando fas: quod vnum miror hodie (~~Scaligerum videri adiuuare~~) in Europâ. Vidi nuper Iuonis in misellum Titium. Perijt infelicissimus hominum, ~~hæc vna interfectus~~, ~~quæ~~ ab illâ manu: tu ane an Scaligeri, an vtriusque? Nam præter ~~me~~ fallor, aut nemo sic scribat. Excitastis sanè quosdam, imò nō excitastis: quia, certum habeo, immorientur ambitioso illi veterno. *Admonere possum*, aiebat ille olim ad Galbam, *corrigere non possum*: hoc hîc valet. Elogium tuū quo me consecrasti, legi. & ab amore amplector, à iudicio & admiratione (nam & eâ voce vteris) quâ ausim? Debeo tibi, Cuiaci, debeo: & falsa in me dictio, *Beneficia tam diu grata esse, donec videantur posse exsolui*. Ego non possum, & quia non possum, vt infani illi amantes, hoc magis volo. Thuanum amo. vbi is est? Scaligerum depereo. quid agit? quid non agit? vtrūvis enim potest & debet: illud ex voto nostro, hoc pro æuo. Politica nescio quæ ego molior, non à me, sed à priscis. illorum gnomas filo quodam verborum meorumnecto, &, irriso olim verbo, ferrumino. Vellem quædam de Iunonis filio, qui apud nos: sed differo, ne differar. Ventura enim hæc ad te quis sponder? Vale vir maxime. Lugduni Bataurorum postrid. id. Mart. ∞. IO. LXXXVII.

EPISTOLA XIX.

IANO LERNVTIO.

IMBVISTI meliquore litterarum tuarum suauiter aridum & iamdiu earum sitientem. Reuixi. Te tuosque viuere & valere gaudeo: ego quoque vtrumque. etsi istud mediocriter. Animus me sustentat, & concepta opinio non fore perpes discidium
hoc

hoc nostrum. Nónne ab Albione spem faciunt albæ deæ? hîc narrant. Politica etiam nunc metenant, nescio an cœptum opus bonâ aui, certè lentâ. Pennas suas non habet. quin vellico & carpo eas vndique ex alieno scriptorum corpore: eoq̃ue res tardior. Quale futurum opus sit, nec ipse adhuc scio: & tamen auguror, melius quàm laudatius: id est, maioris rei, quàm famę. sed vos iudicabitis. In Senecam poëtam haud pauca notaui: quem legi his diebus, & nimis me cepit. vtique Medea & Thebais: quas supra omnes alias esse, nec eiusdem vatis, mihi certum. Tu quid censes? quid iuuas? nam aut ipsum dare molior, aut ad eum Notas. Idem de Liuiio. in quo nimia nobis bona. Senecam propriè meum, id est Philosophum, præripuit mihi is, cui ego olim Tacitum, vt aiebat. Quamquam non tam ille me absterret, quàm hic Lute-
tianus Faber, qui politè post illũ dedit, & ne quid spei relinquat, pollicetur etiam Prætermissa. De rebus Amici apud Amicum securus esto: excipio Fatum aut Vim. Victoriolo nostro iámne melius? spero. causâ duplici: quia & sedes ei pinguior, & in Autumno iam messis. Reuirescite, me amate, planè planè tuum, & tuum. Propriid. Kal. Septemb. ∞. IO. LXXXVII.

EPISTOLA XIX.

ÆMILIO ROSENDALIO.

VIX legi tuas, & respondi. Quid ais, aut quid censes? illu-
sisse me? Non is sum, nec qui amo verba, vt ille ait, blandicella. Strictim laudaui te, sed ex animi mei sensu: nec hîc vela te aut excusa. Dijs gratia, ego is sum & eò veni, vt saltem iudicare possim de meliore & elegantiore ingenij venâ. Nec tamè feci aut facio, vt te attollam: quin contrà, promouisse te cense, non peruenisse. Modestia est, mi Rosendali, & pudor iste ipse quem in te amo, quæ sistere te debent in candidâ illâ Virtutis & Sapientiæ calce. Si ista deserunt, non velis vllis peruenies aut ventis. Pestem hanc video in pleraque iuuentute nostrâ hodie, quæ simul sapere cœpit, iam sapit: & vix limen libauit arcanæ huius domus, putat penetrasse. Tu caue, quod facis: & sponforem me cape felicissimæ tuæ viæ, quem antea in parte ductorem. Serix quidem beniuolentiæ meæ hoc symbolum habe. quòd tardè ad plerasque litteras & vix re-
spondeo:

spondeo: libenter & auidè ad vestrùm talium, qui à nobis semel inducti in Viam hanc rectam, calcatis eam constanter pede recto. Pergite, crescite, viuite, in vestrum & patriæ bonum. Fratri vota eadem reddo, quæ mihi. Leidæ, in hortulo meo, quem cùm voles, vide; propriid. Kal. Iul. ∞. ID. LXXXVII.

EPISTOLA XX.

HADRIANO SARAVIAE.

CERTE mihi iucundum fuit litteras tuas, & in ijs te, regu-
stare ex interuallo. Tamdiu cur siluisti? Scire debes me tui
& fuisse, & esse, ex quo semel te noui, peramantem. Collegæ fui-
mus, iuncti sermonibus sæpè & consilijs: & vt illa nunc non sint
(Deo visum aliter) manebimus tamen iuncti animo, optimâ illâ
parte nostri. Dissident quidam à te, qui mihi assident? nihil ad
rem. Amare, & iudicare, ego possum: nec probo sanè omnia, quæ
fero. Naturâ mitis & lenis sum, vt nosti: nec facilè me oppono,
præsertim sine spe vllâ profectus. Me & mea, quantum possum,
compono & curo: publica fateor me numquam tangere, nisi in-
uitum. Perpetuum hoc mihi iudicium est, nec facilè vlla Suada
aut Sophia eripient mihi hunc errorē. Stoïcos illos, quos sæpè mi-
ror, scio hac in parte esse alios: qui in rem eunt, & vt poëta ait, ci-
uilibus vndis se mersant, sed mihi ingenium meum dictat aliud,
& inprimis valetudo: quorum neutrum suadet mihi trahere hoc
iugum. Itaque priuatim amicus esse didici, & fidus amicus: iuua-
re patriam aut rempublicam, animo & voto possum, vix consilio
aut facto. Quòd me in ea loca inuitas: vellem, sed valetudo nunc
quidem arcet. Videbo quid hæc æstas feret: animus quidem iam-
diu auet videre pulcherrimam & maximam insularum. Vale.
x. Kal. April. ∞. ID. LXXXVIII.

EPISTOLA XXI.

IOSEPHO SCALIGERO.

ADOLESCENS hic cùm ad te iret, mi Scaliger, nefas puta-
ui vt sine meis litteris. Vtinam ego cum illo! sed * ἀνευχολίαν * irritum.
hoc votum: ita Gallia vestra, & nostra item, turbat. Quis pru-
dens

dens pedem nunc domo? & tamen ardet mihi animus amplecti te ante fatalem illum diem. Si vlla quietis aura adspirat; certus esto; nos ad te rectà. Iamdiu ne publicè quidem nos alloqueris: quid tibi factum? Per deum noscete te, & sperne hoc æuum ~~hunc æuum~~. ~~Periculis aut altioribus?~~ ~~qui?~~ ~~nampe qd pda non~~ ~~digni figere pre te in parietem.~~ ~~Et nos attente, videremus, & qui-~~ ~~que ne famus?~~ ~~re de videretur.~~ ~~faciam hoc æuam, ita ammet~~ ~~ipso illi.~~ ~~Ecce.~~ Ad Senecam Tragicum aliquid meditatus sum. habes. nisi ferre grauabitur hic ipse, qui olim ait fuisse tuus: & vt nunc per me sit, rogo. Vale. Lugduni Bataurorum, XI. Kalend. Maij. 60. IO. LXXXIIX.

* è migliore
luto.

EPISTOLA XXII.

P. REGEMORTERO S. D.

* prius-
posteriorius.

* cursim.

* sui inter-
fectio.
* indefini-
tè.

EPISTOLAE ego tuæ * πρὸς δὲ σέ γε respondebo, & quæstion-
culam libabo quam proponis, sed breuiter & cum Home-
ro * ὁμῶς ὁράδω. Quid enim hîc vela pandam? hoc ipsum timidè,
quòd pedem omnino pono in hâc cymbam. Quæris, an sapienti
fas aut ius consciscere sibi mortem? Olim id disputatum: nunc
decisum. & scis quid hac in re statuant religionis nostræ leges,
quas improbè solicitemus. Tamē vis aliquid pro veterum men-
te? distinctè & breuiter. Stoïcis adhæream; quibus * αὐτοχρεια pla-
cuit, sed nō * ἀόριστος aut semper. Cùm necessitas suprema ingruit,
puta à tyranno aut aliâ vi violentâ, nec mori tibi fas decorè aut
honestè: putant arbitrij nostri esse vitam nostram. Pauculos dies
aut horas quidni præueniam, non metu aut ignauia, sed honesto
illo fine? non, inquam, vt euadam, sed vt aliâ viâ vadam. Quid si
morbus etiâ vrgeat difficilis, pertinax, & sine spe medicorum? vi-
deatur haud improbū, non diu iactari in hoc mari, & trāsire com-
pendio ad portum. Idem in acerbitate temporum, & cùm omnia
miseriarum plena, sine spe alleuationis. Atqui durare melius est,
inquiunt alij: & hoc viri fortis. Non negamus, vbicumque breue
aliquod malū est, & quod habere possit medicinam: vbi aliter, ô
ignauiam mori toties, & nō mori! *Rebus secundis seruare nos poë-
ta iubet: sed non per aduersa aduersis. Vt in domo conducticiâ
si habitem, nihil peccem si paullūm exeam ante diem pensio-*
nis:

nis : ita hîc videtur . sed videtur : & nihil definitio (absit , absit)
 præter definita pijs sapientibusque viris . In Thraseâ nostro lo-
 cum hunc magnificè tractauimus , & vt viro illo dignum . quem
 tamen premimus , quia nimis nos premant iudicia aut voces ca-
 lumniosi æui . An iam nunc non pecco , quòd hæc **ἀποφωλία βάλω?* **vana pro-*
 sed apud te vnum , & ex lege dictâ . Scribis amplius de Galliæ re-
 bus : quæ hercules incertæ , & nescio an id quoque regnum vene-
 rit ad fatalem metam . Nos quieti per illas turbas : nec præter vo-
 tum etiam mors illius Albionij , quem putant parùm in nos fuisse
 æquum . Adolescens , quem mihi commendas , ita erit : & ex
 vultu ac moribus iudico mereri . Vale . Lugduni Bataurorum ,
 IX. Kalend. Febr.

EPISTOLA XXIII.

DOMINICO BAUDIO.

DOLOREM tuum quòd apud me effundis , gratum : certè
 apud amicum , & de amico . Collegæ illi meo nō ego volo ,
 & semper volui ? ex animo . nec moror quid maligni suspicentur
 aut effutiant pro suo more . Deus , ego , res mihi testes : & tempus
 quædam aperiet , quæ nunc latent . Eò dico , quia hæc res ita gesta
 est , vt me celata omnia sint , & nunc adeò celentur ab ijs , qui ni-
 hil aliarum rerum me celarunt . Non credunt ? esto . hilum non
 ego deterior , sed nec tristior : qui sto apud iudicem , cui nemo
 mentitur . Curuæ illæ mentes sunt , quæ de me tam curua . At tu
 Baudi esto quod semper : id est , bonus & volēs , & æquus in eum ,
 qui talis in bonos . Sed de fermunculis parùm est , quos nemo par
 mihi vitauit , nemo maior : res magis ipsa me angit , cui uti-
 nam à me medicina . Nec de causâ inquirō , quam tu tangis :
 vulnus ipsum quî coibit tam grande , tam patens ? Auctoritas al-
 terius partis agitur , alterius honor : & scis alioqui quàm lenti ce-
 dere isti nostri . Heu multa in hoc æuo quæ publicè , quæ priua-
 tim molesta ! illud in primis , quòd rebus miscentur , suspicione
 aut voluntate vulgi , illi ipsi qui extra res omnes se proijciunt ani-
 mi quodam decreto . Talis ego , nec mentior . sed rarum ta-
 men aliquid in hac vrbe , non solum Scholâ , cui Lipsij nomen
 non insertum , verò siue falsò . Doufam nostrum ama , excusa , &

inter plures scito esse vnum: aut certè ne damna (quod in hac missione maximè damnatur) inauditâ causâ. Ego eum à diebus aliquot non vidi: & me subtraho, & manum cum Milone haud temerè infero inter hiantes has rimas, quæ (Deus ita faciat) coibunt. nisi, quòd ea quæ munus Recturæ & officium amici mihi imponunt, non deferro, non deferam, nec cum offensâ. Salue mi Baudi. III. Non. Maij. ∞. IO. LXXXVII.

EPISTOLA XXIV.

Viennam.

CAROLO CLVSIO.

— * Fato
seruatus
ab ipso.

SCRIBERE me ad te, mi Clusi, mirum est: & non ego, non alius quispiam id censuisset, ante mensem. Ipso enim natali meo XIV. Kal. Nouemb. acris & feruida febris me inuasit; quæ corpus per se haud validum ita duos menses penè afflixit, vt omnium iudicio iam in ipso Fati limine starè. Viuo tamen, clementis dei beneficio palàm. — * *Σάλατον ἢ κῆρας ἀλύζας*. Meas accepisse te gaudeo, & quæ in Senecam adiunxi. Ea nata mihi subito, nec otium habuisse aut animum plura exēplaria conferendi, tute faci' è vides. Gratum mihi quòd Excerpta tui codicis miseris, quæ inspiciam opportunè. Lapidem Ancyranum accepi. & iam antè habebam descriptum à Busbequio: sed tamen gaudeo firmari eius fidem & industriam alterius etiam descriptione. Nam tua hæc, parùm aut nihil mutat ab illius. Vtui ea nobis in volumine Antiquitatum Smetij (vbi crebra tui quoque mētio) quod hîc edimus elegantibus typis, nec sinè publico, vt speramus, bono. Vnde vos illud nacti? inquires. Dicam quòd rideas, Prædones à prædonibus. Milites, inquam, nostri in tumultu hoc Belgico res Marci Laurini diripuerunt, inter eas, hunc Thesaurum. Centurio qui habuit, in Angliam venalem detulit: emerunt illic Academiæ nostræ (cùm casu pro legatis aessent) Curatores. Ego auctor diuulgādi, & adiutor. Auctuarium enim addidi Inscriptionum aliquot, quas Smetius aut non vidit, aut omisit. Vtinam tu propior nobis fuisses! nec enim dubito, quin iuuare largiter potuisses, & bonam symbolam conferre ex ære, quod peregrè collegisti. At nunc serū: nam liber lucem iam spectat. Quòd desides, me cruciat: & vtinam agere ac peragere tibi fas vtilissimè cœpta!

Dacia

Dacia non miror si tetrahit. me quoque, si deus meus pateretur, in primis delectaret ea loca lustrare, quæ trita scio vestigijs Romanis. Quot illuc lapides & monumenta prisca! Lazijs me docuit, qui multa adfert, nec adfert: ita exscripsit parùm fidè aut curiosè. Nos etiam nunc in spe de Irene. Illa quæ Albioni præsidet, legatos missura, imò iam misisse dicitur ad Principem scuti equestris. Tu quid ais? diffidis. Ego illud cogito, *Optare liceat, si potiri non licet*. Illi viro Vincentio Pinello cum scribes, quæso te, salutem ei à me dicito, ignoto de facie, non de famâ. Amo virum, magnum meritò apud omnes magnos. Idem te rogo de Hier. Mercuriali, quem Felicitas mihi dedit vt coràm etiam Romæ nòssim. Vale. Postrid. Id. Ianuar. ∞. IO. LXXXVIII.

EPISTOLA XXV.

IOANNI ARCERIO.

LITTERAE tuæ honestissimi amoris indices, mi Arceri, an gratae mihi fuerint ne quære. Gratissimæ. & mijs. ἀφελόμε illa tua & eundor, quem haud minùs quàm doctrinam amo. Pauci hodie tales: & pleræque, quod doleo, *σκολια* aut curuæ men- * *obliqua*. tes. De morbo meo, & eius gravitate, nihil vanum audisti. Benissimè factum (cum Plauto meo loquor) vt irem ad beatos: Sed tamèn vivo, imò & tui benignitate meliusculè etiam habeo, quàm ante morbuim. Quòd autem rogas vt te quoque in cohortem meam ad scribam amicorum, frustra rogas: quia reuerà iam adscripsi. Notitia mihi antiquæ tecum dudum fuit, & nuper instituta etiam amicitia, id què in sacrâ mensâ: nec violabo, quamdiu me violenta illa dea non violabit. Spondeo: & arram velut pacti huius mitto syntagma nostrum ad Senecam, haud magnæ rei aut molis, in quo tamen (nisi mea me fallunt) non vulgaræ aliquot Notæ. Vale mi Arceri, & vxorem tuam à me meaque saluta. Leidæ. Kalend. ipsis Ianuarij: quas salutare tibi precor & faustas. ∞. IO. LXXXVIII.

illis, qui abhorrent. Vt palati inclinationes quædam sunt, quas haud mutes: sic iudicij. nec in probando minùs differimus, quàm in agendo. Vt hæream in hac stili lineâ: age, quis inter veteres, & inter nouos, eâdem ratione scripsit, aut scribit? Similes fortasse aliquos reperies, & id egrè: nullos pares. Natura in corporibus raro hoc commenta est, vt vel ab eâdem parente factus assimilent: vis tu à diuersissimis ingenijs stilum? Quòd si ille variat: necessum est & iudicia. quia quisque optima assequi, aut certè sequi se, cenfet. A fonte ingenij internò, Myli, ista sunt: & diffusa oratio, stricta; lata, seuera; quemq. delectat aut indelectat, vt quisque est talis. Hinc nationes olim totæ diffederunt de optimo genere dicendi: & nostri oratores Atticos, Asiaticos, Rhodios: quid miraris homines singulos? quid hoc æuo? cum imperitissimus quisq; audacissimus, & iudicij hunc calculū sibi sumit quilibet è litterariâ plebe. De eloquentiâ iudicant, qui nō dicam cuius coloris illa sit nesciunt, sed vix Latina lingua. Itaque Myli non tu, non ego, his sermonibus moueamur: & de Apellæis istis lineis Protogenes aliquis iudicet, non qui auersi ab hac arte aut Musâ. At Critica nostra non effugiunt etiam * *ἡρίων*. Gaudeo, & ideò scripsi. Præter * *ἡρίων* naturam cuiquam hoc videatur, at non meam: qui tam libenter iudicor, quàm iudico ipse. Cur in tam libero scribendi genere non liber cuique sensus, dissensus, imò & lingua sit? Liuior modò absit & malignitas, quam odisse me, cum Homero, fateor.

* — *ὁμῶς αἰδῶο πύλῃσι.*

Sed in eo suaues, quòd. Orationes me negant scribere. Vellem dixissent, edere: agnoscerem, & causam darem cur laudem nō queram in hac arenâ. De descriptione quis abnuet, qui vel puerum me nouit? lactantiam omittamus, sed audi simpliciter. hæc palæstra mea vetus est, hoc studiū quo vsus me duxit & natura. Vix duodecennis orationes scripsi, habui: pueriles scilicet: sed quas grauior etiam ætas laudaret in illâ ætate. Nec destiti postea: & credo me specimen etiam dedisse in Batauo hoc solo. Improbulum aliquid addam. si stadium istud eloquentiæ aperuisset mihi mos mei æui, decurrere id ausus essem cum nonnemine prisce æui. Nec verbum vltra addo. erubui. Tu vale. Lugd. nostræ, Kal. Iunijs.

* *aque æque Orei portas.*

EPISTOLA XXVIII. *Coloniâ Vbiorum.*

CHRISTOPHORO PLANTINO S. P.

IN curâ de te fuimus, mi Plantine, ob tempestatem, quâ, præter anni tempus, sub discessum tuum exorta. Venti quidē prosperi, sed violenti, grandes: deus faxit, vt breui audiamus fuisse, sine tuâ noxâ. Imbecillitas etiam corpusculi tui nos torquebat, timentes vt parûm esses ferendę agitationi inter vndas. Solatur me vnice tuus animus, magnus ille semper, & se maior, vbi discrimen. Apud te, vt volumus: apud me, vt possumus. Nam morbus meus non deserit etiam hanc materiam, & ignis ille interior in eâ lentè ardet. Sustentamus tamen, & corpore atque animo repugnamus. Typographia bono loco. operę modestæ. nos Tranquillum daturi videmur cis paucos dies. Nam de Thraseâ (etsi bona pars iam parata) tardamus, offensusiuncularum quarundam metu: etsi non negamus multa ijs inesse, quæ non ad famam meam magis, quàm ad publicum bonum. Videbimus porrò, & statuemus. Franciscus tuo-meus redijt ante biduû, mihi quidem valdè gratus. Litteræ quas ad me teque adfert, testimonium de ingenio & moribus habent valdè honestum. Qui hæc dedit, seruet quæso augeatque. Sed eo quid fieri vis? hîc habes, an euocas ad te? Si hîc: dabimus operam ne otio abutatur, & vt id locet in studijs benè cœptis. Si illuc traducis: (nec id fortasse, vt tēpora sunt, abs re) tua hæc cura, vt collocetur apud eos, qui iuuentutem bene & peritè formant. Scis quid in sermone suaserim. Plura hîc non in nouata à tuo discessu, qui nunc me sanè mordet. Ludouico Persio amico nostro, & M. Varroni, item Ximenio, Metello Sequano à me officiosam salutem nunciato. De rebus tuis & cōsilijs expecto auidè. Vale ego alter. Lugduni Bat. iv. Kal. Septemb.

EPISTOLA XXIX.

Lutetiam.

THEODORO MARCILIO.

CLARVM insigne beniuolentiæ in me edis, Marcili, litteris vltro & tam amanter ad me scriptis. Quæ ita gratæ mihi sunt, vt velim omnia quæ publicè scribo. Nā quod tu me ames, astitimes,

æstimes, qui non amem? Ingenij tui fatus vidi, noui eos qui te norunt: in illis omnia erudita, bona legi, & ab istis audiui. Hęc de te *ταῦτά μιν, ἀλλὰ μάλα πιστῶς.* — Nam in me, vereor vt tu & tua Gallia parū veri. Ab amore vel ab humanitate effusæ illæ laudes sunt: quorum ille in te nuper natus, hæc à veteri æuo infusa præter omnes gentes huic genti. Error iste est, error: sed amicus, & nescio quo modo sapientissimo cuique etiam gratus. De tuâ meaque patriâ quæ auguraris, vtinam ne tam certa! Iactamur, imò mergimur, nisi quid adiuuat supera illa manus. Arcturus tuus turbat, & rex quispiam etiam ab Arcto: qui clauso freto, minatus nobis nuper miserrimam omnium mortem, Famem. Quid censeas? nisi in totâ Europâ, sed non sine sonitu, inuerti orbem hunc rerum. Id ego video & fero: non solū præceptis ab arcanioribus libris firmatus, sed malorum vsu ipso, qui in animo isto genuit callū. Valetudo nostra anceps, propior tamen bonę, qualē tibi lōgūm, longūm, mi amicissime Marcili, (is mihi deinceps eris) opto. Lug. Bat. iv. Kal. Iun. ∞. IO. LXXXVII.

* pauca
quidem, sed
fida.

EPISTOLA XXX.

PAVLO MELISSO S. D.

Certe profectum tua uoluntate, ut cum Desiderio
lano. que fecit per te & legimus Principi Antistiano. Per
tunc uis quod scribam illud, quod non in solentibus tuis, et deinde
crede, non inuenerunt. Ad carissima illa uelut uis uenerunt, et
comprimis fere dantes. Sed & illud, quod ex antiquis hominibus
etiam est uenerunt. Ut apparet et in prius etiam. Sed in
clara uelut adhibet. Quod dicitur: Quod illud, et in
et illud uis uenerunt, et in illud, et in illud. Quod
de apparet, per fere habet illud. Ut apparet et in
lano, et in illud uenerunt, et in illud, et in illud. Ut
reuerunt: et in illud, et in illud, et in illud. Ut
lano. Ut apparet. Ut apparet et in illud, et in illud, et in illud.
dicitur. Sed de illud, et in illud, et in illud. Ut
gis, et in illud, et in illud, et in illud. Ut
gis, et in illud, et in illud, et in illud. Ut
gis, et in illud, et in illud, et in illud. Ut
gis, et in illud, et in illud, et in illud. Ut

EPISTOLA XXXII.

Basileam.

IANO DUYSTIO.

SI vlla res me delectat, mi Duysti; ea est cùm vos tales video, qui me audistis. Amantes mei, æstimantes: suprâ quàm meritum fortasse est: at non suprâ, quàm vos decet. Tu inter eos insigniter gratus: cuius beniuolentiæ in me, iudicij apud omnes de me, clara in litteris tuis video signa. Perge verò, amare inquam non tam me, quàm ea quæ censes in me, Virtutem & Doctrinam: quæ te clarum aliquando efficient, & mihi certè effecerunt iamdiu carum. Studium tuum cognoscendi & compellendi illustres viros, laudo: & pudorem in omni re ama, non in istâ. Hic fructus inter alios peregrinationis tuæ sit, vidisse illa lumina, quæ cogitatione ipsâ te illustrent, excitent ad sui imitationem. Ruinæ & monumenta veterum heroum nos commouent aspectu: quidni istæ viuæ imagines virtutum? Itaque quòd Italiam etiam ex Germania cogitas, approbo: cum cautione tamen illâ quam olim Lanoyo meo (nam Epistolas meas video te vidisse) prouidè præiui. Non repeto. Hoc tantùm Varronis inclamo, CAVE CAVE CANEM. Multi in animo, nonnulli in corpore ad morsum, æternum dolorem retulerunt è pulcherrimâ illâ terrarum. Tu me capis: audi tantùm, imò ausculta. Patavij si Hier. Mercurialem Clarissimum Medicum, imò æui nostri primarium, si inquam vides: à me saluta, & dic ad suauissimam eius epistolam respondisse. O vtinam anni & vires mihi quæ olim! profectò lustrarem amata mihi loca, & amplecterer viros, quorum nomen me recreat & diffundit. Sed coërceo exsiliensem animum: te rogo, vti in me sis quem ostendis, certus à Lipsio idem tibi fore. Lugd. Batauorum, Kalendis Iuniis. ∞. IO. LXXXVII.

EPISTOLA XXXIII.

DIONYSIO GOTHOFREDO.

BREDERODIVS noster, dum ad vos iter affectat, desiderium & memoriam mihi excitauit tui. Meritò te amo, qui iam

V 2 dudum

* hominum
pestem.

* ipsa pestis.

dudum me : & id ostendisti non vno signo. Scripta tua , quæ in publicum elaborasti , nobis grata , tibi honesta : & in similibus edendis vt perseueres , te hortor. Vides languescere Galliã tuam , & ponere paullatim ardorem illum discendi , docendi , scribendi . Vos pauci è subsidio adeste. Malum illum deum & * ἑρποτο-
λογὸν abisse à vobis , gaudeo : vtinam & * λιμός ! quod , vt hæc tempestas anni est , spero. Nos pessum imus : aut valdè fallor : nec sustentat scirpea illa , quam induximus , ratis. Fraudes , inscitia , calor , quid non corrumpunt ? Fuit apud nos nuper Paulus Stephanus Hen. F. mitis animi adolescens : quod velim patri nuncies , & à me salutes. inprimis autem Casaubonum , eiusdem , vt audio , generum , ~~etiam in primis & ceteris de his valdè fango.~~
~~facit vnam scripturam , quæ est.~~ Cetera à Brederodio nostro audies : quem vt commendem tibi , à se commendatum , non laboro. Tamen vno verbo id facio , sed seriò prorsus. Vale V.C. & me ama. Lugduni Batauor. Idib. Sextil. ∞ . IO. LXXXVII.

EPISTOLA XXXIV. *Antuerpiam.*

FRANCISCO RAPHELENGIO *Filio.*

SI paullò tardiùs , mi Raphelengi , ad litteras tuas respondeo , non miraberis , si me & te videbis. Me , qui ita cottidie interpellor & occupor , vt omne tempus sermonibus aut colloquiis pænè dandum sit , exiguum aliquod meditationi aut stilo supersit : te , qui ipse in hoc largo otio , in flore ingenij , aut spissò ad nos scribis , aut files. Et tamen scito affici nos tuis litteris , & hæ-
rere in istis medullis semel conceptum tui amorem. Postremæ tuæ me recrearunt. in quibus omnia beniuola in nos (de quo numquã dubitavi : nec aliter tibi facere fas est) & de te ipso plena bonæ spei. Vitia vides mollioris illius præsertim & residis animi : quem vtinã , vtinam , semel excites & erigas , mi adolescens , non tam citò relapsurum. Contemni à te humana , gaudeo , quæ me quidem auctore pedibus etiam trahe : sed ita vt contemptus iste ab alto quodam animo sit , non qui ipse se contemnat. Pars illa ætherea in te viuat & vigeat : cetera illi seruiant , sed non vt cum illis ipsa. Hoc modestiam aut sapientiam censēs , iacere : ni-

hil agere? ad nullum vitæ genus collineare? Ignauia est, magnorum etiam sæpè ingeniorum pestis. *Subit enim, vt ille inquit, inertie ipsius quadam dulcedo, & inuisa primò desidia postremò amatur.* Vt lignum occulta teredo consumit: sic animum delimat paulatim & exedit ignauus hic affectus. Homo es, è duplici materie, cælesti & terrenâ: ad duo etiam natus, cælum & terrâ. Illud imprimis, sed nec hæc neglegenda est, quamdiu es in istâ. Id est, famam, opes, amicos, doctrinam, hæc omnia modicè parare debes, quæ magna esse vides apud homines etiam magnos. Ad vanâ & validam ambitionem non te voco: ad media tantum illa: quæ vsum sui varium præbere nata sunt, bonum bonis, malum malis. Per hunc omnium rerum immodicum contemptum, vide ne in contemptum veniat vita ipsa. Tempora me dant in languorem, inquires. quid tempora? tu semel statue quis esse debeas, illuc cogitationes actionesq; dirige: cetera eo loco habe, quo tempestates aut ventos. Munies te contra illa, vt poteris: neminem cõtumaciâ aut loquentiâ irritabis: cetera permittes illi, qui tempora & temporum dominos regit. Rarò allisa naus est, quæ modico velo legit litus. Eminentia feriunt procellæ. Hæc cogita: & illud inprimis, vt attemperes te ad consilia aui tui, siue iussa. Quis illo tui amantior? quis vsu rerum peritior? nec puta prudentiam omnem à litterulis manare, aut nescio quâ hac doctrinâ. Telum ea & adiumentum acre, fateor: sed non sola.

Tua in Senecam mihi proba sunt. quid si aliud tale in alium oratorem, siue poëtam? elige. Quæ conferre cœpisti cum Ortelij nostri libro in altero Senecâ, video non mala esse: cupio vt perseueres, & vt quemque librum absolueris, ad me mittas. Ego his diebus Controuersias contuli, & repperi haud pauca Censoribus non visa nec Romanis nec Gallicanis. Res nostræ fluctuant, & turbat vicinum mare: nos illi (Deo hoc debemus) qui solemus, inconcussi. Vale mi Raphelengi, & si me amas, te ama. Lugduni Batauor. propriid. Kalend. Septemb.
 60. IO. LXXXIIX.

EPISTOLA XXXV. *Marpurgum.*

NICODEMO FRISCHLINO.

SEROTINAE tuæ ad me litteræ, tamen gratæ: vel quia tam
 samanter ad amandum prouocas, vel quia comunicas iis
 rebus, quæ in Germaniâ geruntur. Quam terram velut alteram
 parentem (origine enim nos Belgæ inde) iure diligo, atque eo
 magis, quod benigna ea nutrix mihi fuit per aliquot annos. Sta-
 tueram regustare liquores eius, & in itinere mediò fui: reppulit
 me aduersantis Fortune velut ventus. Ergo nunc iterum in aquo-
 sâ Batauiâ meâ, mihi tamen carâ, quia carus ego illi. Cum Cru-
 sio tua liticula non nihil me cruciat. nollem in hac paucitate eru-
 ditorum eos inter se--- * *ἀντιβίοις μάχισασθαι ἐπ' ἑαυτοῖς.* Sed tamen, libe-
 * *aduersis sermonibus depugnare.* rē dicā, etsi ætate ille grandior; tu mihi in hoc certamine Achil-
 les, ille Troilus videtur. Plus virium in tuâ hastâ, imò & causâ:
 si tamen eam per calorem & immodestiam (quod spero lon-
 gè à te esse) non corrumpis. Ego miror homines esse, qui plus
 Grammaticorum præceptis tribuant, quàm illis per quos Gram-
 matici viuunt. Mihi probum & rectum est, quicquid pro-
 ba & prisca illa ætas scripsit, etsi Grammaticorum omni co-
 horti aut non lectum aut neglectum. Tamen Crusiana illa
 * *ne causam* nondum vidi, & ideò iure amplio, ne audiam illud, * *μὴ δὲ
 δὴ λέω.* Te amo, & saluere iubeo, & crebrò terere hoc littera-
 rum iter. Agere te Marpurgi gaudeo, apud Principem, qui
 sapientiâ Germaniæ Princeps. Vale. Lugduni Batauor. VII.
 Non. Ianuar. ∞. IO. LXXXVII. stilo nostrate.

EPISTOLA XXXVI.

FRANC. NANSIO V. CL.

SALVE mi Nansi. en habes Nonnum tuum, quem remitto
 lectum à me cum voluptate. Ipse Poëta mirificus (vt res qui-
 dem illa & versio patitur) & tu Censor, in eo emendando. At
 defectus quos in eo supples, iam non defectus: cùm tam felici

& pari venâ carmina addideris tua, nec tua. Nonnum enim totum spirant, quem concoxisti. Perge, & ede. ego suadeo: quem scire debes tui amantem esse. Prid. Kal. Iunij. ∞. IO. LXXXVI.

EPISTOLA XXXVII.

ABRAHAMO ORTELIO.

THESAURVM abs te, mi Orteli, vidi & in parte legi: verè thesaurum. Condita in eo habes, quicquid Græcia aut Latium habuit, in eâ quidem argumenti parte. Placet materies, ordo, industria: illa vtilissima, iste facillimus, hæc summa. Iam præloquia illa & velut lumen operis, quid? bona. Bochij vestri & Vackheri versus laudabiles: quos ex vngue illo viros puto, & gratulor vestræ vrbi. Quæ iâ mne respirat? Diu fauces vobis premit atra & famelica illa diua: quam pellet, nisi fallor, nata mox copia pleno cornu. Deus faxit! ciues enim certè amamus, & quicquid Belgarum est, longè ab odio quod factio gignit. Byzantina Imperatrix (Irenen dico) quando ad nos? heu, tardè. nec viam video: nisi quia Deo, cùm volet, * ἀπὸ ἀπὸ ἐγὼ, * omne in-
πόρμον. Cratonem medicum abiisse audio, & doleo. amavit uiuum, per-
me vir, ego illum. At nos manemus, in extremâ velut vitæ lineâ stantes, & animo dumtaxat, non corpore, fortes. Politica nostra pergunt, sed, vt familiaris poëta meus loquitur, testudineum gradum. Ita sæpè interpellamur, ab amicis, à munere quod sustineo, à morbis. Fero omnia, & te in pectore æternùm. Vale. Prid. Non. Iulias. ∞. IO. LXXXVII.

EPISTOLA XXXVIII.

Erfordiam.

MATTHAEO DRESSERO.

ETIAMNE ex diffitis illis locis aura ad me beniuolentiæ? etiam. & spirat ea suauiter in tuis litteris, quas ante paucos dies accepi amoris & honesti iudicii plenas. Vtroque gaudeo, et si illo magis quàm isto: quia iuius hic ab eo fonte, & multum me æstimas, quia multum amas. Et verò iam pridem inter nos
cogno-

* in perpe-
tuum.

cognouimus; cū in Germaniā vestrā aliquamdiu Ienæ age-
rem, & ad meliores artes præirem iuuentuti. Tunc (memoriā
teneo) coītum inter nos fœdus amicitiae, non nisi nobiscum mo-
rituræ. Perseuera: ego de me hunc affectum tibi spondeo * εἰς αἰῶ-
νος. Quem vtinam tempora & res nostræ ferrent, vt aut præsen-
tes, aut certè vicini magis ostenderemus! fruerer te non solū
cogitatione, sed etiam possessione, & manum iniicerem in cer-
uices tam amicas. Fata negant. nec aliud relinquitur, quā ar-
cta & arcana illa animorum coniunctio: quam magis magisque
ligemus per epistolarum hæc vincla. Verba ista sunt, fateor: sed
* ἀπὸ βαθείας ψυχῆς, & re comprobanda, cū res se dabit. Salue Vir
eruditissime. Lugduni Batauorum.

* à profun-
dā mente.

EPISTOLA XXXIX.

Patavium.

EVER. POLLIONI.

ITALIANE te tenet? præter opinionem meam, fateor: & ta-
mengaudeo. Quī non amem illum locum, in quo iucundis-
simè viximus ipsi olim? qui ante nos, sedes tot illustrium ani-
marum? Sanè amo, & si adire aut peregrinari in eo disua-
deam, repugnem interiori meæ menti. Tamen tardè nec li-
benter concessi hoc tibi. quid mirare, si timidus amor est? si iu-
sta etiam mihi causa timoris? eò magis quia gentem & loca
illa penitiùs paullo introspexi. Ad Lanoyum quæ scripserim,
legisti: crede non scripta ea animi causā. Mare, mare, nauig-
as, & id scopulosum: caue ne obhæreat alibi ista ratis. Cau-
tè inter captatores homines ambula, te cela, linguam preme,
omnia proba etsi non probas. Certamen aut dissensus omnino
tibi cauenda, & vt feliciter hospitem agas, age seruum. Iactan-
tia aut libertas nobis seruentur: nobis etiam omnis tuus amor
castus, purus, & nequid delibent ex eo obscenæ illæ aues. Quā-
tumuis formā aut plumis blandiantur, ah fuge; aut potiùs pu-
gna, quod dicitur, * οὐδὲ κρείων. Reuera de illis agitur. Præsi-
dium tu in motu ponis, & quod nusquam, vt ais, figes pe-
dem. malo vt nusquam oculum, imprimis ne animum: & vt
ille semper munitus sit in eiusmodi occursum aut aspectum. Hoc
tamen suadeo, vt vidisse Italiam satis habeas, hoc quidem tem-
pore: nō placeat tibi pernouiſſe eam aut insedisse. Viros magnos
regio

* De car-
nibus.

regio fert, scio : sed sepositos aut subductos : & vt prompti sint, vix per illa discrimina adeundos. Minus mihi sape, & diutius viue. Quibus nunc velim te innotescere, paucos noui. Anni octodecim sunt, cum Italiam ego reliqui : & qui tunc vigeabant, plerosque ex iis reliquit vita. Ad Hier. Mercurialem litteras tamen dedi : virum probum, candidum, illustri doctrinâ & famâ. Bononiæ, opinor, nunc reperies. Romæ est Fuluius Vrsinus, cui salus à me fortasse tibi dederit admissionem. Est ibidem Latinus Latinius, si tamen viuit, probissimus senum quos ego noui, & omni litteraturâ instructus. Eum quoque à me saluta. Reliqui è grandibus sunt, ad quos te non mitto : quirem, vt opinor, quæris, non splendorem. Quod superest, Deum, vt Comici verbo utar, animitus rogo, cautam circumspectamque mentem tibi det, & auidam ad tuos redeundi. Wiltzium meum, si illic est, à me saluta : à quo iam pridem nihil audire me. sed cohibeo. Tu vale. Postrid. Kalend. Septemb. ∞. IO. LXXXIIX.

EPISTOLA XL.

PETRO ALOSTANO.

DOVSA meus ad vos venit, & est in quo operâ tuâ ei opus : quam vt benignè, & vt ingenium tuum est, comiter illi exhibeas, te rogo. Resp. nostra quo loco sit, vides : & quò perduxerint nos acerba quorundam consilia, nec percocta satis ad Prudentiæ solem. Hinc immites isti fructus, quos ciues illi vestri numquam gustarunt, te regente. Vtinam & nunc (tibi hoc, nec tuâ causâ dicam) eiusmodi aliquot ingenia nobis ad clauum ! facile sedarent hi fluctus. Nisi fit, mergimur, mi Alostane, mergimur. Deus iuuet, & te Vir Clariss. seruet. Postrid. Kalend. April. ∞. IO. LXXXVII.

EPISTOLA XLI.

Burdigalam.

MICHAELI MONTANO.

SCRIPSI ad te ante menses. & vt tempora hæc sunt, suspicor non vanè, parùm rectè eas litteras, certè parùm feliciter, datas. Nam nec ab eo cui Lutetiam curandas miseram, respondi

quidquam accepi. Itaque iterò scriptionem. non quia tuâ magni interfit, sed quia meâ, scire te & accepisse me humanissimas tuas litteras, & eo quidem animo quo à tali viro merebantur. Non blandiamur inter nos. ego te talem censeo, qualem publicè descripsi vno verbo. Inter septem illos te referam, aut si quid sapientius illis septem. Nam externa & polita ista doctrinarum, sermonis & linguarum ad fastum & fastidium vsque scientiam (audi intimum meum sensum) sperno ego valdè, nisi cum prudentiâ quadam & recti iudicij normâ coniuncta dirigantur ad vsum vitæ. Ea duo postrema in te esse vidi, & illa non deesse. Nos in Politicis aliquid meditabamur, desumptum ex veterum agro: & iam pars non scripta solùm, sed tradita typis. tamen differo, & sustineo me temporum horum adspectu. Ego enim, vt pericula quæ obueniunt, non timeo aut vito; ita non temerè ea prouoco aut arcesso. Scio autem quàm facilè vel in optimis consiliis peccetur, & uo quod impetu, non consilio fertur. Intereà in Senecam Tragicum aliquid Criticum dedi: quem scriptorem, vel ob nomen, scio & te amare. Nunc edo *Curas meas secundas* (ita appello) in Tacitum. Quid faciam? aliquâ fallendum hoc otium est, si non salubri, certè non inutili occupatione. Tu vir magne ecquid agas, & inprimis ecquid valeas in Regni vestri morbo, fac me tui amantem scitiorem. Lugduni Batauorum, xvii. Kalend. Maias. ∞. IO. LXXXIIX.

EPISTOLA XLII.

THEODORO BERNARDI S. D.

BENE habet, mi Theodorc. de Amico illo nostro extra metum sumus, imò extra suspicionem. Ille viuit (ex litteris eius mihi constat) & viuet, vt spero, in multos annos. Heu dolorem meum, si aliter! Variis virtutibus amorem nostrum meretur, & certè amore. Quòd quæris à me de Apellæis illis lineis, verâsne eas censeam, & quales? ad prius respondeo, veras: nec fas ambigere, nisi si fidem spernimus historiæ omnis prisce. Ad alterum nunc fileo: & censeo vt prius ab Amico illo nostro quæras, cuius ingenium grande & capax, diffusum per has quoque artes. Mirificus ille vir est, & quem Homeri verbis iure appel-
les

les* — δαίφρονα, ποιηλομήτην. Ego coram aliquid tecum. quem de-
cretum mihi visere ineunte hoc Vere, atque vnà cum Henrico
Spiegelio meo amplecti. Amo vtrumque : vterque me amate.
Lugduni Bat. Prid. Kalend. Mart.

*pruden-
tem, varia
mente pra-
ditum.

EPISTOLA XLIII.

THEODORO LEEWIO.

GAVDEO & gratulor (hinc enim primùm ordiar) quòd ite-
rùm te dedisti in iucunda hæc nuptiarum vincla. Deum
quæso, vti felix tibi ea res & salutaris sit : id est, matrimonium
concors. Nam in eo voto, includi censeam reliqua vota. De quo
mihi magna spes est, quòd eam non ex dote legisti, sed ex natu-
rà, & ex ipsâ. Sic decuit (quidquid vulgus hîc diceret) & equum
emere, non fellam aut strata. De rep. nostrâ nec ex tuis litteris
mihi magna spes est, nec ex rumoribus vulgi. Si vtrumque per-
tendunt, quis exitus? Cedere altera pars debeat, aut potius vtra-
que, & sic coire in arctum & amicum fœdus. Amentia! hostis
in latere, & tantùm non ad portas Annibal : & nos litigamus?
Atque hæc per eos eueniunt, qui sententiæ suæ tenaces, iudicia
omnia & consilia spernunt aliorum. qui quam viam semel in-
gressi sunt, nec omittunt, etiam in errore manifesto. Pestis iam
olim huius & plurium rerum publicarum : nec facilè excutien-
da, si aut ipsa potens, aut obsedit potentes. Felices illi Princi-
pes, quibus electio & iudicium est hominum, quibus fidant
& credant. Interea quocumque loco nostræ res : nos, mi Lee-
wi, nostro maneamus, id est, inconcussò illo & firmo. A deo
& à fato eius pendeamus, certi subire fortem omnem quam ille
dabit patienti ceruice. Calcitrones isti & refractarij equi, hoc
consequuntur, vt verbera etiam aliquot excipiant, nec excu-
tiant tamen iugum. Omninò lenius omne malum fit, leniter
ferendo. Qui interpretando auget, qui velut scalpit suum vl-
cus : facit, quòd qui onus ad onus sibi addunt. Ego tecum sen-
tio. standum in hac acie, & sine fugæ vllâ cogitatione, vincen-
dum aut cadendum : sic tamen, quamdiu palàm aliter non
suadebit ille Imperator. Lugduni Batauorum XI. Kalend. Octo-
bris ∞. IO. LXXXVII.

EPISTOLA XLIV.

IANO DOVSAE *Filio.*

SCALIGERVM patrem, quem sæpè tibi laudo, mi Doufa, ipsum hîc vide. Quis depinxit? quo nemo melius aut verius potuit, se ipse. Quando? cum fallere ei minimè libitum, paucis diebus ante summum diem. Heu, quis ille vir! pænè ausim dicere,

* *sapientiâ
similis diis
immortalibus.*

——— * σοφίῳ μὲν ἀλγύνῃ ἀθανάτοισι.

Tres sunt quos admirari vnicè solco, & qui in hominibus excelsisse mihi humanum fastigium videntur, Homerus, Hippocrates, Aristoteles: sed addo hunc quartum, qui natus in miraculum & gloriam nostri ævi. Scripta docent (etsi bona, imò optima, eorum pars periit:) tum hæc Epistola. quam tu mi Doufa, quantum potest, lege, describe, remitte. Nam Pici non ita aurum suum custodiunt, vt ego hunc thesaurum.

EPISTOLA XLV.

IOS. SCALIGER IVLI CAESARIS F.

Francisco Vertuniano S.

INCIDI in Epistolam Patris mei, quam vltimam prudentissimus Senex dictavit. Agnosces, puto, manum meam. eam ille dictavit inuitissimus. hoc est, rogatu Paschalij illius qui se historici Regij non tam munere quàm nomine venditabat. Quod nisi te ex Epistolâ ipsâ cognoscere mallet, pluribus tibi explicassem. Hoc vetabat ingenuus pudor; sed officium scribendi expressit importuna hominis loquacitas. Quare, quum te videam studiosum Scaligeri nominis, non dubitavi te hanc Epistolam non solum in deliciis, sed etiam in miraculi parte habiturum. Adde quod eam in parte officij te habere volo, quod ad me pertinere putem te nihil ignorare eorum, quæ ad amicitiam nostram aut augendam aut conservandam spectare videbuntur. Quum Epistolam eam descripseris, remittito. Nam non tantum meâ, sed etiam omnium bonorum interest, eam non perire. Vale, ac me ama. Vlmium nostrum saluta. Abenni. propitid. Kal. Iun.

EPISTOLA XLVI.

IVL. SCALIGER FERRERIO S.

QUOD tuis elegantissimis litteris non responderim, multas afferre causas possum, sed omnes quidem præter meas occupationes. Nā quemad-

quemadmodum iucundissima mihi fuit salutatio tua, ita nihil mihi prius esse oportet, quàm ut omnibus omissis ostendam diligenter & mihi fuisse honori, & dandam esse operam ut mutuis officiis eliciam frequentior. Ceterum ad hanc usque diem nemo se obtulit nobis, qui isthuc iter faceret, nisi Quæstorum magistri, quorum tanta est superbia, ut præ se contemptis ceteris omnibus panè regnent. Podius verò noster panè prius abiit quàm acceßit. Atque nunc etiam ita scribo, non qui habeam quidem, sed ut ne mihi desim, si fortè quopiam meliore fato nactus fuero nuntium aliquem opportunum. Scriptionis verò meæ summa in eo potissimum versatur, ut quammaximas possim gratias agam viro de nostro sæculo benè merito Paschalio, qui ita censuerit, me augere posse numerum virorum illustrium, præsertim in Regiâ historiâ. Ac quamquam diuturnâ ambitione meus animus æger sibi studuerit aliquid comparare, quo se humo, ut ait ille, tolleretur, sæpè tamen sese respiciens ac sui compos factus, faciendum putauit, ut iam partæ gloriæ acquiesceret: non quòd vel recussem, vel parui faciam me uti beneficio tanti viri, sed satis habiturum me debere arbitror, si quantus illi modò notus sim, tantum me ostendat posteritati. Nam quòd tam gratiosè atque humanè petit, de me ut historiam conscribam, quin ad id adducar faciendum, tres omnino causæ prohibuere. Ac primum quidem pudor ingenuus, & dignus vel familiâ nostrâ vel meâ institutione. deinde quòd quammaximis atque illustrissimis de rebus meis ubi narrauerò, tum maximè dixerint me mentiri, quicumque tantum litterarum cum tantâ belli gloriâ in seipsis coniunctum non esse indignantur. Tertium verò illud est, quum elogio simplicissimo transigendum illi video, quæ ne maiori quidem libro comprehendì possent. Pugnavi pedes, eques; adolescens, iuuenis; miles, præfectus; certamine singulari, in obsidionibus, in campo civili, ad ludos equitum ordinarios, in excursionibus, in exercitibus: sæpius vici, aliquando victus sum, corpore, non animo; non virtute, sed fato: sed ita ut etiam aduersi casus ipsi maiori mihi fuerint honori propter egregia facinora, quàm ipsis hostibus victoria. loca infinita non designabo. Familiæ nostræ merita à Taxili usque temporibus erga regnum Gallicum ad meam usque operam notissima sunt. Quòd si exempla non sunt odiosa, poterit illius erga me amor eius animum eò impellere, ut simul & Maximissam & Xenophontem componat, quorum utriusque idea vix me vnum exprimat. Vides quàm ridiculus mihi ipsi factus sim, quum vix centesimam quamque partem delibarem. De his omnibus ita ut volet. Nam fami-

liam meam quotusquisque doctiorum neget, si nobilitas in vetustate sita est, esse omnium nobilissimam? cuius lux in Alani splendore ac virtute aduersus Attilam primum refulsit. Si ad capita Principum spectes, liberalium, magnanimorum, fortissimorum; perpaucae gentes cum ea sint comparandae. Si quis malit intueri cognationes, deductos nos sciat multis ex Imperatoribus. Quintus enim ego sum ab Imperatoris Ludovici Bauari filia. Si quid verò conferunt etiam adfinitates, quis ignorat Mastini Scaligeri filiam Beatricem, Barnabae Ducis Mediolani uxorem, decem filias peperisse, quae omnes maximis Europae Principibus nuptae fuerint; una etiam Eduardo Regis Angliae filio, quo defuncto duxerit eam uxorem Dux Andegauensium; altera verò Siciliae Regina fuerit? Sed ut parcam historiae, hic est ille Barnabas, cuius fratri nupsit Valentina, & quam honoris causa nomino, & quam nominatam finem statuo gloriae nostrae. Nihil enim mihi honorificentius contingere potuit, quam ut essem sub luce Regum Francorum, non solum tamquam ciuis adscitus ab Opt. Max. Francisco Rege diuino; verum etiam particeps benignitatis atque pietatis Regis incomparabilis Henrici secundi. De meis verò vel studiis vel scripturis nihil ad Paschaliū mittam. De iis moribus, qui ad vegetum robur animi pertinent, etiam in hac extremā senectute, qui penè octogenarius sum, perpauca poterit, nisi graue est. Omitto frigoris, aestus, inediae patientissimum, dies integros laboribus fregisse, noctes etiam continuasse. Hoc multis fortasse commune: illud non fortasse multis; vespere post expedita diurna negotia ad* sexaginta versus commentum esse; deinde canasse; post cenam dictasse quae ad agrotorum postridianas praescriptiones pertinerent; postea somnum cepisse; summo mane experrectum fremitu nuntiorum qui opem meam petunt cottidianam, interrogasse, respondisse, dictasse sub prandium vsque; meridie pransum illos ipsos versus quos vespere concepissem, ad verbum sine ulla hesitatione scribi iussisse. Qui hoc non mirabitur, fortasse ne illud quidem, decem & septem Aeschyli versus semel modo lectos summā fide memoriter illic reddidisse. Habes quae à Paschalio humanissimè rogatus, à me ipso coactus effudi; non quod digna putarem tanti viri lucubrationibus atque admiratione posteritatis; sed ne viderer barbaro fastidio tam luculentū officium contempsisse. Vale. Agenno. Prid. Non. Iulij.

* Sed exx. fuisse, eo-
que Ioni-
cos maio-
res, Ios.
filius dixit;
nam & ipse
describe-
bat dictan-
te Patre.

Tuus Scaliger alienā manu. meā enim
ægerimā hoc tantum subscripsi.

EPISTOLA XLVII.

Patauium.

HIERONYMO MERCVRIALI.

AD litteras quas à te vnas accepi, iamdiu Vir Cl^{me} respondi. Vtinam sapiùs scriptionis hoc mutuae iter teramus! quid mihi iucundius? Sed, vt ille ait, multae inter nos terrae sunt, & multi montes: qui tamen separant me à te, nec separant, ad quem saepè transuolo cogitationum & desiderij leui alâ. O Italia, quam vidi olim, non pernouî! quando tereguſtabo? Ita me deus amet, vt hoc aueo. vereor vt frustra, cùm tempora video, & valetudinem quoque istam, quae ambigua & infirma. Sed vt hoc non sit, fas mihi tamen vos interdum litterarum hac viâ adire & alloqui. quod facio nunc ex occasiunculâ, quam mihi praeſbuit egregius & ingenuae doctrinae iuuenis Euerardus Pollio; cui apud te commendando hoc satis erit, quod vsus olim sit domo meâ & mensâ. Si te vider, ama iuuenem, & benigniore vultu excipe. nec enim aliud pretium quaerit, aut certè non maius, peregrinationis suae, quàm eiusmodi viros & haec lumina vidisse, iisque innotuisse. Adolescens est * & ὁ πολὺν. Idem à te ^{* non è vulgo.} peto pro Henrico Wiltzio, si is quoque templum tuum adibit, excipias propitius & volens. Hypochondriorum meus morbus remisit, sic tamen vt intemperies & imbecillitas in hepate remaneat: cui vt possumus, non tam * φαρμακεία quàm diætâ ^{* medicamentaria.} medemur. Abiisse te honestissimâ vocatione Bononiam audimus. nî id esset, valdè rogarem in Viri magni Vinc. Pinelli amicitiam me insinuare: quem ego iure aestimo inter Italorum primos. Vale, & serio amantem tui ama. postrid. Kalend. Septemb.

∞. IO. LXXXIIX.

EPISTOLA XLVIII.

Zvrollam.

LAMBERTO CVLENIO IC^{mo}.

SI vmquam, lubens litteras tuas & te in iis reguſtaui ex intervallo. Molestus mihi esse vereris? numquam potes caput tam amicum. atq; hoc debeo Bronchorstio; qui vt beneficium à me impetraret, prior mihi obtulit litteras tuas: cui adfuturū me

in om-

in omni re noli ambigere. Ipse id videbit, & scio scribet. Vtinam potius tibi in re simili gratificandi occasio esset! sed patria te & publicum munus tenent, & (vt verum fatear) ita hoc rerum statu omnia hîc & alibi ambigua, vt nesciam an amici sit alium temerè commouere. Diffidij semina palàm video: Deus ille faciat, vt opprimantur in herbâ. Animos magnos illa gens auxiliaris gerit, & nostris certum non cedere de priscâ libertate. Vtrique tamen vt spero aliquid remittent, nec funem hunc contentionis trahent, quod non potest sine casu & pernicie alternâ. Nobis enim, quod Deus auertat, oppressis, quæ illis perennandi spes? Huic rei symbola aliquot conscripsi, quæ hîc vides, in vsum & gratiam præfecti vestri monetæ. Arcanum omnem sensum non explicui: nec opus, perit enim horum talium Venus, nisi aliquid sit, quod lector & inspector quærat, & inuenito eo gaudeat. Comitem Dordraci fuisse, sed statim in Zelandiam rediisse, credo te scire. De summâ rerum, non aliud habeo quod nunciem. suspecta enim adhuc omnia, & mutuâ quadam diffidentiâ suspensa. O Belgica, hûcne redacta es, vt timere eos ipsos debeas, quos euocasti ne timeres! Impedior, ignosce. nam animus mihi certè diutiùs tecum fabulandi, quod aut coràm aliquando fiet, aut per litteras ocio meliore. Vale Vir Clarissime, & prorsus mihi care. XI. Kalend. Sextil.

EPISTOLA XLIX.

Brielam.

PETRO REGEMORTERO.

ERGÓNE meas nondum accepisti? at dedi illi ipsi qui tuas adtulit, atque adeò etiam ad Baudium. Socordia hæc hominum, an perfidia? Tamen amorem & curam tuam amo, qui me alteris etiam compellas, & significas quæ gratum mihi intellegere & scire. Nam etsi, mi Regemortere, reip. nō misceor (scis hac in parte decretum meum, quod nulla res mutabit) tamen non ita * *μετέωρος* sum, aut ab communi hac vitâ abeo, vt exuam solitudinem omnem de patriâ & affectû. Ego illi benè cupio, & ex animo iis omnibus qui hanc procurant. Vtinâ concordia illa inter nos, quæ esse debeat: & quæ nisi breui coit, perimus. Ego tecum quoque sentio, legum ita habendam rationem nobis, vt

* aliud
agens.

præua-

præualeat suprema illa lex. Patriæ salus. cum hæc periclitatur ob
 priua aliqua scita siue leges, scio non solum flectendas istas sed
 frangendas : & improbus, quisquis aliter sentit. Sed tamen vi-
 dendum, nequid nimis tendatur : & ne acri contentione rumpat-
 ur, quod dicitur, hic funis. Vtrique cadimus, si id fiat. Principi-
 bus honorem & dignitatem seruari, æquum & verum est : sed,
 per deum immortalem, ne ita illa omnia ad exactam & sum-
 mam rationem reuocemus, ut neglegamus salutem. Tempestas
 & venti in hoc mari sunt. quis ille nauta, qui vno cursu & cer-
 tâ, ut sic dicam, lineâ peruehi conetur in portum ? Flectendum
 est, vela commutanda, obuertenda : & curandum, ut tutò po-
 tius perueniamus quò institimus, quàm ut citò. Dies multa da-
 bit quæ nunc ardua videntur, & ille * *ὁ πᾶσι πατὴρ χρόνος*. Calo-
 re quisquis vititur apud frigidas has gentes, fallitur & labetur.
 Duci volunt, non trahi. Ille noster * *μεγαλῆτις*, utinam largiatur
 aliquid istis cum vsurâ recipiendum, & submittat se nonnihil ut
 crescat ! Liberè hæc ad te scribo (sed solum) nec cælo sententiam
 meam in hoc dissidio non dissidio, quæ est, Indulgere. Si per-
 tendimus : è leuiculis rebus veniemus ad image maiores rixas.
 Cum Ordinibus ut conueniatur, id est opidis, caput rei est : de
 hominibus singulis, quales & quanti illi sint, quis laboret ? Se-
 quentur, aut ruent. De collegæ mei negotio, rogari nolo. Non
 dicam fenestrâ, sed rimâ mihi apertâ, omnia conabor ad per-
 fringendam hanc arcem : quamquam ille, quod scis, nescio quâ
 causâ alienior à me in totâ hac causâ. Sed nihilominus * *μελῆσει*. * *cura erit.*
 Tu vale. XII. Kal. Octob.

EPISTOLA L. *Leodium.*

DOMINICO LAMPSONIO.

HEVs tu, quid nuntij habes non intempestiui solum, sed
 infidi ? Ille me in horto subitò opprimit, litteras tuas por-
 rigit (illas quidem optatissimas) poscit illicò responsum. Intra
 horulam, inquam. negat. Intra semihorulam. negat. Quid ergo
 faciam ? inquit. Mitte sodes, inquit, Hagam : totum diem ego
 cras illuc, & in tali domo. Ego, mi Lampsoni, testor Genium ami-
 citiæ, nisi : sed litteræ ad me remissa, cum ille nusquam compa-
 ruisset. Hoc præfari volui, & silentium excusare. nunc ad tuas.

Vrges valdè vt concinnem De institutione Iuuentutis. fiet : sed non antè potest , quàm hoc pertexuero in Politicis , quod sum exorsus . Valdè id opus me tenet : magis quàm vllum meum , etsi nec meum . Colligo enim & confarcino ex scriptis alienis . Quid faciam ? vereor vt error iudicij mei fuerit in ordiendo : nunc constantiæ laus est in absoluendo . Quædam etiam interueniunt , de temperie in Religionis rebus , & talia , quæ hoc æuo cum omnium gratiâ aut veniâ non dicas . Tamen faciam , & breui vt spero habebis . Nunc istud breue adtextum siue *ægêrma* habe ad Cornelium : non gustandum , nisi illo lecto . Opus eo edito fuit , quia iterùm Commentarij nostri eduntur cum hoc augmento : quos qui non habebunt , contenti sint illo . Status publicus apud nos valdè * *κρυαίσις* . de Pace multus sermo & multa spes fuit : nunc iterùm languescit . Petrum Oranum quòd amicum mihi conciliasti (tuum hoc esse scio) gaudeo . Virum magnum , & quod caput est , bonum esse , quidni credam , qui tibi sic placeat ? Itaque responde illi audacter de mutuo meo animo : quem factis verbisque ostendam , vbi res cumque feret . Sed nonne ego Oranum noui aliquem Coloniae olim ? opinor , & qui erat ex Leodiensium gente apud Patres illos meos , quos nosti . Nec tamen opinor hunc esse . Tu quæ promittis , aut vt verius dicam , offers , de Institutione à Ximenio scriptâ , si me amas , fac videam . Valdè me iis aut adiutum iri scio , aut firmatum . Lugd. Batauor. xv. Kalend. Iul. ∞ . IO. LXXXIIX.

EPISTOLA LI.

Dantiscum.

IANO GRUTERO.

BREVES & tristes tuas nuper accepi , de parentis optimi fato : & nunc vberiores paullò , non latiores . Nimis , mi Grutere , iaces . Quid te moneam ? scio te hanc in rem omnia quæ me scire : hoc deest , quod non vsurpas . Remedia habes , sed recondita velut in thecâ tuæ mentis . non expromis . At nunc est vsus eorum , aut numquam erit . Vides publicè , vides priuatim omnia aduersa , tristitia : nec spem cuiquam nisi in se , id est , robore & contemptu quodam omnium rerum . Quid alios , quid me censes ? agere scilicet dies festos ? in morbo iam biennium non cubo , sed,

sed, quod deterius ego censeo, ambulo. Æger enim omnia munia fungi cogor sanorum. Alius me scribere, legere vult, alius conuiuari, hilarescere, & omnia agere vt solebam. Et tamen, mi Grutere, apto me huic scenæ, & hilari vultu personam sustineo, quam imposuit magnus ille Ædilis. tu idem fac. Non es qui ille, & ille? at multi etiam infra te sunt, & qui in cælo sibi videantur, si tuo loco. Alia solatia omitto: hoc quòd sapere & scire supra vulgum aliquid tibi datum est, quanti æstimas? Si vero pretio, supra omnes debes humanas opes. Descende in te, subtrahe ab circumfusus & externis, & oblectare cum interno illo deo qui in te viuit. Ille, ille melior ignis, nisi opprimis, extinguere vnâ flammulâ potest humida hæc omnia & lenta curarum. Huic rei en nouum subsidium, libros. Misimus enim quos petisti. At tu *Pericula* tua cur nobis inuides? irascor. Ego me velut Familiarem aliquem Larem vel primum placandum censebam hisce libamentis. Culpam vides, tu emenda. In Plautum iam nuper accepi, & sanè placuerunt. Non scripsi: quia tunc nullus videram, & hæserunt eæ Notæ apud Æmilium nostrum Rosendalium, me non inuito. Amo enim & illum adolescentem, ingenij planè boni & recti, id est tui. De Constantiâ nostrâ quod etiam nunc quidam carpunt: securus esto, mi Grutere. Morbus hic quidam animi est, & nocere magis volunt, quàm nocebunt.

Illam aget pennâ metuente solui

Fama superstes.

* Αφ' ὧν inquam, etsi non * ἀφ' ὧν hoc scriptum. Semel hoc dicendum fuit, ob Lentulos istos, quorum abundans ea ora. At tu vale. Lugd. Bat. Prid. Kalend. Septemb.

* *Expers
mortis.*

* *Expers
inuidia.*

EPISTOLA LII.

FRANCISCO RAPHELENGIO *Filio.*

PRAEFATIONEM tuam duplicem vidi, mi Raphelengi, titulo ipso alteram mihi gratam. Ad me enim est. in quo non tam memoria mei delectat, quàm gratitudo, quâ meritò declaras in eum, qui voluit tibi semper, vult, & volet. Vtraq; proba satis: vellem paullò longior. Nam etsi breuitas mihi amica, in quo haud infeliciter me sequeris: tamen in adolescentiæ isto

* *Dij bona
laboribus
vendunt.*

æuo maior quædam vbertas mihi haud displiceat. quæ ipsa etiam esse potest, sine fraude vllâ breuitatis. Plura cur non scribis, etiam si non pluribus? id est, cur non extendis siue Epistolas siue Præfationes tuas, & materiæ plusculum addis? Nam verba non desidero: & in eo mihi places. Vide ne rem tibi dicam: nec tu iudicio istud facias, sed fugâ quadam laboris aut intentionis. Ingenium tuum, mi adulescens, in omnia validum. vtinam tu exerceas, & solum illud fertile magis assiduo, vt sic dicam, vomere inuertas! Diligentiam à te volo, diligentiam: nec eam cum impetu, sed stabili quodam animi tenore. Quid? influere eruditionem aut virtutem ipsam censes, famam aut opes affluere, sine contentione & labore? erras. * *τοί τ' ἀγαθὰ πόνοις πωλῶν*), vetus & vera gnome est: quam, si quid me aut te amas, ama. Manutium & Stephanum quoties tibi ingessi? tu supra eos esse potes (verè tibi vaticinor) magnâ conciliatrice Aui tui famâ: quam illi non habuerunt. At tu hæc contemnis. vtinam omnia externa! sed contemnas tamen cum modo, qui nisi adest, insipiens omnis Sapientia euadit. Homini ego nihil humanarum rerum magnum esse fateor, si animum & cælestem illam particulam spectes: si corpus, & si vitam cur prorsum negligas ea, quæ ad opes faciant aut honores? Abiectè sapit, quisquis ea sic abiicit. Erige igitur te, & aptum præbe iis ad quæ Auus, Pater, Ego, te destinamus: adiuturi omnes in hoc honesto cursu, non clamore solum & fauore, sed & rebus. Ego quidem non opem solum meam, sed & opes ad hanc rem polliceor: vt te præbeas dignum iis qui genuerunt, iis qui docuerunt. Omnino autem (hæc summa admonitionis meæ est) magis assiduum & crebrum te velim in scribendo, in legendo: magis etiam tui amantem, & æstimantem. non quò ad superbiam te vocem (absit, absit illa pestis) sed vt ad tui pretium: id est, ne dona quæ magnus ille Deus in te contulit, vt aquam immotam, sordescere patiaris & obsolere. Senecam tuum exspecto cū iis ipsiis Præfationibus, in quibus nihil muto. nec in meis quidem laudibus: quas decorè tu mihi das, etsi numquam recepturo. Ad te redeunt. Mitte quamprimùm exemplar. In Thebaide versum repperi (nescio an ita in aliis libris) *Meosq; manes manibus infestis petit Fædatq; vultus*. ineptè. cū legendū sit, *Meosque inanes*. De Senecâ Orrelij nostri gratiam illi habeo, & tibi ta-

men facio gratiam conferendi. Nimis nouitium exemplar est, ut video ex iis quæ adnotasti de æuo. Nos in Tacitum damus CVRAS SECUNDAS: in Politicis paullum resistentes, in temporum hoc flexu. Vale. Lugd. Bat. VI. Kal. Maias. ∞. IO. LXXXIIX.

EPISTOLA LIII.

IANO LERNVTIO.

AVDES, non dicam scribere, sed cogitare, quæ scribis? Ego tui obliuiscar? ego te deseram in hoc casu? Ah, mihi Lernuti, pectus mihi scindunt hæc tua verba. Sol citius suum cursum, quàm ego relinquam tam diu sanctè habitum amorem. Negas scripsisse me. quæ potes? Ternas dedisse me scio, vnas famulo tuo ipsi in manus: binas misisse ad vxorem. Quid possum, si cæ perierunt? Iam in re tuâ, & ad leuandum miserum hunc casum, quid omisi? Scripsi ad, scribi iussi ad : nec ut pro amico, sed ut pro me ipso. Nihil factum, inquires. Doleo. nec nimis miror, qui scio (ut nunc se verterunt vices) gratiam meam leuem esse apud hos è stirpe Bruti. Vtinam qui hîc potiuntur rerum, ius habeant in eo loco! Lipsius non essem, aut tu non illic. Tamen scripsi in Britanniam ipsam: & in primis ad Thomam Henneagium, virum illustrem & mihi amicum. Daniel etiam Rogersius redux è legatione Danicâ hîc fuit. seriò cum eo egi, nec solùm ut ipse adniteretur; sed ut apud quos ipse aliquid posset. quid tamen dicam? quod res est: rem volunt isti. Castorum fabulam legisti? cùm omnia fecerimus, vsurpanda erit, & non eripies te nisi abiectâ tui parte. Mihi si valetudo paullum modò firmior (caput hoc iuro) iâ in Britannis essem, aut in tuis vinclis. Sed quàm vacillem, & quàm ægrè ^{*συνδυον} hoc sustineam, credo te audisse. Ceterùm spero aliquid à promissis Rogersij, quem ipsum audio futurum inter Legatos. Tu interea, mi amice, esto quem esse te expedit; id est, vir, & fortis. En palæstra & arena, in quâ Deus spectandum te præbuit: exere insitum tibi robur. Clama in Fortunam, Nihil agis: non si libertatem mihi eripias, sed si ipsam vitam. Ignavi animi ad primum ictum concidunt: tu ostende aliquid in te esse altioris auræ. Ego, imò nos omnes quotquot hîc, planè tui sumus. si

*corpusculum.

* Sren-
nus esto,
ut postu-
mate quo-
que secula
laudent.

quid possumus, viam præsigna : inibimus, pænè dixerim, vel illam quæ fert ad Orcum. Tu interea vale, & * *Ἀλκιμός εἰς, ἢ αὐτίς σε καὶ ὁ φερόνων εὖ εἴπη.* VI. Idus Martij, ∞. IO. LXXXIIX.

EPISTOLA LIV.

Romam.

HENRICO WILTZIO S. D.

GRANDIVSCVLVM interuallum fuit à te litterarum, mi Wiltzi. Accepi nuncdemum, quæ te Neapoli fuisse nunciarent. Gaudeo, & gratulor vniuersam hanc peregrinationem adhuc cessisse ex voto. Deus reliqua sic secundet. quamquâ quid reliqua? Deus te ad nos reducat, quod & suadeo & opto. Satis vsui datum, satis etiam voluptati: longior emansio discrimen fortasse habeat, non fructum. Si patriâ decretum carere vobis, donec omnia hîc tranquilla: quando fiet? In omni Europâ turbas subferi vides turbis. Tu nobis te redde, & componere ad hoc æuum: in quo ipso minùs recto, viuere semper tibi sit rectè. Externa ista vis si nos cogat, malè agatur cum diuinissimâ illâ parte. At hæc talia coràm. Nam ego non consilio, non auxilio vmquam deero: & amo vos qui apud me olim, vt si ex me essetis. Meus Pollio, vbi est? audio cogitare Viennam & illum tractum. Nolim. & si propior sim, (quoniam verba nostra neglegit) manum iniiciam huic erroni. Redite. in patriâ, apud parentes viuite, atque ita mihi valete. Ad Franc. Ben- cium scripsi ante menses pauculos. O virum, quem ego olim & nunc amo! Frater mihi fuit, nec solui vmquam possit artus ille amor. Iam dotes in eo sunt, dignissimæ vel admiratione vel amore: quas tu coràm vides & gustas. Da te viro. paucos meliores aut maiores dabit tibi ille tractus. Vale. Lugd. nostræ, III. Kalend. Maias. ∞. IO. LXXXIX.

EPISTOLA LV.

Burdigalam.

MICH. MONTANO.

IAM semel ad te scripsi, Vir Nobilissime: nec satis certum habeo, an litteræ ad te perlatae. Interuallum locorum grande est:

est: & addo, quòd nihil hodie tam receptum, quàm fallere fidem. Iteravi igitur. & scire te hoc volui, cum gaudio me litteras tuas accepisse, & legisse cum voluptate. Diu est cùm te noui, nec noui: à mente & scriptis, non à corpore. & admiratus sum (nihil hîc vanum) rectitudinem iudicij tui, eò magis fortasse quòd in plerisque simillimum id meo. Nam fateor: in Europâ non inuêni, qui in his talibus sensu mecum magis consentiret. Vtinam plura tibi scribere mens, aut otium! quamquam istud fortasse, non illa: quia auersum te ab omni gloriâ video, etiam verâ. Non debebas. & habere in oculis si nō æternitatem temporum, at miseriam hominum: qui talibus monitorum auxiliis omnino ducendi, fulciendi. Me valetudo prohibet ab iis, quæ vellem. tamen, vt languidi, conor & serpo: & nescio quid in Politicis breui dabo, meo textu, non tamen filo. Videbis inter primos: vtinam & probes! De Galliâ tuâ & te vident, quòd inuitas & offers: gratum est. sed quî possum? valetudo me ligat: & si non illa, etiam turbæ. quas non effugiam, vt video, nisi in plenâ illâ libertate. Salue, vir nobilissime, ab eo, cui tu semper carus & magnus. Lugduni Batauorum, III. Kalend. Septemb.

EPISTOLA LVI.

MARIAE GORNACENSI, *Virgini nobili.*

QVAE tu es, quæ sic ad me scribis? Virgo? vix facis fidem. Hæcne, non dicam lectio & ingenium, sed prudentia & iudicium cadant in illum sexum, in istud æuum? Commouisti me virgo: & nescio an gauisus sim sæculi, an doluerim sexus nostri causâ. Accedere tu ad nos vis? imò supra nos ascendere. atq; ita facito, deo hominibusque fauentibus: certè me. qui te ignotam amo; & quem affectû paucis præbeo, miror. O mihi lucem, quâ te propius nôrim? non enim dicā probiùs. adeò satis te nosse videor è pauculis scriptis, atque adeò vel sine scriptis. Ex vno iudicio tuo, quod de viro illo magno fecisti, non ego de te iudicem? Non cadit hoc nisi in illû, illâmvē (tu ad cautionē hanc nos ducis) qui ipse valdè magnus. Vt animam nisi anima nō capit: sic

sic sapientem nisi sapiens. Maesta tu, & persta in hoc ad Virtutem & Sapientiam gradu; tum etiam in illo iudicio, quod frustra vereris ut mutem. Darem, nisi dedissem. & vellem vberius: imò non vellem, adeò tu benignè id explicas & peritè. Intellegi sàpè mihi detur à tali mente, loqui per talem linguam. Itaque ne me roga quid hìc castigem: hoc vnū, quod rogas. siue etiam hoc alterum, quòd à me illustrari censes Græcas litteras Latinasque. Cetera in parte amplector: hoc de Græcis, omitte. Candidè ego apud te candidam. videmus aliquid in Græcis, sed haud multum supra vulgum: & satis mihi, si haurio ex eà linguā quæ ad animi aut scriptionis meæ vsus. At tu iam corrigenda seriò, audi. Peccasti. quid ira non plura ad me libri tui misisti? Si piguit, cur non argumentum & materiem saltem perscripsisti? Curiosus enim sum, ut sciam (nouum monstrum) quid paritura sit virgo. Ad nostrum illum amicum & tuum, ut appellas, patrem Mich. Montanum, scripsi ante mensem, misi Antuerpiensi viā: spero accepisse. Tu utinam istas, & in iis spirantem nostrum affectum! Vale, vale, æui nostri (vive tantum) vera Theano. Lugd. Batauorum.

EPISTOLA LVII.

IANO DOVSÆ.

QUID in Bembi historiā reprehendam, singillatim & distinctè vis tibi scribam. Estne, mi Doufa, tanti? aut an ego naturā ** φιλονεικία* ? neutrum: sed tamen quia valdè vis, age,

** carpendi cupidus.*

** Hac tibi*

ego, tibi ego

hac valdè

veraciter

edam.

** Τοι μὲν ἐγὼ τοι ταῦτα μάλ' ἀτρεκέως ἀγορεύσω.*

Stilus est quem reprehendo, supinus, languidus, & affectatā imitatiunculā fractus. Ut pueri pedes per delicias malè ponunt, & imitari vatiā discunt: sic iste, cum rectè scribere posset, maluit prauo elegantiae studio flectere orationem & eneruare. Magnos viros ea ætas sub magnanimo Leone tulit: sed quosdam qui in puerili illā hæresi, ut religio iis esset scribere aut dicere aliud, quàm à Cicerone scriptum aut dictum. Inter eos Fembus. Itaque vniuersa scriptio, composita & formata ad æuum priscum: & omnia sic de re Venetā, quasi de potenti illā re Romanā. Hoc fero. etiāne verba omnia ex illorum moribus tracta ad hos nostros? & vbi ea non sunt, nescio quid pluriū ambitu dictum, quod

quod assequi debeamus diuinando? Hoc, vt mea quidem mens est, damno: & fallor, aut tu & viri omnes mecum. Ecce. *Patres conscripti* semper, Venetorum Senatus: ipsæ Venetiæ καὶ Ἰεροχὴν, *Urbs*. anni numerati: non à Christo nato, sed ab *Urbe conditâ*. qui militiae eorum Præfectus, * σεμνῶς vbique *Imperator*: etiam tunc * magnificè. cum alienis auspicijs ductuque militat, vt in bello Neapolitano Contarenus. Atque hæc inter minores noxias. Illa iam * γελασὰν * ridicula & ἐπαινετὰ: *Rex Urbini, Rex Mantuæ, Rex Populonia, Rex Camertium*. & non toleranda. Quid censes eum dicere? Duces. Atque item Ducatus ipsos, *Regna*. Quin disertè etiam scribit, Gallorum regem ab Imp. Maximiliano impetrasse, *vti se Regem Mediolani diceret*. Heu vanitas! quâne Cicero nouitium hunc titulum non nouit, confundendi minuti isti dynastæ fuerunt cum vero aliquo magnoque rege? Saltem *Regulos* dixisset, & ferrem. Ab eâdem mēte & causâ sunt hæc: *Sophi Rex Armenia*, qui nobis Persarum: *Rex Thracum*, qui nobis Turcarum. Tuam fidem, siue frontem potius, Bembe. ille tibi Thracum modò rex, cui bina Imperia subiacent, & triginta amplius regna? Nec in titulis solùm isti lusus, sed in nominibus ipsis. Quale illud de Ludouico Gallorum rege, quem *Aloisium* (magis *ρωμαϊστὴν* scilicet) vbique appellat: & alibi cum facetà additiunculâ, *quem isti* (qui isti? barbari nos & inepti) *Ludouicum appellant*. Quid, quòd etiam in diuinis rebus hæc sibi permittit? & Fides nostra non nisi *Persuasio* illi est; Excōmunicatio, *Aquâ & igni interdictio*: Peccata morituro remittere, *Deos superos manesque illi placare*. Ipse Deus rarò in stilo aut animo: sed prisco risu, *Dij immortales*; idque in serijs maximè sententijs aut rebus. Atque adeò, quod omnem stultitiam superet, prudens ille Senatus Venetus ad Iulium Pontificem publicè scribit, *vti fidat dijs immortalibus, quorum vicem gerit in terris*. Felicè te gentis & patriæ, Bembe! quia si nostrum aliquis trans Alpes sic scripsisset, profectò nō tulisset impunè. Iam quæ periphrases in eo & circuitus verborum? Senatus Venetus dono misit Aloysio regi Gallorum *Aquilas sexaginta, ex earum genere quibus in aucupio vti reges consueuerunt*. Quid Aquilas? Ita Falcones tibi dicere religio est? quâ tamen voce * Iulius Firmicus vsus. Accipitres igitur dixisses, vero magis et si minùs augusto verbo. Sed addis etiam *Reges* vti consueffe. *Reges tantum?* rideo, & pergo. Scribis ibidem, *donatas regi pelles pretiosiores,*

* Romanè.

* Imò & inter cognomina prisca Romanor. Falcones.

tiosiores, canis ab summo inter nigrum colore conspersas, ducentas. Quæ istæ sunt? Genettas dicis, an potius Zebellinas? Quin, malum, exprimis: & res novas nouo aliquo nomine dicis? Si puritati sermonis tui metuis, adde, vt vulgò dicimus: nihil infuscas. At illud ambiguum etiam nunc me habet, quòd Iulius Pontifex Contareno, cum classem Hostiam adduxisset, vini Corsi carros sexdecim, boues sexdecim, hircos genitalibus defectis bis totidem dono misit. Qui enim isti Hirci? maritine caprarum per delicias in Italiâ exsecantur? an vis dicere Verueces? Quòd si ad Verba & Phrases etiam venio: benigna hercules materia cauillorum. Ecce scribit, Velle se hominem suum Byzantium mittere. Iterum: Reip. hominem ad se missum. quod nos diceremus, Actorem aut Legatum.

Turrim terream appellat, Propugnaculum siue aggerem è terrâ. quo exemplo? Sumpti, Tumulti, Senati, inflectit ad Plautinû equum, cum reliqua omnia minimè antiquarij sermonis. Neminem vnâ partem muniunt. pro, Nullam: quia Ciceroni alibi Nemo de femina dictum. Proopidium sæpè, quod nos Suburbium: Prodominus, qui Vicedominus Venetis: itemque, Proimperator, & Proordines: putidè, vt sentio, aut nouè. Rebus suis veritus, crebrò & ad nausèa, pro Timens aut Diffidens: quia idem ille Cicero semel fortasse, Vereor mihi. Senatus decreuit, vt eorum qui fortiter atq; amanter ad flumen Tarum contra Gallos remp. gesserant, ratio haberetur. Iterum: Praefectos, qui se omnes nec strenuè nec amanter eo bello gesserant, missos fecit. Sæpiusque. & illud Amanter inuitâ sanè Venere amat. Lauredanus naues onerarias quattuor secum afferens. Hem! pro monstro est. Attulit: imò adduxit. Tamen iterat alibi: Legatus Baiazetis equum Patribus attulit: γελοῖος & ineptè, siue mari is venerit, siue terrâ. Pensionem annuam, quam posteri eius sequerentur, Senatus instituit. Imò, quæ posteros eius sequeretur. Petunt, vt quò celerius fieri potest, viæ se dent. Solæcum est, nec à Latio, sed ab Idiotismo Italorum. Plura sunt. cur ea colligam? Ipse vide. & fateberis pleraque talia affectatè atque improbè scribi; certè indecorè. In pueris ista vix ferimus: te virum, & in tam serio scripto, Bembe, deceât?

* Neq; ta
oportet
Puerilia
sectari. non
enim ultra
ialis es.

— * εἰδὲ τε σε χεῖν

Νηπιῶδες ὀχέειν· ἐπεὶ αὐτὸν πλὴν ὅσων.

At tu Doufa vale, & si quid temerè culpaui, mone. In Musæo meo. H. III.

EPISTOLA LVIII.

HENRICO BORBONIO, PRINCIPI DOMBARVM.

ILLVSTRISSE Princeps, noua & prædicanda hæc humanitas, quâ vltro ad me scribis. Quis ego sum? vnus aliquis è vulgo litteratorum. Tu quis es? inter Galliæ primos, regiâ stirpe, &, quod magis est, indole ac virtute. Atqui etiam amas me, & amicitiam meam (ita scribis) pascis. Illust^{me} iuuenis, cõmutas nomina rerum. officium & cultum nos tibi debemus: amicitia est inter pares. Tamen & hanc, aut certè amorem, tibi spõdeo: qui ita me cepisti, vt nihil magis in votis sit, quàm palàm ostendere hunc in te affectum. Natales tui ad magna te vocant, ingenium ad summa: ecce me non solum approbatorem fautoremque tuæ laudis, sed voce & stilo præconem. Deum ego quæso, vt mentem hanc tibi, quâ ad optima optimosq. accensus raperis, seruet; & te afflicto regno. quod nisi per eiusmodi columnas stat, ruit. Illustrissime Princeps vale. Kal. Augustis.

EPISTOLA LIX.

ABRAH. ORTELIO.

COGNATVM tuum, mi Orтели, modestissimæ frontis & animi iuuenem eò libentiùs vidi, quia litteras à te attulit: nec eas tantum, sed & munus. Adiunxisti enim Tabulam Hispaniæ veteris, iucundam mihi & valdè opportunam hoc tempore, quo Liuium & bella Punica auditoribus meis publicè explano. Scis tu, quàm multa illic mentio passim & bellorum in Hispaniâ & locorum. Itaque & gratias tibi habeo, & te planè hortor vt eandem operam in Galliâ etiam nobis præstes. nam de Germaniâ, iam effecisti. Tum si Illyricum voles, aut Græciam, aut Africam, iudicij tui esto. Cessaturum enim te non esse, omnino mihi persuasi, præsertim cum & grati labores tui sint, & otio (rebus illic tam quietis) iam abundes. Monui iam amorem in me pridem noui, & nunc ex litteris eius recognoui. Oro, saluta amâter à me virum probum, doctum, & gratum mihi inter paucos. De Thra- scâ meo, tu & ipse vrgetis. quid pollicear? aliud mihi nunc sub

manu: & eo absoluto, videbo quò me impetus, aut potius iudiciorum hæc aura feret. Nam, quidquid ego constans, tamen mi Orteli ægrè obduramus cōtra minutos istos & cottidianos morsus: præsertim vbi aliquid, quod tangere fines Pietatis videatur. Doctus scio, quid sit irritare hos Cantharos: qui omnia peruolant, & olim etiam ad cælum. Nosti apologum. Nos hîc in otio, an in longum? nam minas iterum audimus & apparatus. Deo rem committo, qui publica ista ex sui numinis & nominis gloriâ dirigat, & te mi Orteli seruet. Lugduni Batavorum, IV. Id. Decembr. ∞. ID. LXXXIIX.

EPISTOLA LX.

Amstelredamum.

PETRO PAWIO.

QUID QUID damnaturi me Stoici nostri sint, miseratus sum & dolui duplicem tuum casum. Illum de amisso parente: hunc nouum, de libris & scriptis. Ego scio quârum vtrumque vulnus sit, vtrumque expertus: & hoc postremum in nostro animo valet, quod in multorum omnes Fortunæ. Nōne hæc diuitiæ nostræ sunt? suauiâ mellificia, è tot scriptorum flosculis confecta. Et multa, vt breuitas huius æui est, haud facilè refinguntur. Addo, quod nescio quomodo delectant nos iuueniles illi & primi nostri labores, quos velut primitias libauimus & intulimus in arâ hanc Musarum. Me vndecimum iam annum carentem patriâ vides, itemq; agris & opibus, quas mihi Deus modicas, sed ad meum vsum vberes dederat: tamen mihi crede, nulla iactura propius mihi cor tetigit illâ librorû, quam feci in Lōnaniēsi vîbe. Subitò enim abeundum fuit, & nisi sic abissem, numquàm abissem. Tuas misérias narras, inquis: sic me solaris? Ego verò, mi Pawi, vel sic. Parentem alterum amisisti: ego vtrumque. Libros naufragio: ego, quod magis mordeat, furto. Quid tibi igitur eximium euenit, quod eximiè doceas? Fero meum casum, quem non muto: tu quoque fac, hoc exemplo. Vis communia illa me dicere? Hominem te esse: Euenire hæc in vitâ: Deum voluisse: Dolendo nihil te profecturum? Hæc omnia verissimè possem: sed subijci ea tibi à te scio, aut certè ab ijs qui apud te. Ego simpliciter & pro amico ago, & hortor te ad incommoda pari mecum

mecum mente ferenda. De munere tuo apud nos moneri nolo. semel dicam, quidquid mearum virium erit, faciam: etsi nihil, in re quæ alieni arbitrij est, polliceri possum de effectu. Iudicium meum & commédationem largiter habebis. Vtrumque auunculum tuum amicè à me saluta: & Henrico hoc ampliùs nuncia, benè redditos mihi nummos, quos Hamburgo acceperat: etsi puto eum id scire. Vale. Postrid. Idus Nouemb.

EPISTOLA LXI.

Lutetiam.

IACOBO AVGVSTO THVANO.

DIV, mi Thuane, siluisti; nec eò minùs tamen, vt spero, amasti. Spero? imò video, cùm ex epistolâ tuâ amicissimè scriptâ, tum ex munere quod beniuolè adiungis. Amo illam, & hoc laudo: argumento eximium; tractatu arduum; & in quo verè altit atque acris ingenij tui signum. Perplexa illa & breuia, tam aliena non solùm à sermonibus nostris, sed à moribus, vertere magna laus sit: quid carmine & versu illigare? & id dilucidè atq; eleganter? Non blandiar. sed, mihi crede, rem magnam confecisti, inuidentiam celerius quàm imitandam. Nobis humilior per hos dies labor, in additiunculis ad Commentarium Cornelianum. *Curas Secundas* appellauit, ab ipsâ re. Velim non videas solùm, sed censeas: quoniam illud cuiusuis est, hoc verè amici. Cui acius ille magnus estne apud vos? ego ita accepi. Si est, eius causâ nihil doleo: sed perijt illa, cui ipse anima, Schola Bituricensis. Ovium, quem miror, quem amo, quem vtinam complecti mihi fas ante excessum! Scaliger quid? valere intelligo, sed cessare. Non sic oportuit ~~ingenium natum ut periret~~. Si piget huius sæculi (nec immeritò) at cogitet natorum natos. Res apud vos, vt audio, mirificè calent. Si vera adferuntur, nihil inuidebimus vestræ quieti. Nos Velleium, Florum, Liuium ordine cogitamus: deus mihi vires, & ô vtinam copiam iudiciorum vestrorum! Nam hîc ego in solitudine: vna vrbs vestra abundat supra reliquam Europam. Librum tuum, quod volueras, misi ad I. Drusium. responsum ecce habes. Ecquid tu, ecquid alij vestri parent, velim scire: si quid tamen per has turbas. Vale. Lugd. Bat. III. Non. Iun.

EPISTOLA LXII.

THEODORO CANTERO.

* velut ad-
ditamentū,
& super-
mensum.

QUOD silentium excuses apud me, mi Cantere, nihil est. Si-
luerunt tuæ litteræ? at non amor: quem viuere in te scio &
spirare. Quòd tamen occupationibus meis id adscribis: nolo.
Cantero meo non ego semper vaco? verè dicam. tua probitas &
modestia, in litteris studium, in litteratos amor, admissionem ti-
bi tuo iure apud me dederunt inter primos amicos. eaque vtere:
numquam non Lipsius tibi patet, leuato, vt sic dicam, velo. Iuue-
nalem quòd doceri totum à me velles, & probas quæ in eo lêgi,
gaudeo: sed vereor vt id ex omnium gustu sit, qui volunt Histo-
rias & alia (vt censent) magis ardua, à me legi. Ego tamen scripto-
rem cum inter apprimè vtiles numero, & dignum serio interpre-
te & accurato. Itaque occasione captâ Satyram vnâ publicè præ-
lêgi, sed extra ordinem * καὶ ὡς ἐξ ἐμπύρε. Siquid ultra tētabo, vt ar
libro quem mihi offers: etsi ipse bina exemplaria habeam satis
proba. Sed tu quid agis? nouū aliquid cogitas? an Arnobium re-
fingis? Colligo enim ex epistolâ tuâ nec hanc quidem curam te
posuisse. Cupis vt ad Cuiacium scribam pro Excerptis exempla-
ris Regij: quod facturū me polliceor primâ occasione. Ceterum
in republicâ an apud vos quies? ita videtur. Vtinam & concordia
cum finitimis prouincijs, sine quibus firmū nihil esse vobis po-
test contra hostem. Benè, quòd ille alibi distringitur, eoq; simul-
tates exercere vacuum nobis fuit. Classis illa magna ab Occiden-
te, nunc apud Orcadas stare dicitur, expectare ventū quò redeat
ad incepta. Videbimus quò recidēt magni isti & planè regij co-
natus. Latrocinia adhuc fuerunt, nunc bella. Heus tu, audistin?
captiuum Hagæ Hispanum Doctorem Medicum esse, virum lit-
teratum (mirare in Hispano) Latinè disertum, carminis etiā pan-
gendi nō ignarum? Is ad nos scripsit, & subleuari miseriam suam
cupijt, vt consecranci eorumdem studiorum. Pecimus in parte.
Vale mi Cantere. Lugduni Batauorum. Postrid. Kal. Septemb.
∞. IO. LXXXIIX.

EPISTOLA LXIII.

IOSEPHO CONSALVES Doct. Medico.

ALTERA scriptione me occupas, priusquam priori responderim. Et cur silui? non tui contemptu, aut negligentia: absit. sed quia ipse venire Hagam parabam, & in sermone vberius liberiusque tecum agere, quam litteris possem. Id consilium meum euectio vestra subita impediit: & prius audiui Medemblicę vos esse, quam ituros cognouissem. Excusa ergo silentium à causâ iustâ. At nunc scribo, & te, mi Iosephe, per deum & per salutem tuam rogo, ut animum attollas contra Fortunę vehementem hunc ictum. In carcere es, à tuis & à patriâ remotus: quę graua esse fateor his, qui parum exploratos habent casus & res humanas. Te quid hinc fugiat? si usu non didicisti, quam fluxa & caduca hæc omnia nostra, imò & nos simus: hausisti certè è litteris, & illæ tibi millena exempla suppeditarunt casuum similitum aut grauiorum. Tricæ & spinæ, hæc omnis vita: & falleris, si quæris in eâ gaudiorum flores. Nos ipsi, quid?

Ut herba solstitialis, paullisper sumus.

Abiunt hæc vana, & nos abimus: nec quidquam firmi, nisi in firmo illo loco. A Platone tuo didicisti, * *τοσφειδὴν τὴν αὐτὴν εἶναι* & Glor. * *peragrationem quandam esse hanc vitam.* Hæc cogita. & propriè ad tuum casum, assiduum & pænè sollemnem hunc esse fortunæ ludum. Quid crebrius in omni memoria quam carcer? quæ conditio aut ordo ab eo liber? Nobiles, ignobiles; seruos & reges accepit, & capiet. Perseus ille Macedonia rex, sceptro simul & libertate spoliatus, spiritum non traxit solum in carcere, sed effudit. Idem Gentio, Iugurthæ, Ptolomæis aliquot euēnit. & ne ad vetera te mittam, tua gens, illi ipsi Hispani, regem Galliæ Franciscum in custodiâ habuistis; & reges Mexicanum & Peruanum etiam in vinclis. Heu sortem humanam! nasci, dolere, mori. Et tamen felices inter omnes miseras, hoc vno Christiani: quod via nobis per hæc ad aliam vitā, in qua gaudiorum nec modum ullum esse scimus, nec finem. Huc adspiremus, hæc spernamus: & vocem illam ex pectore efferamus, *Dis solui velle, & esse cum Christo*. Mitto ad te libellos nostros de Constantiâ, quos petiisti: magis tamen ad Sacros libros te horter, è quibus

quibus vera solatia petas omnium malorum . Mittam ad te Biblia minuscule, uti cupis, quumprimùm nancisci potero . Nam Antuerpiâ petenda sunt: quoniam hîc inopia eiusmodi exemplarium. Vale Clarissime Doctor, & confide. Viuit Deus. Lugduni Batauorum IV. Eid. Nouemb. ∞. IO. LXXXIIX.

EPISTOLA LXIV.

Hagam.

MICH. HVRALTO HOSPITALI.

TVNE ad me vltro non scribis tantum, sed & venis? tu ille maximi viri magnus nepos? O mihi iucundum lectu Hospitalis nomen, quod nisi iure quodam sanguinis ferres, posses similitudinis & exempli. Scripta illius per te edita, dudum vidi; & habeo (certum me scito dicere) ut Homeri libros rex ille Magnus. Litteratius aliquid edi fortasse potuit, & poterit; nego quidquam litteratius & prudentius simul. Pulchra hæc coniunctio, & quæ nisi sit, abite qui in studiis quæritis solidam & veram laudem: me iudice non feretis. Quod amanter Hagam vocas, inò lectoribus missis pænè ducis: ignosce si non pareo. parebo. Nam dies Mercurij, qui feriatu nobis est, nisi quid interuenit, tibi me sistet. Ita dico, non ut occupationes excipiam aut talia impedimenta: sed ut vnicum morbum. qui etiam à vadimonio, ut scis, excusat. Ego autem iam annos aliquot nescio quomodo non tenui solum, sed incertam valetudinem: nec quicquam promittere de me non dicam in diem possum, sed in horam. Tamen fauebit & faciet Genius meus, spero: eò magis, quod non ad seria vocor (cū Teridate quid mihi?) sed ad risus & Plauti mei sales. O te virum argutum! qui vidisti, quo vno possum capi. Veniam, veniam, & hic mecum. Vale. III. Non. Septemb.

EPISTOLA LXV.

FR. RAPHELENGIO Filio S. D.

CARMINA tua de me legi: proba & arguta. & in quibus hoc vnū moneo, ut videas sic me deinceps laudes, nequid offendas eos apud quos viuis. Tēporum non ignari sumus: cum quibus pugnare te nolo, etsi haud seruiliter seruire. Apud te & interio-

interiorem tuum animum liber esto, recti iudicii & sensus: in sermone interdum tempera, nec offende qui possunt offendere. Sapientia vera firma est, non tamen elata: non timet pericula, sed nec prouocat aut lacescit. Ascanij illius apud poëtam iuuenilis nimis ardor est, qui

Optat aprum, aut fuluum descendere monte leonem.

Non ita nos. qui abundè fortes sumus si excipimus, non etiam incurrimus in discrimen. Plura vellem, non vult hoc æuum. Senecæ Excerpta tua accepi: & erunt vsui, si deus volet. Nam ego amo & adiutum seriò volo scriptorem illum, præceptis optimum si non vitâ. Quamquam in ipsâ vitâ, si consideras, præponderant vilibus aut seruilibus, recta eius facta. Certè extremus ille Actus si in fabulis poscit palmam: laudabilis valdè in isto. Iure doles & culpas, quæ ad Polybium scripsit, vt opinor, exsul. Quid facias? verè tunc iacuit: nec credam animo eius plenè adhuc impressum à Sapiëntiâ robur. Ego non tam miror scripsisse ea hominè, quàm indignor edidisse. Quidam temporibus sepè damus, sed furtim & apud vnum alterumve: quod nō nisi propudium aliquod hominis diuulget. Sed de isto aliàs, & fortasse ad ipsum. Esse qui opinionem tuam fefellerint in amore & honore litterarum: non miror. Per bella ciuilia non spirant Musarum venti. Tamen, mihi crede, illæ viuent, & in portum venient inter medias turbas & naufragia multorum. Tu eis adhiære, & Pietati ac Virtuti inprimis: sine quibus nec verè honestus vmquam eris, nec Meus. In nummo Orteliano (frater tuus me consuluit) nihil video, nisi ipsum sciam & quæ adiuncta: id est, quo tēpore, quid symboli. &c. Lugd. nostræ, IIII. Kal. Nouembr. ∞. IO. LXXXVIII.

EPISTOLA LXVI.

Burdigalam.

PETRO BRACHIO.

LITTERAS à te accepi, mi Brachi, benè amicas. Etiámne amor ad me penetrat è locis tam longinquis? nec tamen de te miror, qui totus es ipse Amor, sed fidus ille honestusque. Ita me Fama & tui similes ametis, vt cor mihi tetigit tam pius ille tuus in tuam affectus. O exemplum in omni æuo rarum! & magis in isto, quo non solùm desijmus laudanda facere, sed etiam

laudare. Liuor & obrectatio passim, bonorum operum impedimenta aut venena. Quid tamen te moerentur? qui vitæ delinimenta proijcere & conculcare potuisti, nonne facile ista? Mihi constantia tua admirabilis est, amicitia grata, scripta nuper visa & probata. Nam tulit ea ad me noster Doufa, quem nihil eiusmodi florum, quos Musarum vsquam hortus alit, potest fallere. Tu verò salue poëta, non poëta: ingenio talis, moribus iuxta Socrates omnes aut Catones. Ab eius filio habes carmen quale petijsti. Cur non à me? iuro salutem meam, ab aliquot annis nihil tale iam scripsisse, & vix posse. Morbi quid habeam, tenes: & quàm non per eum alacris animus & poëtafter. Ignosce. volui, sed hoc tantùm. Tamen aliàs videbo, & si quis etiam halitus me adspirabit ex illo vestro & veteri meo fonte; seruiet cælesti tuæ A M A T A E. Nunc festinabat Faius Hospitalij magni nepos, cui litteras has dabam. Vale, & qui constantis amoris exemplum es, constanter etiam me ama.

EPISTOLA LXVII.

IANO LERNUTIO.

LITTERAS tuas ad Coluium vidi, non ad me: nec indignor. Illud indignor, quod tam diu in tristissimo illo squalore sedes, & nonnullâ tuâ culpâ. Quid expectas? liberari * *ἀμύδι?* numquam fiet. Scribamus omnes, & ad omnes: numquam nisi minis extis placabimus tuum illum Ditem. Fuge, fuge, ab Acheronte: præsertim cùm de Irenes accessu nulla ultra spes. Decedet aliquid rebus tuis. Vbi sapientia? hoc scilicet mauius, vt tibi? Perceant illa omnia, dum saluus nobis noster Lernutius. Quamquam nonnemi, quem non nomino, exigua sit è magno metallo illa rasura. Sed qualisqualis, ferenda, subeunda. Aliâ viâ qui effugium tibi esse suadent, non suadent vt amici. Torqueor cùm hæc scribo. Tunc illis aliquid credis, quibus nequid ego crederem, tu mihi primus auctor? Sperne, & sape. Litterulas cogitas, & nostras deas, valdè scilicet gratiosas apud illos * *ἀγροφάκους* & militares. In pretio pretium est, mi Lernuti: & cetera in fronte grata sunt & verbis. Verba ego tibi non dabo. siquid possum, non pete, sed iube: siquid non possum, abstine tormentum mihi dare, cui hoc
fatis

* sine pretio?

* agrestes.

fatis tormenti, quòd tu tamdiu in tormento. In Rogerfio specula aliqua erat: ille nunc in Daniâ. Ad Tho. Hencagium bis scripsi, sine responfo. Præfectus Briellanus, & per eum rogatus Vliffinganus scripferunt; fed non alio effectû, quàm vt meliusculè habereris. Ipse mihi Briellanus coràm dixit (probè autem nouit hominem) precibus aut interceffione solâ numquam te liberandum. Habes meam fententiam. vtinam ad eam tua inclinet, & omittas aliquid fiue de constantiâ illâ tuâ, fiue de rigore! Quod mihi, hoc amicis & notis omnibus tuis videbatur. Ciftas & quæ in ijs, confecto rerum Indice, traditas fcito Sayonio cognato tuo. ille porrò mifit, quòd debuit: & credo, iam appuliffe. Nos cùm certum aliquid in rebus nostris ftatuerimus, te non celabimus. Vale. & illinc euade, fi nos valere vis. iv. Idus Septemb. ∞. 10.

LXXXIX.

EPISTOLA LXVIII.

THEODORO LEEWIO.

DE filentio ne excufa, aut me accusas. Nónne & ego filius? Sed profectò, quòd aliàs scripsi, ferius & fortis ifte amor delectatur quidem fomentis litterarum, fed & fine ijs viuit. Nofter, vt fpero, æternùm. Cogitatio eum pascit, cùm non ferimo. De pede tuo moleftum mihi audire: idque ex meo fenfu. Nam ego eam partem tam earam, quàm ipfum caput habeo: cui vita fedentaria, non fit vita. Scis quàm ambulatione delecter & motu. Cura eam igitur, fed lentè & molliter; quia nerui reduci ad officium volunt, non cogi. Filium tibi agnatum ex animo gratulor. deum precor vt is tibi heres fit non opum magis, quàm animi & virtutum. Crescat, crescat. Ego illum & te videbo, cùm primùm fe aperuerit & diffuderit ftricta hæc aura. Nónne in mediâ hie me etiam nunc videmur? Quòd catellum illū nuper mihi vifum & fimul amatum offers: agnofco amorem. Accipio: & habeo pro munere magis mihi caro, quàm fi gemmas à te vel aurum. Non rideo. amaui à puero totum hoc genus, & video idem feciffe præftantes aliquot animas ab æuo prifco. Telemachus ille Homeri in concionem etiam vênit, canibus duobus affeclis; & Patroclo fuiſſe nouē * *newas regnantes*, idem vates tradit. Non enim ad ve-

* canes
mensarios.

nationem solum aut Dianæ studium : sed ad voluptatem & tutelam habebant.

Hæc leuifomna cantum, fido cum pectore, corda.

Ad summam, mitte, sed per fidum aliquē : ego cum paullò amplius amabo, etiam tuā mittentis causā. Sed bonā fide, vxorcula non ringitur ? carere eo potest, aut vult ? absit vt iratam habeam tuam lunonem : quamquam ea tam mitis, vt nesciam an habeat bilem. Sed eā lege tamen mittito, si volet illa. De rep. nostrā non vanè asseris pendēre eam ab alienā. Ita est. in Galliā certamē nostrum cernitur : & qui ibi exitus, exspectandus & nobis. Vt cymba magnæ alicui naui annexa, ita nos Galliæ sumus, imò pleraq; adeò Europa. Exspectemus euentum fortes, erecti, & si volumus numquam serui. Poëta Ennius olim egregiè :

Ea libertas est, qui pectus purum & firmum gestitat.

Alia res obnoxia nocte in obscurâ latent.

Tale pectus induamus, non concutient nos omnia humana. Vale, & vxori tuæ salutem dicito, pusionem etiam tuum à me suauiare. Lugd. Batauor. VII. Kalend. April.

EPISTOLA LXIX.

Lutetiam.

FEDERICO MORELLO V. C.

TVNE ille es, mi Morelle, qui amicitiaæ meæ fores suauiter pulsas ? ades, ades. nemo hoc anno grator mihi hospes. Præsertim qui Florente illo comitatus ad me venis : quem quis excludat, nisi quem Gratiæ & omnes Musæ ? Nam profectò illud Siculi vatis in eum continet

— * *χαίρων ἱερὸν φυτόν.*

* *stirps sacra Gratiarum.*

Deus bone, quàm me delectârunt illa Tragica eius siue Comica ! Altera res tentata ~~per me~~ nostro Scaligero, altera nec illi. Gratulare viro. cuius ego labori faueo, & maximè argumento. O quando nos & vos inuiset candida illa Diua ? Si quando ; certè ego recto pede ad vos, mihi populariter tam amicos. Libellos epistolæ adiuu etos percucurri : sed hoc tantum. nam herè demum accepi, cum in viâ diutulè hæsisset. Amaui & exosculatus sum tuum iudicium in Thebaïde, quam voluisti etiam producere in illud Europæ theatrum. Age, age, sic oportet : inferere inquam

iuuen-

iuventuti non ea quæ probantur maximè, sed quæ probanda. Certè illa fabula sublimis & ætherei spiritus est, & soni in versibus supra omnes tubas. Tu, qui legisti, agnoscis. Notas ad eam Florentis vidi, & amavi. Cui à me dicito, scriptum illum vnà tecum non in externo & ambitioso isto amicorum albo, sed cum paucis * *ἔς τῶν φρενῶν δέλτοισι*. Qui quòd elogia aliquot tam amica * *in animi tabulis*. mihi tribuit; quædam non agnosco, in quibusdam nec ignosco. Irascor in illo ad Thebaïdem, quòd me Prætoris magni loco habet, se nec lixæ. Apage immodestam hanc modestiam: & ita me nôrit atque æstimet, vt etiam se. Eiusmodi viri (non sinuoso pectore hoc dico) magnus honos mihi, si non asseclæ mei, sed collegæ censeantur. Illa iudicia eius de Scaligero patre castigatiora, & planè ex meo sensu. Laudabilior ipse apud me, ob eas laudes. Nam quod de Tullio dixit vetus magister, *Pro-*
fecisse multum cui is placeret: ego veriùs, Magnum esse, cui Iulius iste magnus. Cuius ego vitam iamdiu haueo mittere in scripta, si aliquod mihi auxilium ab ijs qui interiora & minuta illa vitæ nôrunt. Nam maxima nobis patent, mirâ & ingeniosâ de se alibi atque alibi scriptione. Tu mi Morelle, vt claudâ & coërceam animum nimis se diffundentem, me amare perges, vel constantiæ tuæ causâ: ego quidem te seriò, per vestigia Turnebi nostri & munera euntem ad illud ipsum veræ gloriæ culmen. Lugd. Bat. VI. Id. Decemb. ∞. IO. LXXXVIII.

EPISTOLA LXX.

HADRIANO SARAVIAE.

QUOD siluisse me scribis, miror & doleo: cum plenè & seriò responderim ad priores omnes litteras tuas. Quas ab aliquo iam interuallo nullas vidi, præter has querulas & breues: sed ideo mihi gratas, quia tales. Nisi & me & mea amares, non quærerèis de officij huius intermissione. Illud grauius, quòd de morte filij tui (heu vnici) scribis: in quo, numquam ex animo gaudeam, nisi ex animo sum tristatus. Amabam modestissimum ingenium, nec vltrà laudandum, ne desiderium & causas dolendi tibi augeamus. Scis communem legem, Dei ab æterno decretum, & alia quæ alij hauriunt à tuo fonte.

Hæc ipse tibi nunc instilla. Imus huc omnes, mi Sarauia: nec coniungimur, sed leuiter alter alterum anteimus. O beati, qui in beatâ illâ metâ! nam hîc etiam in optimo statu, quid nisi miseriâ? quanto magis in his publicis Europæ ruinis? Nam mutari eam totam & inuerti, nemo prudens non videt. Censebam Politica nostra posse me mittere sub hoc tempus, trina aut quaterna folia etiam nunc restant. Firmioris attentique iudicij Lectoribus probaturum me id Opus spero, numquã ijs qui peruolant, & instar apum scripta saltem delibant. Thomam Heneagium à me salutes velim, virum Musis & mihi valdè carum. III. Kal. Sext.

EPISTOLA LXXI.

*Antuerpiam.*FR. RAPHELENGIO *Filio.*

SENECAM tuum sub vesperam accepi, & eum ipsum ad læcernam libaui. Placet seriò: perge, perge. Malè cœpisti, si hîc desinis. Saliuam tantum, quod dicitur, nobis mouisti, exple desiderium vberiore aliquâ mēsâ. Quid tam proprium huic studio, quod auum tuum immortalem reddidit, quàm Critice? quam si adiungis iudicio, vt cœpisti, & opportunè: non rem solùm magnam feceris, sed famam. Neutram harum contemne, etsi aliquid ante eas pone. In poëtis alijs velim te simile aliquid aggredi. an in Iuuenale? iuuabo: aut in quocumque alio, quem leges. Nam hoc Poëtices studium, & in eâ emaculandâ labor, non dedecet hanc ætatem. postea ad grauiora te ducam. Hortamina quæ nuper ad te scripta misi, credo legisti & imbibisti. O vtinam! vtinam erigas, inquam, te, & vno certoque tenore eas, alacer semper & vegetus, quid non effecture? Velim ad me seriò & liberè scribas, siquid est quod te mordeat aut absterreat. depones in fidum & amicum planè sinum: nec id tantum, sed etiam auxiliatorem. Nam ego te, mi Raphelengi, quamdiu ero, non deseram: & iuuabo consilijs, & quâ aliâ re potero. Confide. cum leni non medico solùm, sed amico tibi res erit: indica siquid est morbi. Spero sanè nihil esse, & scio causam tibi non præberi ab Auo, qui te amat vt ex se natum, non vt nepotem: tamen cum interdum iacere te ex litteris tuis intellego, suspicor nescio quid non esse ad tuum sensum. Æuum & mores illos noui. torquent? indi-
ca. si

ca. si concoquere non potes, subueniet * *ἐπιδρῦα*. Ego scio non * *peregrinatio.*
 omni ingenio cōuenire, quod Homerus Marti suo ascribit, * *ἀλ* * *huc illuc*
λατρεῖσαλλος. Reperimus quod ex usu tuo fiat, & cum gratiâ tuo- *se flottens.*
 rum. Deum rogo ut te firmet, iuueniles leuesque animi motus
 tollat: quibus subijci te non ignoras, & vincere eosdem debere
 ac paullatim atterere, hoc quoque non ignoras. Vale. Ex vrbe no-
 strâ veteri. vi. Id. Nouemb. Optimo Ortelio salutem.
 Nos è Nundinis nec litteras, nec Catalogum. fatin' ferio vestri
 nos curant aut cogitant?

EPISTOLA LXXII. *Francofurtum ad Oderam.*

FRANCISCO HILDESHEIMIO.

TAM benigna tua salutatio meritò litteras meas elicit; etsi
 breues. Multa mihi tribuis, Vir Clarissime, sed vereor ut
 amore inductus, qui in hanc laudis partem nō bonus iudex. Ego
 te amo ob amorem, & ferio deinceps censeo inter meos. Quod si
 in Germaniam aut loca propinquiora vniquam venero (ita au-
 tem statui): crebrioribus istis litterarum alloquijs fouebitur ami-
 citiæ hæc herba. Sin hîc mansero; profectò id arduum in tanto
 interuallo. Rari à nobis homines illuc, nisi ad mercatus Franco-
 furtenses: nec ij semper certi. De Plinij loco eruditè differis, nec
 quidquam addidero aut mutauero in tuis dictis. Macte! virum
 te esse video, quales in illo orbe pauci. Sed, nisi fallor, breui
 eas quoque oras illustrabit melior hic Phœbus. Vale. Lugduni
 Bataur. Postrid. Kalend. Sextil.

EPISTOLA LXXIII.

Antuerpiam.

CHRIST. PLANTINO.

MI amice, nulla vniquam epistola tua aut gratior mihi aut
 grauior fuit hac postremâ. Languidâ manu scriptionem
 tuam nimis exosculatus sum, & seruabo pignus fidissimi inter
 nos amoris. at dolui in tuâ afflictissimâ * *valetudine*, quam ta- * *Qua illi*
 men meus mihi dictat & præfagit iam esse meliorem. O Deus, *postrema.*
 & tu, facite me cōpotem huius voti! Aliud nihil scribo, nisi hoc.
 quicquid à me factum voles, etiam cū me præcedes & in vili
 hac

hac terrâ non eris, impera: non viuum magis amaui, quàm post-
câ verè viuum amabo. Salue, Salue, Salue.

EPISTOLA LXXIV.

FRANCISCO RAPHELENGIO *Filio.*

CERTE, mi Raphelengi, tristi nuncio percussi sumus, tristi:
nec cuiquâ vestrûm qui sanguine iuncti estis, aut in aman-
do cessi, aut nunc in dolendo. Amisisti tu auum optimum, alij
patrem, ego amicum, sanctum nomen & rarum hodie in terris.
Heu mi Plantine, quis mihi post te alter? nemo: nō magis quàm
ante te talis quisquam fuit. Beatum quidem te, qui extra præsens
& imminens omne discrimen, extra molestias, quæ senile etiam
caput tuum circumstabant: at nos volumur & reuoluimur in
medio æstu. Tu mi fili multum amisisti, in omni fortunâ tuâ
consilium, solatium, opes. Amabat te, hoc scio. Sed feramus, &
illius maximè exemplo (in quo enim hæc virtus clarior?) prompti
volentesque sequamur magnum illum Deum. Scripsissem ad
Moretum & heredes, sed ita me salus amet, vt ego minimè aptus
sum ad solandum. Non quia iaceam (hoc dedecus Constantiæ
nostræ non imprimam) sed quia haud ita firmiter stem, vt erige-
re alios possim. Vacillo ipse, & rationum itemtidem fulcro me
sustento. Ad te nuper breuiter scripsi de Italiâ. nunc hoc addo,
omnino ad nos venias, priusquam in alterutram partem aliquid
decidas. E re tuâ erit: nec quicquam suadebimus, non dicam
præter vtilitatem, sed fortasse nec tuam voluntatem. Ades. Po-
strid. Idus Iul. ∞. IO. LXXXIX.

EPISTOLA LXXV.

Romam.

FRANCISCO BENCIO.

TANDEM, tandem, vnas à te litteras. Nam & ego ordiar à
querelâ. Tu ne misisse quidem fateris: ego scripsisse seriò
me testor, sed tamen frustra. Quæ autem mea culpa est, si homi-
nes parùm fidi hodie aut diligentes? Ego te, mi frater, diligo: &
numquam suauissimam illam consuetudinem nostram rumi-
nor, sine interioris animi motu. Tuæ litteræ me excitant, & velut
adspirant

adspirant in hoc languore nostro vitalem aliquam auram. O terra, ô viri ! vtinam per vires aut tempora vos registis ! Sed ego, mi Benci, inclino, non tam æuo fractus (eâ parte adhuc virco) quàm lento & nescio quò intestino morbo. qui tamen vitæ officia atque ipsa studia leuiter interpellat. Vos iacturam ante biennium in Mureto fecistis : cuius Senecam, extremum opus, etsi non confectum, probamus. Orationem tuam in eius funere, & quidquid tuum, vidisse velim. Rarò ad nos veniunt melioris cæli illæ deliciæ : & possunt tamen per Plantinum. Ad eum virum mitte, quidquid ad me voles : & inprimis (per sacrum illum Amorem te rogo) si quid editum à te, aut edendum. Censuram vis ? libera erit. Laudes ? effusæ. nec alius hodie id fecerit magis ex affectu. Amo, amo, primos illos meos ignes, & in iis puriter liquefco. Illustrissimum Sirletum superesse apud vos gaudeo, columen perfectissimum virtutis & doctrinæ. Fulvio Vrsino quid sit, quid Latino Latinio optimo seni, gratum si per te sciero : & si à me eos salutabis. Edidi quædam nuper, sed leuia, nec nunc mittenda. Vale, & me ama tui & probitatis amanti. In Bat. prid. Kalend. Septemb. ∞ . Io. LXXXIX.

EPISTOLA LXXVI.

GERARDO TVNINGO.

AD litteras tuas, mi Tuninge, breuiter respondeo: & hoc ipsum amoris est, quòd respondeo. Nam etsi vis illa morbi me reliquit, tamen languor & debilitas manet: nec mens aut manus satis apta ad suum munus. At ego te ex animo amo, & crescenti virtuti tuæ faueo: eoque expressa mihi hæc scriptio, eius iudicij mei index. In foro versari te iam credo: & quamquam res nondum calent (tempus ista adfert) tamen carceres tibi aperti ad cursum. Stadium hoc sub initia molestum & arduum fortasse videbitur: dies molliet, & scopus qui tibi in oculis esse debet, cum Lucro Honor. Dignitas enim & splendor plerumq; ab isto campo. Ego ad amicos meos cum scribā, non deero te commendare de eâ notā quā te noui. Tu confide. sponsor ego tibi, si perges hac Virtutis & Modestiae viā, quā cœpisti, de optimo successu. Vale, & duo illa, ac me vnā, ama. Lugd. nostræ Bataur. v. Kalend. Decemb.

EPISTOLA LXXVII. *Ultraiectum.*

THEODORO CANTERO.

CVM mutationem rerum audiui, quæ apud vos facta, lætatus sanè sum, quia omnia in melius versa & modestius: nec tamen valdè miratus, quoniam veterem illum statum violentum & turbidum, sciebam non posse esse diuturnum. Illud nescio an lætari debeam, te potissimum electum qui clauum teneas in hac tempestate. honori tuo quidem gratulor, idque amicissimo animo: sed molestias video, atque adeò discrimen etiam quod adiunctum, nisi clementer te dirigat & seruet ille, qui te huc destinauit. Id quod spero, & cum ex affectu rogo. Illud ego valdè velim & suadeam, ita clementer & leniter omnia nunc administrari, vt vix appareat conuersum esse orbem rerum: appareat, inquam, dolore cuiusquam aut poenâ. Vltio & affectus seponantur; & satis sit (meo quidem iudicio) inutiles homines remoueri ab reip. administratione. nisi si quis est vnus aut alter, qui palàm in càm se gesserit malâ fraude. Sed nec omnia subito mutanda, etiam quæ mutari melior ratio suadet: lentè, lentè, & minimo sono. Pro nostro Arcerio sollicitor. manebit illi sua conditio? velim, quod in te sit, iuues. Non enim puto virum è calidis illis esse, qui omnia & omnes turbant. Thinnius noster an redierit, nondum audiui. omnino ego opinor: & admo- uendum iterum rebus virum peritissimum rerum. Quod cum sciero, ad eum scribam. De Prætoris reditu, audiui: & velim meo nomine illi gratuleris. Nisi aura hæc turbida impediret, ego sanè ad vos euolare, & facerem linguâ quod nunc stilo. De filiis tuis, ij mihi curæ erunt. Sæpè me adeant, semper mihi grati. Vale. 14. Idus Octobr.

EPISTOLA LXXVIII. *Uratislauiam.*

IACOBO MONAVIO.

LITTERÆ tuæ à se gratae, mi Monavi, hoc asperum habuerunt & triste, quod nunciârunt de morte Andreae Dudithij, magni & sapientis viri. Qui, etsi præter ætatem nihil
passus

passus videri potest, aut præter communem illam legem: tamen profectò dolori est, & amicum nos amisisse, & Germaniam in hoc statu rerum spoliata notæ modestiæ & prudentiæ viro. Nam in aulis Principum, quàm multi passim, ut sic dicam, incendiarij turbarum, & qui * *πῦρ ἐπὶ πῦρ* addunt? à quorum ingenio alienissimus hic noster, natus sedare ciuiles istas tempestates, non excitare. Sed deo pacis visum, vocare ad se istum Pacatorem: ideoque feramus, in Constantiæ nostræ monitis fixi. De amore tuo in me, gratiam non habeo solum, sed refero. quomodo? amando. atque ego te vnum hoc pretium exspectare scio tui affectus. Mihi quidem iucundum & quasi pabulum quoddam studiorum est, amari non tam à magnis, quàm ab eruditis & vitâ quoque probis viris: quâ in classe te scio esse, optime Monaui. Nos valdè nunc distringebamur editione Politicorum. quod opus Regibus Principibusque scriptum, utinam vsui quoque ijs sit! quod non despero, si capere tamen poterunt eius generis scripta. Sed deus videbit. ego arduo labore defunctum me scio, & soluto pede ad mitiora & planiora iturum. Thræseas noster omninò differendus est, & te aliosque rogo, ne quis me roget. Vale Clarissime Monaui, reliquum in ijs locis affectus mei fulcrum. Nonis Iunijs.

* *ignem ad ignem.*

EPISTOLA LXXIX.

LAEVINO CALVARDO.

SCRIPTIO tua mihi grata, & scribendi causa. Amor in me, & humanitas in ad afflictos te impulit: quorum vtrumque amo, & hanc etiam laudo. At illud mihi iuxta ac tibi nouum, fuisse in eo grege Hispano hominem Latinas quoque litteras doctum, & doctorum amantem: cui auxilium, aut certè solatium, meritò debemus. Id, quod in me est, non faciam solum sedulò, tam amicâ præsertim tuâ rogatione inuitatus, sed iam feci. Conuèni quosdam qui cum Prætoris huius vrbis agant, qui nauim eam cepit, & in cuius hic est manu. Videbo an in vrbeim nostram adduci possit, eamque habere pro custodiâ. Sanè Musarum illum alumnum æquo iure censerem cum Barbaris, ignominia nostra sit mi Caluarde. quem ex animo

saluere iubeo, & me amantem tui quoque amare. XVII. Kalendar. Septemb.

EPISTOLA LXXX.

DOMINICO BAUDIO.

PLVSCVLAS à te litteras accepi, fateor: ad quas filui, non voluntate aut subitâ ignauità, sed quia deinceps sic cogit ualētudo. Tibi narro Baudi. frangor paullatim, frangor: & per assiduum hunc languorem deserit ponitq; calor & vigor ille in nobis, velut ventus. Velo ferri solebamus, nunc vix remis. Politica etiam mea, serium opus, valdè me tenuerunt. Nunc ipsa absolui, nondum quæ ad ipsa: id est Notas. Inuidia fatebitur arduum & operosum opus esse, nescio an probum. Tu certò & semel sic existima, te à me æstimari, amari: & semper id fore, siue scribo, siue sileo. donec perpetuū tamen silebo. De munere siue titulo, quo non sine fructu gaudes, tibi gratulor, & voueo atque auguror maiora. Amante ama. Idib. Iul. ∞. IO. LXXXIX.

EPISTOLA LXXXI. *In Hungariam.*MICHAELI FORGACZ, *libero Baroni de Gimes.*

AMANTER valdè me prouocas ad scribendum pariter & amandum. quis tu es? ignotus mihi, imò notus, vel ex unâ epistolâ istâ, in quâ faciem video pulcherrimæ mentis. Etiamne ille vester remotus, & verè Martialis tractus, educat ac profert Palladias istas proles? gratulor tibi hanc indolem, te patriæ: quæ profectò præsidium grande & lumen expectat ab eiusmodi alumno. Quòd si hanc directam ad laudem & Virtutem viam, plerique è tuâ classe ingredi vellent: quid Europâ beatius? quæ nunc iacet misera, vndique telis confixa ciuiliū barbarum. Sed resurget profectò aliquando (& ea certa spes me tenet) eiusmodi adminiculis & fulcris. Tu perge, & te litterarum ac Sapientiæ studiis primū, mox patriæ trade: palàm factururus, quantum intersit inter doctos cultosque Nobiles, & istos, qui nihil lucis habent nisi à luce maiorum. Meam quidem amicitiam quòd appetis; ita cupidè offero, vt ipse propior appetenti sim: & in tempore ostendam. Lucubrationibus nostris quòd delectari

etari te scribis, utinam & iuuari! Spero tamen id facturum opus quod nunc edo, in quo Principem formo & eos qui ad gubernacula rerum adinouentur. Laboriosè mihi opus scriptum fa-
teor: sed vobis, vobis, non huic vulgo. qui nec capiet, nec si
capiat, fructum faciet in præceptis quæ nihil ad ipsum. Re-
gendi imperandique munus vobis conuenit; plebi *obsequij gloria*,
ut ille inquit, *relieta est*. Nobilissime Baro vale. Nonis Iuniis,
co. IC. LXXXIX.

EPISTOLA LXXXII.

Coloniam.

GVLIELMO CRIPIO Filio.

Ad epistolas tuas respondere, mi Cripsi, magis volo ali-
quando quàm possum. Distringimur nimis sæpè, nec cum
nuncius appellat, vacamus illicò ad scribendum. Addo, quòd
plerumque ille festinat. Hoc semel scito, & excusa. Aliàs, amo-
re, tuumque ingenium: quod excitari etiam nostrâ voce nonni-
hil velim ad pulcherrimas artes. Etsi enim per te promptus ere-
ctusque es: tamen ut equum in cursu plausus, sic optimam in-
dolem laudes & adprobatio iuuant. Quamquam quid valdè
iis apud te opus? patrem habes, * *πάντοίης ἀρετῇσι κεκασμένον*, ut ait * *omni vir-*
Homerus de Vlysse: virum reuerà & usu & doctrinâ inter Bel- *tute deco-*
garum primos. Hunc audi. * *Αἴματι* & *εἰς ἀγαθοῦ φίλον τέκνον*: qua- *raturum.*
so ne degenera, & lucem quoque à te aliquam adfer ad illam lu- ** Sanguinis*
cem. Quod porrò scribis de libris illis priscis: magis est ut vo- *es boni care*
ucam, quàm ut credam. Sæpè iam ita decipimur. Blandi rumo- *puer.*
res sunt de *Ciceronis Republicâ*, de *Liuij reliquis*: sed rumores.
—— * *κακὸν δ' ἀναιμώλια βέλτερον*. Vale, & in virtute ac doctrinâ pa- ** malum*
riter mihi cresce. Lugduni Batauor. Postrid. Idus Mart. *vana dice-*
re.

EPISTOLA LXXXIII.

IOH. ARCERIO.

VIR doctissime, Res tuas iterum stabili loco esse, idque in
ipsâ patriâ, valdè tibi gratulor, * *καὶ ἀπὸ βαθείας γνώμης συγχαίρω*. * *ab in-*
Præsertim cum honestissimum illud munus adeptus sis, & in lo- *timâ men-*
cum successeris viri nobis olim amici. Ita profectò est. Deus non *te gaudeo.*
deserit

* equi se-
nium.

* magnum
opus im-
perfectum.

* multa-
rum ur-
bium sol-
uit culmi-
na:
Atque etiam
soluit.

deserit suos, sed abducit à loco vt ad meliorem reducat, & obij-
cit sæpè non sperata. Nos in tenui & veteri nostrâ valetudine, ta-
men Politica absoluius: quæ vtinam ne mecum langueant, &
sint, quod dicitur, * ἡ πρὸς γῆρας, Mihi tamen firmum compa-
ctumque opus videbatur, & ferendo æuo: sed mihi. Vestra alio-
rum iudicia exspecto, nec antè me do ad absoluendum. Nam
quod ad notas attinet, * μέγα ἔργον ἀρετῶν, vt ille inquit; & id quo-
que fecit morbus. Exemplaria quattuor ad te mitto, distribuenda
pro inscriptione singulorum. De Galliâ, credo vos audisse
magnum illud facinus, & inopinatam Regis cædem. Ego video
Deum res magnas, res nouas moliri, & conuersionem status in
vniuersâ Europâ.

———— * πολλάων πόλεων κατέλυσε καίρῳ,

Ἡ δ' ἐτι καὶ λύσει.

Vtinam saluis nobis! Vale vir ornatissime, & cum vxore tuâ à
me meaqué salue. Lugd. Batauorum, XIII. Kalend. Septemb.
∞. ID. LXXXIX.

EPISTOLA LXXXIV.

ISAACO CASAUBONO.

NON redditas tibi litteras meas, mi Casaubone, non miror
solum, sed indignor. Spernam ego te? ne differam qui-
dem: & respondi illico vt accepi tuas. Grata mihi & ~~à tali affectu~~
~~no, quod iam diu affinis~~: & à tali affectu, quem calidum pro-
fecto in me promiss. Amo, amo vicissim; nec tam frigidum aut
rigidum mihi pectus, vt non incalescat & moueatur ab hoc ig-
ne. Strabonem tuum vidimus, & ~~multisque~~ perge per
Deum, & quoniam Scaliger noster in hoc genere toto filet, tu
prodi & age hanc personam. ~~Quamquam, videri vult, pergit.~~ Sed,
heu, Gallia vestra quàm æstuat! vetus, flores, & illud regnorum
vt sic dicam, regnum, quàm periclitatur non cōuertere sed euertere!
Illacrumo. nam fateri debemus illustrium ingeniorum iam ab
aliquot annis hanc matrem fuisse, aut sedem. Nos quoque in ve-
teri nostro bello: sed minùs feruido, & consumimur lento quo-
dam igne. Feramus; & nos, mi Casaubone, istis litterarum Sa-
pientiæque studijs inuoluamus: in quibus abductio, aut certe
aliqua

aliqua seductio est à turbis. Vale. Lugduni Batauor. Postrid.
Non. Sext.

EPISTOLA LXXXV.

PHIL. MARNIXIO.

ACCEPISSE te librum nostrum, legisse, probasse, serió ego gaudeo. In tuo iudicio quidni acquiescam? qui fecasti hos fluctus, & benè penitus te immerdisti in rerum ciuiliū istud mare. Nosti ergo, & peritiam tibi ingenuit ipse vsus. Qui nobis quidem modicus adest, & liberè cum Homérico adolecente fateor,

* Οὐδὲ τι πω μύθοισι πεπερήμαι πυκνοῖσιν.

Quò magis vestrum est, monere & dirigere siquid peccamus. Quod malles in Ευσέβειας illà reverbis quoque me εὐσεβῆν, spre-
tis illis profanis: fecissem profectò, si distinctiùs & accuratiùs
dicendum de ijs mihi putassem. Hoc omisi, aut distuli: & caus-
sam nónne vides? Cùm tā pauca & timidè dixerim, nunc quo-
que vndique incurrunt, pænè dixerim,

* Neque
ego adhuc
sermonum
prudentiū
usum ha-
beo.

— * ἀγροτέροισι σύεσιν ἰσικότες.

quid futurum erat si magis me diffudissem? Libaui igitur: &
ideò in stilo quoque nihil mutauī, & exiguam illam laciniam
pertexui filo quo reliquam vestem. Quod si tamen tibi hīc aut
alibi aliud videtur, mone, & me deuincies. Aliorum voces siue
calumniæ, asperæ: * ἀγαθὴ δὲ ὁδὸς ἀπορίας ἐστὶν ἐταίρῳ. Tuus Gedeo
Botzelarius mirum est quàm se nobis probet, modestiâ, dili-
gentiâ, profectu. Stirpe suâ dignus euader. Vale. Lugduni Bat.
Prid. Kal. Octobr.

* agresti-
bus suis
similes.

* bona ad-
monitio
amici.

EPISTOLA LXXXVI.

Leodium.

DOMINICO LAMPSONIO.

IAM nunc mihi adest, qui ad vos abit. Ipse tibi dicet, tem-
pus mihi non fuisse ad longam scriptionem: atque adeò, vt
familiariter tecum loquar, è lectulo me excitauit. Sed vigilo, vi-
gilo cùm Lampsonij nomen auribus & menti meæ insonuit.
Iamdiu etiam ego à te nihil. quid tūm? tam scio amare te, quàm
me spirare.

* Οὐδέ τις

* Non est
amator.
perpetim
qui non
amat.

* Οὐδεὶς ἐραστὴς ὅστις ἐν αἰεὶ φιλεῖ.

* multa
menti ma-
gis, quàm
multis
verbis stu-
diisse.

Politica nostra absoluiimus: cape, lege, arbitrare. Nam iudicem aliquem te tuique similem, valde mi Lampsoni volo: versatum in rebus scilicet, nec à lectione solum sed ab usu doctum. Vide sicubi erramus. Breuia ista sunt, & adstricta, fateor: sed apud te quid excussem? scio in eiusmodi rebus rem te velle, non supina aliquot & natantia verba. quò nimis ferè inclinant, qui res Ciuiles hodie scribunt. Nimis, inquam, se per disputatiunculas diffundunt. At mihi Cretenses illi probi: quos Plato ait * πολυλογία μαλλον, ἢ πολυλογία ἀσκηται. Nos iam in manu habemus Dialogum *De magnitudine Romanâ*: & perficiemus, si Deo visum. Epistolarum etiam Centuriam alteram extrudimus, & priorem reformamus. Apud me ista: tu quid? scribe, scribe, nec (quod callidæ amantes solent) desiderio nos torque. Lugduni Bataurum, Postrid. Idus Sext. ∞. IC. LXXXIX.

EPISTOLA LXXXVII.

FR. RAPHELENGIO *Filio.*

MI Raphelengi etiam nunc fluctuas? quousque? Semel statue rationi & nobis pareas, an tibi. Illa suadet differri iter in proximam æstatem, ob causas multas. E famâ tuâ erit, è re tuâ, ex usu familiæ Plantinianæ. Tam citò solui & abrumpi illum cœtum sublato capite, sit indignum. Causas quas habes, ego quoque intellego, atque adeò approbo: sed calidè nihil fieri volo aut importunè. Ne nimis cupidè cupe quod cupis. Mali ominis sit nimia hæc festinatio. Audi me ex animo loquentem. Ire te in Italiam ad multa utile est: ut absis ab his turbis, ut videas & discas, ut locum & occasionem quæras emergendi. Hæc omnia vera sunt, & suadeo: sed hoc quoque verum, magis decòrè te iturum post aliquot menses, magis tutò sub æstatem, & magis prouidè omnia ac dispositè acturum. Vtinam antè te vidissem! id quoque è re tuâ fortasse esset, & certè ex meo voto. Sed nos ea audimus, ut verear ne breui interclusæ omnes viæ. nisi si ipse sub Ver proximū in Germaniâ me sisto, quod haud despero. O iuuenis in quod æuū incidisti! sed tene viam rectam, haud pœnitebit. Ne pugna cum temporibus, & serua re ad m,

ad meliora fata, sed sub tegmine & umbrâ semper modestæ Virtutis. Ego desino: haud multa libet. xiii. Kalend. Sextil. ∞. IO. LXXXIX.

EPISTOLA LXXXVIII.

CASPARI VOSBERGIO.

DISTVLI respondere litteris tuis, sed sine tuâ vllâ noxâ. Nunc id facio per Legatû Regis, cuius negotia tibi commendo, & peto, quod in te est, ea matures. Nostri quàm lenti sint, præsertim vbi pecuniaria res est, non te fugit. Politica grata tibi fuisse gaudeo: quæ tu quòd thesaurû appellas, magis ex amore facis, quàm quia merentur. Hoc tamen liberè dixi & repeto, ruminanti ea plusculum aliquid semper suboriturum, quàm primâ specie visum. Hortaris me ad reliqua, & præsertim ad Aristocratiam. quam ego quoque probo mi Vosbergi, sed benè compositam, & qualis illa Spartanorum fuit, aut hodie Venetorum. O quis deus eam dabit! Tamen illam quoque conceptam in mente habeo, & vnius omnino libri res erit. Sed priusquam aggrediar, certum mihi audire & libare iudicia de toto hoc genere scribendi. & si vniuersum displicebit, silere; (cur enim vela faciam aduersis ventis?) si in parte; cognoscere, & refingere siquid minùs rectè aut consideratè à nobis scriptum. Nam id numquam pigebit. Apelles in magnis suis laudatisque operibus hoc seruabat, vt ea publicè proponeret omnium oculis ac linguis, atque ipse velo aliquo tectus iudicia venaretur etiam minimorum: cur nobis hoc non fas in opere, quod tangit omnes? Sed nec Notas, vt vides, plenè absolui. quod caloribus istis immodicis tribues, qui valde me dederunt in languorem. Te valere opto, & nos amare. Lugd. Batauor. xiii. Kalend. Septemb. ∞. IO. LXXXIX.

EPISTOLA LXXXIX.

NATHANI CHYTRAEIO S. D.

ACRES quasdam faces epistola tua mihi subdidit, quam ipse amor tibi scripsit. Non me fallunt supina quædam aut natantia verba, & illa quæ ab imo pectore profecta. Talia tua
c sunt.

gijnd verby med
Hindam vedams
sic amantem

* ~~gemmae~~ ~~gemmae~~
* ~~gemmae~~ ~~gemmae~~
* ~~gemmae~~ ~~gemmae~~
* mentum
emantes.

sunt. & iam mihi carior noster ille Lydius, per quem tu quoque
inter meos caros. ~~Quid verbum est diffidendum: redemptio facit am-
orem: vinculis deinde non quæ tunc vincimur. Quodam~~ sed etiam fra-
tris adpectu, qui mihi inter Germaniæ primos. ~~Supra me &
illius meum aliam virtutem, & iunioris meo tempore illi * videri deprimere
deur.~~ Non plura apud te. pergamus in hoc cursu, & quod reli-
quum est vitæ vivamus — * φίλα εἰδότες ἀλλήλοισιν. Accipe daque
fidem. & salve. Lugd. Bat. Idib. Mart. ∞. IO. XC.

EPISTOLA XC.
 MARTINO LYDIO.

* maculans
innotesc.

* diligens.

A MICA tua epistola, vt semper, atque etiam anxia pro no-
strâ famâ. Agnosco amorem: sed de purgatione, quod
scribis, quæso omitte. Quid me eluas apud eos, mi Lydi, qui-
bus decretum quacumque de causâ * *μὴ μὲν ἀνάσσει*? Ieiuna imò
turpia sunt quæ adferuntur (ago liberè:) & te aut me non noui, si
hæc * *ἀποδιδόμενοι* excuso. Impiè hoc scripsi, inquiunt, quòd Re-
ligionem omnem tolero in repub. modò vetus. Etiámne genti-
lium? etiámne Turcarum? etiam. Vbi hoc scripsi? Verba ad-
fers. sed ô boni, ergo notulam illam graue iis legere, quæ ad oram?
Coërcui enim ecce, & restrinxi: MOS PROBVS *et* *vetus seruandus*. Satin' clara hæc verba? ita vetus tenendus, si probus. Iam il-
lud alterum, in quo sæuitiæ me arguunt, bellum. Quis verba ea
bonus integerque vir legit, qui non capiat ex meo bonoque sen-
su? At possunt aliorsum flecti. Multa talia in omnibus scriptis:
sed eos nempe carpinus, qui sic flectunt. Melissæ aliquæ flores
nostros insideant, non istæ Arachnæ. Quid verba facio? his tali-
bus suadeor, non vt aliter scribam, sed vt ne scribam: & silen-
tio tuti simus, quoniam ratione vix licet.

* Multi
maleuoli
in nos ma-
chinantur.

* Δυσμενέες γὰρ πολλοί ἐφ' ἡμῶν μηχανόωνται).

Ego tibi verum verbum dicam. Quosdam ex istis torquent non
quæ scripsi, sed quæ non scripsi. Intellege, & me iam olim tuum
ama. Lugduni Batau. xvii. Kal. Apr.

Qui has tradet, Natus Filius erit, vt opinor. Faucas ei quæ-
so meâ causâ, & aut cœptam spem promoue: aut si ea mortua,
in nouâ hac iuua. Ab ipso audies. Saluta amicos Arcerium,
Drusium,

Drusium, Eilardum. Ecce responsum etiam ad Nath. Chytræi epistolam: rogo te cures.

EPISTOLA XCI.

REGNERO GRÜTERO.

GRATAE mihi tuæ litteræ, mi Grutere, nec est quod excuses. Peccares, nisi sic peccares. Ego, etsi non semper respondere aut scribere vacuus, tamen legere: & nimis quàm libens sermones vestros libo, qui aliquando in nostrâ disciplinâ. Statum & formam Academiæ vestræ per te cognoui. probus est: sed inprimis ille vir magnus, quem iure laudas. Iunium intellego: cui tu, mi Grutere, adhære, & recondita multa hauri ex arcano illo vberique penu. Chrysmannus aliquidne De temporibus post Scaligerum? durus ille concursus est: & tamen scio esse, quæ post eum addi illustrarique possint. Nos post Politica edita redimus in veterem campum; & vel mores Romanos illustrabimus, vel spinas aliquot in eo runcabimus, Criticâ istâ falce. Deus valetudinem modò & otium mihi det: de quorû altero vix spero. cùm turbas video quæ in Galliâ natæ. Vale mi Grutere, & idem talem me appella. Lugd. Bat. III. Id. Sext. ∞. IC. LXXXIX.

EPISTOLA XCII.

MICHAELI MONTANO.

VIR Nobilissime, per epistolam rarò te alloquor, sæpius animo & affectu. Vtinam res vestræ aut nostræ quietiores! numquam ego deum videam, nisi te viderem. Nam litterarium hoc colloquium, nugæ: meri amores & mera suauitas, os aliquod amicum intueri & amplecti. Sed, ut ille ait,

Ναὺ δ' ἐτέρως ἐβάλλοντο θεοί. —

Politica nostra tandem edidi, diu pressa, & nescio an vel nunc emissâ aue satis faustâ. Æuum ego & hæc præiudicia an ignoro? sed tamen temperasse me videbis, & nihil nisi communibus præceptis scripsisse: excipio paucula de Religione. In quâ consilium nostrum nec improbum, nec imprudens fortasè apud probos. O tui similis mihi lector sit! & tu iudicium tuum liberè, & ut vir es, scribe. Turbæ apud vos magnæ: si ingenium tuum

noui (vt certè è scriptis noui: in quibus non fallax tui imago.)
quiescis. Quod vt tutò & diu possis, æternum Deum rogo. xv.
Kal. Octobr.

EPISTOLA XCIII.

Mechliniam.

NICOLAO OVDARTO.

ACCEPISSE te libros Politicorum mihi gratum; & magis, te probasse. Ex animo tibi dico. probari tui similibus lucubratiunculas nostras gaudeo, etsi pleraque scribimus non huic æuo. In illo ipso opere Politicorum, quàm multa parùm ad palatum huius illiusve partis! nec aliter fuit, aut erit, vbi sunt partes. Veritatem puram candidamque ego scio, & immunem ab omni affectu. Vt oculi, vbi glaucoma obsidet, puriter non vident: non item mens, vbi adfectus. Præiudicium iudicium omne tollit. At in iis quæ de Fato scripsi, gaudeo quòd liberè mones. etsi ego me insistere tritam & priscam viam sentio, nec in aliâ mente esse Thomam & argutos illos in Ecclesia Doctores. Tamen si quid aliud, videbo: & tuo monitu libens nō explicabo solùm; sed, si opus, retractabo. An me pudeat? numquam. & veram rectamque viam tardè videre & inire possumus, numquam serò. Magnum illum virum nobis obiisse, doleo: & heu patria, quàm talibus nunc eges! Impetus & calor est, qui nos perdiderunt & perdent. Sed ego longiùs progredior. cui hoc tantùm propositum scribere: me te amare, & gaudere in amore tuo mei: quem vt propages deinceps ac serues, consuetudinis causâ, rogo. nam necesse non esse, facilè ex eo mihi liquet, quòd sine vlllo nomenclatore, tot annos firmiter eum in arcanâ istâ mente coluisti. Vale Vir amicissime. v. Idus Nouemb. ∞. IO. LXXXIX. Berchemij nostri mentio in epistolâ me excitauit. quid illo sit? vbi est? amo, amo virum.

EPISTOLA XCIV.

Viennam.

HVG. BLOTIO.

VERE diuinasti. perierunt litteræ tuæ, quas Thysio dedisti: neque ego vllas, præter has à * *συμβολαῖς* meis, vidi. An ego tam diu aliàs siluisssem?

* *contubernali-
bus.*

* Ζεὺς τὸ γ' ἀλεξήσεται ὁ ἀθανάτων θεὸς ἄλλοι.

* Iupiter
hoc auer-
tat, & im-
mortales
dij alij.

Meritò amâtes ego mei redamo, & te mi Bloti inter primos, ve-
rum & veterem Musarum mystam. Ergo scito amicitiam tuam
mihi caram, gratum etiam de scriptis iudicium : quod etsi nimis
sumit ab affectu, tamen, liberè fateor, his talibus

— * αἴξε) ἐνδοθι θυμός.

* augetur
intus ani-
mus.

Tu si me litteris tuis sæpiùs appellaueris, & in iis rerum etiam
aliquid asperferis quæ istic geruntur (præsertim siquid ad nos &
hæc studia :) beabis, & reipsâ videbis prouocatum à te, quod
dicitur, * πῶρον εἰς πέδον. Vale. Lugd. Batau. Idib. Martiis.

* equum in
planiciem.

Illustri Baroni Hieronymo Beck à Leopoldstorf gratiam de-
beo pro affectu in me, quem ex animo iubeo saluere. item no-
strum Leunclauium.

EPISTOLA XCV.

— EVERHARDO REIDANO.

SCRIPATIO tua me affecit, & iudicium de Politicis ; quæ vo-
tum mihi præcipuum est vt approbem vobis. Aliorum ser-
munculos quid curem? placere iis & satisfacere in alio quouis ar-
gumento magis possum, quàm in isto. Ego liberè quod mihi
visum est dixi, & sæpè magis ex vsu publico, quàm ex gustu. At
sunt etiam quidam qui Batauiæ finibus me includunt, & omnia
scribi volunt pro hoc statu. Inepti! quod non Plato, non Aristot-
eles, non quisquam veterum fecit, qui scripsêre aliquid in spem
diuturnioris æui. Hic illa forma reip., alibi alia : atque vtinam
nobis Princeps sit, sed ille adstrictus & legitimus, & qualem for-
mo. Iam etiam quidam diffundi me voluerunt, & iussè potiùs
per liberam semitam & vestigia nostra. Haud difficile mihi, fa-
teor: sed aliò me duxerunt rationes quas dixi, & quas non dixi.
Faciam tamen aliquando, si viuo, & Notis meis siue Commen-
tariolis abundè explebo hanc sitim. Mihi iam nunc materies ea
parata, sed premimus, & calamus paullisper retinemus scriptu-
rientem. Ego, vno verbo, te amo, & id mihi fieri à te percupio.
Vale. Lugd. Batau. xii. Kal. Mart. ∞. Io. x c.

EPISTOLA XCVI. *Londinium.*

LANCELOTO BRUNIO.

PADDEIVM tuum insignem virum libens vidi, & officia præstiti quæ potui prolixè. Malo ab ipso hoc te audire. Sum naturâ in omnes benignus, tum maximè in nostri gregis homines, & qui commendant se colore isto litterarum. Colore inquam, non fuco. quia reuerâ Paddeius tuus, imò iam noster, seriò se melioribus istis scientiis tinxit. Nos titulum ei dedimus, sed rem attulit ipse ad nos abūdè. De valetudine meâ quid scribam? potes ex ipso audire, qui * *αὐτόπτης*. Tamen vos medici probè scitis, quidquid dissimuletis, leniri non tolli hos morbos. Vbi semel radices egerunt, hærent. Itaque languco, & præsertim per hos Caniculæ insanientis æstus, qui corpus hoc per se siccum & aridum, panè reddiderunt cornu. Animo tamen egregiè adhuc sustento: & deus mihi seruet hanc mentem, numquam eâ parte succumbam. Britanniam vestram & vos amicos videre iam diu gestio: sed nescio quod impedimentum mihi nascitur aliud ex alio: & agrè muto locum, quem numquam tamen sine fructu & bono valetudinis muto. Sed videbo, & fortassis aduolabo

* *inspector.* * *ὡς αὖ δόξας.* Franc. Vlmi *De Liene* iam diu lêgi, missum ad me è Galliâ. nam ego vestra medica, præsertim si quid elegantius, valdè appeto, & diuerto suauiter in illos naturæ hortos. Tûne in eodem argumento? diuulga, & doce nobilem aliquem vsum in nobili illâ parte.

Sed heus tu, quid Typographis vestris visum Politica mea recudere? non debebant. * *Ἀτελές* adhuc opus est: & præterea, prima illa exemplaria ad vos missa, haud satis emaculata. Alia aut emendatiora sunt, aut præferunt certè suas mendas. Itaque factum hoc non amo: sed te fideliter mi Brunii. Vale.

* *Imperfectum.*

LECTORI.

ERANT in editionibus aliis Epistola quaternæ, quæ ioci aut salis aliquid haberent, non in gentem, sed in hospitium gentis, & præsertim rusticana. Aliqui morsum aut lesionem interpretati sunt: & quia non est, nec fuit is animus, nunc omisimus induximûsque. Earum loco ista Centuriam expleant: quæ defensionem habebant, & sine cuiusquam malâ gratiâ, opinor, legantur. Vale.

EPISTOLA XCVII.

TYPOGRAPHVS LECTORI S. D.

EDIMVS hanc Epistolam, Lector, et si auctore non tam volente, quàm nolente. Nec enim eò scripserat vt ederetur, non certè sic sola: sed quia iam factum in Germaniâ ipso ignarissimo atque inuito, frustra teneri videt quod effugit. Euenit etiam, quod solet, vt fugitiua parùm compta esset atque ornata, imò parùm recta. quæ caussa illi maximè, vt edi pateretur iterùm, minus mali scilicet si minus malam. Itaque propriam ei vestem reddidit, & qualis in arculâ remansit. Hoc tantùm serio testatur: ne nunc quidem ista quasi publicè responsa velle. quid opus in rebus leuibus? & abest alioqui animus eius ab omni non solum concertatione, sed defensione: & putat sapientius spernere hæc talia, quàm refutare. Presidium famæ, non in verbis, sed in vitâ suâ ponit: atque illam integram sperat apud eos, qui hanc norunt. Quod ad scripta etiam attinet, acrem sed æquum iudicem non recusat: in quibus siquid erroris alibi aut calor, prouocat ad humanam conditionem, cuius hoc proprium, sicut nusquam labi diuinæ. Id tantùm rogat, Lector, ne leues aut liuidi homunciones te moueant, neu calumniis istis temerè acceptor sis: quia illud verissimè dictum, Διαβολὴ ἔστι δ' ἐνώστια τῶν ἐν τῇ δ'ύο μὲν εἰσι οἱ ἀδικούντες, εἰς δὲ ὁ ἀδικούμενος. Calumnia res iniquissima: in quâ duo quidem sunt qui inferant iniuriam, vnus qui ferat. Tu ne alter ex iis esto, & hoc Menandri cogita.

Herodot.
VII.

Ὅστις δὲ διαβολῇσι πέδῃ τ' αὐτοῦ,
ἢ τὴν πονηρὰν αὐτοῦ ἔστι τὰς ἑσπέρας,
ἢ πάντας τοὺς παῖδας γὰρ μὴ ἔχει,
Calumniis quisquis fidem præbet citò,
Aut ipse mente moribusque est improbus,
Aut mente eâdem cassus, & prorsus puer.

Vale. Antuerpiæ. Kal. Sept. ∞. IO. XCH.

EPISTOLA XCVIII.

I. LIPSIVS IACOBO MONAVIO S. D.

INCOLV MEM te rediisse ex Pannonicâ peregrinatione (Ortelius indicium fecit) ex animo, mi Monau, gratulamur, & Deum

Deum rogamus, vt in patriâ quoque talem te seruet. Nos adhuc in peregrino solo apud Eburones : vrbe, in quâ olim & nunc, in nos proni & benigni. Tamen deliberamus sub æstatem de fede aliâ, & magis certâ: si quid tamen certi in hoc motu rerum. Nam quocumque me verti, in hoc ambitu aut palàm bella, aut eorum metus. At nos quietem, vt scis, quærebat: vbi inueniendam nisi in superis illis locis, & æternùm quietis? Tamen de pace nūc aliqua mentio. sed mentio magis, quàm adfirmatio: & qui statum rerum peruident, parùm etiam sperant. Sed cum Poëtâ,

* Ἀλλὰ τὰ θεοὶ οἶδ' ἐν ὀλύμπῳ αἰδέεσθαι ναίων.

* Verùm
Iupiter hac
scit Olym-
pius æthra
habitor.
Homer.

Ei nos hæc, & nosmetipsos permittimus: certi, quòd non ingnam illam solùm orbis nauem, sed hanc quoque cymbulam dirigit Prouidentia suæ clauo. Sed quod ad Quietem, fascinare eam nuper Saturnius quidam oculus voluit, calumniis in me iactis, quas vidisti. Voluit, non fecit. nam nos hæc talia adeò ad animũ non admittimus, vt vix ad oculos: & sciunt amici, quàm multis denique mensibus pòst inspectus mihi hic libellus. Curiosi & auidi quid simus talium? quæ certum nobis est contemnere magis, quàm vindicare. Atque adeò, bonâ fide, nec nunc vidissem: nisi iidem monuissent, inesse quædam, quæ non ad famam doctrinæ nostræ solùm pertinerent, sed & probitatis. Inspexi igitur, & quid dicam? Scriptum vniuersum est compositum ad inuidiam pariter & infamiam, quam mouet mihi apud homines singulos, & apud gentes totas. Deus immortalis, hanc acerbitem cadere in Christiana pectora? idque ob leues aliquos, scænatiles, & vt grauissimè dicas, improuidos iocos? Nam in Westphalos ecce aliquid dixi. Hoc caput, hæc arx accusationis est. Testor fidem, Monavi, animo & mente nihil nec luisse quidem in ipsos, sed in ea, quæ ad ipsos. Vbi virtuti eorum aut robori aliquid à me detractum? De cultu dixi, & genere vitæ externo: quod valdè elegans apud ipsos esse, nec ipsi quidem dicant. Atqui nefas illa tangere. Quid Erasmo igitur fer, qui tam vbertim & liberè illusit in hospitia omnia Germaniæ? Quid Cle-nardo, qui in Hispaniâ? Nec tamen vsque adhuc vidimus, qui dicam iis scripsit. Ferri solent & possunt hæc talia, amcenitates, aut si vis, lasciuiæ ingeniorum: nec oderunt hos sales, qui saltem ipsi habent. Ij sciunt, dicta à maledictis, & hæc à maleficus dis-

ferre. At iste capitis etiam me anquirat, & (verba eius sunt) *cru-
cem mereri hæc, crucem*. Credo sanè, sed eam, in quâ Cupido apud
Poëtam adfixus, ioculari. Sed extra iocum, si quid in Episto-
lis illis nimium aut asperum est, quæso, è nostrâ mente molliat-
ur: quam palam testor nunquam fuisse ad lædendum. Verba
quædam si ire videntur longius, reuocanda sunt, nec id me fa-
cere pudebit publicè, & ut sic dicam, in ipsis Rostris. Vtinam
pectus hoc videant! niueum est, & fuit. Humida sunt illa & la-
pstantia quædam verba, & nata non nisi in summo ore. Quid,
quod in morbo nata? ille excuset. Querulum hoc genus, & præ-
fertim nos, quos atra hæc bilis vexat: quæ cum exarsit, * *Εὐμαρέως*
νευ ἀπ' αὐτῆς καὶ λύχρον ἀΐται, ut ait Poëta. Atqui Germanos etiam
vniversos læsimus, quibus passim (ita inquit) *tam stultè, quàm*
ferociter insulto. Quæ frons tam infrunita hoc dicit? Ego Ger-
 manos? parentes illos maioresque nostros? Nam ita scio & sen-
 tio, nos Belgas plerosque origine illinc esse: & quamquam po-
 situ locisque Galli sumus, tamen stirpe & sanguine Saxones, &
 lecti libentesque audimus INFERIORES GERMANI. Vbi
 igitur, aut cur læsi? Dicta & scripta mea excutiantur, latebra
 nusquam in quâ hæc calumnia delitescat. Quin contrà, diserta
 & exserta verba & laudem & elogia gentis, alijs inuidenda. Scri-
 psi & edidi in commentario ad Germaniam Taciti: CANDI-
 DAM GENTEM: & CASTVM ORBEM: & MAGNAM MEAM PATRIAM: & fastigium, si examinas,
 omnis laudis, PACE ET BELLO OPTIMAM GENTEM.
 Quæ vis magis honora, magis viua & spirantia verba? Tamen
 cumulaui, & ecce iterum ad Annalem Taciti decimumtercium,
 PVGNACISSIMA ET FIDELISSIMA GENS. Et in
 Epistolis: HOMINES ETIAM ILLA TELLVS (Ger-
 mania) ALIT, INGENIO DOCTRINAQUE PARES
 NOBIS, FIDE ET VIRTUTE MELIORES. Ades liuor.
 quis germanissimus Germanus potuit de matre suâ benignius?
 Nec vsquam læsa à me hæc pietas (ita loquor, & sentio:) nisi si
 quid ioculo in bibones quosdam, & ut hoc quoque ioco, * *κυλί-
 νεον ἐπέτες*. Sed ille non contentus hoc mare in me commouisse,
 Imperatorem ipsum concitat, & postulat me Maiestatis. Ius,
 inquit, eius minuísti, in laureâ Poëtarum. O homo, nec per
 som-

* ab eâ fa-
cile vel ly-
chnum ac-
cedere pos-
sis.
Theocrit.

* Calicum
remiges si-
ne traho-
nes.
Apud
Athen.

somnium in illo somnio feci. Sed tu colligis, vt video, omnium sermonum aurulas, & ijs vela tua ad calumniandum imples. Fuit res in inuidiâ aliquâ, fateor, recenti illo scripto: tracti in causam per eos qui iure læsi, etiam qui non læsi. Sed scorsim postquàm Epistolâ excusauì & aperui (exstat in Saturnalium nostrorum fronte:) omnis ista bilis soluta est in risum. Quid enim aliud schemate illo (non sanè scommate) volui, quàm quod verbum vetus: *Multos Thyrsiferos esse, paucos Bacchos?* Et hoc sciunt, & dolent illi ipsi, quos merito suo cinxit Phœbæa illa laurus. Ad Imperatorem quidem quid istud pertinet, si sint qui imponant & obrepant? Ego tantum absum, vt lædere aut illudere voluerim Principum illum principem, sacrum caput Christiani orbis: vt contrà ab adolescentiâ cultum omnem venerationemque detulerim ipsi, & eius genti. TACITVS meus cum præfatione ad MAXIMILIANVM iuit, Imperatoris huius Patrem: ELECTA ad Archiducem MATTHIAM, eius fratrem: POLITICA nostra, ad HUNC IPSVM & Christianos reges. Cur non facerem? deberi mihi hæc & alia meliorum ingeniorum libamenta visa, domui ad summum fastigium genitæ, arci & propugnaculo vnico in æternum illum hostem. Hæc sunt in vniuerso illo scripto, quæ digna reiectione aliquâ censui. nam reliqua sunt conuicia aut scommata insulsa, illepidi, nata inter haras. Peponem habet loco cordis, quem ea delectent. Atque ego, quid me opponam? Spreta illa exolefcent: & vt in omni alio certamine, qui vincit, coronatur; ita contrà hîc est, & accipit herbam, qui eam dedit. Nos scimus arbores quæ iuxta vias sunt, saxis & fustibus peri sæpiùs: & homines linguarum his telis, qui in limite melioris famæ. Non tamen ea nocent: imò iuuant. & vt frumentum triturâ folliculos exuit ac deponit: sic nos concussiunculis illis paleas, si fortè, vanitatum. quas nimis sæpè animis adhærescere è tractatione istâ litterarum non est negandum. Oraculum est, *Nimîa gloriâ luxuriare, & euanescere viuida sæpè ingenia*. Interueniant igitur vtiliter hæc conuicia: & quod amicorum lenis spongia non eluit, deterrat & defricet scaber his lapis castigationum. Hæc nostra mens est, nec nunc solum, *cùm folia in me cadunt*, sed etiam *cùm arbores* (fiet, vt hoc æuum est:) nec aliud, quàm Palladium illud

Lit. III.

scutum pectori appresserim, NON MOVERI. Miseri quid ad hoc scamma producimur? quid luctatiunculis istis nobis volumus? Ecce mors supra caput, & superum istud tribunal; ubi non scripta nostra examinanda sunt, sed facta. Sapiamus. Mihi quidem deinceps certum, Deum per maiorum vestigia constanter colere, studia & ex iis famam non negligere, quatenus tamen ea vsui Reip. esse possint, aut iuuentuti. Quod si interea homines me contemnant, aut incurrant, contemno: & cum Achille clamo,

*Spero me
honoratum
fateo Iouis
esse.
Homer.

*Φεγέω δὲ τετυμῶμαι Διὸς Διῶν.

Ecce habes, mi Monau, longam, & pænè præter leges epistolæ, epistolam: sed prouexit me res ipsa, & filium istud responsionum: tum etiam hæc caussa, quod tibi homini Germano, & inter eos claro, probare nostrâ causam voluerim: maximè duplicem, quæ ad gentem, & quæ ad Cæsarem: amandam à me semper illam, & hunc colendum. Vtrumque facturum sum Monau & tibi. Vale. Leodici, Nonis Ianuariis, ∞. ID. XCII.

EPISTOLA XCIX.

ABRAHAMO ORTELIO S. D.

EN mi Orteli illam ad Monauium, quâ legere te adeo non veto, imò volo. Scripta per hanc occasionem est, & quia quærebat ecquid in illum vellem? Scripta inquam, de ipsâ re, & breuiter, sed fortiter satis ad me purgandum. Reliqua nolui tangere, quæ in me ferè dirigit, & nihil ad ARA S FOCOS QVE PATRIOS: & ea ipsa cum glacie fragiliora sint, quid insistam? Caue autem tu aut alius aliò me traxeris: longius non ibo. *Si stimos pugnâs cedis, manibus plus dolet*, ait noster: non alius hîc fructus. In Busbequij morte, & tali morte, in animo meo dolui. Seruat hunc virum per tot discrimina, apud exteros, apud barbaros, ut in limine ferè patriæ latronum manibus (ita audimus) periret? Sed cum recogito, quacumque viâ illa venerit, mors est: & paucis viris magnis contigit illa, quam Augustus optabat & habuit, *Ὀδυσσεύς. Sed loco eius *Ὀρφέας contigit, & suauem famam reliquit doctrinæ suæ, prudentiæ, probitatis. Nos quando ad hunc portum? Magis appetimus, cum publica & priuata

*leuitas
moris.
*fame bo-
nitas.

hæc

hæc naufragia videmus amicorum. Sed fiat quod Deo, & cum Deo, visum : cui parère, & velle quod ipse vult, summa non sapientia solum est, sed tranquillitas & quies. Vale mi Orteli. III. Idus Ianuar. ∞. IO. XCII.

EPISTOLA C.

ABRAHAMO ORTELIO S. D.

VIDI epistolam meam diuulgatam, & dolui, quocumque casu aut culpâ id factum. Serio loquor. Hôcne oportuit me inconsulto? & an sic oportuit solam? imò & corruptam? Nam immutata in eâ quædam aut omissa, quæ vel optimè à nobis dicta. Ego Monauio non quidem irascor (quî possim tam amico?) sed tamen subirascor, quòd passus sit exscribi ab hominibus, vt res docet, parùm fidis. Atqui beniuoli illi mihi. Credo, sed an quisquam supra me? Vulnus ego meum optimè intelligo & sentio, atque vnà medendi tempus. Sed enim edi merebatur. Quis præsumit sibi hoc iudicium? mihi debebatur: nec feram in parente, si viuat, vt hac in re non dicam plus me, sed aliquid sine me possit. Tamen factum est: quid ergo faciam? nisi illud

* Τλήσμαι, ἐν σήδεσσιν ἔχων ταλαπενθία θυμὸν.

* Perpetiar,
tolerantem
animū isto
in pectore
gestans.
Homer.

Vndique mihi materies ad Patientiam, & latus campus in quo exerceam hanc virtutem. Sed iterum dico, Monauio non irascor: quem PECCASSE pronunciare non possum, sed PARVM CAVISSE. Ego in posterum: etsi quî possum, nisi vt planè stilum coërceam & hanc manum? Vnum est quod me lenit aliquid & mitigat, quòd epistolæ eius me non pudet, & recitetur vel in theatro Europæ. Tamen exempli improbi res est, nec probus aliquis neget. Vale mi Orteli. Leodici, VI. Kalend. Iul. ∞. IO. XCII.

F I N I S.

L. APPULEIUS

I. *Floridorum.*

Hoc quoque genus inuenitur, qui meliores obtrectare malint quàm imitari, & quorum similitudinem desperent, eorundem adfectent similitatem: Scilicet vt qui suo nomine obscuri sunt, aliorum innotescant.

APPROBATIO.

Nihil continent hæc epistola fidei Catholica aduersum, aut quod quemquam meritò offendat. Actum Bruxella, 4. Augusti. 1592.

Cornelius Worzel. S. Th. Licentiatus,
D. Gud. Plebanus.





IVSTI LIPSI
EPISTOLARVM
SELECTARVM
CENTVRIA TERTIA
MISCELLANEA.



ANTVERPIÆ,
EX OFFICINA PLANTINIANA,
Apud Ioannem Moretum.
cId. Idc. v.

Cum Privilegiis Casareo & duorum Regum.



AMPL^{MO} ET NOBIL^{MO} DOMINO,
D. I O A N N I
D R E N C K W A I R T O

EQVITI, TOPARCHÆ DORMALIÆ,

supremo Belgicæ Thesaurario.



ENTVRIAM hanc MISCEL-
LANEAM ad te mitto, non
munus, sed particulam luen-
di æris, quod varium & mul-
tiplex fatemur debere. De-
cem anni sunt, cùm me beneficiis alijs su-
peralia cumulas: vt non dicam relationem,
sed actionem gratiarum studio videaris præ-
uenire. Quid autem vel nunc refero?
EPISTOLAS, plerasque ipsas ad te missas:
& velleo nomine tibi inscribendas. Sed EPI-
STOLAS cùm dico, quid nisi rem leuem &
subitaneam, & intra verba consistentem di-


co ? Sanè argumenti aut grauioris materiæ
hîc parum est : etsi alibi aliquid intercurrit :
sed quaecumque , nec felicibus bonisque
temporibus, cùm flos & acumen ingeniorum
fuit, repudiatum ab editione & à famâ hoc
genus. Epistolas quidem scribere, commune
&, vt sic dicam, passuum est : benè scribere,
infrequens, etiam in communi & frequenti
aliquâ linguâ. Eò magis iure laudem poscit, si
quis in Romanâ præstat, iam olim desitâ : &
que tamen diuinâ prouidentia vinculum gen-
tium in Europâ hæsit, & thesaurus ac condi-
torium scientiarum. Quid ? inquires. tanti
ergo Latinè scribere ? non : sed sic subitò &
in festinationis illo calore, & sine industriæ
colore scribere, id fortassè pretium habet,
apud peritos quidem arbitros rerum & in-
geniorum. Nam si studium hîc & affectatio
apparet, nihil est : simplex hoc genus est, sine
fuco aut paraturâ, &

Qualis Apellais est color in tabulis.

Atque ego de elegantia nescio, sed de facili-
tate aut (vt liberè dicam) neglegentiâ scio : &
quàm

quàm nobis hæc sub manu feri nascique so-
leant, celerius fortasse quàm scribam. Itaque
velut præcoces quidam fructus sunt, iidem-
que fugaces: qui tamen & vestris magnatum
mensis inferri solent, & gratiam festinationis
mereri. Quæso apud te, Amplissime Domi-
ne, ita sit: placeant quia in affectata sunt, quia
candida & aperta sunt, simillima ingenio &
moribus tuis. Scio equidem graues seriasque
tuas curas, in officio laborioso & addam in-
uidioso: & in quo non dicam gratiam mere-
ri, sed odium vitare difficile est. Quod tu ta-
men multos annos est, cum ita sustines, ut in-
dustriam fidemque tuam Regi antea, nunc
Principibus probaueris; & communiter om-
nibus integritatem, & animum ab omni labe
aut corruptelâ immunem. Nam tu rationes
istas Belgicæ, publicâ famæ voce administras,
tam abstinenter quàm alienas, tam diligenter
quàm tuas, tam religiosè quàm publicas, &
quæ sacrum illud nomen Patriæ tangunt. Hæc
tua laus est, & in sedato animo vigor maxi-
marum rerum capax: quem, ut coepi, iterum
* 3 rogo,

rogo, ad hæc etiam minuta, sed fortassè oblectantia, demitti. Legistine Achillem intermedia arma citharam & fides interposuisse, & animum ægrum curâ aut offensâ recreasse? Idem facito, hæc vt ludicra sumito: sed ab animo tamen serio & graui profecta, & in cultum tui deuoto. Louanij, v. Kalendas Martias. ∞. IŒCII.



INDEX

I N D E X

E P I S T O L A R V M

C E N T V R I Æ I I I.

M I S C E L L A N E Æ.

A B R A H A M O Ortelio xj.
 Ægidio Schondoncho, Soc.
 Iesu lxxxj.
 Antonio Richardoto suo xcij.

B.
 Balduino Iunio suo xlix, li.
 Balthasari Moreto suo lxxxix.
 Balthasari Robiano, Senatori
 lxxvij.

C.
 Carolo Clusio xvj.
 Carolo Vtenbouio xxvij.
 Claudio Frossardo à Broissia viij.
 ad Contubernales suos li.
 Cornelio Anchemanto suo lxxij.
 Cornelio Prunio V. C. xiiij.

D.
 Danieli Susio V. N. vj.
 Dionysio Villerio V. R. & Cl.
 lxxx.

E.
 Erycio Puteano suo lxiij, c.
 Euerardo Pollioni I^{to} xxxij.

F.
 Francisco Billiodo lvij.
 Francisco Modio xvij.
 Francisco Montmorencio Berseij
 Toparchæ lxxxvij.
 Francisco Orano suo lxxxvj.

Francisco Schotto, Senatori xxxj.
G.

Gedeoni Tserhendrixio V. R.
 & N. lv.

Gerardo Buytevechio lxxxij.
 Guilielmo Barclayo xxxij.
 Guilielmo Beeckmanno J^{to} xvij.
 Guilielmo Michielsio J^{to} xxvj.
 Guilielmo Scarbegero suo l.

H.
 Hadriano Vander-burchio, patri
 xl, lx.

Hadriano Vander-burchio, filio,
 Senatori lvij, lxv.

Henrico Schulteto xcix.

Henrico Vvveno J^{to} xlvi.

Hermanno Malleano xxv.

Huberto Audeiantio xxxix.

Huberto Giffanio I^{to} xv.

Hugoni Grotio xcix.

J.
 Jacobo Angiano, Equiti, Toparchæ
 Kestergatij xc.

Iacobo Campio, Archidiacono &
 Canonico ij.

Jacobo Carondeleto, Cancellario
 & Canonico ij.

Iacobo Marchantio xxiiij.

Jacobo Pontano, Soc. Iesu xxxiv.
 Iano

| | | | |
|------------------------------------|---------------|---|------------------|
| Iano Grutero | xcviij. | Leonardo Lessio ,Theol. Soc. Iesu | |
| Jano Lernutio | lxxvj. | | xix. |
| Joanni Baptista Perezio Baronio | | Luca VVyngardo U. N. | lxxix. |
| | lxx, xciiij. | | M. |
| Joanni Bernartio I ^{do} | xxviij, liij, | Matthæo Raderio, Soc. Iesu | xxx. |
| | xcj. | Matthæo VVachero, Cancellario | |
| Joanni Bezancenotto | lxxj. | Silesia | ix. |
| Joanni Brantio, Graphiario | xx, | | N. |
| | xxxviij. | Nicolao de VVeerd, J ^{do} & Cog- | |
| Joanni Carolo Ænobardo U. N. | | nato | lxxij, lxxxiiij. |
| | xlj. | Nicolao Hacquenillio | lxj. |
| Ioanni Drenckyvairto, Thesau- | | Nicolao Oudarto U. R. | lvj. |
| rario supremo Regio, x, xiiij, | | Nicolao Serario, Soc. Iesu | v. |
| xxij, xxij, xxxviij, xliij, xlvij, | | | O. |
| liij, lxij, lxviij, lxxviij, xcv. | | Othoni Hartio J ^{do} | xij, xxix. |
| Joanni Hemelario | lxxxiv. | | P. |
| Ioanni Hollandio | xciiij. | Petro Lasaillio, Caroli F. | xliij. |
| Ioanni Moreto, Typographo j, | | Petro Orano I ^{do} iv, xxj, lxxxv. | |
| | xxxvj. | Petro Pantino Decano | lxiv. lxvj. |
| Ioanni Orano, Presb. Soc. Iesu | xlvi. | | R. |
| Joanni Sewrio, Legato Hispaniensi | | Remaclo Roberti | lxviij. |
| à Secretis. | lxxiv. | | S. |
| Ioanni VVouerio suo | xliij, xlvij, | Stephano Turnebo, Senatori | |
| | lxxxviij. | | xxxv. |
| Isaaco Casaubono | lxix. | | T. |
| Iulio Salinerio | xcvj. | Theodoro Cantero | lxxxv. |
| | L. | | U. |
| Lauino Torrentio, Episcopo | vij. | Vibrando Anskema | lix. |

I

IVSTI LIPSI
EPISTOLARVM
SELECTARVM
CENTVRIA TERTIA
MISCELLANEA.

EPISTOLA I.

I. LIPSIVS IOANNI MORETO, *Typographo S. D.*



ERIO & vno verbo, mi Morete, semel hoc crede. quidquid à vobis ad me venit, gratum est, iucundum est: & meritò istæ tuæ litteræ, sincerissimi affectus in me plenæ. Nolo eū testêris: scio. nec pariter vllus vnquam Plantinianus ramus erit, quem ego non amem, & cui non benefactum velim ex imo isto fonte. Ostendam hoc semper, quamdiu melior ille spiritus diriget hoc corpus. Sed hæc non necessaria. precibus tuis respondebo, quas velut publico nomine ad me defers. Thraseam tuum, inquis, flagitant omnes. De multis, mi Morete, credo: multos etiam aliter esse censeo, & quibus hæc nostra nec grata valdè nec magna. Quæ iudicia vt nec magni ipse facio, nec planè tamen sperno: ita hoc facilè apud me impetrant, vt differam opus, si non vt omittam. Philosophia ista non pro omnium gustu: & calumniam vitare fortasse melius, quàm deprecari. Munus aumarij, in quo chartæ & epistolæ nostræ recondantur, an non gratum sit te mittente? gratissimum: sed & re atque vsu opportunum, & hæcenus desiderabam. In oculis aut manibus cottidie erit: & quod sequitur, eius auctor. Ergo gratia tibi esto & dicta, & reposita: tu aut tui apud me inuenite, & amandi semper amate. Lugd. Bat. v. Id. Decemb. ∞. Io. LXXXIIX.

EPISTOLA II.

IACOBO CARONDELETO, *Cancellario & Canonico*, S. D.

HAVD iniuriâ mihi gratularis, de felici aduentu ad Spadanâs Aquas. Certè per multa discrimina, & molestias, huc venimus: è quibus illa Deus depulit, & has mitigavit. Sine illius præsentis numine & auxilio, per tot ambages viarum, in hac afflictâ valetudine, numquam venissemus ad propositam metam. Sed illi gratia esto, iam hîc sumus: atque eo animo sumus, ut non ultra reuifamus ambiguos, & bonis parùm gratos, locos. Quæ ipsa causâ deserendi. Statuimus in vicino tractu menses aliquot (fortassè & ultra) agere, & in quiete ac solitudine abdere nos in vetera illa Musarum castra. Rogo eundem illum Deum, ut cum publico bono. Quod autem amorem tuum præfers, & testaris: ille verò mihi notus: occasio mihi sit, pariter testificandi & declarandi mei. Dionysium Villerium iampridem ego noui, & amo hominem verè elegantis ingenij, niuei pectoris, & prorsus de meliore luto. Imò hoc te magis amo, quòd tu illum. Mihi valdè in votis, eiusmodi viros amplecti, & alloqui; magis, quàm omnes Principes & Dynastas. De nummis priscis, coràm videbimus: capior, atque etiam aliquid capio. De fluctibus qui imminere nobis, ex præfagio illius Calchantis, videntur, nō abnuo:

* nam nobis magna calamitas voluitur. Pind.

* — ἡμῶν γὰρ μέγα πῆμα κινδύνος:

* inclinatio.

sed tamen de exitu haud valdè angor. Quem Deus diligit, per æqua per iniqua, per fluxus & refluxus perueniet ad suum portum. Vtinam ego ad illum salutis! salutis inquam duplicis: nam & hæc corporis, videtur per fontes vestros etiam affulgere. Sed adhuc incertò: momentum tamen & * πρότερον ad meliora. Vale R. & Nobilissime Vir, & nos sub metam septimanæ proximæ exspecta. Nam rumor hîc de Aulâ, ad quod nomen fugio. vii. Kal. Iulij, ∞. IO. XCI.

EPISTOLA III.

Moguntiacum.

IACOBO CAMPIO, *Archidiacono & Canonico* S. D.

PRAESENTIS tui vultus, & in vultu ipso conspicua probitas, me delectarunt: nunc litteræ, hanc ipsam præferentes, & in me

in me amorem. Gaudeo, & redamo, atque vt litteraria hæc colloquia frequentemus, te rogo. Nummos accepi, atque aliquot Inscriptiones, suo nomine gratas, tum & illius, à quo profecta. Quis studium hoc elegantiae in viro nobili, & Germano non amet? quæ gens, nescio quomodo, parùm adhuc eò inclinauit: sed cùm eiusmodi procures viam facient & præbunt, facilè istas Lunas sequentur minora illa astra. Deus faxit, & vt huc potius se dent, quàm ad inutiles & noxias illas super Religione disputationes. Vno verbo. ego Cancellarium vestrum amo, & beniuolentiam pariter eius in me pro beneficio amplector. Cur non vidi eum, cùm essem in vestrà vrbe? Nam ad hoc quidem temporis largiter fuit: sed credo abfuisse; aut de tali viro, & virtute neminem indicium mihi fecisse. si adfuit, & siluisti, tu mi Campi peccasti. Ego salutem, & obsequiosum animum illi defero; & tibi mi Campi significo, me in Eburonibus & nunc esse, & videri futurum hanc hiemem. Amici sunt, qui detinent, tum & locus & vrbs amœna, & caput, quòd res in patriâ nostrâ eo loco, vt nemo ad eam adspirare possit, cui grata & amica quies. Sed nec securitas in plerisque oppidis, Batauo inualecente, & nostris per secordiam, aut pessimam disciplinam infirmis. Me otium capit, non illud solutum, & languidum, sed quod libri, & lucubrationes alant, ac vegetent, & quod aliquid egisse nos, etiam cùm nihil egimus, apud posteros testetur. Paro igitur plura: promptius, si diploma nobis, & interdictum à Cæsare esset, ne quis nostra statim (vulgò iam fit) recuderet, & imitaretur. Fit cum Typographi damno, fit cum meâ fraude, cui via adimitur addendi, immutandi, castigandi. Spero me in ipsâ Imperatoris aulâ amicos reperturum, sed per quos id confici, aut impetrari maxime debeat, ignoro. Tu si scis, me quoque scitiorum facito, & magis magisque tibi deuinctum deuinci. In Eburonum dominâ vrbe.

XI. Kal. Sextilis. ∞. IO. XCI.

EPISTOLA IIII.

Leodicum.

PETRO ORANO *frat.*

HEVUS tu, suauiter herè vnâ fuimus: & quid dicam nisi me à consortio vestro mores ducere, & paullatim hilarescere?

Deus faxit, remittat ille ater humor, quid nisi pater curarum & atræ mortis? De floribus meis dicebam, & inuitabam, & nescio quid promittebam. O benignitatem in inopiâ! Leidæ aliqua nobis copia,

Huc una è multis capsula me sequitur.

Tamen veni, vide, cape. Incito te? Carmine etiam facio: sed quod à prorsâ istâ vix abit, & quale sub manu solet nasci.

PETRE, iuris & elegantioris
Musæ candide cultor, & sacerdos;
Quem ni sic amo, vt hos meos ocellos,
Atque vt tu geminos tuos puellos,
Jupiter mihi perdat hos ocellos:
Quando ad me venies, meosque flores?
Namque & gestio ego ipse te videre,
Atque illi mage gestiunt videri.
En Sol purior hic, & aura Veris,
Pinxit, vt Babylonicum tapete,
Nostras areolas. veni, videbis;
Gaudebis quoque. namque pars eorum,
Herculi vt decimæ, tibi sacrata est.
Ecquid te traho? sed veni, peribunt
Illi, ni properas, tuumque donum.

EPISTOLA V.

Herbipolim.

NIC. SERARIO, Soc. Jesu S. D.

CVM vsurâ salutem tribui, quæ epistolam bonam & vberem ad me traxit. Ita liberalis es? tamen, non mentiar, illo panè fine misi. Quid dissimulem? amare te cœpi, cum ob tua bona quæ ille ab alto tribuit, tum quia audiebam quod me amares. Non debuit diutiùs quasi sub cineribus delitescere hic ignis: quin, quia honestus est, exserat se, & chartarum isto adminiculo det flammam. Ergo apertè iam mi Serari, amo te, & cupio à te amari. Spem facis, aut potiùs fidem, ita esse: atque ego non desistam, & donec oculi isti claudentur, non claudet hic affectus. Mittamus blanda. Lecomputum meum (ita appello. amo

amo virum, & longi molestiq; itineris mei comitem fidum) honore apud vos & titulo publicè auctum, gaudeo: & scio meruisse. In patriam iuit, utinam labascenti illi fulcrum! quod vix spero, ira omnia non ad inclinationem spectare videntur, sed ad ruinam. Pax quàm proteruiter reiecta nuper, & illa Pindari ^{*ἡσυχία φιλόφρων, δίκης θυγάτηρ} **tranquillitas benigna, iustitie filia.* O misera, exsulat ab Europâ: quia nec diu sedem habitura videtur in Germaniâ vestrâ. Illi Martiales iterum ad suum Marrem: vellem ob aliam causam, quàm istam. Sed hæc infelicitas nostri ævi est, innouare, turbare, pugnare: & id specie Pietatis. In eipsâ, hortaris vt in meis refingam vbi opus, aut certè illustrem. Iamdiu statui; impediunt aut tardant partim typographi, partim quòd circumagimur, nec fiximus adhuc stabilem sedem. Scis quietæ mentis, imò & temporis, esse tale aliquod opus. Atqui conabor. & si mors præuenit, testor me alienum ab omni nouitiâ opinione aut errore, firmum in veterum scitis. Vale. Leodici, xvi. Kal. Maijas. ∞. Id. xcii.

EPISTOLA VI.

Leodicum.

DANIELI SVSIO IACOBI F. V. N. S. D.

VT audiui de morte optimi patris tui, etsi ipse doleam, tamen erexi me ad te solandum. Scio quàm affligeris; & inter alias virtutes, noui tuam pietatem. Sed mi Susi, debuisse illum mori non ignoras: & si tempora, & ea quæ circumstant, aspicias; fateberis, non potuisse opportunius mori. Æuum pessimum, & vix in spe correctionis: vt felices meritò censeamus, & verè *μακαριτάς*, qui educti. Ipse in ætate quoque iam pessimâ, & non senex sed senior, cùm illud Lucretij locum habere incipit:

Claudicat ingenium, delirat linguaque, mensque.

Itaque si vinquam etymon illud Græcorum habere fidem debet, in his talibus potest: **τὸ γῆρας, παρὰ τὸ γῆς ἑσάν*, dictum esse. Ipsi, inquam, qui in eâ ætate, abire desiderant, extra miseras suas, & ludibria aliena. Iam quicquid optandum homini, & quæ vitæ longioris causa esse & votum solet, ipse adeptus. optimam famam, liberos propaginem stirpis, atque eos in fortunatis coniugiis, iterum ad propagandum. Alia quæ in te vidit, apud te non dicam. Optare debuit mori, in hoc sereno Fortunæ, & priusquam

** Senium ab eo, quòd terram spectet.*

nubes aliqua offuscaret. Addo, quod caput est, mortuum piè, & in sano de religione & Deo sensu. Itaque ne mortuus quidem, sed terra hîc relicta & terræ reddita; ipse immortalis in cælum migravit, ad immortalem illum patrem. Hæc te solentur. nec absentiam eius cogita, quin vnà vbi sit cogites: & si pius es, in æterno eius gaudio gaude. Facturum te confido, & habes qui quod ego breuiter & aridè, copiosè & vbertim tibi instillent: inter eos, Delirium nostrum. Animum tamen meum vides, quem scito in amore tui esse & fore firmum. Louanij, vi. Idus Decemb. ∞. IO. XCII.

EPISTOLA VII.

*Antuerpiam.*LAEVINO TORRENTIO *Episcopo.*

ADOLESCENTES eos vidi, quos per epistolam mihi commendas: nec frustra. Quid enim tu à me frustra? quin ita promptè volo, & debeo, quidquid voles, vt admoneri modò debeam, non rogari. Et sanè in istâ re litterariâ, libens etiam officium confero; quia censeo in publicum me impendere, quicquid ad culturam facit nostratum ingeniorum. Paucos per hæc bella, omnino paucos, ad artes nostras adspirare non ignoras: & cò magis prouehendi sunt, si qui adspirant. Quæ enim resp. tandem futura, si veteres, vt sic dicam, arbores exciduntur aut concidunt, nouellæ stirpes non depangantur in earum locum? Vastitas profectò, & tenebræ, & boni honestiq; inscitia, & quod sequitur, contemptus. O vir magne, si plerique, qui ad remp. sedent, hæc tecum iuxtà intelligant! maior certè honos aut cura esset eorum, qui has artes profitentur aut ornant; nec sic iaceret hæc ipsa (Louanium dico) earum sedes. In quâ, præter veterem nominis dignitatem, quid pænè reliquum? nec publicis opibus, sed famâ suâ dixeris eam stare. Et tamen stabit, nisi vniuersa ruina patriam hanc inuoluit: à quâ nonnullus mihi interdum metus est, euentus istos improsperos, & magis caussas eorum intuenti. Sed benignus ille Deus, semper nostri tutor, auxiliabitur: qui te quoque Reu^{me} in C. P. seruabit Ecclesiæ suæ & Reipub. fulcrum. Louanij, iiii. Idus Sept. ∞. IO. XCIII.

EPISTOLA VIII.

Dolam.

CLAVDIO FROSSARDO A BROISSIA S. D.

A MOREM ego, non audaciam interpretor, mi Claudī, quòd ad me scribis. Et si enim varij interpellant, & verè dicam, melior diei pars scriptiunculis perit: tamen numquam mihi graue, capere aut reddere litteras ijs, qui tui similes, in virtutis & doctrinæ viâ recto cursu pergunt. Est etiam naturâ insitum, vt amemus faueamusque ijs, quos putamus operâ nostrâ meliores, aut instructiores. quo in numero censere te non desinam, qui aliquamdiu cum affectu & industriâ nos audisti. Et nunc patria tua te habet, magis loco alio quàm animo, vti confido; & pergis haud dubiè in ijs, quæ benè cœpisti, & exstrues ædificium, cuius iacta iamdiu fundamenta. Deus faciat. & (ne aliò te mittam) pater tuus, vir magnus, tibi sit in oculis, quẽm ad culmen hoc honorum eaispa studia artesque duxerunt, ad quas te vocamus. Vixi ipse olim in eâ vrbe vestrà, sed non longum: & specimen etiam tunc aliquod publicè dedimus ingenij, aut facundiæ, siquid in nobis erat. velim scire, ecquid schola nunc floreat? vereor vt minimè, cum motus, si non vestros, vicinos tamen video, & Martem ac Bellonam vbique in pretio magis, quàm Phæbum aut Musas. Istę vices rerum sunt, & magnus ille gubernator, modò temporum lenem aliquam mitemque æstatem inducit; modò asperam turbantemque hiemem. Ferenda omnia, & expectanda ac votis expectanda meliora. sed vita in primis: quæ si emendata, profectò hæc quoque breui emendentur. Vale mi Claudī, & Amplissimo parenti tuo officium & salutem meam defer. Louanij, vii. Kal. Febr. ∞. IO. XCIIII.

EPISTOLA IX. *Vratislauiam.*MATHAEO WACHERO *Cancellario Silesiæ* S. D.

Si à frequentia scribendi animum meum æstimas & amorem; malè audiam necesse est, & deseruisse videbor militiæ huius signa. Quod non ita est, spondeo: sed laxat me, & velut comineatum aliquem liberiores dat, valetudo. Pares non sumus, quod apud te profiteor, reponere tot epistolis, quas vndique &

que & assidue missas lectitamus. Tamen vos mihi pauci illuc eximij; & ipsa cessatio etiam habuit causam, ut in occasione te affarer. Ecce data est, scribo, & una libellos de CRUCE mitto. Titulus magnum aliquid spondet: tractatui autem stilus noster fortasse non responderet. sed vos legite, & quod amicorum est, iudicate, atque etiam indicate. Amo admoneri. De filio, quod postremis litteris consilium meum quaesieras, nunc dabo: etsi ex ipso silentio videre potuisti, quid sentiam. Nam si mittendum huc iudicasset, certe respondiissem & id scripssiissem: non placuit, ne nunc quidem. quid ita? non quin iucundum esset, tuum aliquem, imò te ipsum quodammodo, hic habere; sed quia omnia bello etiam iacent, nec est vetus illa schola quae fuit. Exteri non conueniunt, ob viarum discrimina, & quia in vicino hostis. Qui Louanij iam agimus, nihil mentiemur, si in liberâ quâdam custodiâ nos agere dicemus. Vestigium extra urbem tutò non ponimus, & illa prata, campi, siluulae, calcantur aut adeuntur raro pede. Cur igitur nos ipsi hic agimus? quia alia nostra ratio à iuventute. Quiescere nobis propositum; illis discere, tutò agere & iucundè. denique haec patria mea est, & incommoda etiam eius meritò fero. Ut parentis aspera aliqua verba, filius patienter audiat, extraneus aspernetur: simile hic esse dicam. Mollit etiam, quòd Rex & Ordines honestè me & benignè habent. Sic agimus mi Wachere: ut apud te omnia bene & votiuè, idque in longum, Deum equidem rogo. Louanij, Nonis Feb. ∞. IO. XCIIII.

EPISTOLA X.

Bruxellam.

IOANNI DRENCKWAIRTO, *Thesaurario supremo Regio.*

HARTIVM dimittere sine litteris nolui, illud Hartium in amore vtriusque nostrum. Et quod me in tuo esse voluisti, gratias habeo, & in animo agnosco. Non fallunt me aut verba tam benigna, aut ipse vultus, affectus tui index. Habeo, inquam, gratiam, & debeo: atque utinam in me sit, quo foueam honestum istum ignem! Quod quidem petebas à me nuper, de adolescente aliquo, quem ad manu et honestiora munera haberes, qui esset ex meâ institutione: hoc ipso quid de me sentias video, & statim dedi operam, ut effectum darem. Scripsi ad quemdam,

dam, qui nunc Mechliniæ; sed frustra, quia fides eius alteri iam obligata. Putabam tamen illum aptum futurum, ingenio, doctrinâ, moribus. Sed de alio cogitabo & dispiciam, si eruere aliquid possim. Nam bonâ fide, eiusmodi adolescentum copia rara est, qui cum litteris Modestiam sociant & Virtutem. Sunt qui in illis aliquid possunt; sed ferè iidem vani, elati, & mores demutant. Scio te vtrumque velle, & à literaturâ modicè instructum, & à moribus vel maximè ornatum. Sicut arborum illæ optimè, quæ non florem solùm, sed fructum ferunt: sic hominum, quibus præter ornamenta doctrinæ, vita etiam est ad frugem. Sed cùm de fructibus, tibi quoque agendæ gratiæ, qui altissimi opimos carduos ex horto tuo submisisti. Quid remitto? animum ferò semper tuum. Louanij, xvii. Kal. Sextil. ∞. Io. xciiii.

EPISTOLA XI.

Antuerpiam.

ABRAHAMO ORTELIO S. D.

DISSEREBAMVS nuper, vt scis, in mensâ apud Antistitem nostrum de Gestatione: & erat qui fortiter negaret in essendo eam fuisse. Contrâ tendebam, & sciebam: sed non per-
tendebam, vt meus mos est, & vincar in talibus citiùs quàm pugnem. Itaque altercationem desij; abeunti tibi & requirenti obtuli, scripto me consignaturum, quod eius rei esset. Feci largiter, & totum hunc ritum explicatum, & in oculis ecce habes. Videbis, iudicabis, me amabis. GESTATIO veteribus Romanis crebro, vel assiduo potiùs in vsu, exercitij & valetudinis gratiâ: idque ferè sub balnei aut cænæ tempus. Quia, inquam, exercitij: ideò Glossæ veteres explicant *Gestationem*, *γυμνασίαν*: itémque, *Gestatorem*, *γυμναστήν*. Sed laxum est, & finem rei, non rem dicunt. Pressiùs meliusque eadem alibi: *Αἰώρα*, *Gestatio*. &, *Αἰωρίζεται*, *Gestatur*. Id verum est. & latio omnis aut vectatio in naui, lecticâ, curru, venit in hoc nomen. Celsus per partes explicat libro ii. in Capite proprio, *De Gestatione*. Genera, inquit, *gestationum* plura. sed tamen leuissima est naui, vel in portu vel in flumine: vehementior in alto mari, vel lecticâ aut scamno: acrior vehiculo. Omitto illas in aquis, in terrâ igitur triplex est: Lecticâ, Scamno, Vehiculo.

*In I. Ele.
dor.

culo. De Lecticâ, notum est, & * alibi explicauit: Scamnum quid est? dico idem esse, quod Sellam. Nam in Lecticâ iacentes ferè vtebantur; in Sellâ sedentes, ideoque & Scamnum dixere. Haud sæpè legas. sed in Iuuenalis Scholiaſte veteri, huic ſententiæ firmamentum repperi. qui vbi Iuuenalis dixerat,

—— *ſtratâ poſitus longâque cathedrâ:*

interpretatus eſt, *Cervicalibus ſtratis, Scamnum dicit.* Ergo eo auctore, idem Scamnum quod Cathedra ſiue Sella. Hæc eſt quæ *Sella geſtatoria* Suetonio dicitur Neronis cap. x. Vitellij xvi. De duplici iſto genere, iunctim ita Seneca De breuitate vitæ: *Ne illos quidem inter otioſos numeraueris, qui Sellâ ſe & Lecticâ huc illuc ferunt, & ad Geſtationum ſuarum, quaſi deſerere eas non liceat, horas occurrunt.* De ſcamno idem, epiſtolâ lv. *A Geſtatione cùm maximè venio, non minùs fatigatus, quàm ſi tantum ambulaffem, quantum ſedi. labor eſt enim diu ferri.* Poſſet quidem hoc & ad Vehiculum aptari; ſed de Scamno verius, quia dixit, *Ferri.* At tertia eſt in Vehiculo ſiue Eſſedo. & communiter valdè ſic utebantur, & hanc maximè intellegebant. Suetonius Veſpaſiano: *Poſt deciſa, quæcumque obueniebant, negotia Geſtationi, & inde Quietì vacabat.* Eadem enim illa quaſi interpretans Aurelius Viſtor: *Poſt autem negotiis, quæcumque obueniſſent, auditis, exerceri Veſtatione, deinde requieſcere.* Idem Suetonius Galbâ: *Ne ad geſtandum quidem vnumquam aliter egreſſus (ita hæc legerim) quàm vt proximo vehiculo ſecum decies Hs. in auro efferret.* Significat, ſic timidum an cautum fuiſſe Galbam, vt numquam vel leuiter domo egrederetur, etiam ad Geſtandum; quin ſecum altero & ſequente vehiculo, decies illud Hs. quaſi ſubſidium fugæ (ſi interueniſſet) efferret. Nec ſanè quidquam in eâ lectione mutandum eſt. Seneca de peruerſo illo Spanio, epiſt. cxxiii. *Quæro circa horam noctis octauam, quis ſit ille rotarum ſonus? dicitur velle Geſtari.* Manifeſtè dat rotas: ergo eſſedum fuit. Sic Martialis:

*Illic Flaminia Salariæque
Geſtator patet eſſedo tacente,
Ne blando rota ſit moleſta ſomno.*

Suetonius de Claudio: *Solitus etiam in Geſtatione ludere, ita eſſedo alueoque adaptatis, ne confunderetur ludus.* In eſſedo igitur, ſubiunctis equis, aut mulis: & quis ultra neget? Sanè mulos Iuuenalis adſi-

adsignat, versibus mox dandis; equos Martialis, in istis:

Gestatus biuius Regulus esset equis.

Quia autem crebra, imò assidua hæc Gestatio; curæ fuit, ut locus esset in vrbe aut villis duplex, Apertus & Tectus. Ille in æstate vsui; hic hieme. Et apertæ quidem Gestationes non nisi *arboribus clauderentur ad latera, plerumque infructuosis, & quæ speciem modò haberent. Vlpianus de Vsufructu: *Et si fortè voluptare fuit prædium, viridaria vel Gestationes, vel deambulationes, arboribus infructuosis opacas atque amœnas, non debet deijcere.* Plinius lib. II. Epistolar. *Gestatio buxo aut rore marino ambitur.* At tectæ, porticibus clauderentur, opere & manu factis. Vtrumque genus Iuuenalis tetigit, Sat. IIII.

* Vt Xysti.
& sunt ipsæ.

Quid refert igitur, quantis iumenta fatiget

Porticibus? quantâ nemorum veſtetur in umbrâ?

Nam priora palàm ad porticum Gestatoriam, in quâ effedo cursus. Et posteriora explicat Scholiastes, *Viridaria, ubi solent Gestari.* Iterùm de Tectis, idem Sat. VII.

Balnea sexcentis, & pluris Porticus, in quâ

Gestetur dominus, quoties pluit. anne serenum

Exspectet, spargatque luto iumenta recenti?

Atque cæ Porticus, fortassè & Viridaria, plerumque rotundæ, & in orbem ibant. Quare? quia in exiguo spatio scilicet, amplior ita veſtatio, continens & recurrens. Plinius indicauit, cùm dixit: *Rore marino ambitur.* Ergo Ambitus fuit: & clariùs inscriptio hæc marmoris, ubi & magnitudo Porticus expressa:

GESTATIO

CIRCINI. EXTERIOR

A DIAETA. APOLLINIS

AD. DIAETA. EANDEM

IN. CIRCVITV. P. ∞. CC.

LXXVII.

Has tales, ditiores etiam in ipsâ vrbe habebant, suisq; domibus. nec Martialem aliter exaudio, lib. XII. ad Sparsum quemdam:

Et rus in vrbe est, vinitorq; Romanus,

Intraque limen clausus effedo cursus.

Non aliud quàm Gestatio clausa tectaque est: eoq; non placeat rescribi, *latus effedo cursus.* Noto denique, solum ipsum in his arte factum

factum & duratum fuisse leuiter: vt & concussio leuior esset, nec rotæ inæqualiter imprimerentur. Plinius in laudibus suburbani Comensis, lib. i. Epist. *Quid Euripus viridis & gemmeus? quid illa mollis, & tamen solida Gestatio?* Nam pro ipso loco accipit, vt superiora aliquot exempla item euincunt. Hæc veteres, & pro bono valetudinis, quod res ipsa dicit. Plinius item, lib. xxviii. *Inprimis verò prodest (valetudini) Ambulatio, Gestatio, & ea pluribus modis.* Seneca commendat, epist. xv. *Gestatio & corpus concutit, & studio non officit. possis legere, possis dictare, possis loqui, possis audire.* Et de concussione illâ distinctius, epist. lvi. *Mihi tamen opus erat concutere corpus, vt siue bilis infederat faucibus, discuteretur; siue ipse ex aliquâ causâ spiritus densior erat, extenuaret illum iactatio.* Sanè litteratorum, & qui menti operantur, exercitium illud sit: doleo periisse, aut certè per mores siue opes à nobis non vsurpari. Tu vale mi Orтели. In Musæo nostro, prid. Kal. Iul. ∞. Id. xciv.

EPISTOLA XII.

Bruxellam.

OTHONI HARTIO 1^{to} S. D.

EN, mi Otho, ad nostrum Thesaurarium, (quidni nostrum? ego hercules corde veneror & amo) en inquam, de re quam commisit. Iuuenis de quo dixeram, & qui initio excusauerat, nunc paratus videtur, & rumpet vinculum quod ligabat. Scripsi igitur, & exspecto quid videatur. Si arcessi eum placeat, & coràm conspici atque audiri; hoc approbem, ne vnus mei suffragio admittatur. Confido equidem fore, qualem volumus, & esse in eo quæ volumus; sed vos quoque diiudicare, quid nocet? imò id opus est, & decet. Rescribe verbo, non longos logos, auocor, & fabri mei strepunt. Adfirmo tibi, per læuam hanc occupatiunculam iacere studia, & interiores litterulas nostras. Sed non diu me tenebit, abi ædificatio, meam imminuis, res tuas tibi habe. Vale. Louanij, vii. Kalend. Sept. ∞. Id. xciii.

EPISTOLA XIII. *Bruxellam.*IOHANNI DRENCKWAIRTO, *supremo Regio Thesaurario.*

QUOD agere cœperam cum adolescente illo Batau, vt operam daret tibi in scriptione, & alio ministerio honesto, et si initio remora aut impedimentum fuit, tamen videor peregisse. Peregisse inquam, quod ad ipsum attinet: qui iam inclinât, & expecto voluntatis tuæ nutum. Si ita sedet, mittam ipsum ad te vt videas, explores; & transigas etiam, si approbabis. Equidem falli possum, sed moribus, industriâ, & mediocri doctrinâ, spero sustinere meam & tuam expectationem posse. Honestus inter suos est, & natus è Persinis: sed pietas & religionis studium (ama causam) amouit eum è patriâ, vbi parentes quoque sunt inter planè probos. Cetera, Vir Ampl^{me} tuo iudicio relinquo, quod certum mihi est acce esse & rectum. Verbo si rescribis, mittam eum ad te, & Mechliniâ euocabo, vbi nunc agit. Ampliss^{me} & Nobil^{me} Domine, diu reip. regi, & nobis, salue. Louanij, VII. Kal. Sextil. ∞. IO. XCIIII.

EPISTOLA XIII. *Antuerpiam.*

CORNELIO PRVNIO V. C. S. D.

EVGE, euge benignitatem tuam! qui munera ad me mittis, non plenâ manu aut sinu, quod dicitur, sed toto curru. Fatebor tibi, velut ictu lætitiæ percussus sum, cum vidi: & hortor perpetuum emblema & ornamentum in se iussi, quo maximè egebat. Nam florum aliquid, fruticum istorum nihil habebam: vt munus tuum non magnitudine solùm (verè tale est) sed opportunitate mihi sit gratum. Fecisti quod scripseras, & Diem patrem ab inferis excitasti, qui non florilegam Proserpinam, sed Floram ipsam raperet & Pomonam. Amo amo te, etiam cognatum tuum *Dilftium*, qui tam promptè, tam benignè, hoc curauit. Quid autem vltrâ dicam? etiam illud, pœnitentiam iam agere impudentiæ meæ incipiebam, qui sic confidenter postulassem, quod ipse non haberes. Sed næ ego pœnitentiæ illius magnam nunc pœnitentiam ago, cum successum video, & ius mihi hoc fuisse in candidissimo tuo amore. Enimuerò, mi Pruni,

ferrea hæc sunt tempora, liceat etiam uti interdum ferreâ fronte. Etsi mollis ea mihi per naturam est, sed sic desiderium & cupiditas indurat: qui auidè ista hortensia appeto, auocamenta non à studijs solùm, sed à curis. quas tempora hæc assiduè & vberim gignunt. Quibus etsi non tollitur lumen illud, ut sic dicam, mentis: tamen interdum offuscatur, & velut nubeculâ serenitatem eius subducunt. Tu verò accumulas etiam beneficium, & de fenestris in nouâ domo iterum offers. Accepi & accipio, fenestras inquam: & duas nomini tuo inscribam. Te autem ipsum V. C. in hoc pectore, è quo nulla dies euellat. Louanij, III. Kal. Oct. ∞. ID. XCIII.

EPISTOLA XV.

*Ingolstadium.*HYBERTO GIFFANIO *Jcto* S. D.

CVM Francofurti te vidi, & magis cùm audiui, decretum mihi certò amicitiam tecum colere, quam etiam colo. Nihil in animo remisi, etsi in scriptione fortasse aliquid fuit, variâ vel culpâ vel causâ. Culpa quidem in ijs, siqui meas (bis enim scripsi) aut non reddiderunt per negligentiam, aut per malitiam supprefferunt: causâ etiam in me, quem occupatiunculæ, & valetudinis infirmitas recidere cogunt & imminuere totum hoc genus scriptionis. Sumus Louanij, docemus, ædificamus etiam: an non bono magnoque animo, inter medias res aduersas? Litteris quidem quid hîc fiat, per te intellegis, nec pueros Musarum nunc in pretio, sed Martis. Apud vos aliter, & video Germaniam totam excoli, & fugitiuas è Gallia artes sedem figere illîc. Longum ita sit, nec magnus ille hostis quietem istam turbet, qui in limite, ut audimus, assultat. Ego ab Italis variè vocor, Pisas, Patavium, Mediolanum: tenet patria, à quâ tamen vel inuitus auellar, si possidet & mancipio habet eam Mauors. De Ictis quod requiris, nihil mihi nunc in promptu: sed nec otium nostra dispiciendi. Militia me exercet, sed vetus illa Romana: & cœpta iam est cudi. Tu quid agas, quâ agas, & satin' ex voto tuo illîc & merito, velim scire: & te ætatem valere. Vale V. Cl. Louanij, Idibus Nouemb. ∞. ID. XCIII.

EPISTOLA XVI.

CAROLO CLVSIO S. D.

ARGVMENTVM te scribendi non habere, & tamen scribere, certè amoris est argumentum mi Clusi. De quo inter nos ambigere quì possumus? inueterauit iamdiu, & vt annosa arbor,

— *quantum vertice ad auras*

Æthereas, tantum radice ad tartara tendit.

Sed mitto blandiri. Germanum nobilem, te mystagogo, in amicitia nostræ ædem recepi: & vt tua elogia sunt, non eam maculabit. Valetudinem tibi in hac ætate satis validam esse, gaudeo, & diu talem precor: de meâ quod quæris, ambigua est, & vt cum nostro Comico, magis varia quàm panthera. Totâ quidem hac ætate aduersa fuit: sperassem meliorem, si Aquis Spadanis vti mihi per terrores vestros licuisset. Videbo quid in proximâ erit, si tamen Deus & hanc dabit. Tu mi Clusi salue, & hunc ineuntem annum atque alios felix vide. Louanij, III. Kal. Ianuar. ∞. ID. XCV.

EPISTOLA XVII.

Leodicum.

GVILIELMO BEECKMANNO I^{ro} S. D.

NVPER admodum litteras tuas accepi, & hauebam iam nunc respondere, sed muliercula elapsa mihi celerius opinione fuit. In morâ nihil intertrimenti: animus in te est qui fuit, imò addo qui erit: id est, iudicio & affectu tui amans. Iudicium meum meruerunt cùm alia in te, tum modestia: quæ numquam me fefellit radix esse & altrix virtutis & veræ famæ. Oculi & animus mihi sæpè dolent. cùm aliam iuuentutem istam video, proteruam, lubricam, vanam; & id in laudabilium omnium rerum inopiâ, aut raritate. At firma & bona mens, vt ager post quietem, fructus promittit vberes, & non fallaces. In eâ re vtinam contulerit, aut conferat aliquid, consuetudo vel auditio mea! Scio optare, & non minùs tibi fauentem, quàm tuos esse. Tu autem non speras tantùm, sed iactas, & inuidiosum exemplum adfers Alexandri & Aristotelis: quod non agnosco, & scio esse super sortem

sortem nostram. Affectum tamen tuum agnosco & amplector, nec nolo sic errare leuiter, qui doctorem me habuerunt, aut habent: hoc fine, vt ardentius amplectantur aut perseuerent, quæ præscripsi. Duxisse enim & præiuisse ad bona me spero, & porro volo mi Beeckmanne, vbi occasio aut facultas erit. De Orano iam olim meo, spondere ausim, quod te amabit, iuuabit, pro copiâ suâ & Genio temporum: nec vltrâ te scio velle. Ego hoc vnum à te, vti me ames, & fratri tuo Canonico affectum hunc à me nuncies cū salute. Louanij, post. Non. anni noui ∞. Id. xcv.

EPISTOLA XVIII.

Ariam.

FRANCISCO MODIO S. D.

GRATVLOREDIJSSE mi Modi, gratulor, & animi mei voto tibi adsum. Quando ad nos? inuise veteres tuas sedes, veteres etiam amicos: reperies & affectus veteres, nec temporum aut locorum interuallo mutasse. Ille quem amare me inuito solebas (liberè dicam) abiit

Illuc, vnde negant redire quemquam.

Sed abiit & noster ille Victor, ingenio dissimilis, & totus puritas, candor, fides. Rogas de meis studijs. quid si iacere ea dicam, per tempora parum ijs amica? nec mirum, nec iniquum dicam: tamen, vt possum, erigo, & pars altera Militiæ me habebat. Machinas & instrumenta eius tractabam. O me vel in turbis beatum, quod animum abduco, & his oblectatiunculis pasco!

—— *nihil amplius oro*

Maiâ nate, nisi vt propria hæc mihi munera faxis.

Eodem te, mi Modi, voco. nec ad elegantix illa solum, sed sapientix studia: quæ & æuo huic, & ætati tuæ maturiori, sint apta. *Satis multum temporis sparsimus*, ait ille, *incipiamus in senectute vasa colligere*. In freto viximus, moriamur in portu. Fac, fac ô ad alta natum ingenium! & semper sic sensi de te, & magnum spondi. Quod autem in extremo me rogas, siquid in Cæsarcos scriptores habeam, communicem: parare te eorum editionem: ecce subiunxi. & amplius dico, siquid in aliâ re iuuare te, etiam re meâ possim, pete, & puta factum. Louanij, viii. Kal. Febr. ∞. Id. xcv.

In Vulcatij Cassio scribitur:

Enumeravit deinde omnes Principes, qui essent occisi, dicens meruisse Neronem, debuisse Caligulam, Othonem & Vitellium nec imperare voluisse. Nam de Pertinace & Galbâ paria sentiebat, cum diceret, In imperatore auaritiâ esse acerbissimum malum.

Mirum de Pertinace hîc dici, & illum Galbæ etiam (quanto post Galbam?) præponi. Sed magis mirum, hæc ab Antonino Imp. dici, qui Pertinacem antecessit. An ille de morte eius si fortè diuinavit? Putarem, de pertinaciâ Galbæ. & propriè significat vel tenacem nimis fuisse; vel & peruiacem in proposito non largiendi. Spartianus videatur eâ voce sic vsus in Seuerò: *Cognomen Pertinacis, non tam ex suâ voluntate, quàm ex morum parcimoniâ videtur habuisse.* Nam Pertinacem & Parcum æquiparat. Sed videndum ne ibi veriùs (ex sententiâ) *morum acrimoniâ.* Sic Capitolinus, in Albino: *Cum suis nunquam cenauit, vel propter vinolentiam, vel propter morum acrimoniam.* Lampridius in Alexandro:

Aulicum ministerium contraxit. ita vt annonas non dignitatem acciperent, fullones, vestitores, pictores, & pincernæ, omnes castrenses ministri.

Itânc *Castrenses ministri* cum Aulicis hîc miscentur? atque adeò *pincernis* & id genus iunguntur. Vide num, *gastrenses*: *παρά τῆς γαστέρας*. qui, inquam, ventris ministri sunt. Ita Ammianus libro xxv. *Hyperochum antehac rectè gastrensis ministrum, id est ventris & gutturis.* An placet scētæ *gastrensis*? sed vox compâret. In Festo est: *Mugger* dicitur à *castrensi* hominibus, quasi *mucosus*, qui talis malè ludit. Suspicebam & hîc, *gastrensi*. quid enim talis, cum castris? qui illinc, vulgò certè, exsulabant. Atqui vulgi hoc verbum. Si tamen retines; tum placeat *telis* legi: & sic dictum ioco militari, qui in cottidianis proludijs siue exercitijs tela ignauè & languidè mitteret. In Lampridij Heligabalo:

Vt ex totâ penitus vrbe atque ex nauticis monobelos quærerent. sic eos appellabant, qui viriliores videbantur.

Causam eius nominis haud assequor satis, nec nimis scrutor: sed mihi clarius esset, *onobelos*: quasi asinino telo insignes. Ita Commodus hominem habuit magnâ prominentiâ, quem *Oron* appellabat. In Capitolini M. Antonino:

Cum agrotare cœpisset, filium aduocauit, atque ab eo primum petiit,

ut belli reliquias non contemneret, ne videretur Remp. prodere. & cum filius ei respondisset, cupere se primum sanitatem, ut vellet, permisit; petens tamen ut exspectaret paucos dies, aut simul proficisceretur.

A sententiâ corrigere admoncor, *cupere se primum civitatem.* Pater quidem filium Commodum hortabatur belli reliqua conficere; sed ille ad urbem adspirabat, quasi illuc imperium firmandum, & sedes eius occupanda. Sed reuerà deliciæ & luxus eum trahebant: quod ex Herodiano discas, quem hîc vide. In sequentibus etiam lego: *ut vnâ proficiscerentur.* Cùm vidit pater decretum ei ire; permisit, inquit, rogans tamen moram aliquam post suam mortem, ut nempe funere facto, vnam paternam & reliquias secum ferret: atque ita *vnâ proficiscerentur.* In Vulcatij Cassio:

Scis enim ipse, quod Maiestatis hac natura est, ut videantur vim pati, etiam quibus probatur.

Sunt verba ex ipsâ epistolâ Marci ad Verum, sed emendanda, etiam quibus parabatur: vel, & à quibus. Dissuadet Marcus puniri Cassium, etsi affectati regni & (ut loquebantur) Maiestatis suspectum. Causam dat, quia egrè persuadetur alijs, quemquam hoc tentasse: & vim, inquit, atque iniuriam passi videntur, qui ipsam parabant. Hoc est, quod subiicit: *Non credi Principibus de affectatâ tyrannide, nisi interfectis.* In Capitolini Maximo & Balbino:

Maximum igitur atque Balbum, quorum vnus in re militari tantus est, uti nobilitatem generis splendore virtutis allegerit, alter ita clarus nobilitate est, ut & morum lenitate reip. sit necessarius.

Constat maximum istum è nobilitate non fuisse: atque ipse Capitolinus mox addidit: *Maximo pater fuit è plebe.* Itaque legendum: *ut ignobilitatem generis splendore virtutis texerit:* aut si quis mauult, *alluxerit.* In Spartiani Hadriano:

Omnibus Hispanis Tarraconem vocatis, dilectumque ioculariter (ut verba ipsa ponit Marius Maximus) detraherentibus.

Imò tota hæc res iocularis non fuit: seriò actum, & puniti mox detractantes. Scribam ego: *populariter detractantibus.* In Lampridij Alexandro:

Historicos eius temporis legant, & maximè Acholium, qui & itinera

itineræ huius Principis scripsit.

Conuenire magis censebam, *qui & intima*. Iterum in Lampridij Alexandro:

Antonini nomen suscipi mereatur, Senatus Antonini mereatur.

Verius: *suscipe. Mereatur Senatus, Antonini mereantur.* Ohe, satis hæc funto. *μὴ κόρη ἐλθὼν κώσῃ*, ait Pindarus. Vale.

EPISTOLA XIX.

Leodicum.

P. LEONARDO LESSIO, *Theol. Soc. Iesu S. D.*

FONTES & ego te expectamus. Quid venisti vt sic abires, consors discriminis tantum, & vix fructus? Redi cum bono Deo, ille aderit & securitatem dabit, fortasse & sanitatem. Turba quidem hîc nunc exigua, sed crescit: & illi ipsi qui Limburgi sunt, & vibices vinculorum adhuc gestant, illi, inquam, redeunt, & sperant meliora. Post latrocinium recens, viæ tutiores sunt, post tempestatem ferè serenitas: nobis, post periculum & fugam, quies & securitas adsint. Principi Electori qui à consilijs sunt, polliciti mihi tutelam, & nostri curam: nihil tamen adhuc factum cuius fructus appareat, & in oculos incurrat. Salue mi Pater, & tecum Smithus. Quandocunque venietis, cænulam vobis paratam apud me scitote, ex legibus Spadanis, tenuem, frugalem, cum fame dimissuram. Spadæ, iv. Idus Iulij ∞, Io. xcv.

EPISTOLA XX.

Antuerpiam.

IOH. BRANTIO, *Graphiario S. D.*

IN ipsâ tristitiâ tuâ & luctu super paternâ morte, gaudium aliquod mihi fuisse, non possum mi Branti negare. Non quin dolori mihi dolor tuus fuerit, & seriò fuerit: sed quòd memoria mei in illi ipso adhuc actu apud te fuerit, & binis tuis litteris me compellaris. Benè factum, in tali sorte exprimit se animus & clarè ostendit quos habeat inclusos. Itaque hoc ipso video valdè me à te amari, quòd cogitationem & scripta etiam ad me mittas, & tacitè solatium aliquod petas. Vtinam dare possim, vt volo, mi Branti! si non pulsus dolor tuus, certè fractus esset, & talis à quo periculum non esset viro forti. Et si cur ego

dem? te ita cùm video, nihil opus: qui & legisti hæc omnia, quæ dici possunt & solent, & excerpta eorum quædam in epistolâ tuâ vtiliter sparsa cerno. Duo quidem sunt, quæ solari te maximè debent. & communis illa lex, quam fatuus est qui non cogitat, **DEBVISSE MORI**: & quòd indulgentiâ quâdam & benignitate diuinâ diutissimè eo fruitus es, & præter communem morem. Ad extremam ætatem parens ille tuus venerat, vidit in plerisque liberorum, quæ voluit: te coniugio, prole, officio florentem: quid ultra ei gaudij accedere potuit, imò quid non doloris? *Ætas illa pessima subiecta tot incommodis, ætas hæc publica tot vitijs aut cladibus: ut nihil nisi misérias propagari illi voluerit, qui vitam. Votis, votis prosequendus est cùm abiit mi Branti, ut feliciter & ad supera illa ierit; non querelæ interponendæ, nec reuocandus ad humum & misérias humanas. Quas qui recto oculo intuetur & diiudicat, proh Deus quid in vitâ eum teneat aut iuuet? Sed fatui ita plerique & terreni sensus sumus, ut viuere tantum ut viuamus iuuet, & quia innatus aliquis metus est à solutione & morte. Tolle hunc, vitæ suauitatem sustuleris, & vereor ut plerique faciant, quod ille qui Platonis Phædone lecto properauit ad spontaneam mortem. Hæc & talia meditanda mi Branti: non dilato, quia & scire te scio, & spero usurpare. Nos Louanij iterum sumus Spadâ reduces, & penè in Bataviam reduces, ut vis fuit & insidiæ hostiles. At Deus tutatus est, & velut nube me velatum ab ijs texit. Vbi dixi, v. Idus Sextil. ∞. Io. xcv.*

EPISTOLA XXI.

*Leodicum.*PETRO ORANO *Ido.*

BEKEMANNVS ad vos venit, quem litteræ meæ non tam conciliant, quàm ostendunt. Vidisse eum & nouisse, amare est: ita sunt mores & ingenium adolescentis, addo & doctrinam super hanc ætatem. Doctrina autem ipsa melior politiorque est: in Iure vestro sine sordibus aut scabritie, denique & à Græcis fontibus hausta. Siue erit apud te in contubernio, siue crebrò veniet, benignus ei meâ causâ esto; & tua audacter aperi, non priuati consilij solum, sed & publici. De fide, & arcani patientiâ, sponsorem me cape. Filium tuum hîc erudiuit in Iuris rudimentis diligenter

diligenter & libenter: qui filius adhuc benè valet, & se gerit, spero & semper. Vale mi Orane. Louanij, prid. Kal. xbres, ∞. Id. xcv.

EPISTOLA XXII.

IOANNI DRENCKWAIRTO, *Thesaurario supremo Regio.*

CVM ipsa liberalitas Fontani Comititis mihi grata est, tum gratior te nunciante. Quid potest benignius, à tali viro? & affectu profectò in me ostendis, quem animo aestimare magis & pendere possum, quàm sermone promere aut linguâ. Quid autè gratias tibi agam? nec veteres quidem exsolui, & iamnùc tacitus mihi morsus est, quòd pro nupero beneficio pecuniæ annumeratæ, nihil feci aut dixi, quo internam hanc gratitudinem testarer. Certè enim ea in animo est, crede Vir Amplissime; & inter omnes Belgarum procures, tibi fatemur nos obstrictos. Age, quæ benignitas tua est, amare imò & curare (ita enim facis) me perge: non quò magis tuus fiam, quod vix potest, sed quia generosis animis ita insitum est, beneficia sua amare. Amp. & N. D. Regi & Reip. vale. Louanij, prid. Kal. Decemb. ∞. Id. xcv.

EPISTOLA XXIII.

IOANNI DRENCKWAIRTO, *Thesaurario supremo Regio.*

QUOD iamdiu insueui, id facio; & cùm auxilij aut opis egeo, ad te recurro. Fiducia benignitatis tuæ, in me toties declaratæ, impellit; tum etiam, quia ista res est, quæ propriè te & tribunal tuum spectat. Nam cum Ærario regio mihi res est: quæ? vt id exhauriam (iocanti dabis veniam) & ego quoque inter publicas necessitates, vnà cum multis, veniam petitor. Cum multis, sed in causâ remotâ & propriâ, & vt stipendij semestris solutionem impetrem, quod Rex titulo Historiographi sui voluit me ferre acceptum. Libellum communiter ad Senatum vestrum (ita moris esse audio) concepi: sed tuâ auctoritate & gratiâ inprimis niti me fateor: ac rogo, vt pro affectu tuo veteri, Amp. & N. D. mihi consulas, & rem hanc ex tardâ aut turbidâ expeditam reddas & tranquillam. Louanij, xii. Kalend. Sept. ∞. Id. xcvi.

gaudeas, fatis valeo, meliusculè etiam quàm soleo: adeò in hac quoque re morbus meus singularis est, & extra leges communes abit. At horti quoque nostri rident & florent, sed subdolum, vt vereor: & proxima æstas funera nobis aut dabit, aut ostendet. Nam iam nunc esse arbitror, sed terra tegit & occultat. De otio tuo sic honesto & industrioso, gaudeo & gratulor. Perge in istis, nec Electa illa (sic appellare soleo) omitte, segetem veram doctrinæ. Qui è variâ illâ lectione nihil colligit, seponit, disponit: nugas agit, & in acceptum pauca refert. Ordo cuique suus solet esse, nec in eâ re temerè præscribam: tuum illum serua, & minora quæ occurrent, in Alphabeti seriem distingue. Sed heus, te dubitare etiam de fato Bogardi, olim hospitis tui: ille verò vixit, & dum Bruxellæ essem, ante quatuor circiter septimanas, subito morbo extinctus est. Quid nouum? homo erat, & omnia in vna voce dicta. Te valere & viuere opto, mi Malleane. Louanij, XIII. Kal. Febr. ∞. IO. XCVII.

EPISTOLA XXVI.

*Brugas.*GVILIELMO MICHIELSIO *J^{do}* S. D.

SCRIPITIO tua, quâ beniuolentiam in me abundè testaris, pergrata sanè fuit: neque tarda, vt dicis. Nam scio multa interuenire in peregrinatione & itinere, ac priusquam stabilis aliqua sedes sit, quæ mentem à tali cogitatione auocent: tam mihi excusanda, quàm illud dolendum, morbum etiam inter causas fuisse. Sed benè, quòd fuisse: & meliorem firmioremque te nunc esse, eadem litteræ nunciabant. Vtinam de matre tuâ eadem spes sit! quam ego vereor, vti hoc genus morbi est, ad lentam & certam mortem ire. Sed præcipe tale iam nunc animo, & illum firma atque erige in omnem euentum. Vitæ hoc salum, vt sic dicam, iam ingredi seriò incipis: pueritia & adolescentia tua lusit adhuc circa litus. Proponc tibi & scito, multa falsa & amara euentura, sed quæ tamen voluptate aut amœnitate aliquâ summus ille Deus solet temperare. Vtraque modicè habenda sunt sapienti: hæc cum metu aliquo, illa cum spe, quia vtraque incerta, & vicibus suis mutantur. Idem in Republicâ tibi eueniet, cuius partem (& gratulor) nunc attigisti. Habeas, quæso, illam vt publicam,

publicam, & valdè nunc afflictam pro viribus erige aut solare. In eâ quoque vices videbis, & Deum nunc vindicem, nunc fauorem: vt vel merita nostra sunt, aut consilia eius occulta. Itaque nec in propinquo quidem naufragio eius despera. ita homini videbitur, sed ille vno nutu attollet, qui omnia nutu suo regit. De Lernutio meo, gratâ quæ nuncias. amo veteri & fido affectu illum virum: & tempora si alia sint (spero, breui) ita viuam, vt ipse me, aut ego illum videbo. Vale mi Michielsi. Louanij, post. Kal. Febr. ∞. IO. XCVII.

EPISTOLA XXVII.

Coloniam.

CAROLO VTENHOVIO.

EPISTOLAS crebras ad me mittis, & nouo planè genere scriptas. Nam solutis verbis cum legere me censeo, & scriptura præferat, mox versum & vincula agnosco: nec tamen vel primâ scriptione me fefellisti. Ita me Musæ, Musicum & lepidum hoc genus est, & quod pauci imitentur, nec nisi quibus pectus imbutum poëticâ eâ copiâ, & stilius factus ad promendum. Mitte, mitte sapiens, & nos oblecta. Scribis de Pannonico bello, quod feruet, & quid mihi videatur. Mihi? quod Principes faciunt, benè factum, nec in consilia illa inquirō. Videtur & necessitas fuisse bellandi, cum gens illa effera sic instaret, & identidem inducias ac pacta violaret. Sempérne contemni & calcari? Et tamen bellum magnum, anceps præuideo, & cum poëtâ,

Eheu quantus equis, quantus adest viris

Sudor?

imò & sanguis: nec vno alteroque prælio res ibi decernenda. De exitu tamen benè sperem, quia causâ bona est: & confidam etiam, si Germani, qui fuerunt, fient. Cum bonâ veniâ gentis dixerim, ab annis centum quæ mutatio, id est inclinatio facta? in robore, in opibus, in animis: nec dixeris esse vltra Martis illos pullos, & Homeri verbo, * θυμολέοντες. Profectò fuerunt. nec olim & Romano solum æuo; sed Caroli magni, atque infra, perseuerarunt. Ecce, in Fridericorum, Othonum, Henricorum rebus, quàm multa egregiæ fortitudinis opera? Vnum in Friderici primi occurrit mirabile. Obsidebatur Tusculi Antistes Colonien-
nien-
sis

* animo
leonino.

nienſis à triginta millibus Romanorum, qui tunc Imperatori hoſtes. Ad opem ferendam, ceteris cunctantibus, Moguntinus progreditur, & *quingentos ſuos milites, cum Caſarianis octingentis* educit. Inſtruntur acies, ſine aſtu aut fraude palàm certatur: fuſi fugatiq̃ue Itali, & *ad quindecim millia ex iis caſa*. Res fide pænè maior: ſed eius æui ſcriptoribus adfirmata. Neque alibi ſimilia, ſi non paria, exempla deſunt. *ut iure iactare & dicere* Rudolſus Auſtriacus primus potuerit: * *Se in qualibet mundi parte, cum electis quattuor galeatorum, & quadraginta peditum armatorum de Alemannia millibus, ſtare inuictum: aſtimans hos omnem multitudinem aggreſſuros*. En robora illius gentis: quid potentia & opes? paucis indiſijs colligendæ. Rudolſus Auſtriacus electus Imperator, cùm Aquasgrani venit, coronæ cauſſâ: *occurrerunt ei Dux Bavarie, Saxonie, & alij cum viginti millibus equitum*. Multitudinem aliam hominum ſtrata publica, uſque ad tria milliaria, vix commodè recipiebat. Poſteà deinde, in Adolphi electione: *equos phaleratos habuerunt Moguntinus mille quingentos, Treſirenſis mille trecentos, Albertus dux mille quingentos: & ubi reliqua omnis Nobilitas utriuſque claſſis*. Vnus Fuldenſis Abbas *ſexaginta millia bellatorum Imperatori præbebat in hoſtem*. Nec in hominibus tantùm, ſed in auro & argento exuberabant. *Ciues Friburgenſes comiti (Rudolſo) domino ſuo, pro modicâ emendâ, viginti millia marcarum tradiderunt*. Item: *Ciues Columbarienſes regi Rudolſo, vno anno, librarum triginta millia tranſmiſerunt*. Paullò poſt: *Thuricenſes mille quingentas, Conſtantiennes mille ducentas, Columbarienſes quingentas marcas regi Rudolſo dederunt*. Columbarienſes, præter hæc, *mille octingentas libras expenderant pro cibarijs & ſeruitijs dominorum*. Sed & quidam Imperatorum in pompâ & inſtrumento inſignes. De Carolo Boëmo Imperatore, Annales: *Erant omnia paramenta menſæ ſuæ ad comedendum & bibendum, & nauicula continens eleemoſynam illius menſæ, omnia de auro puro, nec quidquam inibi apparebat argenti: omnia autem inferiorum menſarum paramenta, etiam pro garcionibus, & currius ducens nauem continentem eleemoſynam, de argento fuerunt*. Ecce, in illius æui ſimplicitate, etiam ſplendorem, imò luxum. Omnia tamen ſuperabant Eccleſiarum opes, quæ pænè immodicæ tunc fuerunt. Vno exemplo oſtendam. Exiſtat pars *Chronici veteris rerum Maguntiacarum, per Conradum Episcopum: in quo recensentur*

* Verba ipſa in M. Alberto, eius æui.

* Amendâ, ſive mul-
tiâ.

* Arcamagna & receptaculū vaſorum.

templi eius vasa, vestes, ornamenta, Deus bone, cui sine stupore legenda? *Purpura, tapetia, dorsalia, palla, casula, tunica, insula, tiara, anuli, thuribula, grues, pelues, Urcei, calices, gemmae*: tantâ copiâ, pondere, pretio, varietate, vt recensere deterrear: duo tantum ex omni cumulo excerpam. Erant calices tres aurei (auratos omitto:) qui omnes habebant suas ampullas: & pyxidem ad hostias ex auro purissimo, & margaritis. Vno calice aureo solus Pontifex, vel praelatus Ecclesiae in summis festiuitatibus utebatur. Alij duo, tantae erant quantitatis, quod cum ipsis diuina mysteria nequaquam poterant celebrari. Erat enim vnus maior altero. minor habebat cum patenâ marcas auri electissimi octodecim: in cuius pede per circuitum erant pretiosi lapides valdè, & in patenae circuitu limbus, qui & ipse gemmis non carebat. Calix maior quot marcas auri habuerit, nescio: certum autem est, quod spissitudo eius erat digiti, & per totum, tam in pede quàm suprâ, gemmis erat pretiosissimis adornatus. Habebat etiam idem calix duas ansas, quae manus poterant implere leuantis. Huius patena talis erat latitudinis & spissitudinis, quod ipsi congruebat, & ipsa gemmis per circuitum decorata. Hic calix habebat altitudinem vnius vlnae, & capere poterat dimidium sextarium vini: nec ab omni homine poterat leuari à terrâ. Alterum, quod eligo. inter varias Cruces, vna fuit lignea, auro optimo vestita. in quâ imago erat aurea Domini crucifixi, quae imago cuiuslibet hominis communis magnitudinem excedebat: concaua, sed multum spissa: cuius venter plenus erat reliquiis, & gemmis pretiosissimis. Dicebatur autem nec Romanum Imperium meliores habere. In huius imaginis capite, loco oculorum, erant duae gemmae quas carbunculos vocant, tantae magnitudinis, vt duo vitelli ouorum, qui in tenebris coruscabant. Huic cruci inscriptus erat versus iste:

Auri sexcentas habet hæc crux aurea libras.

Et nota, quod vna libra habet duas marcas. Sic ergo erant mille & ducentae marcae auri probatissimi. Pro speciali huius auri examinatissimo valore, crux ipsa proprio nomine censebatur, vocabatur autem BENNA. Ex his mi Vtenhoui, robur, potentiam, opes, velut pertransennam vides: & quàm ab ijs ætas hæc defecerit, quæ non nisi in vitia & luxum surgit. Quæ causâ mutationis? plures, nec habet dicere. vnâ præcipuam à factionibus scio, quæ diuellunt iunctas olim vires: & Imperatori quid nisi precariû panem ius & imperium manet? Sed produco scriptionem, voto non querelâ

clauden-

claudendam.

— *stet Capitolium**Fulgens, triumphalisque possit**Roma ferox dare iura Medis.*

Vale. Louanij, Kal. Iunijs. ∞. Id. xcvii.

EPISTOLA XXVIII.

*Mechliniam.*IANO BERNARTIO I^{to} S. D.

MELIVSCVLE mihi esse, aut potius minùs malè quàm fuit, hoc tibi nuncio: etsi vires aut alacritatem, quæ in ipso isto perpeti languore aliqua fuit, nondum recepi. Cùm Deo videbitur, fiet; aut eò me recipiã, quò noster Berchemius. quem virum vnicè probum & litteratum nos amisisse, fidei testimonio meo scito. Heu, quid istud est, virtutem & prudentiam omnem à nobis sic abire: vitia, arma, barbariam manere, vel augeri? Iampridem vidimus, quidquid illud est, mutationem in Europâ & nobis Deum parare, & velut refingere velle hunc orbem. Sed hæc expectanda nobis scilicet, & ferenda mente, quæ fortes & peritos cælestium decet. Queri, mollitia est; reluctari, infania. Sed ad te, laudo quòd pedem figas in genere vitæ, quod Deum & fata quoque scire debes tibi imposuisse. Aliud aliquod animo magis allubescit fortassè: sed quod tibi, hoc illis quoque euenire scito, qui compotes sunt eius, quod tu petis. Ij sibi displicent, tædia & molestias suas habent, & fortassè ad tuum illud acriter anhelant. Miseria aut insipientia nostra! numquam desiderijs aut iudicijs quiescere, absentia petere, præsentia contemnere; & vitam semper inter vota suspensam habere. Interea illa venit, quæ ad Berchemium vênit, & bonâ fide quietos semel silentisque reddit. At tu, mi Bernarti, viue & vale tuis. nam & augendum te breui aliâ prole ex famâ, an ex tuis litteris accepi? Louanij, iiii. Idus Iun. ∞. Id. xcvii.

EPISTOLA XXIX.

*Bruxellam.*OTHONI HARTIO J^{to}.

INTELLEXI iam nunc ex litteris Marchantij de obitu Caroli filioli tui, neque nescio, ex communi parentum sensu, & tacitâ quâdam

quâdam naturæ lege, te & matrem dolere. eoque manum stilo admouî, vt breuiter, sed fortiter te solarer. Quem? virum vsu & doctrinâ, rerum humanarum peritum & gnarum. Quid igitur tam obuium, tam assiduum in ijs, quàm iste casus? Perambula cogitatione vibis tuæ domos: rara est excepta, quæ familiam quidem & proles habet. Comparatione illâ inuenies, benignè etiam tecum agi, qui non plures amiseris: & plures sanè habes, atque vt diu in solatium & fulcrum instantis senij habeas, Deum rogo. Sed enim iste eminere genio & ingenio videbatur. Credo equidem, & hoc ipsum est cur hîc non perennârit: quia Deus ille optimus, optima ferè ad se trahit. Ad se, inquam mi Harti: & hoc caput alloquij, in superis beatisque locis filius tuus agit. Dubitare non potes: dolere igitur non debes, gaudere potius, si ipsum & bona eius amas. Atqui citò periit. Quid hoc est? aut quantulum istud ipsum, quod longum nobis videtur? Triginta, sexaginta, centum anni, si cum volumine illo æui & cæli comparentur, quid sunt? punctistitium, & vix mereantur hoc nomen. Nihil hîc diuturnum: & verâ imagine tibi exprimam nostram vitam? Vidisti fabulas haud dubiè actitari sæpè, atque etiam à iuuentute in scholis. Prodeunt reges, satrapæ, alia officia, & quidam satellites, ac personæ in speciem, & mutæ. Ecce alij diutius ex ijs hærent in scânâ, & loquuntur; alij ostendunt se tantum, & nec vocem edunt: simile nobis est, vario munere aut dignitate in theatrum hoc Vniuersi mittimur; alij silentio transimus, aut ostendimur tantum. Nihil tamen deterior ille, qui in vili veste, qui non diu hæsit, quàm ille qui regem aut longum carmen egit. Apud Deum vita longa non optima, sed innocentissima: & eam filius tuus in purâ illâ ætate habuit, & nunc gaudium & triumphum. Adspicit te, & tuos, proque ijs orat & vota concipit: tu pone luctum, & patrem exue, induc Christianum, & virum. Cui rei quoniam & consuetudo & alloquia amicorum aliquid faciunt, ego & vxor vocamus amanter te & tuam ad nostros istos festiuos dies, & rogamus vt non negetis. Domus vobis mea patet, & totus hic animus: venite, possidete, valete. Louanij, IIII. Nonas Sept. ∞. 15. XCVII.

EPISTOLA XXX.

*Augustam.*MATTHAEO RADERO, *Soc. Iesu*, S. D.

ET amicitiam libens tecum iungo mi Radere; & illi firmandæ, quod petis de Martiale, in parte effeci. Amicum me toti Societati vestræ esse, quidni profitear? quæ prima litteris his alijsque me imbuunt, quæ salutaria in omnem vitam præcepta dedit & præiuit. Amo hoc corpus, amo & membra: te inter isthæc, qui vel affectu tuo, vel iudicio de me, hunc affectum merebare. Et si de iudicio, noli attollere nimis mi Radere. ego me non vetari inter summos scio, sed inter medios incedere, paullò altiorē fortasse ijs qui serpunt. Sed de Martiale quod tetigi, rem ecce habes. quid rem? pauca verba & notulas, atque eas alibi fortasse notandas. Tu facito, & Censor esto: tum etiam siquid ultra scire me putas, pete, non grauabor respondere, & certè te amare. Unà etiam Pontanum, eruditum & disertum virum, collegam tuum, quem saluto. Louanij, III. Kal. xbres. ∞. IO. xcvii.

EPISTOLA XXXI.

Antuerpiam. •FRANCISCO SCHOTTO, *Senatori* S. D.

BONAE fidei creditum est negotium, ut video, quod tam sedulò & maturè redditum est effectum. Tibi, & fratri tuo, hoc nomine debeo: & magis etiam pro affectu, quem in me ostendistis. Antuerpiam non temerè semper amavi, in quâ tam multi qui me amant. Coràm hoc nuper didici, atque abundè & largiter me vobis dedi. At tu & alij, inquis, queruntur de celeri discessu? Irâne? amicè magis, quàm iustè profectò: & quæ vrbs me tam diu tenuisset? non ipsa Bruxella, quæ patria mea esse vult, nec est tamen nisi incolatu. Alibi natus, ibi educatus sum. Sed confidite. si proxima æstas viuum & valentem me habet, mensē totum etiam vobis dabo, & conuiuiam: sed eâ lege, ut semel in die epulemur, reliquum fabulis & fermunculis, aut etiam occupatiunculis, detur. Utinam frater tuus interea ex Hispanis adfuit! quem virum iam olim noui, & quia noui, amo. est inter eos, qui rem non speciem in doctrinâ habent. Vale. Louanij, Non. Nouemb. ∞. IO. xcvii.

EPISTOLA XXXII.

EVERARDO POLLIONI, 1^{do}.

LAETVM me epistola tua reddiderat mi Pollio: ecce alteram ab amico aperio & lego, atque ibi triste illud de obitu parentis tui fulmen. Scio, & in animo isto sentio, ac quasi video dolorem tuum & complorationem: eò scilicet maiorem, quo melior ille tibi parens, & tu filius ei fuisti. Non sensibus solùm & animis, sed domo & contubernio hærebatis: ut si amorem natura & sanguis non inderet, posset dedisse consuetudo. O triste discidium! sed soletur te mi Pollio, breue discidium: & quamdiu scilicet hæc terra & alienum domicilium nos habebit? Viue diu, & ita voueo: sed ut viuas diutissimè, quid nisi septuaginta, aut ut improbè, centum annos? Leue & breue est, si Æuum respicis, quod fluxit ab æterno & fluit. O miseris, ô vanas cogitationes nostras & curas! congerimus, ædificamus, libros scribimus, & eternitatem nobis quacumque viâ spondemus aut optamus. Quid tamen aut quantula ista sunt? quamdiu etiam sunt? non loquar de opibus aut ædificijs, quæ statim æuo aut casu percunt: ipsa illa Fama, bonorum ingeniorum morbus, quousque se producit? Aliquid de Cicerone hodie aut Senecâ: id ipsum variè, inter culpas & laudes: sed quot anni sunt? vix mille quingenti, aut paullò vltra. Caput ipsum ingeniorum Homerus, nomen vindicat & possidet à bis mille quingentis & paullò amplius annis. Enimverò quid hoc est? trigessimâ aut quadragesimâ stirpe potui eum attingere, & vide quid longum aut diuturnum vocemus. Cogitatio ista sæpè me & solata est, & erexit ad contemptum aut calcationem potius rerum fugacium, id est humanarum. Consolatio altera, à communi omnibus lege. Rideamus, si quis cum tributa populariter danda sunt, lamentetur, & sortem suam accuset. quid ita? quia omnes cum dant, non superbè solùm sed stultè facit, qui se vult eximium aut exsortem. In hoc humani generis tributo cur non sic affecti sumus? cur fatuâ mollitiæ querelam & planctum miscemus? Hoc ipso quòd homo natus es, mori natus es: & siquid vltra punctum, horam, diem, annum viuis, donum est non debitum, & in gratiâ ac lucro ponas.

ponas. At nos obliuiscimur, aut non attendimus, & in tot mor-
tibus quæ cottidie occurrunt aut ingeruntur, vna aut altera nos
mouet & deijcit, quæ nos tangit. Alij si pereant, nihil noui aut
mali est: si nostri, ô nos miseros, ô infelices! Verba aut inuen-
tiunculæ non defunt, cur iniuria sit facta, cur Parca maligna
fuerit: & vides sæpè ac rides, credo, in hac re scænam vulgi. Stul-
ti, bis stulti, quod sumus cogitemus, & non magis miremur ho-
minem subito, quàm florem mori. At tertio, diuina cogitemus.
Ad meliora eundum est, ad puriora, lætiora, prauis, turbidis, tri-
stibus his relictis. Si ad ea te aptasti, & viaticum (vt sic dicam)
corrogasti virtutum & pietatis, quid malè te habet abire, aut a-
lium abisse? Gratare, si sapis ô homo, plausu & cantu prosequere,
qui non diu in salo iactatus peruenit ad beatum portum. Plu-
ra sunt, quæ tu tibi mi Pollio dices. Ego ex animo in dolore tuo
doleo, quem aliquem esse & cupio, & par est (neque enim homi-
nem exuimus) sed temperatum nec longum esse, hoc suadeo &
opto. Tu inquam tibi dices. quidni hoc sperem, qui mihi sic
lubenti prædicas studium tuum sapientiæ & quieris? Exoscula-
tus sum eam vocem. tu re effice, & nostri miserere qui volentes
& adspirantes agrè huc venimus. Scripta nostra vides multum
(ingenuè fateor) à vano trahentia: ô si meo iudicio & voto illa
fiat, quàm alia & diuersa sint? Verbum aut calami ductum non
perdam in illis, quæ ad solam fortassè scientiam faciunt: occuper
in istis, quæ ducunt ad duo dicta. Sapientia, inquam, me sibi
mancipet, Quies interna & externa (si possit) habeat: sibi alij
famam, honores, opes, cetera humana. Vt claudam, amo te mi
Pollio in intimo isto pectore, & opus te meum esse (ita profiteris)
non admitto solùm, sed gaudens sub signo. Perge, perge in viâ
quam pauci calcant, sed Deo & pietate ducibus, & per inteme-
rata vestigia maiorum. Louanij, Nonis xbris. ∞. IO. XCVII.
Nam tuas litteras satis serò accepi, & heri demum.

EPISTOLA XXXIII. *Lutetiam.*

GVILIELMO BARCLAYO S. D.

AT tu files. vbi promissa de Iliade aut Chiliade ad vnâ
lineam nostram? Expostulo. eò magis, quia materies illic
scribendi,

scribendi & seges, quam defectam referas in horrea nostra. Ab alijs de te cur audio, quæ non à te audio? Morfus & versiculos in doctores aduenas vidi, nec sine stricturâ nominis mei. Parum est. tu modò rectus perge, nec deiicere, sed nec deflecte aut siste ad repugnandum. Monui antea, & iterò: modestia est, quæ te gratiosum exteris, quæ magnum etiam faciat & seruet. Ad contentiones si venit, clades erunt, & Thebana aliqua pugna, in quâ victi victoresque plorent. Miseri homines, cur eò inclinamus? malitia est: vince, & quam dixi modestiam & frigus, ac me, ama. Louanij, ∞. IO. XCVIII.

EPISTOLA XXXIII.

*Augustam.*IACOBO PONTANO, *Soc. Iesu.*

IN summo hoc frigore, cuius ego quidem impatientissimus sum, calfecit me tamen amica tua scriptio mi Pontane: & excitauit non ad scribendum solum, sed ad redamandum. An non talem virum? inclino iamdiu, & ipse quod tu voluisti volui, ex quo scripta tua prima vidi: quod fuit Augustæ Treuirorum, ex dono & beneficio Principum Bauariæ, quos transiens ante septennium illic salutavi. Ab eo tempore, credes mihi hoc Pontane, & memoria tui inhæsit & probatio: atque ideò facile accendere hanc materiam, igni sic paratam. Quæ tu porrò in me nimis benigno corde & ore laudas, scito pauciora omnia esse: dare tamen operam vt sint, in primis Modestia & Probitas, quas ego æstimo & tollo super nomen omne litterarum. O institutionem vestram olim mihi vtilem! inhæret ea & inhæsit, atque illa Pallas fuit, quæ inter tempestates, imò naufragia, seruauit hunc Vlyssæm. Eadem iudicium & sensum istum ad virtutes formauit, quas vtinam sic indipisci, vt sequi, detur! sed conandum est, & Deus manum dabit. Is te mi Pontane seruet, & inter nos mutuum hunc amorem. Louanij, x. Kal. Febr. ∞. IO. XCVIII.

EPISTOLA XXXV.

*Lutetiam.*STEPHANO TURNEBO *Senatori S. D.*

TRISTE mihi auditu fuit, de Hadriani fratris tui morte, triste: & pænè sic, quasi alterum illum, tuum & Musarum parentem, iterum amisisssemus. Nam & amicitia iam inter nos vetus satis, & certè fida, coäluerat: & raritas ibi nunc talium, à clade istâ funesti belli. Solatur tamen, quòd & malis temporibus optimus ille subductus sit, & ne in virtutum & artium bonarum isto naufragio diutiùs iactaretur: solatur, quòd & tu in locum & vicem eius sic vltro venis, germanus Turnebi sanguis. Veni, patient animi huius fores, & affectui tuo velut brachia pando & occurro. Sicut agricola in locum amissæ arboris aliam subserit: sic nos in amicis oportet. Equidem & corporis huius oculis vsurpare te, atque alios insignes ibi viros, aueam: & spēsne est, vt vel obiter fiat? Aliqua, cùm pacem hanc video: maior, si valetudinem non videam, inclinantem & de ruinâ (cur dissimulem?) minantem. Sed siue viuo aut morior, vestri amans viuam moriarque: vt tu mei, per parentis, & nunc fratris, magnos manes precor. Louanij, postrid. Kal. Sextil. ∞. IO. XCVIII.

EPISTOLA XXXVI. *Antuerpiam.*IOANNI MORETO, *Typographo celeberrimo.*

BRUXELLAE fuimus, ADMIRANDA obtulimus, grati fuimus: quid vltro? inquires. Hoc satis: & cultum hunc atque alium Principibus debemus; & iamdiu imbibi bonum, quia bonum, amare. Externa ab his internis expetere aut expectare, infcitia sit: & cum alio xuo hæc fuerunt. Qui nunc, inquam, hæc quærit; audacter ei edico abiicere

Hæc studia, atque omnes delicias animi.

Recudere te autem ADMIRANDA nostra, mihi gratum sit, priusquam alibi alij. Factum in quibusdam meis in Italiâ aut Galliâ: & indignor, aut si nō licet, doleo. quia & perperam multa; & mihi ipsi præripiunt castigare quædam, aut recedere. Quid? polita omnia, & sub ascia, vt sic dicam, à nobis dedicata: Non

hercules. neque ita me *ludit amabilis insania*: neq; sum ille vbique

Candidus, & talos à vertice pulcher ad imos.

Næui alibi, nodi, laxa quædam aut manca: & præoptem eluere, dissoluere, adstringere, adimplere. Nescio enim quomodo facilius hæc diiudico & arbitror, nitidè excusa à vobis, quàm confusè à me scripta. non enim exscripta: & primam ferè manum nostram semper habes. At isti properi impediunt: calumniæ aut petitioni me exponunt. Nosti hodiernum * τὸ φιλεπίτιμον. & quàm multi, qui legunt hoc tantùm, vt carpant? scire abnuunt, & sumunt iudicare.

* cupidum
reprehendere.

— *hic nigra succus lolliginis, hæc est*

Ærugo mera.

Iam nunc expertus in quodam altioris ordinis, qui luminibus meis ædificio suo sublimi obstruxit scilicet, & titulum mihi ereptum inscripsit. Faciat ipse, aut alij: quid lædunt? non me quidem. sed vt Sarpedon ille apud Homerum, hastâ petens Patroclum, equum eius iugalem interfecit: sic isti non me tangunt, fortasse impetum & velut ardorem illum animi prosternunt, quo ad honesta vehebamur. Etsi nec istum, & melior mentis ignis suscitât, siquid soporis infuderunt. Sed abeant hæc, & valeât: ego vt istud, ad vos adspiro. Quando? quàm maturrimè potero. nam etsi domi etiam nunc vincula, nec aperti carceres;

— *tamen istuc mens animusque*

Fert, & amat spatii obstantia rumpere claustra.

Semper ego non apud vos solùm hilarior, sed à vobis melior redeo: gratia amicis & tibi, qui sic comiter habetis. Tibi, cuius domo, cuius mensâ vtor, pascor: an non hereditarium tibi onus? Nam cum Plantino, heu illo nostro, tessera hæc mihi sancti hospitij: cum vxore post illum: & te liberem, vtriusque heredem? Amice, ego tamquam polypus hæreo: per anticum emitte, per posticum insinuabo. Rides. & veni securus ab hoc metu, inquires. Scio, veniam: & fors sit scriptorum aliquid mecum. Vale, cum tuâ carâ & caris, quos saluto. Louanij, VIII. Kal. Octob. ∞. IO. XCVIII.

EPISTOLA XXXVII. *Antuerpian.*IOANNI BRANTIO, *Graphiario S. D.*

SOCERVM tuum libens vidi, mi Branti, virum prudentem, probum, patriæ amantem. Cuiusmodi paucos hodie habemus: & multi res suas agunt & augent, communium prætextu. Enimverò, spes sub nouo hoc Principe & statu noua ac melior nos respicit: si tamen & pax ab Angliâ affulget. Si non illa, & Bataui idem pertendunt: quam Salutis arcem vides? At sunt qui etiam de Regis nostri fato, sanè importuno (si ita est) narrant. Id verò fuerit omnibus consilijs nostris, si non turbandis, certè tardandis. Deus adiuua, & miseros Belgas tandem solatij aliquâ aurâ adspira. De Orteliano Epitaphio, tecum volo: sed languor meus mentem aut stilum vix erigit: & occupor, si vniquam. omninò tempore mihi opus, vt semel & opportunè fiat. Vale mi Branti. Louanij, VII. Idus Septembr. ∞. ID. XCVIII.

EPISTOLA XXXVIII.

IOANNI DRENCKWAIRTO, *Thesaurario.*

VENIT ad me Balduinus tuus, planè meus futurus, quia tuus. Nec aliâ commendatione est opus. In studijs eius dirigendis prima nunc cura erit: & placuit valdè iudicium tuum de Græcis. Profectò, vt hodie iudicia sunt & exacta eruditio, nemo in aliquâ classe, qui linguâ eâ non sit saltem tinctus. Et vsum etiam suum, immò dixerim necessitatem, in omni ferè scientiarum genere habet. Itaque discet: sed non apud alium, quàm me præceptorem. nam domi exercitia, & quasi gymnasium eius linguæ habemus. De Philosophicis, mihi satis videbatur eum ad disputationes sæpè ire, quæ publicè in Collegijs habentur: atque ea optima ratio est & repetendi, & examinandi. Superest Iuris studium, quò credo eum destinari. & putem satis esse primo hoc anno, si Institutiones audiat, nec longiùs in illud pelagus se mittat. Nam stilus, & eloquentia etiam aliqua assumenda sunt, atque vtilissimæ huic in omnem vitam parti dandæ suæ partes. Hæc ita faciemus, nisi ipse aliquid mutas: & paullatim ac per gradus optimam indolem (ita mihi videtur) ducemus ad optima,

tima, & scientiarum laudatum illud culmen. Deum precor, vt adspiret: eundem vt te, Ampliss^{me} & Nob^{me} Domine, Principibus, & rebus nostris diutissimè incolumem seruet. Louanij, VIII. Kal. Feb. ∞. IO. XCIX.

EPISTOLA XXXIX.

HYBERTO AVDEIANTIO.

IN domum meam cùm venturus sis (ita vterque volumus:) quid præcipui muneris tui futurum, non ignoras. Prædixi. à manu, lectione, & studijs mihi eris: alijs functionis, quæ ab ingenio aut instituto tuo discordet, immunis. In excipiendo autem aut describendo, dixi Orthographiam aliquam nostram sequi & scire te debere: sed & vsum distinctionum, qui nobis frequentatur. De istis hauebas discere: & quamquam ad quædam in publico Dictata te remitterem, tamen ecce ipse operam hanc tibi iterum subij, & scripto complexus sum quidquid huius rei, pro meo sensu, esset. Lege, sequere & vsurpa. *Distinctio duplex, Sermonis & Scripti. Illa, quam in pronunciando adhibemus, & per intervalla sustinemus, suspendimus, aut deponimus sermonem. Comma sustinet, Colon suspendit, Periodus deponit. Hæc Virtus Distinguendi* (ait Fabius) *fortasse sit parua, sine quâ tamen esse alia nulla in agendo potest.* En momentum, quod in Sermone habet: quid si maius etiam in Scripto dicam? Nam hercules confusa tota lectio & intellectio, nisi notæ suæ diuidant & quasi manuducant. Quid igitur ea est? *Notandi certa ratio, quâ secamus & partimur scriptionem.* Ea quæ veteribus fuerit, quærunt: ego ampliùs, an fuerit, quæro. Nam prisca omnia monumenta, lapides, tabulæ, æra legum aut orationum: in quibus omnimoda adhiberi ea potuit: nullam præferunt aut habent. Nisi hanc tamen, quâ singula verba punctis suis disparant & secernunt: sed punctis vniusmodi semper & pari formâ. Quæ res, vt verum fatear, turbet magis & sistat lectorem, quàm transferat & adiutet. Quod de lapidibus dico, ad libros etiam priscos traho: nec in ijs Distinctionum illæ variantes notæ. Vt alios omittam, exstant nobiles illæ Pandectæ Etruscæ, à Iustiniani æuo: quære, non dabunt. Quid ergo? ante Iustiniani æuum non fuerunt? mox videbo: sed

sed tamen antiquitus omnino, haud puto. Atqui Cicero & alij videntur agnouisse. vt Crassus apud eum loquens inducitur:

Non librariorum notis, sed verborum & sententiarum modo, interpunctas clausulas in orationibus veteres esse voluerunt. III. De Orat.

En notas à librarijs, & quidem in clausulis, & gratiâ interpungendi. Idem pro Murænâ, in Iurisconsultos illudens: eos in singulis litteris, & interpunctionibus verborum occupari. Significat sensum mutari, & cautionem vel cauillum esse, ex interpunctis. Quid Seneca, nōne clarè? Nos, inquit, etiam cū scribimus, interpungere solemus. Ecce interpuncta, & quidem sollemnia in scribendo. Hæc sistant, aut viâ illâ sententiæ eijciant: sed nescio an prouidum & sagacem. Nam prior Tullij locus possit planissimè altrouorsum duci, quasi dicat Veteres ideò non vsurpasse in clausulis interpuncta, ne ea potiùs, quàm modum & modulum, in verbis, considerarent. Locus alter, dicat Iuris interpretes in minutis occupari, scrutari in contratibus apices litterarum, & puncta verborum: quia nempe ambigua sæpè hæc ista, & ad anteriora aut sequentia ducenda. Id enim eueniebat in illis solitarijs punctis, quæ verba, vt dixi, singula, non membra aut sensus secernebant. In Senecâ hæreo. & an dicit, spiritum stilumque hominis naturaliter etiam pausare in scribendo, & interquiescere cum sententiâ: non rapidè semper, & torrentis vicem, ferri? Profectò dicit: vide. Nam tota eius dissertatio est, contra præcipites illos & effusos in loquendo, & cursu verba conuoluentes. Quando igitur origo? nam res tam utilis, &, quod caput, tam obuia, ad quam Natura ipsa ducit, non debuit, non potuit diu quæri. Dicat aliquis sub Hadriano cœpisse. quia in Suidâ lego de Nicanore quodam Grammatico eius æui, scripisse περὶ σημῶν τῆ καὶ ὁλῆς βιβλίας ἑξ: De interpunctione in genere libros sex: itemque partitè, περὶ σημῶν τῆς παρ' ὁμήρου, καὶ τῆς καλλιμάχου: De interpunctione apud Homerum, & apud Callimachum: neque aliud egit aut scripsit, ita vt per iocum σημῶντας, Interpunctus aut compunctus (seruile conuiciū est) vocaretur. Potuit igitur tunc agitari de inducendâ, etsi nondū vulgò inductâ. Certissima quam reperio, mentio est in Diomedè Grammatico: qui appositionem puncti (ita loquitur) in triplici differentia agnoscit. Differentia est, quæ clariùs apud Cassiodorum sic expressa: Sed vt his omnibus addere videaris ornatū, Posituras quas Græci θέσεις vocant,

In Nicomach.

Lib. II.
cap. De
Pronun-
ciat.

Lib. I. In-
stit. Dis-
nar. Lect.

cant, id est puncta brevissima pariter & rotunda, & planissima, singulis quibusque pone Capitibus, præter translationem sancti Hieronymi, quæ colis & commatibus ornata consistit. quoniam illustrem faciunt orationem, quando suis locis aptata resplendent. Nam si corpus nostrum indiget per membra cognosci, cur lectio, cum suis partibus videatur esse distincta, confusa relinquitur? Iste quidem Positura seu Puncta, quasi quedam viæ sunt sensuum, & lumina dictionum, quæ sic lectores doctiles faciunt, tamquam si clarissimis expositoribus imbuantur. Prima est, Media; secunda, Subdistinctio; tertia, Plena. Quas à maioribus nostris ideò constat inuentas, ut spiritus longâ dictione fatigatus, vires suas, per spatia decreta (siue discreta) resumeret. Quas si maior cupidorum lector agnoscere, Donatum lege, qui te possit de hac re, brevi compendio instruere. Pleraque omnia hîc habes: Nomen, Vsum, Discrimen. Nam veteres Posituras vocarunt: atque ita Isidorus. Positura, inquit, est figura ad distinguendos sensus per Cola, & Commata, & Periodos. dicta, vel quia punctis positis annotantur; vel quia ibi vox, pro intervallo distinctionis, deponitur. Ex nomine novitio (hoc quidem sensu) vides rem non esse perantiquam. Addit Vsum, qui liquet. Discrimen deinde, triplicem eam esse, Mediam, Subdistinctionem, Plenam. Isidorus autem ita: Sunt tres Positurae. Prima Subdistinctio dicitur: eadem & Comma. Media distinctio sequens est: ipsa & Colon. Ultima distinctio, quæ totam sententiam claudit: ipsa est Periodus. Talia Diomedes: & consentiunt etiam in Notis, quæ, Isidori verbis, sunt istæ. Ubi in initio pronunciationis necdum plena pars sensus est, fit Comma: Punctusque ad imam litteram ponitur. & vocatur Subdistinctio, ab eo quòd Punctum subtus, id est ad imam litteram accipit. Ubi autem in sequentibus iam sententia sensum præstat, sed adhuc aliquid superest, fit Colon, mediamque litteram puncto notamus: & Mediam distinctionem vocamus, quia Punctum ad mediam litteram ponimus. Ubi verò iam per gradus plenam sententia clausulam facimus, fit Periodus: Punctumque ad caput litteræ ponimus, & vocatur distinctio. Ubi vides aliam à nostrâ distinctionem fuisse, quod ad notandi posituram aut signum. Nam idem Punctum manebat, sed locis variabat. In fine Cassiodorus remittit ad Donatū: & sunt eadem ista etiam hodie in illo mutilo & fracto. quid opus verba reddere? Nos variasse isto quo, nō ignoras. & viros doctos plenius paulo distinxisse, in Comma, Semicolon, Colon, Periodum. Comma, ubi minima

Lib. I.
cap. XIX.

minima respiratio est, & semicirculo notamus, . *Semicolon*, vbi paullò maior, nec ad Colon tamen accedit, notamusque, . quod locum sæpè habet in *Contrarijs*, aut *Disiunctis*, aut variâ *Partitione*. *Colon* autem, sententiâ in parte perfectâ, sed etiam crescente, & signamus duo puncta: At *Periodi* nota est punctum, longæ siue brevis. Nam & breues *Periodi* sunt (in epistolis creberrimè) quasi membra: & hæc ipsa punctus signet: sed cum discrimine, vt grandiore capitali litterâ non excipiantur. Ista de *Distinctione* veteri, & nostrâ, sed in vnâ *Periodo* aut sensu. Est alia, quæ veterum fuit, nunc desijt, meo voto reuocanda. Per versus libros diuidebant, & curiosè librarij subnotabant: quod vetus esse, & ab Asconij, id est Claudij æuo, apparet. Nam is in *Commentarijs*, verba Ciceronis cum citat & aduocat: *Versu*, inquit, à primo DCCCL. Item: *Versu circiter* ∞ . XI. iterumque: *Circa Versum à primo* LXXX. *Versus* appellat. vt & Græci σίχους. Nam ita *Dio- genes de Aristotele*: *Libros eius omnes continere μυριάδας σίχων τετραεξς ἢ τετραράκοντα, ἀπὸς τοῖς πενταχίλοις ἢ δεξικοίσις ἐβδμήκοντα*: *quadringenta quadraginta quinque millia versuum, itemq; ducentos septuaginta*. Item de *Chrysippo*, qui πολυγραφώτατος fuit, in diem scripsisse *versus quingentos*. *Plinius de Zoroastre*: *vicies centum ab eo millia Versuum condita*. *Galenus, Lyci cuiusdam commentarium se legisse, adeò prolixum, vt quinque millia versuum contineret*. In *Diuo Hieronymo*, epistolâ ad *Magnum*, oratorem Rom. *Scripserunt contra nos Celsus atque Porphyrius: priori Origines, alteri Methodius responderunt. Quorum Origines octo scripsit libros, Methodius vsque ad decem millia procedit versuum*. Iterum ad *Damasum*, *Episcopum Rom. Quos mihi iampridem dederas Lactantij libros, ideò non libenter lego, quia & plurimæ epistolæ in eis vsque ad mille spatia versuum tenduntur*. Denique *Iustinianus in Pandectis suis quindecim myriades versuum esse*. Ex quibus omnibus liqueat, certam & perpetuam distinctionem in *Versus* fuisse, in omni volumine & descriptione reperiendam. Sed fueruntne igitur veri *Versus*, siue lineæ? Hæremus. si fuissent; quomodo in membranâ aliâ atque aliâ sic caderent? quomodo in litterâ maiore aut minore, vt solet? Nisi quis putat aut variasse per libros: aut certos modulos cuique volumini tributos, quos velut lege seruarent. Tale aliquid *Isidorus*: *Quædam nomina librorum apud antiquos certis modulis conficie-*

Prefat. in
Isai.

Prolog. in
Paralip.

Lib. i. In-
stit. diu.
Lect.

In Esai.

In Orat.
ad Brutū.

bantur. breviori formâ Carmina atque Epistola, at verò Historia ma-
iore modulo scribebantur. An satis huc faciat aut firmet, nescio: pos-
sit tamen aliquis & Versus explicare membra minuta, & sectio-
nes sic institutas. Hieronymum auctorem habeat. qui alibi *Pro-*
phetas versibus descriptos à se fatetur: & communiter de libris Sa-
cris, *Silvam nominum, sensuumque barbariem per cola versuum digessisse*. Neque aliud fanè vult, quàm quod Cassiodorus: *Primum*
D. Hieronymum, propter simplicitatem fratrum, colis & commatibus
ordinasse translationem suam. Et idem alibi: *Translatio sancti Hiero-*
nymi colis & commatibus ornata consistit. Ergo idem isti *Versus*
(Hieronymo quidem) quod *Cola & Commata*: & quid autem ista?
nil nisi *Membra, & Sectiones*. Nam sic hodieque *Biblia illa Sacra* v-
tiliter legimus distincta, & ipsi *Versus* appellamus. Notat autem
idem sanctus scriptor, exemplo prisco se hoc fecisse: *quia idem, in-*
quit, in Demosthene & Tullio fieri solet, ut per cola scribantur &
commata. Caue acceperis de Interpunctis, eo nomine: fallêris.
quod dixi intellegunt: & ita Demetrius definit, *Colon, aut simpli-*
cem periodum, aut composita periodi partem. Ita Cicero *Commata* sen-
tentias accisas & breviores, sed plenas: ita & Hermogenes genus
tale sermonis, *κομματικὸν καὶ ὁλεκτικὸν* appellat. Hæc igitur fuisse
videntur. si non; ut nunc sint, & exemplum illud Hieronymia-
num vsurpetur, consilium meum sit & votum. Valdè ex vsu
lectorum, & eorum qui excerptum aut subnotatum aliquid vo-
lunt, hoc esset. cùm ecce Liuium, Ciceronem, tales, non nisi per
libros aut orationes diuisos habemus: & longum nec promptum
in totis ijs aliquid quærere; facile & obuium, si Versus designa-
rent. Industrius aliquis vir facere debeat, & Typographi imitari.
Vale, & ad nos quàm maturrimè veni.

EPISTOLA XL.

Vltraiectum.

HADRIANO VANDER-BVRCHIO S. D.

O SCVLA tua & OCULOS accepi, & FVNERA mox & TRI-
STIA, quæ decorè subiunxisti. Æterna ita lex est, ut hæc
in vitâ & vsu temperentur: benè ergo & in Carmine, quòd ima-
ginem illius habet. Grata fuerunt, vnâ re minùs, quòd missionem
cam excusandam putasti. Apud mène? qui semper talibus de-
lector,

lector, vel pascor veriùs : & certè non sàpè nunc, vt æuùm est, ingeruntur hæc mella. Ferox ille Mars, qui regnum possidet, animis ferociam & duritiã inserit, & abducit ab omni cùm humanitate, tum humaniorum artium cultu. Patiamur, quæ non mutamus. At de EPISTOLIS meis, etiã mne illïc vobis visã? & tibi placuisse significas : non aliis fortasse, siqui alieni sunt à nobis. Vtinam religionis illa causã, id est res capitalis, vos nō diuidat : cetera dissimulari possint, etsi non probari. Quando autē emendari? leuis & frigida spes, si homines video; si Deum, magna. Vtinam nos modò emendemur, &

Per nostrum liceat scelus

Iracunda Iouem ponere fulmina!

Sed de EPISTOLIS, alias paramus : neque temerè tamen vos amicos immiscemus, ne beniuolentiæ specie noceamus. Vale V. Cl. & fratrem tuum V. R. Decanum saluta. Louanij, VIII. Kal. Maijas, statim vt tuas accepi.

EPISTOLA XLI.

Bruxellam.

IO. CAROLO ÆNOBARBO, V. N. S. D.

SERIVS omninò epistolam tuam accepi, non amoris solùm, sed curæ de me plenam. Cùm enim Antuerpiæ fuisset, itemque dies aliquot Bruxellæ vestræ; ecce reuerso demùm epistola ea mihi reddita, cui alioquin animus & ratio erat vel statim respondere. Hoc igitur excuso, & ad rem nunc ipsam pergo. Ais te audisse de itinere meo in Italiam, & parùm probare significas, imò libero & aperto ore (hoc quoque amici) dissuades. Vt tibi totum sensum meum aperiã, diffundam me paullùm; & in hoc chartaceo æquore exspatiabor, te, vt spero, fauente aut certè non sistente. Igitur de migratione aut mutatione aliquã consilij aut status, hoc inprimis cogitare te deprecor : neque est tale aut fuit, & in istâ præsentī meâ conditione & patriâ aquiesco. Quid enim alibi quæram aut spectem? opes? modicæ obuenerunt, sed quas animus iste (audacter dicam) magnas facit, in minoribus etiam magnus. Fines mihi habendi iamdiu posui, & quod naturæ satis est, etiam cupiditati. Sed mihi vltà obuēnit, & ad morem etiam viuere possum, non solùm ad naturam. Ergo ab eâ parte

nulla caussa migrandi aut innouandi. An ambitio fortasse impellit? & famam nouam apud nouas gentes quærimus? Liberè dixerim, adesse eam super vota, non solum super merita: & vnum illud mihi curæ esse, non vt augeam, sed vt coërceam, ne in vana aut ventosa effundar. Itaque ab vtrouis isto telo an stimulo non impellor: quæ autem vera caussa consilij mei, candidè & simpliciter audi. Annus Sæcularis ille facer̃ instat, qui ex omni terrarum orbe Christo sacratos homines ad se euocat: ecce inter illos ego sum: cur non fas obire & frui hunc Pietatis fructum? Ego verò fecero, eò iustius promptiusque, quòd onera domi non sint, quæ remorentur aut sistant. Nulla iuuenula vxor, quæ humen-
 tibus oculis abeuntem detineat; nulli parui liberi, qui collo se innectant & ingeminent parentem. Pietatis hoc studium liberum est: & propior aut iustior nulla ratio, quæ sistat. At caussa etiam altera, Valetudo. Tredecim amplius annos in tristi eâ sum & aduersâ; vitam nec vitalem, vt sic dicam, viuo; & traho magis spiritum, quàm ducō. Quis ille baro mihi inuideat aut obiiciat, si refouere eam vel instaurare peregrinatiunculâ tentem? At enim tenue aut infirmum mihi corpus, nec par me læstis. Agnosco, sed hoc quoque vsu didici, illud ipsum assurgere & excitari per viâ & motum. Melius notabiliter habere soleo, cùm ambulo: & ideo iure hanc veniam peto, vt ij qui viuere me volunt, patiâtur transferri & moueri. Denique caussâ tertia, viri Principes qui inuitant. Humanitatis est iis se dare, & animum flectere ad desideria aut imperia illorum. At, inquires, illi ipsi te illigabunt & sistent, & hoc amicos tuos angit. Audio, fateor, ab aliis metus similes: & timere me aliquid inducat communis hic timor. Cùm tamen oculos ad me & hoc animi decretum reflexi, ridere magis subit, quàm vereri. Egone vt in hac ætate, & quod caput est in hoc languore, ad sedes me dem & spes nouas? Iamdiu in ipsâ patriâ meâ rudem cogito, & mereri me autumo: transibo, & includi me patiar, in nouum ludum? Non faciam mi Ænobarbe: apud me, apud meos maneo: & nisi Fatum aut Vis interceptiunt, intra paucos menses Belgis me reponam. Deum rogo, vt ita sit: te autem, vt hanc esse mentem meam credas, quam ipsam tibi aperui, remoto omni simulationum velo. Vale Vir Nobilis & Cl^{mc}. Louanij, viii. Kal. Iul. ∞ . Io. xcix.

EPISTOLA XLII.

IOANNI DRENCKVVAIRTO, *Tbesaurario.*

SICVT inter primos consilij mei de peregrinatione Italicâ certiore te feci: ita nunc debeo de impeditâ eâ, aut suspensâ. Litteras ex Italiâ nudiustertius accepi, quibus significant & pestem in aditu atque ore Italiæ sæuire incipere, & metum esse ne in reliquum corpus peruadat. Imò iam in Ferrariensi tractu initia etiam esse. Itaque addunt deliberari Romæ, an sacer annus in alterum sequentemque non sit prorogandus. Hæc causâ iustissimè facit, vt tardem in hoc itinere, & in Veris saltem tempus protollam, aut & totum omittam. Nam cur apud te dissimulem? Animus auct & impellit peregrinari, sed corpusculi huius imbecillitas & pertinax inualetudo, cum ad iudicium redij, dissuadent. Ergo de cognato tuo nihil vltra, nunc quidem, cogitandum. maneat, studeat, ad metam suam eat. Quod cum bono Deo facturum eum spero: vtinam nos publicè ad optatam illam metam Pacis! nec despero in Principum aduentu. Ampl. & Nob^{me} Domine, Deus te Reip. & Principibus, sed & nobis, ætatem seruet. Louanij, VIII. Kal. Sextil. ∞. IO. XCIX.

EPISTOLA XLIII.

Antuerpian.

PETRO LAFAILLIO, CAROLI F.

EPISTOLAM perbenignam à te accepi, inopinatam, & ideo magis gratam, quia iuuat tales habere qui ament, cupiant, iuuent. Nam nec hoc postremum abnuerim, vbi opus sit aut oportunitas: ac fuisset sanè in Italico nostro itinere, si id pertendissemus. Sed quæ interuenerint, audisti. Omitto meam inualetudinem sic affectam, vt medici pro sano me non facturum putent, si suscepissem: omitto inquam, & animus potuisset corpori imperare & vincere: sed publicæ illuc causæ sunt, quæ me quidem iustè videntur vel tardare vel arcere. Quidni, cum illi ipsi deliberent & cunctentur, qui me vocant? In hac ætate aliquid calidè aut temerè à me fieri indecorum sit, nec veniam habeat quam in iuuentute. Itaque differo aut superfedeo; haud li-

bens, sed fatis, id est, Deo didici parâre. Tibi autem gratias debeo, & semper in animo habebo, pro hac beniuolâ oblatione hospitij in domo tuâ Veronæ: quam urbem certum mihi erat videre, & suâ elegantia celebrem, & memoriâ antiquâ. Quod reponam, nunc non habeo, præter animum: quem scito & tibi ad dictum pròptumq. esse, atq. etiam tuis. Inter eos Petro Scholerio, cognato tuo: cui factum volo, & faciam ubi occasio erit. Re hoc malo ostensum, quàm verbis dictum. Vale Vir ornatissime, & cum tuâ tuisque salue. Louanij, ix. Kal. Sextil. ∞. IO. XCIX.

EPISTOLA XLIIII.

Antuerpiam.

IO. VVOVERIO suo S. D.

HABES hesternas meas, quid istis opus erat? in vnâ modò re, quam memoria tunc mihi subduxit. Buytevechianæ epistolæ exemplar Micaultianę iniiciendum erat: quia scis quàm res eum tangat. Itaque neglectum à me, fieri per te rogo. Amplius, ferre te hanc mutationem consilij, & in eâ philosophari circa spes aut cupidines coërcendas. Numquam indulgendum nimis esse. sed vt ij qui in procliui sunt, sese & equos sistunt: sic in optabilibus & lætis faciendum, ad quæ animus sponte fertur. Vis cogitare Deum aliquem moderatorem vitæ & actionum esse? illum amantem & curantem nostri? Impediuit, disturbauit: ergo noluit: ergo neque ex vsu fuit, etsi animus aliter vellet. Illum igitur ad diuinum apto, & non renuenti passu fati cursum sequor. Fac mi VVouerî, & sinul quid parcti & tibi visum (in tuis rebus dico) fac sciam. Vale. Louanij, vii. Kal. Sext. ∞. IO. XCIX.

EPISTOLA XLV.

*Leodicum.*P. IOANNI ORANO, *Sacerd. Soc. Iesu.*

IAM denique sedet tuum & amicorum consilium (nam omnes amici in eâ parte:) manemus, nec Italiam hoc tempore adimus. Præter valetudinem meam nimis tenuem & infirmam, mouet & publica in Italiâ lues, quæ ipsa limina iam insedit. Ab Urbe litteras habeo, & moncor abiis qui calidissimè inuitarunt, vt deliberem & cuncter, quò lues se ista dabit. Imò seriò agitari
de An-

de Anno sacro prorogando, si paullum se diffundit. Scis autem quas molestias Italia peregrinantibus dare soleat, ubi vel suspicio eius morbi est, nedum ubi ipse. Itaque iam scripsi dilaturum me iter in Ver proximum, & tunc fortassè omnia serena magis, & certa quidem fore. Quid ipsos aut me iuuet, periculis & molestiis frustra exponi? Ea dilatio consilium etiam magis dabit, et si propèdeo in patriâ & meâ istâ Spartâ manere. Apud te hoc promo. & quid me inuitet? pietatem tamen sepono: an pecunia? nec exspecto, nec peto: an ambitio? fortassè minuam aliquid de famâ aspectus, nihil ad eam addam. Quicquid sit, ætas mea & iudicium iam maturiora, à vanitate abhorrent: & fortassè in pompam ac speciem multa illuc dicenda, aut gerenda. Præcogitasses hoc, inquires, nec addixisses. Melius erat. sed tamen vel sic præstat ante viam sistere, & temerè aut calidè aliquid dixisse, quàm fecisse. Calorem tamen meum religio & pietas excusabit, quam Deo teste affirmo in oculis præcipuè mihi fuisse. Vale Reu^{de} Domine, & hæc cum fratre tuo V.C. Petro Orano, id est, cum me altero participato. Lampsonium communem viam inisse audimus: Deus manibus eius propitius esto. Louanij, v i. Kal. Sextil. ∞. Id. XCIX.

EPISTOLA XLVI.

*Antuerpiam.*HENRICO VVVENO I^{to}.

BENE est mi Vvvene, benè est (nam familiariter & abruptè apud te ordiar) quòd in eandem sententiæ partem mecum venis. Improbari tibi significas iter Italicum, idque magis quàm magis cogitas: tibi autem? imò addo verè & seriò, amicis plerisque meis omnibus, cum quibus scripto vel sermone de eo egi. Quid autem alios nominem? ego ille paullò antè calidus valdè & destinatus, cum iustâ iudicij lance rem pondero, remitto affectum, & in rationis partem incipio propendère. Duo me maxime mouent. prius, quod & tu tangis, metum subesse ne veniam faciliùs, quàm me recipiam: & ne remora mihi illuc, aut & manus iniectio, per beniuolentiam fiat. Quod si esset; iuro tibi sanctè, vitalis non sum, & nullo modo mores, ingenium, vitam ad illud cælum & homines nunc aptem. En senesco, & cani spargunt

meas genas : mutabo familiarem aërem , locum , victum , amicos ? omnia noua sensibus oculisque istis obiiciam , & in metâ panè vitæ , noua vitæ spatia ingrediar & decurrâ ? Mihi crede , hæream aut deficiam iuxta ipsos carceres : neque nunc ad senile & compositum ingenium faciant , quæ voluptati erant olim. Pompam dico , & splendorem , & speciosa omnia : præ quibus maturus & iam frigans hic animus otium , secessum , tranquillitatem amat. Duæ pestes humani generis Ambitio & Auaritia , altera nec olim me cepit ; altera iam à plusculis annis dimisit , & nec laciniâ me tenet. Quid cogitem , aut cupiam ? nisi paucos hos & extremos annos , id est , pauxillum vini mei reliquum , Deo libare & melioribus vtilioribusq. Musis , quatenus eidem Deo visum ? Huic fini quies mihi conuenit , nec concutere corpusculum hoc caducum , fragile , & velut putre ædificium , ruinæ iam propinquum. Enimuerò cogitaui & antea , fateor ; sed Spes illa blanda & insidiosa mortalibus diua , suggerebat ipso motu & mutatione valetudinem posse corrigi , fortassè & erigi in rectum & veterem suum statum. Suggerebat : sed cùm rei vicinus & viâ , me examino (secundum hoc quod me mouet , esto :) Deû testor , tam imparem me longo huic itineri , quàm nauigationi ad extremos Indos esse. Suscipere possum , patrare non possum , & in viâ quadrante deficiam aut subsistam. Hæc ita sunt : sed quare addixisti ? inquires. Nollem factum , vt liberè dicam : sed me & illorum , qui vocabant , benignitas induxit ; & mea item cupiditas (cui pietas mixta) prouexit. Suaue erat in cogitatione & animo , reuifere visa olim loca , tot vrbes , tot homines nobiles , & multos ex iis nobis amicos. Sit venia honesto desiderio : sit venia etiam impotentia , quæ ex sortem me effectus facit. Quid autem quod ab ipsis mihi suggesta excusatio ? imò disertè iam bis scriptum , nequid adproperem , & metum ibi luis esse , ac iam fines & limina Italiae infedisse. Vt nihil aliud sit , honestiùs aut certè prouidentiùs maneo , & iter totum si non tollo , iustè protollo. Quod autem tu mantellum etiam & velum aliquod ab Aulâ quæris , nihil est , nec eò iuerim : & transluceat hæc purgatio , & callidi illi demant à verâ facie hâc personâ. Itaq. in re maneamus , securi iudiciorum , siqua præter rem dabuntur. Extremum quod vel inimici dixerint , sit leuitas & temeritas : esto : malim dixisse aliquid temerè
aut

aut scripsisse, quàm fecisse. Ibi pudor dumtaxat, hîc pœnitentia sit adiuncta. Vale mi amice, & serîo te scio mihi, & me tibi esse. Louanij, Kalendis ipsis Sextilibus. ∞. IO. XCIX.

EPISTOLA XLVII.

Eodem.

IO. VVOVERIO suo S. D.

EGÓNE vt de Galliâ tibi dissuadeam? tum planè à me abeam, imò mentis meæ exsors sim, & cum Homero, * τὰς φρέ- * mente cap-
 νας ἐκπεπαγμένους. Galliam, Galliâ in pectore amo, in ore circum-
 fero: & quidni? bonarum artium amantem, & ideò mei quoque
 (vtinam meruerim!) diligentem. Illa verò tellus ingenia semper
 habet, plurimùm format: & siquid nunc incultum aut ferox, à
 tristi & * πελώριω isto Marte est, qui nimis diu cos pressit. Ipsa gens * immani.
 facta ad virtutem, alacritatem, humanitatem: quâ postremâ ce-
 teras orbis terræ gentes vincunt, certè vicerunt. Sed fuerint hæc
 * σκυθρωπά καὶ ἀλέθρια: beata Pax tranquilla omnia referat, & vete- * aspera &
 rem iis indolem ac mores reddat. Est, aut erit: tu interea me au- * perniciosa.
 ctore vise, oblectare, disce. hoc postremum serîo, nec ludus aut
 aberratio tibi sit, peregrinari. Plato iuuenes in suâ Rep. ab eo ar-
 cebat, quia vix apti eligere, & nouisse quæ profint: at senes non
 ire solùm, sed mitti volebat, relatu-ros siquid boni moris aut ex-
 emplî vsquam esset. Hunc finem, hunc animum, etsi non annos,
 habe: & velut speculatorem missum te cense, cum Diogene ali-
 quo, ad res humanas explorandas. Splendet aliquid aut placet?
 accede, tenta, an verâ luce: & si illâ, mirare, aut adsume. Sordet
 aut iacet? calca, non solùm transi, & animosâ fiduciâ ad meliora
 abi. Vt rem tibi dicam, vbique vtrumque reperies: alibi cre-
 brius, rariùs, bona, mala, mixta. Iuuet te, quòd iudicium iam (aut
 fallor) in bonam partem formaueris, & firmus stare possis con-
 tra vanitatem, non solùm prauitatem. O fac, & contubernio meo
 honorem hunc concilia, prudentiæ aliquid ab eo, non solùm
 scientiæ hausisse. Si hanc solam; ab dico, vt olim seueri illi paren-
 tes. Ceterùm de Italiâ, nolim vltrâ te aut me titillet. mihi exstin-
 ctus ille ardor (ita enim fuit) à sedatæ rationis quodam imbre:
 velim & te residere, nec meditari fortasse vana rerum. Res ipsas
 quæramus: vmbra, pompas, breues stricturas, recto oculo vi-
 deamus,

* Vrbi im-
misit mor-
buna tri-
stem.

deamus, noscamus, spernamus. Testimonium, quale volebas, hîc habebis : de litteris fac nunc gratiam ; occupor , quâ in re ? extrema (ne percellere) & testamentum cum vxore meâ iunctim con- do. Hoc vera sapientia iam olim fieri suavit ; nunc etiam plebeia, postquam superus ille Apollo * Νέστον ἀνὰ πόλιν ὤρσσε κακῶν. Itaque funera in oculis habemus , etsi per hos dies rariora , & mitescere malum videatur. Deus donet, & te quò tendis sanum ire, redire, & manere meum semper. Louanij, iv. Idus Sextil. ∞ . IO. IC.

TESTIMONIUM.

EGO, si quidquam bonâ fide, iam nunc testificor, hunc IO. VVOVERIVM è contubernio & domo meâ adolescentem , mihi carum, Modestiae , & Musis fuisse : quas semper coluit , & vitam ad optima præcepta , ingenium ad artes conformauit. Commendo seriò , bis seriò , quicumque illa amant : addam & verecundè , si quis me amat , vt factum huic velit. Fusco verborum nemini imponam, nec ipse morum : candidus est , bonis benè natus est , & siquid ad rem , in re bonâ. Fauete, qui hæc legitis, & breue sed fidum elogium censete : quod à vobis amplius auferet, si noscetis. Louanij, iv. Idus Sextil. ∞ . IO. XCIX.

IUSTVS LIPSIUS.

EPISTOLA XLVIII.

Bruxellam.

IOANNI DRENCKVVAIRTO , Thesaurario Belgij.

VALETVDO mea adegit, vt domum properarem : idq; breuiore viâ illâ Mechliniensi. Ita vos non vidi, nisi affectu & animo : quem quomodo non sæpè istuc mittam, magis magisq; beneficiis vestris deuinctus? Ingratissimus hominum sum, & dignus cui vel frons, exemplo Macedonici illius militis, inuratur. Balduinus tuus ad nos sanus saluusque rediit : hoc momordit, quòd non te talem reliquisset. Si vota nostra locum habeant, non illud modò sis, sed pænè dicam immortalis. Balduinum tuum scandere ad tituli illius apicem curabimus : atque vtinam breui ad ipsum illud culmen , quò adspirat ! Ipse adnititur, nos alleuabimus: sed nihil properè, ne non ascensum sed ruinam sibi struat. Sicut aues matres non patiuntur pullos suos longiùs auolare,

lare, sed comitantur & sistunt, & docent : nos item hæc talia in nostrâ iuuentute. At te, Ampl^{me} & Nobil^{me} Domine, sanum & firmum seriò vouemus, publicâ & nostrâ causâ. Louanij, III. Idus Sextil. ∞ . IOC.

EPISTOLA XLIX.

Bruxellam.

BALDVINO IVNIO suo S. D.

NIHIL timidè ad me aut cunctanter scriptione debes accedere. cur facias? amo affectum, qui impellit: sed & ipsum illud scribere amo, quod te exerceat, me delectet. In alto otio es, etsi in negotiosâ & turbidâ vrbe: sed in quâ vana & ambitiosa multa rerum videas, nec pro mente studiis melioribus operatâ. Sicut terrâ interiectâ, Luna lumen à sole amittit: sic animus obnubilatur, interuentu isto viliorum rerum. Itaque meritò eas fugis, & ad nos adspiras. etsi es tamen in contubernio Amplissimi viri, tui auunculi: à quo haurias præcepta, & exempla item videas, ad Virtutem. Sed vt nunc tua ætas, Louanium & hæc Mineruæ dicata loca, magis tibi faciunt: redibis igitur, cum illi visum, quia lues fit rarior & mitior, imò pennas quaterere videtur, & à nobis abire (fiat, fiat) mala illa Diua. Censeo tamen Principum aduentum exspectes, qui appropinquare dicuntur, vt solennia illa videas, nec visa tibi nec fortean videnda. Hoc suadeo. etiam illud, vt mentem & oculos ad libellos flectas, manum subinde ad stilum, ne otiosum tuum illud otium sit: id est, vt noster Seneca appellat, *hominis viui sepultura*. Vale. Louanij, xvii. Kal. Sept. ∞ . IO. XCIX.

EPISTOLA L.

Eòdem.

GVIL. SCARBERGERO suo S. D.

BRUXELLA te etiam habet haud dubiè, & dies fortasse aliquot habebit, in hac publicâ lætitiâ & pompâ, quâ vestra ætas, quid vestra? serior etiam aliqua meritò delectetur. Sed vt te deinde Louanium nostrum, & domus etiam mea, habeat, id cupio: & hæc causâ scribendi. Renisc nos, non quia diu ablueris, sed quia fortasse abfuturus: & in antecessum, vt aiunt, con-

fuetudinis hunc fructum capiamus. Coram de itinere tuo & meo consilio. De Italico quidem ne vltra cogita, tam periit quàm extrema faba, vt Comicus ille iocatur. Causa nimis iustæ sunt. & vel sola tenuitas mea, & hic homo, vt sic dicam, monogrammus, pro mille. Par non sum, quicquid coner, quicquid cupiam: & non Italia, sed via mihi sit sepulchrum. Vale, mi Scarbergere, & quod dixi, & (si voles etiam) iussi, veni. Louanij, III. Non. Sept. ∞. Io. xcix.

EPISTOLA LI.

AD CONTVBERNALES SVOS,

Franciscum Oranum.

Cornelium Anchemantum.

Io. Baptistâ Peresium Baronium.

Joannem Vouerium.

Guilielmum Richardotum.

Balduinum Iunium.

Antonium Richardotum.

Philippum Rubenium.

Guilielmum Scarbergerum.

Hubertum Audeiantium.

ITANE de Potoribus & Edonibus scire auctis? & decorè hoc poscitis? Ita. quia in Scholâ etiam disserui in occasione, vt dicitis: & velletis rariora ista exempla in promptu habere, non ad imitandum, sed narrandum. Ad idam ego, & detestandum. nam sic oportet. monstra hominum fuere, qui huc se dedere; etsi in theatris & regiis etiam spectati, cum fauore suo & plausu. Sed videamus igitur primò Potores, & istos, cum poetâ prisco,

* Conuiuij
nautæ, &
exlicum re-
miges huc
trahones.

* Συμποσίη ναύτας, καὶ κολίκαν ἐπέτρε.

Proludo autem leuiter & vniuersè de toto genere: quos vbi & quando non est inuenire? In veteri & nostro æuo, in noto & nouo orbe videas: & Plinij dicto, *nulla in parte mundi cessare ebrietatem*. Nec vina solùm huic rei expeti, sed aquam adsumi: ô sagacitatem ingenij! quâ repertum, vt hæc quoque inebriaret. Frugibus corrumpi variè eam scis, & herbis, & melle: quid quòd & fumis atque odoribus alibi (de Peruanâ Indiâ scribunt) inducitur alienatio hæc mentis? Quacunque viâ, madescere tamen volunt & desipere: ac pro plurium mente ille apud Comicum sentit:

Antipha-
nes apud
Athen. li-
bro 1.

— τὸ δὲ ζῆν
Εἰπὼ μοι τίδ' ἔστι; τὸ πίνειν γέ, φημι ἐγώ.

De Plan-
tat. Noë.

in medio adstans, per obliquos canales quosdam, æqualem omnibus distribuit ebrietatem. Partiti enim tubos illos, & ad se versum quisque accipiens & excipiens, tamquam è cisternâ vno spiritu bibunt, prorsus ut boues: adacti tantum in guttur adtrahere & demittere, quantum supernè vas illud per argenteos sifanos siue canales infundit. O bellum morem! ô Græcis illis elegantibus dignum! tam herculè quàm alter iste (iuuat commemorare, vterque nouitius nobis est:) alter inquam Philoni expressus, & apud stirpem illam Græcorum Alexandrinos vsurpatus. Certant vino, inquit, bibunt confertim & vix spiritum recipientes, cum identidem pueros à poculis iubent infundere. & si vel leuiter tardent, acriter increpant, quòd calidum ijs (sic loquuntur) frigefaciant. Denique in pulchro hoc certamine *μεγὰ καὶ καλὰ ἀλλήλοις ἀντιδρῶσιν, ὥστε, ῥίνας, καὶ χειρῶν ἀκροὺς δακτύλους, καὶ ὅποια δ' ἐν τύχῃ μέρη τῆ σώματος ἀπεδίοντες*: magna & pulchra inuicem patiuntur & faciunt, aures, nares, manuum extremos digitos, & siquam aliam corporis partem fors tulit, sibi mutuò prærodentes. O non amentiam, sed insaniam! & fidem mihi aliquis habeat, nisi ipsa verba fidi auctoris adnumerem? Vide autem blanditias. nam sic ego interpreter: & suaues isti compotorculi, vino madidi, sensuum inopes, ita se comprimunt, dissuauiantur, allambunt. Dij deæque, quid irati aut hostes aliud faciant? Sed populos omitto, ne meos fortasse opus habeam tangere: viros videamus (is enim præcipuus noster tunc sermo) & qui singuli fortiter certarunt hoc certamen. Ecce Alexander Macedo olim, ipse quoque vini audius & capiens, & addam, suo & alieno malo captus quoque, is dico præmium aliquândo publicè proposuit *ἀκρατοποσίας*, siue meri potio-
nis. Ludos rege illo dignos, qui per Liberi vestigia ibat scilicet, & hunc quoque honorem ei habebat. Ipse igitur editor & arbiter: certant plures. sed qui plurimum hausit (ait Plutarchus) Promachus quidam fuit, qui ad* congios quattuor peruenit. Congius cepit olim libras decē circiter, siue sextarius sex: essent nobis tria vini pocula, largè. quod autem premium? talentum. quod etiam? mors. quæ homini post triduum aduēnit: itemque aliis quadraginta & vni, qui miselli super vires certarant. Felicior alter apud eundem regem, in eodem isto vini modo, Proteus Macedo. qui, ut Ephippus scribit apud Athenæum, valido & sano semper corpore egit, et-
si vino adsidue immersus. Fuit aliquando, inquit, ut Alexander in con-
uiuio

* Duode-
cim pocula.

Lib. I.

uiuio grande poculum posceret duorum congiorum, atque id Proteo offerret. Ille gratanter accipiens, & regem comitatus laudans, cum plausu omnium ebibit. Ac subinde idem poculum repetens, iterum eduxit, & obtulit impletum Alexandro. Quod hic quoque suscipiens ebibit, sed impar viribus non sustinuit, & in puluinar reclinato poculum è manibus est elapsum. Vides & hunc Quadricogium potorem: & vix est vt supra donem. Nam Plinianus ille Nouellius Torquatus Mediolanensis (Gallus fuit, viuidicemus hominem cum hac gloriâ) tres dumtaxat congios bibit: sed quod miremur, vno impetu, (Plinij verba) *spektante miraculi gratiâ Tiberio Principe*. Hem, vno impetu, id est *απὸ τοῦ ὅσι?* Et quod amplius miremur, in eo (iterum Plinij verba) *ra- ra hæc gloria, non labasse sermone, nec leuatum vomitione, non alterâ corporis parte, dum biberet: matutinas obisse vigilias: plurimum hausisse vno potu, plurimum præterea aliis minoribus addidisse: optimâ fide non respirasse in hauriendo, neque exspuisse, neque ad elidendum in pavimento sonum ex vino reliquisse*. O potorem omnibus numeris perfectum! quis contendet? non tu Cicero fili, qui duos congios simul haurire solitus: sed quid ad hunc aut priores? Abi proles à patre degener, & nec in vitio satis fortis. Firmus nominetur potius, qui Aureliani temporibus in Ægypto imperium vsurpauit. Is *vi-* Spartian.
ni non multum bibit, aquæ plurimum; mente firmissimus, nervis robustissimus. & tamen cum ad bibendum à notissimo quodam potatore, Barburo, prouocatus esset, situlas duas plenas mero duxit: & toto postea conuiuio sobrius fuit. Cui non dissimilis Bonosus, item inter minutos tyrannos. qui, vt Spartiani verba sunt, bibit quantum hominum nemo. De quo Aurelianus sæpè dicebat, Non vt uiuat natus est, sed vt bibat. Quem tamen diu in honore habuit, causâ militiæ. Nam si quando legati barbarorum, vndecumque gentium, venissent, ipsis propinabat vt eos inebriaret, atque ab his per vinum cuncta cognosceret. Ipse quantumlibet bibisset, semper securus & sobrius, & vt Onesimus dicit scriptor vitæ Probi, adhuc in vino prudentior. Habuit præterea rem mirabilem, vt quantum bibisset, tantum mingeret, neque vnquam aut eius pectus, aut venter, aut vesica grauaretur. Is ipse cum, victus à Probo, laqueo vitam finisset, ioco locum dedit, Amphoram pendere, non hominem. Infelix quidem in Martis militiâ, fateor; sed hac Bacchi mirificus, & iuxta vel supra Torquatum Tricongium illum ponendus. Quid autem de Camatero Logo-

Lib. xiv.
Nat. Hist.

Spartian.

Lib. III.

thetâ pronuntiabo, qui Manuelis Byzantini Imp. æuo & rebus interfuit? nam & is palmam sibi poscit. Nicetas Choniates de eo: Ingenio præstanti fuisse, eloquentiæ extemporalis studiosum & felicem: sed eundem omnium mortalium edonem & bibonem maximum. Et quamuis vinum avidissimè & largissimè sumeret, & spongiarum instar madesceret, tamen mentem non mergebat ea copia, sed pedibus, capite, linguâ constabat, ut sobrius, imò crescebat in eo ratio & oratio velut igne illo humoris accensa simul & irrigata. Hoc genere vitæ non solum Imperatori acceptus erat, sed & gentium dynastis. ad quos Legatus missus, alios in soporem collocabat, alios æquabat potionum veteres, quique amphoras, ut calices, digitis versare soliti essent. Sponsionem verò aliquando cum ipso Imperatore inijt, exhausturum se vas Porphyreticum aquâ repletum: quod olim in aulâ subdiali Nicephori Phocæ fuit, nunc visitur in huius Michaelis cœclavi aurato, quod struxit. Demiratus Imperator, Euge, inquit, ô Logotheta. vestes floridas, & minas aliquot auri accipies, si faxis; sin autem, ipse dabis. Ille nihil moratus, vas illud, quod ad duas chœas siue congios capiebat, corpore & capite inclinato, instar bouis, totum simul exhaustit: & accepit statim ex pacto promissa. Quid dicitis? non hic palmam, ut aiebam, iure suo poscit, & quidem duplicem: non vini solum, sed aquæ singularis potor? Et ecce iam huic aut prioribus dabam: sed è Germaniâ superuenit qui reuocet, & quidem nouus nouitius athleta. Nuptias ante pauculos annos in Norico fuisse audio viri nobilis. ibi ad conuiuas hilarandos, certamen potionis propositum editumque, inter eorum ministros. Magno numero conuenerant: sed vnus forticulus paullò minus sex congiis, haud longâ morâ, fertur ebibisse, & simul præmium meruisse. A me quoque, ô homo anorca, accipe: & fateor nihil simile vidisse, audisse, legisse. In vno quidem isto potionis genere. nam Edones magnos, & simul pottores, repperi fortasse, & super istum. Videamus. Mulier Alexandriæ olim fuit, quam Athenæus prodit, Libras carnis duodecim edisse, panis quattuor chœnicas, id est totidem & amplius librarum; vini autem congium adbibisse. O mea Venus, ô delictum, bella es & digna marito, sed Vulcano. Super hanc longè (quid in viro mirum?) Imperator Maximinus. quem Capitolinus auctor, bibisse sæpe in die vini Capitolinam amphoram: comedisse & quadraginta libras carnis; ut autem Cordus dicit, etiam sexaginta. Scitis, quid illa amphora?

* O fœde-
cim pocula.

amphora ? quadraginta octo sextarios capit : id est , ipsos Congios octo. Trepidarem hæc dicere : sed bonus & priscae fidei auctor adferit , quam ego non fugillem. Sed audi & crede etiam maiora. Vopiscus in Aureliano principe : Vehementissimè, inquit, delectatus est Phagone. qui vsque ad multum comedit , vt vno die, ante mensam eius, Aprum integrum, centum Panes , Veruecem & Porcellum comederet. Clamas, & resilis ? sustine etiam : biberet autem, in fundibulo appposito, plus Orcæ. Cetera liquent : de Orcæ, scio vas vinarium fuisse, & amphorâ sanè maius, sed quantum, mihi latet. Quid Clodius Albinus Imperator ? is, Capitolino scribente, tantum pomorum hausit, quantum RATIO HVMANA non patitur. Nam & quingentas ficus passarias, quas Græci Callistruthias vocant, IEIUNVM comedisse, Cordus dicit : & centum Persica Campana, & Melones Ostienses decem, & vuarum Lauicanarum pondo viginti, & Ficedulas centum, & Ostrea quadringenta. Hem, hem!

— *dij talem terris auertite pestem:*

certè à nostris hortis, quos ille cum toto foro olitorio depascatur & vastet. Scio vos etiam nunc vacillaturos, & ^{*προχῆ} quâdam v-^{*inhibitione.} suros in assentiendo : & dedi tamen testes, dignos credi. Vultis & exemplum à superiore paullùm æuo ? nam vetera nunc ferè hoc fatum habent, vt etsi vera, vix videantur : an sui magnitudine, an nostrâ declinatione. Sed addamus non tale aut tantum ; quod tamen venire in numerum possit. *Vguccio Fagiolanus* inter Italiæ tyranniones fuit, & sedes ei plerumque Lucæ, donec pelleretur. Exsul igitur & iam senex, apud Canem Scaligerum, Veronæ gloriabatur in mensâ : *se iuuenem quaternos capos altilis, & totidem perdices, item hædi clunes assos, & vituli insarctum pectus, præter salsamenta, vnâ in cenâ esitasse.* Atque hic homo non in præmium, sed in vsum & pellendæ fami faciebat : quid si exercuisset se, & neruos intendisset ? Satis talium. ite prodigia, & istos gurgites, pænè dicam, maris aliquis gurges mergat. Louanij, in nostrâ domo : quam quo fine incolitis, vt hunc tangatis, Deum precor.

EPISTOLA LII.

*Bruxellam.*BALDVINO IVNIO *suo* S. D.

ECCE ad ipsum auunculum scripsi, & metu m' ademi, qui te à nobis amouit. Quid superest, nisi vt iterum te admo-ueas, & Deas reuifas, quarum amore cales? O gratus ille mihi, ô tibi utilis affectus! & quid in hac ætate melius potes, aptius potes? Cole, cole nunc istum adolescentiæ agrum, bonâ fruge scientiarum confere: & maturior, accipies suaues illos Prudentiæ, imò & Sapientiæ, fructus. Miseros, qui aut nolunt, aut neglegunt! miserandos, qui cum velint, non possunt! At tibi facultas inprimis adest, & alter ille tuus parens (scis me Thesaurarium dicere:) vbertim suppeditat, quicquid studiis, & eorum instrumentis, est opus. Voluntas à te est, atque etiam in te est, quod gaudeo: vt serues, vel vt augeas potius, hortor. Mihi hoc crede. perueniet ad optatam calcem, quisquis seriò volet & nitetur: & talibus vtroque oculo Iuppiter annuit, Mercurius dirigit, ipsa Minerua manum & mentem iis, & cum iis, mouet. Abripior, & Scarbergerus abit. Louanij, pridie Idus Septembr. ∞. I.C.XCIX.

EPISTOLA LIII.

IOANNI DRENCKWAIRTO *Thesaurario.*

SCRPTIONI huic nullum argumentum est, nisi affectus meus & mos maiorum. Vterque suadet, vt vota, quæ pro salute tua corde facimus, stilo consignem & ad te perferam: sed prius ad illum calidè missa, qui compotes (ita spero) faciet votorum. Deum igitur rogo, quantum animo possum, vt hunc Sæcularem nouum annum felicem tibi tuisque decurrere, te valere per eum & vigere, Principibus & Reip. sine offensâ vacare, me amare donet, qui sum perpetuus & deuotus tuus cultor ac cliens, Louanij, postridie Kal. anni I.CC. supra ∞. Balduinus tuus apud me valet, quod facere eum vis facit.

EPISTOLA LIIII.

*Mechliniam.*IOANNI BERNARTIO *suo* S. D.

ECQUID agis, mi Bernarti? Rarò, inquires, interrogas. Fateor, & ignauum me cum annis fieri, hoc quoque fateor: sed non in amore & interiore affectu remissum. *Omnia fert aetas*, ait ille, *animum quoque*. Sentire incipio, & ingenio tam diu, tam assidue exercito, torpor aliquis adgnascitur, & quod libenter facit, impromptè facit, aut nec facit. Ignosce. ita tu & tui ad æui hanc lineam veniatis, aut potius superetis, beati & felices. Quod precor tibi religioso & prisco voto, in auspicijs huius anni: quo me Italia sibi spondebat, & ego me illi: sed, ô numen quod nos temperat, quàm irritâ destinatione! In patriâ hæreo, neque res tantum abiit, sed desiderium, vt verum apud te liberè loquar. Et si assidue litteras etiam nunc recipio inuitantes, & nimîâ benignitate prouocantes. Sed quid verbis opus? Fatalem vim magis & magis indies agnosco, in publicis, in priuatis, in meipso. Ratio omnis vellet fortassè non peregrinari me, sed abire: tamen maneo & video diuinitus decretum, LIPSIVM IN BELGIS MORI. Fiat. apud multos incuriosos mei, paucos contemptores, fortassè & nonnullos æmulos: sed & amicos volentesque alios, inter quos *te* Mechlinia & *Oudartum* meum cum *Hartio*, sacra mihi nomina, habet. Eandem urbem vestram & iste insidere parat *Vibrandus Anskema*, Iurisconsulti nunc titulo donatus, iam olim inter Musarum cultores, imò etiam mystas. Vtrâque oratione valet solutâ & vinctâ: quod magis ex illo noto, nosces, atq. vt velis te rogo. Louanij, postridie Idus anni Sæcularis ∞. 1000. Vxori tuæ suauissimæ salutem per te nuncio, & liberis tuis.

EPISTOLA LV.

Gandauum.

GEDEONI TSERHENDRIXIO, V. R. & N.

FVNGOR munere salutationis per litteras, quoniam coram id non datur, vt solet, & quod mihi dolet. Suavis sæpè confabulatio nostra, & præsertim in re hortensi: quâ vterque delectabamur. Tu magis, quia solutior eras, & penè sine alijs curis vacabas

HHh

bas huic curæ. At mihi temporis iniuria omnem pænè hanc voluptatem deterfit. dico temporis, non ad spectu ad ista publica & tristitia (quæ mitigo potius hac occupatiunculâ:) sed hiemis iniuriam & acrimoniam intellego, quæ mihi hoc biennio funera continuata dedit, & florem omnem, vt sic dicam, florum meorum interfecit. Quicquid singulare erat, præsertim in Tulipis, habuisse me recordor, cum desiderio tristi & pungente. Miserris me? nolim, adiuua potius, & quoniam diuitem atque vberem te audio, instar vel Phæacum regis, participa veteri amico, & qui in beneficij magni loco hæc, etsi fugacia, munuscula ponet. Confido te facturum. Certè si in causâ simili tu à me, vtrâque manu largiter ego donem. Nunc salutem, & hunc animum semper deuinctum. Louanij, postrid. Kal. Mart. ∞. IOCI.

EPISTOLA LVI.

Mechliniam.

NICOLAO OVDARTO V. R. S. D.

SOLEO volente animo, labente manu & pennâ ad te scribere, Nunc ille contrahitur, & hæc resistunt. De republicâ me consulis: & quid scribam aut effabor? Istud mallet, & in tuum sinum interiores omnes cogitationes effunderem: à scribendo absterreor, & nimis iustas habeo causas. At Princeps vult, inquit amicus ille noster. Credo equidem, & eius certè interest fida & recta consilia dari: sed ego me in eâ classe non censeo, qui hoc statu rerum debeant aut possint. Adde quòd à republicâ remotus sim, auditione aliquid accipio, interiora rerum non noui: & quid ergo firmiter aut ex vsu suadeam? haud magis quàm medicus, qui egri sui temperiem & constitutionem ignoret. Vota tantùm possum addere, quid si & querelas? Hic quidem cottidianæ materies, cum miseri rustici præter ora nostra victi abducuntur, haud aliâ specie quàm si hostes irruissent. O patria, ô ipsi Principes! nam vt illius salus agitur, sic dignitas istorum. At enim mox remedia à publico Ordinum conuentu

. Ecce quæ possum aut volo hoc tempore. interea Deus illi Episcopo benè faciat, & nostro N. quorum vterque candidè & liberè, quæ ex vsu sunt, aut cer-

tè vi-

tè videntur. Nam quid asseram? omnia ista mihi tenebræ sunt, nec finem aut fructum video eiusmodi actionum : nisi si qua consilia specie tristia, exitu læta, ut sæpè in humanis solet. *Occultat enim, ut Plinius ait, utrorumque semina Deus, & plerumque bonorum malorumque causæ sub diuersâ specie latent.* Plinij illius Panegyricum librum breui à me videbis: & vetera illa monita ac consilia potius, quàm mea noua. At quis vsus? inquires. alibi fortasse, & ubi nolim. Quid faciam? nos, ut in theatris olim, spargimus: ille aut alius sinum aut manum implet. Vale mi optime Oudarte, & vide an malè illi (si sic pergitur) qui me nuper. sed tu iterùm vale. Louanij, Idibus April. ∞ .Ioc.

EPISTOLA LVII.

Bruxellam.

FRANCISCO BILLIODO S. D.

NIHIL minus quàm à te beneficium, aut potius beneficia, exspectabam: quæ largiter, vltro, & aperto animi sinu, mihi defers aut offers. Nam & nummos ad me mittis, ad textum aut supplementum Rokoxianis: & florum etiam lectissimos ex paterno tuo horto polliceris. què ille instructum, ut audio, & supra omnes Alcinoos pænè habet. Negem vtrumque mihi gratum esse? mentiar. gratissimum est, & pro veteri atque insito animi mei desiderio & sensu. Veteres omnes elegantias, & has Antiquitatum reliquias à me amari, notum est omnibus, qui leuiter me norunt: sed & flores & horti ornamenta in deliciis haberi, non puduit scriptis etiam publicè profiteri. Itaque vide libertatem & candorem, quo iam nunc apud te vtor in ipso hoc aditu amicitiae. grata, quæ misisti; grata, quæ mittes: atque ut mittas in Vere proximo (vix enim antè euellendi copia) non rogo te sed appello. Quid enim rogem, iam debitorem? Sed extra iocum. scriptio tua mihi in animo placuit, qui eam amicitiae conciliandæ esse voluisti: quam purè & sine fraude equidem offero, amans honesti animi tui, & ad honesta sic propensi. Eum ut in illa & in me talem serues, Deum & te rogo. Vale. Louanij, postr. Idus Nouemb. ∞ .Ioc.

EPISTOLA LVIII.

*Mechliniam.*HADRIANO VANDER-BURCHIO, *Filio, Senatori.*

BENIVOLE à te factum & pro amico, quòd me & dignitatis tuæ & discessionis gnarum fecisti. Ego enim seriò tibi recipio, & fautorem me esse incrementis tuis, quæ virtus & ingenium conciliarunt: & vota interpono, ut plura adstruantur, quod in Principum gloriam & publicum bonum cedit. Illis & huic convenit, tales euehi & educi. Hortor autem te vel ex superuacuo (nam sponte facturum confido) ut in isto munere dignum te & parentibus, & ipso te præbeas; denique iustitiâ illâ, cuius sacerdotium nunc profiteris. Ecce in istis meis, quæ in simili occasione & argumento iam scripsi, si quid erit huic rei aut sensui, videbis, eliges: & hoc fine misi. Vale Vir Cl^{me}, & animo à nobis non abi. Louanij, XI. Kal. Nouemb. ∞. IOC.

EPISTOLA LIX.

VIBRBANDO ANSKEMA S. D.

Tu verò iacere mihi videris, aliter à studiis tuis expectatum. Tædet status huius præsentis, & auidè mutes. quid? itane pessimus ille & abijciendus est? mihi non videtur: nisi ei qui lucem, honorem, alta, id est mala quærit. At ego te in nostrâ hac quictorum classe censebam, ut

— *fecunda placerent**Otia, nascentesque irent in secula libri.*

Transfuga es, & ad splendoras illas partes abis? Splendoras, sed miseras, & in experimento demum scias. Non volo, inquires: sed à tricis imò forensibus istis liberari, & bonâ fide Musis operari. Velim mi Vibrande: & si tu sic seriò, etiam illâc potes. Pater quod ad vsum, & tolerandæ honestè vitæ sit, affatim suppeditat. Si te excutias (liberè loquar) alium in hoc vlcere vnguem reperies, & mixtum aliquid à cupidine fortassè non bonâ. At tempora etiam accusas. Facile est, & quis non tecum? pretium non est artibus bonis, non ipsis bonis, & hæc omnia præferuidis & ambitiosis calcantur aut iacent. Vera sunt. sed in terrâ tu purum illum ætherem, & serenos semper animos, expectas? non inue-

inuenies. nimbos magis, procellas, calumnias: & mihi crede, nos quoque (quibus aliquis inuideat) largiter & crebrò sumus his iactati. Iactati, sed non afflicti: stetimus, & illud Pindaricum obmurmurauimus:

* ——— ὁ μέγας δὲ κύνει ὅ ἀναλκιν φῶτα ἐλαμείδει.

Ignauī & viles magis tuti ferè & sancti sunt: alij prouocantur. sed nimirum vt aranearum casses animalia fortiora perrumpunt, sic istos à Fortunâ laqueos mens robusta. Aliqua tristitia, & quæ nolis, incidunt:

* ——— τίς δὲ πλὴν θεῶν,

Ἀ'παντ' ἀπ' ἡμῶν τὸν δι' αἰῶνος χερόν;

Sicut stellæ in tenebris etiam fulgent; sic liquidus & libens viri sapientis animus etiam in istâ temporum caligine aut nube. Hæc solatia: nec auxilia tamen abnuo, quæ in meâ quidem sint manu. Quæ tu quòd tam prompta censes, nimis falleris: nec foras vbique, non dicam commendationi nostræ, sed mihi ipsi apertæ. Occasio expectanda est: & præuertere aut facere eam, vereor vt succedat. obsecro te, nobis hoc crede,

Qui periti sumus in vitâ, atque vsu callemus magis.

Vale autem, & animo ne sic fluctuare: certus, quòd millies milleni in hac ipsâ Belgicâ sint, qui optent & reges sibi videantur in tuâ sorte. Louanij, v. Idus Ianuar. ∞. I. C. R.

Vxorem saluto.

EPISTOLA LX.

Ultraiectum.

HADRIANO VANDER-BVRCHIO, patri.

GRATVM accidit mihi & munus tuum, & scriptio, vtrumque veteris in me animi testis. Est sanè hoc in fido amore, & qui in virtutis, vt sic dicâ, solo radices egit, vt nō magis quàm illa desinat, & æuo ipso crescat & viresumat. In tuo experior: sed & fratris Decani, quem viuere & vigere, etiam in silentio aliquo, mihi liquet. At munus tuum parte aliâ etiam gratum, quod ostendit te nec in occupationibus, quas adfidas habes, nec temporū hoc tædio aut caligine, deferere nostras illas Deas: quas pauci hodie æstimant aut amant. Gaudeo: & scio, præter honestam voluptatem, etiam lucem, & robur aliquod animo

ab iis inferi aut præferri, ô quàm necessarium in hoc æuo ! Fructu, ut fecisti, & facis; sed & nos earum atq. honesti omnis amantes ama priscâ fide. Louanij, vi. Kal. Decemb. ∞ . Ioc.
R. V. fratrem tuum saluto, & Canterum veterem nostrum.

EPISTOLA LXI.

NICOLAO HACQVEVILLIO S. D.

AD Historiam cum dare te cœpisti, fateris hæere in primâ viâ, & confusione rerum aut temporum, ignorantia eorum quæ & quando legenda aut eligenda sint, pedem figere, imò tædio aut desperatione pænè referre. Non fiat mi Hacqueuilli. opem imploras, pro copiâ meâ dabo: & si non plenè ductor (occupatio & valetudo nunc abnuunt:) tamen director ero, & digitorum intendam, quò & quâ contendas. Historia nobis proposita: quæ, & cuiusmodi? nam variat: & summa eius diuisio est, *Mythistoria* & *Historia*. Illa, quæ fabulas vero mixtas, ista quæ purum & merum verum habet. In illâ poëtæ sunt, & id genus: qui oblectamenta auribus animisq. quærunt, & floridâ istâ veste ornant & augent corpus hoc veritatis. Veteres poëtæ, & rex eorum Homerus, pulchrè & sæpè vtiliter fecerunt: cum arcanos sensus aut altiora dogmata hoc quasi velo obnubunt & tegunt. Sed hanc partem mittamus, non nunc adeundam: altera est vera *Historia*: quam licet bifariam partiare. Est *Naturalis*, est *Narrativa*: sit venia sic loquenti, planè, si non purè. Illa est, quæ naturæ faciem & facta reuelat, id est, rerum, stirpium, animalium ingenia, proprietates, vires tradit. Aristoteles, Theophrastus, Ælianus, Plinius fecêre: & plures, quos æuū nobis subduxit. *Narratiuam* dico, quæ res gestas actionesq. prodit, sacras siue profanas. Ideoque à duplici hac materie iterum duplex, *Diuina* & *Humana*. Illa, quæ religionem, aut quod adhæret, tangit: hæc, quæ res plurimū actionesq. humanas. Iterumq. ea duplex, *Prinuata* & *Publica*. Nam aut singulorum res, vitam, virtutes, vitia recenset: & Priuata est. aut quæ publicè, plurium vsui aut noxæ, sunt gesta: & Publicam appello. Omnes viles. propriè tamen & distinctè, Naturalis scientiam, Diuina religionem, Humana prudentiam, omnes delectationem habent. Ad quas autem

tem te voco? velim ad omnes ire, sed in tempore. *Naturalem* nunc seponamus: *Narratiuam* ingero, quam vulgò & peculiariter Historiam etiam appellamus. Ad hanc priusquam venias, duo præmittenda sunt, *Geographia* & *Chronologia*. Illa, vt locorum, regionum, vrbiū noticiam aliquam concilies; hæc, vt temporum, quibus quæque res gestæ. Sed communem dumtaxat, & non illam exactam noticiam exigo: satis sit mundi partes situsque distinguere; prouincias, & in iis flumina, montes, opida clariora nouisse. In temporibus etiam, seriem eorum & ordinem tenere, & velut terminis quibusdam finire imperia, bella, euentus. Velim equidem, & tacitus sæpe opto, imò ipse meditor, esse qui breuiter & compendio, & quod caput est, iudicio, ab orbe condito velut Fastos concinnet: nec aliud quam annos, & præcipua rerum, notet ac libet. Qui hætenus fecere, aut confundunt nimis, aut diffundunt: & nec notabilia aut laudabilia tamen maximè excerpunt. Sed hoc dum fiat, potes Eusebio vti, & nouellis quibusdam, qui herè & nuper prodierunt. Atque ista cum parauimus, age ad ipsam iam Historiam: & quam præmittimus? pietas vult *Diuinam*. Facilis ea est, nec diu tenebit. *Judaica* vetus est, è libris sacris. Iosepho, & eius interprete Hegesippo petenda: nostra hæc noua, id est *Christiana*, olim ex Eusebio, Sozomeno, pluribus, nunc ex vno Cæsare Baronio adfatim haurietur: & quid in diligentia viri tantâ deest? Imò vt superfit, vereor: iis vtique, qui ex professo Theologos non agunt, & sufficit vniuersè initia, progressum, dissidia, capita & antistites religionis nostræ scire. Non abnuo. compendium bonum exactissimi illius laboris sit, non sit fortassè bono auctoris. Est & *Miscella* religionis historia. vt Mahumetanæ, quæ magnam orbis partem, à multis iam sæculis, obtinet; vt Sinensium, Indorum, & qui alij vanam & simulacris seruam eam habent. Hæc quoque carptim quis neget viro Politico & experienti libanda esse? sed vt dixi, carptim. *Humana* superest: illa præcipua quò te voco. Præter prudentiam & rerum peritiam,

Hæc tibi virtutum stimulos, hæc semina laudum,

Hæc exempla dabit:

alibi vberius laudata & laudanda, nunc præeunda. Duplicem eam feci, *Privatam* & *Publicam*. Ab vtrâ ordiemur? A *Publica*

ego cenſeo : & hæc, ordinis doctrinæque cauſſâ, quadruplex iterum eſto. Valdè, inquires, diuidis. Fateor. nec animi vel argutiarum cauſſâ : ſed quia uſu didici, nihil ad methodum, id eſt viam rationemque docendi vel diſcendi, aptius & efficacius eſſe. Itaque Socratem ſequor, Diuiſioni amicum : & cum illo, *diuinum virum habeo, qui commodè & oportunè utetur*. Sed ad rem, quadruplex hæc Hiſtoria : *Orientalis, Græca, Romana, Barbara*. Prima, quæ primi aut priſci orbis res habet : cùm noſtra hæc omnia inculta, aut infrequentia, & certè obſcura & ignota. Itaque in Iudæis, Ægyptiis, Æthiopibus, Syris, Perſis, reliquâ Aſiâ, res ferè & nobiliores euentus tunc ſiſtunt : aut ſiquid admixtum, leue eſt, nec ſcriptione aut lectione diuellendum. Hanc primò noſci ſuaſeam : & peti à *Iuſtino* breuiter : vberiùs deinde ab *Herodoto, Diodoro Siculo*, & ſiqui Græcorum eam ſuis miſcent. Quædam enim *Polybius, Plutarchus, Zonaras*, alij ſuggerent, huc apponenda. Sed Diodorum ego laudo & approbo : vtinam plenum &, vt ſcripſit, abſolutum. Altera eſt, *Græca*. in quâ Spartanorum, Athenienſium, Thebanorum, & præcipuè Macedonum res ſunt : quos huc traho, & includo. Præter iam dictos, dabunt *Thucydides, Plutarchus, Arrianus*, & *Q. Curtius* è Latinis. Per partes colligenda eſt. nam qui totam & ordine ſcripſerit, totus ad nos non venit. Tertia *Romana* eſt : in quâ vbertim rerum & euentuum, eorumque inſignium : & quæ plures ſcriptores illuſtrarunt. O magnum, ô pulchrum imperium ! & addo, diuturnum. ideoque non mirum ſi viris factisque breuia illa & fugacia Græcorum ſuperauit. *Græci præceptis valent* (ait quiſpiam) *Romani exemplis*. Et hercules ita eſt. non fuit gens, puto non erit, quæ plura vel in militiâ vel in pace, laudis & virtutis ſuppeditabit. Itaque ad hanc, mi adoleſcens, ad hanc ſegetem veni, manipulos frugum collige, & in uſum tuum reconde. Sed vt ordine fiat, ea ipſa diuidatur trifariam : in *Veterem, Mediam, Nouam*. Prima mihi eſt, à Regibus & vrbe conditâ, ad Auguſtum : *Media*, cùm immutato ſtatu ad Principes ventum : *Noua*, cùm iterum mutato, ſedes ipſa Principatus Byzantium eſt tranſlata. In *Veteri* ſcriptores Græci Latiniſque ſunt, ſed præcipui iſti : *Dionyſius Halicarnaſſeus, T. Liuius, Polybius, Plutarchus, Appianus* : quibus compendia adiungere liceat, *Velleij, Flori, Eutropij, Oroſij*. Velleianum laudabile fuit, ſed

potior

potior pars periit. iudicio & ordine tamen scriptum, & quod exemplar pleniori Chronologiæ sit ad imitandum. Faciant huic parti *Fasti Romani à Carolo Sigonio editi*, & producti ad Augustum. At in *Mediâ*, nolter *Tacitus, Suetonius, Ammianus, Spartianus*, & adiuncti Cæsarei Scriptores : è Græcis autem, *Dio Cassius, Io. Zonaras, Herodianus*, legendi. tum & Compendium *P. Victoris*, itemque *Eutropij*. Adde ad seriem temporum, imò & rerum lucem, *Onufrij Panuinij Fastos*, ab Augusto ad Iustinianum diligenter & industriè consignatos. *Nova* superest. & in eâ ferè Græci isti, *Zonaras, Zosimus, Procopius, Agathias, Nicetas Choniates, Nicephorus Gregoras, Michaël Glycas, Georgius Cedrenus*: etsi hîc vltimus quidem, anilium sæpè fabellarum scriptor, & veri incuriosus vel ignarus. Iudicio legatur tamen, dabit quod iuuet. De *Romanâ* habes: quarta erat *Barbarica*: quid nisi lacinia & spoliū ab illâ veste? Nam hanc appello & intellego, cū scisso tractoque imperio, maior pars ad Gallos, Germanos, Turcas iuit, & alternatim hucusque mansit. Nec enim Gothos, Hunnos, Vandalos, Scythas aut illam faciem huc includo: quæ maneat in *Mediâ* aut *Nouâ Romanâ*, & iis inserta nempe legetur. Faciunt huc propriè tamen *Iornandes, Procopius, Agathias*, & siqui tales. Sed meam hanc Barbaricam variij scripsere, atque ipsi ferè barbari, & addam barbarè. exstantque *Germanici, Gallici, Britannici* scriptores, in vnum corpus nuper decorè & vtiliter conducti ac vulgati. Sunt & *Annales à P. Pythæo editi*: & cottidie huiusce argumenti prodeunt, iudicio eligendi. Scripsit & *Carolus Sigonius* de Regno Italiæ, quod huc facit: & *Io. Leönclavius* Turcica, vterque mihi bonus & laudatus. Quid omitto? *Laönicus Chalcondylas* se suggerit, in Turcicis Græcis que legendus, item *Guilielmus Tyrius*, & alij in transmarinis sacrisque bellis. Hem, inquires, quanta materia, & quæ silua? quis ingreditur sine errore, & egreditur? qui Ordine insistet, qui industriam & Curam adferret, iam dicenda. Ordine, inquam, inprimis opus. & ne confusa & vaga lectio sit, aut desultoria & interrupta. Hoc plerisque evenit. & velut ex equo in equum se traiciunt, ab hoc scriptore in alium, ab isto argumento in illud: quo fructu? momentaneæ voluptatis, & ut tempus suum, imò & se, fallant. Apagat tales istos, & ad *Amadæum* suum, aut si aliùs assurgere velint, *Heliodo-*

rum cant. Tu Ordine leges. quem ex ipsis à me dictis etsi potes instituire: tamen in exemplo dabo. Ecce Romanam Veterem legere decreui. ordiar ab vniuersali aliquâ notitiâ, & Compendium *Flori*, aut *Eutropij* præmittam. Tum à capite, & ab ipso *Liui*: cui *Dionysium* adiungam, & *Polybium*, *Plutarchum*, aut *Appianum*: sed quæcunque in consimili argumento. Cùm peregero, ad *Mediam Nouamque* veniam, & constantiâ eâdem peragrabo. Et de *Ordine* facile est, atque animi tantùm decreto opus: *Cura* plus habet operæ, & in eâ omnis est legentium fructus. Duo in hâc specto, siue exigo: *Attentionem*, & *Electiorem*. Cùm legis, non suspensum aut attonitum te habeat tantùm nouitas aut magnitudo euentuum: insiste, inquire, cui rei hoc facere possit, & eequem vsum sui præbere. Mora hîc aliqua inter legendum & tarditas, fateor: sed nimirum, dicto veteri, *Nullares potest esse eadem, festinata simul & examinata: nec esse quidquam omnium, quod habeat laudem diligentie, simul & gratiam celeritatis*. Tarda igitur, & quære. cùm repperisti, tum sit *Electio*: id est, vt stilum capias & excerpas, & velut annonam in horrea quædam reponas. Ea distincta etiam sint, & iamantè libri parari, meo iudicio, quattuor; in quos, quidquid eligis, conferas & tutò deponas. Nam memoriæ suæ qui credit tantùm: quid agit? non dicam nihil, sed in breue, proficit: nec vlla ea tam vasta, capax, tenax est, quæ varia ista cum fide asseruet & reddat. Trade libris. in quo labor aliquis, & iterùm in legendo remora: sed, mihi crede, utilis, si quidquam in omni ratione studiorum. Libri isti quattuor, totidem *titulos* habeant rerum, quas præcipuè in Historiis notes: *Memorabilem*, *Ritualium*, *Ciuium*, *Moralium*. Quid *Memorabilia*? res designo magnas, & cum admiratione aut motu legendas, siue audiendas. vt est notabilis *Potentia* alicuius regis aut populi, *Opera*, vel *Opes*, *Prodigia*, & noui aut insoliti *Euentus*. vno verbo quidquid non obuium, & magnitudine vel raritate se commendat. *Ritualia* autem, quæ pertinent ad instituta ritusq; veteres, siue quos in publico, siue in priuato vsurpabant. Alios enim istos Orientales, Græci, Romaniq; habuerunt: & ab eâ notitiâ, seria omnis intelligentia dependet veterum scriptorum. At *Ciuium* appello, quæ ad vitam & regimen commune faciunt, & hanc hominum iure & legibus deuinctam societatem. *Moralia* denique

denique, ea quæ priuatim ad nos & vitam formandam, virtutibus amicam, vitiis alienam. Ecce, quattuor hi sunt *Tituli*: quid superest? referre in eos, quidquid ad singulos illos facit, siue *Sententiarum*, siue *Exemplorum*: idque cum hac *Attentionis* curâ, & *Judicij* item normâ. Dic clariùs, inquires. Nempe quisque liber alios & minores suos titulos habeat: quia Natura & Memoria ordine & partitione istâ gaudet. Vt, ille *Memorabilium*, in ea quæ attigi: nec nimis sanè argumentum hoc patet. Latissimè *Ritualium*: ac diuidamus in *Sacra* & *Profana*. *Sacra* omnia publica: continentque *Deos*, & eorum *Nomina*, item *Cognomina*: tum *Insignia*, *Munia*, *Cultum*, & *Templa*. Amplius, *Sacerdotes*, aliosq. ministros: tum *Sacrificia* ipsa, *Hostias*, *Cerimonias* & ritus: deniq; *Verba sollemnia* & formulas precationum, & quidquid illos aut ista spectat. Nimis partiri, tenue est, & hîc inutile: spernes. Iam *Profana* sequuntur: atque ea duplicia, *Publica*, & *Priuate*. Illa, quæ communiter omnes aut plures tangunt, & publicis legibus aut institutis continetur. vt *Magistratus*, & singulorum *Munia*, aut *Ornamenta*: vt *Senatus*, *Militia*, *Prouinciæ*: *Præfectura*, *Officia*, & quidquid istis adhæret. tum *Leges*, *Iudicia*, & eorum ratio, *Supplicia*, *Tormenta*, *Pœna*: lætiora denique, *Ludi* & *Spectacula*, *Triumphus* & *Festi dies*. Ad *Priuate* venio, & iis subiungo, *Nuptias*, *Funera*, *Balneæ*, *Conuiuia*, *Vestes*, *Nummos*, & quæ longum sit complecti. Minuta enim etiam intercurrunt: sed in sermone ostendenda potius, quàm scripto adumbranda. Imò adeò minuta, vt nec *Titulos* suos grandiores quædam habeant: sed verbis signentur, & ordine isto litterarum. Ac si me audis, in plerisque eo vtêris: quia non ad famam aut pompam ista disponuntur, sed tui vsum. Sequuntur & excipiunt *Ciuitia*: vtilissima pars iis, quos genus aut destinatio ad rempublicam vocant. Is liber tres partes habeat, antiquâ & verissimâ diuisione: status *Regum*, *Optimatum*, *Populi*. In quaque parte notes, & eò referas, quæ *Firmandæ* sint, aut *Vertendæ*: & hæc ipsa subtilius diuidas, vt à me in *Politiciis* factum. Vtar hoc exemplo cum fiducia: & conueniant vel qui noua adferunt, aut vetera referunt, non dabunt in ordine & methodo, quod fortasse anteponas. Sed vnum etiam addi potest, & debet. vel vt *Sententiæ* plures vni rei congerantur; vel vt *Exempla*. Hanc postremam partem non neglexi equidem, & habeo

sepositam inò paratam in scriniis, & auidam exire. Sed tu aut alius, non ideò remitte: & quisque sibi, vel firmitus, vel iucundius certè, tale aliquid struit. Postrema sunt *Moralia*. quorum duæ partes, *Virtutum & Vitiorum*. Velim & hæc disponi ordine litterarum: sed ita, vt *Virtute* præeunte, cuique bina sua *Vitia* sint subiuncta. Traho eòdem etiam non *Vitia* propriè, sed *Affectus*: & *Cupidinum* stirpes, *Spem*, *Metum*, *Gaudium*, *Dolorem* adnecto: tum etiam de *Beatâ Vitâ*, & quidquid in *Ethicis* sedem suam habet. Sed satis hæc communia in scripto præiui: in sermone alia. illud in fine te sedulò moneo, vt ne mole hac, quæ videtur, absterreare. Quid enim? tam varia, tam multa? inquires. Nihil est: inò incredibile, quàm citò hæc suscipiantur, & fiant, si tenor & constantia sit, & quisque dies opus suum probet. Triennij res, non diu te differo: mihi si olim talis monitor, vel citius absoluissem. Cogita te in ipso flore æui, & corpus labori, animum intentioni ferendæ esse: quid cessamus,

Dum res, & ætas, & sororum

Filium patiuntur atra?

Non fac, mi adolescens: cui ego factum consultumque tuâ causâ volo, tum & Cl^{mi} V. Legati Regij: qui etsi connubio tantum tibi parens, tamen vel naturalem affectu & curâ præstat. Tu agnosce, illum cole, me & bona ama. Louanij, III. Non. Decemb. ∞. Ioc.

EPISTOLA LXII.

IOANNI DRENCKWAIRTO, *Theaurario Belgicæ.*

DIVINA planè virgulâ (quomodo enim aliter interpreter?) factum videtur, vt ipsâ horâ ac pænè momento, quo tuas accepi, hic ad me veniret, quem vides. Est mihi cognatione aliquâ iunctus, orbus utroque parente, in stirpe honestâ exiguis & vix dicendis opibus: tamen auxilio amicorum ad Magisterij gradum peruénit. A quibus ipsis litteræ mihi commendaticie pro subsidio, vt Theologiæ studia, ad quæ adspirat, ordiri & finire feliciter possit. Equidè cum humanissimam, & cui obligor, oblatione tuam videre, & vnâ istum: putavi, vt dixi, diuinitus fuisse hunc concursum: & eundem statui, eo fine, sedulò commendare. Non vt cognatum tamen, nec hos aspectus in istâ re ha-

re habeo : sed vt boni ingenij & industriæ, vt notæ modestiæ iuuenem, & qui toto animo ad Pietatem & sacra studia, imò & sacram vitam, id est Sacerdotium, contendit. Iuua eum in laudabili hoc cursu : nos quoque secundas faciemus, & in libris aliisque necessariis iuuabimus, pro parte. Ego spondere audeo vtilem Ecclesiæ futurum, & beneficij tui non ipsum solum, sed & nos memores : qui ad fiduè nouis à te, nec inuiti, obligamur. Non enim hîc, vt in pecuniâ, redditione aut re opus, vt soluaris : sed agnitione & grato animo. quæ in nobis largiter esse & fore assero, quamdiu Deus ille dabit hîc esse. Ille te Ampl^{me} & Nobil^{me} Domine, longæuum reip. nostræ & Principibus præstet. Louanij, prid. Nonas Decemb. ∞. Ioc.

EPISTOLA LXIII.

Mediolanum.

ERYCIO PUTEANO suo S. D.

Ego verò honestissimum munus, à Senatu Mediolanenſi in te collatum, & iudicio meo approbaui, & gratulatione etiam profecutus sum : quam scripto consignatam per Velferum nostrum misi. An aliter possem ? placet, placet hæc tui productio : sustine personam, quam sumpſisti, & mereare non vnam palmam. Sola gloria multis :

— *quemuis perferre laborem*

Suadet, & inducit noctes vigilare serenas :

te & hæc, & merces quæ etiam functioni tuæ est adiuncta. Orationem, de quâ scribis, auspicalem tuæ operæ, libens videbo : libentius *Promulsidem Epistolarum*. quidni? mihi inscriptam. Ambigis an amplectar ? utrâque manu : veniat & ad libentem, & addam etiam merentem. Non negabis mi Puteane, si non seuius hanc arborem, tamen rigauimus, putauimus : & in parte fecimus, qualem alij mirantur, & ipsa esse gaudet. An iniurium, si fructus aliquos ex eâ mihi asseram ? imò veniant & vescar istos primotinos, & hæc libamenta audacter nobis pone. Nos quoque iam edimus EPISTOLARVM CENTVRIAM III. ad solos Italos aut Hispanos (caussa discernendi sic fuit) siue qui in iis oris. In iis & tuum nomen interlucet, & Sacci nostri, & plurium ibi amicorum. Septalium esse in te, qui est, gaudeo, & beneficia hæc

mihi etiam inscribo. Quid si ad eum ipsum hoc scribam? puto, nisi abstrahor : tu vale, ille salueat. Louanij, xv. Kal. Ianuar. anni ∞. IOCI.

Hub. Audeciantius meus Carmen parabat Promulsidi tuæ præponendum. Est is qui nuper ad te scripsit. ama amore dignum.

EPISTOLA LXIII.

*Bruxellam.*PETRO PANTINO *Decano.*

EN CENTVRIAM nostram, de quâ antè scripsi. Dic seriò quid videtur? damus & subserimus alias? an satis est vnus huius erroris? Iudicium à te peto, quod pauci mihi donent (ô miseriam!) inter meos Belgas. Nam doctrinæ aut litterarum studia quò eant, vides. in terras certè alias: aut fortassis eò denique, quò olim Astræa. Nimbus à Galliâ dissipatus videtur, iterumque ibi * *νίνεμος αἰθήρ*: si tamen regiâ & bonâ fide hæ res geruntur. Nam sunt qui verentur ne fallax serenitas, & in nos incumbat ac detonet nubes illa belli. Abominor, & Deum patriæ tutorem precor, & tibi Vir Reu^{de} & Clariss^{me}. Louanij, x. Kal. Mart. ∞. IOCI.

* *serenus*
ær.

EPISTOLA LXV.

Mechliniam.

HADRIANO VANDER-BVRCHIO I^{sto} & *Consiliario*
in Senatu Geldriæ S. D.

EN ad te quoque CENTVRIAM istam. quidni autem? qui & me amas, & mea æstimas; atque adeò istis quoque leuioribus pretium aliquod donas. Vtinam tecum alij! sed vereor vt tuum punctum amor mihi donet; alij refragentur, quibus iudicium in iudicio hoc adhibetur. Sed vtcumque, vel error tuus gratus est ab eâ causâ: & Numen precor, etiamsi ille desinit, ista perseueret semper. Vale Vir Cl^{me}. Louanij, x. Kal. Mart. ∞. IOCI.

EPI-

EPISTOLA LXVI. *Bruxellam.*PETRO PANTINO *Decano.*

Tv verò non ambigens & cunctanter, sed liberè & apertâ fronte petere debebas istud, quod tribui à me vides ambitioni etiam vulgarium ingeniorum: quid non Pantino meo, vndique sic merenti? Feci igitur, & hîc habes: vtinam pro tui pretio, pro meo affectu! Meletæas chartas æquarem, si hoc esset: nunc vires conantem deferunt, nec ad alta assurgimus vel studiis fatigati, vel languoribus fracti. Agnosce, & animum certè amicū ama. Louanij, v. Idus Mart. ∞. IOCI.

I. L I P S I

SVPER SS. PATRVM SYNTAGMATE

nouiter à PETRO PANTINO V.R. & Cl^{mo}

vulgato, & eruditè verso,

Phaleuci.

QVIS nouus liber hic? liber sacratus,
Sacra nomina, res habet sacratas.

Quis auctor? varij, vetusto ab æuo:

Cum mos & pietas vetus vigeant.

Quis produxit? & ipse moris, atque

Virtutis veteris: vetustiorum

Gnarus artium, & vtriusque lingue,

PANTINVS meus: ille, comparatæ

Cui nives videantur esse nigrae:

Quem suum veteres velint Athenæ,

Quem suum vetus ipsa Roma dici:

Quem meum cupio, & meum esse iactō:

Cui, dum corpore mens mea illigatur,

Fido & firmo adamante colligabor.

Quod SANCVS pater audiat, FIDESQUE.

EPI-

EPISTOLA LXVII.

Bruxellam.

REMACLO ROBERTI S. D.

DE Transsylvaniâ mitiora nos hîc audiebamur, & conatum magis turbandi pellendique, quàm effectû fuisse. Opto ita sit. quia hercules eâ provinciâ, post Canisiam, nunc amissâ: quid spei super de Hungariâ maneat? Quæ & nunc tenuis, nisi alia consilia & fœdera Principes ineant aciungant. qui ferè (veteri Europæ morbo) suis dissidiis & bellis atteruntur, publici discriminis securi aut neglegentes. In Belgicâ nostrâ re, ego plagam aut plagas hac æstate metuo: nec video equidem valdè comparatos ad arcendum. De Buscoducis (quanti momenti opido?) occultus rumor est ciues languidiores fieri, & vt verbo dicam, nauscare. Si vis adhibetur, vereor vt, quod ferre possunt, ferant. Sed vobis hæc notiora. Quod nuper scribebas de liberis apud te, quosdam vidi, quosdam nunc non lubet nec vacat. NN. ego habeo, & obiter legi: neque nimis me cepit. Legatus Regius recen- ter de te amicè & benignè scripsit, sensitque. Ita enim de candore eius mihi polliceor, & dicta in rem collaturum, vbi occasio erit. Tu in eâ officium & salutem à me defer, & hanc ipse voto meo habe. Louanij, III. Idus Mart. ∞. IOCI.

EPISTOLA LXVIII.

IO ANNI DRENCKWAIRTO, *Thesaurario supremo.*

DVO voueo. & lætum tibi hoc sollenne, & plura, quæ valens letusque addas: tum & in me eiusmodi culpas, quæ tali pœnitentiâ luantur. Tu me silentio offenderis? non potes in tuis occupationibus quas noui, & quæ rempublicam nostram summam tangunt: nec, absque iis, causâ erat aut materies literis respondendi, quæ nihil nisi affectus mei auram ad te mitebant. At tu benignè quasi offensam agnoscis, & optimo vino (gustavi enim heri) luis: quid nisi gaudente me in hoc affectu, & pro eo gratias agente, & perseuerantiam optante? imò & sperante. quia à me, pro viribus quidem, semper alimentum ei erit in officiis & cultu, quem tibi debemus. De tuo Balduino, non possum nisi bona dicere, & meliora prædicere: ita & mores eius

eius & ingenium omnia ea præstant, aut spondent. Modestia & probitas adsunt, quæ à stirpe & gente traxit: adest industria, & acrimonia ingenij, quæ à Deo dona habet. Iudicium adhuc formandum in multis, vt hæc eius ætas est: sed & supra ætatem in multis rectum & maturum habet. Confidentia, & securitas, & illa dispositio sermonum paullatim accedent: & nos elaborabimus polire, & reddere te dignum. In studiis, iam diu est cum me auctore ius ciuile etiam adiunxit; titulum Baccalaurei meruit; & disputationes publicas ac priuatas (in quibus plurimum momenti est) adit. Itaque sperarem, & ausim promittere eum aptum futurum, qui proximâ hieme Licentiæ titulo insigniatur. Præmaturum est, inquires. Ita, si ætatem vides: non est, si progressum, & communem nunc etiam morem. Mouet me & causa, quòd velim tempestiuè eum ad res adinoueri, & tuæ auctoritatis velut manu educi & attolli. Nam spes certè omnis dignitatis eius in te est (post Deum quidem:) & te tamen mortalem esse, cogitare cogimur, etsi multos annos vouemus etiam & destinamus. Sed hoc totum iudicij tui & prudentiæ facimus: & tempus superest deliberandi. Ampl^{me} & Nobil^{me} Domine, vale. Louanij, VIII. Kal. Maias. ∞. I. DCI.

EPISTOLA LXIX.

Lutetiam.

ISAACO CASAVBONO S. D.

BARONIVS meus nondum venit, tuas tamen, quasi metatores præmisit hospitio indicendo, sanè gratas. Placuisse ipsum vobis, gaudeo: vtinam diutius in illo sole velut colorem potuisset ducere! sed negauit ille, cui ipsum nihil negare ratio iubet. Dete quod addis, exuere paullatim scribendi edendique animum: malè narras, nolim. ~~Tu in illa re nimis ingenique flore? Sed idam enim, summa ac fauore sic aspirante? Nam quidam ex ceteris delectat: de quibus si exspectas, non hoc dicitur neque, & hoc parum enim hominum, facias uelitis.~~ Iustius mihi ea mens sit, annorum, laborum, morborum veteri: & cui omnis lex & mos det missionem. Tamen perseuero, etsi vereor vt vel inuitum soluat illa ^{duratio & ipsa}, graue onus, & quam nullâ medi-

* incurbilis morbus.

KKk diu

diu iacuit, nescio an attollendus. EPISTOLAS nuper dedi; sed ad Italos & Hispanos tantum: quia nihil ad vos, & logi aliquot aut inania sunt, pudicum est mittere. Sed heus, loci sunt in Senecâ, in quibus hæremus aut pendemus, & possis mihi subsistere. vt in illo Consolationis Heluianæ cap. x. *Ingens Capitoli vestigal*, de Apicij luxu. Quid hoc ad eum? an comparatio est? an & mutatio placeat? Consolationis Polybianæ, cap. xxxv. *In quas per templa aditur*: De Palatio accipimus, vbi templa, scio, sed an sic in aditu? & per ipsa intratum? De Irâ III. cap. xxii. *Huius nepos fuit Alexander, qui lanceam*. Mirum, si Antigoni illius nepos, qui ipsi inter successores fuit: & nec in nomine quidē error, quia nemo talis inter Macedonas reges proauos. Atqui mox etiam addit: *Non habuit hoc auitum ille vitium*. Plura talia alibi in isto aut noto, aut corrigo: sed hoc noto tantum. In *Militiâ* etiam nostrâ, quid tibi videtur de *tripedali parmæ diametro*: de *Pili, palmari*? aliud à me sentis aut habes? doce volentem & imputaturum, & salue. Illud autem de frigore tuo in scribendo, iterum seriò ingero: * *Ὅτι οὐδὲν δ' αὐτὸς πρὸς ἑχόν. & τυγχάνει*. Incalcesce. Louanij, ix. Kal. Maijas. ∞. ICCI.

* Hæc ipsa
mens, mihi
crede,
mentem
non habet.

EPISTOLA LXX.

Antuerpiam.

IO. BAPTISTAE BARONIO S. D.

GAUDEO te rediisse, etsi præter opinionem meam factum. Causas parenti tuo fuisse non dubito, & vel illa causa sufficit, quod voluit parens. Quæ Gallia placuerit, quæ ibi homines, atque alia, seruabimus in sermonem, auidè tecum miscendum, atque etiam amplexum. Veni, veni. sed quando? de die scire velim. nam ego peregrinatiunculam paro in Neruios, & amici iamdiu cò inuitant. Nolim te me absentem requirere, & doleam si fiat. Tamen, vt tuæ litteræ erant, intra paucos dies, atque adeò hâc septimanâ, te expectamus. Domum è quâ egressus es nosti: caue aliam ingredi, quamdiu ego viuo. Vides non rogare me hoc, sed iubere. Neque enim omni vindictâ te manu-misi, & attineo vinculo aliquo obsequij, quod bono iure non laxes. Vale, & auum, parentem, fratres saluta. Louanij, viii. Kal. Maijas. ∞. ICCI.

EPI-

EPISTOLA LXXI.

Dolam.

IO. BEZANCENOTTO S. D.

AN & 1^{ai} titulum addam? certè donatum eo iam cum fratre esse, ex litteris colligo, quas ad me dedisti. Amo & scriptionem tuam, mi Bezancenotte, & iamdiu ipsum te: id què ob ingenij melioris dotes, quas Deus dedit. Excolere eas cœpisti, & proferre: sed cum ætate magis & magis: & nunc denique è scholis & umbrâ ad fori & rerum lucem actionemque venitis. in quâ versari vos cum laude, id est cum fide & probitate, velim atque optem. Doctrinam certè adferetis (nam & fratrem tuum includo:) sed per Deum immortalem, Themidi vestræ Mineruam etiam miscete, & Sapientiæ illa decreta adsumite, sine quibus in hâc rerum caligine non est, mihi credite, pergere viam rectam. Ut in familiâ opus est herâ ac dominâ, quæ coërceat: sic in hac interiore œconomiâ, Sapientiæ illo imperio, quod affectus regat ac dirigat exsultantes. Facite, ita Deus vobis faueat, & honore simul ac virtute mactet. Louanij, prid. Kal. Maijas. ∞. 1001.

EPISTOLA LXXII.

*Bruxellam.*NICOLAO DE VVEERDT 1^{to} & Cognato.

BENE est, benè est, pecuniam adnumeratam esse: nequid ultra tergiueretur vel mutet noster ille Proteus. liceat sic appellare meum Fabrum, virum bonum quidem, sed parùm in verbis aut pactis (fensi aliquoties) stabilem, & qui aliquid trahat à leuitate sui ignis. Nunc tenetur, & vel anguis fiat, non elabatur. Hoc igitur lætum; illud mordet, quòd de aduentu tuo distulisti. An mecum igitur in reditu vis, & iam nunc spondes? At ecce quia meliorem Bacchum, & è femore Iouis natum, gustare apud me noluisti; ego velut in pœnam, tristiore istum & Se-mele natum (Becani argutiolas agnoscis) bibendum ad te mitto. Rogo, extra iocum, munusculum volès accipias, quod à volente scis mitti: & spero in suo genere non inter vilissima futurum. Gustus tui, tuam etiam addo, res erit: & si sedebit, ecce fontem è quo quotannis petas. Flores mei cladem, vt scripsi, magnam passi erant: reparauit in parte & supplementa accisis copiis misit Gaspar Taius, Goïckensis toparcha, sanequàm opportunè &

benignè. Gaude hoc mecum : nam & tibi in meo horto feritur & metitur , atque illo crescente crescet etiam tuus. Vale. Louanij, prid. Kal. Maijas. ∞ . IOCI.

EPISTOLA LXXIII.

Brugas.

CORN. ANCHEMANTO suo S. D.

VALERE te , & apud tuos etiam esse , mihi quidem placet. At non mihi , inquires , in hoc otio & desidiâ. Credo. sed patriæ & tuis aliquod etiam tempus dandum est , à quibus diutulè abfuisti. Prouidè item & lentè agendum de Peregrinatione. quam ego in Galliam nunc non dissuadeam , qui res quietæ & firmæ videntur , per Allobrogicam hanc pactionem. Antea hercules hærebam , & ne nos traheremur in partes , id est in vetera mala & bellum. Itaque si amicis tuis idem videtur , & sedet te aliquò ablegare : age , cum bono Deo , fiat in Galliam , doctrinæ & elegantix iam olim sedem. De Italiâ , post illam deliberabimus. Tu tantum cogita iam nunc & imbibere , ut immunem te serues à noxis & vitiis. quæ in eâ regione , per bella ciuica maximè , pullularunt. Luxus , libido , *à l'écœia* , regnum in multis locis habent : coërce te & abstine , & Honesti illum splendorem & Numen ante oculos pone , quæ fumos aut nebulas istas dissipabunt. Didicisse te ostende , non ut scias quid deceat , sed vsurpes.

*Et grauib. curis , animum sortita virilem ,
Ignea longæuo frænatur corde iuuentus.*

Quibus curis ? scientiæ & prudentiæ , quæ scopum peregrinationi tuæ habes. Addo Virtutem : quæ suprema cura , & finium , ut ita dicam , finis : quam sic stringe , ut ab hac vitâ citius , quam ab eâ auellaris. Ita abi , & redi , semper meus , si illius. Louanij, viii. Kal. iun. ∞ . IOCI.

EPISTOLA LXXIV.

In castra.

IOANNI SEVRIO, Legato Hispaniensi à Secretis.

BENIVOLENTIAM , quam sermo tuus nuper spirabat , nunc & litteræ. quid debeo ? quid , nisi eandem beniuolentiam ? quam animo huic firmo caractere impressam , audeo dicere , & non nisi mecum delendam. Tu foue , mutuum à me fiet. Conquereris de discessu meo inopinato : sed ita res tulit , & diutius domo

domo & scholis abfueram, quàm meus aut publicus etiam vsus esset. Ea caussa mihi subductionis. alioqui, Genium testor, suaue esset apud vestri similes agere; vt frontem atque animum exporrigerem, vel studiorum seueritate, vel temporum hâc mœstitiâ contractum. Non licet, & in animi etiam libertate seruitus aliqua externa adiuncta, quam nullæ vindiciæ hîc quidem resoluant. Publica per te didici, in spe magis quàm in re lata. Sed tamen aut ego nihil in Principum rebus video, aut aliud aliquid agitur & arcanè apparatur, quàm vulgares isti oculi aut mentes vident. Eâ cogitatione sæpè me firmo. & nisi sit; fateor liberè, vt nunc res eunt aut potius fluunt, nihil me pro votis bonorum, aut dignitate imperantium exspectare. O dii deæque (liceat sic indignantem loqui) in tantis opibus, & vbi omnia ad magnitudinem sic parata & ad manum sunt, tamdiu nos: sed desino. Numen videbit: quod gaudet inuertere ista humana, sæpè præter humanam spem aut mentem. Nostrum est, quæ non in nobis, ferre, & alto animo excipere omnem casum. De pace, siquid cum Turcis conueniet, mirabor, & gaudebo. Neque negem; hoc statu Christianæ rei, quamcumque illam optabilem & vtilem forte. Mihi tua amicitia: quam delatam amplector, & tenebo: & tu me in sinu illo mentis. Louanij, III. Kal. Iul. ∞. 1001.

EPISTOLA LXXV.

THEODORO CANTERO S. D.

LAETIS oculis atque animo litteras tuas vidi, legi: & præ-
nè dicam,

— *Amyclæis velut exsultauit arenis*

Pastor, ad Jdaas Helenâ veniente carinas.

Vetus inter nos amor, & ab honestissimâ studiorum societate est; quem temporum hæc iniquitas interpellare, non abrumperè potuit: & in me quidem viuit vixitque cum affectu & fide, qualem tu litteris his præfers, & volenti credenti que testaris. Ita sit vtrunque, & maneat: nec externa ista dissidia animos tangant aut polluant, ab eâ labe iure suo exfortes. Finem illorum si exspectamus, quando erit? cum nos non erimus fortasse. adeo pertinax Fortuna Belgis incumbit,

— *quæ procudit enses.*

Et socias inimicat vrbes.

Heu, quot iam illa

*hominū
validos
Orco pro-
iecit
*projiciet.

* — *ἰσθίμεις κεφαλὰς ἀπὸ πέγναιεν;*

& adhuc * *ποικίλει*, vt rerum hæc facies minatur. Tu sapiens interea & felix, qui quantum potes reductus à fluctibus terram legis, & tibi studiisque asseris, vnico in his turbis solatio & leuamento. In me quidem sic exerior,

— *quem mea tellus*

Lare secreto tutoque tegit:

libris & scriptis inuolutum. Ergo eundem animum iure tibi gratulor; & siquid adiutum aut alleuatum hîc ire possim, habes volentem & audientem. Significas de *Eleusiniis* sacris syntagma re parare: sed in quæ etiam illa *Cybeles* & *Isidis* includas. Probo, & pergere adhörtor: quia pars ea sacrorum multas *ἀρχαιο-
λογία* habet, & ad lucem etiam scriptorum nostrorum, qui primitus profana illa & superstitiosa abiecerunt. Equidem non deero, vbi distinctè rogabis, suppetiari: atque adeò etiam nunc vtrò aliquid de Cybeleis sacris adiungo. In Suetonij Othone est, *Ex-
peditionem impigrè incohasse, die quo cultores matris Deum lamentari
& plangere incipiunt*: atque id inter tristia omina recenset. Interpretes referunt ad diem VI. Kal. Aprilium: quia in Ammiano ita legerunt, lib. XXVI. *Ad diem VI. Kal. (Apriles) quo Romæ matri
Deum pompe celebrantur annales, & carpentum, quo vehitur simu-
lacrum, Almonis vndis ablui perhibetur*. Errant. imò ad IX. Kal. Apriles referendum est, qui dies *Sanguinis* dicebatur. Is enim tristis, & planctus tunc suos Galli ordiebantur, atque adeò corporum sectiones. Trebellius Pollio in Claudio: *Cum esset nuncia-
tum IX. Kal. Apriles, ipso in sacrario Matris, Sanguinis die, Clau-
dium Imp. factum, neque cogi Senatus, sacrorum causa, posset*. Vides diem sollenni veneratione, & illo nomine fuisse: quod Tertullianus in Carmine ad Senatorem adfirmat. de Gallis:

Mente fremunt, lacerant corpus, funduntque cruorem.

Quale sacrum est, vero quod fertur nomine SANGVIS?

Causam etiam ibi nominis habes, quia tunc sanguinem incipiunt fundere, ac perseuerant vsque ad diem illum (Ammiano notatum) VI. Kalendarum, quo *Lauatio* instituitur, & luctus suos

suos, ponunt. Statius:

Est locus ante urbem, quàm primum nascitur ingens

v. Silu.

Appia, quaq; Italo GEMITVS Almone Cybelle

Ponit, & Ideos iam non reminiscitur amnes.

Itaque dies ille tantum abest vt funesti ominis, læti potius fuit: & vulgò *Hilaria* dicebatur. Leges in Lampridij Alexandro, *Hilaria matris deum*. De Lauatione porro, cùm alij, tum Prudèrius & scilicet hymno x. & Augustinus II. de Ciuit. cap. IIII. Herodian. l. I. Vides propensionem meam in te & tua studia, magis declarandam si sermonis alterni copia esset. Pollioni nostro dignitatem gratulor, Deum precatus vt bono publico exercendam. Liberi tui quid & quid agunt? iam & alter vxorem habet? In honesto quidem otio, tuo exemplo, esse arbitror: faciant, te venerentur, nos ament. Louanij, prid. Idus Sextil. ∞. IOCI.

EPISTOLA LXXVI.

Brugas.

IANO LERNVTIO S. D.

QUID ait meus Audeiantius? irasceris, & tuum

Feruens difficili bile tumet iecur?

Ego rideo, & ad eò satisfactionem non offero, vt à te eam poscam. O mens pura, & innocentia sibi conscia! At aliquid in Carminibus tuis me fugit, nec liberè monui aut notauì. Prius potest, alterum abnuo: & quæ vidi, certè monui & scripsi. Fac me aliquid conuiuente oculo, aut parùm præsentì mente, legisse. Id quoque potest, & vt distractiones meas omittam, quis, quem non in suis & alienis aliquid fugit & elabatur? Si quis est,

—— *immolet aquis Hic porcum laribus:*

ego fateor me inter Homericos sæpè esse, & oculis non semper acutis, imò non apertis. Sed hoc mittamus. ego tibi, mi Lernuti, & fui seriò & ero amicus,

Dum pecori lupus, & nautis infestus Orion.

Sed de Audeiantio meo iterùm. adolescens adprobi ingenij est, & in Prudentium aliquid vellet, à te iniectum. Gisellini nostri illius quædam habes: per eum possent edi, & honore non solum saluo illius amici, sed aucto. Cogita, & scribe, aut si probas, mitte. Ostenda vos etiam exercet, sed spe tamen nunc certiore, vt audimus,

audimus, eius potius. Deus faciat: utinam ego te aliquando! In Neruiis nuper fui, anno proximo (si vita mihi & vires) Morinos fortasse vestros & te, te videbo, quod

Mens desiderijs ista fidelibus

nimiùm auer. Ita sum saluus, ut sentio & propono: ille modò

Gentis humanae pater atque custos

te meq. in id tempus seruet. Louanij, prid. Idus Sextil. ∞ .IOCI.

EPISTOLA LXXVII.

IOANNI DRENCKWAIRTO, *supremo Thesaurario.*

EXCVSARE metibi debeo, etsi immunem à culpâ, sed ne silendo faciam me illi adfinem. Nam fui Antuerpiæ nuper, & Bruxellâ reuerti ac te adfari mos meus ac tui cultus volebant: sed mutaui, & compendio Mechliniensi viâ redij, quia monitus eram Præsidis filiû cum Rubenio reuocari, & subito abeundum eis esse. Festinaui, ut Vale caperem & dicerem: in eâ tamen ipsâ re deceptus, & tutum non putarunt expectare. Eant cum bono Deo: quid autem, si in tam bellâ occasione Balduinus tuus cum ipsis? Fateor de titulo capiendo hîc, decretum nuper à te esse: sed & in Italiâ posset: nec tales certè itineris comites semper ei erit nâcisci. Pro tuâ prudentiâ, Amplissime Domine, statues quod è re videbitur: nam mihi indicare conueniebat, tibi iudicare. quem Deus ille publico & nobis incolumem diutissimè seruet, perpetuo nostro voto. Louanij, xvii. Kal. Octob. ∞ .IOCI.

EPISTOLA LXXVIII.

Antuerpiam.

BALTHASARI ROBIANO *Senatori.*

AMICVM amicis me fateor: & sum hercules opido vestro, & illi V. C. de quo in sermone nuper egi. Eò grauius fero inter se dissidere, & ad litem venire, meo voto, & tuo auxilio (ita cupio) finiendam. Annue hanc operam mi amice. quid honestius tibi, & fortasse vtilius vtrique parti potes? Opidum, tunc nunc, fortasse postea detrimentum, & quidem cum fenore, sentiet: at iste pondus grauissimæ lris excipiet, & in eius humeros, qui consortes sunt, maxime inclinabunt. Adiuuemus, & vocem moni-

monitumque Rudolphi primi Austriaci audiamus. cui cum plures lites cum pluribus essent, vna atq. altera grauis cum Abbate Sancti Galli, tunc potente: accessit vtrò & inuocatus ad eius conuiuium. mirante illo atque aliis (nam & inimicitiae, vt solet, ex lite ortæ erant) ipse constanter perfedit, & sine conuiuij cum Abbate seorsim locutus transegit, & pacem cum eo pepigit; ita fidam, vt Abbas postea auxilio etiam ei in bellis fuerit, quæ minuta (nam Comes adhuc erat) cum vicinis habebat. Sed vox eius abeuntis excepta à familiaribus est, totidem his verbis: *Quicumque tres lites habet, duas, si poterit, componat: hoc est meum consilium.* Et hercules meum, ô Rudolphe: sed hoc amplius, etiam tertiam, vt nullum caput huic Cerbero superfit. Age mi Robiane, non ternæ, sed ter denæ aliquæ vobis lites sunt: recidite istas maximè grâdes, & quæ in mōstra aut hydras succrescunt. Quid magis sollenne, nostris moribus & iuridicinâ? Lis litem gignit, iterumque hæc aliam, & catena fit quæ heredes etiam ligat. Bonâ Vveni nostri veniâ hoc dicam, dubitare me an bono consilio in vitam & vsum Ius Iustinianæum à Lothario Imperatore reuocatum sit: sic dico, totum & plenum. Non quin bona in eo, arguta, & à sæculo veteri: sed nimis fortasse bona, arguta, vetera: & ideò seminarium ingeniis, ad calumnias fraudesq. pangendas. Dic sodes, quàm multa in eo, quæ vsum hodie non habent? quàm multa implicata, & variantibus sententiis enodanda? quid si pugnantia quædam dicam? sed vix ausim, & iuncti vimbonibus me inuadant. Et de iure ipso prisco, parum etiam sit: sed Commentarij quàm multi & pænè infiniti accesserunt? atqui & ij si concordant, vim legis in tribunalibus nostris poscunt. Amelij vetus querela an scomma fuit, *Jurisprudentiam multorum camelorum onus esse*: quid nunc dicam? elephantos ab Indiâ adde, vix ferent. Atqui Platonis oraculum (recens à lectione sum) auribus meis insonat: *ὅτι παρ' οἷς νόμοι πολλοί, καὶ δίκα παρὰ τῷ τοῖς, καὶ βίαι μοχθήει*: *Quòd vbi leges multe, ibi & lites multe, & vitæ moresque prauæ.* Audi, & scrutare: verè oraculum est, & de multitudinelitium, nostra Belgica, vicina Gallia, & Italia dicent. Quomodo autem non & mores prauæ? nam primùm concordia tollitur, odia aperta aut occulta in animis gignuntur, adde fraudes, insidias, & studium vincendi quouis nexu, ac supplantandi.

Non enim, vt Celsus verissimè scripsit, bona consciētia, sed victoria ligantis est præmium. De multis hoc dico; absit de omnibus, & animus me meus refellat. Sed proborum causâ indignor equidem, cùm Iasones istos video, qui palàm ad Colchos & aureum vellus eunt. Et quidem non improbi solùm, sed stolidi aut fronte ferreâ, qui & artem hanc protollendæ siue tollendæ Iustitię iactant. Memini olim fuisse inter Byzantinos Oratores, qui interrogatus, *Qualis Byzantiis lex esset? Qualem ego volo,* respondit: ô dignum, qui pateretur quod ego vellem! Sed an non hodie tales, qui leges, vt ceram habent? pro animo aut lucello suo huc illuc ducunt & flectunt? Mentiri optem: sed hoc vnice, vt Rex sit aut Princeps qui medeatur, & paucas, faciles, concordēs leges donet. Sed hæc *Monitis Politicis* seruentur, epistolæ modulo grandiora. Illud de re, quam institui, te rogo: pergas nauare operam, & vt pax coëat inter volentes. Noster certè cupit, & quoscunque interpretes eius aut pararios non recusat. Vtinam tam in procliui Batava nostra pax sit! quæ ante annos aliquot prompta, magis magisque subducitur: & adco non rem, vix nomen eius admittunt. Quid autem fiet, si Ostendam non capimus? quos illi animos? Sed capiemus, ita ominor: & vtinam illos nosque satietas pessimi & omnia atterentis belli. Vale V. C. & salueat noster communis VVenus: an & hæc legat? legat, homo disparissimus iis, quos noto. Talium tacita vota, si non voces, sunt mecum. Louanij, XIII. Kal. Octobr. ∞. IOCI.

EPISTOLA LXXIX.

Brugas.

LVCAE VVYNGARDO V. N. S. D.

EN meas litteras, quas tuæ non clicuerunt: sed ipsis tuis factis iure debebam. Quid enim minus possum pro donis sic vltro & vbertim missis, quàm gratias stilo dicere, animo habere? Et donis herclè meo animo lepidis, & quæ verè sunt illi recreando aut vegetando. Nam flores & hæc hortensis oblectatio ipsam vitam panè dicam mihi seruat: cùm à libris & studiis, siue etiam turbis aut interpellatoribus, illuc confugio, & adspectu ac secessu me pascō. Quid sit in hac re arcani adfectus, nescio: nisi quòd & post vitam veteres, hortos & campos Elysios imaginati sunt; & ipse Deus primo homini sedem beatæ vitæ dedit

dedit *ἑξομόρξην*. Define, inquires:

* *Μηδ' ἑξομόρξην μαρίαν τὴν σὴν ἐμοί:*

Non faciam, defino: & publicæ occupationes aliò te ducunt.

Quod proposui tamen, gratias ago: hoc ipso maiores, quò ma-

gis munus tuum commendo. De Theocriti versu quæsitum,

βολέος πρὸς κοχλίας ἐξηρέθη: — non alium sensum arbitror, quàm

Bulbum (edulem scilicet) & *cochleam electam*, & propositam ad

comessandum. Ita solent etiam Latini. In Martiale aliquoties

mentio, & iunctim lib. iv.

Et ficus Libycâ gelata testâ,

Cum bulbis cochleisque caseoque.

Etiam Romæ hodie cochleas solent apponere, illi vsui aut fini.

Sed hoc sensu, vide an non copulâ insertâ melius scribi: *κοχλίαςτ'*

ἐξηρέθη. Valere te cupio, Vir nobilis, & * *φιλοῦντ' ἀντιφιλεῖν*. Loua-

nij, III. Idus Octob. ∞. IOCI.

Iacobo Damhouderio salutem & gratias, rogo, à me dicito, qui
& se floribus procurandis benignè impendit. Debeo.

EPISTOLA LXXX.

Tornacum.

DIONYSIO VILLERIO V. R. & Cl.

BINIS me tuis affatus es, à tristi nostro (mihi certè) discessu:
at ego silui. quid caussæ? distractiunculæ, quæ præter mo-
rem mihi me eripuerunt, nec nisi cogitationem & affectum pas-
sæ ad te mitti. Audi, sodes, & miserere. Nuptiæ vno tempore in
domo meâ, hospites, interuenteres. De nuptiis, vt sagax es, credo
audisse. ancillam mihi ab annis xxvi. tæsam nocturnæ solitu-
dinis (quid enim aliud ipsa aut ego dicam?) viro se iunxisse, &
conuiuia illa, choreas, nugas in meâ domo fuisse. Ecce sub eas-
ipfas Bernartius mihi hospes, gratus sanè: sed cui me & tempus
tamen impendi. Quid de exteris aduentoribus dicam? qui anno
inclinante velut per agmina adfluxerunt, & salus capienda ab iis
& danda, humanitatis quâdam lege, fuit. Atqui vix credas, quot
horas & isti eripiant, etsi in breuib. fabellis. Iam sollennes &
adsiduas occupatiunculas meas omitto, in dies docere, scribere,
& quidquid muneri meo adhæret. Scio ipsum te ingemiscere in
splendidâ hâc meâ miseriâ, & quam fama aliqua melior nobis
donat. Quid etiam omitto? quid? vel præcipuum turbamen-

* inopinatum?

tum, quod tamen famam video ad te tulisse. N. N. triennium ferè in meo contubernio & curâ, præter omnem omnium opinionem, tantis opibus & spe relictâ, in diui Francisci cœtum se dedit, & diuino cultui mancipauit. Quàm me percussit censes hoc * ἀδόκτου? & eò magis, quia auunculo & parentibus (nam & ij viuunt) magnam hanc in animo plagam futuram videbam. Itaq. statim vxor illius & soror huc ad me, & mecum ad illum: conamur refrigerare aut abducere: at ille, veluti rupes, ferinunculos nostros assilientes fregit aut repulit, & Deo duce vitam electam dixit, quæ nisi cum vitâ non eriperetur. Ita vltimus ille meorum me deseruit, & in solitudine iam reliquit. Quam tu damnas & disuades, & atræ meæ bilis fomentum aut alimentum habes. Falli te puto: ego certè amo, & corpore atque animo eâ pascor. Quàm liberæ mihi nunc cogitationes sunt? quàm curis istis alienis aut externis non districtæ? quàm vagor itaque & diffundor? in cælum, terras, maria, in nostrum & alium orbem. Apagè me, illum, qui

Non horam secum esse potest, non otia rectè

Ponere, seque ipsum vitæ fugitiuus & erro.

Ego sapientiæ non dicam indicium, sed initium tamen esse puto, secum consistere, & sibi vacare. O si rûre hoc etiam liceat!

Propter aquæ riuum, sub ramis arboris altæ.

Sed bella hoc vetant, nec Ostenda illa etiam PACEM OSTENDIT. Classẽ in Hiberniam sex millium Iberorum appulisse autumant: illam magnam, Africæ inuadendæ paratam, tempestate disiectam, & re nullâ nec tentatâ quidem reuersam. Hæc in publicis sunt: etiam illud, Reginam Hispaniæ peperisse, sed prolem faminam. In priuatis tuis quid? bibliothecam pergis instruere? Index hic Francofurtensis quædam dabit. Io. Macatius, cum grâtâ tui memoriâ, ante biduum mihi adfuit, vnâ cum Wingij nostri fratre. Vterque gratus, & in mensulâ meâ miscuimus fabellas. Quando tecum iterum? dispeream nisi aueo: & fiet, ita tu atque ego valeamus. Louanij, III. Idus Octob. ∞. IOCI.

De Neruiis tuis; seriò aliquoties à te quæsitum, quæ mihi visa hîc habes. Cæsaris & Strabonis tempore has sedes coluisse. Treuironum finibus, ab Oriente; ad Occasum à tergo, Ambianis & Atrebatibus iunctos; Veromandos, in Meridiem, Atuaticos in Septem-

Septemtrionem despexisse. Porrectos in longum magis, quàm latum: ab Oriente in Occasum. Hodiernâ nomenclaturâ fines eorum si vis designem, arbitror supra *Namurum* (vulgò *Namurcum*) & ab Arduennæ finibus cœpisse; iuisse in Meridiem *Fumacum* versus, tum *Chimacum*, *Auennas*, *Bauacū*, *Valentiana*; & flexu deinde in Occasum & Septemtriones, *Orchiacum*, *Tornacum*, *Aldenardam*; iterumque flexu in Orientem & Meridiem, *Geertsbergam*, *Angium*, *Brainum*, *Gemblacum*, denique rediisse *Namurum*. Coniectura hæc nostra est: & quis aliud in his adferat? sed veterum profectò verbis sensibusque innixa. Nam magnos fines habuisse, Cæsar apertè indicat: qui ab *Ambianis* triduū iter se fecisse per *Nervi*os ait, priusquam ad *Sabin* veniret (hodie *Sambram*) ubi copiarum & castra. A *Treuiris* autem cœpisse quod dixi, non id quidem Cæsar, sed apertissimè bis *Strabo* scribit, libro quarto: & à *Germanis* utrosque ortos, ipse ibi, & *Tacitus* in *Germaniâ* suâ, scribunt. Iungit & *Panegyricus* scriptor, *Nervi*orum & *Treuirorum* *arua*. At *Tacitus* *Bethasii* finitimos facit IIII. *Histor.* *Civilis Bethasios* quoque ac *Nervios* in fidem acceptos copiis suis iungit. Et antea: *Claudius Labeo* quosdā *Nervi*orum *Bethasiorum*q; in arma traxit. Atqui isti *Bethasij* *Brabantii* nostri videntur, quâ parte *Hannones* tangunt: & hodieque iuxta *Hallas* vicus est *Beeths* nomine, qui vetus illud refert. Itaque fines eorum ab hac quoque parte satis stabiles videantur. Plura quæ dicam non habeo: nisi *Torniacum* vestrum (sic ibi scriptū) à *Reginone* nominari, in anno *Christiano* CCCC. XCVIII. *Hilpericus*, inquit, fugiens cum uxore & liberis *Torniacum* est ingressus. At in *Antonini* itinerario est *Turnacum*.

EPISTOLA LXXXI.

Audomaropolim.

ÆGIDIO SCONDONCHO Sacerd. Soc. Iesū.

ABIISTI sanè à nobis, nec vel sollenne illud Vale dixisti aut scripsisti. Accusem? absit: scio vestrorum imperia, quibus statim & *ἐμπαύτως* sit parendum. Doluisse tamen me non nego, ^{* simul ut dictum.} cui plures iam amici sic abiuncti aut erepti: inter eos *Delrius* ille, ad *Europæ* fines, sed suâ sponte, relegatus. *Hemelarij* nostri litteras legi, & ex iis disco etiam nunc ^{* τὰ πρῶτα} *τα πρῶτα*. Habet à naturâ ^{* animo abijci.} modestum illud, & panè immodicè: erigendus est, quod sermo-

* nec par-
tē sortitos
nēpe pudor-
is.

ne & litteris scio me factitasse. Et profectò nec Aula illa ei placet,
vbi fumi & fuci multum; & Batauius ille candor non delectetur,
non delectet. Nosti mollem frontem, parùm aptam inter duos
illos, & cum Homero, * ἐδ' αἰδῆς μοῖραν ἔχοντας. Itaque de mansione
vix suadeam: cur non ad nos redeat, vitæ genus eligat, in quo &
salutem & quietem suam curet? Mihi videatur: nec Batauia mo-
ueat, videnda obiter non insidenda. De me, in studiis scriptisque
sumus, sed languidè, vt in languore. Non ille me deserit: neque
ego tamen illa,

* Ante mi-
hi quàm
moris nu-
bes lumina
vellet.

* Περὶ γ' ὅτε δὴ θανάτοιο μήλαν νέφει ἀμφιχλύψει.

Tu vale mi Pater, tuo & plurimum bono. Louanij, III. Kal. No-
uemb. 60. IOCI.

EPISTOLA LXXXII.

GERARDO BÛYTEWECHIO.

ET addam MEO? an alia iam te habet? Habeat, sed non
totum: & in te ius meum teneo, nec vllum vinculum no-
uum ab illo veteri resoluat. Sed fauco & gratulor toto animo
huic incepto, & Deum rogo id non prosperare solùm, sed prope-
rare. Satis diu suspendisti nostra & parentum vota:

Eia age, iunge toros, atque otia deme iuuenta.

Omnia eò vocant. natura ipsa, quæ hanc legem iugandi & gig-
nendi dedit, & sæcula per sationem propagandi.

Sic rerum series, mundi quæ renascitur ætas.

Vocant & tui, quibus vnicus es, & (nisi fallor) stirpis tuæ extre-
mus. Patiare exstingui? non debes. & quamquam tempora tri-
stia vel turbida cunctari suadeant; ætas tua recusat, & nunc fie-
ri, quod aliquando possit, impellit. Habet etiam hæc vita suas
voluptates & lenocinia, præsertim tali compare, qualem descri-
bis, à stirpe, à parentibus, à se honestam, bonam, mitem. Euripi-
dis effatum est:

* Mortaliū
quibus se-
cunda na-
stia

Cedunt,
beata vita:
sed quibus
aliter,
Illi domi
infelicitè
agunt, &
foris.

* Ταῦτα δ' ὅσοις μὲν δὴ κατὰ τῶσι βροτῶν,
Μακάριαι αἰῶν' οἷς δὲ μὴ πίπτειν εὖ,
Τὰ τ' ἐνδον εἰσι, τὰ τε θυράζε δυσυχέει.

Adsit illud, absit hoc à tuis nuptiis:

— *det Juno verenda*

Vincula,

Vincula, & insigni geminet Concordia tædâ.

Mihi in eo vno voto omnia inesse videantur, & vbi pax & concordia inter consortes obtinent, felicitatem illam & alia bona comitari. FIAT, FIAT: & amplius, huic felicitati fœcunditas comitetur, vt verè illa sit *γεννη*, quam pulchrè * *ἡ δὲ τῆν γεννη* veteres magistri deriuarunt. Sed heus, scis & in domo meâ nuptias, & quidem duplices, fuisse? Verè in domo meâ priores. è quâ ancilla mea *Anna* illa, quam nosti, ante paucas septimanas enupsit: alteras è domo, si non in ipsâ. Tenes memoriâ N. N. gente vestrum, Thesaurarij ex sorore nepotem apud me triennium circiter egisse? & modestè quidem ac laudabiliter egisse. Sed exitus fuit, opinioni nostræ dispar, & relictâ magnâ spe opum (nam auunculo, non solùm patri, heres destinabatur) in Diui Francisci familiam nomen dedit. Hoc ipso die manè publicè induit cœtus eius sacram vestem. Deus robur adspiret, & athletam ad metam sistat: etsi cursum hunc currere cœpit nobis omnibus infcis, neque enim dicam (de me quidem) inuitis. Reliqui etiam mei contrubemales ordine abierunt, in Italiam, in Galliam, Hispaniam, quo sua quemque fors duxit: & in solitudine sum, diu mihi optatâ, & in omni æuo dilectâ. O si comeatus ad vos sit, qui solet! testor Numen, oculis imò & osculis tuam nunc libem: vetamur. tu vicem meam facito, atque ita vt iterùm nos lætifices, te patre, parentibus tuis aus. quos saluto, & gaudium illorum gaudeo, quod animi his luminibus cerno. Vale, & rem gere mi Buytewechi, verè *ἀνὴρ* * *παρὰ τὸ ἀνω* * *ἄ σφδιεν* *ῖς*, ait vir sanctus: ne vt lasciuiusculum hoc culpes. Louanij, v. Kal. Nouembr. ∞. IOCI.

* à *γεννη* *τῆν*.

* à *σφδιεν* *do.*
Isidorus
Belusiotæ
in Epist.

EPISTOLA LXXXIII. *Bruxellam.*

NICOLAO DE VVEERDT I^{to} & *Cognato.*

DOLEO & gaudeo in vnâ tuâ, & vnus argumenti scriptio-
ne. Doleo iterùm præteritum me in officio, quod sic libes
lætusque obtuli, & vsurpem: gaudeo tamen peperisse tuam, &
vinctis illis exsolutam, quæ etsi optabile periculum, periculum
tamen ostendunt & minantur. Deus & ipsam det valescere, &
prolem natam crescere, suę gloriæ, gaudio longo atq. vsui vestro.

Differs

Differs me in filium. age igitur ne tu Fabius aliquis, magis Annibal esto, & felicius te ad Romæ portas siste. Ne cunctare, & cognatum mihi da, cui sanctiore parentis etiam nomine iungar. Fiet, ominor: & decem tibi menses suprema dies sunt. De feminibus quæ misi, vix opus gratiam dicere: si scias quàm animo liberalis & benignus in te sim, plura poscas, & addam, feras. Modestiam tamen non exue, & sic si non promptius, tamen libentiùs scito me daturum. Vides artem? incito te & reprimo: sexus etiam ille solet, de quo initio egi. valeat, & tu vale optime Cognate. Louanij, prid. Kal. Nou. ∞. 1661.
Salutem & officia deferò Cognato socero, & Cognatæ.

EPISTOLA LXXXIII.

Romam.

IOANNI HEMELARIO.

AGE, cum Deo, fiat. Veni, inquam ad nos, imò & ad tuos: sed ut videas, non adhæreas aut ibi sis. Commeatum ego quidem tibi do. Nam cur dissimulem? iamdiu mihi egrè est, non es te Romæ ex destinatione aut spe meâ, nec eo loco quem aliud æuum adsignasset. O Europa, quam in omnibus membris labascis! Nam si ibi etiam, ubi alta & immota pax est, in exiguo pretio & vix assis sunt istæ pacis artes; quid alibi arbitremur, aut speremus? Mundi lex viderit:

— ego utrùm

Naue ferar magnâ an parvâ, ferar vnus & idem.

Tibi sit istæ cōstantia. & aut ratio profectò aut vsus dabit. Diogenem aut veteres sophos tibi non ingero, qui Alexandros & Philippos omnes prouocabant in suâ vberi inopiâ: vide Christiana nostra olim & nunc (venia verbo sit) mendicabula: reges omnes non æquant securitate & tranquillitate, sed vincti. Iacis femina aliqua melioris mentis in tuis litteris: Deum precor ut foueat, attollat, maturet. Tantùm hortor & ingero, non sic ^{*humili & abiectâ} ^{mente esse.} ^{ropegeiv} tolle caput, quod Deus ad sidera erexit, & melior tua mens eò ducit. Hanc audi: fumos & fucos illos non vide, non audi, qui obnubilant & specie ingentium ad minuta impellunt. Impedimenta esse & fore, non nescio: sed altus & Deo fissus animus

— per obstantes cateruas

Expli-

Explicuit sua victor arma.

Tu eo faciente facies, mi Hemelari: atque ita mihi salue. Louanij, prid. Kal. Nouemb. ∞. IOCI.

EPISTOLA LXXXV. *Leodicum.*PETRO ORANO *J^{to}.*

APVD te nec excuso quidem, quòd sileam. Non mihi semel liceat, quod tibi frequens, & panè in morem vertit? Feci apud Carondeletum: & tu quoque è lustralibus illis aquis sume. Filium valere, gaudeo; & magis, quem volumus & destinamus, esse. Angit de lite, quam imminere significat in domo à Patruo relictâ: & si mei arbitrij res sit, ad concordiam potiùs inclinet. Cum Principe viro res est; & nosti Homericum,

*Μήτε σὺ πηλείδῃ θ' ἐλ' ἐρξέμεναι βασιλῆϊ Ἀντιχῶν.

*Nec tu
Pelida regi
contendere
tentes
Aduersus.

Fiat tamen, quod tu iudicabis, harum rerum vetus & gnarus. Billæum rediisse, gaudeo: idem breui de Principe vouemus, & in circumstantibus turbis aut periculis ex vsu vestro fore putamus. Te quoque valere, mei voti est, & semper me amaturum amare. Louanij, postrid. Kal. Nouemb. ∞. IOCI.

EPISTOLA LXXXVI. *Romam.*FRANCISCO ORANO *suo S. D.*

RESPONSVM debeo binis iam tuis litteris: inò non debeo, nec paria tecum facere in hoc genere aut induxi animum, aut copia mea ferat. Otij vos beatos! nos obruimur, & quod publicè minùs aut tardiùs aliquid præstamus, sit priuatis istis scriptiunculis, quæ à manè ad vespèram sæpè habent. Quid querar apud te gnarum? ideò ignoscas, & animum semper in te agnosces, qui est & fuit. Litem tibi esse nolim: odi ipsum nomen: & vtiq; non cum illo è Dynastis: ac si me audis (ad patrem etiam scripsi) transigas & componas. Plumarum potiùs aliquid amitte, quàm vt de cute aut carne pericliteris.

Contracto melius parua Cupidine

Vestigalia porriges.

& vitæ genus quod elegisti, in arcta te non detrudet. Et honos & vbertas, meo præfagio, te manent. Noster ibi Richardotus ecquid

M M m

apud

apud te frequens? credo non frigere amicitiam, quæ in domo meâ, & iure contubernij, incepit. Alter etiam mox frater, Guilielmus, ibi erit: & ante quinque septimanas à me dimisi illuc iturientem. Rubenium vnâ. ô insignem iuuenem, & optimis litteris artibusque non tinctum, sed imbutum! At audi aliud, cum tuo miraculo. N. N. ille noster, quem iam Licentiæ destinabamus, in D. Francisci cœtum se dedit, amicis omnibus ignaris, inuitis, iratis. Quid tu ais? nōne maior vis, aut altior vox, eum traxit? Publica sunt, quæ fuere, & fortassis erunt, lenta, ambigua, tristibus lætisque varianda. Ad Ostendam adhuc sedemus: de claudendâ à mari spes erat, benè si rata. Si fallit, vereor vt aliâ vi aut viâ aliquid fiat: nisi Deus palàm iuuat. qui nobis in tot malis constantiam, tibi salutem mi Orane seruet. Louanij, postrid. Kal. Nouemb. ∞. IOCI.
Audeantius te salutat.

EPISTOLA LXXXVII. *Hispalim.*

IOANNI WOVERIO S. D.

ESTNE? amantes ad ineptias etiam labi? In te experior (ignosce) mi Woueri: qui sermone nuper, & nunc litteris iteras, vt aliquid pangam de vitâ meâ & scriptis. Cui rei autem? alijs? ineptum, aut superuacuum est: & nihil in illâ, quod nosse aliorum intersit. Tibi igitur? atqui in contubernio meo fuisti, & hoc pænè est, vitam meam totam nosse. Quid enim in eâ nisi equale illud & vniforme, quod vidisti? legere, docere, scribere: & cetera tranquillum, & ab actione remotum esse. Quid ergo narrem? non maiorum res gestas, non meas possum: & tenuia in nobis pleraque aut minuta. Tamen quia valdè cupis, & ego naturâ obsequens: accipe ea ipsa tenuia, & quidem à carceribus, id est, cum missus sum in hanc vitam. Id fuit, Dei benignitate, Anno ∞. IO. XLVII. die qui D. Lucæ sacer est, xv. Kal. Nouembris. Nox media me cecidit: cum mater (ita narrantem sæpè audiui) superiori proximâ nocte, vidisset vigilans & exsomnia, duos puellōs mirè candidos, per cubiculum inambulantes, mutuum se complexos. Interpretatio (si tamen vlla) ipsi nobisque incerta. In Iscano autem sum genitus, municipio aëre, aquis, situ peramceno: quod
tertio

tertio milliari à Bruxellâ, itemque à Louanio abest. Vidisti ipse me ducente : quid describam? & locum adeò domumque nunc semirutam, in quâ sum natus. Non enim auitâ illâ nostrâ & paternâ, quæ incendio perierat, paullò post instauranda. Parentes mihi, *Ægidius Lipsius* & *Isabella Petirivia*: ille vnicus parentibus, hæc vnica: opibus & genere vterque perhonestis. Auus *Nicolaus Lipsius*, quieti & litteris operatus: propatruus *Martinus Lipsius*, vir ob doctrinam Erasmo familiaris, & à suis illiusque scriptis notus. Vxor aui *Margareta Eechoutia*, stirpe nobili: & maiores, pater, fratres eius, in Principum nostrorum aulis. Proauus *Iustus Lipsius*, cui vxor *Anna Linckebekia*, genere nobilissimo, sed in virili stirpe iam extincto. Ea in dotem villam, agros, domum contulit, quæ in Iscano: atque ea occasio mei illic nati. Nam pater & maiores, domo omnes Bruxellenses erant: atque ibi, aut in viciniâ, opes. Agitatum in sacro fonte & die meo lustrico, de Lucæ nomine imponendo, causâ à me dicta: sed pater abnuuit, & aui paterni, maternique nomen in me renouauit. Parentes Iscanum aliquot annos tenuit, quia & mater in propinquo villam & agros vberes habebat, supra Wavriam: & pater item in Iscano dicta bona. Ergo & ibi educatus sum: non sine duplici periculo, quod præsens vitæ meæ fuit. Puer quadriennis, egressus domo ad vesiculam leuandam, video niues (media hiems erat) in colliculum vtrimque, vt via media esset, scopis aggestas. Conscendo, in faciem cado, spirandi impos & iam suffocandus: nisi ancilla, quæ supernè verrebat, bono fato me respexisset, & erectum seruasset. Alterum, cum domus, vt dixi, repararetur, per tabulata & machinas fabrorum lusito: decido quindecim pedum altitudine, cum sodali meo: qui crus sibi frangit, ego caput & sinistram aurem leuiter lædo. Tutela mea, Genius fuit: & quod cingulo fericeo suspensus in perticâ hæsi, donec eo soluto caderem, sed ictu molliore. Annos iam sex natus, Bruxellam cum parentibus migro. ibi studijs litterarum initior: facili promptoque ingenio adeò, vt præceptor me paruulum (memoriâ teneo) genibus impositum, & sic recitantem, alijs ostenderet in æmulationem aut exemplum. Inter condiscipulos *Dionysius Villerius* tunc fuit: ô carum mihi exinde nomen. Grammaticalia statim hausi, & sponte ad linguam Gallicam etiam me dedi; quam è libris sine do-

ctore ita didici, vt scribere possem, etsi loqui & legitimè pronunciare non possem. Sed hîc mihi etiam discrimen, non nisi à Deo palàm depulsum. Cum æqualibus currere & lufitare, feriat diebus, extra vrbe[m] solemus: & euênit, vt circa Sennam flumen. Ibi cymbula ripæ applicita, & fune ad arborem religata, haud longè supra frumentariam molam, nos intramus, solui-mus, & agitamus: videt molitor, accurrit, & voce minatur. Mei deferunt, exeunt: pænultimus ego idem conor, sed pedibus priorum repulsa cymba, & à ripâ disiunctior, saltum fefellit. Capite igitur præceps in flumen labor, puero vno, qui post me, diuinitus animato vt pedem mihi prehenderet, atque ita suspensum tene-ret. Interea molitor aduenit, attollit semianime[m], aquæ satu-rum: & sospitator vtrique nostrum fuit. Vtrique inquam. nam & cymba pronò fluxu (absque illo erat) ad molam ibat, eius vor-ticibus inuoluenda & mergenda. Sed ad vitæ meæ spatia redeo. Anno decimo Athum Hannoniæ ablegor, bonæ famæ scholam: atque iterum ibi Grammaticalia, prauo æui nostri more. Bien-nium in ijs detineor, mox carmen cœpi scribere: & anno tertio Coloniam Vbiorum porrò, ad *Patres Societatis* mittor. Ij me Rhetoricis, ij Philosophicis imbuerunt: capere sanè proum, atque ibi & alibi antea (non per iactantiam dico) semper ducto-re[m] & principem meæ classis. Sub id tempus pietas pectus meum tangere, & Patribus ipsis velle accenseri: parentes sciuerunt, ab-duxerunt, & annos iam sedecim natum Louanium amanda-runt. Ibi litterarum & antiquitatis hæc studia ad se traxerunt: quorum tamen gustum amoremque Colonia infuderat *Gerar-dus Kempensis*, præceptor meus in Græcis, acerbi homo fati. Sed Louanij compares mihi comitesque in ijsdem studijs *Ludouicus Carrio*, *Franciscus Martinus*, *Arnoldus Deinus*; ductore omnium nostrum *Cornelio Valerio* & quasi chorago. Nam is *Petro Nannio*, qui primus honestum ibi ignem accenderat, successor datus: stu-dio non impar, ingenio inferior. Accessere mox *Martinus Del-rius*, *Victor Giselinus*, *Ianus Lernutius*, *Andreas Schottus*: interio-res isti, & ex asse amici: & vterque ille primus, arcti affectus, liberi oris. Dum autem inibi sum, & Iuris etiam artem libo, pater mihi fato functus est: vir acer, manu promptus, soda-lium ac conuiuiorum appetens, & qui hâc comitate amplum patri-mo-

Anno ∞.
Id. LXIII.

patrimonium valdè attriuit. Mater curam eius reliqui, & nostrum (mei & sororis dico) suscepit: matrona in summâ modestiâ virilis animi & consilij, & cui ex illo sexu, æuo, populo, non aliam iudicio præponam. Hæc meâ causâ Louanium venit, sedem transtulit, atque ibi ex hydrope non diu post obiit. Annum agebam tum ferè decimum octauum, & publicè iam specimen aliquod mei dederam declamando in Scholis, aut differendo. sed magis magisque Musa vetus me capere: & eius amore Italiam cogitare. Feci. sed libris antea *VARIARVM LECTIONVM* quattuor conscriptis atque editis, quos *Antonio Perenotto* Cardinali Granuellano inscripsi. Primus hic mihi aditus ad famam, etiam in illius patroni nostri domum fuit: in quam Romæ admissus, biennium circiter egi: cum omni benignitate ab eo habitus, & ad studia tractanda non incitatus solum, sed adiutus. Eram à Latinis ei epistolis: sed otium & omne liberum tempus dabat inspectioni lapidum, locorum veterum, & si quid visendum noscendumque in vrbe aut circa esset. Bibliotheca etiam Vaticana mihi per eum & *Guilielmum Zirletum* Cardinalem (aureo æuo dignum) patuit: & in ijs studijs curisque tempus illud sumpsi. Innotui *Paullo Manutio*, *Fulvio Vrsino*, *Latino Latino*, *Hieronymo Mercuriali*, *Antonio Mureto*: familiarissimus *Plauto Bencio*, qui *Francisci* postea nomen sanctius cum sanctiore vitâ assumpsit. *Petrum Victorium* etiam, & *Carolus Sigonium*, per viam vidi: atque ego venerationem illis, ipsi affectum mihi exhibuerunt. Louaniū deinde redij, annū vnum egi, in * *ἀνὴρ* ipsâ adolescentiæ, * *vigore*.

Iucundum cum ætas florida ver ageret:

& egi (simpliciter apud te dicam) haud vsquequaque ad prisce Catonis normam. Liber eram, parentum & tutorum expers: atque ita choreis, sodalitijs, nugis, ludum & libentiam aliquam ætati dedi. Sed non diu dedi. natura melior me reduxit, atque ego adeò me subdixi peregrinatiunculâ: quam Viennam Austriæ, & in Cæsaris aulam, decreui, suscepi, perfeci. prius tamen & obiter Dola Sequanorum lustratâ. Ibi acerrima febris me pœnissimè sustulit: quam contraxeram Oratiunculâ in honore & titulo *Gisellini* mei dictâ à meridie, & conuiuio mox insecuto. Euasi, Viennam perrexi. atque ibi *Augerio Busbequio*, *Ioanni Sambuco*, *Ioanni Cratoni*, *Stephano Pighio* innotui, & placui: atque ij re-

Anno co.
10. LXXII.

*-à dijs fa-
taliter hoc
decretum.

Anno
LXXVI.

tinere me & illigare in ijs locis, non vnâ conditione conati. Fru-
strâ. nam patriam respectabam : & animo redeundi, per Bohe-
miam, Misniam, Thuringiam, & ea loca iter institui: cum acerbi
nunciij de afflictâ nouis bellis nostrâ Belgicâ, patrimonio vi mi-
litum attrito, me pedem figere in ijs locis adegerunt. Ienæ paullò
plus annum mansi, docui, & illa primordia mihi ad Professoriũ
hoc munus fuere. Sed rebus paullum modò tranquillatis, oculos
iterum ad meos & mea flexi, Coloniam Vbiorum veni, vxorem
duxi; mei magis animi, quàm amicorum, impulsu. Sed, vt ille ait,
ἄλλος μὲν ἄρ' οὐκ ἐπέκλωσαν θεοὶ αὐτοί: & concorditer sanè viximus, fru-
ctus tamen matrimonij, id est liberorum, exsortes. Coloniae no-
uem menses substiti: TACITVM primò correctum, & NOTAS
ad eum dedi: ibidem ANTIQVAS LECTIONES conscripsi. Inde
in Iscanum meum migraui, animo destinato ruri agere, & taber-
naculum vitæ in quiete illâ collocare. Bella vetuerunt, Louanium
compulerunt: atque ibi (hoc tamen ex amicorum consilio) iuris
studijs paullò magis seriò me dedi, & titulum etiam I^{ci} publicâ
inauguratione sumpsi. EPISTOLICAE meæ lucem tunc vide-
runt; & sub tempus LEGES REGIAE & DECEMVIRALES con-
cinnatæ, non famę tamen sed auditorum gratiâ; quibus publicè
interpretatus sum, itemque *Libri* quædam. Tum aciores procel-
læ iterum & venti, quibus nihil propius factum, quàm vt mer-
geretur Belgicę hæc nauis. Fluctu, cum pluribus, eiectionis sumus in
Batauiam terram: insedimus, sed mente, vt stationem eam habe-
remus, non portum. Turbæ tamen è turbis mutare vetuerunt, &
tredecim ipsos annos tenuerunt. Cur autem negem? homines be-
nignos & beneficos repperi: sed relinquere eos Religio & Fama
(acre vtrumque telum) adegerunt. Dum inibi sum scripsi,

ELECTORVM LIBROS II.

SATYRAM MENIPPAEAM.

SATVRNALIVM LIBR. II.

COMMENTARIOS PLENOS IN CORN. TACITVM.

DE CONSTANTIA LIBR. II.

DE AMPHITHEATRO LIBR. II.

AD VALERIVM MAXIMVM NOTAS.

EPISTOLARVM CENTVRR. II.

EPISTOLICAM INSTITVTIONEM.

DE RECTA PRONVNCIATIONE LINGVAE LATINAE.

ANIMADVERSIONES IN SENECAE TRAGOEDIAS.

ANIMADVERSIONES IN VELLEIVM PATERCVLVM.

POLITICORVM LIBRR. VI.

DE VNA RELIGIONE LIBRVN.

Pluscula, vt vides, & (vt in meis) optima ferè : quid mirum ? in flore æui & ingenij, in alto otio: nec valetudo, nisi sub extremos annos, titubauit. Tum hepaticus iste morbus, & tabes an languor, inuasit : & quamquam remisit, bonâ fide numquam dimisit. Illinc digressi, Leodici aut Spadæ biennium propemodum egimus, valetudini per Acidulas illas refouendæ : tum Louanium regressi, vltimam, nisi fallor, & fatalem meam sedem. A quâ tamen variè auocati fuimus, à Pontifice, Rege Galliar, Venetis, Duce Etruriæ, Bononiensibus : sed placuit mansio, vt in æuo meo labente, & valetudine iam lapsâ. Stipendium mihi modicum: sed rex Philippus, faciente *Petro Enriquez* Comite Fontano, auxit, & Historiographi etiam sui titulo donauit. Scripsimus autem Louanij,

Anno ∞.
Id. xci.

DE CRUCE LIBRR. III.

DE MILITIA ROMANA LIBRR. V.

POLIORCETICON, V.

DE MAGNITVDINE ROMANA II. III.

DISSERTATIONCVLAM, ET COMMENTARIVM IN
PLINII PANEGYRICVM.

Hæc octennio circiter, ad istum annum ∞. Idc. qui nunc currit. Et plura ac varia affecta nobis aut profligata esse, non negamus: sed temporum aspectu quædam premi, & iudicio differri. En, mi Woueri, nostram vitam & scripta: dic seriò, non subpœnitet impetrasse? de meipso tamen aut indole meâ, tria etiam verba. Corpus & facies non indecora, vtique ante morbum: os probum, animus verecundus: ingenium docile & capax omnium, excipio Musicam: iudicatio collineans & recta: memoria non sine præceptorum miraculo, etiam in puero: quæ nunc, etsi elanguit, non defecit. Eloquentia nobis prompta, nec sine Venere, in publico: priuatim, restricti magis, & minùs amœni. Stili & inuentionum faciles: labori & assiduitati impares; & naturæ, quàm illis, in omni ætate obstrictiores. In cultu, gestu, sermone modici:

modici & exterorum qui *Lipsum* videbant, sæpè requirebant. Quod superest, bona & bonos amaui, amatus sum: scientiam, & magis sapientiam, colui: lites fugi, honores fugi: domi forisq; benignus, comis, & quem vereri posses non timere. Sed quo eo? tuus quoque me calor abripit: reprimo, & cum Euripide,

Σωσω φρονεῖν σοι βούλομαι, ἀλλ' ἔσσω νοσήϊ :

Consipere, non desipere tecum debeo.

Louanij, Kal. Octobr. ∞. Ioc.

EPISTOLA LXXXIIX.

Duacum.

FRANCISCO MONTMORENCIO *Bersëy Toparchæ.*

ADOLESCENTEM nobilem *Gommicourtium*, cognatum tuum, mihi commendas: & est certè, quia tuus, & quia te & stirpe suâ (ita vultus & sermones mihi dicunt) dignus. Ego, quicquid in meâ copiâ erit, faciam libens, & promptius laxiusque, quàm dicam. Significas etiam te, animi causâ, Dissertationem in publico habiturum super Peregrinatione. Quin laudabis eam, non ambigo: instrumentum profectò vsui rerum & prudentiæ. vt ingenuam voluptatem omittam, quæ in ipsâ est, & post ipsam. Nam & cogitatione, quis non eadem illa visa, reuisit suauiter & gustat? colloquia, viros, vrbes, agros, siluas, montes, flumina: quæ mihi imagines sæpè ambulanti aut dormituri ingunt, & cum delectatione in ijs acquiesco. Platonem causæ suæ duxerint, vt è compositâ republicâ eam tolleret, aut parcè & tardè indulgeret: manum aut suffragium ego non dederim, & alijs suadeam, ipse vsurpem, hoc lustrare & vagari. Quid? Deus ipse, nōne hominem condidit, vt Philosophus optimi sensus ait, * διατὴν αὐτῆς τε, καὶ τῶν ἔργων τῶν αὐτῆς? Non iuuet & deceat me, cū mundanus sim, nosse & videre, quantum datur, hanc meam patriam?

* Spectatorem sui & suorum operum? Epictet.

Si Ladas ego, pennipésve Perseus,

Aut si Pegaseo ferar volatu;

ô quantum maris terræque obcam? quàm nota & noua regionum lustrum? Sed ligamur ætate, coniugio, languore, bellis: itaque

que intra affectum manemus, leuiter tamen inuidentes quibus licet, sed & indignantes quibus non libet. Vides quò eam, & quàm ipsa iniectio tua animum mihi mouerit & soluerit in has voces. Coërceo, eundem ad te mitto non peregrinatum, sed habitatum. Vale Nobil^{me} Domine. Louanij, postrid. Idus Nouemb. ∞. IOCI.

EPISTOLA LXXIX. *Antuerpian.*

BALTHASARI MORETO suo S. D.

BENE factum de Corollario. merebantur & hanc laudem siue elogium nostri canes. Dic serio, non risisti cùm legisti? At ego & Equos laudatum ita iui, & Centuria sequens dabit. Libros Luteriâ accepi, sanè gratos & in meum vsum. De Chronicis scriptoribus, postea videbimus: Vvno nunc gratia & salus esto. nam ego interea, vt spero, Antuerpian & vos videbo. Tum de subsidijs operis, ad quod ædificandum inclino. Etsi FAX mea est, quam velim item absolutam: & ausim dicere, nihil vtilius conceptum in rem litterarum. O subitam mortem illius amici! cui bono nunc illa, quæ falsò appellantur bona? quid possidenti dederunt? vimbram, non fructum: & vereor vt nec hic superstes impendat, & heredibus modò seruet. Ludibria humana! & fortunam meritò cæcam, quæ ad me aut alios non venit, aliter vsuros, imò & fruituros. Res nostræ publicæ me interim angunt, id est sollicitum habent quò sint euasuræ. Partes nostræ crescunt, animos & ordinem & disciplinam habent aut sumunt: nos in confusione, & nec monita sequi lubet aut exempla. Fati vis est, agnosco: cui parere & sine murmure obsequi vetus sapientum dogma est. Ego audio, te amo mi Morete. Louanij, xv. Kal. Decemb. ∞. IOCI. Parentes, & fratrem tuum saluto, ac redditum ei gratulor corde.

EPISTOLA XC.

IACOBO ANGIANO, Equiti, Toparchæ Kestergatij.

ANTE dies plusculos vidi epistolam ad cognatum tuum Berlegemium, in quo & salus mihi per te missa, & amica
NNn mentio

mentio veteris consuetudinis nostræ, iam à pueritiâ contracta, erat. Gaudisus sum, fateor. nam quî obliuiscar primos illos amores ac delicias, quas simplex & malarum artium rudis ætas gignit? Atque ea mihi inhærent, & suauis recordatione etiam nunc sensus titillant. Rogo igitur te, ut in legitimam & maturam, id est virilem amicitiam excrefcere iacta iam tunc illa semina velis: quod fiet, si recondita ea in hoc animo, velut aruo, affectu beniuolentiæ tuæ velut Zephyri flatu, & alloquio interdum ut imbre, educes ac rigabis. Quod autem petieras, in memoriam tuorum maiorum aliquid breue, & monumenti loco, pangi: ecce feci. duo hîc habes, uteris alterutro, ut tibi visum: & si quid addi, demi, mutari censebis; significabis, & factum putabis. Nam ego Nobil^{me} Domine, cultum & obsequia virtuti ac dignitati tuæ debeo, & hâc scriptione defero ac sub signo. Louanij, xi. Kal. Decembr. ∞. IOCI.

Historiam gentilis tui obiter vidi. totam adhuc non licuit; vsui fore video in ijs quæ paro. Remittetur, cum voles.

EPISTOLA XCI.

*Mechliniam.*IANO BERNARTIO *suo.*

ZYPENVS, insignis iuuenis, & communis noster litteras à te tulit, ad spectu magis quàm lectu gratas. Nam de inuoluntudine tuâ habebant, mihi triste: nisi quod spero tentatiunculam modò esse, non firmum aut cum * discrimine morbum. Quicquid erit, porrò significa, & Deum rogo ut læta. Te autem, ut in omni sorte tolere, & constes præceptis illis tuis, quæ Consolationi Boëtianæ miscuisti. Non est tibi integrum, mollem aut pro vulgi more & sensu esse, qui altas illas voces emisisti, & regnū omne fortunæ calcantes. Reminiscere, & ut alij velint, tu exemplo præi, & præsume. Alioquin, quid nisi citharæ similes sumus, quæ suauis sonos edit, nec ipsa eos audit: sic nos egregia monita & doctrinas, ipsi ab ijs expertes? Si in scribendo delectare nobis propositum, aut etiam alijs non nobis prodesse: desinamus hanc operam licet, facilius & promptius aliâ arte assecuturi. Clausula est, patiendâ humana esse. quare? quia *Deum sequi*, vetus & commune sapientum dogma est:

* Falsus fuit. ex hoc ipso morbo post paucos dies obiit, paullum tricesimo anno maior. Dolor mihi, & suis, & Musis, quas & inter leges colebat.

—*cuncta autem hæc superum demissa supremâ*

Mente fluunt.

quod altiloquus ille poëta tuus dixit. Sed de Boëtio, non breui fruemur? addixit ita Moretus in suis ad me litteris: & puto ad te idem. Milites à Buscoducensi liberatione redeunt, & agminatim hac transeunt: ô liberatione nobis optatâ! Etsi ea Deo potius adscribenda, qui hiemem, niues, gelu induxit, & aërem commilitare nobis, omnesque in eo Genios, fecit. Sed periculo quàm propinqui fuimus? magne, mire, non credendę in breui illo tempore Batauorum munitiones. Dixi tibi, & verum est, Romana opera & militiam imitantur: & ad illud Corbulonis, *Dolabrâ*, non gladio solum, *victricem quærent*. Sed quomodocumque, vicimus, aut obtinuimus: etsi cum tremore aliquo hæc securitas,

Magnaque post lacrimas etiamnum gaudia pallent.

Actum de hac vrbe & Academia erat, si ea in partes aduersas cessisset. Ad Ostendam quid fiet, in dies exspectamus, spei iam propiores, quia & illuc hiems ista præpropere nobis opportuna. Deus victricem illuc, tibi valetudinem mi Bernarti donet, ac tuæ seruet: quam saluto. Louanij, VII. Idus Decemb. ∞. 1661.

EPISTOLA XCII.

Romam.

ANTONIO RICHARDOTO suo.

NULLAE mihi litteræ tuæ suauiores (eo verbo vtendum est) his postremis, quæ de reditu tuo non spem sed fiduciam faciebant. O res breui sit! ô te meum, & tu me, amplectare! Non annos, sed lustra videris absuisse: quos ego quidem magis numero, quia pauci mihi supersunt, senescenti, & cuius, cū poëta,

Lenit albescens animos capillus.

Dete igitur lætum, de fratre Guilielmo pendemus animi: & quid suspicabimur? Ne vos quidem aliquid audisse? nam nos certè (parentem etiam tuum includo) ab eius discessu nihil. Nisi si litteræ perierint, aut in viâ alibi hæserint, triste nobis omen ab hoc silentio detur. Sed Deus auerrat, qui illum & te seruet, & vtrumque nobis, sed te statim reddat. Titulo Præfecti equitum donatum te à Principe, puto audisti: & ampliora te manent, cū adueneris, quæ magis magisque, cum ætate, mereri te cupio: &

crescere vnâ virtutis & prudentiæ studium atque amorem. O patriam nostram adflictam, & consilij vel auxiliij egentem! Etsi consilium sint; qui dare possunt, inter eos consilij caput tuus parens: sed Deus inclinare & flectere ad ea corda Principum potest, itemque ea ipsa prosperare. Sæpè enim, aut non rarò, optimè consulta successus destituit, qui à cælo pender. Tu vale, & veni optatissime nobis, & D. Legato fratri tuo me & mea seriò defer. Louanij, XVI. Kal. Ianuar. anni ∞. IOCII.

EPISTOLA XCIII.

Antuerpiam.

IO. BAPTISTAE PEREZIO BARONIO S. D.

TRISTE mihi fuisse, & velut plagam in animo, hoc inopinatum de discessu C. V. Ludouici Perezij aui tui, per te potes scire. Nosti amicitiam quæ inter nos vetus & fida fuit: quidni talis, ab annis iam triginta amplius contracta, & sine offensâ, imò querelâ, habita ac culta? Scio & te tuosque, mi Baroni, indoluissè in hoc casu: qui alterum tamquam parentem amisistis, in omni sorte, consilijs factisq; adiutorem aut directorem. Itaque alterâ iam anchorâ naus hæc vestra spoliata est: Deus seruet illam sacram, & parentem tuum diu velit superesse. Quid tamen est? dolere vos & ego debemus, & caussa est: sed cum modo, nec quò affectus solum aut natura, sed ratio trahit, audire & sequi. Non enim vt puluis aut palea ab omni vento, sic nos rapi à perturbatione debemus: sed hanc coërcere, & animum pondere illo rationis & sapientiæ stabilire. Quid autem ea dicit? nihil insolens euenisse, mortalem mortuum esse, nec diuulsum à nobis, sed prægressum. In eâdem viâ omnes sumus, ad eandem Fati metam tendimus, & pertingemus,

—*sive reges,**Sive inopes erimus coloni.*

Quod ergo omnibus, quod semper euenit & eueniet: cur vt proprium, dolorem aut cladem interpretemur? Qui periti cælestium sunt, in Solis aut Lunæ deliquio non stupent aut timent: sciunt enim mox redituram utrique sideri suam claritatem: simile nobis Christianis sit. qui gnari diuinarum promissionum, non mortem hanc habemus, sed transitum ad vitam. Pro breui istâ,
turbidâ

turbidâ & impacatâ, æterna nos manet, curarum turbarumque expers. Iactamur hîc inter vndas, & nonni semper aliqui aliunde fluctus: ô quando erimus vbi purum illud certumque serenum est? quò tempestas, imò nec metus eius, adspirat? Sicut fumus, quamuis crassus, cùm altum petit, dissipatur & perit: sic necesse doloris omnem nubem, si cogitatione alta illa adeamus. Faciamus mi Baroni, nec illa plebeia cogitemus aut loquamur, Heu cur ille mortuus? cur me deseruit & reliquit? O stulte, debuit:

Certa etenim vitæ finis mortalibus instat,

Nec deuitari letum pote, quin obeamus.

Ab Epicteti potius sapientiâ illa mutuemur: *Non sum æternitas, sed homo: id est, particula Vniuersi, vt hora dici. Venire igitur me oportet, vt horam; & præterire, vt horam.* Vidēsne in agris vt fruges satæ in herbam, in culmum, in aristam surgunt, maturescunt, & metuntur? sic in nobis. venimus in vitam, quidam in herbâ, alij in culmo pereunt, plerique in maturitate aliquâ metuntur: & quæ causâ querelæ est? Ante oculos fortis humanæ conditio ponatur: ita sati & nati sumus. Enimuerò in nostro isto, si examinas, iustior gratandi etiam causâ, quàm querendi occurret. quòd æquabilem vitæ cursum, cùm optimâ famâ, sine Fortunæ insigni plagâ, peregit: quod ad terminos etiam illos æui peruēnit, quò pauci omninò pertingunt. Vidit & reliquit familiam florentem, liberos, nepotes, prônepotes: vt nec obiisse quidem videri debeat, qui in tot animis corporibusque suorum viuit. Vt agricola parum aut nihil dolet in arbore amissâ, quæ ex vno trunco plures frutices & iam pænè arbores dedit: sit hîc simile. non tamen vt nihil, sed vt modestiùs leuiusque doleamus. Ille quidem in superis locis, beatus inter beatos agit, vti speramus: & apud nos tamen memoria virtutum eius viuit & viuēt. quid apud nos? apud alienos, & populum etiam hunc vestrum: quem probitate illâ & benignitate suam fecerat, iuuando, consulendo, consolando, velut communis omnium parens. Hæc talia cogitemus mi Baroni. & vt spinas aut tribulos, etsi adherentes aut amplectentes, dimouemus; ad poma aut vuas vltro manus porrigimus: sic in isto casu, quod iuuare aut alleuare potest, apprehendamus; pungentia illa & noxia, etsi offerunt se, depellamus.

lamus. Fac, te quaeso: ego tecum dabo operam: & communia hæc utrique solatia (nam & ipse egeo) scito à me scripta. Louanij, VI. Kal. anni noui instantis ∞. MDCLII. quem voueo parenti tuo & tibi feliciter labi.

EPISTOLA XCIIII. *Pragam.*

IOANNI HOLLANDIO.

GAUDEO te rediisse incolumem, aut certè nunc esse incolumem, uti epistola tua mihi dat augurari. Nam diutinam valetudinem te passum intellexi, & dolui: spero omnia mitiora nunc fore & meliora, in patrio tuo solo. Sed & hoc gaudeo, talem rediisse, qualem scriptio ostendit: ita me Deus, plena honestissimi desiderij & studij, atque vno verbo, Bonæ mentis. Rogo te, perge in hac viâ & vitâ, & reipublicæ ornamentum vel subsidium dona, vbi non laboranti? Certè apud nos aspera omnia & in ancipiti, & non ab vno hoste laboramus. Sunt qui in aperto, sunt qui cuniculis oppugnent: atque utinam ut vires, ita consilia sint, ad resistendum! Qui volent, differant: sed mihi firmum, plus mentem quàm manus valere, plus industriam quàm omnes opes. Confluant à veteri orbe, confluant ab isto nouo: alimenta malorum erunt, non remedia, nisi cæcum illum Plutum Prudentia dirigat & moderetur.

Sed quid vana cano? quid fixos arceo casus?

in supero illo consistorio decretum, quid nobis vobisque, & quomodo fiat. Iuuat videre interdum occultas fatorum vias, & quàm ipsis nobis contra nos utantur. Quæ causâ est? illa, in quâ sistimus:

— nusquam pietas, non gentibus æquum

Fas aut cura Iouis.

Sed heu, inopinata etiam de vobis! tabellas illinc laureatas expectabamus: cupressinæ aduenerunt. Triste mehercules & pænè funestum, de Canisîâ: utique si hostis occasione suâ & viribus norit uti. Solimannus aliquis si esset, Germania vbi esset? At Deus hæc moderatur, & sistet ut spero impetum barbarici hostis, & nos vitam, ipse fortunam emendabit. Louanij, VII. Idus Ianuar. ∞. MDCLII.

EPISTOLA XCV.

IOANNI DRENCKVVAIRTO, *supremo Theſaurario.*

COGNATVM hîc meum vides, & beneficio deuinctum tibi clientem. Sed beneficio, quod plenum firmumque nunc effici, est in tuâ manu. Nam ecce Quæsturæ munus ante bien- nium amplius, te vno procurante, accepit: sed honorarium cer- tum nullum adiunctum, quod nunc ij qui ab æratio Brabantico sunt videntur adsignasse. Sed cùm ea res firmitatem aut vires habere non possit, nisi collegij vestri auctoritas & approbatio accedat: rogo benignè eam impertiri digneris, & beneficium tuû absolvere atque exornare. Iure equidem pro illo laboro, quia neptem meam ex sorore vxorem habet: & eius liberi inter here- des meos erunt. Plus autem famæ; quàm opum relinquere ijs possum: nec has valdè ambio, tuam & bonorum gratiam. quam Deus adhuc mihi dedit, & rogo seruet. Idem te Ampl^{me} & No- bil^{me} Domine incolumem, ex nostro voto, id est vel tria sæcla. Louanij, prid. Idus Ianuar. ∞. 1611.

EPISTOLA XCVI. *Samonam.*

IVLIO SALINERIO S. D.

BENE de moribus meis iudicas. tales sunt, nec faciles & in- genui solùm, vt scribis; sed mites, placidi, oleo tranquillio- res. Impotentia tantum à me abest, quantum potentia. Quid ergo ambigis in Tacitum edere, quæ concinnasti, etsi à me meis- que, vt ais, diuersa? Tu verò securus ede, non offensæ meæ, sed certus gratiæ: si digna illo scriptore & doctorum auribus dabis. Equidem & ego iam olim aliquid in illâ materiâ pinxi aut scul- psi: sed nihil est Protogenis aut Apellis: aliis quicumque ma- num addat, imò & cupressum appingat. Testor supremum Nu- men, gratum & venerabilem mihi fore, per quem

Respicere ignoto discam pendentia tergo.

Ego enim vt omnia viderim? non si Mineruæ aurea lucerna, vt verus verbum est, illustrasset. Euripidæum illud rotundum & verum:

* Αλλ' εἰ δὲ αὐτὸς πάντ' ἐπίσταδι βροτῶν

Πέφυκεν· ἄλλω δ' ἄλλο πρόσκειν' γέρας.

* Non vni
aliquis sci-
re natus o-
mnia est:
Sed aliud
alij pramiū
posuit Deus

Audis,

Audis, mi Salineri? tibi quoque præmium paratum, & labori sua merces: profer. Qui putat se in his antiquis, & æuo obscuris, aginæ semper æquilibrio ferri: errat, & non Varro ipse fecit in alienis scriptis (testimonia sunt) doctior tamen illis ipsis qui scripserunt. Multum est legisse, inquisuisse; plus rectam iudicij normam attulisse; sed torum, attigisse. quod Fortunæ aliquando est, non doctrinæ. Enimverò longius ibo, & philosophari tecum lubet, & decet. quid hæc sunt, aut quanti pretij, diuinasse & correxisse? In præfenti, delectatiuncula, in præfenti, gloriola: post quinquaginta, aut pro magno centum annos, nemo te aut me auctorem inscribet. Non putemus nos Troiam cepisse, cum depositum alteri locum sanauimus: quid? vnum alterumque verbum. O si animum, ô si mores! ô si illam Sapientiæ officinam ingrediamur, ἱατρείον ψυχῆς, atque ibi Æsculapio & Hygeiæ faciamus ac litemus! Non me diffundo. illud ex animo & interiore pectore, per me tibi liberum sentire, dissentire: neque sum ille Alexandro sublimior, qui nefas putem oppugnari. Facito. sed si me, non meâ causâ, audis, modestè & modicè: & veritas, non ambitio, finis elucescat. Conuitiari, inequitare, alienum est non à doctâ solùm mente, sed humanâ. Nónne & tibi fieri potest, nec vlla cautio errorem (in his quidem Criticis) vitet? Et à me vt sis securus; alius pro me, aut post me, optionem & succedaneum se dabit. Mihi quidem in his & maioribus frigus iam adhæret: siue ab ætate, siue à Sapientiæ consultis: nec in magno habeo, quod olim in summo. Menedemi dictum aureum, & sublimiori, id est tuæ menti, imprimendum: *Qui Athenas nauigarent, primò Sapientes esse, tum Philosophos, tum Rhetores, denique rudes & idiotas.* Adfirmo tibi, nemo propius rem tetigit, vtilius aperuit: & solida, non in ventum docta mens, quò diutius discit, in re plura, in opinione pauciora nouit. Mi Salineri

*. hæc tibi
Et mente
pariter at-
que lingua
diffuso.

* — ταῦτά σοι

Τὸ νῦν θ' ὁμοίως, κ' ὑπὸ τῆς γλώσσης, λέγω.

Vale. Louanij, v. Kal. Febr. ∞. MDCL.

EPISTOLA XCVII.

Francofurtum.

IANO GRUTERO.

QVERELAM tuam in litteris ad SWEERTIUM vidi, parùm meo animo iustam, & tamen gratam à causâ primâ & origine: quam confido amorem & desiderium esse. Quidni sic afficiaris erga amicum veterem, & quod caput est, doctorem? Formauimus certè te mi Grutere, & in optimâ studiorum viâ præuiimus, quam felici dehinc pede calcasti, & vt porrò facias voueo & hortor. Scis etiam præcipuam aliquam curam & affectum nostri in te fuisse, nec vt in theatro aliquo missilia hæc tantùm in vulgus sparsisse. Te iunximus propius, & in sinum tuum, vt sic dicam, contulimus: quæ Deo & ingenio faciente deinde auxisti. Hæc non vt exprobrem dico, vix vt imputem: sed vt ostendam quis fuerim, & ex eo quis sim etiam discas. Quid enim me mutarit? vnum in te aut circa te est, quod optem aliter: reliqua constant, & te mihi firmant. Atqui filui. Quid? non Leodico ad te scripsi? In publico videbis mox epistolam, si non antè acceptam. Vtrum ego à te interea, haud commemini: hoc tantùm, in litteris ad Ortelium de me sæpè fuisse. Abeant ista: amemus, quod agimus agamus, rem litterariam & nos iuuenus. Seneca communis ille noster, quàm præcepta huic rei donat! quàm ab his inferis ad alta, à vanis ad solida, à turbidis ad quietam ducit? Sequamur, & ita in illo emendando simus, vt ab eo quoque emendemur. Vale mi Grutere, & amate hæctenus & amande. Louanij, postrid. Idus Febr. ∞. 1611.

• EPISTOLA XCVIII.

HENRICO SCHVLTETO.

LITTERAE tuæ, quibus amicitiam meam appetis, tuam defers, gratæ fuerunt, mi Schultete. Amor, humani generis nectar, suauior gratiorque est, cum à superiore illo Amore venit, id est Honesti & Boni: ex quo velut traducem esse tuum istû scio. Amas illa, & ob illa me, quia & à me amari (nec falsò) censes. Vtinam & compotire derur! studeo equidem, & omnibus inge-

EPISTOLA C. *Mediolanum.*ERYCIO PUTEANO *suo.*

PROMVLSIDEM tuam vidimus, id est vina & mella. Planè pro suo nomine liber est: & acumen siue acrimoniam in sensibus habet, & in verbis puritatem, atque etiam suauitatem. Quid amplius dicam, nisi illud,

I bone, quò tua te virtus vocat, i pede fausto.

Ad alia, longiùs longiusque mi Puteane: sed pede semper recto, id est per viam quam veteres calcarunt, & ego monendo aut docendo præiui. Nouitios istos si audias, stolidos aliquos Hermas; deflectas, & ad languida quædam aut frigida te dones, quæ ipsi Tulliana vocant. O quàm indignetur & colorem non teneat, si resurgat ille Tullius, & hæc cernat! Ille altus, ille excitatus, & alacer, plenus spirituum & sanguinis, probet hos tabidos, iacentes, & verè * *χαμαιπαιτεῖς λόγους*? Atqui phrasin eius & verba habent. Nescio. dicunt: sed hoc scio, non verba, sed pectus & vim mentis esse, quæ disertos facit. Scitè nuper à Politiano dictum, meliorem honestioremque leonis faciem esse, quàm simiæ; etsi ista ad hominem propius accedit. Nihil est hoc imitari, si à te nihil inspiras; imò si omnia tua nō facis, & velut è proprio fonte emittis.

** laumi serpentes sermone.*

—— *qui sibi fidit*

Dux, regit examen.

Alij seruiant, mendicent: fama aut vita non respiciet, quicquid hoc est scriptorum. Stuporem! ad vnius illam imitationem nunc nos vocari: quod nemo veterum aut priorum somniauit! Scilicet plus cordis nostri magistri habent, quàm Fabius & ipse Cicero, qui ad omnes non oratores solùm, sed historicos, poëtas etiam ducunt. Sed omitto has lacunas, quæ non nisi ab imbre implentur, à se arentes: tu inter viuos, vt dixi, fontes esto, &, quod sequi solet, perennes. Sed heus, quod vltimò scribebas, te meâ causâ Romam, quale est: impetrandi ciuilis illius tituli? Si ita, quo titulo te afficiam nescio, beniuolentis nimium, an parùm sapientis. Et quid tibi aut mihi vis? conciliare magnum hunc honorem? Non recusem si detur equidem, vel ob nomen illud prisce vrbs: sed si vltro. te autem, id est me (quis enim aliter interpretabitur?)

hoc

hoc agere? Abstine, ita liuor aut calumnia ab utroque nostrum abstineat: nec in istis elogijs posueris fundamentum famæ. Magis fortasse, si rara essent. scisne Alexandrum olim, cum ciuitate donaretur à nescio quo populo, contempsisse & irrisisse: sed cum legati addidissent, *Nemini hunc honorem delatum, nisi Herculi atque ipsi*: tum denique amplexum, & à socio illo pretium dedisse? Non idem hîc erit: & cum bonâ veniâ dicam, magna illa ciuitas se impertiuît non nimis magnis. Finio, tu ambire vltra caue vel sensu, non dicam vultu aut voce: & me tantum ama. Louanij, postrid. Kal. Nouembr. ∞. IOCI.

F I N I S.

A P P R O B A T I O.

Miscellanea hæc Epistolarum Centuria J. Lipsii Professoris ac Historiographi Regij, utiliter admodum imprimetur.

Gulielmus Fabricius Nouiomagus, Apostolicus
ac Archiducalis librorum Censor.

PRIVILEGIUM CÆSAREVM.

RV DOLPHVS SECVNDVS diuina faciente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fideli dilecto I V S T O L I P S I O gratiam nostram Cæsaream. Postquam inter alia, quæ D E V S immortalis hominibus liberali manu dedit dona, illustria inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudibus etiam & imperitis hominum vulgo ita distinguuntur, ut tanquam Dij quidam splendescere in terris videantur: rem sanè præclaram seque dignam illi præstant, qui diligentem iis ipsis in litteris ac disciplinis operam ponunt; præclarissimam. verò & Reipub. vtilissimam, qui eas ita excolunt, ut aliorum menti docendo, scribendo lumina præferant, eosque ex ignorantia tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessumque sumus, inprimis pertinere existimamus. Cum itaque ab iis, quorum nobis spectata fides, qui que iudicare de Litteris possint, acceperimus, insignes te animi ingenii que tui dotes tibi à natura insitas à primis temporibus ætatis tuæ ita litterarum ac disciplinarum studiis excoluisse atque exornasse, ut olim iuuenilibus adhuc annis præclara florecentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituisi, dum vetusta Latine antiquitatis rudera in nouam subinde structuram singulari artificio eleganter conuertisti: ad exquisitam aded & raram doctrinam, quæ magnam de te apud doctos quosque viros opinionem excitauit, peruenisse, eamque variis abs te libris acri & graui cum iudicio scriptis atque in lucem editis ostendisse, ut in eo quod tam feliciter tractes scriptionis genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirifice recrees, & eorum pectus ad prudentiam, probitatemque informes: haudquaquam prætermittere voluimus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrociniòque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro priuilegioque te & Typographum tuum aduersus quorumcumque fraudem, qui lucri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus, statuimus, vetamusque, ne quis Typographorum, Bibliopolarum,

aut aliorum, qui librariam negotiationem exercent, eos libros, quos tra-
editurus es, quocunque modo, caractere, aut forma, siue integros, siue
aliquam eorum partem typis imitari, edere, excudere, aut venundare in-
tra sacri Romani Imperij, Regnorumq; ac Dominiorum nostrorum hæ-
reditariorum finestriginta annis proximis à primo editionis die compu-
tandis, absque tuo tuorumve hæredum consensu audeat: Hac autem lege
addita, ut tria ut minimum cuiusque libri exemplaria, quemadmodum
moris est, ad Imperialem nostram Cancellariam mittantur. Si quis verò
edictum hoc nostrum transgredi, violare, aut contemnere deprehensus
fuerit, cum non solum eiusmodi libris, tibi, hæredibusue tuis, auxilio Ma-
gistratus, ubicunq. reperti fuerint, vendicandis, priuari, sed triginta etiam
Marcharum auri puri multa, cuius semissis quidem Fisci nostri Procura-
tori, fraudis vindici; alter verò semissis, tibi hæredibusue tuis pendatur, pu-
niri volumus. Mandantes vniuersis & singulis nostris & sacri Romani Im-
perij subditis & fidelibus dilectis, tam Ecclesiasticis quàm Politicis, cuius-
cumque status, gradus aut ordinis extiterint, præsertim verò iis, qui in Ma-
gistratu constituti, vel suo vel superiorum suorum loco aut nomine, ius
dicunt, iustitiàm exercent, ne quemquam hoc Priuilegium nostrum
impunè violare, spernere aut negligere patiantur: Sed, si quos contumaces
compererint, constituta à nobis multa, eos puniri & quibuscumque mo-
dis coërceri curent, ni & ipsimet grauissimam nostram in se conuertere
indignationem velint. Id quod hoc Diplomate, manu nostra subscripto,
& Cæsarei nostri sigilli impressione munito, confirmamus. Datum in ar-
ce nostra Regia Pragæ, die prima mensis Augusti, Anno Domini Millesti-
mo, Quingentesimo, Nonagesimo secundo: Regnorum nostrorum Ro-
mani decimo septimo, Hungarici vigesimo, & Bohemici itidem decimo
septimo.

Subsign.

RVDOLPHVS.

Iacobus Curtius à Senfftenaw.

Ad mandatum sacre Cæsareæ M^{tes} proprium.

Io. Baruitius.

Additum sigillum Cæs. M^{tes} in cerâ rubrâ.

SVMMA PRIVILEGII REGIS CATHOLICI.

PHILIPPVS Dei gratia Hispaniarum, &c. Rex Catholicus, diplomate suo sanxit, nequis, Iusti Lipsi Historiarum in alma Vniuersitate Louaniensi Professoris, & item Historiographi sui libros quoscumque, à Censoribus legitimis approbatos, præter ipsius, heredumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germaniæ ditiones importet, venalesve habeat. Qui secus faxit, præter librorum confiscationem triginta marcharum auri puri illatione mulctabitur. Vti latius patet in litteris, datis Bruxelle, XIV. Febr. M. D. XCVII.

Signat.

Verreycken.

SVMMA PRIVILEGII REGIS CHRISTIANISSIMI.

HENRICVS Dei gratia Galliarum & Navarra Rex Christianissimus, singulari privilegio sanxit, nequis per Vniuersos Regnorum suorum fines, Iusti Lipsi, quos vel hætenus edidit, vel in posterum editurus est libros, excudere intra decennium præter voluntatem ipsius possit. Qui secus faxit, præter librorum confiscationem, ter mille florenorum illatione mulctabitur; vti latius patet in litteris, datis Parisiis, XIII. Iulij, M. DC. V.

Signat.

Perrochel.

Tibi IOANNES MORETE, pro amicitia quæ mihi cum Plantino (heu, quondam meo) & Plantinianis est ac fuit, tibi, inquam, permitto, vti EPISTOLARVM mearum CENTURIAS typis tuis excudas ac diuulges. Nequis alibi alius præter te, cupio siue iubeo, ex lege quam magnus Cæsar & Reges dixerunt.

Iustus Lipsius.



IUSTI LIPSI
EPISTOLARVM
SELECTARVM
CENTVRIA QVARTA
MISCELLANEA
POSTVMA.



ANTVERPIÆ,
EX OFFICINA PLANTINIANA,
Apud Ioannem Moretum.

cId. Idc. vii.

Cum Privilegiis Casareo & duorum Regum.



ILL^{MO} ET REV^{MO}
D. IOANNI ANDREAE
PROCHNICO
EPISCOPO CAMENECENSI, &c.

Magni animi & virtutis viro,
CENTURIAM *hancce* LIPSIANAM,

Iussus dedicat consecratq;

IOANNES WOVERIVS *Antuerpiensis.*



I amicitiam, quæ in-
terte, ILL^{ME} DOMI-
NE, & immortalis me-
moræ IVSTVM LI-
PSIVM fuit, eiúsque
principium, progres-
sum, insuper & fructus mecum examino;
illud fanè occurrit, mutuam vtriusque pe-
ctoris caritatem, in angustum nimis hu-
manæ vitæ momentum incidisse. Imò

post periculum credidimus, quàm vicinæ ingratitude necessitati, imminentis fati properantia LIPSIVM incluferat; cum non aliter viuis cum beneficiis tuis paria facere potuerit, nisi vt mortuus præstaret. Sanè ego proximus, & quem quasi initiatum amoris vestri sacra non excluderent, scio; cum antea vitæ & cunctis hisce mortalibus repudium constanter dixisset LIPSIVS, prætimuisse tantum, ne cum BENEFICENTIA PROCHNICIANA sibi viuendi spatium deesset. Talis enim ista fuit, tantoque impetu iam securum vicinâ libertate senem inunda-uerat; vt, si callidè mentem tuam producere nobis liceat, iudicemus, te cum abeunte tunc LIPSI O festinasse. Verùm, non aliter quàm vehi fuetos vel minimum grauare pondus solet, ire si cogantur; ita sarcinæ quoque huius insolentia, omnes

omnes solitum adficere benefactis, onerabat. Vindicare se igitur constituit, & Sapientiæ suæ memor, ne intestatus vno die viueret, sic cum gratitudine transegit:

Iam nunc parata est Centuria Epistolarum selecta; quam, si quid mihi continget, in arcâ meâ reperiēs, à te edendam, & ILL^{MO} PROCHNICIO ex meâ destinatione inscribendam. O virum ab aureo ano! In Praefatione DIC, quæ ego deberem.

Dicam, nec verbis tuis, VIR SUMME OMNIS QVE NVNC PARTICEPS AETERNITATIS, sed exemplo; te ingratitudinis vel supremum superasse ingenium, dum nec mortem beneficijs opponis, nec vulgi iudicio vteris, desinentium vota quod maximis meritis æquiparare solet. Meritò spreuit, ILL^{ME}, magnus ille animus omne erga benefacta artificium; ne vel sic quidem, obstrictum sibi humani generis nomen, vnius priuati debiti compensatione laxaret.

Itaque hac conscientia quoque lætus de-
cessit; &, augurari vti licet, inter inge-
nij scientiaque bona numeravit, nemi-
nem hisce instructum mori ingratum.
Nam temporibus moribusque nostris
ignotam liberalitatis tuæ industriam, quā
denique defunctum superasti, quī pro-
spicere potuit? Reliquias, (ô pietatem!)
& iam sepulti amici ossa, marmoreo con-
dere cippo frustra conatus, in cælum, vt
sic dicam, excurre; & iacenti proximam,
DIVAE QVE MATRI sacratam aram,
sumptibus tuis decorari iubes, vt, quod
mortuo impendere non potuisti, diuina
reciperent. Stabit cum sæculis monu-
mentum; & ab ipsâ Sarmatiâ auro imbu-
tum PROCHNICI nomen, vt viuentis
LIPSII amoribus permixtum, ita sepul-
ti quasi cum cineribus conditum, futura
tempora venerabuntur; omnisque ætas
testa-

testabitur, dignum te fuisse, quicum immortalis ingenij studia desinerent. Sed & dignus tu eras, cui mens tam inclyta absq. fortunâ contigisset: nunc dum regale decus maiores tuos illustrat, altâque ab origine per Duces de Bybel deriuatus in te sanguis natales instruit; quod nescienti collatum, etiam virtutibus præscribitur. Ecce benignitatem fortis tuæ accusare malo, quàm exclamare, ô virum fortunâ suâ dignum! Sæculi me indignitas impellit; contra quam testari numquam desinam, quantum supra fortunæ corporisque bona, animi virtutes emineant. Nam pænè ceterorum mortalium dum prima tibi vota vltro obuenisse conqueror, simul adfirmo, propriâ sic luce te exsplendescere, vt talem fortunam facere potuisses, nisi accepisses. Olim inter Principes fuit, qui par imperio videbatur, nisi

imperasset. Nos inuidiæ factorum obijci-
mus, ideò sceptrum maioribus tuis perfi-
diâ ereptum, ne tu dignissimus regnares.
illis enim te imputare malo, quàm ipso-
rum facta pro virtutibus tuis narrare:
quod ijs sufficit, quibus nobilitatis satis
magnum præsidium, languens vita at-
que ignobile est otium. Contrà, te ad
verum decus nitentem, ingenij cultus, il-
làque studia exceperunt, à quibus facilis
in omnes dignitates decursus est. Deni-
que vt nihil nisi summum eligeres, sacra
placueret; sanctisq; altaribus purum ad-
mouisti sacerdotem. Qui cùm infra di-
gnationem titulus non esset, tamen ita
totius Poloniæ suffragijs certatum est, vt
passim spes suas ambitione donarent, nec
fauentium aliter vota declinare posses,
nisi peregrinatione te eriperes. Sed num-
quam Virtus se deserit; & huius cor-
poris

poris quasi opacitatem, boni nominis
fama, tanquam vmbra, semper consequi-
tur. Italiam elegeras, & in eâ Romam, Re-
ginam orbis. Sed & ibi popularium tuo-
rum te cura sequitur, Serenissimique Re-
gis fauor inuenit; vt quem Cracouien-
sis Ecclesiæ clero præposuerat, Regni
Neapolis legatione ornaret. Quo in mu-
nere, an fidem, industriam, prospicien-
tiam; an magis cum summis æquabilita-
tem, cum paribus humanitatem, erga in-
feriores munificentiam, hîc perstringam?
Iniuria virtutum sit, coarctare famam;
& dignam annalibus memoriam, vnius
paginæ angustijs strâgulare. Te vel ideò,
quia vitare soles, sequentur præconia; ne-
que æternitas magis deerit virtuti tuæ,
quàm nunc dignitas. Cui grande aug-
mentum vti CAMENECENSES In-
fulæ nuper attulere; ita tamen ad maiora
adhuc

adhuc gradum gratiámque superesse,
nos cum beneuolentiâ amici tui con-
templamur. Me enim seriò, inter illos
serios numero, *quos nec ambitio impotens, nec
spes sollicitat lucri;* & qui gratis vti amari pos-
sunt, ita colere vicissim. Te modò (cum
voto desinam) P R A E S V L I L L^{ME}, ma-
gna & potens patria recipiat; SIGISMVN-
DVS Rex inuictissimus, V L A D I S L A V S
maximi Patris spes, columénque regni,
reducem aspiciant: neque antea tecum
pariare fortuna desinat, quàm purpuram
reddat; si non cum sceptro olim genti
tuæ illatam, sacram saltem, sacratís tuis
meritis debitam.

INDEX

EPISTOLARVM

CENTVRIÆ QVARTÆ

MISCELLANÆ.

| | | |
|---|---------------|---|
| A BRAHAMO Bibrano | | E. |
| Equiti Silesio | xcij. | Erycio Puteano suo liij. |
| Ægidio Martinio Syndico ciuitatis Bruxellensis. | lxxxij. | Eustathio Wolowiczio V. R. & N. Lithuano xcviij. |
| Andrea Chiocco V. C. & Doctori Medico | lxxvj, xcj. | F. |
| Andrea Schonæo I. V. & S. Th. Doctori | vij. | Ferdinando de Salinas, Consiliario lxxij. |
| Andrea Schotto Soc. Iesu | iiij. | Francisco Polæ I ^{to} lxxxviij. |
| Antonio Richardoto suo | xliij. | Francisco Raphelengio suo xxxix. |
| B. | | Francisco Svertio F. xij, lxx. |
| Balthasari de Zuniga, Legato Regio | iiij. | Francisco Tregiano, Britanno V. N. lxxviij. |
| Balthasari Moreto suo | xxx. | G. |
| Bartholomæo Leonardo Argensola | lxxv. | Georgio Vvveno lv. |
| Bartholomæo Petro Lintrensi, Doct. Theologo | xv. | Gerardo Buyte vvechio xj, xlvj. |
| C. | | Godefrido Hertelio liij. |
| Carolo Billéo, Consiliario | lxxj. | Gomesio de Amescua J ^{to} lxiiij. |
| Carolo Clusio | xxxv. | Guilielmo Greuio Nepoti suo xl. |
| Carolo Duci Croyo & Arscho-tano | lvij, lxiiij. | Guilielmo Richardoto suo v, xxxiiij. |
| Cornelio Van-dalio | lvij | H. |
| Curtio Pichenæ | lxxxviij. | Hadriano Saissenallio xxxv. |
| D. | | Henrico Laurentij Spiegelio xviij. |
| Dionysio Villerio | x. | Henrico d'Oultremanno, Senatori xiiij, xx, xxxij, lxxxix. |
| Dominico Baudio | lxviij. | Henrico van Etten, Præsidi A-rarij Brabantici lj. |
| | | Henrico Vvveno I ^{to} xxiiij, lxix. |
| | | Heri- |

| | | |
|-------------------------------------|------------------------------------|---------------------------------------|
| Heriberto Rosvveyo Soc. Iesu xliij. | Marco Velsero | lij,xcviij. |
| I. | Marquardo Frehero J ^{cto} | xliij. |
| Iacobo Augusto Thuano, Præsidi | Martino Ant. Delrio Soc. Iesu | Jesu |
| xxv. | | xxij. |
| Iacobo Carondeleto | lxi. | Maxemiliano Vignacurtio V.N. |
| Jacobo Restæ V.N. | ix. | xxxij. |
| Jano Bernartio | ij. | Maxemiliano Vriendtio j, xvj. |
| Iano Lernutio | lxxxi. | lxxv. |
| Firmia Piersseneo J ^{cto} | lx-vij. | Maximiliano Ploumierio [ita legē- |
| Ioanni Andrea Prochnicio Lega- | | dum non Ploimierio] xxxv. |
| to Regis Polonia | xcvi. | N. |
| Joanni Baptista Baronio suo | Nicolao Montmorencio, Toparchæ | |
| xxxvij, xlix, lxxiiij. | Vendefio | xvij. |
| Ioanni Bucherio Doctori Theolo- | Nicolao Oudarto | xliij, xcix. |
| go | xiiij. | Nunno Mendoza V.N. & Prin- |
| Joanni Buissonio Consiliario | l. | cipi à cubiculis |
| Ioanni Hemelario suo | lxxvij. | xxvij. |
| Ioanni Moreto | xxix. | P. |
| Ioanni Seurio | lx, lxxij, xc. | Petro Brachio |
| Ioanni Vergerio Aurano | lxij, xcij. | xciiij. |
| Joanni Wouerio suo | xl, lix, | Petro La-torrio Quintanadueñas |
| lxxxij, lxxxiiij, c. | | xxij. |
| Iulio Casari Carocciolo | lxxix. | Petro Pantino V. R. viij, xix, |
| L. | | lxxx. |
| Ludouico Septalio V. C. | lvi. | Petro Peckio Consiliario |
| Lupercio Leonardo Argensola | | xxvij. |
| xxvj. | | Philippo Arenbergio Baroni Se- |
| M. | | uenbergæ |
| M. Antonio Bonciario | lxxvij, | xxxj. |
| xc. | | Philippo Boskhiero, Ordinis |
| Marco Antonio Perezio V.N. | | D. Francisci |
| xlviij. | | xxj. |
| | | Philippo Rubenio suo vi. xxxvij. |
| | | R. |
| | | Remaclo Roberti |
| | | xlviij. |
| | | S. |
| | | Sebastiano Rolliardo J ^{cto} |
| | | lxxxvj. |

1

IVSTI LIPSI
EPISTOLARVM
SELECTARVM
CENTVRIA IV. MISCELLANEA
POSTVMA.

EPISTOLA I.

I. LIPSIVS MAXAEM. VRIENDTIO S. D.



ARMEN iam alterum à te habeo mi Vriendti, prius de me (in ijs de Cruce) alterum ad me, quod recen-ter nunc & amanter mittis. Vtrum-que mihi à se gratum. quidni à te scriptum, homine elegantiae & do-ctrinae veteris, & qui, cum Lucretio
— *Museo continguis cuncta lepore?*
sed & ab argumento ea grata, quia aut aestimationem mei habent, aut amorem. Hoc postremum eximiè, & mittis etiam velut para-rium amicitiae inter nos conciliandae. Ah mi Vriendti, quam se-rò, & quam penè frustra! Nam nolo erres, ego te à primo illo gustu amavi, & certus sum idem mihi à te factum. Conspiratio, quaedam inter nos est (palàm video) non studiorum tantum, sed animorum & iudiciorum. Itaque amicitia ipsa iam fuit, sed te-ctior: referanda est & in claram lucem mittenda, te nunc in-uitante. Fiat cum bono Deo, & Fidium illum inuoco (siue San-cum à fanciendo vocari placet) me sanctae & verae Amicitiae le-ges tecum culturum, quamdiu in terris his colam. O multa in
A ijs tri-

ijs tristia! ô hoc recens acerbum, de fato nostri Gubernatoris! sed cum sapientiâ ista mitigantur, tum nonnihil & melle hoc amicitiae. quod gustatum regustare mihi sæpè animus, si te quoque habeo promptum & volentem. Confido, imò scio: & aut neminem in Belgicâ hac noui, aut te ex scriptione tuâ (imago ea animi est) mi Vriendti. Alligemur: en dextram, cedò tuam. Louanij, XII. Kal. Mart. ∞. IO. xcv.

E P I S T O L A I I.

Mechliniam.

I A N O B E R N A R T I O S. D.

DE B E O vltimis tuis responsum, fateor, si morem communem spectem: non debeo, si aut valetudinem, aut decretum iam meum. Paria vltà facere in hoc genere, neque lubet, neque licet. Valetudinem prætexui, & verè: quid si occupationes, & interpellationes etiam addam? Iuro tibi amice, mirari ipsum me, cum dies lapsus est, vires aut mentem mihi ad tam varia constitisse. Sum in hac scanâ, & Fama produxit: sed ego illam desero, & hanc sperno, quam tueri per ista non est tanti.

— *Semita certè**Tranquilla per virtutem patet vnica vitæ:*

at virtus in secreto etiam est, imò contagia ista vulgi fugit. In Statio te pergere, benè est. de loco isto, in Siluis:

Lib. v.

*Omnia nam lætas pila attollentia frondes,**Multaque fumosâ signatur lancea pennâ:*

seorsum à te sentio. Nam tu ad sagittas refers, de quibus Plinius: *Volucre fecimus ferrum, ut citiùs mors ad hominem perueniret.* Non opinor: ne illud quidem, in armamētarijs signatas ab Abascan- tio, id est seruatas lanceas veteres, & fumosâ pennâ insignes. Quæ mea mens? Critica. errorem scripti arguam, & *Laurea* legam: quod vitij & in Senecæ Consolatione ad Heluiam olim notabam. Hæret nempe cum priori versu, imò versibus, sententia: & Domitiano blandiens, de more, Statius, Vndique laurus & victoriæ, inquit, ab Euphrate, à Rheno, ab Istro: & fasces & pila laureata, lictorum siue speculatorum (qui litteras tunc victoriales adferebant) & *multa laurea signata nigrâ pennâ, siue atramento.* Neque enim aliò, quàm ad epistolas victoriæ indices hæc retulerim,

lerim, è prouincijs solitas mitti. Hoc placet. tamen in libro meo scripto cùm reperiam, *Nullaque fumosa*: suspicari etiam incidit, an nō mos fuerit, Speculatorum lanceas in clade aliquâ & re tristi, pennâ atrâ in signiri, celeritatis simul & funeris notam. Enim uerò tale Scholiaſtes vetus ad Iuuenalis verſum:

— *tamquam & diuerſis partibus orbis*

Sat. I.III.

Anxia præcipiti veniſſet epiſtola pennâ.

vbi commentatur: *Antea ſiquid nuntiabant Conſules in vrbe (lege urbem) per epiſtolas nuntiabant. Si victoriæ nuntiabantur, laurus in epiſtolâ fiebatur (puto, figebatur:) ſi autem aliquid aduerſi, pinna figebatur. Dixi: iudicabis, & valebis. Louanij, III. Kal. Mart. .15. XCVIII.*

EPISTOLA III.

BALTHASARI DE ZVNIGA, *Legato Regio.*

BENEFICIUM eſt meminiffe te Lipſij, quid appellare & ſcripto alloqui: præſertim in ijs occupationibus, quæ militares & moleſtæ circumſtant, atque vtinam felici mox euentu! Multa ſperare nos hoc iubent, Deus, cauſſa, Principes, Fatum Auſtriacum: ſed tamen ſic produci obſidionem, nec ex voto, nec opinione noſtrâ fuit. Dicam, quod videtur? Vt Teucer ille, apud Homerum, ſub Aiæis clypeo latens Troianos inuadit & interficit: ſic occultos iſti tutores & auxiliares habent, quorum viribus opibusque ſubleuntur. Non neſcitis: ſed tantum remedium eſt, ſcire non videri: vt nunc quidem eſt ſtatus rerum. Si miles tamen noſter perſeuerat, nec aliquid turbat; confido equidem de vrbe illâ, & ab eâ alijs obtinendis. Sed cura hæc veſtra ſit, quos ad Remp. Deus ille admouit. nos vt nautæ vndis agitati, nō illas reſpiciunt, ſed in cælû & aſtra oculos tollunt: ſic inter turbas medias, ab ijs animum abducimus, & ad altiora, certè quietiora, applicamus. Libri & ſcriptiunculæ nos habent. inter iſtas Philoſophia vetus, ordine & breuiter à me explicanda: idque in Senecæ noſtri gratiam, nec tamen ſolius eius uſum. Alij quoque ſcriptores lucem mutuabuntur. Epiſtolæ etiam noſtræ pluſculæ breui diuulgandæ, & videbis, & (quæ tua harum quoque rerum peritia eſt) cenſebis. Ill^{me} Domine ſaluum te breui, & publi-

ca vota in tuto expectamus, & cum suspirio optamus. Louanij, v. Kal. anni noui ∞. 1501. quem feliciter ordire & decurre. Ciceronis locus, de quo quæris, sententiam habet, Duillium non contentum vnus diei triumpho, imaginem aliquam & instar eius vsurpasse in vitam reliquam: id quæ in publico, cum à cœnâ rediret, *cereo funali* (sic in Cicerone lego) *et tibicine præeunte*. Idem Valerius lib. III. cap. VI. Flor. II. cap. II. & Silius, in his versibus:

*Cui nocturnus honos, funalia clara, sacerque
Post epulas tibicen adest, castosque penates
Insignis læti repetebat murmure cantus.*

Hæc autem ideò triumphum referebant, quia *Faces* & *Funalia* in eo vsurpata, itemque *Tibicines* ad sacra in Capitolio peragenda, & qui cum alijs eius generis præibant. Vulgò non hæc nota.

EPISTOLA IIII.

Antuerpiam.

ANDREAE SCHOTTO V. R. Presbytero Soc. Iesu.

TRISTIS legi de fato, quod oculis tuis euenisset: etsi nolum hercules te eâ re tristē. Quàm ab honestâ causâ contraxisti? studia & perpetua discendi docendique cupiditas vitium & tabem hanc attulerunt: vt nec meminisse eius possis, nisi vnâ optimi in remp. litterariam animi operæque. Lacæna illa ad filium, ex vulnere claudicantem, *Mæte, gradum non pones sine memoriâ virtutis*: idem in te. oculi cum negabunt, merita fucurrent orbitatis eius caussa. Illud te seriò hortor, imò & rogo, vt dum Sol nondum plenè occidit, ea quæ in scrinijs tuis affecta habes, perficias, & emittas in publicam lucem. Scio pluscula tibi esse. certè de SENECA patre cur omittas aut tardes? Vtile illud ad eloquentiam scriptum est, & quod in vno velut corpore præfert tot membra veterum Oratorum: tuus autem in eo labor vetus, & mihi notus iam olim, & laudatus. Quin multa etiam addideris, nec ambigo. quando enim tu cessas? Itaque nostrâ & iuuentutis causâ hæc ede: tum & tuâ, quia gloria te manet, audacter me spondente. Etsi vitæ & votorum tuorum modestia non eò adspirat: sed tamen si hanc neglegis, nos vide. Vide & Belgicam,

in

in quâ cum vno iam aut altero hoc agis; & abit à nobis, mi Pater, melior illa omnis mitiorque Musa. Clausula est, ne claude hæc tua:

Parcentes ego dexteras

Odi, sparge rosas:

quæ suauiter nos & posteros recreent ac delectent. Vale. Louanij, VII. Kal. Mart. ∞. IOCII.

EPISTOLA V.

Patauium.

GVILIELMO RICHARDOTO SVO. S. D.

IRATVM me fuisse, atque etiam nunc esse, debeo fateri. Quid? tres totos menses vos abfuisse, & nullum verbum? Imò quartus iam mensis præcipitabat, & tunc denique de aduentu vestro Dolam. Gaudeo incolumes; doleo & iterum irascor, sic incuriosos nostri, aut neglegentes. Simile in Italico itinere. venisse in Italiam, Mediolani fuisse, Puteanum nostrum vidisse priuatim, & in publico audisse, ex eius litteris dudum didici, requiro etiam nunc vestras. Vnas diu post sanè accepi, quæ hoc significarent tantum, Patauij vos esse: cetera prioribus & vberioribus litteris notificanda. Eas non vidi, quibus creditæ sint, vos videte. Ecce, habes causas iræ, & vel ipso te iudice non iniustæ: nec tamen Achillæam illam putes, * *σερρότερον ἀδάμαντος ἐνὶ στήθεϊ*: — non

* *firmiorē
in pectore,
quàm adaman-
tas.*

Irasci facilem, tamen vt placabilis essem:

maximè erga tales, quos corde amo, & nec offendant cum offendunt. Vnum hoc tantum, Emendate. Gratum porro, Patauium allubescere, ipsam (vt commemini) gratam amœnamque sedem, sed studiosorum ingenia siue mores exasperant: nec ea licentia pro boni cuiusquam gustu, non pro eorum item vsu. Sed eò ventum est, artes & studia titulus fiunt, & satis est hunc inscribi. Nostræ hîc res languidæ, lentæ, cum tædio bonorum, & panè desperatione. Quando enim, aut quis exitus? Ordo & compositio apud partes nostras sunt, aut crescunt: nos qui fuimus, aut deteriores sumus. Abijcio publica; in priuatis, solitudo & studia me habent, illa quidem etiam inopinata. Nam Balduinus noster mihi & rebus nuncium remisit, & condidit se in cœ-

* *Mirum,
sed verum.*

tum D. Francisci, Deo consecrandus. * *Θαῦμα, ἀλλ' ἔψευδές*: res ita gesta, & quidem subitò, pridie nuptiarum quas ancilla parabat, & patrauit. Nobis molestiæ, discursus, scripta, rescripta, & quæ non ignoras. Nam inuitissimo auunculo hæc gesta. De studijs porrò, EPISTOLAE meæ iam lucem videbunt, tributæ in *Centurias quinque*. Plures non libuit addere, & vel sic satis exposui me ad id. Vestra in ijs nomina: ego vt in animis vestris, quia commeruisse videor, rogo vel posco. Vale mi Richardore; & vel hoc interim scribe, te valere. Louanij, VII. Kal. Mart. ∞. IOCH.

EPISTOLA VI.

Patauium.

PHILIPPO RYBENIO *semper suo* S. D.

* *Iouis plu-
uia super
latam ter-
ram.*

MEDICVS à me abit, ego scribo: nōne hoc lætum? Sanè tristior mihi hæc hiems fuit, & assiduus per cam

* — *δὶς ἑμῆρος ὑπὲρ χθονὸς εὐρυπέδιο.*

Sed nec publicè aliquid, quod gaudeatis audisse. Quid de vobis? increpabo etiam, & hercules tardi in scribendo fuistis, aut, quod malim, infelices in mittendo. Tres menses totos nihil à vobis auditum: denique incipiente quarto, Dolam venisse, tum diutulè post, Patauium. Binas in vniuersum vestras vidimus: neque illas quidem vberes, quas initio aduentus in Italiam scribitis dedisse. Vestri hîc neglectui eas, aut nos (vt liberè dicam) habent: & alioqui illigantur, & animis distringuntur ad Ostendam. Inauspicatum inceptum! cui nec nunc finis, nisi in spe, atque eâ languenti. Italiam autem placere tibi gaudeo mi Rubeni; & magis placebit, opinor, magis intrata. Nam limitem adhuc eius infedistis, imò nec eius propriè, sed Galliæ; si cum antiquis terminare lubet & loqui. Velim autem, vbi tempestiuum erit, de ipso te mihi scribas, quem sedulò curo atq; amo, ecquid destinaueris, manere, redire, quam vitæ viâ inire. Apud nos, si sic pergitur, Scythica barbaries breui, & quod non dico. Deum meum testor, fastidire me & patriam (venia dicto sit) & vitam panè addere, sed CONSTANTIA vetat, & in extremo hoc spatio gressum firmat. Edidi CENTURIAM vnam ad *Germ. & Gallos*; tres ad *Belgas*; vnamque *Miscellaneam*: his quattuor vltimis nomina etiam

etiam vestra, ut antea animo; inferuntur. Videbitis, si tamen hæc ad vos perferentur. De Senecâ aut alijs, nihil addo: * — εἰ γὰρ καὶ * non bonis
 λὸν (ait diuinus vir) ὑπέρβιον εὐχετάαται. Valetudo me ligat: & pæ-
 nè illud iam placet sedetque

* — μεγάλην παίδευσιν ἐν ἀνθρώποισι σιωπῇ.

* magna in
 hominibus
 doctrina,
 silentium.

Deum precor, mi Rubeni, telongæuum, & in melius æuum, quale ingenium tuum merebatur. Louanij, vi. Kal. Mart. ∞. Iocii.

Balduinum nostrum, statim à discessu vestro, * ἀποτάξασθαι τῷ κόσμῳ * abiunctis
 σμῶ, καὶ πάσαις ταῖς βιοτικαῖς ἡδοναῖς ἢ μερίμναις, credo te audisse. Agit
 etiam nunc in cœtu Diui Francisci, hac vrbe.

* à mundo,
 & omnibus
 vita vo-
 luptatibus
 aut curis.

EPISTOLA VII.

Cracouiam.

ANDREAE SCHONÆO I. V. & S. Th. Doctori.

LANGVOR me habebat, nec ab eo promptus eram ad scribendum: tamen me fecit tuus amor, mi Schonæ, quem in litteris ita palàm, quàm si in ore atque oculis, ostendis. Itane procul, & in illis quoque regionibus ego, id est litteræ amatur? Nam quia libasse eas censeor, vos in me inclinatis: gaudentem, & libentius quò eundum est euntem, quòd spem relinquam doctrinæ in Europâ hæsuræ, quæ vos etiam in vltimo eius limite adspexit, imò arctiori amplexu sibi iunxit. Deus bone, quis bono & veteri æuo de vobis hoc sperasset? cùm horror illic & squallor, nec nisi Martis sedes, & incolis cordi * — πόλεμος τε καὶ οὐδὲν * bellum
 λῶπις αἰνῇ. Quàm mutastis? & humanitate, elegantia, omni cultu animi, prouocare auderis lætissimam quàmque gentem. Mirus Prouidentia ordo! & cælestis ille agricola has illasque partes excolit, & velut nouales quosdam agros, alternis ferit. Quid Græci, quid placent sibi Itali? Græcia & Italia nuper in Galliâ, & nunc in Germaniâ aut Sarmatiâ reperiantur. Maesti estote, applaudimus: & tibi priuatim mi Schonæ, qui vtraque oratione, solutâ & ligatâ, potes pollesque. Vidi enim; & ipse ille qui attulit Comes Teuczinus, lumen & decorem infudit, nobili stirpe atque animo iuuenis, & qui crescit in laudem vestri regni. Hac quoque parte vos beatos! apud nos in omnia alia studia nobiles versi, & inuoluit eos * — πόλεμος κλέος αἰὲν ἀπαυτος. Sed frui Comite
 vestro.

* bellum
 & discor-
 dia vindex.

* belli sine
 fine catena.

vestro diutius, mihi votum fuisset, linguâ diserto & prompto, mente & iudicio bono: sed via eû trahebat. me languor sistit, non aliquis nouus, sed ille vetus, & qui in tam pertinace luctâ deijcit, vel supplantat. Bonâ fide, ego ire me sentio ad metam: quid mali aut noui?

— omnes vna manet nox

Et calcanda semel via leti.

Tu longum longumque vale mi Schonæ, & optimas ibi artes propaga. Louanij, postrid. Idus Mart. ∞. IOCII.

EPISTOLA VIII.

Bruxellam.

PETRO PANTINO S. D.

CENTURIAS à me cape, & in ijs te lege. Sæpiculè, sed non toties quoties in animo te memoro & gesto. Non lubet profari ἐν τῇ ἐπιστολῇ, neque me decet: sed tamen quædam inter Epistolas sunt, quæ famam habere nunc & olim possint. Neque enim omnes: & quasdam non iudicio meo edo, sed alienæ ambitioni (apud te liberè) aut & amicitia dono. Tu si es, quem cupio & censeo, & addam, scio, compotem me iudicij tui fac: id est censuræ. Non est sera emendatio, & altera editio est in manu. De publicis fileo, & linguam mordeo: tamen populariter ruinas video, & ille Iupiter

*Ordine
corripit,
qui causâ
est, qui ne-
que causâ
est.

*Μαρτυρεῖ δ' ἑξῆς ὅς' αἴτιος, ὅς ἐστιν ὁ θεός.

Feramus, & vno verbo, PHILOSOPHEMVR. Vale V.R. & Cl^{me}.
Louanij, Kal. April. ∞. IOCII.

EPISTOLA IX.

Mediolanum.

IACOBO RESTÆ V. N.

AMICA atque diffusa scriptio tua, etsi in morbo, ad respondendum impulit: neque animo contractius, etsi manu fortasse fiet. Nam hanc ægrè, illum alacriter ad te moueo & mitto, libenter apud tales hæsurum, & vel ætatem acturum. Prudentia & virtus tua (non blandior) ex ipso characterismo scriptionis tuæ innotuit: neque opus testimonijs vel productione Puteani nostri fuit. Itaque amicitiam libens volensque tecum

pango

pango: fouendam deinceps litteris, colendam etiam officijs, quæ intercapedo quidem hæc locorum admittit. Nam bonæ & anti-
quæ fidei in his talibus sumus: vtinam & ingenium, aut opera
eius, quæ tu æstimas & attollis! Enimuero qualiâcumque, cara
tamen habeo, quia me carum vobis talibus reddunt. Vt perseue-
res mi Restâ, ego rogo, & ambire me quod ambiebas sub signo.
Louanij, Kal. April. ∞. IOCII.

EPIST. X.

Tornacum.

DIONYSIO VILLERIO. S. D.

HEVs tu, inclamo. Itâne de salute meâ sollicitus, vt nec ver-
bo inquiras? Ad extremam lineam pænè redactus fui: &
vbi à te cura aut solatium? Sed, quod ipsa scriptio excitatior tibi
dicat, iterùm meliusculus sum, & virium aliquid ac spirituum
recepi. Antuerpia me vidit, nunc Bruxella, sed & Hallæ, ac vo-
tum hîc Diuæ Virgini (disce è Carmine) persolui. Vides me ar-
ma suspendere, & otium moliri. Toto certè animo, in hoc tur-
bido & ambiguo statu rerum: cùm meditari & firmari satis est,
aduersum imminetia aut præsentia mala. Quid priuatim? vi-
distin' qui me laceessant? improbus & imperitus aliquis (vtrum-
que verè dixerim) ab Italiâ: qui glaucomam ob oculos obijcit,
velo libri antiqui. O meum risum! scio, & publicè testatus sum
(nam respondi) nihil eius esse, & mantellum diligentiore inqui-
sitione huic mendacio detraxi. Totum sanè scriptum, si quis in-
quirat, — *apine tricaëque, & si quid vilius istis*. Tamen, vt dixi,
respondi: sed ita me Deus, cum pare impare cõpositus, & Græco
verbo, * *χρῆσα καὶ πέτρα εἰ συμφωνεῖ*. Indignor, non homini qui scripserit * *olla & petra non conueniunt.*
(ambigua sanitas eum exculat:) sed qui legere & æstimare etiam
præ se ferunt, quadrante non emenda. Ipsam rem dico: & cùm
cogito, pænè pœnitet respondisse. Eò ventum esse? vt pro bene-
factis & promeritis conuicia & calumnias referamus? Nam
cum poëtâ:

* — τὸ μὲν λαχόντες γέρας ἡμεῖς.

* *hæc talia
præmia no-
stra.*

Beata in secessu vita, sed & in tenebris: quoniam reuera pauci
qui, non dicam præmia, sed iudicia laboribus nostris donent.
Feramus: & cum Theognide sentiamus,

B

* *Εὐδ' ἔρ-*

* Fac bene,
sed tibi fac.
quid fama
pramiam
quaris?

* Εὖ ἐρδων εὖ ποιεῖται. τί κ' ἀγγελον ἄλλον ἐάλλεις;

Nobis, inquam, viuamus, Deo & nobis morituri. Valere te cupio, mi optime Villeri: nam de rep. nec verbum lubet addere: à te tamen audirè. Louanij, Idib. Iunijs, ∞. ICCCII.
Wingio Canonico mihi percaro salutem dico.

E P I S T. X I.

Lugd. Bat.

GERARDO B V Y T E W E C H I O S. D.

L I B E N S intellexi de vxoris vtero grauido, libenter audiam (Deus breui faciat) de soluto & leuato. Sit hoc gaudium tibi, sit tuis, & ciuem aut ciues paullatim patriæ dones, bonos è bonis. Sed quid tu ita nihil de alijs? an non Epistolas meas vidisti? in ijs vnam alteramque ad te, aut de te? Plures non libuit, temporum metu, & ne beniuolentiæ specie noxam noceam. Quid autem de ijs ibi censent? quid Scaliger? quid etiam agit? Breui & libellum pugnatorium videbis, quo Italo respondi proteruiter incurrenti. Inuitus hercules, sed amici protruserunt. nam libello quidem eius, si examines, nihil ineptius aut imperitius: tamen applaudunt quidam, quibus suaue sit vinbram aliquam luci huic fieri. Iudicia! & tempus est desinere me omnis scriptionis, si hæc obtinent. Vale mi amice, cum Tuâ, & futuro Tuo. ita Deus (iterum rogo) donet. Louanij, Idib. Iunijs, ∞. ICCCII. Parenti vtrique saluere & gaudere.

E P I S T. X I I.

Antuerpiam.

FRANCISCO S W E E R T I O F. S. D.

L I B E N S tuas litteras nunc vidi, è quibus quæ apud partes nostras feruntur aut iactantur omnia didici. Nam Deme- trianas cum lego, ipsos & eorum sensum videor audire. Neque ambigo apparatus & vires aliquas esse: an tantas, an in tempore, & quod caput est, feliciter exferendas, suspendo, & optimo magistro Tempori committo. Quod de Italo meo scribis, & te auidè exemplaria expectare, videbis breui (nam & brevis libellus est) ac simul eius imperitiam. nam impudentiam omitto, quæ mundo innotuit: per me autem, illa. Equidem nihil minùs libenter

benter facio, quàm repugno, etiam læsus, etiam in facili & iustâ causâ: sed hîc æui gratiâ aliquid dicendum fuit. quia plerique fauent contra nos dicentibus, & sine examine, pedibus in partes illas eunt. Retrahendi sunt, & vel inuitis oculis fulgor veritatis inferendus. Audacter dico, qui mea leget, quales sumus, illum & me norit. At de Britannicis iudicijs, rîsi. Etiam N. (doctus & industrius vir) me miseratur? Ego illû, si seriò ita sentit: & omnis doctrina vetus & vera, nugæ & ludi sunt; aut talia habenda à modicè doctis, quæ scripsit LVCIVS meus dicam, an Apuleij? Satis hîc. ego in scripto repressi, & Europæ ostendi futilia hæc iudicia nec nauci esse: nec benè Pygmæum imponi in colosso. Tacitus & ego (liberè, liberè dico) non sumus ad hos arbitros aut Censores. Sed iterum de republicâ. quæ me hac æstate sollicitum habet: tu si quid audies (& audis) scribe, sine præstationis periculo, & vt audies tantum. Vale mi SVCCERTI. Louanij, VIII. Kal. Iul. ∞. IOCII. Tuam saluto, & prolem crescere voveo ac valere.

EPIST. XIII.

Tornacum.

IOANNI BVCHAERIO *Doctori Theologo.*

POPVLAREM tuum, & nostrum auditorem Vacquerium, libens vidi, magis quia à te veniebat, & litteras etiam, id est pignus affectus tui, ferebat. Amo & æstimo te iamdudum, nec à temporibus iudicia mea pendent, quæ Ratio format, illa æterna, & à fluxu casuum euentuumque non suspensa. Vbicumque es, quocumque munere aut fato, scio te BVCHAERIVM esse, id est virum seriò probum & doctum, & amore talium dignum. A me præsto, tu redde, ab affectu quidem merenti. Iste, quem vides, vester est: commendo, nec onus tamen impono, qui scio te in externo solo esse, & alienæ sæpè gratiæ indigere. Sed vultum atque animum exhibe: sufficit: nec Deus ipse vltrà poscat. De Galliâ autem vestrâ, quæ ista sunt? quis non misereatur gentis, in quiete inquietæ? etsi causas tamen intimas nos diffiti parùm scimus, neque cupio equidem, nisi quatenus posteris opus sit tradi. Dies hoc dicet. te Reu^{de} & Eximie Domine, inter ictus Fortunæ stare cupio, & te nixum ac Deo, spernere quicquid as-

sultat, vt fluctus quosdam aquæ abeuntis, & alludentis non læ-
dentis, vbi robustior materia occurrit. Louanij, Kal. Iulij,
∞. IOCII.

E P I S T. X I I I.

Valentianas.

HENRICO D' OVLTREMANNO, *Senatori.* S. D.

ET libens, & iudicio feci, quòd tuum nomen Centurijs no-
stris inferuerim: boni militis, & vel inter Triarios, vt sic
dicam, accensendi. Non amor hoc solùm in me, sed eruditio
tua & ingenium postulant, clara & rara inter meos Belgas. Itaq;
meritò feci, & doleo nō pluries fuisse: quia nouum & nuperum
scilicet inter nos commercium hoc litterarum, etsi amore non
nouo. Quod autem nunc scribis de Arriâ illâ Pæti, & laudem
eius & factum meum probas, ô quàm mihi gratum! O quàm
non plebeix mentis talia hæc iudicia! Nam sunt qui aliter, in-
ter graues etiam viros, & nihil nos mirari nisi nostrum, id est
Christianum, volunt. Quæ & ipsa herclè miranda & super-mi-
randa fateor: sed quæque suis finibus & æuo claudenda, & aliâ
atque aliâ lege vel adspectu laudanda sunt. Vt inter gentiles, quis
ex vtroque sexu, quis ex omni natione, super hanc Arriam iure
se attollat? Et stili mei penicillo factum hoc vnum eius satis ex-
pressum censes: ego ambigo, & dicam magis adumbratum.
Certè illa lux præstringit ingenij aciem, ne plenè etiam admit-
timus, nedum vt efferamus. Simile in Martialis vltimo versu tu
iure notas: nec est pro robore fæminæ in omnia constantis & in-
uictæ. Sed ô tuum ingenium, & simul vbertatem, in reforman-
do! testor Genium, admiratus sum. Triginta quattuor sensus
(tot adnoto) pro vno substituiisti: & quosdam argutos, & altos.
Placent maximè isti,

Si ferrum hoc refugis, hoc mihi Pate dolet.

Hunc cape, libertas hîc tua Pate sita est,

Pate feri. an trepidam vis iuueni & ipsa manum?

Nec alij degenerant: etsi Martialem excuset, quòd robore iam
expresso, affectum illum & castum amorem coniugis voluit et-
iam notatum. In Coreti nostri fato dolui, non dolui. Nemo bo-
nus optet pessimo hoc æuo esse diuturnus: & nescio an de altero
optet.

opret. Monumentum ei à te positum placet : atque ecce versus etiam meos repono, sed alterius rei, quos hîc inclusi. Te nunc animo, etsi ab alloquio auerto. Vale V. C. Louanij, vii. Idus Iul. ∞. IOCII.

EPIST. XV.

*Duacum.*BARTHOLOMAEO PETRO LINTRENSI *Doctori Theologo.*

EPISTOLAM tuam, quam affectus solus expressit, accepi, & curam in eâ mei amaui. An possim aliter? vice parentis in me afficeris, & sollicitè de valetudine non quæris solum, sed iuuas. Consilia enim suppeditas, nec à ratione absona, & vsurpanda profectò, si imbecillitas illa & defectio virium etiam nunc me haberet. Sed nuntio tibi, quod gaudeas, meliusculè esse. Antuerpiam, Brûxellam, Hallas profectus fui : & vel ipsa peregrinatio, vel Diua illa Virgo, quod libens credo, me recreauit. Sanè Patronam eam iam nolint adoptaui & colui, & sensi variè auxiliarem. Votum quod ei voui & solui, hic habes. De scriptis meis, polliceri haud multa possim, nec magno labori adhuc subsistere: tamen conficere quædam animus est, iam diu affecta. Interuenit etiam nescio quis Italus (transfuga & malarum partium, vt audio) qui publico scripto me lacessiuit. Aliquid reposui, & me mittente breui videbis : etsi non magnum aut valdè serium, sed talibus vel ipsorum causâ respondendum est, vt desinant vanitatis, & quod non sunt ne esse se putent, aut putentur. Quod ad *Catonem* attinet, certum nec illum nec prisce æui auctorem esse, imò nec Aufonij in eo stilum aut ingenium agnosci. An ille tamen, quem sagaciter eruiisti, videndum ac pensitandum est. De me, certè nihil nunc adfirmem: hoc tantum, coli te in isto animo, & amari. Louanij, vi. Idus Iulias; ∞. IOCII. cum hostis castris nostris propinquus esse nuntiabatur, id est nobis : etsi de consilio eius nihil etiam liquebat. Nostri in tuto, si tueri se satis habent : in pugnae discrimen rem mitti ego nolim, & ratio fortasse mecum.

E P I S T. X V I.

Gandavum.

MAXAEMILIANO VRIENDTIO.

A PAGE, plurifariam in epistolâ, etsi amicâ & gratâ, peccas. *Scipione* isto te niti dicis. tûne? qui alteri trepidanti apud me potes scipio esse. Peream, iterumque peream, si non te inter primos meos Belgas ab elegantia ingenij & morum æstimo, & quod sequitur, amo. Nempe ostendisti, inquis: & me in Centurijs illis, vt capite censum, habuisti. Erras mi Vriendti, iudicio inter Classicos te censeo: sed quid factum? vnâ epistolam ad te scribere memini, ea quæ sita nusquam comparuit, & Audeiantius qui mihi à manu est, bonæ fidei iuuenis, querelam & pœnè dolorem in eo meum dicet. Men' tui pudeat? quem iactare & ostentare apud exteros etiam velim, debeamque: & meruisti. Emendabimus, & quamquam à te vitam & famam habes, tamen si non te, affectum erga te (ita viuam) ad posteros propagabo. Mitte, sodes, exemplar epistolæ illius, si tanti fuit vt seruares. Italo in me iniurio nuper respondi: videbis, &, scio, ridebis. Tuum Carmen in amatum mihi Symbolum & ANTIQVOS MORES, nimis libens legi: ama, ama & illos ô Vriendti, & me, pectore eos teque amantem. Saluto Hardwynum nostrum. Louanij, ipsâ horâ pœnè quâ tuas vidi. prid. Idus Iul. ∞. ICCCII.

E P I S T. X V I I.

NICOLAO MONTMORENCIO, *Toparchæ Vendesio.*

DVPLEX beneficium accepisse me interpretor, & scriptio-
nis tuæ, & doni quod mi sisti. Ipsa profectò scriptio grata,
primum sed firmum testimonium animi tui sic in me affecti.
Quid de dono dicam? breuiter sed fideliter, carissimum esse & à
se mereri. Materies, quæ pietatem, id est caput virtutum, an om-
nem virtutem dicam? tangit. Quisquis eâ caret, aut neglegit,
quid veri non dicam Christiani hominis, sed hominis habet? Ad
eam nati omnes, nos quoque peculiari Dei gratiâ instituti su-
mus: teneamus & amplectamur, vnicam quietis hîc ancoram,
vnicum ad perpetuam salutem viaticum & viam. Ego verò tan-

to carius hoc tuum habeo, quod uti fruique cottidie eo cogito, & domi vel in ædibus sacris habere hoc precationum vel meditationum instrumentum. Hortatore me non eges: es nobis & omnibus: testari tamen possumus, laudabilius aut vtilius operam tuam poni non potuisse, non si Patriæ aut Principi vitam & sanguinem impenderes: ô quàm melius Deo, & cultui eius propagando, hunc animum, hunc stilum! Nobilissime Domine, valere te, & semper hoc agere, Deum precor. Louanij, Idibus Iulij, ∞. IOCII.

EPIST. XVIII.

Amstelrodamum.

HENRICO LAVRENTII SPIEGELIO S. D.

CERTE animum meum tetigit tua scriptio, & corde profecta amicitiae commemoratio, quæ inter nos fuit. Fuit? imò est, atque erit, quamdiu alter nostrum erit. Significas autem de consorte vitæ & thori, quam iterum tibi is adiunctum: & quid dicam aut suadeam? Priorem tuam vidi & noui, probam, modestam, & tui planè ingenij: de istâ (si iudicio elegisti) idem mihi sperare datur, & Deum rogo vota nostra adimplere. Magna res est, ut inquis, in istud mare se dare, in quo fluctus, venti, procellæ interdum: & ipsa res coniugij, priusquam animi coeant, molestias & auersiones suas (interdum & contentiones) habet. Mirum cogitatu, quod Deus homini solatium & leuamen faminam dedit; sæpè autem contrà est, & nescio quo naturæ vitio in pœnam & noxam abit. Absit ut tibi eueniat, qui miti ingenio amorem prouocas: & si melioris animi aut sanguinis aliqua contigit, cælum in terrâ hac (vaticinor) habebis. Ut tua nunc ætas & prudentia sunt, iudicio elegisse debes: affectui si obsecutus es,

*Non illigatum te triformi**Pegasus expediet Chimera.*

Deus hoc nolit; & in extremâ ætatis metâ spatium decurrere det cum gaudio, & ex prole etiam, si in-Fati tabulis ea scripta. Quod voues de coniunctione & colloquio iterum nostro: utinam esse possit, utinam vel spes sit! Sed cum tempora video, quæ supremus ille Arbiter disponit & ordinat, vereor ut hîc videre inter

inter nos vetemur, non tamen amare & animis iungi, quod facio, & à te fieri deponco. Vale mi amicissime Spiegelii. Louanij, vi. Idus Sextil. ∞. IOCII.

E P I S T. XIX.

Bruxellam.

PETRO PANTINO V. R.

EN libellos nostros; inspice, & ride. facies certè in altero, ubi res & verba eò ducent, &, fallor, aut paris mei stupor. Lulusimus hoc irritati, non tamen irati: quod scriptio ipsa dicet, in quâ lepidi aut amœni aliquid, vix asperi aut amari. Quid autem exigas aliud? non fuit ille hostis cum quo statim & collato pede pugnaremus: velitandû verbis fuit, & velut præpilata ista dictorum spargenda. Reuera enim nihil ille nisi * *φύσημα ἢ μόλγος*: nos dispunximus, ventum eduximus, iacet & flaccet. De meis ista: in tuis, querebaris nuper de onere, quod nouum munus imponit. Videris deponere velle: nec dissuadeam, vt * *φιλεύδιον & φιλήσυχον* illud ingenij tui noui. Sed deponere; id est cum pace & veniâ Principum: nec abijciendi ius tibi cense. Tua hoc prudentia moderabitur. quæ vtinam & in publicis nostris luceat! Nam ista quò eunt? quid si Galli etiam se miscent? Timeo, quod prouidi omnes: & eueniet, si vera quæ de occultis illis coitionibus narrantur. Si quid certum habes, significa, me ama, & vale. Louanij, v. Idus Sextil. ∞. IOCII.

* *inflatio & utris.** *tranquillitatis & quietis amans.*

E P I S T. XX.

Valentianais.

HENRICO D' OVLTREMANNO S. D.

CA R M E N tuum in Senecam accepi, bonâ fide, bonum. Vtar, sed quando? quando, inquis, Seneca tuus prodibit? Definire non possum, vt hæc sunt tempora, sed & vt mea valetudo. Nónne illa vides ad Martem omnia, non ad pacatas nostras Diuas? Iamdiu quidem ea turbida, sed nunc maximè,

*Nunc mare, nunc siluæ**Thrëicio Aquilone sonant.*

Vides exercitus & instructas vtrunque classes: & nos in medio aut propinquo, ab euentu pendentes. Nónne hæc sunt, quæ

— *vite*

— *vite rationes vertere possint,*

Fortunasque tuas omnes turbare timore?

Sunt, si vulgum spectes: à quo tamen iamdiu electione & iudicio me excreui, Virtuti & Constantiæ propior, & externa ista leui & spernente oculo delibans. O si valetudo tantum mihi firmior! nihil me turbet,

Non si terra mari miscebitur, & mare celo.

Hæ cogitationes meæ aut interna exercitia sunt, mi d' Oultremanne, quibus me firmo aut erigo: & sine prouocatione aut iactantiâ, in Fortunam accingor.

Quò me fata trahent, virtus secura sequetur.

Sed cum Enniano Neoptolemo, *Philosophandum, verum paucis.* Libellum hunc vides: an & is pro philosopho? An non melius ex alto despicere, & nec audire quidem pueros istos vagientes? Fortasse. sed nec illud inutile, semel qui simus ostendere, & illos ad Delphicum illud ducere, vt *Se norint.* Feci, iudica, & serio amantem ama. Louanij, XIX. Kal. Septemb. ∞. 10CII.

EPIST. XXI.

Lucemburgum.

F. PHILIPPO BOSKHIERO, *Ordinis D. Francisci* S. D.

FATEOR & agnosco culpam, quæ videri potuit, & non fuit. Silui ad tuas, sed quâ causâ? morbi an languoris, qui tenuit & ad beata loca (ita sperabam) panè traxit. Deduxit inquam, non traxit. nam cur inuitus è vitâ abeam, in quâ manere nihil inuitet? Procellas & nimbos vides, vt in noui orbis quibusdam damnatis insulis, sine pausâ perpetes; vides & vitia magnis auctibus crescere: vides ipsas delicias nostras & meliorum mentium, dico litteras, cursu non gradu abire. Itaque pransus paratus eram, vt ait ille: Imperator tamen in statione etiam manere iussit; & nutui eius audiens esse debeam, non solum decreto. Eidem tu mi Boskhieri, qui corpore dissiūgeris, nec vultus aut sermonis mei copiam habere doles. Cur autem? in exiguo ista sunt: animis adesse atque hærere possumus, & testor te meo carum esse. Scripta tua faciunt, in quibus non imitatio, sed imago mei, & panè ego. Affectus in eo tuus elucet: sed & ingenium, qui tam feliciter quod vis potes. Adolescentem à te commendatum vidi, af-

fatus sum paucis : sed in ijsipfis paucis agnoui ingenuam mentem, & melioribus natam . Qui has fert, dedi & libellum à me ferendum, nouitium nostrum foetum . Ridebis pugnantes Lipsium: quo nihil (verè dicam) mitius: sed, vt poëta ait,

Sapè etiam instanti lesa repugnat omis.

Et causas rescripti alias publicè dedi, leges, & me amabis, & quod adhæret, precibus iuuabis apud Numen, cui cottidie facis. Ita salue R. P. & mihi percare. Louanij, xviii. Kal. Sept. ∞. IOCII.

E P I S T. X X I I. *Gracium.*

MARTINO ANTONIO DELRIO *Presbytero Soc. Iesu*

Tv ad extremas Germaniæ oras, ego nuper ad illas Fati ultimas relegatus videbar: iterum viuo (sic loquendum est) & semper in te meus amor. EPISTOLAS nostras vidisti? te in ijs, etsi alia duabus etiâ. Centurijs seruantur. Nam partiri me vides, & in quamq; Centuriam plures annos velle insertos. Quid autem hoc tui silentij? ægrotas, fastidis, an (quod abliorreo) contemnis? Vidisti? illa Itali, qui proteruè me laceffit? hîc Rescriptum meum habes, breue sed forte, aut fallor, & tibi ac cuicumque bonæ mentis iustum probumque. O petulantiam simul, & inscientiam! De æuo quid sperem, nescio, cùm has exerrationes video, & probatas etiam, quibus ego probari me pretium censebam. Quid est? mens me aut illos deserit? an bonâ fide, & liberè, melior ille doctrinæ Genius Europam nostram fugit? Hæc priuata: publica in metu, & nobis proprio. Hostis adfuit, equitum peditumque vi succinctus: vigilarunt Principes, & ille abiit, alibi vires (utinam pari fortunâ!) explicaturus. Vobis quoque Belona vestra, sed fatali hostium ignauia parum etiam damnosa. Deus ita porrò donet, & optimos illos Principes saluos auctosque velit: te imprimis mi Pater. Scribe, scribe, aut irasci me non dicam, sed posse. Louanij, xvii. Kal. Sept. ∞. IOCII.

EPIST. XXIII.

Bruxellam.

PETRO LA-TORRIO, *Quintanadueñas.*

SCRIPPIO & animus tuus mihi grata: è quibus illa in me affectum, hic in virtutem & sapientiam præfert. Perseuerare te, in isto maximè, id hortor mi La-torri: quo fine in vitam venisse nos, & diuinâ illâ imagine ornatos, non ignoras. Consulis me de itinere tuo, an mansione. Breuiter, mihi mansio placeat: & vbi melius, quàm apud domesticum illum tuum magnum doctorem? Auunculum dico. cuius prudentia, virtus, etiam doctrina mihi nota. Ad illius Scæuolæ latus hæreas, & affectum eius tibi pignora: quod non aliâ re magis facies, quàm studio & promptitudine discendi. Quid si etiam (sed de eius consilio) de vincto aliquo iugali cogites? Quod ætas tua non abnuat, sed nec utilitas: ac sæpè, vt noster Tacitus, *matrimonium ad maiora nitenti decus ac robur fuit.* Sed de consilio, vt dixi, eius à quo pendere debes, & vt cum Lucretio hoc dicam,

— *ad cuius numen nutumque moueri.*

Habes sensum meum, sed compendio: multiloquium & occupatiunculæ & natura mea refutant. Louanij, vi. Kal. Septemb.

∞. IOCH.

EPIST. XXIIII.

Antuerpiam.

HENRICO VWENO I^{to} S. D.

IVRE extollis liberalitatem Arschotani Ducis: rara est, & apud nostros præsertim populares. qui quiduis magis in pretio fortassis habent, quàm id cui pretium non reponant. Sed ita mores & iudicia: cum quibus pugnare me iubet, quisquis ad scriptiorem vocat. A quâ, vt ista omittam, valetudo tamen satis auocat; non illa nunc quidem abiecta, sed non iterùm per studia (satis sensimus) abijcienda. Libellum nostrum non displicuisse, gaudeo: hoc scio, æquis & iniquis arbitris hominem illum repulsum & reuictum. Alius exorietur, & iam audio: eamus, & hoc fine laboremus. Omitto: de rep. magis angor animi. Grauiam relictâ discessu, an fugam dicam, nostrorum hîc audimus. Adfuit mihi

ex Italicis copijs vir nobilis & doctus, qui narrauit visa. Quid autem de Brabantia nostra speres, si illam & quæ adhærent (Bucunducis, & reliqua Geldria) amittimus? Consilia nostrorum iamdiu non capio: qui spem totam in Pluto reponere videntur, sed vtinam non cæco! A Gallia pax & serenitas iterum nunciantur: palam quidem, quæ in animo nubes aut nimbi aggregentur, nunc suspicio, actiones postea dicant. Valere te, cum Tuâ, mi Vvене amicissime opto, & Robianum illum nostrum saluere. Louanij, vi. Kal. Sept. ∞. ICCCII.

E P I S T. XXV.

Lutetiam

IACOBO AVGVSTO THVANO, *Senatus Præsidi.*

FRATRIS tui filium, & in eo THVANOS vidimus, id est, magnorum illorum virorum non stirpem solum, sed mentem. Multa in eo comitas, virtutis & doctrinæ amor, & qui breui sermone se planè in pectus nostrum immisit, & vt sic dicam, illatebrauit. Nec tui affectus nos celauit, etsi olim cogniti: sed sic perseverare & viuere, id quoque gratum, & à tali teste, audire. Vtinam illa tua consors viuat! quam abisse, nunc denique mihi auditum. De inuacitudine olim aliquid: sed exiriabilem fuisse, hoc fugiebat. Scissem, & solatij aliquid à me habuisses: an & eguisses? Nam tuus IOBVS domi, & à te, omnia dicta aut dicenda suppedibat. In historiâ tuæ gentis & Regum te pergere gaudeo, & quàm materia & silua rerum cottidie crescit? Illa nupera coniuratio prodigiosa fuit; extincta ab Hercule: quando nostra hæc bella? Lenta, panè dicam perpetua:

Et vereor ne tarda prius per membra senectus

Serpat, & in nobis vitæ claustra resoluat,

quàm ponere aut remitti videamus. Te & vestrum regnum obiter semel vellem, & acreatque internum votum est: an damnabore eius, nescio: sed cupiens sum, & tui amans, Vir Amplissime, cum Casaubono, quem saluto. Louanij, vi. Kal. Sept. ∞. ICCCII.

EPIST.

EPIST. XXVI.

Madritum.

LUPERCIO LEONARDO ARGENSOLAE S. M. *ex animo* D.

O AMICAM tuam scriptionem ! ô elegantem & eruditam ! Et pararium tu etiam alium quæras meo amori ? Mihi crede, vel alter hic titulus iungat & adstringat : quid vterque , & sic eximius ? Imus, imus quò nos trahis , & amicitia ac fidei dextram reddimus porrigenti. Tibi tantum ? imò & fratribus tuis duobus, quos ab eadem duplici notâ commendas : & vt nuncies ijs de affectu meo mutuo, hoc rogo. Mi Luperci, tales Geryonæ plures in Hispaniâ nobis sint, regnum teneât, sed in litteris : quoniam illud sceptrorum magnanimo dicto spernis. Sed quò pauciores ibi, magis fortasse lucetis , sicut in nocte clariora illa astra. Quod autem hortaris me ad edenda porrò quæ concepi & affeci, ac nominatim vestrum Senecam : velle non abnuo , vtique de isto , quem amo & æstimo super omnes (audebo dicere) Sapientiæ doctores. Gloriamini. & quamquam Hispania illa multa pacis decora tulit,

Nil tamen hoc habuisse viro præclarius in se,

Nec sanctum magis, & mirum rarumque videtur.

Itaque iure operam ei damus, & adminiculamur, quâ possumus : sed inualetudo tardat aut sustinet, tum & ætas mea frigus iam & ignauiam habet. Quid etiam ? assidua tristitia hæc temporum, bellorum implexa series, animum non erigit : imò sapientiâ & constantiâ opus est, vt à lapsu teneamus. Sortem nostram, etsi diffitus, audis : & nisi adamantinus es, miseraris. Vobis gratulor in illâ pace ingenium atque has artes colentibus : & vt diu liceat, Numen precor. De consilio tuo scriptionis, & vt mare illud Pacificum siue Mortuum (ita eleganter iocaris) nauiges ac teneas, omnino probo ac consuadeo : ad nostrum istud Arctœum si venis, pericula sunt, & nec Vlysses tutò nauiget :

— *ita perfurit acri*

Cum fremitu, sæuitque minaci murmure pontus.

Tuta, tuta, id est vetera, & me eorum amantem, ama. Ego te & tuos fratres, certò & *fide antiquâ*. Louanij, IIII. Kal. Sept. postridie quàm tuas vidi, ∞. LCCII.

EPIST. XXVII.

*Bruxellam.*NUNNO MENDOZAE V. N. & *Principi à cubiculo.*

RESPONSVM hîc habes ad amicam, similiter elegantem, & eruditam (hæc iungenda sunt) Lupercij epistolam : qui à se meretur amorem, sine vlllo interprete aut proxenetâ. O virum veteris Genij, & melioris æui ! Has sciintillas epistola eius iacit, quibus me quidem in amorem sui accendit. Sed respondi, & titulum adieci, quem tu in magno ponebas, AMICI LIPSIANI: verè ita sum, & ero, qui sic virtutem, doctrinam, & elegantiam amant. Plures modò Hispania vestra nobis donet ! quod fiet, cùm Deo visum, & Parnassus ille qui in Græciâ exaruit, frondes & aquas suas in Iberiâ proferet & funder. Opto, opto: nos & vos beatos ! Quod scribis porrò, in ipsis castris mentem & affectum tuum ad me isse, gaudeo: & repono tibi seriò, nec immemorem tui aut incurium Lipsium egisse. Sed heu, quàm parum adhuc ex voto militares nostræ expeditiones ! Quid in Fatis sit, nescio: sed in causâ optimâ spem talem non desero, & quamquam tarda aut ambigua ea videtur, vindico & ad bonos bonam traho. Deus adfirmet, & te Ill^{me} Domine, seruet. Louanij, III. Kal. Septembr. ∞. IOCIL.

EPIST. XXVIII.

*Mechliniam.*PETRO PECKIO *Consiliario.*

LAETAM mihi tuam epistolam ! ex animo fateor : à tali, & sic scriptam. In alijs curis studijsque fuisti, sed felicitas & altitudo ingenij tui fecit, vt optima semper amares; nec hoc tantum, sed haberes & potireris. Rarâ hodie sorte. & ferè qui ad res aut negotia se donant, artes aut elegantias, id est animi illum cultum, neglegunt: tu vtraq; iunxisti, & quid nisi Mercurium cum Minervâ? Nam Marsyam me appellare, dedecet : & ille eloquij & simul lucri Deus foro potius, meâ quidem designatione, præfit. Sed extra omnem iocum, prudens simul atque elegans es: & tales nobis ad reip. clauum sedeant & gubernent. Veteres vestri Iuris consulti nōne tales fuere? omnium confessione, qui vetera no-

ra norunt: nec ego de bono aut felici sæculo spero siue spondeo, nisi iterum antiquemus. Diuisio ista artium scientiarumque ab imbecillitate nostrâ est, & eius confessio: vos isti, melior progenies, iterum connectite,

— *quod numquam sine pernicali*

Discidio potius est seiungi, seque gregari.

Quid te hortor? si dehorter, tamen facias, & vis optimæ naturæ, id est melior in te vel apud te Genius, peruincat. Quod autem & meis libellis eò te duci scribis, benignitatis tuæ est.

— *sic Cereri sua dona merumque Lyæo*

Reddimus, & diues præda tamen accipit omni

Exuvias Diana tholo.

Non, inquam, iuuant te nostra, sed delectant. Quo fine & ista accipe, recenter in Italum quemdam (si nomen non imponit) rescripta. Ille in me, ut videbis, petulanter incurrit: excepi, opposui, & scuto saltem me defendi. En nostra præmia! quando rudem accipimus, an nobis damus?

— *suspiro ruris amœni.*

Riuos, & musco circumlita saxa, nemusque.

Liceret frui menses an annos paucos, ante mortem! Sperare vix dat ista Belgicæ

Fortuna, sæuo læta negotio, &

Ludum insolentem ludere pertinax:

& tu quoque, opinor, vides & doles. Sed ite tristitia. in amore tuo acquiesco, quem vultu & sermone nuper, nunc scripto affirmatum, rogo te, iterumque rogo perseverare, in amore & cultu tui meriturum. Louanij, VIII. Idus Septembr. ∞. IOCII.

EPIST. XXIX.

Antuerpiam.

IOANNI MORETO S. D.

ITANE filiam tuam abijisse? abijt. Dolorem dedisse? dedit. Ferenda tamen hæc sunt mi amice, ut omnia quæ diuinitus immittuntur, & Æternæ illi legi seriò subijcienda hæc voluntas. Nemo hominum eripuit, nō vis alia aut casus: ille tantum, cum quo nec pugnare possis, nec iustè de eo queri. Ius suum tenet in dando, & adimendo. Plures liberos habes, sed in ijs quoque Fa-

tum.

tum idem potest polletque: vtere tamen & fruerere (longum spectro) dum indulget. Habe, vt amissurus; amiseris, tamquam habeas. Quomodo? suauis memoriâ retinendi sunt; & hoc ipsum quod frui sumus, in lucro & beneficio ponendum. Ingratus ille, qui præteritorum oblitus, præsentia tantum cogitat aut futura. Imò, quod Philosophi dicebant, certissima illa voluptas est, quæ fuit. Amplius mi Morete. Deus sine solatio te non relinquit: non fuit tibi vnica. Vt igitur tunicam si amisisses, aliam sumeres & te eâ tegetes: sic nunc fac, pro filiâ creptâ aliam substitue, imò & filios, & certam iam posteritatem nepotes. Amabas quæ periit, sed & reliqui sunt quos ames. Itaque vt concludam, dolere tibi licet (quis parenti abnuat?) mærare non licet; lacrymare, sed non plorare. Inter exempla roboris, vnum Plantinum tuum meumque cogita: quem ego in eiusmodi casibus non fortem solum, sed pænè durum vidi, * — *ὦσαί μενος ἦε οἶδ' ἐγώ.*
* vt cornu auferrū. Imitare, tuam solare: quod & ego conatus sum epistolio adiuncto. Louanij, VII. Idus Sept. ∞. ICCCII. Aula hîc fuit, Præses Richardotus in meâ domo.

E P I S T. XXX.

Antuerpiam.

BALTHASARI MORETO SVO.

TRISTIS audiui de morte Hadrianæ sororis tuæ. Illiusne, quæ ante paucas septimanas vegeta & valida hîc fuit? quæ florem primum adolescentiæ suauiter ostendebat? illius. Vides mi Morete, quàm fata ordinem non seruent, & quos vota ac spes nostra vitæ longæ destinabant, eos abripi, & superstites relinqui languentes aliquos aut senes. Philosophemur, & de nobis quoque cogitemus, hodie fieri posse, quod intra decennium aut lustra aliqua solet. Nihil est tam certum, quàm incertum illud mortis. Itaque Ægyptij olim sapienter, qui *Domos* has nostras, *Hospitia* appellabant; *Sepulchra* autem, *Domos*. Nam mora quàm brevis sæpè in illis est? quàm in istis certa & æterna? Imus, & ibimus: pauci cogitant, nisi cum in metâ sunt, & iam iuerunt. Tu hæc & plura tibi, sed & parentibus subijce: matri maximè, quam scio dolere in hac iacturâ, vel potiùs mærare. Iacturâ, pænè eius propriâ: & solatium vel auxilium in hac habebat, maiusque

que sperabat. Sextum Tomum Annalium accepi, atque illud
solenne, Gratias dico. Vale. Louanij, vii. Idus Sept. ∞. MDCLII.

EPIST. XXXI.

Bruxellam.

PHILIPPO ARENBERGIO, *Baroni Seuenbergæ.*

SICVT aspectus tuus nuper gratus iucundusque mihi fuit, &
videre hanc indolem ad alta & honesta omnia natam: sic
nunc tua scriptio, quæ me in iudicio illo & honestissimâ opinio-
ne tui vehementer confirmavit. Genus vtrunque inclytum, &
stemmata Regum Principumque præfers: sed quàm ea ipsa illu-
strare aut ornare studijs Virtutis & Prudentiæ potes, ad quæ ad-
spiras? O nobilissime adolescens, huc te dona: & cetera externa
aut aduenticia esse cogita, hæc animi ipsius propria, & æterni il-
lius æterna bona. Et iam viam ingressus es, quæ rectâ eò ducat,
imò multum in eâ progressus: sed hoc (da veniam) monenti mi-
hi crede & obsequere, vt non ad delectationem aliquam nudam
ista referas, sed ad finem fructumque duplicem, quem adsigna-
ui: Virtutem dico, & Prudentiam, summa in humanis bona.
Sicut floribus alij ad odorem aut ad spectum vtuntur tantum,
apes etiam ad mellificium: sic sedulæ mentes debêt, in fructum
& vsum traducere studia hæc litterarum. In quibus, vt tua nunc
ætas & conditio est, Historiarum lectio vel primum locum sibi
vindicat, vtile ad rempublicam, & consilia actionesque dirigen-
das, instrumentum. Adhibe. & Iustinum, me sua fore, lege velut
variarum rerum, gentium, temporum compendium: tum &
Plutarchi Vitas, in quibus summatim Græca & Romana habes.
Liuium deinde, Polybium, alios licebit adiungere: & cum æuo
crescente non peritia solum & iudicium, sed & amor crescat le-
gendi cottidie & discendi. Hæc olim palæstra & velut gymna-
sium Principum erat, ante susceptam rempublicam, in susceptâ:
& vt alia exempla omittam (sexcenta sunt) vnius Theodosij Iu-
nioris eo suggestum. Is de die quidem, iam Imperator, militiæ,
Senatui, iudicijs, & vno verbo negotijs vacabat: noctu autem
studijs librisque se dabat, candelabro ita affabrè & ingeniose
facto, vt sponte oleum in lucernam instillaret; nec ministris aut
interpellatione opus haberet, ad lumen alendum aut producen-
dum.

*Vide Sozo-
menum in
Præfat.
Hist. Eccle-
siastica, &
lege.*

dum. Rarum magnumq; exemplum est, vobis magnis imitandum: fac Perillultris Domine, & in tenebris istis rerū quasi sidus te datum cense, ad lucendum & dirigendum. Mea scripta, quæ Ill^{mus} Parens tibi dedit, siquid eò facient, gaudebo: & magis, si te perseuerare in optimè cœptis audiero, nec abduci ab eâ, quæ mūdo huic imperat, Vanitate. Louanij, IV. Idus Sept. ∞. 1611.

E P I S T. X X X I I.

Valentianas.

HENRICO D' OULTREMANNO, S. D.

OTVAS epistolas! amor eas infidet. ô tuum carmen! ventustas & eruditio commendant. Mi d'Oultremanne, iamdiu est cum vulgo te excerptum vidi, sic subline ferri magis & magis cognosco, cum admouemur. Parco dicere, non sentire. O patria, quæ ceteris abundas, quàm virorum hodie sterilis aut inops es! Videmus, dolemus: & posterī etiam, vereor, dolebunt. Nam litteræ, aut cultus iste omnis animi (Phœbum me puta) intra lustra bina aut terna, non nisi nomen & vmbra erunt. Eò magis tu & similes (etsi quàm pauci similes?) eminetis, & arcto vinculo itis me iunctum: neque nos

Supremâ citiùs soluet amor die.

Hæc benignè, sed & candidè: & ne vnquam mihi aliquid ex sententiâ, nisi hæc EX ANIMI SENTENTIA dixi. Sed heus, tūne ad nos? inuito, & rogo. videam hospitium quod melior ille animus infidet, mortale immortalis. Aula hîc iam nunc, & alij hospites, non ab Heliconè, aut nostro fonte illo madentes. Res non ex voto, vt scis, tamen vultu constant; & vt cum poëtâ dicam,

Gloria mixta malis, afflicteque ambitus aula.

Terror hîc nobis, & discrimen etiam incumbunt: CONSTANTIA alleuat, & Prouidentia alligat:

Crux est si metuas, vincere quod nequeas.

Ad Carmen tuum redeo, quod auribus meis inerrat: edi & viuere dignum, seu viuo ipse, seu non viuo. Nam seposui & adgregui ijs, quæ à morte etiam velim (& sola illa quidem) vulgari. Tu mi d'Oultremanne,

— cui liquidam pater

Vocem

Vocem cum citharâ dedit,

his talibus, verè scitamentis Musarum & bellarijs, pascere atque erigere nos perge. Pascor & erigor enim, quò rariores istæ Diales epulæ à meis Belgis. Nam ab exteris, non nego, offeruntur interdum. Tu me semper, semper amaturum, ama. Louanij, prid. Idus Septembr. ∞. IOCII.

EPIST. XXXIII.

Bruxellam.

MAXAEMILIANO VIGNACVRTIO V. N.

EPISTOLAM tuam libens vidi, legi, etsi querelis mixtam, sed quas amor tuus in pietatem & virtutem, & me quoque, temperarit ac lenirit. Doleo equidem in Aulâ te sic iactari: sed Aulam cùm dixi, quid miri est? Mare qui intrat & nauigat, fluctus expectat; qui Aulam, hos motus. Illud suauius, cogitare de Franc. Balduini, magni sanè viri, scriptis eruendis & concinnandis: fac mi Vignacurti, & rem publicam ac posteritatem hoc munere auge. Quod in extremo autem de meâ etiam illâ Præfatione est: non offendor libertate: absit: sed audi tamen quod res est, & ratio approbet, talia illa scribi non vt testimonia, sed incitamenta. Monemus magis qui esse debeant, quàm testamur sic esse. An nouum fit? Traianum tu illum (etsi egregium Principum) credis tu fuisse ad Plinij laudationem? Idem in alijs: & Reges aut Principes cùm laudamus, non adulamur, sed per ambages & flexum ducimus, quò nos & bonum publicum velint eos ire. Ego tuum ingenium, & in purâ virtute asserendâ purum animum amo; vtinam æuum ita sit aut fuerit, vt induamus & vsurpemus! Spem non video, & tamen tecum & te amo: tu me mi Vignacurti. Louanij, xi. Kal. Octobr. ∞. IOCII.

EPIST. XXXIII.

Bononiam.

GVILIELMO RICHARDOTO S. D.

VLTIMAE tuæ me delectarunt, bonæ mentis atque etiam dictionis plenæ. Amplecteris virtutem, & quæ eò ducit doctrinâ, & præcepta nostra facta tecta habes: quæ nuper in litteris repetij, affectus magis mei testandi, quàm vsus tui causâ. Etsi

cur non repetam atque ingeram? Sicut matres, quæ pueris bellaria & fructus in sinum ingerunt, sollicitè succingunt ne excidant: sic nos satagere conuenit ne pereant, quæ optimè monita olim insinuauimus, & nunc per litteras renouamus. Quod probas & gaudes de responso in LVCIUM, fecimus & forte an iam videris: haberes certè me mittente, nisi sarcinas istas cursores tabellarij ferre grauarentur. Sed respondimus * μεγαλείας & θρηναίως, vt in istos decet, qui non nisi remoræ Bonæ mentis sunt, & Vir- tutis ex professo hostes. Itaque vt leones, aspicimus & contem- nimus:

* magnificè
& genero-
sè.

* ——— κύνας δ' ὑπὸ καρχαλώωσι

* canes am-
tem ganni-
re videbis,
latrantesq;
vñā.

Πικρὸν ὑλακτόωντες.

Fratrem tuum reducem auidè exspectamus: pater hîc adfuit, domum meam honestauit, & hospitem magnum mihi dedit. Ad publica ibat cum Principe, ô vtinam læta! Sed quid tibi dicam? patria iacet, affligitur, & per seditiones istas (quæ iam in morem, & pænè dicam laudem verterunt,

Prò curia, inuersique mores!

periclitatur aut perit. Deus sustentet, te mi optatissime Richar- dote nobis seruet, & oculis atque amplexui meo iterùm sistat. Louanij, x. Kal. Octobr. ∞. IOCII.

E P I S T. XXXV.

HADRIANO SAISSEVALLIO, Gallo, domi nobili, S. D.

PARANTI abiturum, quod petieras, mitto; atque adeò partem animi tecum mitto. Fateri debeo, comem te, & cum ino- destiâ suauem, in omni conuictu fuisse: quod gratiam tibi vel amorem apud me aliosque peperit, & pariet quò hæc & te feres. Ista à Naturâ habes, bonâ tibi parente: perge Disciplinam adde- re, & serijs feuerisque etiam studijs animum formare. Germa- niam insidere te suadeam, & probitatem illic natiuam videbis & grauitatem: adsume vtraque, non in tuâ gente semper (vt nunc æuum) reperienda. Habet hoc commodi peregrinatio, quòd fas per eam miscere mores & temperare. Vt autem in Musicâ è di- uersis vocibus concentum quærimus, & probamus: sic in vitâ, è varietate harmoniam. Sed & alius fructus. Ingenia quædam transla-

translata proficiunt. & vt fæminæ interdum, antè steriles, alijs viris iunctæ concipiunt: sic illa fœcundantur mutatione, & sub alio alioque doctore. Perge cum Deo igitur: qui te meo voto fospitet, & bonum clarumque reddat.

TESTIMONIUM.

QVICVMQVE HÆC LEGETIS,
OFFICIA, CVLTVM, SALVTEM DEFERO.

VIRI boni est virtutem amare & adiutum ire, sicubi ignota ea est, vel testimonij & subsidij eget. Quod promptè in isto V. N. HADRIANO SAISSEVALLIO, atque etiam meritò, facere me profiteor: quippe qui eum ab annis pluribus nouerim, consueverim, & virtutis semper, antiquæ pietatis, doctrinæ & humanitatis reppererim peramantem. Quisquis noscet propius & accedet, idem mecum fatebitur, nec ei testimonium istud scriptum. Sed sicui subitò occurrit aut obijcitur, vt solet; præsertim cùm nunc peregrè ad mercatum optimarum artium eat; hunc rogo fidem nobis habere, istum amare & fouere, affectu illo & auxilio dignum. En me sponso rem, non pœniturum eum si quis benignè complectetur aut faciet: me etiam creditorem, & in accepti tabulas beneficium hoc relaturum. Scripsi & signavi

Louanij, VI. Kal.
Octob. ∞ .IƆCII.

Iustus Lipsius Professor, &
Historiographus Regius.

EPIST. XXXVI.

Lugd. Bat.

CAROLO CLVSIO S. Maximam D.

OMEVM Clusium! iure sic appellem, & in hoc exsultem. Constanter & acriter valdè me amas, nec scriptio solum tua, sed res & munera adfirmant. Iterùm dico, Meum. Quid autem ego? hilum in affectu non cedo, & semper Clusius mihi in animo, sæpè in ore. Deus fecisset, vt habitatione iunctiores fuissetus: multa conuersatio & voluptas comitata essent. Nunc vetus illud obtinet, Deum sequi & obsequi. Quæ de re Christianâ publicâ in Pannoniâ nuntias, haud læta vsquequaque sunt, aut mixta: imò nūc terrores meri, & fugæ, & cædes. Illa Alba-Regia

nuper recepta, iterum erepta est, promiscuâ omnium qui in erant cæde, aut seruitute. Tartarorum vis ingens in Daciam irruptura sperabatur: copijs nostris exiguis, & lentè etiam paratis. Hęc longinqua: in propinquo nobis turbæ, nec bellum solùm sed seditio affligit. Eritne finem his videre, & semel optatam illam faciem Pacis? Numen faciat: ego te illuc & amicos. Quod ad scripta tua reliqua, doleo in morâ hominis, nobis amici. Monebo hercules, & vt publica ea faciat publicâ omniũ nostrũ, qui doctrinam amamus, causâ. Illud in clausulâ iucũdum, de vigore oculorum tuorum in hac ætate, mirando mihi & inuidendo. Heu, vbi ego sum? quattuor lustris minor cæcutio; & nisi vitrea auxilia subleuent, vix legam aut scribam. Pænè indignor: & magis, quia veteres hac alleuatione vsos non lego. Atquin & illi nõnne assidui in studijs? Quid dicam nescio, nisi sortem sic nostram esse: ferendam igitur, & te mi Clusi ætatem amandum. Louanij, IIII. Kal. Octob. ∞. IOCII.

E P I S T. X X X V I I.

*Antuerpiam.*IOANNI BAPTISTAE BARONIO *suo* S. D.

EQVIDEM gaudeo patrem in tua vota, & mea consilia, consensisse. Non tamen quia tua vota, sed quia de plano ita iudico, id fore ex re & vsu tuo. Adnitere, ne opinio hæc nos fallat; & peregrinatio tibi sit, quod debet, morum & vitæ formatio ac magistra. Inprimis autem, mi Baroni, modestiam retine, & ad te subinde, inter vana aut vaga illa redi. Sicut currus in præcipiti aut decliui fune retinentur, & se sistunt: sic animus debet, vbi quæ allubescunt aut inuitant. Talis Italia erit, ô pulcherrima & cultissima terrarum! sed Sirenas & Circas etiam illic cogita, & esse quæ videas, sed & vites. Plura à me audisti, apt & in meis legisti: non itero. fiduciam in ipso te habeo, quem Natura ad Virtutem & Modestiam genuit: ne degenera, & ipsum te ac nos audi. Ecce litteras ad nostros illos, quibuscum viuere te iuuat atq; expediat: aliud si in re tuâ possim, pete, & factum putam serio te amo. Louanij, III. Non. Octob. ∞. IOCII.

Deum ductorem & tutorem tibi precor imo corde. Scribe de viâ,

viâ, si vacat, & cùm illic eris : non deero respondere, & consilia-
ri atque auxiliari, si opus.

TESTIMONIUM.

EXTEROS & non plenè & certò notos tralatiticia humanitas no-
stra commendat : quomodo non istos, qui è domo, disciplinâ, &
velut finis nostro prodierunt? In ijs est IO. BAPTISTA BARONIUS,
vir nobilis, ingenio & moribus laudatissimus, & cui ego vel liberos
meos (si Deus dedisset) similes esse exoptem. Quadriennium circiter
apud me egit, ad aliena loca it visendi discendique gratiâ : comitor
eum benivolentiâ, & hac etiam commendatiunculâ apud amicos. Vide-
te & excipite libentes, obsecro, vel meâ causâ : paria fecero in re simili
aut aliâ, sic iustè & honestè rogatus. Testor & signo

Louanij, III. Nonas
Octobr. ∞ .I.OCII.

I. Lipsius Professor, &
Historiographus Regius.

EPIST. XXXVIII.

Bononiam.

PHILIPPO RVBENIO SVO S. D.

ANTE dies octo scripsi, iterò in occasione, quia Baroni-
us noster ad vos abit. O quàm libens ! tam libentes illum vos
videte, & suscipite : quod eius & meâ causâ confido facturos.
Velit contubernio etiam vobiscum iungi, & pater cupit : pote-
stis, donec Roma vos alteri subdit. Facite, me petère. Adolescen-
tem nosti, commodum & comem. De patriâ, ille dicet, aut fa-
ma iam dixit. Ores tristes! * κείτοι παύσαντες. Medicina tamen il-
linc exspectatur, an non sera? Comitem Fontanum venturum
mussant, nostros abituros : sed adhuc mussant. Intereâ hostis
Grauiâ potitus, Buscoducis imminere dicebatur, solitariæ iam
& penè desertæ. Pars exercitus in seditionem (sollempni iam mo-
re) lapsa, ferrum & ignem nobis minatur. Hostes iudicati sunt
decreto Principum: nondum vindicati. Undique nobis terror:
quem pellere Philosophiæ præceptis conor, & Senecam ad Hel-
uiam matrem (de Exsilio est) publicè eo lectum. Ite tristitia. in
priuatis ijdem sumus. Lucio illi Apuleiano respondimus, vidif-
sepo-

* Iacet Pa-
tricius.

se potestis. Alia vix cogito, subduci tempus est & viuere nobis ac mori. Louanij, III. Nonas Octobr. ∞. IOCII.
Hæc scripta etiam D. Preposito sunt, ad quem ego nuper vber-
rimè: saluere nunc opto.

E P I S T. XXXIX.

Lugd. Bat.

FRANCISCO RAPHELENGIO SVO S. D.

EXCVSARE te silentium tuum mi Raphelengi video, an & probare? An ipsi tibi, non dicam mihi? Ab effectu hæc querela est: & nisi ille esset, non requirerem affatus istos litterarios, qui me fatigant, nec sinunt iuris aut quietis meæ esse. Sed amo te iam olim: & quia hoc, curo: & vtrumque, desiderium excitat audiendi de absente & sciendi. Sed mitto præterita, & dono: excusa vnâ re, vt emendes. Epistola quidem hæc tua copiosa, & ante oculos mihi posuit peregrinationes tuas omnes, & plerasq; actionum. Quid securus sis, video: otium & quietem, quâ ingenuæ mentes capiuntur, internâ tamè semper aliquâ actione & motu. Fratris mors reuocauit: id est Deus. pare, & fatis obsequere, & personam sustine quam imposuerunt. Deferere te hoc munus, ab auo iam trãsmissum, mihi non placeat: nisi nimis sapere tibi placeat, & ideò nō sapere, quia nimis. Vbique locorum quies esse animo destinato potest, in Baijs medijs, in Alexãdriâ, aut Româ: & semper ab externis ad se redire fas, qui illa non estimat, & hæc amat. Ego munus meū in publico fungor, colloquia varia & vana etiã habeo: vna ambulatiuncula in horto aut mœnibus me mihi reddit, & in Elysij campis, id est tranquillitate, reponit. Qui locis ista alligat, fallitur: etsi eligere mallet, si copia esset: sed mores, opes, fata prohibēt: & ijs obsequi igitur, sapientia est, & cogitare se hominem nō Deum esse. Ipsi Genij munia sua & leges habent, nec errant liberè aut otiantur, siue operantur. Sed de peregrinatione. iudicia tua scribis super Italiâ, Germaniâ, ô mihi proba! Omnino ita est. conueniunt in illo genere, qualitate aliâ differunt quam exponis. Pauci hæc ita iudicant: tu macte. Sed & Belgicam nostram quod ante ôras omnes terrasquæ Europæ ponis; nec aberras. illa superat, si homines, industriam, comitatem, mores, bona terræ nata aut inuecta respicis: superat, inquam,

inquam, nec Europæ solùm tractus, sed orbis vniuersi. Vnam Sinarum ditionem excipio: si vera, quæ de eâ famâ feruntur. Scire iam potestis, quia vestri, strenuâ & felici temeritate, ad ea quoque loca, vt audimus, equis ligneis vehuntur. Vtinam pax modò hanc nostram respiciat! quod vix iam vouemus, adeò non speramus. Alioqui huc te vocem, & viuere & mori in genitali tuo solo, in oculis nostris, aut non longinquum, velim. Vide, & sustine etiam: si fortasse Deus, præter spem aut speciem, aliquid misertus nostri donet. Nam mihi crede, in electione cuiuscunque loci discrimen est: aut inibi, aut à te, aliquid mali turbæque erit: exemplum à Plotino Platónico cape. Ille vi sapientiâ inclytus, cuius & quietis suæ studio, Romam reliquit, Campaniam elegit, aëre, copiâ, fructibus, delicijs celebrem: & vbi pax immota (illo quidem auro) & nec metus belli erat. Iuit, insedit: quid factum? Consilia humana Fatum vicit, morbus totum corpus inuasit, membra & nerui riguerunt, oculorum orbes caligarunt, & putre denique corpus sanguinis corrupti vitio contabuit. Vbi es humana prouidentia, aut electio? Vides, mi Raphelengi, hominem humana vbique pati: locum non excipere, sed animum vincere. quem fas semper exerere, & quietum ac modestum sine peruiaciâ aut arrogantia sapere: quod facere te hortor, & pro amore in te rogo. Itaque de domo aut alijs, nihil festinare suadeam: maturè & circumspectè omnia. quia, vt ille ait,

* — *Φερεν μὲν οἱ ταχέως, ἐν ἀσφαλείᾳ.*

* *hand tu-
ta celeris
est pruden-
tia.*

Vale mi Raphelengi, cum fratre Iusto, & sorore. Louanij, XI. Kal. Nouembr. ∞. IOCII.

De Polliene nostro, triste quod nuntias. De morbo audieram, à te de morte. Singulariter amaui: sed quid est? decuriam amicorū hoc anno amisi, siue præmisi. nam & ego sum in cursu.

EPIST. XL.

Bruxellam.

GVILIELMO GREVIO Nepoti suo ex sorore S. optat.

ACCEPI primas tuas litteras, quibus ostendis aliquid in studijs doctrinæ te promouisse. Pro ætate, non queror: industriam adiungi velim. & incitatum animum, qui ad optatam nobis metam te sistat. Quid metam? semper hîc in viâ sumus,

E

& nul-

& nulla ætas, nullum ingenium, ad vltima Scientiæ aut Sapien-
tiæ perducet. In Deo hæc perfectio: sed nos nempe imago eius
sumus, & ideò conniti pro captu & viribus debemus accedere
proximè, & referre illum in nobis ac circumferre. Nam in exem-
plum nati sumus, atque etiam auxilium: iuuare nos, tum alios,
& æstimare vnius corporis membra esse. Magnus hic orbis est:
sed vna ciuitas. conspiremus in mutuos vsus, & ad hanc rem à
pueritiâ aptemur. Tua nunc hæc ætas est: in palæstrâ es ad di-
scendum & exercendum: excitare ô meus sanguis, & me quoque
ad instar aliquod propone. Vides tot annos non mihi vixisse: la-
borasse & operatum esse reip. voce aut scriptis? Sequere. atque
utinam diem videam, quo spes alluceat te per hæc & illa vete-
rum vestigia iturum: mea, & panè me, impendam, vt appara-
tum & instrumenta habeas, id est libros & doctores. Etsi de dô-
ctore, iam curauimus: habes virum præter vulgus doctum, &
tui amantem: audi, sequere, obsequere, magis quàm ipsos quibus
vitam debes. Nam nasci vulgare est: benè institui, altera vita est,
& quæ ad Æternam illam ducit. Vota apud te DEVS OPTIME
MAXIME concipio, vt quoniam me prolis exortem voluisti,
hunc è Sorore (nimis olim carâ) nepotem ad veræ doctrinæ &
virtutis studia ire patiaris, aut potius impellas: nobis solatium &
gaudium, tibi gloriam, alijs lumen & exemplar. Fiat, & tu con-
tende, aut iam nunc abdicò te & sepono. Louanij, prid. Non.
Nouembr. ∞. IOCH.

E P I S T. X L I.

*Frankfurtum.*MARQVARDO FREHERO I^{to}.

MELLI mihi fuit, ex interuallo regustare tuum amorem.
Coràm feceram, cùm Frankfurtum me fors duxisset, et-
iam mox per litteras: abiunctio deinde longior, & meæ an tuæ
occupationes interpellarunt. Si vis, illuc redeamus, & exferat se
amor qui in pectore hæret, & ab eo numquam exsulauit. Tua
interea vidi, & in ijs te redamaui: præsertim illa Historica, quæ
blattis & tineis tu inuidisti, & è situ eruta illustrasti. Vtile opus,
magis quàm hæc recentia, & turbida quædam velut musta,
passim nobis à crudis studiorum ingenijs propinata. Ad metam
litteræ.

litteræ properant, & nimia facunditas ista vires exhaurit, si lustrum etiam vnum alterumque ea manet. Constantij SAPHYRVM iam nunc lustravi; nec de gemmâ aut sculpturâ scio, te in eâ artificem & variè cælatorem agnosco. Benè, quod nostro VELSERO inscripseris: & cui amanti magis aut intellegenti? Vir magnus est, vel maximis comparatus; & BOÏCA eius iam vidi, nondum legi. Nos nescio quid philosophamur, quò ætas & Genius ipse meus vocant: nec scio an alijs, sed nobis (ô quàm decorè aut vtiliter per hæc tempora!) philosophamur. Te amamus, & amaturi sumus, melioris animi & iudicij virum: tuam etiam MARGARIM, tuâ, Vtenhouij, eius causâ. Talis illa mulierum non mereatur? dissuauior: sed castè,

— *fuge suspicari*

Cuius vnderum trepidauit ætas

Claudere lustrum.

Louanij, postrid. Non. Nouembr. ∞. 10CII.

• EPIST. XLII. *Antuerpiam.*

HERIBERTO ROSWEYO *Soc. Iesu.*

LEGI tuas, & quæ è Batauis adiunctæ. Ad has in tempore respondebo: nec enim est quod properari poscat: & ipse scriptor mihi notus, non quidem ab illâ primariâ notâ, & amicitia tessera, id est Pietate. De Oratiunculâ illâ meo nomine vulgatâ, quid miri est? sic lubet ludere, imò non ludere sed rem facere, Typographis dico. Eorum instinctu, & malitiâ deinde se præbente, præclari isti foetus oriuntur: quorum illum nuperum quàm in ipso penè partu extinxerim, Epistola mea ad Senatum Francofurtensem, iam publicata, dicit. Simile in isto, inquires. Non faciam, quis finis sit? magis prouocem his oppositionibus: nec meum est, sed Principum, his falsimonijs mederi. Gladio aliquo iustitiæ rescindenda ista, igne Decreti abolenda erant. Viderint, qui habenas tenent: ego per ista non deterior, ne turpior quidem apud eos, qui sanâ mente sunt, nec nobis iniquâ. Aliorum scabies facilè suscitatur his frictionibus, fateor: pruriant, garriant, me pausarium non habebunt. Sed de Oratiunculâ illâ, scito etiam non nouum esse, est ipsa, quæ ante decem annos publica,

blicata, à me refutata aut reiecta publicè in ijs De Cruce, AD
LECTOREM. Vale V. R. & P. Rectori ex animo à me salutem.
Louanij, postrid. Non. Nouembr. ∞. 1611.

EPIST. XLIII.

Brugas.

ANTONIO RICHARDOTO *Suo* S. D.

EPISTOLAM pro te vidi, & scito me doluisse. Nam auidè te
exspectabam, iamdiu non visum, & in animo tamen ge-
statum: atque ita me Deus ille in superis locis, vt ego te hîc con-
spici cupiebam. Causæ tamen dilati aduentus (non enim omis-
si) quia iustæ videntur, querelam desino: & gratulationem po-
tius nuptijs amatæ sororis tuæ subiungo. Deus velit eas lætas
faustasque nunc & in posterum esse, & proles etiam, familiæ ve-
stræ fulcra. Floret ea, & cælesti quodam fauore adsurgit: sit lon-
gum, & vos quoque pergite mereri. Apud me non es, sed meus
etiam nunc es: itaque curo, & monita mea interuenient, spe-
ro, semper grata. Ab animo certè meo debent. Vidisti Italiam
& oras exeras, multa in frontem pulchra & splendentia: redi-
identidem ad vera & interna bona, atque ijs te exorna. Aula te
nunc habebit, aut habet: aula: id est, quantumuis composita, in
quâ vana & splendentia multa sunt, sed fallacia, & fuco quo-
dam circumlita, introrsus vacua aut praua. Nosce, & te excerpe,
& vera ac solida illa affecta. O quàm me, magis te, iuuat, si Se-
necam interdum legas serio & scrutèrè! Quàm ille te firmet
contra lapsus, & res omnes pretijs suis doceat æstimare? Scio in
hac ætate non omnia talia gustum habere: sed te volo esse exi-
mium, & à meâ disciplinâ profectum, incedere velut exem-
plum. Bella est elegantia, & comitas ista morum: quis nescit
aut negat? sed Sapientia si adiungitur, & eius mater aut pro-
les Modestia, quantum decus accedit? sic vt auro, à gemmâ.
Satis. audi & ama ista, ac me tui peramantem. Louanij, xvi.
Kal. Decembr. ∞. 1611.

EPIST.

EPIST. XLIIII.

*Mechliniam.*NICOLAO OVDARTO *semper-suo* S. D.

MIRATVM me in lectione litterarum tuarum dicam? licet. Iratum? non licet: & tamen pænè debui, in opinione de me, tam alienâ à me, & quæ in somnio caput hoc numquam inuasit. Ego migrem? ego Leodicum? Nam quâ causâ? Res turbidæ sunt, scio: nisi mutamur, deteriores etiam futuræ: quid tamen ad me eximiè, vt ante alios, & præter alios, de abitione cogitem, id est fugâ? Ego verò à vitâ potius, quàm vt sic ab honesto, & illâ **CONSTANTIA**, quam stilo illustravi, & factis non obfcurabo. Heus tu, quisquis tibi auctor (bonâ veniâ etiam illius, quem reuereri me scis) à vano sumpsit, aut à se pænè dicam, sumpsit. Nihil rei, nihil sermonis, nihil cogitationis. Possum me purgare planius? Vnum hoc nunc tamē habe. Si res prorsum ad vltima, id est ad incitas eant, libenter me Leodicum sedē refugij lecturum, urbem Deo & religioni iamolim amicam, in me pronam, & quod inuitet, viris aliquot egregijs prudentiâ & doctrinâ infessam. Habes de istâ re, & quidem Sibyllæ dictis veriora. De publicâ, piget scribere, an & pudet? Vbi consilia? vbi vel vmbra prudentiæ, in re præsertim militari? Ridentur vetera, & nos eorum amantes: sed ij qui amplectuntur, quàm nos rideant, & verberent etiam, vides. Audi iterum aliquid, quasi à Sibylla aut Marcio. Quamdiu in nouis istis, id est vilibus & prauis manemus, melior & altior Fortuna nos despiciet, nec Victoria alas suas huc vertet. Vrgent illi, *accipiter velut molles columbas*. Omitto non læta: cum Pantino sentio, nec sentio: remedio locus est, si morbum agnoscit æger. Si non, Belgica per me esto.

Victima nil miserantis Orci.

Vale mi optime, & constantem me inter omnes fluctus (ita videbis) constanter ama. Louanij, XIII. Kal. Octobr. ∞. MDCLII.

EPIST. XLV.

Antuerpiam.

IOANNI WOVERIO SVO S. D.

VENISTI? mihi nondum, nisi videro. Ades, amplectar te & teneam, & animos ac sermones vnâ misceamus. Quando facis? anni mihi, dies: magis quàm pupillis istis

— *quos arcta premit custodia matrum.*

Gaudeo Italiam, Hispaniam, Galliam, denique & Batauiam vidisse: in hac vltimâ illum quem amo. Et amari te ab eo nuntias, volenti & credenti. Sed ista & alia coràm: reperies me capite semicanum, aut certè mento: animo fortem, corpusculo, vt soleo, id est Augusti verbo *betizantem*. Veni, veni, refice hoc, & illum auge: quod rogare me dicam, an iubere? Vtrumque, neque vindictâ etiam te manumisi. Domum meam nosti: caue in aliam, & hoc quoque ego ac mea (nosti illam lunonem? ne offende) iubemus. Louanij, postrid. Kal. xbris, ∞. IOCII.

EPIST. XLVI.

Harlemum.

GERARDO BUYTEWECHIO S. D.

LAETVM auditu de tuâ prole, mihi qui amicus sim, quid tibi qui pater? Euge! hæc crescat, vivat; & aliam, ac melioris quidem sexus, Deus ille communis omnium parens donet. Ecce fructum & gaudia coniugij mi Buytewechi: sed & curas suas trahent, & habe istam vt vsu, non mancipio datam, si sapis. Homo hominem genuisti. EPISTOLAS meas non displicere illic, hoc satis est: probari omnia, ægrè id mihi probes, in isto æuo, & dissentiente plurifariam sensu. Sed satis, non carpi: & si faciant, quid ad me? Animum & me bonum fuisse cùm scripsi, hoc scio: & suis quæque temporibus aut hominibus aptasse. quod vnum in Epistolâ arbitror requiri, à prudente quidem & æquo censore. Alij abeant, valeant, vapulent vel cum LVICIO nostro. Sed heus, vos nunc nōne feroces? omnia rident, terrâ, mari: vtinam nos vnâ, & vetus illud corpus iterum simus. Io. Wouerius valdè mihi amatus iuuenis te quæsiuit Lugduni nostræ, non reperit: exspecto reducem, & is quoque (ne nescias) ædes meas infedit.

fedit. Fru ſtam rettulit, virtuti amicus, vanitati extraneus, & qui rectâ viâ ad Sapientiæ ædem tendit. Vellein vidiffes. At Nic. Micaultium noſtrum nec vltrâ videbis, qui abiit

Illuc, vnde negant redire quemquam.

In flore æui fuiſſe ſcis, in viâ ad honores, & merebatur: Deo viſum eripere, & apud ſe (ita ſperare Pietas eius iubet) habere. Nos trahimus animam, & animo etiam ſtamus; corpusculo languidi, nec de firmitate aut diuturnitate eius ſpondentes. Sed hæc quidem, non dicam cura, vix cogitatio me vltrâ habet: ſto ſuccinctus, & cùm immuerit ille Imperator, viam carpo. Sandelinus ille noſter nuperrimè apud me fuit: ô ſi tu vnâ! ſed libens vidi, & in eo Batauiam, ſemper mihi caram reſtaui. Valere te cupio mi Buytewechi, quod ex te eſt, ex quâ eſt, ex quibus tu & illa eſtis. Louanij, poſtrid. Kal. xbres, ∞. 16CII.

EPIST. XLVII.

Bruxellam.

REMACLO ROBERTI S. D.

MALE & per errorem hoc conſul Grauienſis, quod binas ad te dediſſem. ego verò nullas, neque occasio fuit: & abeunt ſalutem ad te ferendam mandaueram, & ſiquid haberes de republicâ vti ſignificares. Feciſti in his litteris: atque vtinam lætiora fas nuntiare! Hoſtes abierunt è prouinciâ ſpoliatâ aut vaſtatâ, cum prædâ & famâ: nos quid? ſumus qui fuimus, id eſt tardi, frigidi, & quæ nec ad te ſtilo committam. In animo iſto dolet, qui video fundamēta ſtatus huius labi aut ruere: in promptu tamen remedijs, ſi conſilia alia eſſent. Sed omitto: ego ſeriò mecum philoſophor, nec meditatione ſolùm, ſed ſtilo. Per vetera Sapientiæ præcepta eo, & animum ijs ad virtutem & robur firmo. Reuerà etiam, cùm altiùs mentis oculos ſuſtuli, quid aut quantula hæc Belgica noſtra eſt? cultiſſima terrarum fateor, quas ſol videt: ſed terra, ſed regiuncula, & non dicam cum Vniuerſo, ſed cum Terrâ ipſâ comparata, portiuncula exigua & velut punctum. Quot tu mutationes, clades, cædes, in noto & ignoto orbe cottidie committi cenſes? Vulgaris ea mens non attendit: quæ in ſe non abit, nec ſcit Mundum hunc ciuitatem ſibi eſſe. Mihi eſt, & amplector, & curo: ac ſi mala fata hanc partem premunt

aut

aut perdunt, multum soli superest quod colam, & vbi tolerem hoc quicquid reliquum est vitæ. Queri aut angi, stultum est: spectro, exspecto, & Deum sequor. Is te mi amice, tuam & tuos feruet, & mutuum inter nos amorem. Louanij, postrid. Non. Decembres. ∞. IOCII.

E P I S T. XLVIII.

Antuerpiam.

MARCO ANTONIO PEREZIO V. N.

ADMIRATIO simul & dolor me inuaserunt, cum de inopinato obitu foci tui, & amici nostri, intellexi. Heu, quid homines sumus? quàm fragilis materia, vt leui casu rumpenda? Profectò exempla ista cum è proximo incurrunt & nos feriunt, meritò animum ad conditionem & cognitionem sui aduocent, & quàm totum hoc viuere lubricum sit, breue, nihil. Annus iste vnus in domo tua funera duo habuit: quis scit an ante exitum non etiam habebit? Voueo, sed non spondeo: & omnibus cennire, quòd illis, potest: cogitemus, & in ista armemur. Vnde? à constantia, id est à Deo, cuius supremæ voluntati nostram hanc subiungi par est, & æquis oculis animisque spectare, quicquid iussit. Imò & subire quicquid iussit: non aliter quàm cælum, stellæ, aër, maria, & omnia illa magna opera parent conditori. Cleanthis illi versus, pro verâ & Christianâ sapientiâ sunt scripti:

*Duc me parens, celsique dominator poli,**Quocumque lubitum: nulla parendi est mora.**Adsum impiger: fac nolle, comitabor gemens.*

Hoc faciendum cum alijs, tum tibi Vir nobilis, qui inter huius æquanimittatis & constantiæ exempla, in familiâ Patru tui es ductus. Vis aliquid illustrius? ille vir mihi semper visus verum Philosophum agere, & vitâ, non sermonibus, exprimere cum atque referre. Obsecro te, in hoc tristi casu oculos mentis nunc eò flecte: & post Deum, robur ab illo etiam sume. Fateor cum incommodo familiæ creptum vobis hoc fulcrum, & prudentia eius vario vsui domi forisque etiam esse poterat: quid tamen est? nōne supremus ille pater & rector etiam viuit, & curam tutelamque suorum gerit? facit & faciet: magis, si in illum spem & cogitationes tuas mittes. Iam vos ipsi eò aui & experientiæ

venistis,

venistis, vt per vos sapere, regere, & per vestigia maiorum virtutem colere, rem non negligere, possitis. Itaque minore dolore hoc ferendum, quòd tunc ablati ille director est, cum operam eius neque ætas, neque prudentia vestra, nimis requirebat. Vnus est Baronius meus, cui immaturus perijsse videri potest: sed nec potest, quia scio te in locum eius vicemque venturum. Duo nomina, Fratris & Patris, simul sustinebis: atque vt facias, amanter te rogo. Etiam illud, vt tu atque vxor optima animum erigatis, & solatium non à ratione solum, sed à liberis etiam vestris capiatis: quos Deus plures dedit. formate & dirigite in eius gloriam, & vestrum & familiæ gaudium atque honorem. Ita fit, & idem Deus illos vobis, vos illis longum seruet. Vale Vir Nobilis & Cl^{me}. Louanij, vi. Idus Decembr. ∞. IOCII.

EPIST. XLIX.

Bononiam.

IOANNI BAPTISTAE BARONIO suo S. D.

INOPINATA multa homini, & sæpè tristia: in te disce. Parens, heu, tuus vltimùm tibi visus abiit: & subitò abiit, dolore & admiratione nobis relictâ. Et si istâ quidem vix mihi. scio enim Parcam adfiduè super caput stare, & ictu aliquo percellere nec exspectato. Sicut in aquâ pisces ludunt, in aère aues volitant, securæ insidiantium: at illos hamus adducit, istas rete inuoluit: sic fit nobis, & aliquem è magno grege adfiduè venatur & capit pal lens hæc Diua. Solare te à communi lege, ad quam aptari nō Sapientia solum suadet, sed Necessitas cogit. Si æquanimus fers, simplex dolor est: si aliter, alter. Bononiæ te nunc esse, speramus: si es, fruire optimo illo veteris tui contubernij consortio, & dolorem alloquijs etiam illis mitiga aut merge. Rubenium ama & adhære: bono tibi erit, hoc mihi crede. Ceterum amisso hoc fulcro, non diu peregrinari aut animo indulgere ego suadeam: veni, tua cogita & cura: sed & de Tuâ aliquâ cogita, si animus & amici ita suadebunt. Certè in Italiâ desiderare te nolim, etiam illâ insidiatrice aliquâ: per Germaniam redi, & hanc obiter lustra. Ista mihi nunc visa: sed sic vt te audiam, siquid melius inijcis: tu Rationem semper, & cum illâ tuos. Louanij, v. Idus Decembr. ∞. IOCII.

IOANNI BVISSONIO *Consiliario & Syndico*
Ordinum Hammonia.

EPISTOLA tua subita & inopinata ad me venit, sed, Fidem testor, grata. An non à te esset, quem animi tacito iudicio & sensu iamdiu æstimauī, & addam amaui? Bona & certa de te Fama hoc fecit: nec nisi opinio Virtutis tuæ affectum illum mouit, nunc augendum & asserendum à tam amicâ tuâ scriptione. Quàm volupe mihi est accessisse: vel eo fine, vt inclusum illum meum aperirem, sine occasione non reuelandum. Vt pyrites gemma ignem in se habet, sed non nisi attritu exserit: sic in me, habui amorem, sed tacitum, litteris tuis nunc eductum. Non fallam te vir optime: qualem vel epistola hæc mihi adfirmat: non, inquam, fallam, & te, Virtutis ac Doctrinæ sacerdotem, cum vtraque illâ seriò & fortiter amabo. O vtinam in miserâ patriâ multi hoc ingenio, & habitu sint!

— *quis pudor, & Iustitiæ soror*

Incorrupta Fides!

Quàm plerique vela gratiæ, commodò, deterioribus affectibus pandant, scio te mecum videre, & dolere. Belgicum ingenium è Belgicâ migrat, & Felicitas etiam illa vetus vnà migrat, fortasse non nisi votis reuocanda. Sed à re, id est à te non abeo: animo animum tuum amplector, & *Dexterâ* hac fidem *Sanctæ amicitie* consigno: nouam, sed vt ille ait, animis deinceps non annis æstimandam. Ita esto. & Fides iterum aduocata *Epistolam* claudat, quæ cœpit. Louanij, xvii. Kal. Ianuar. ∞. lccii.

EPIST. LI.

Bruxellam.

HENRICO VAN ETEN, *Præsidi Aerarij Brabantici.*

QUEM hîc vides, virum eruditum & in Theologiâ acrem, causam scriptioni meæ præbuit: voluitq; cōmendari in re, quam ipse dicet. Rogo audias, & si æqua aut publicè profutura (neque enim aliter) exponet; rogo & audientiam & fauentiam ei accommodes. De inualetudine tuâ nuper aliquid, sed obscure
& per

& per nebulam audiui: credo podagram fuisse, atque vtinam fuisse. Reliqua in te integra: ætas, corpus, animus (quod caput est:) & hic præcipuè nobis colendus. Quò magis adolescimus, id est maturescimus, videmus nihil in homine, præter interiorum illam partem, colendum: & reliqua adiuncta, vt verè & fortiter dicam, nugas & fumos esse. Quid si nec esse? solum illud æternum EST; & nos cùm ei accedemus, & conabimur Virtute assimilari. Illa æterna, & in parte nostri æternâ: quò eo? Exorbito? vix apud te, quem scio & meditationum, & lectionum, & sermonum talium esse. Quid tuus Filius nunc in Galliâ? ibi hæret, an reuocas? Ipse quoque maturescit, & adiuuari reip. (utinam tranquillior!) utiliter potest. Fauco illi, te Nobilis & Cl^{me} Domine estimo atque amo: deberi mihi alterum utroque nomine puto. Louanij, xvii. Kal. Ianuar. ∞. IOCII.

EPIST. LII.

Augustam.

MARCO VELSERO S. D.

HISTORIAM BOÏCAM tuam vidi, etsi non te mittente. Hoc culpo leuiter, illam toto pectore & ore laudo. O dignum priscâ gloriâ gentis scriptum! dignum optimis his Principibus! dignum & tibi Velsere. Exemplum præiustit hodie ad id genus scripti: quod iacuisse à mille ampliùs annis boni arbitri fateri debemus, utinam per te excitandum! Sed præiustit, iudicio, industriâ, stilo. Vna Præfatio tua de opere præiudicat, plena prudentiæ, & decoræ grauitatis. Hæc ego amicus, sed non vt amicus: boni peritiq; iudices omnes dicent, quos in hoc æuoptem tibi magis, quàm præstem. Quòd autem meum breuiter nomen inserueris, pluris æstimo, quàm si ab alio, & alibi diffusam laudem. Gratiâ tamen an dicam, ambigo. si enim à iudicio tuo est, debuisti: si ab affectu, ego debeo. Vt cumque, amo te amantem, etiam nec amantem. ea est tua Virtus. Louanij, postrid. Natalis Christiani, ∞. IOCII.

EPIST. LIII.

Coloniam.

GODEFRIDO HERTELIO S. D.

LITTERAE tuæ tardè mihi delatæ, etsi viæ haud magno interuallo. Vide autem an non promptè respondeam, iam nunc vt eas legi. Amo enim vos tales, mi Herteli, bonâ & erectâ indole, ad bona & recta euntes. Itaque & corâ vel iuuare voce & lectionibus soleo, vel animo fauere certè, & monitione etiam, vbi locus, excitare. Idem litteris, sed breuiter facio. Vidisti viam, quâ ad Honorem & Virtutē eatur? insiste obsecro, nec praua aut plebeia iudicia diuertant: quæ nimis hodie ad vanitatem aut leuitatem inclinant. Eadem ad superbiam & confidentiam: cui nullum fulcrum aut fulmentum, nisi ab inscitâ est, & destinato optimorum contemptu. Quàm te iuuabit grandiore, & æui iudicijque maturiore, solidiora hæc amplexum esse? fruges, non flores captasse tantum? Facere te hortor toto animo, & eodem amo: quod etiam hoc *Testimonio*, vt cupiebas, expressi. Louanij, v. Idus Ianuar. ∞. MDCLIII.

QVI HAEC LEGETIS,

SALVTEM ET OFFICIA MEA DEFERO.

INTER exteros, qui in hac studiorum sede egerunt, GODEFRIDVS HERTELIVS, gente Germanus, fuit, commendatus mihi ab Ill^{ri} Viro Matthæo Wackhero, sed qui ipse se vitâ & moribus magis deinde commendauit. Vixit enim hic circiter triennium modestè quod ad vitam, industriè quod ad studia: & vtroque vel bonam vel excitatam indolem ingeniumque ostendit. Iuris studia scopum habuit, adiumenta & directionem etiam litteras: atq; his causis honorem inter consortes studiorum assecutus, Collegio studiosorum Iuris præfuit Decani titulo ornatus. Ab his initijs ad altiora progressurum, spes & votum nostrum est: fauor modò bonorum adiuuet. quem impetratū ei cupimus; atq; vtinam aliquid faciat gratia nostra! Rogamus, & saluere vos iubemus, qui hæc legistis. Louanij, VI. Idus Ianuar. anni ∞. MDCLIII.

Iustus Lipsius, Professor, &
Historiographus Regius.
EPIST.

EPIST. LIIII.

*Mediolanum.*ERYCIO PVTEANO *suo.*

VIDI, vidi Septalij nostri ad Aristotelem, ô gratum mihi & æstimatum opus! Fateor amasse virum, in te & me amicum: sed nunc pernouiſſe, qualem prædicabas. Fruere illo, me invidente: cui hoc mali fati eſt, non habere conſortem ſtudiorum aut ſenſuum meorum, & ſolitarium pergere hanc viam. *Stoïca Philoſophia* valdè nunc exercet, quam Senecæ illuſtrando præmitto, & ſeorſim edo. Alio ævo bona hæc fore, opinor aut ſcio: quid iſto, quod in dies magis (apud nos quidem) ab omni Honeſto abit, nescio: & periclitabor tamen, & Bona docebo atque ingeram, eſſi non alio quàm conſcientiæ huius fructu. ^{Illud} Borromæum ſic in me eſſe, intra me gaudeo, & laudibus de illo tuis applaudo. Sed tu Romam? excuſus opinor cauſâ, nec manſionem te cogitare. I & redi, vbiubi ſemper meus. Luanij, XVI. Kal. Febr. ∞. IDCIII. S. D. Audeantius tuus.

EPIST. LV.

Antuerpiam.

GEORGIO VWENO S. D.

PRÆTER opinionem Antuerpiæ manes, non præter animum meum, qui hoc probat, & conſilio ſtatuiſſe parentem tuum cenſet. Ætas tua iam matureſcit, ingenium adest; forma iudicium apud illum, quo meliorẽ directorem nec votis optes. Cum feceris, & in viâ rectâ fueris ſtudij præferam, cui manciparis, Legalis: æge, ad nos redi, & reliquum illum curſum decurre, cum tuo & reip. bono. Nam & hanc in oculis tibi eſſe cupio, & ciuem te adſictæ Belgicæ cogitare. Habes & in contubernio patris cognatum Bylium, bonum adiutorem, & honeſtis omnibus artibus iamdiu tinctum. Ab hoc quoque hauri & diſce: atque vt poſſis, Modestiam retine (habere enim mihi adhuc viſus) nec opinio vlla te inſlet, peſtis omnis proſectus. Sicut in Iberiâ equas à vento Fauonio concipere aiunt, ſed euanido foetu: ſic in iſtâ re fit, & qui ab Opinione blandiente grauidi, ſerium nihil

pariunt, tumidi tantum vtres. Audi me, & ama. Louanij, xvi. Kal. Febr. ∞. IOCIII.

Ciceronem te non deponere, hortor, & stilum interdum ad eum conformare. Parenti scribere nunc prohibeor: breui faciam. Saluta hunc, & illam: atque vnà Robianum & Schottium, ex animo.

EPIST. LVI.

Mediolanum.

LVDOVICO SEPTALIO V. C. S. D.

O NVNC denique Septalium mihi notum! ô virum in animo isto magnum, & probum! ô mihi etiam amicum! Nam hæc omnia Commentarij tui me docuerunt, nunc denique inspecti, etsi nondum te mittente. Sed vidi, & medius fidius digna omnia summo illo viro, cui lucem præfers, & Philosophiæ simul ac Medicinæ; cuius vtriusque multa pars & arcana in libris ijs tractatur, & Septalio interprete egebat: id est vtriusque illius perito, & Philologiæ simul: quam decorè & vtiliter his quoque iuisti intermixtum. Itaque eruditum & elegans simul opus est; & quisquis in hoc Senatu nostro talis est, iudicio meo *consciscet consentietque*. Maeste amice! & veteris Italiæ gloriam asserere, & ostende magnas illas animas viuere in posteris etiam & spirare. Utinam pluribus! & longa atque immota ista Pax vestra excitet ingenia ad optimas artes, non ad lasciuia aut vanitatem, quò eunt. Atquin & mihi partem laborum tuorum inscripsisti, & ea ipsa quæ *de Labore* erant. Gratum censes? ita, vt nullum munus suprà possit: & quid super immortalitatem sit? quam etsi à meis quoque scriptis sperare leuiter possim, fidentiùs iam cùm tua accedunt: tua, quæ *ære perenniora* censeo: & talis meus in te amor erit, debitus nunc, antea delatus, aut tuo certè relatus. Salue, & ita ego sim saluus. Louanij, xvi. Kal. Febr. ∞. IOCIII.

EPIST.

EPIST. LVII. *Lugd. Bat.*

CORNELIO VAN-DALIO S. D.

NVMQVAM ego te mi Van-dali, nisi in litteris istis vidi, & iam autumo nouisse. Quid? exteriorem te? minimè, sed ipsum te, id est interiorem animi faciem, ita me Deus, pulchram & Honesti illius amantem. Itaque iam nunc amo, & fauco: hor-
tor etiam in optimâ viâ, quam inisti, recto & indefesso pede per-
gere, tuo bono, aliorum exemplo. Quidni exemplo? supra vul-
gum aliquid vos tales estis, quos Deus vt lumen præluce-
re vo-
luit, & ingenij dotes has frui dedit: ne aliò vertite, nec insitas
scintillas & * *ἐναύσματα* per neglectū suffocate. Scribis cogitare te * *femites.*
aliquid in Agellium, & subsidium postulas. Illud laudo, & scri-
ptorem ego habeo purissimæ latinитatis, & planè ad comœdiam
antiquam: istud non abnuo, sed nunc differo, à valetudine &
otio negatum. Illa tristis, hoc nullum est: perge tamen, nec dif-
fer. & quid Tiresiam etiam quæris, cùm Phœbum illic habeas?
Adi, & consule: scio posse, imò & velle. Louanij, xv. Kal. Febr.
∞. IΩCIII.

EPIST. LVIII.

ILL^{mo} ET EXCELL^{mo} Principi CAROLO
Duci Croyo & Arschotano.

NON epistolam à te, sed thesaurum accepisse mihi visus
sum (ex animo scribo) in tam effusâ declaratione beni-
uolentiæ tuæ, ô quo meo merito paratæ! Itaque ego illam inter-
reposita & cimelia habeo, atq; habebo, quamdiu in humanis re-
bus ero. Gratitude referre me quî sperem, aut quî possim? ni-
si solo animo, quem tu magne Princeps non vinctes; & si ille
quod vult possit, beneficia tua profectò æquet. Nunc voluntatē
in solutum defero, atq; etiam ipsam rem, quanta ea ab ingenio
aut stilo meo (hæ meæ opes & dotes sunt) manare vnquam po-
rest. De republicâ vix aliud scribere licet, quia nihil in eâ aliud.
Languemus, medicina quæ solet: hostiles minæ & apparatus. In
Embdanâ regione omnia illis prospera, & confectum pænè iam
bellum.

bellum. Propugnacula & arces, quæ Comes struxerat siue munierat, spatio trium septimanarum omnia expugnata: & ipse regione suâ exactus, ad Imperatorem iuisse dicitur, suppetias rogatum. In Hiberniâ pergunt Angli reliqua sibi subijcere, coloniâ etiam nouâ deductâ, & opido ad mare Hispanicum exstructo. In Galliâ turbæ, vt aiunt, & coniurationes: atque illa nobilitas, nescio quo fato, videtur nunc ad res nouas & fidem exuendam prona. An is quoque inter fructus bellorum ciuilium est? Nostri seditiosi in suos aliquot sæuierunt, & atroci morte affecerunt, conuictos (vt aiunt) consiliorum cum Principe & occultæ pactionis. Leodici Princeps Elector expectabatur, aut iam venit. Alia in publicis non habeo: in meis totus in Philosophiâ sum, sed in Stoicâ: & Senecam, vtilem vitæ magistrum, conor illustrare. Valetudo moram sæpè facit, per hiemem ferè mihi tristior: quæ vt benigna te, Ill^{mc} & Excell^{mc} Princeps, longum respiciat, intimum est meum votum. Louanij, xv. Kal. Febr. ∞. IOCIII.

E P I S T. L I X.

*Antuerpiam.*I O A N N I W O V E R I O *suo.*

DEVS benè. gratias grates agimus, pro salute præter opinionem quorundam redditâ, etsi ex omnium voto. Meo, hoc scis. O quàm timuimus! nec fatum mihi ab annis aut lustris tristius fuisset. Amo enim toto pectore te, quia Honeſta amas, ad quæ à Naturâ videris mihi factus. Sequere illum in te Deum; nihil abripiat, quacumque specie aut illicio: fuge iudicia & vota communia, aut abducent ab illo & illis. Videre te & amplecti validè & calidè cupiebam: sed tempero, atque etiam tibi impero quiescere, nec ante veris teporem te commouere. Ego ad Senecam aliquid molior, & *Manuductionis in Stoicam Philosophiam libros tres* præmitto. Item, *Physica Stoica libros tres*. Opus istis, aut totus Seneca seponendus. Quid sperem tamen his hominibus hæc me probaturum? paucis, & perpaucis: & hoc ideo, quia bona & non in pompam erunt. Vanitatis nunc regnum. Tu vale magis magisque mi Woueri: & scribe ad responsurum; sed cum exceptione, Si vacabit. Scis quàm sæpè, imò semper, distinear: &

iuro

iuro tibi confici me; quò confectus non sum, mirari. Louanij,
XIIII. Kal. Febr. ∞. IOCIII.

EPIST. LX.

Bruxellam.

IOANNI SEVRIO S. D.

DIGNITATE te auctum ab optimo Principe, animo meo gratum est: & gratius, te nuntiante. Significas enim hoc ipso, censere te lætitiā conceptum ex eo à me iri: nec falleris, concepisti. Mereri enim te arbitror, & posse ac velle patriæ prodesse, & Principibus operam nauare. Certè mi Seuri dona à Naturâ, id est à Deo, habes: sed & probitatem obseruauisti: illa exsere, & hanc adhibe, tuo & publico bono fiet. Legatum non volentem te dimittere, hoc opinor: atque vtinam ille optimus optimum aliquem, & tui similem, in locum possit surrogare. Multa requiruntur: & quædam etiam, quæ fortasse non opus requiri. sed præsens hic status rerū suspiciones mouet, & circumspicere omnia cautè iubet. Quando autem abis? quandocumque, à me nō abi, & animo semper, interdum & litteris iungamur. Sed & cum consorte aliquâ tuâ nunc iungere: quò ætas vocat, & certa nunc dignitas inuitat. Ipse bonus ciuis esto, & relinque qui post te fient. Ego philosophabar in his turbis nostris, aut & periculis: nam paullatim ad limitem hæc loca admoueri, non ignoras. Loca etiam per se parum tuta aut firma: quid refert, si Deus tutela nostra est? Ego ita confido, & vt tua sit, corde eum precor. Louanij, XIIII. Kal. Febr. ∞. IOCIII.

EPIST. LXI.

Leodicum.

IACOBO CARONDELETO (*quod Deus approbet*)
recens Præposito Leodicensi designato.

MAGNUM equidem gaudium sensi, in dignitate quâ recenteres auctus. Merebaris eam, aut aliam vel grandiore, virtutis & prudentiæ tuæ prærogatiuâ: & tacito murmure fortuna à nobis accusabatur, quæ in comitijs suis alios anteferreret. Nam voto etiam nostro, vt hoc nunc edam, in patrio nostro solo expectabaris: & aliquid allaborasse me scio, sed illâ cæcâ non

G

fauciente.

fauente. Iam oculos aperuit, honorem tibi non dedit, sed soluit: quo ut diu frui vtriusque Reipublicæ, sacræ & profanæ, bono possis, Reu^{de} & Generose Domine, intimum meum est votum. Deus audiat, & coram gratulari me aliquando, periculorum securum, sinat. Louanij, XI. Kal. Febr. ∞. IOCIII.

EPIST. LXII.

Louanij.

IO. VERGERIO AVRANO S. D.

ADES, ades cum istoc tuo impetu (ita scribis) & palam mihiingere non honesti studium tuum solum, sed profectum. Bonâ fide, epistola tua istum præfert, & simul ingenij tui acumen, & à cælo aliquem ignem: quem fateor me amare in iuuentute, & ut signum, imò ut spōforem optimi animi habere. Hunc excolamus, mi Vergeri. primùm illis sapientiæ diuinæ studijs; deinde & ornamentis siue adiuuentis, quæ huic omnis antiquitas admouit. Subit me delectatio Græcos illos veteres Latinosque legentem, pietatis nostræ assertores aut propagatores: subit interdum (dicendum est) & miseratio, cum video non pari splendore aut dignitate tractari. Age, tu & quibus Deus benignius fauit, excitamini, & iungite per imbecillitatem aut imperitiam disiuncta. Sed ad tuam rem, & scriptionem. Consulis me de epistolâ ad Aristitem vestrum. Dicam? bona & arguta est, & tale ingenium tuum vbique præfert: hoc industria tua addet, ut colorem & phrasim priscae eloquentiæ magis ducas. Natura vbi talis, non ambige vel leui operâ de successu. modicâ, inquam, conformatione opus, & velut Mercurio, qui digitum in viam intendat. Alij laborent, & imitentur: tu cum Pindaro scito, * τὸ δὲ φυσικὸν καὶ πρῶτον ἀπαιτῶν. Ad solum Tullium te vocant: vocent, nec me volente audies; quia Genius aliò trahit. Sicut in humano genere vultus multiformes, & alius aliter pulcher aut decorus est: sic in eloquentiâ scito, nec omni industriâ pariabunt. Lenis aut mitis aliquorum oratio erit, & ut stagnum; aliorum, flumen referet; quorundam, torrêtem. Vis vno verbo? ignem, aërem, aquam, terram in stilo reperies: ut aliquid horum regimen in corpore & mixtione istâ tenet. Hoc fateor, & suadeo, connitendum esse ad optima, & arte ac ductu quodam adhibito:

* Naturâ
quodq. opti-
mum.

bito: sed non vt vis Naturę adferatur, & ne fiat, vt veteri prouerbio monemur, *inuitá* aliquid *Minervá*. Vbi sola imitatio est, & huic adhæremus: quid sit? persona scænica. & vt quidam magnorum virorum habitum, atque incessum, aut gestus imitantur, cetera & interna dispares; sic dictiunculas aut clausulas aliquas Tullij, si fortè, referimus, ad vim & Venerem eius non adspiramus. Itaque audi magis hæc, etsi magnorum virorum monita, quàm ausculta: ætas tibi dicet, vera me dixisse. Tu interea age, quod cœpisti, & cælesti isto liquore perfusus, ad aquas etiam Heliconias accede; sed ignem tamen tuum retine, à cælo, à cælo infusum. Scintillam etiam eius in affectum mei exferre: ego fouebo & augebo in Amicitia legitimæ flammam. In Musæo nostro, VII. Idus Martias. ∞. IOCIII.

EPIST. LXIII.

ILL^{mo} ET EXCELL^{mo} *Principi CAROLO*
Duci Croyo & Arschotano.

HEVRIA tua (quæ antiquorum Heuerléa est) venit ad Te ILLUSTRISSE PRINCEPS, politâ manu desculpta: & qualem aut opere, aut mente, iam deformasti. O visendam HEVRIAM, & dignam exteris in imagine & adumbratione etiam ostendi! Factum est tuis auspicijs: prodit & se promit: sed Tuis primùm oculis, vti par est, se exhibet, versu aliquo nostro obiter insignita. Neque istæ curæ Te nunc dedecent: qui ante octodecim annos, bello & militia, REGI PRINCIPIBVSQVE fortem felicemque operam nauasti: & fidem in illos, caritatem in patriam, pietatem in Deum affatim ostendisti. Honestum igitur otium si exerces, quid mirum est? Neque tamen, nostro voto, diu exerceas: iterumque Patriæ subueni, heu, laboranti & imploranti. Deus illam respiciat, PRINCIPIBVS TIBIQUE inspiret bona consilia, simul & facta. Louanij, IX. Kal. Mart. ∞. IOCIII.

I N H E V R I A M

Ill^{mi} Principis Prætorium

C A R M E N.

MOE STA Ô BELGICA *nostra tolle vultus,*
Tolle, & lumine letiore lustra
 Magni PRINCIPIS *hoc opus; sacratum*
 MVSIS & VENERI, & *venustiorum*
Quidquid est hominum. superba gaude
His adaugeta Palatijs, & Hortis,
Hisce Fontibus, hisce & Arboretis,
Xystis, Limitibusque, & Ambulacris.
O dispar facies vetustiori!
Antè scabra loca hæc, & absque cultu
Horrida, ardua, iniqua, sabulosa:
Nunc quàm splendida, quàm polita rident!
Ades GRAECIA tu vetus, vetusque
Ades ROMA: mea ecce BELGICA audet
Se conferre. & an ausit anteferre?

E P I S T. L X I I I I.

*Panormum Siciliae.*GOMEZIO DE AMESCVA I^{to}. S. D.

EGO ad tales litteras, & à tali, si leam? differam, aut contem-
 nam? O vel cogitationem in me iniuriam! & vide quàm
 hoc factum. Binas tuas, id est, priores ante annum & sesqui da-
 tas, alteras ante menses octo, nunc denique accepi, nunc, horulâ
 antequam ista ipsa scribo. Rem dico. in mensâ eram, tuæ dantur,
 lego, allubesco, manum à cibo ad calamum transfero: est hoc
 cessare, aut adspernari? Talem dignitatem non debeo, tale inge-
 nium non possum: quod vel vtravis epistola satis mihi osten-
 dat. Sed in priore affectum tuum promissus, & laudes meas tan-
 gis: illum toto pectoris ostio admitto, has semiclauso, & ut a-
 micæ procuros illos solent. Velim agnoscere, conscientia mea
 rejicit.

reijcit, nec nisi conatu talem adfirmat. At tu non quæ edidi solùm amas, sed in futura etiam immines, & aues quæ peperî, & quæ parturio, scire. De illis, *Epistolæ* meæ vltimæ dicent, quarum *Centurias quinque* pronuper dedi: in ijs vnam, quæ de *Vitâ* meâ est, & *Scriptis*. Si tanti est, vide. Postremum hoc meum opus; mentior: successit opella, *De Bibliothecis*, & *Dispositio in Italum* quendam, qui proteruè incurrerat, comiter aut & comicè à mereiectus. Non sum pugnax, ipsa Pacis proles: sed cadere debebam, nisi leui manu petulcum hunc arietem reiecissem. Deedendis autem, nunc cùm maximè in manibus habebam *L. Annæum Senecam* vestrum: quidni vestrum? origine, ingenio, eloquio Hispanum aut Hispaniensem, & certè æternum tractus illius decus. Hunc auidè & iucundè illustrabam, breui Commentario: sed & seorsim *Philosophiam Stoicam*; quâ tenebrosâ, frustrâ facem alluxerim illi. Iuuabat, inquam, hoc opus, quia sapientiam animo, non scientiam solùm, infundebat: & mores cum ingenio & linguâ pariter formabat. Si viuo tres quattuor menses & valeo, ibit in lucem. *Monita & Exempla Politica* affecta etiam habebam: de *Institutione Iuuentutis* libellos tres: *Admiranda Judaica, Egyptiaca, Iberica, Gallica*: tum *Historiarum compendium*, si Deus dabit. Nam nos quidem

Tollimus ingentes animos, & maxima paruo

Tempore molimur:

sed ille stat vitæ laborumque arbiter, & producit, aut incîdit. Ecce ad priorem epistolam habes: estne aliud? etiam, caput scriptionis, sic seriò amantem seriò me redamare. Louanij, XVI. Kal. April. ∞. IOCIII.

EPIST. LXV. *Madritum.*

BART. LEONARDO ARGENSOLAE. S. P. D.

CERTE frater Lupercij es, & quidem germanus. Quàm vel in amore mei conspiras? nam de laudibus, omitto: quas dictare iste potuit, debet pudor meus adspernari. Sed amorem talibus ingenijs non ego reddam? facio, & tam ex fide, quàm Virtutem & Doctrinam amo: cuius viriusque vos vetos alumnos in animo laudo & agnosco. O Hispania vestra stirpes has

* *præter
multorum
sensum.*

* *hæcom-
nia in ioco
aut ludi-
brio esse.*

plures proferat! de quâ tu verissimè, sentire eam longæ Pacis ma-
la, Luxum, Cupidinem, & quæ sunt aliæ virilium animorum
pestes. Dicam tibi liberè meum sensum? sed * *ὅθεν δ' ὅθεν ὁ λείωνων*,
scio. Nouus orbis victus vos vicit, & insitum antiquitus robur
libauit, aut fregit. Numquam alius fructus mollium diuitia-
rum fuit: vide omne æuum, & dices. Nos ipsi Belgæ quid nisi
pœnas iamdiu luimus auiti luxus? & luemus: ita astra etiam mi-
nantur. Et opes quidem abiuere à nobis, vitia manent: fastus, la-
sciua, & extremum malorum Impietas, quæ Belgas à Belgis di-
uellit. Nam nos, meo hoc tractu, in religione quidem antiqua-
mus: vtinam cetera sic puri! Ac de studijs optimarum artium,
ante annos aut lustra aliquid fuit: nunc scito, * *πάντα ταῦτα ἐν γέ-
λωτι καὶ παιδιᾷ ἐστίν*. Possunt aliter per continua & infauista hæc
bella? quæ atterunt, non finiunt: nec licet optantibus vel semel
perire. Benignior Deus aspiciat,

— *qui solus opem, qui summa medendi*

Iura tenet:

& idem me nunc ægrum sospitet, te valentem mi Argen sola ser-
uct. Louanij, xv. Kal. April. ∞. IOCIII.

E P I S T. L X V I

Veronam

ANDREAE CHIOCCO V. C. & Doctori Medico S. M. D.

* *cuiusmo-
di plures
Nutrit ter-
ra hæc ni-
gra impo-
stores &
agreas.
* beatus.*

AM O te de hac vñâ & primâ tuâ scriptione, amo mi Chioc-
ce. Quid ita? quia optimum & interiorem tuum animum
mihi ostendit; non mei & doctrinæ tantum, sed, quod caput,
Virtutis & Sapientiæ amantem. O bona & recta tua in hanc
rem iudicia! ô meritas inclamationes in vanos istos litteriones!

* *οἷά τε πολλοῦς*

Βόσκει γὰρ μέλαινα πολυαγρέας ἀνθρώπους.

Ego, bono Deo duce (hac parte * *εὐδαιμον*) ab adolescentiâ spreui
falsam hanc lucem: ad solida iui & scriptis meis miscui, quate-
nus occasio aut argumentum fuit. Parabam magis facere, & to-
tus in *Stoicâ Philosophiâ* illustrandâ, & ab inferis adeò reuocandâ,
eram, ad Senecæ mei lucem: sed Deus intercessit, & signum (ni-
si fallor) discessus clarum mihi misit. Sum quinque iam septi-

manas

manas non in solito illo & veteri languore, sed in pectoris morbo: qui atterit, tabefacit, & vitæ hanc lampada, itemque laborum, alijs tradere impellit.

Linquenda tellus, & domus, & placens

Musa:

neque inuitus faciam, nullâ in parte magis Philosophus, quàm in meditatione hac mortis. Ede illa ipsa, quæ iam affecta, in-
quies. Ita & alij amici increpant. sed mihi sedet Virgilij confi-
lium, felicius patrandum, nihil edi, nisi à viuo me, & manu meâ
missum, ac perfectum. Ignis edat, quidquid ego non edam. Ita-
que multa sub terram feram; eruenda alijs aut tenebris obruen-
da, non refert: non vixi infructuosus aut inglorius: & Sapientia
ac Virtus viuet,

Ipsa suis pollens opibus, nihil indiga nostri.

Ecce de meo sensu. addam de amore in te nouello, sed serio &
acri: paucos me è scriptis meliores simul & doctiores agnouisse.
Itaque amo, amo. Fas mihi sit, & vitam & valetudinem sub tali
Imperatore (agnoscis Medicinæ veteris vocem) agere ac mode-
rari: libens velim, & vel in manibus ac sinu tuo mori. Plura non
possum, serio æger. Memoriam mei tibi commendo, & fidu-
ciam amoris quem tuo præsto. Louanij, xvi. Kal. Maijas,
æ. ccciii.

EPIST. LXVII.

Lugd. Bat.

DOMINICO BAVDIO S. D.

SVAVE simul & triste mihi fuit tuas legere. Suaue, ab affectu
in me veteri & fido, & quem sine fidei hercules iniuriâ non
mutes. Nam & ego firmiter & fortiter te amo. Triste autem, ob-
casus aut fraudes quibus iactaris: neque nunc in portu aliquo
anchoram iecisti. O nostri Bataui, quid agitis? reuelate oculos,
& noscite & admittite, aliter aduocandum. Indignor, & ^{* ardet mihi} ^{hi pectus.} *scilicet*
ταί μοι ἦτορ cum Homero, cum ista ingenia & artes neglegi aut
contemni video, quæ omnibus infulis erant exornanda. Quò-
inus? ad veterem squallorem & tenebras: atque vtinam augur
fallam. Eò minus triste mihi, abire & abiungi: quod morbus
nunc

* vorator. nunc cūm maximè minabatur. Morbus nescio quis * ἀσφαλτος,

* Qui me
tabificāmi-
nuit vires
animūq.

* — ὅς ἐ μάλιστα

Τηκεδόνι συγερῇ μελέων ἐξείλετο θυμόν.

Sed Deus ille, auctor mei, videbit: & alteram sententiam, vtrum-
cumque me volente, feret. Adolescentem probi oris & in-
genij, tinctum optimis artibus, Corn. Van-dalium, libens vidi,
& amare non solum fauere cœpi. Crescant istæ stirpes feliciū
arborum, vtinam feliciore æuo! Vale mi Baudi. Louanij, po-
strid. Non. Maijas, ∞. IOCIII.

EPIST. LXVIII.

Ipras.

IRMIÆ PIERSSENÆO I^{to} S. D.

LITTERAE tuæ mihi pergratæ, & magis Carmina, quæ inge-
nij tui & affectus in me (iste etiam elucet) monumentum
publicasti. Sed & priuato versu me compellasti: ita me Musæ, ad
illarum Genium facta, & quod in ipso morbo (is me nunc men-
ses duos habet) leuamen fuit legisse. Ah mi Pierssenæ, quàm a-
lieno à Musis æuo Musæa hæc pangis! quàm pauci, non dicam
amant, æstimant, sed vel simulant æstimare! Trahunt pedibus
hæc talia, & vel simias pluris, quàm litteratos censent. Senecæ
dictum vanitatis arguitur: *Numquam ita in virtutes cōiuratum iri,*
vt non Philosophiæ nomen sacrum & venerabile sit: ridetur. Ego
iam pridem hæc scio, & ideò tolero, vt solemus vetera & familia-
ria iam mala. Quid Deus Europæ nostræ destinet, nescio: vti-
nam ne Honestum à nobis auferat, & litteras doctores eius aut
præcones. Quæ fama sine ijs est? & sequitur, *Contemptu famæ,*
contemni virtutes. Sed de æuo frustra querar: fatali hæc lege eunt:
te magis horror, animo stare, & rectum clauum tenere, vel Ne-
ptuno insaniente. Constanter ego facio, nec iudicia hæc aliquid
in me mutant, nisi fortasse scribendi edendiq; libidinem: quor-
sum enim ista imperitis, aut ingratiss? Neque tu solus oleum & o-
peram perdidisti in nuncupatione: alij pariter, nisi siqui sint in-
genio & ore ferreo ad exprimendum. Age, exsurge, ad meliorem
tui partem vertere: atque illa te à terrenis & vilibus ad cælum
ducat. Vale mi Pierssenæ. Louanij, XI. Kal. Iunias, ∞. IOCIII.
cūm tuas vidi.

EPIST.

EPIST. LXIX.

HENRICO VWENO S. D.

DOLVI discessisse nuper, cum ipse aduenisses. Scis (sine blanditiâ) quàm amore & sermone tuo delector: in quo isto, & suaue semper aliquid & prudens, & probum etiam ac Virtuti amicum. Mi Vwene, hoc caput est. hanc nisi amamus & colimus, malo fato venimus in hâc vitam, cum poenitentiâ aut poenâ finiendam. Sed heus, an non ego breui finiam? rescribo enim omnia, quæ ad Robianum nostrum optatiora vobis scripseram: ut Luna hic morbus est, imò plus aliquid quàm illa, nec in septimanas, sed in dies atque horas mutat. Hoc biduum pessimè habui, nec voto, sed opinione tamen, propono mihi meum finem. Melancholia est, inquires. Sapientia est, & nihil melius quàm crebrâ tali meditatione ducere animum ad cõtemptiõnem animæ. Multi necessitate aut impetu ad eam alacres venerunt. Nihil est. non nisi ex iudicio & ratione certa illa tranquillitas oritur, ad quam me compono. A libris abstineo, vix has litterulas tales scribo. Vale mi amice. Louanij, postrid. Kal. Iunias, ∞. IOCIH.

EPIST. LXX.

FRANCISCO SWEERTIO S. D.

VNA cum tuis iniunctas è Germaniâ accepi, à nouo aliquo amatore: cui nunc tamē non respondeo, & ut puellæ, pro-canti paullum me subduco. Valetudo nunc non est his talibus, varia, & anceps, an & præceps etiam dicam? Interdum cadere mihi, & ire palàm ad finem videor: interdum exoriri, & melius habere. Leuiter fero. *quis enim queri potest, se in eâ conditione esse, in quâ nemo non est?* Homo natus sum; & ex quo natus sum, ducor ad mortem. Triste hoc cogitare, inquires. Non mihi. & quid si non cogitem? eò minùs ducar? Sicut qui in naui sunt, dormientes ac vigilantes vehuntur, cum sensu, sine sensu: sic nos eò pro-uehimur, & aliquando abripimur aut mergimur, velut tempestate. Philosophiæ satis est. ad Gruterum si scribis, de valetudine insperge, & amicam salutem adde. Viringo quæ dicta vo-

H luisti,

luisti, factum. Tu me ama; & siquid scitu dignum habebis, fac
consortem. Louanij, IIII. Nonas Iunias. ∞. IOCIII.

E P I S T. L X X I.

Leodicum.

C A R O L O B I L L E ' O, Equiti, & Ser^{mo} Electori
à Consilijs interioribus.

D OLOREM, qui animum tuum percutit, mœstus ipse animi
audiui: & quamquam amici non desint, quos plures vir-
tus tua & fortuna habet, qui verbis aut litteris solentur; tamen &
ego venire in partem volui, & officium meum vel superuacuum
offerre. Atque vtinam superuacuum! vtinam ad animum iam
compositum verba faciam! quod etsi à prudentiâ tuâ sperem,
vix ab affectu, quo illam consortem vitæ & thori meritò es pro-
secutus. Optima fuit, suauissima fuit, fœcunda mater, sedula li-
berorum & domus tuæ curator & custos. Quidni in amissâ do-
leas, & talem, numquam habiturus, desideres? Permittit et-
iam Sapientia aliquam hanc confusionem & dolorem: sed ali-
quam. frænât enim mox, & ad rationem reducit, & in eâ tran-
quillum pacatumq; sistit. Quid enim diu aut immodicè lugea-
mus, quod non posse, sed debere euenire, præsciuius? Nā mor-
talis erat: nequē amnis aut perennis aliquis fons, sed torrens, qui
impetu currit, & decurrit. Verissima imago est: vide hanc vitam.
Collectu humorum aliquo nascimur, raptim cum quo labimur:
& alij breuius, longiusque progressi, finimus. Atqui triste illud
finire. Triste, si verè tale esset: nunc mutamur magis, quàm desi-
nimus, imò nos Christiani, diuinâ clementiâ, in meliorē sortem
imus. Quis æs aut metallum perire dixerit, cùm liquefcit & sta-
tua ex eo funditur? Non perit, sed honestatur: & idem in nobis,
qui ex informibus & infirmis in splendidam illam imaginem
Dei transimus. Itaque abeat dolor: imò læticia (det mihi veniam
affectus tuus) succedat, ipso affectu eò ducente. Nempe amasti
illam, & amas? quidni optimè igitur illi esse velis, inter beatas æ-
ternasque mentes? Nec tamen tota à te abijt: respice liberos, quos
numero tibi, & ex utroque sexu, reliquit. Habes grandiores, è
quibus fulcra & nepotes iam speres: habes minores, è quibus so-
latia & gaudia, cottidiano occurso & sermone, captes. Hos pecto-
ri in-

ri inferre, ori interdum admoue: & in istis vivere illâ, & te affari, non falsò crede. Sed à domo etiam tuâ, ad rempublicam, cui natus & destinatus es, redi. Illa altera tua vxor est, huic iungeris, nec à curâ eius potes auelli. Hanc amplectere, & magnis illis cogitationibus, affectuum scintillas preme, siquæ exurgent. Cogita & Principem, tui amantissimum, & tui profectò egentem: vince dolorem vt huic vaces, & magnitudinem animi indue sublimi viro dignam. In theatro positus es, conijciuntur in te oculi: sustine personam, nec defice circa extremû hunc velut actum. Quid enim tibi blandiar? vt diutissimè viuas (& ita voueo) tamen pauca lustra supersunt, & sequêris illam præmissam. Ecce, Amplissime & Nobilissime Domine, haud magnam, sed à magno affectu epistolam: quem in te & tuos constanter seruabo, quamdiu Deus in terris me seruat. Vale, & illo ipso faciente, firmare: quod pectore eum rogo. Louanij, VI. Idus Iunias, ∞. IOCIII.

EPIST. LXXII.

Insulas.

IOANNI SEVRIO, *Graphiario in Senatu rationû Insulensi*, S. D.

TITVLVM hunc tibi antea gratulatus sum, nunc rem & possessionem. Fallor enim, aut illic agis: debes meo iudicio; & hoc quoque (verbo olim monitum) consortem assumere, rei & domus tuæ curatorem. Quid in istâ ætate differs? Ea labitur, vita labitur: & sæpè post moram pœnitentia succedit, & indignatio, Quare non feci? Fruere annis, ô fugacibus! & ego iam & olim sensi; iam maximè, qui multos egi, & præter meminisse quid seruauis? Aliquid in publicum laboraui fortasse: sed annorum nota, non ipsi exstant: neque hæc omnia mihi in magno, qui abiens video, NEC TANTI HVMANA esse. Epitaphia hæc mea inscriptio erit, si Deus & amici volent: ego iussi quidem; nec Timonis aliquo animo, sed Zenonis. Heus, inquires: etiam nunc de Epitaphio? non conualuisse te audimus? Audisti fortasse, & ego tale aliquid nuntiem: sed quàm infirma hæc firma nostra sint, quàm labi nos in ipso statu faciles, nimis sum expertus. Blandiens ventus non me inducet, quin tempestatem & nimbium mox expectem. Extra Philosophiam, & communi

linguâ: meliusculè, sed ambiguè valeo; & dies, imò horæ pænè, alternant. Tu vt animo inprimis, deinde & corpore valeas, illo me ames vnà cum Remaclo nostro viro optimo, meum est votum. Louanij, III. Idus Iunias, ∞. IOCIII.

EPIST. LXXIII.

Bruxellam.

FERDINANDO DE SALINAS, *Consiliario*
Senatus Principum.

ABEVNTEM Riuium nostrum, veterrimum è meis discipulis, & addam felicissimi inter eos ingenij & profectus, elogio an testimonio apud te prosequi, animus adegit magis, quàm res exegit. Quid enim apud te opus, qui nosti? qui notum amasti? qui amatum re & beneficentiâ iuuisti? Nec enim me celauit, aut debuit, quâ liberalitate nuper eum affeceris, & ad culmen illud honoris euexeris, quod tibi meritò inscribet. Laudandum te vndique. qui optimas artes ipse colis, cultores alios subleuas, & instar Dei illius, bonus ipse bonos optas, imò facis. Opportunè in hoc æuo, quod talia calcat aut præterit: opportunè in isto eius (Riuium dico) articulo, qui in viâ & salebrâ hærebat, nisi à te eductus. O fac porrò! Vt enim fruges non bonitas soli tantùm gignit, sed cæli Solisque fatus & temperies educit atque elicit: sic ingenia & artes, non à Naturæ tantùm velut solo alenda, sed vestrâ procerum benignitate, & velut cælesti aurâ, fouenda atque attollenda sunt. Certè iste noster per aspera adhuc iactatus, viam non deseruit: spero mitior fors ridebit, & Comici illud expetet,

Fortiter malum qui patitur, idem post potitur bonum.

Hoc ego amico meo opto, & te, Nobilis ac Clar^{me} Domine, in virtute tuâ, & comite eius dignitate, diu viuere & vigere. Louanij, prid. Idus Iunias. ∞. IOCIII.

EPIST. LXXIV.

Romam.

IO. BAPTISTAE BARONIO *suo.*

Vi x posui tuas, & respondeo. Amor in te meus fecit, ille perpetuus (ne ambige) & paternus. Sed ego ipse quàm pænissimè nuper defeci? Iteri in extremâ Salutis lineâ, pedem reduxi, & iterum valere videor, sed languori etiam vicinus. Fragile vasculum sum, vt rem dicam, & fractum audietis, priusquam frangi. Tu autem Romæ? Neapolim isse te tuæ, an Richardoti, mihi significarunt. Sed & mansionis decretum profers, non pro tuorum hîc arbitrio, vt nuper coràm Antuerpiæ audiui. Ego quidem haud dissentio, & facilè ætatem hanc tibi donem, sub Autumnum suadeam redire. Non Roma, non Romanus aliquis (Romanam fugio dicere) vltrà teneat: & cùm manes, apud te etiam mane: nec laxa nimis aut diffunde. Vt vinum vigorem & florem seruat, sed clausum; apertum exhalat: sic tibi fiet; virtus apud secretum manebit, vanesces si vulgaris. Paucis & bonis assuesce, atque ijs notis: cetera liber esto, & præsertim in spectionibus illis antiquis. O suaues, ô vtilis! mihi si liceret, fructum capiam quem non cepi. De Ill^{mo} Baronio, gaudeo sic in me esse: cùm scribam ad eum (sed materies expectanda est) per te fiet, atque aliquid etiam de te inspergam. Publica hîc, vt semper ambigua, turbida: voluntas in Britannîâ noui Regis pariter anceps, tecta; & partes nostræ sibi, & nos vindicamus. Quies & pax his regni auspicijs conuenit: seruaturum puto, saltem temporariam: ego affectum in te, mi Baroni, æternum. Vale. Louanij, Kal. ipfis Quintilibus, ∞. IOCIII.

EPIST. LXXV.

Gandauum.

MAXAEMYLIANO VRIENDTIO.

LIBROS Carminum tuorum diutulè ante litteras accepi, quas adiunctas tamen fuisse suspicor, missui illi condimentum. Etsi quo condimento opus eiusmodi bellarijs? quæ, mihi crede Vriendti, veterem Græciam ac Latium sapiunt,

ô suauia mentibus, quæ melioris doctrinæ gustum ac sensum habent. Illæ quidem hæc tua

Furent Albano Musas in monte locutas.

Alia iudicia assis ne æstima, quæ quid sint Veneres aut Charites nesciunt, & quidquid ad Monetam non facit absunt laudare. Nos & dilecta ingenia oblectasti, Belgarum gloriæ addidisti:

— *sume superbiam*

Quæsitam meritis:

imò non fume, & in Modestix finibus siste. quia si vlla dona à Deo, ista ingenij, & maximè vaticinij sunt: illi adscribamus, &

Qui dedit hæc hodie, cras si volet auferet.

Vt non ille palam, etas occultè faciet, & cùm in annis grauis eris, lentitudo & frigus aderit, nec felix stili iste calor. At in me amando maneat, nec vel æuum refrigeret, meo quidem voto, imò & exemplo. Louanij, III. Non. Quinctil. ∞. IOCIH.

E P I S T. L X X V I.

Bruxellam.

FRANCISCO TREGIANO, BRITANNO V. N.

LITTERAE tuæ, mihi pergratæ, etsi grata & non grata quædam dicunt. Illud displicet, in Aulâ te hære, vbi vada & Syrtes, an & Circe aliqua etiam occurrit? Nec vna, vt fateris: & vides & rides ineptias, qui à vitreâ illâ Deâ alliciuntur, tanguntur, & quid nisi in pecudes, si non feras, mutantur? Amadium

* nugas & suum, & tales scriptores legunt, loquuntur, cogitant: id est * φλυα-
ineptias. ρίας η̃ φλεδονείας meras, an & * θαφθοράς η̃ ὀλέθρους animorum di-

* corrupte- cam? Atque hic est * ὄλβος, quem illi putant,
las & pestes. — η̃ χάρις ζω —

* felicitas.

* Et gratia

vitalis, cū

suauis sonā

lyrâ, atque

omnium

vocum in-

strumentis.

* - Achaia,

non iam

Achiui.

* Vna non

duos nescu-

racapit.

* — η̃ χάρις ζω —

θαλμιος, ἀδυμελεῖ

θ' αἶμα μὲν φόρμυγγι, φαρμά —

τοισί τ' ἐν ἔντεσι αὐλῶν.

A me abeant, à te etiam, quæso — * ἀχαϊίδες, ἐκ ἑτ' ἀχαιοί. Fateor
varia studia finesque esse, & cum Thebano vate,

* μία δ' ἐχ' ἅπαντας ἀμμε θρέφει

μελέτα:

& fateor etiam, optimæ Sapientix studium rarum esse: sed ta-
men ad hoc te voco: ego, an altius ingenium iam diu tuum? Cer-
tè Deus

tè Deus tale dedit: cui si cultus, vt cœpit, accedit, & cursus per
 viam rectam: quid non sublime & * *θαυμαστόν* de te spondeamus? * *Admirabile.*
 Scripta, quæ vidi, asserunt: & hæc facient, quæ videnda iam mi-
 fisti. De Republicâ nostrâ quæ nuntias, spem quàm rem bonam
 habent. Sed ista * *βεβούτης* nostra, quâ sollenniter iam vtimur, * *Tarditas.*
 quid in bello præsertim magnum pariat? Scio nec * *προπτεται* * *Præcipi-*
 optabilem aut laudabilem esse: sed tamen maturitatem & quæ
 Delfinum ancore suæ iungat. Fabium in defensione non abnuâ;
 in aggressu Achillem, Alexandrum, Cæsarem præopté. In vestrà
 autem * *νάσω πολυμάλω*, quid nouus * *σκηπτεῖχος* faciet? vtrum * *ὄδον* * *Insulâ*
ὄρθην ἢ δίκης ἢ ἀληθείας βαδίσει, ἢ τὴν σολιὰν ἢ ἀπάτης; Sub initia * *pecorosâ.*
 egrè dijudices, vbi multa temporibus & hominibus danda, con-
 tra animi etiam sensum. Legatum nostrum comiter & (pro mo-
 re gentis vestræ) splendide acceptum audio: cetera modò respon-
 deant. quod breui videbimus: & quando ipsum te, mi Tregia-
 ne? cui gratias ago debeo quæ pro narratiunculâ facti admirandi: ** Rectam*
 admirandi, sed & per me in loco ad posteros (meretur enim) *viam In-*
 propagandi. Vale: & longior eram, nisi auocarer. Louanij, Kal. *stittia &*
 Sextil. ∞. IOCIII. *Veritatis*
ibit, an ob-
liquam
fraudis?

EPIST. LXXVII.

Romam.

IOANNI HEMELARIO suo.

HEVUS tu, semper te amo, sæpè cogito, rarò scribo: & omnia
 causas suas habent. Amor ab amore tuo est, & ab indole
 optimâ, quam semper in te vidi, & magis excultam, & virtuti as-
 fertam, magis amo; cogitatio ab eodem; scriptio rarior ab occu-
 patiunculis, item quæ à valetudine, ita me Deus, tenui & negotijs
 non subsistente. Otium & quietem flagitat, non solum poscit.
 Vnius te monui olim, & moneo: in hac ætate vigente & floridâ,
 plusculum animi & fiduciæ fume: & te atque alios item noris:
 te, qui sis; qui non sint, illos. Neq; ad elationem voco, quam odi
 portis inferni deterius, cum Homero hoc dicam: sed ad animi
 iustum medium quæ tenorem, in quo virtus. Rubenium meum
 vides? modestia ipsa est: animum? scit cæleste aliquid se esse, &
 lucere debere, atque eò contendit. Hominem te Deus fecit, nec
 ex istâ ingeniorum plebe: cur ordinem deseras, & subselliâ po-
 tius

rius quàm fellam curulem eas inessum? Non meo voto aut iudicio facies: erige te, & pietate volente, sidus in hoc mundo esto. Genus vitæ elegisse Sacrum scribis. Semper te eò destinaui, & gaudeo spem meam affirmasse. Ego alta cogito, alta: id est cælum, quò me languores perpetui isti ducunt, non enim trahunt. At tu valetudinem integratam gratularis. Falsus es. non est quæ fuit, neque erit: sed viuimus tamen, & metæ vicini non tam reduximus, quàm frænauimus præcipitem gradum. Abire etiam non metus aut mora est: à prauis, à turbidis. & Deus ferreo sæculo me inclusit, & quod initius metallum non spondet. Publica eunt, vti consilia sunt: nam Fata iniuste accusemus. Vale mi optime Hemelari, & amande semper ama. Louanij, XIII. Kal. Septembr. ∞. IOCHIL.

E P I S T. L X X V I I I.

Perusum.

M. ANTONIO BONCIARIO S. D.

LITTERAS tuas, amorem & elegantiam spirantes, accepi, & animo caras fuisse, libens profiteor ac testor. Nam amari à nobis Italiam, quis nescit? & viros certè, siqui in eâ, vetere & nuperâ etiam illâ Italiâ, exhibent se dignos. Tu ille es mi Bonciario. quod epistola tua mihi dicit, vna nec diffusa, fateor: sed vt Colossi magnitudo vel in breui sigillo se ostendit; sic ingenium & doctrina etiam in tenui & extemporaneo scripto. Itaque & ab hac causâ te amo: quid cùm Bencium meum, qui heu fuit, velut auspice amicitie adhibes: quomodo non vltro me in vincula ista donem? Facio serio: hoc præfatus tātum, amare me iuxta tecum, aut supra, posse: paria officijs aut scriptionibus vix posse. quia & sæpè ita distringor, vt non liceat; & languero etiam, vt non libeat hæc vsurpare. At, vt dixi, amabo, & id iudicio: certiore illo, quàm tu in laudes meas iuisti, quas inerrare auribus meis patior, sed non in longum, notitiâ mei reuocâte & abnuente. Sicut tamen Stratocles, opinor, olim Atheniensibus cùm res prosperas nuntiaffet falsò: increpâribus deinde dixit, Quid enim mali si meâ operâ biduum lætiores egistis? tale aliquid mihi euenire fateor, & breui letitiâ perfundi elogiorum talium; sed breui, & perfundi. Ego nunc totus in *Stoicis & Senecâ* eram, post ancipitem

pittem sanè morbum: & breui illa videbitis, si mea Parca menses etiam aliquot parcit. Tu vale, Vir inter paucos mihi deinceps amande, atque æstimande. Louanij, XII. Kal. Septembr. ∞. IOCIII. statim à tuis litteris acceptis.

EPIST. LXXIX.

Neapolim.

IVLIO CAESARI CARACCIOLO S. D.

ILL^{ME} DOMINE, Litteras tuas accepi, & generosam indolem, & beniuolentiam in me spirantes. Gauisus sum. nam animum meum seriò afficit, cùm vos è stirpe nobili & altâ, dignos eâ video, & non incumbentes maiorum famæ tantùm, sed à se tradere & propagare eam aptos. Fatemur sanè, vt à radice & stirpe bonâ fructus tales, sic à nobili semine germina talia expectanda esse: sed quanto optabilius spectare, quàm expectare? In te ego video, qui iam olim optimis artibus, & quæ ad Honorem & Virtutem ducant, imbutus, perseueras easdem colere, atque eos etiam amare & estimare qui colunt. Hęc res me tibi conciliauit, & locis diffitū coniunxit; affectu quidem. nam vt corporibus, non datur, non dabitur, vt mea quidē valetudo est, haud facta ad peregrinandum, imò nec ad diurnandū. Annis graues non sumus, sed laboribus fessi aut fracti sumus: & respicimus exitum, vt ij solent, qui in custodiâ molestiore tenētur. Nil circa nos, nisi bella & turbæ: & inter dispares agimus, quod liberè & verè apud te profitemur. Scripsi iam nunc ad ANNAEVM SENECAM, & Stoicam totā Philosophiam libaui: eo certè fructu, vt mihi robur imprefferim, dum alijs idem paro. Sicut in naui qui transfert & vehit, idem vehitur: sic mihi factum in Scriptore, quem natum seruatumque censeo bono generis humani. Vale Ill^{ME} Domine, & Honesta ac me ama. Louanij, Nonis Septembr. ∞. IOCIII.

EPIST. LXXX.

Bruxellam.

PETRO PANTINO V. R.

REDITVM ego & salutem ex animo tibi gratulor, belli & morbi periculis euoluto. Vtinam de patriâ sic loqui liceat: quid loqui? vtinam sperare! Sed heu, vndique ^{* ἀτυχίματα} ^{* Infortuna} tristiora, ^{nīa}

^a Mala cō- tristiora, quia caussam ^a δουλειάν nostram, an ^b ἀδουλίαν, habent.
^{filia.} Illa nuper ad Hoochstratam, quàm ^c ἐπικρίδισα? ista ad Bascum-
^b Nulla cō- ducis quàm ^d ὀλέθρα? Et hosti quantum accedet, nobis decedet
^{filia.} ^e Pudentia. eâ captâ, quisquis planè ^e ἀφρον non est, videt. Ego tibi de me fa-
^{Exitia-} ^{lia.} ^f ^g ^h ⁱ ^j ^k ^l ^m ⁿ ^o ^p ^q ^r ^s ^t ^u ^v ^w ^x ^y ^z ^{aa} ^{ab} ^{ac} ^{ad} ^{ae} ^{af} ^{ag} ^{ah} ^{ai} ^{aj} ^{ak} ^{al} ^{am} ^{an} ^{ao} ^{ap} ^{aq} ^{ar} ^{as} ^{at} ^{au} ^{av} ^{aw} ^{ax} ^{ay} ^{az} ^{ba} ^{bb} ^{bc} ^{bd} ^{be} ^{bf} ^{bg} ^{bh} ^{bi} ^{bj} ^{bk} ^{bl} ^{bm} ^{bn} ^{bo} ^{bp} ^{bq} ^{br} ^{bs} ^{bt} ^{bu} ^{bv} ^{bw} ^{bx} ^{by} ^{bz} ^{ca} ^{cb} ^{cc} ^{cd} ^{ce} ^{cf} ^{cg} ^{ch} ^{ci} ^{cj} ^{ck} ^{cl} ^{cm} ^{cn} ^{co} ^{cp} ^{cq} ^{cr} ^{cs} ^{ct} ^{cu} ^{cv} ^{cw} ^{cx} ^{cy} ^{cz} ^{da} ^{db} ^{dc} ^{dd} ^{de} ^{df} ^{dg} ^{dh} ^{di} ^{dj} ^{dk} ^{dl} ^{dm} ^{dn} ^{do} ^{dp} ^{dq} ^{dr} ^{ds} ^{dt} ^{du} ^{dv} ^{dw} ^{dx} ^{dy} ^{dz} ^{ea} ^{eb} ^{ec} ^{ed} ^{ee} ^{ef} ^{eg} ^{eh} ^{ei} ^{ej} ^{ek} ^{el} ^{em} ^{en} ^{eo} ^{ep} ^{eq} ^{er} ^{es} ^{et} ^{eu} ^{ev} ^{ew} ^{ex} ^{ey} ^{ez} ^{fa} ^{fb} ^{fc} ^{fd} ^{fe} ^{ff} ^{fg} ^{fh} ^{fi} ^{fj} ^{fk} ^{fl} ^{fm} ^{fn} ^{fo} ^{fp} ^{fq} ^{fr} ^{fs} ^{ft} ^{fu} ^{fv} ^{fw} ^{fx} ^{fy} ^{fz} ^{ga} ^{gb} ^{gc} ^{gd} ^{ge} ^{gf} ^{gg} ^{gh} ^{gi} ^{gj} ^{gk} ^{gl} ^{gm} ^{gn} ^{go} ^{gp} ^{gq} ^{gr} ^{gs} ^{gt} ^{gu} ^{gv} ^{gw} ^{gx} ^{gy} ^{gz} ^{ha} ^{hb} ^{hc} ^{hd} ^{he} ^{hf} ^{hg} ^{hh} ^{hi} ^{hj} ^{hk} ^{hl} ^{hm} ^{hn} ^{ho} ^{hp} ^{hq} ^{hr} ^{hs} ^{ht} ^{hu} ^{hv} ^{hw} ^{hx} ^{hy} ^{hz} ^{ia} ^{ib} ^{ic} ^{id} ^{ie} ^{if} ^{ig} ^{ih} ⁱⁱ ^{ij} ^{ik} ^{il} ^{im} ⁱⁿ ^{io} ^{ip} ^{iq} ^{ir} ^{is} ^{it} ^{iu} ^{iv} ^{iw} ^{ix} ^{iy} ^{iz} ^{ja} ^{jb} ^{jc} ^{jd} ^{je} ^{jf} ^{jj} ^{jk} ^{jl} ^{jm} ^{jn} ^{jo} ^{jp} ^{jq} ^{jr} ^{js} ^{jt} ^{ju} ^{jv} ^{jw} ^{jx} ^{ja} ^{jb} ^{jc} ^{jd} ^{je} ^{jf} ^{jj} ^{jk} ^{jl} ^{jm} ^{jn} ^{jo} ^{jp} ^{jq} ^{jr} ^{js} ^{jt} ^{ju} ^{jv} ^{jw} ^{jx} ^{ka} ^{kb} ^{kc} ^{kd} ^{ke} ^{kf} ^{kg} ^{kh} ^{ki} ^{kj} ^{kl} ^{km} ^{kn} ^{ko} ^{kp} ^{kq} ^{kr} ^{ks} ^{kt} ^{ku} ^{kv} ^{kx} ^{ky} ^{kz} ^{la} ^{lb} ^{lc} ^{ld} ^{le} ^{lf} ^{lg} ^{lh} ^{li} ^{lj} ^{lk} ^{ll} ^{lm} ^{ln} ^{lo} ^{lp} ^{lq} ^{lr} ^{ls} ^{lt} ^{lu} ^{lv} ^{lw} ^{lx} ^{ly} ^{lz} ^{ma} ^{mb} ^{mc} ^{md} ^{me} ^{mf} ^{mg} ^{mh} ^{mi} ^{mj} ^{mk} ^{ml} ^{mm} ^{mn} ^{mo} ^{mp} ^{mq} ^{mr} ^{ms} ^{mt} ^{mu} ^{mv} ^{mw} ^{mx} ^{my} ^{mz} ^{na} ^{nb} ^{nc} nd ^{ne} ^{nf} ^{ng} ^{nh} ⁿⁱ ^{nj} ^{nk} ^{nl} ^{nm} ⁿⁿ ^{no} ^{np} ^{nq} ^{nr} ^{ns} ^{nt} ^{nu} ^{nv} ^{nw} ^{nx} ^{ny} ^{nz} ^{oa} ^{ob} ^{oc} ^{od} ^{oe} ^{of} ^{og} ^{oh} ^{oi} ^{oj} ^{ok} ^{ol} ^{om} ^{on} ^{oo} ^{op} ^{oq} ^{or} ^{os} ^{ot} ^{ou} ^{ov} ^{ow} ^{ox} ^{oy} ^{oz} ^{pa} ^{pb} ^{pc} ^{pd} ^{pe} ^{pf} ^{pg} ^{ph} ^{pi} ^{pj} ^{pk} ^{pl} ^{pm} ^{pn} ^{po} ^{pp} ^{pq} ^{pr} ^{ps} ^{pt} ^{pu} ^{pv} ^{pw} ^{px} ^{py} ^{pz} ^{qa} ^{qb} ^{qc} ^{qd} ^{qe} ^{qf} ^{qg} ^{qh} ^{qi} ^{qj} ^{qk} ^{ql} ^{qm} ^{qn} ^{qo} ^{qp} ^{qq} ^{qr} ^{qs} ^{qt} ^{qu} ^{qv} ^{qw} ^{qx} ^{qy} ^{qz} ^{ra} ^{rb} ^{rc} rd ^{re} ^{rf} ^{rg} ^{rh} ^{ri} ^{rj} ^{rk} ^{rl} ^{rm} ^{rn} ^{ro} ^{rp} ^{rq} ^{rr} ^{rs} ^{rt} ^{ru} ^{rv} ^{rw} ^{rx} ^{ry} ^{rz} ^{sa} ^{sb} ^{sc} ^{sd} ^{se} ^{sf} ^{sg} ^{sh} ^{si} ^{sj} ^{sk} ^{sl} sm ^{sn} ^{so} ^{sp} ^{sq} ^{sr} ^{ss} st ^{su} ^{sv} ^{sw} ^{sx} ^{sy} ^{sz} ^{ta} ^{tb} ^{tc} ^{td} ^{te} ^{tf} ^{tg} th ^{ti} ^{tj} ^{tk} ^{tl} tm ^{tn} ^{to} ^{tp} ^{tq} ^{tr} ^{ts} ^{tt} ^{tu} ^{tv} ^{tw} ^{tx} ^{ty} ^{tz} ^{ua} ^{ub} ^{uc} ^{ud} ^{ue} ^{uf} ^{ug} ^{uh} ^{ui} ^{uj} ^{uk} ^{ul} ^{um} ^{un} ^{uo} ^{up} ^{uq} ^{ur} ^{us} ^{ut} ^{uu} ^{uv} ^{uw} ^{ux} ^{uy} ^{uz} ^{va} ^{vb} ^{vc} ^{vd} ^{ve} ^{vf} ^{vg} ^{vh} ^{vi} ^{vj} ^{vk} ^{vl} ^{vm} ^{vn} ^{vo} ^{vp} ^{vq} ^{vr} ^{vs} ^{vt} ^{vu} ^{vv} ^{vw} ^{vx} ^{vy} ^{vz} ^{wa} ^{wb} ^{wc} ^{wd} ^{we} ^{wf} ^{wg} ^{wh} ^{wi} ^{wj} ^{wk} ^{wl} ^{wm} ^{wn} ^{wo} ^{wp} ^{wq} ^{wr} ^{ws} ^{wt} ^{wu} ^{wv} ^{ww} ^{wx} ^{wy} ^{wz} ^{xa} ^{xb} ^{xc} ^{xd} ^{xe} ^{xf} ^{xg} ^{xh} ^{xi} ^{xj} ^{xk} ^{xl} ^{xm} ^{xn} ^{xo} ^{xp} ^{xq} ^{xr} ^{xs} ^{xt} ^{xu} ^{xv} ^{xw} ^{xa} ^{xb} ^{xc} ^{xd} ^{xe} ^{xf} ^{xg} ^{xh} ^{xi} ^{xj} ^{xk} ^{xl} ^{xm} ^{xn} ^{xo} ^{xp} ^{xq} ^{xr} ^{xs} ^{xt} ^{xu} ^{xv} ^{xw} ^{ya} ^{yb} ^{yc} ^{yd} ^{ye} ^{yf} ^{yg} ^{yh} ^{yi} ^{yj} ^{yk} ^{yl} ^{ym} ^{yn} ^{yo} ^{yp} ^{yq} ^{yr} ^{ys} ^{yt} ^{yu} ^{yv} ^{yw} ^{ya} ^{yb} ^{yc} ^{yd} ^{ye} ^{yf} ^{yg} ^{yh} ^{yi} ^{yj} ^{yk} ^{yl} ^{ym} ^{yn} ^{yo} ^{yp} ^{yq} ^{yr} ^{ys} ^{yt} ^{yu} ^{yv} ^{yw} ^{za} ^{zb} ^{zc} ^{zd} ^{ze} ^{zf} ^{zg} ^{zh} ^{zi} ^{zj} ^{zk} ^{zl} ^{zm} ^{zn} ^{zo} ^{zp} ^{zq} ^{zr} ^{zs} ^{zt} ^{zu} ^{zv} ^{zw} ^{za} ^{zb} ^{zc} ^{zd} ^{ze} ^{zf} ^{zg} ^{zh} ^{zi} ^{zj} ^{zk} ^{zl} ^{zm} ^{zn} ^{zo} ^{zp} ^{zq} ^{zr} ^{zs} ^{zt} ^{zu} ^{zv} ^{zw} ^{aa} ^{ab} ^{ac} ^{ad} ^{ae} ^{af} ^{ag} ^{ah} ^{ai} ^{aj} ^{ak} ^{al} ^{am} ^{an} ^{ao} ^{ap} ^{aq} ^{ar} ^{as} ^{at} ^{au} ^{av} ^{aw} ^{ax} ^{ay} ^{az} ^{ba} ^{bb} ^{bc} ^{bd} ^{be} ^{bf} ^{bg} ^{bh} ^{bi} ^{bj} ^{bk} ^{bl} ^{bm} ^{bn} ^{bo} ^{bp} ^{bq} ^{br} ^{bs} ^{bt} ^{bu} ^{bv} ^{bw} ^{bx} ^{by} ^{bz} ^{ca} ^{cb} ^{cc} ^{cd} ^{ce} ^{cf} ^{cg} ^{ch} ^{ci} ^{cj} ^{ck} ^{cl} ^{cm} ^{cn} ^{co} ^{cp} ^{cq} ^{cr} ^{cs} ^{ct} ^{cu} ^{cv} ^{cw} ^{cx} ^{cy} ^{cz} ^{da} ^{db} ^{dc} ^{dd} ^{de} ^{df} ^{dg} ^{dh} ^{di} ^{dj} ^{dk} ^{dl} ^{dm} ^{dn} ^{do} ^{dp} ^{dq} ^{dr} ^{ds} ^{dt} ^{du} ^{dv} ^{dw} ^{dx} ^{dy} ^{dz} ^{ea} ^{eb} ^{ec} ^{ed} ^{ee} ^{ef} ^{eg} ^{eh} ^{ei} ^{ej} ^{ek} ^{el} ^{em} ^{en} ^{eo} ^{ep} ^{eq} ^{er} ^{es} ^{et} ^{eu} ^{ev} ^{ew} ^{ex} ^{ey} ^{ez} ^{fa} ^{fb} ^{fc} ^{fd} ^{fe} ^{ff} ^{fg} ^{fh} ^{fi} ^{fj} ^{fk} ^{fl} ^{fm} ^{fn} ^{fo} ^{fp} ^{fq} ^{fr} ^{fs} ^{ft} ^{fu} ^{fv} ^{fw} ^{fx} ^{fy} ^{fz} ^{ga} ^{gb} ^{gc} ^{gd} ^{ge} ^{gf} ^{gg} ^{gh} ^{gi} ^{gj} ^{gk} ^{gl} ^{gm} ^{gn} ^{go} ^{gp} ^{gq} ^{gr} ^{gs} ^{gt} ^{gu} ^{gv} ^{gw} ^{gx} ^{gy} ^{gz} ^{ha} ^{hb} ^{hc} ^{hd} ^{he} ^{hf} ^{hg} ^{hh} ^{hi} ^{hj} ^{hk} ^{hl} ^{hm} ^{hn} ^{ho} ^{hp} ^{hq} ^{hr} ^{hs} ^{ht} ^{hu} ^{hv} ^{hw} ^{hx} ^{hy} ^{hz} ^{ia} ^{ib} ^{ic} ^{id} ^{ie} ^{if} ^{ig} ^{ih} ⁱⁱ ^{ij} ^{ik} ^{il} ^{im} ⁱⁿ ^{io} ^{ip} ^{iq} ^{ir} ^{is} ^{it} ^{iu} ^{iv} ^{iw} ^{ix} ^{iy} ^{iz} ^{ja} ^{jb} ^{jc} ^{jd} ^{je} ^{jf} ^{jj} ^{jk} ^{jl} ^{jm} ^{jn} ^{jo} ^{jp} ^{jq} ^{jr} ^{js} ^{jt} ^{ju} ^{jv} ^{jw} ^{jx} ^{ja} ^{jb} ^{jc} ^{jd} ^{je} ^{jf} ^{jj} ^{jk} ^{jl} ^{jm} ^{jn} ^{jo} ^{jp} ^{jq} ^{jr} ^{js} ^{jt} ^{ju} ^{jv} ^{jw} ^{jx} ^{ka} ^{kb} ^{kc} ^{kd} ^{ke} ^{kf} ^{kg} ^{kh} ^{ki} ^{kj} ^{kl} ^{km} ^{kn} ^{ko} ^{kp} ^{kq} ^{kr} ^{ks} ^{kt} ^{ku} ^{kv} ^{kx} ^{ky} ^{kz} ^{la} ^{lb} ^{lc} ^{ld} ^{le} ^{lf} ^{lg} ^{lh} ^{li} ^{lj} ^{lk} ^{ll} ^{lm} ^{ln} ^{lo} ^{lp} ^{lq} ^{lr} ^{ls} ^{lt} ^{lu} ^{lv} ^{lw} ^{lx} ^{ly} ^{lz} ^{ma} ^{mb} ^{mc} ^{md} ^{me} ^{mf} ^{mg} ^{mh} ^{mi} ^{mj} ^{mk} ^{ml} ^{mm} ^{mn} ^{mo} ^{mp} ^{mq} ^{mr} ^{ms} ^{mt} ^{mu} ^{mv} ^{mw} ^{mx} ^{my} ^{mz} ^{na} ^{nb} ^{nc} nd ^{ne} ^{nf} ^{ng} ^{nh} ⁿⁱ ^{nj} ^{nk} ^{nl} ^{nm} ⁿⁿ ^{no} ^{np} ^{nq} ^{nr} ^{ns} ^{nt} ^{nu} ^{nv} ^{nw} ^{nx} ^{ny} ^{nz} ^{oa} ^{ob} ^{oc} ^{od} ^{oe} ^{of} ^{og} ^{oh} ^{oi} ^{oj} ^{ok} ^{ol} ^{om} ^{on} ^{oo} ^{op} ^{oq} ^{or} ^{os} ^{ot} ^{ou} ^{ov} ^{ow} ^{ox} ^{oy} ^{oz} ^{pa} ^{pb} ^{pc} ^{pd} ^{pe} ^{pf} ^{pg} ^{ph} ^{pi} ^{pj} ^{pk} ^{pl} ^{pm} ^{pn} ^{po} ^{pp} ^{pq} ^{pr} ^{ps} ^{pt} ^{pu} ^{pv} ^{pw} ^{px} ^{py} ^{pz} ^{qa} ^{qb} ^{qc} ^{qd} ^{qe} ^{qf} ^{qg} ^{qh} ^{qi} ^{qj} ^{qk} ^{ql} ^{qm} ^{qn} ^{qo} ^{qp} ^{qq} ^{qr} ^{qs} ^{qt} ^{qu} ^{qv} ^{qw} ^{qx} ^{qy} ^{qz} ^{ra} ^{rb} ^{rc} rd ^{re} ^{rf} ^{rg} ^{rh} ^{ri} ^{rj} ^{rk} ^{rl} ^{rm} ^{rn} ^{ro} ^{rp} ^{rq} ^{rr} ^{rs} ^{rt} ^{ru} ^{rv} ^{rw} ^{rx} ^{ry} ^{rz} ^{sa} ^{sb} ^{sc} ^{sd} ^{se} ^{sf} ^{sg} ^{sh} ^{si} ^{sj} ^{sk} ^{sl} sm ^{sn} ^{so} ^{sp} ^{sq} ^{sr} ^{ss} st ^{su} ^{sv} ^{sw} ^{sx} ^{sy} ^{sz} ^{ta} ^{tb} ^{tc} ^{td} ^{te} ^{tf} ^{tg} th ^{ti} ^{tj} ^{tk} ^{tl} tm ^{tn} ^{to} ^{tp} ^{tq} ^{tr} ^{ts} ^{tt} ^{tu} ^{tv} ^{tw} ^{tx} ^{ty} ^{tz} ^{ua} ^{ub} ^{uc} ^{ud} ^{ue} ^{uf} ^{ug} ^{uh} ^{ui} ^{uj} ^{uk} ^{ul} ^{um} ^{un} ^{uo} ^{up} ^{uq} ^{ur} ^{us} ^{ut} ^{uu} ^{uv} ^{uw} ^{ux} ^{uy} ^{uz} ^{va} ^{vb} ^{vc} ^{vd} ^{ve} ^{vf} ^{vg} ^{vh} ^{vi} ^{vj} ^{vk} ^{vl} ^{vm} ^{vn} ^{vo} ^{vp} ^{vq} ^{vr} ^{vs} ^{vt} ^{vu} ^{vv} ^{vw} ^{vx} ^{vy} ^{vz} ^{wa} ^{wb} ^{wc} ^{wd} ^{we} ^{wf} ^{wg} ^{wh} ^{wi} ^{wj} ^{wk} ^{wl} ^{wm} ^{wn} ^{wo} ^{wp} ^{wq} ^{wr} ^{ws} ^{wt} ^{wu} ^{wv} ^{ww} ^{wx} ^{wy} ^{wz} ^{xa} ^{xb} ^{xc} ^{xd} ^{xe} ^{xf} ^{xg} ^{xh} ^{xi} ^{xj} ^{xk} ^{xl} ^{xm} ^{xn} ^{xo} ^{xp} ^{xq} ^{xr} ^{xs} ^{xt} ^{xu} ^{xv} ^{xw} ^{xa} ^{xb} ^{xc} ^{xd} ^{xe} ^{xf} ^{xg} ^{xh} ^{xi} ^{xj} ^{xk} ^{xl} ^{xm} ^{xn} ^{xo} ^{xp} ^{xq} ^{xr} ^{xs} ^{xt} ^{xu} ^{xv} ^{xw} ^{ya} ^{yb} ^{yc} ^{yd} ^{ye} ^{yf} ^{yg} ^{yh} ^{yi} ^{yj} ^{yk} ^{yl} ^{ym} ^{yn} ^{yo} ^{yp} ^{yq} ^{yr} ^{ys} ^{yt} ^{yu} ^{yv} ^{yw} ^{ya} ^{yb} ^{yc} ^{yd} ^{ye} ^{yf} ^{yg} ^{yh} ^{yi} ^{yj} ^{yk} ^{yl} ^{ym} ^{yn} ^{yo} ^{yp} ^{yq} ^{yr} ^{ys} ^{yt} ^{yu} ^{yv} ^{yw} ^{za} ^{zb} ^{zc} ^{zd} ^{ze} ^{zf} ^{zg} ^{zh} ^{zi} ^{zj} ^{zk} ^{zl} ^{zm} ^{zn} ^{zo} ^{zp} ^{zq} ^{zr} ^{zs} ^{zt} ^{zu} ^{zv} ^{zw} ^{za} ^{zb} ^{zc} ^{zd} ^{ze} ^{zf} ^{zg} ^{zh} ^{zi} ^{zj} ^{zk} ^{zl} ^{zm} ^{zn} ^{zo} ^{zp} ^{zq} ^{zr} ^{zs} ^{zt} ^{zu} ^{zv} ^{zw} ^{aa} ^{ab} ^{ac} ^{ad} ^{ae} ^{af} ^{ag} ^{ah} ^{ai} ^{aj} ^{ak} ^{al} ^{am} ^{an} ^{ao} ^{ap} ^{aq} ^{ar} ^{as} ^{at} ^{au} ^{av} ^{aw} ^{ax} ^{ay} ^{az} ^{ba} ^{bb} ^{bc} ^{bd} ^{be} ^{bf} ^{bg} ^{bh} ^{bi} ^{bj} ^{bk} ^{bl} ^{bm} ^{bn} ^{bo} ^{bp} ^{bq} ^{br} ^{bs} ^{bt} ^{bu} ^{bv} ^{bw} ^{bx} ^{by} ^{bz} ^{ca} ^{cb} ^{cc} ^{cd} ^{ce} ^{cf} ^{cg} ^{ch} ^{ci} ^{cj} ^{ck} ^{cl} ^{cm} ^{cn} ^{co} ^{cp} ^{cq} ^{cr} ^{cs} ^{ct} ^{cu} ^{cv} ^{cw} ^{cx} ^{cy} ^{cz} ^{da} ^{db} ^{dc} ^{dd} ^{de} ^{df} ^{dg} ^{dh} ^{di} ^{dj} ^{dk} ^{dl} ^{dm} ^{dn} ^{do} ^{dp} ^{dq} ^{dr} ^{ds} ^{dt} ^{du} ^{dv} ^{dw} ^{dx} ^{dy} ^{dz} ^{ea} ^{eb} ^{ec} ^{ed} ^{ee} ^{ef} ^{eg} ^{eh} ^{ei} ^{ej} ^{ek} ^{el} ^{em} ^{en} ^{eo} ^{ep} ^{eq} ^{er} ^{es} ^{et} ^{eu} ^{ev} ^{ew} ^{ex} ^{ey} ^{ez} ^{fa} ^{fb} ^{fc} ^{fd} ^{fe} ^{ff} ^{fg} ^{fh} ^{fi} ^{fj} ^{fk} ^{fl} ^{fm} ^{fn} ^{fo} ^{fp} ^{fq} ^{fr} ^{fs} ^{ft} ^{fu} ^{fv} ^{fw} ^{fx} ^{fy} ^{fz} ^{ga} ^{gb} ^{gc} ^{gd} ^{ge} ^{gf} ^{gg} ^{gh} ^{gi} ^{gj} ^{gk} ^{gl} ^{gm} ^{gn} ^{go} ^{gp} ^{gq} ^{gr} ^{gs} ^{gt} ^{gu} ^{gv} ^{gw} ^{gx} ^{gy} ^{gz} ^{ha} ^{hb} ^{hc} ^{hd} ^{he} ^{hf} ^{hg} ^{hh} ^{hi} ^{hj} ^{hk} ^{hl} ^{hm} ^{hn} ^{ho} ^{hp} ^{hq} ^{hr} ^{hs}

quædam, & putas, liberè. Non liberè, sed amicè & decorè: atque obsecro aliàs vsurpa. Scribis in Politicis cetera exacti operis videri, abesse de Legatis. Verum est, & poterat locus ijs esse inter Administros. Sed quia temporaneum hoc munus (olim quidem) neque illi apud Principes aut Respublicas perpetui, abstinui dicere: & quia rem totam istam non maximi vsus censeo, quidquid aliter iudicare hodie consenserunt. Et in Notis tamen dicere destinaram, ac collecta ista habeo: sed augendi aut recolendi eas animus abiuit. Ais dein de Epistolis meis, & de vnâ illâ * insertâ. Quid dissimulem? rem tetigisti, ambituuncula mea fuit, & quæ sita gratia illius, qui in aperto nondum mihi rettulit, nec referet, vt tecum quoque opinor. Quid tamen est? benignitas mea orbi innotescat, & quàm æqui in aliena ingenia sumus, etiam fortasse super æquum. Non mihi fit: fiet aliquando, & confide Genio nostro, viuet ac vincet. De annis ætatis meæ cauillari etiam quosdam. Quid hoc est, & qui possunt? In illâ de vitâ, palàm & verè scripsi tali anno & mense me natum: calculatore non opus ad hoc æui, quot eos inscribam. Sicubi autem alia aut * aberrans scriptio, non memini, nec puto: si tamen, emendetur. Item de valetudinis crebris querelis, risum habet. Ab alijs etiam audio: atqui, ô boni, miserationem debebat. Non facimus maiora ista verbis; res vtinam non clamet, vtinam non ipsa scripta colorem ab affecto animo & corpore ducant! Hoc sine, & excusandi mei, interdum infero: quid si etiam contra importunos, & irrumpentes istas muscas? Hæc scribere, hæc facere me volunt, suadent, iubent: arripio illam ægida, & rationem qui non audiunt, hoc scuto terrente depello. Sed cogitent etiam, seorsim & apud plures non iniuste dicta: quæ nunc in vno fasce adspecta fastidium habent, nec leguntur vt diuisa. At de Bufbequij morte, scio errorem: sed adnotabitur. & tamen famam Epistolæ, non historiam iui insertum. Estne aliud? propria etiam tua, sed amica, sed iusta (agnosco) querela, de primis libris meis non semper ad te missis. Gaudeo requirere & poscere, & culpam excusare nolo, sed emendare. Habes hîc *Epistolas*: habebis *Politica*, quæ iam recuduntur. Habebis & magnum *Senecam*: in quem vtinam dignum aliquid moliti simus! *Stoicam* tamen *doctrinam* seorsim illustrauimus, & ipsum breuibus Notis, & (In-

* Editura
libi XVIII.
Kal. No-
uembr. pro
XV.

uidia audiat) alibi bonis. Omnibus placere, nec spero, nec opto quidem: mihi hoc opus vnâ causâ, quòd fortiorem aut meliorem me fecit. Salue, & ama me ex animo, qui co tuus sum, mi anime. Louanij, XI. Kal. Octobr. ∞. 16CIII.

E P I S T. L X X X I I.

I. L I P S I V S I O A N N I W O V E R I O *suo* S. D.

FELICITER, acclamo, mi Woueri: vtinam præsens possem! Sed vel sic absens facio, & corde itero: nemo magis ex illo. Equidem iamdiu tibi felicem talem copulam destinabam, & merenti: vt tua probitas & modestia, atque etiam ingenij & morum elegantia est, quâ vel imperitos meliorum tuarum artium & partium ad te ducas. Benè est, habes. Nam de dote, vberem audio; de parentibus, honestissimos; de ipsâ aliquid ipse dixerim, & probè memoriâ teneo vidisse. Suauis mihi visa, morata, proba: si nihil horum esset, apud te fiat. Iungere, fruire, & nouellas stirpes, paruulos Wouerios, nobis pange. At me quòd velut auspicem nuptijs tuis optas, vereor vt fiat. Mea *ad Senecam* iam mitto Antuerpiam; ipse venire imminente hieme, & attenuante valetudine, dissuadeor. Sed venio, non venio, mente & cogitatione adero: teque & tuam, mi Woueri, tam fideliter amabo, quàm æternum Numen me velim. Id porrò cœpta tua secundet, & ferente aurâ in portu votorum tuorum nostrorumque sistat. Vale mi optime. Louanij, v. Kal. Octobr. postridie quàm Bruxellâ redij, vbi dies duos modò hæsi.

E P I S T. L X X X I I I.

Bruxellam.

ÆGIDIO MARTINIO *Syndico ciuitatis Bruxellensis.*

EPISTOLAM tuam fateor gratam mihi fuisse, sicut & sermonem, quem tecum ante menses duos circiter in hac vrbe ferebam. Vt enim in isto prudentia tua, & erga me ac parentem olim meum affectus, elucebat, ac iure capiebat: ita in litteris hæc ipsa exprimis, si nō clariùs, certè firmiùs, quanto conceptæ scriptioni maior esse fides & auctoritas, quàm extemporalis sermocinationi solet. Itaque meritò & rependo affectum tibi, &

bi, & in filium etiam, quem hîc habes, deriuo: quem si non caussam, tamen occasionem huic amicitiae nostrae dedisse, video posse affirmare. Enimuero quid officij manare à me propriè in te possit, vix video: in filium fortassis aliquid, quem in hanc Academiam, velut ad mercatum optimarum artium, misisti: & dirigere hîc eum, atque etiam instruere, pro otij & virium mearum copiâ, aliquid possum, & volo. Ciuem enim patriae amantem me profiteor: cui quid ampliùs conferre aut commodare possum, quàm vt liberos cùm ipse non habeam, alienos, & praesertim vestros talium, qui aliquando ad rempublicam ad-mouendi sunt, formem ad eam ac concinnum? Adnitar equidem, aut potius tot annos iam adnissus sum, quâ scribendo, quâ docendo conatus meliorem & doctiorem reddere iuventutem. Is enim, Deo teste, laborum meorum finis scopusque est: & Fama si sequitur, non magis huic laborauimus, quàm is qui in Sole currit, vmbrae causâ id facit. Sed de filio tuo, tantò libentiùs manum illi porrigam, quò magis beniuolentiae tuae nunc debeo; & quia ingenium atque indoles etiam eius inuitant, ad bonum honestumque facta. Gaude in tuâ stirpe, & solatia inter afflictæ patriae turbas, è domo tuâ magis magisque (Deum ita precor) cape. Eundem, Vir Clariss^{me} & Prud^{ne}, vt reipublice, cui laudabiliter operam praebes, incolumem seruet. Louanij, v. Kal. Octobr. æ. DCIII.

EPIST. LXXXIV.

*Antuerpiana.*IOANNI WOVERIO *suo.*

ET quando magis te meum ostendisti, quàm in hoc *Eucharistico*? à cuius lectione duplex affectus me habuit, lætitia & pudor. Lætitia iterum duplex. vel quia laudabar à te. gratum autem & optabile placere ijs, qui ipsi nobis placent: vel quia sic laudabar, id est scitè, doctè, disertè. Hæc enim qui in scripto tuo non agnoscit, aut liuor aut stupor eum habet, & in veruecum patriam à nobis relegetur. Quàm inuentiunculae multæ raræ, & argutæ sunt! quàm imagines sepositæ, & tamen appositæ! quàm ipse stilus sine tumore altus, sine affectatione eruditus! Mihi hæc sic visa, fateor, & placuerunt omnia, præter argumen-

gumentum. Nam quòd me laudandum sumpſisti, quì laudem? Pudor ille retinet, quem dixi: qui etiam nunc habet, & pugnat iudicio, & tua cùm amem, damno. Non sum ille quem facis, & in sublimi sic locas: descendo, & conscientia me detrahit, & nemo melius quàm ipse me noui. Quid tamen est? cùm tua relego, pudor iterum panè exfulat, & videor aliquis esse, quia tam fortiter & impressè vis esse. Ita sentis quæ dicis, ita tibi approbas, vt me quoque in partes trahas, & credere adigas, quæ nec credo. Non plenè quidè̃m credo. nam tangere te interiores meos affectus, qui de proximo nosti, non diffiteor: & laudabiles conatus exprimere, si non succensus. Omnia cur reiſciam?

— aliquem mens spirat honorem

Conscia factorum.

Nam vt candidè tecum, & senili quadam libertate loquar, dona habui & exserui, quæ non omnes mei studij aut æui. Iudicium in primis Deo acceptum refero, & ab eo ordinem in scribendo & dispositionem, vel paucis veterum vbique sic vsurpatum. In sparsâ quauis & confusâ materiâ seruauì, & partiri semper aptè studui: quod Socrates alibi apud Platonem *diuini viri* cenſet, ego *diuini doni*. Et ab eo donum alterum adscribo, Eloquentiam: quæ in sermone aut stilo aliqua fuit, atque ea facilis & profluens: quod in strictâ & argutâ breuitate nec habeat quiuis, nec credat. Illa ipsa breuitas, quod imputo, sine tenebris fuit: & multa paucis sic dixi, vt influant & se diffundant, & vel plura videat dixisse. At tertium & præcipuum, quod iudicij, ingenij, eloquij, stili quidquid in me fuit, in publicum contuli, & vsui, non pompæ, volui seruire. Vide mea vel à iuuenilibus annis, semper scintillæ aliquæ ad Virtutem aut Prudentiam prælucentes: semper animus ille apertus, amans generosi & honesti. At grandior paullò, non iam occulto aut obliquo tramite, sed palàm & rectà illuc iui. Ego ad Sapientiam primus vel solus mei æui Musas conuertì: ego è Philologiâ Philosophiam feci. Vide *Constantiam* meam, dicet: vide *Politica*, idem: & hoc vtrumque opus est, cui vita fortasse cum Latinis litteris manebit. Quid in *Tacito*, *Plinio*, *Epistolis*, *Militiâ*, *Admirandis*, *Senecâ*, nōne finis idem & fructus apparet? Hec sunt, quæ in censum, sed non à me defero: ingratus sim, nisi diuina dona agnoscam, & gloriam ab

ijsetiam tribuam auctori. Sed ecce longius eo. scriptum tuum remittere tantum, & cum vero elogio volebam: de me siquid addidi, apud te licuit, mei sic immodicè amantem. Louanij, III. Nonas Nouembr. ∞. IOCIII.

EPIST. LXXXV.

Bruxellam.

MAXIMILIANO PLOIMIERIO.

LITTERAS quas daturum me dixeram ad Buiffonium, ecce hîc habes. Mittere eas tuæ curæ erit, quam vltro tibi impoluiſti, pro affectu quem in illum & me habes. In me certè, nuper in sermone largiter declarasti: & si non verba, ipse vultus & oculi tui fecissent fidem. Etsi quid ambigerem? eadem vterque amamus, id est Bona & Honestà: ex quo sequitur & adhæret, vt inter nos etiam amemus. Senecæ nostri dictum est, è Porticu promptum: *Inter bonos viros amicitiam esse, Deo conciliante.* Est ea veritas. Deus, imò & natura, facilè iungunt, studijs & voluntatibus iam iunctos. Itaque sicut credidi promptè & libens de tuo in me affectu, velim te pariter de meo: quem bonum, fidum, atque etiam firmum reperies, nec nisi cùm ego soluar soluendum. Id fortasse breui, vt ætas & valetudo mea sunt: tamen nec paruius circulus minus perfectionis quàm magnus habet, nec Amicitia tempore, sed veritate æstimatur. Vale mi Ploimieri. Louanij, vi. Kal. xbris. ∞. IOCIII.

EPIST. LXXXVI.

Lutetiam.

SEBASTIANO ROLLIARDO Iſto.

BRUXELLAE & in Aulâ eram (ô sedem pro Lipsio!) cùm tuas accepi. Gratas, suaves: quid opus me affirmare? semper vegesco, & velut effloresco, cùm aliquid à meo Rolliardo. Atquin & libelli tui adiuncti, dona Musarum: ille de Passertio, bonus, & pius, ac manibus eius ritè ac meritò à te factum. Vbi hodierna gratitudo? quid autem in mortuis speremus? vix viuus aliqua manuum apploſio, & vocis fauentia: & irrisus aut pastoritæ *oues* excipiunt, & à tergo manus motæ. Ferenda hæc omnia, pro æui Genio, aut iter hoc famè deferendum. Nuper ego
aliquid

aliquid *de Vesta*: probare te gaudeo, etsi melius illud iam damus, & addimus quædam, & mutamus peccata *ἐπεσοῦλας*. Etiam *Porticus Sophiam*, in duo volumina distinctam: sed tenue & argutum opus, & aliquis dicat *χελιδόνων μουσαῖα*. Æuo nostro obtinent iudicia, quæ olim calcata; & scis quàm diuersa tota hæc studiorum via. Sed tamen Senecæ causâ id quoque exantlandum fuit: feci, & gaudeo factum. Quod à vestro Autocratore vocatum me, & perhonestè, censes: ita est. nec tamen audiui-
mus, & à patriâ, in hac ætate atque imbecillitate, nemo me com-
moueat,

* Non mihi
si donet,
quantum
est culpul-
terre arena.

* Οὐδ' ἐγὼ μοι τόσα δόιν, ὅσα ψάμμιός τε κόνις τε.

Apud te seriò dico. Labet hæc patriâ nostra, siue ruat: ego cum illâ ad discriminis aut fari metas eo. Ad easdem illas, & vltrâ, te mi Rolliarde optime & doctissime amo. Louanij, VIII. Kal. Febr. ∞. IOCIIII.

E P I S T. L X X X V I I.

Florentiam.

CVRTIO PICHENAE.

ALTERAS tuas vidi, & Inscriptionem veterem adiunctam, fide exscriptam: sanè bonam & rerum veterum, de quâ iudicium meum ad Mercurialem vestrum iam perscripsi. Marcelli honori non esse positam opinabar, sed Caij aut Lucij Cæsarium: quò ratio magis, & æuum ibi notatum ducit. Felices vos in talibus istis curis, in altâ & beatâ pace: nos litui circumstrepunt, & in ipsâ hac studiorum sede, arma & miles. Tædet temporum; & nisi Philosophia subleuet, iamdiu iaceam, & in parentis magnæ sinu recondar. In Tacitum aliquid à te promiseras hisce Nundinis: librarius Syllabus negat, & nomen tuum non ostendit. Ego *de Vesta* nuper aliquid, & nunc melius vberiusque damus: item *Stoicam Philosophiam* sex libris comprehensam. noli erigi, non est pro vestrà Aulâ. Spinæ sunt, aut Paradoxa: & in re fortassis alta, in specie non videntur. Senecam adiungimus, & hoc fine Antuerpiam imus. de quo sic iudicare te, gratum mihi neque inopinatum fuit. Quæ bona mens aliter potest: ego autem etsi propiùs te, nec nisi ex scriptis, haud noui: tamen tam scio de sensibus tuis, quàm de meis, pænè dicam. Vides quid mihi vindi-

vindicem? nec fallet me scriptorum tuorum character, in quo probitas & iudicij rectitudo comparent. Pauca verba facio, quia ab equi lapsu saucius & æger: ama me, seriò & constanter idem facturum. Louanij, III. Kal. Febr. ∞. MDCLIII.

EPIST. LXXXVIII.

Veronam.

FRANCISCO POLAE I^{to} ex animo S. optat.

TV verò Vir Cl^{me} non prouocas me ad amicitiam, sed adigis: nec amore solùm (cui meum quî negem?) sed iudicij & beneficijs: sic enim *Elogia* tua iure debeo interpretari. Legi, amaui magis quàm probaui; nam quomodo tam honesta, vel magnifica potius, de me & ingenio meo possim? Mi Pola, veteres haud temerè Amori oculos clausurunt: affectu, non iudicio, videt: & habet pulchra atque haberi vult, quæ ipse censet. At sæpè fallitur: & tamen vel sic amandus est, quia ex sensu suo & candore, sine malâ fraude, agit. Tu verò is es, qui iudicio alibi & in alijs præstes, imò etiam in grauioribus causis præeas: sed verecundia mea & modestia sequi cunctantur & retractant, & de me ad me appellant. Quid tamen facio? quid ipse resisto, & te sisto? quin vela potius affectui tuo pando, & adspiro: & ama vel falsis me causis, dum ames. Hoc valdè cupio: de reliquis ætas sequēs dicet, quæ Gratia aut Inuidiæ expers, ingenijs suum cuique pretium rependet. Ego affectui tuo serium affectum: per Genium Famæ iuro. Louanij, prid. Kal. Febr. ∞. MDCLIII.

EPIST. LXXXIX.

Valentianas.

HENRICO D'OVLTREMANNO V. C. S. D.

DII deæque, tuos versus! stupui simul, & rubui: illud in ingenio tuo, sic acuto, sic vario; istud in laudibus, quas supra modum is in me effusum. Non me fallis, ô amice: fontem à te, non à me habent: id est ab affectu tuo, non merito Lipsiano. Sed benè tamen, quòd versus sunt: & vel eo titulo præscribant, fidem non promitti. Ego aliquid subito in eos lusi, & hîc habebis: sed vix versus. ita humiles sunt, & languidum incedunt, vt vel recto oculo tuos vix ausint inspicere. Antuerpiæ iam fuiss-

sem, nisi casus me tenuisset, & verè casus. Equuleum ex dono habeo, quo vehi soleo ad exercendum & ambulandum; alienis scilicet pedibus, ætate iam grauiore. Ille meus vector mecum lapsus est, & crus & tibiam, sed leuiter, adflixit. Ita domus me habet, non tamen lectus: & cùm iste, tum *Exsequias Lipsio licet ire.* adeò quies mihi inimica est, & gaudeo ac viuo motu. Bruxellæ etiam fui, & vidi Comitem Stabuli Castellæ, Principem iam olim in me affectum. Item in litteras. quas vtinam Deus & Æuum coli magis velint, quàm tristem hunc Martem! Sed heus, ecce Versus

* * * * *

Iam place tibi in tuis bonis, qui tam malos meos vides. Quæris quod è tam magnâ tuorum copiâ approbem imagini nostræ subscribi: istud, nec voto melius optari potest.

LIPSIADAE, velum est Timantis, imago. videri

Non nisi sub piceâ Sol quoque nube potest.

Hoc mihi & Modestię meæ amicum, vt omittam argutissimam inuentiuunculâ. cetera bona, aut optima: sed Inuidiam habeant, me quidem viuo. Ne prouocemus: inter nos amemus, seriò, acriter, constanter. Louanij, Kalendis Februarijs, ∞. MDCLIII.

EPIST. XC.

Perusiam.

M. ANTONIO BONCIARIO S. corde D.

QUAS natali meo ad me dedisti litteras accepi, etsi seriùs, imò tardiùs: neque enim serò ad me aut frustra tam amicæ litterę possint peruenire. Amaui te meritò, vt primùm ex epistolâ & te, & affectum in me noui: & magis amare cogor, quò propiùs certiusque (Virtus hoc habet) noui. Nam & epistola hæc certè, optimi & pulcherrimi animi index, delectauit: & Carmen tuum ad DIVAM LAVRETANAM valdè opinionem de te meam auxit. An non faceret sic eleganter, doctè, altè, piè scriptum? Atque ipso tempore venit, quo ego in pari argumento eram, aut potius summam illi manum iam imponebam. Nam & ego, mi Bonciari, peculiari semper in Matrem-Virginem cultu & affectu, DIVAM HALLENSEM scripsi, & benefi-

cia

cia eius ac miracula partim solutâ, partim strictâ oratione, sum complexus. Nihil exspecta ad tuum Carmen: aliquid ad animum, quo erga Diuam nolo vinci. De *Seneca* etiâ in eo breui arbitraberis, fecerimne pretium operæ post Muretum, & Gruterum, & alios: quod profectò, vt rectè iudicas, arduum sit nec alicuius è populo præstare. Non me attollo, nec debeo: sed aliquid contulisse in Sapientiæ illum patrem, res, spero, apud te dicet. Libens autem (vt ad tuas iterùm litteras) legi de Carolo Emanuele Pio à Sabaudiâ, stirpe & ingenio & studio illustrissimo adolescente: quem quòd erga me etiam affici scribis, gaudeo, & in beneficij loco hoc pono. A te, an ab illo accepti? nam & te iudicio aut testimonio aliquid contulisse, vel ad eliciendum, vel ad augendum affectum, pænè habeo persuasum. Et si talis illa indoles sponte etiam amat, & surgit ad complectendos, in quibus Honesti aliquas flammulas videt. Vt per seueret, à me eum roga, & mutuum facere affirma. Vt tu pariter, mi Bonciari, rogatus esto, ô inter paucos Italiæ tuæ lumen. Louanij, XIII. Kal. Mart. ∞. IOCIII.

EPIST. XCI.

Veronam.

ANDRÆAE CHIOCCO S. D.

A MOREM tuum variè & ἀφ' ὅσωνος ostendis, neque vlla epistola à te est, in quâ non illum nudum videam & expressum: idq; sine colore aut fūco. Non redamē te? sic facio, vt Deum me velim: & Deum ipsum testor. Scripsi ad te ante dies quindecim: & iterùm debeo, vel Bonciarij nostri causâ. Quàm ille de me benignè & * μεγαλέως? nimis, & vellem in publico temperasset. Nondum eò venimus, vt Sol noster umbram non habeat, & claritas aliqua non liuoris nubem. Sed ille verò fortiter, tamquam ego sim * πανύππερος ἐν ὄρμισιν αἰετός: quod non eius amori, non tuo etiam credam. Nam & tu hîc * ὑπὲρ τὴν αἴζιν, & ad extrema laudum iuisti, me non sequente, & in terrâ etiam meâ hærente. Non sum aut ero ille * εὐρανομήνης. Sed ad ipsum Bonciarium scripsi, iam è litteris ad me & famâ notum, & certè à niueo isto pectore (vt doctrinam omittam) amandum. Nec tu arbitrare de alijs Italis qui melioris & prisce, vt sic dicam, sanguinis sunt, me

* magnificè.

* lati penna in ausibus aquila. * super meritum. * quicquam tangit.

dubitare. Fuerit vnus ille nescio quis hybrida, qui proteruiter in me immerentem: sed ab alijs quidni affectum expectem & exposcam etiam, quem scriptis dictisque meis omnibus in eos ostendi? Dabunt, & dabo: & crescentes istos ingenij flores tuo fauore irrigabimus potius, quàm liuore amburemus. De * recum sentio: acre ingenium, iudicium est vbi desideres, & addo maturitatem. Stemina illud, tuo commodo, vidisse velim. Ego pluscula nunc edo, *Ad Senecā* Notas perpetuas; item *Diuam Halensem*, miraculis apud nos claram; item *Monita & Exempla Politica* libros duos, in gustum; item *De Magnitudine Hebræâ* libros quattuor. Quid ais? cessauimus hac hieme? Cum tuo autem Pindaro, *χρὴ δ' ἐν εὐθείαις ὁδοῖς σείχοντα μέλαινα δὲ φῶα*. Vale Vir Cl^{me} & æternum meus. Louanij, prid. Idus Mart. ∞. IOCIHII. De Ill^{mo} vestro nuper ad te, nunc ecce ad illum. At tu Flaminium nostrum Valerinum à me amplectere, & grates gratias pro scito Epigrāmatio redde. Coram ego hoc facere *ὑπομείλομαι ἥτορ*.

EPIST. XCII.

Lutetiam.

IO. VERGERIO AVRANO S. M. D.

GAVDIVM mihi ab aduentu tuo, & felici itineris metâ; sed maius gaudium ab affectu, quem purum & magnum in me ostendis. Et accipio equidem, & sine retractatione admitto. vel quia candorem tuum noui; vel quia à meo metior, qui talis talem poscit. Nihil mihi das, sed soluis. Perseuera tantum, & ipsum me, non quæ alij de me, vide. Ille * * cur mihi infensus, vel certè aduersus sit, nescio: nō meruisse, hoc scio, & vt alia mihi detrahat, virum bonum sciat, & candidatum bonarum artium ac veræ Philosophiæ, neque aliud iacto. O miseri, quò rapimur ad æmulatiunculas aut calumnias, in alios Lyncei, in nos Homeri? Mi Vergeri, hoc inprimis vitare te hortor & rogo, in alios inquirere, te negligere: contrà fiat, benigni in omnes, ferui vel asperi in nos simus. Socratis præceptum vetus erat:

* Aedibus
in proprijs,
quid rectè
aliudq; ge-
ratur?

* Ο', τί τοι ἐν μεγάροισι κακὸν τ' ἀγαθὸν τε τέτυκ';

Hodie contrà fit, & emissitios omnes oculos habemus. At illi, vt volent, iudicent: ego in viâ rectâ constanter ambulo, ab æmulatione, ab ambitione prauâ auersus, & quò debeo versus, id est ad Sapien-

Sapientiam & Deum. De ipsâ Galliâ, scis quàm amem: sed non hos nouitios libros, quos mittis, leuium & exsultantium ingeniorum foetus. Nihil in iis solidi, maturi, aut, non dicam vetere, sed nuperâ Galliâ digni. MILES ille quidem palàm ** dementis, aut omnino insanit.* *ᾠδὴ* *φρονέει, ἢ παντάπασιν λιπεῖ.* Alia de illo audieram: sed cùm legi, errorem meum, furorem illius vidi. A Thuano ipso Historiâ expecto, vetere amico nostro, & tum arbitror. De doctrinâ vel industriâ, non ambigo: sed, vt hoc æuum est, rarâ quadam prudentiâ opus ad placendum, vel potius non displicendum. Sed qui sapit, posteritati etiâ scribit. Nos in languore, plus solito, sumus: sed te, mi Vergeri, & acre tuum ingenium non languidè amamus: fac mihi idem, vel eo nomine merenti. Louanij, VII. Kal. Iul. ∞. IOCIII.

EPIST. XCIII.

Lutetiam.

ABRAHAMO BIBRANO *Equiti Silesio.*

ANTE paucas horas tuas accepi; vide quàm gratas: differre in diem responsum non potui, & animus adegit statim reponere & pariare. Pariare inquam, ab affectu quidè: quem puto me non tuo magis, quàm meritis & huic indoli debere; addâ etiam industriâ, à quâ magna ego quidè spero. Delectat in animo, cùm video Germaniam sic excoli, & has velut faces accendi, quæ magis magisq; illustrabunt. Perge amice, & me vel opinione futuri oblecta: nam rem vt videam, vix in valitudine hac sperem, quæ præcipitat, non iam labitur aut labat. Non sunt verba: tristior vobis fama vereor vt dicat. Nimirum eundum est, & faciendû quod facere nati sumus. Benè, si non omnis mei sub terras memoria ibit. Viuat in vobis amicis aliqua; in te mi Bibrane, quem in hoc album nunc adscribo. Lapidem quem mittis, vidi cum admiratione aliquâ, & rarum, perrarum, exteris Regibus sic poni. Vix tamen est, vt supposuerit, nisi doctior aliqua manus: nec credo. Tamen ambiguum etiam reddunt, quæ in historiâ haud certa vndique notas: & examinanda sunt, neque temerè & de plano sententiam feram. Illud de plano promitto, amicum te mihi nouum, sed carû esse: perseveremus quod cœpi-mus, constanter. Louanij, XVI. Kal. Sextil. ∞. IOCIII.

EPIST. XCIV.

Burdigalam.

I. LIPSIUS PETRO BRACHIO S. D.

O GRATVM mihi de te, quid ab ipso te? audire: quem ego quidem fuisse arbitrabar, & in beatis iam locis cum Amatâ tuâ perennare. Nam anni duodecim & ultra sunt, cum silentium à te fuit, nec nisi memoriâ Brachius apud me vixit. At epistola hæc tua amica, larga, elegans, te, amorem, ingenium, omnia viuere & vigere ostendit: atque vt diu sit, à propitio Numine veneror & precibus quæso. In me certè, idem amor tui: non vires aut ingenium, quæ fuerunt: & hac parte ruere me sentio, nec gradu sed cursu ad metam ire. Itaque & scripta hæc mea (non enim cessamus) senile illud & effæctum fortasse afferent: nec tu me cense flumen perenne (vt scribis) & inexhaustam fecunditatem esse. Do manus, & Valetudo vt corpus, sic animum libat: non tamen Sapientiæ illa decreta, quæ firma in ipso herent. Dedi STOICA quædam nuper, & nunc SENECAM ipsum: haberes à me, nisi interualla hæc terrarum impedian, & beneficium meum ex impendio onus reddant. Tuos equidem versus libens viderim: & vis sincerè? libentissimè Epistolas, quibus in tuâ linguâ vix est vt politius, & sine affectatione, maturâ quadam elegantia & alacritate suauius prodeat. Ita censeo. & à me, scio, quos melior Deus tali animo donauit. Hæc nunc pauca, in occasione mittendi subitâ: at via facta est, sæpè commeemus. Me quidem & Iustitia adigit diligere sic diligentem. Vale V. C. Louanij, XVI. Kal. Sextil. ∞. IOCIII.

EPIST. XCV.

Insulas.

IOANNI SEVRIO S. D.

FRATREM tuum vidi, litteras tuas vidi: illum & istas per-gratas. Casu incidit, vt cursor adestet ab Aulâ, qui dimittendus cum litteris fuit; & fratri non potuerim dare tempus, quod largum esse affectus meus volebat. Neque enim de eo ambige. sum constans in amore, cuius causa & solum, vt sic dicam, firmum est: superstruximus, & ædificium nimbus aut procella quælibet

quælibet non euertet. Silui, fateor, etiam tu, sed amor in animo est, & cogitationibus suscitatur & viuit. Hoc mihi factum, certò scito: & de te idem spero, non cum ero solùm, sed cum hîc non ero, id est verè ero. S T O I C A nostra vidisse te video: sed lege vt femina aliqua Bonæ Mentis, non vt totam messem colligas, & Æuum nosti. Nosti & valetudinem meam? languemus: Decreta bona sunt, & fortasse Iudicia: sed promere omnia, & decorè producere, illa (Valetudo, inquam) & alia quædam verant. Vnò verbo, volo quæ non possum. At tu fastidire mihi in munere tuo videris, quod alij multi ambiunt: quid causæ est? Si me audis, quietem specta, & illi aliquod fulcrum: cole deinde animum, & quæ amas ama. Homines sumus, multos imò omnes seruitus aliqua alligat, catenâ aureâ siue ferreâ, sed ligat. Nemo animum. ille emicat, & euolat, & orbis terrarum ei est angustus. Cogita, in libertate es: & pone teneriores illas cogitationes, quas Imbecillitas aut Ambitio dictant. Ad mœrem vulgi si respicis, nusquam in tranquillo eris: appeteris, aut fastidies: ad Naturam, id est Rationem, si te vertis, vbique portus & quies ostenditur; intra & nauim siste. Hæc nunc breuiter. Seneca meus plura dicet, sed ipse. nam ego brevis fui, nec vllò in scripto minùs libuit diffundi aut euagari. Cum illum examino, quid addi potest? à nobis nihil, nisi aliquid ad lucem: ab Epicteto multum, quem tu robor & fulcrum iunge. Vale mi. Scuri. Louanij, ix. Kal. Sextil.

æ. IOCIII.

EPIST. XCVI.

Neapolim.

D. IO. ANDREAE PROCHNICIO Legato Ser^{mi}
Regis Poloniae.

BONA fide fatebor, litteris tuis sic candidè & calidè scriptis, motum aliquem animi me. sensisse, & ipsum quoque incensum esse ad redamandû, & affectum reponendum, quem Iustitiæ quadam lege debebam. Quid enim æquius, verius, quàm amare qui amat, & quod sponte ac Naturæ quadam lege debemus (homo enim sociale animal) promptius fideliusque præstare, altero inuitante? Inuitas enim me, Ill^{me} Domine, aut trahis potius, coipso quo te ostendis. id est, dona animi atque ingenij

tui

tui exseris, quæ vbertim magnus ille Deus in te contulit atque effudit. Non amem te appetentem? si nolis amem, modò vt norim: & vltro faciam, quod te video fecisse. Itaq; manus offero & iungo: parum est: offero animum & Vulcanio modo iungo, atque amicitiam in eo, non nisi cùm soluar, soluendâ. Veteres illi astorum quædam defluvia conciliare nos volebant: ego ad morum consensionem ingeniorumq; veriùs referam, aut certè propiùs: & qui eadem atq; honesta volunt, necessum est vt inter se etiam velint, atque ament. O quàm ego illum Honesti ardorem vestigijs litterarum tuarum colligo! beatus es, & insiste, eo ipso præmium habiturus, quo amas. Me autem etiam amas, quia in iisdem sensibus tecum putas: nec vanè, si de conatu vides: quia tendo ad optima, etsi multa retrahunt, & valetudo inprimis, quæ à viginti iam annis vortua non fuit. O quoties in viâ iam aut cursu retardauit, & ad optima pergentem, mihi alijsque vtilia, desistere coëgit & reduxit! Nunc magis, quàm antea: cùm ætas ingruascit, & illa incumbit; ego succumbo, etsi animo reluctor, & illo solo sto etiam & sustento. At tu, quæ tua benignitas est, medicinam etiam promittis: quam auide accipio, non equidem vitæ auidus, sed vt munera saltè mea fungi possim, dum viuo. Nam nunc profectò languéo, & in illis etiam deficio. atque vt artifex peritus, si citharam pulsat fidibus solutam aut dissonam, artem quidem tenet, non exercet: sic mihi fit, qui scio quæ non exsero, & animum attollentem se corpus deserit, aut humo affligit. Ignosce tu, & alij: inprimis autem, si sponte amasti me, nunc respondentem hoc perseuera & præsta: & me inter eos numera, quos ex asse (Deum testem aduoco) tuos dicas. Amicitia hæc, vt mundus, initium habuerit, non etiam finem. Vale Ill^{me} & Reu^{me} Domine. Louanij, vi. Kal. Sextil. ∞. MDCLIII.

E P I S T. X C V I I.

EVSTATHIO WOŁOVICZIO V. R. & N. *Lithuano.*

NVMQVAM mihi grata eueniant, nisi grata epistola tua obuenit. Quid ita? quia sic amanter scripta, quia ab homine è longinquis illis oris missa, ad quas vel LIPSI nomen peruenisse multum sit, quid affectum dicam? Nam de æstimatione & laudi-

laudibus, tibi remitto: etsi nec eæ ingratae, fateor. quia nec irridere, nec palpari te scio: ergo amare. Nam iste, iste affectus, est pater earum laudum. Velfero etiam nostro, inter multa, hoc debeo: qui pararium se & conciliatorem interposuit honesti nostri amoris. Cuius viri usum-fructum pænè equidem tibi inuideo: in quo thesaurum earum rerum habes, quæ homini ingenuo appetendæ sint, vel amandæ.

— illo se pectore multa vetustas

Condedit, & maior collectis viribus exit:

vetustas, inquā, vel artium vel morum: & utroque titulo in Europā nostrā claret. Sed de me, venio in amorem tui candidè, firmiter: & vis sponsionem? Demetrium Solikouium (ô virum magnum!) in ijs locis amisi: veni in locum, amabo ut amaui. Ultra non possum: si placet, responde. Munera, quæ ad me mittere scribis, nondū vidi: & via longiuscula est: ego ad te DIVAM meam HALLENSEM, amicitiaē tesseram: & sic admitte. Vale & me ama, cūm ero: memento, cūm non ero. Louanij, III. Kal. Sextil. ∞. IOCHIII.

Litteras adiunxi à populari tuo, qui hîc nunc agit, sic rogante.

EPIST. XC VIII.

Augustam.

MARCO VEL SERO.

IN laudes meas nuper ibas, & STOICA nostra, faciebas ADMIRANDA: nondum in accepti Codicē retuli, expungere licet, si poenites: & vereor, cūm legeris, iam fecisse. Primus aspectus, ut in multis, solet imponere: illa æuum ferunt, quæ ad manum relata possunt placere. Sed utcumque est, animus meus vobis, & mihi materies illa placuit: hoc etiam, quòd absolui, & labore, supra quàm credat vulgus, sum defunctus. E latebris illa mihi educenda, & morosè disponenda fuerunt, ut corpus doctrinae facerem: & sic tamen (hanc legem mihi dixeram) ut nihil nisi ad Senecæ lucem præcipuè esset. Sed edidi: abeant, & famam, quam Deus & Genius dabunt, habeant. securus scriptorum sum, ut anxius scribendorum. En hîc ad Wolouiczium, operā tuā nostrum: tu autem merito tuo semper. Louanij, III. Kal. Sextil. ∞. IOCHII.

EPIST. XCIX.

Mechliniam.

NICOLAO OVDARTO.

SILENTII mei causa, quòd DIVAM nostram expectabam, vna mittenda: sed operæ morantur, & tuum desiderium non fert moram, & scire vis de valetudine nostrâ. Cape non læta, mi Oudarte: & ea quoque silentij causa. Tres menses iam, & ex quo ultimùm te vidi, sum in assiduo languore: nec releuor, et si omnia conatus. Vires abeunt animi & corporis: & ad marcorem, hydropem, an vtrumque imus? Vt Deo visum erit: nam de viâ parum est, modò ad optatam metam, id est ad ipsum. Corpusculum hoc est, vt putre & caducum ædificium: sæpè fulsi & sustinui, vndique nunc labat: & cogitandum est, nō quâ seruem, sed quâ exeam. Dolet de *Senecâ*, quòd ultimam manum non licet imponere: atque illa est quæ decorem dat, & consummat. Hæc ita scribo, non quia desperem me posse resurgere; sed quia expedit sic opinari, & præsumere quidquid hominem manet. Nauta in tempestate, & cùm mors ante oculos, omnia tamē facit, & fracto etiâ velo aut malonauigat: idem ego, facio faciamque omnia, & Deo euentum & me permittam. Is te mi optime & amicissime Oudarte post me seruet, quod mihi solatium & altera panè vita erit. Louanij, III. Nonas Sextil. ∞. IOCIIII.

EPIST. C.

Antuerpiam.

I. LIPSIUS IOANNI WOVERIO suo S. D.

SILVI ad tuas nuper: neque rei multum erat, de quâ rescriberem; & ego languidus, vel cum illâ iustè fileam. Vt tibi dicam, non me reficio, nec in veterem statum gradumque repono: neque valdè nitor aut cupio, vt id quoque liberè promam. Quid opus est? si annos computo, satis diu vixi; si famam, satis; si voluptatem aut molestias, illam gustavi & his satur sum:

Cur non, vt vita plenus conuiuia, recedam?

Si etiam ea, quæ vitæ meæ genus & professionem spectant, intueor; piget videre quæ video, & tempus, antequam alia video, abire. Litteræ vanitas fiunt; malignitas, acerbitas, pugnae fiunt:
vides

vides cottidiana, & à magnis, exempla. Remedium quid demus? ne consilium quidem, aut monitum: partes & religio intercedunt. Tu Modestia, tu Sapientia, quid nisi nomen estis? Atqui & ego prouocor in hunc campum, & publici iam libelli volant. quid censes? spectaculum me fore? Ingenuus sum, & nullum auctoramentum ducet ad hos ludos. Neronis potius mihi votum illud sit, *Nescire litteras*. Reum me facere aliquis potest, nemo nocentem: & ad loquendum cum iniuria prouocet, arcet & cohibet non ratio solum, sed natura. Ego ita sum, facilius culpam quam proteruiam admisero; & damnari, quam malo more vindicari. Scilicet ego rescripto meo alogias aliis excutiam; scilicet me maiorem aut meliorem, quam sum, faciam, & posteritati iudiciorum legem aut modum donem. Nugæ. & si à magnitudine animi aliquid sumendum sit, iactare me malo, quam defendere. Ego inter mei sæculi ingenia gloriam, si non palmam, fero: & hoc amicis meis volentibus dicam, confitentibus etiam qui non amici. Et ab aliquot libellis, siue etiam epistolis, æstimemur: sanæ doctrinæ, & fortasse eloquentiæ sumus, nec à melioris æui laude nimium segregandi. Quorsum ista? familiariter, & apud amicum: denique *gloriosa est virtus*, a it quispiam, *nec ostendit se solum, sed ingerit*. Ad rem redeo: neque viuere nunc valde appeto, & pugnare etiam fugio, in quemcumque, à quacumque causâ. Cum volumus, initia à nostrâ manu sunt; cum cœpimus, non est finis, & extra lineas res abit. Quisquis aliter, ipse viderit. æui prioris euentus adhuc me docuit, neque scripta ista perennare, neque scriptores in gloriâ esse: & malo apud posteros modesti, quam acris ingenij, censerî. At tu amicû me, vt semper, cense mi Woueri. Louanij, vi. Idus Maijas. ∞. ICCCv.

A P P R O B A T I O.

Hic liber Epistolarum Clarissimi quondam IUSTI LIPSI diligenter examinatus, nihil repertus est habere contra fidem Catholicam, aut bonos mores. poterit ergo ad multorum vtilitatem imprimi. Quod testor
20. Decemb. 1606.

Egbertus Spitholdius S. T. L. Canonicus
& Plebanus Antuerpiensis.

P R I V I L E G I V M C Æ S A R E V M.

RVDOLPHVS SECVNDVS diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatia, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fidei dilecto IYSTO LIPSIO gratiam nostram Cæsaream. Postquam inter alia, quæ DEVS immortalis hominibus liberali manu dedit dona, illustria inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, vt tanquam Dij quidam splendescere in terris videantur: rem sanè præclaram sequæ dignam illi præstant, qui diligentem iis ipsis in litteris ac disciplinis operam ponunt; præclarissimam verò & Reipub. vtilissimam, qui eas ita colligunt, vt aliorum menti docendo scribendo lumina præferant, eosque ex ignorantia tenebris quasi manu educant. Quos excitare, quos amare atque animare, ad dignitatis nostræ munus, ad quod Diuino vocati beneficio concessumque sumus, inprimis pertinere existimamus. Cum itaque ab iis, quorum nobis spectata fides, qui que iudicare de Litteris possint, acceperimus, insignes te animi ingenii que tui dotes tibi à natura insitas à primis temporibus ætatis tuæ ita litterarum ac disciplinarum studiis excoluisse atque exornasse, vt olim iuuenilibus adhuc annis præclara florentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituiisti, dum vetusta Latinæ antiquitatis rudera in nouam subinde structuram singulari artificio eleganter conuertisti: ad exquisitam adeò & raram doctrinam, quæ magnam de te apud doctos quosque viros opinionem excitarit, peruenisse, eamque variis abs te libris acri & graui cum iudicio scriptis atque in lucem editis ostendisse, vt in eo quod tam feliciter tractes scriptionis genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue versaris, flores colligere, concinnare, quibus Lectores mirifice recrees, & eorum pectus ad prudentiam, probitatemque informes: haudquaquam prætermittere volumus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrocinioque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro priuilegioque te & Typographum tuum aduersus quorumcumque fraudem, qui lucri causa, quod fieri solet, eadem excudere aut typis imitari forte velint, munitos cupimus. Quamobrem pro auctoritate nostra Cæsarea decernimus, statuimus, vetamusque, ne quis Typographorum, Bibliopolarum,

aut

aut aliorum, qui librariam negotiationem exercent, eos libros, quos tu editurus es, quocunque modo, charactere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq; ac Dominiorum nostrorum hæreditariorum fines, triginta annis proximis à primo editionis die computandis, absque tuo tuorumve hæredum consensu audeat: Hac autem lege addita, ut tria ut minimum cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, cum non solum eiusmodi libris, tibi, hæredibusve tuis, auxilio Magistratus, ubicunq. reperti fuerint, vendicandis, priuari, sed triginta etiam Marcharum auri puri multa, cuius semissis quidem Fiscus nostri Procuratori, fraudis vindici: alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quam Politicis, cuiuscunque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiãve exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis multa, eos puniri & quibuscunque modis coerceri curent, ni & ipsimet grauissimam nostram in se conuertere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti, Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici itidem decimo septimo.

Subsign.

RVDOLPHVS.

Jacobus Curtius à Senfftenaw.

Ad mandatum sacre Cæsareæ M^{tes} proprium:

Io. Baruitius.

Additum sigillum Cæs. M^{tes} in cerâ rubrâ.

SVMMA PRIVILEGII REGIS CATHOLICI.

PHILIPPVS Dei gratia Hispaniarum, &c. Rex Catholicus, diplomate suo sanxit, nequis, IVSTI LIPSI Historiarum in alma Vniuersitate Louaniensi Professoris, & item Historiographi sui libros quoscumque, à Censoribus legitimis approbatos, præter ipsius, hereditumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germaniæ ditiones importet, venalesve habeat. Qui secùs faxit, præter librorum confiscationem triginta marcharum auri puri illatione mulctabitur. Vti latiùs patet in litteris, datis Bruxelle, XIV. Febr. M. D. XCVII.

Signat.

Verreycken.

SVMMA PRIVILEGII REGIS CHRISTIANISSIMI.

HENRICVS Dei gratia Galliarum & Nauarræ Rex Christianissimus, singulari priuilegio sanxit, nequis per Vniuersos Regnorum suorum fines, IVSTI LIPSI, quos vel hætenus edidit, vel in posterum editurus est libros, excudere intra decennium præter voluntatem ipsius possit. Qui secùs faxit, præter librorum confiscationem, ter mille florenorum illatione mulctabitur, vti latiùs patet in litteris, datis Parisiis, XIII. Iulij, M. DC. V.

Signat.

Perrochel.


Tibi IOANNES MORETE, pro amicitia quæ mihi cum Plantino (heu, quondam meo) & Plantinianis est ac fuit, tibi, inquam, permitto, vti EPISTOLARVM mearum CENTVRIAS typis tuis excudas ac diuulges. Nequis alibi alius præter te, cupio siue iubeo, ex lege quam magnus Cæsar & Reges dixerunt.

Iustus Lipsius.






IUSTI LIPSI
EPISTOLARVM
SELECTARVM
CENTVRIA QVINTA
MISCELLANEA
POSTVMA.



ANTVERPIÆ,
EX OFFICINA PLANTINIANA,
Apud Ioannem Moretum.


cId. Idc. vii.

Cum Privilegiis Casareo & duorum Regum.



ILLVSTR^{MAE} STIRPIS,
EXCELLENT^{MAE} INDOLIS
THOMÆ SAMOSCIO
MAGNI IOH. F.

VETERIS AC NOVI SAMOSCI DOMINO,
PRINCIPI IVVENTVTIS.

OSTVMÆ huius, & vltimæ LIPSIANARVM Epistolarum Centuriæ, ILL^{MI} nominis tui gloriã prætexere, THOMAS PRINCEPS, non tam nostri instituti, quàm defuncti Auctoris quasi est mandati. Si enim non tantum quæ istis in paginis plurimis locis de Heroicæ virtutis PATRE tuo scripsit, legimus; sed magis quæ sæpè, imò semper

* 2 de

de illo dixit, recolimus : tunc subit, non
modò omnibus præsentis æui summatis-
bus æquiparasse, sed planè cum olim in-
comparabilis famæ hominibus compo-
uisse. Nam vt illius temporis vel pau-
ca strictim nomina reuocemus; quid in
Catone, Tullio, ipsoque etiam Iulio, sic
gloriosa suorum æstimatrix vetustas ex-
tulit, quod non meritò in IOANNE SA-
MOSCIO MAGNO POLONIAE CAN-
CELLARIO ET EXERCITVVM PRAE-
FECTO, ventura posteritas agnoscat &
veneretur? Adde, quòd illi adiuti tem-
poribus lætissimis, Italiâ Româque cul-
tissimis: quibus debere mores illos, tam
felicitatis fuit; atque iisdem nostrâ æta-
te & remotissimis SARMATIAE in lo-
cis excelluisse, optimæ maximæque est
laudis. Catonem sanctitas, & infra-
ctum pectoris robur probauit. Cice-
roni,

roni, Eloquentiæ decus, & seruata Patriæ gloria, parem gratiam reddidit. Denique Iulium, non tam à Dis origo, quàm per omnia diuinæ potentiæ æmulus animus, sideribus assignauit. Citra assentationem, MAGNANIMI Patris FELIX Fili, loquor: anne in illo tuo pariter & Patriæ Parente, rectitudinem Resp. aut constantiam etiam in aduersis vmquam desiderauit? Eloquij sanè disertissimi & salutaris opis bona sic semper subministrauit; vt, ne secum desinerent, etiam prospexerit. Postquam enim, optimarum artium cultus quid regnorum præsidibus prodesset, suo satis exemplo confirmasset; Musarum celeberrimum Athenæum, HIPPEI SAMOSCIANI cum titulo, publicis & perennibus POLONIAE vsibus consecrauit. ô laudem, & famæ, quia non inter-

* 3 ituri

rituri fructus, æternitatem! Superest Cæ-
fareæ imaginis typus. quem militiæ ar-
tibus, patientiâ, successibus nostro sæ-
culo sic reddidit, vt post veterem illam
memoriam, vno tantum dissimilitudinis
genere, ab illâ Veneris (sed quam Mars
armatus amauerat) stirpe discesserit. Qui-
bus enim ille armis patriam oppressit, hic
seruauit. Quibus Gallias ille toto decen-
nio, sed sibi, subiugauit; hic à SARMATIAE
limite, bono publico, Dacum,
Parthos, ingentibus submouit stragibus;
Moschum Lithuaniam expulit, Sueciæ
Tyrannum non semel fregit. Denique
XXIIII. annis inter militares florentissimi
regni viros sic belli præfecturam susti-
nuit, vt gloriâ plenus, offensæ nescius,
ab armis non antea quàm è vitâ discesse-
rit. Talem LIPSIVS HERO A, quoad
vixit, suspexit; idque, si fata tulissent,
pluri-

pluribus sempiterni ingenij monumen-
tis testari constituerat. Verùm ah! non
toto vertentis anni spatio illum suum
POLONIA extulit, huic Europa etiam
cum lacrymis parentauit. Ita nihil sum-
mum diu consistit; & qui humanum
fastigium excessere animi, vti cælo pro-
ximi, ita citò ad illam beatitudinis ædem
& lubenter transeunt. Nec aliter tamen
(habet hoc omnis inclyta virtus sui præ-
mium) à nobis & terrestribus hisce re-
cessisse vterque videri potest, quàm à lu-
minis sui auspice, & roseâ vt sic dicam
matre, antelucanus Sol solet. Iste enim
apud originem ortúmque totus aspicitur,
quia adhuc terris adhæret: sed mox vbi
cæli conuexa scandere cœpit, omnes bo-
nis illius fruimur, nemo intentè aspicere
conatur. Tale meritò fulgidissimis hisce
eueniet, in cælestem claritudinem, à vi-

talís huius lucis tenuitate sublimatis. quid-
quid enim à vicinitate mortalitatis, quasi
nubium nebularúmque adhærescere vi-
detur, dies demet; supràque ætatis suæ
conspectum prouecti, sempiternâ sæcu-
lorum veneratione vigeant. Verùm
huiusmodi, & recurrentis doloris singul-
tibus æquales, dum cogitationes conte-
ximus; ecce alterum mœstitiæ huius
membrum illis superest, qui desertam
tuam pueritiam, annósque infra primam
adoleſcentiam positos, cum miseratione
æſtimant. Hos licet indoles tua securos
facere possit; tamen Illustrissimi dignita-
tibus, coniunctissimi sanguine & amici-
tiâ SAMOSCIANA quatuoruirî, ætatis
& familiæ tuæ curatores, pro te spondent:
GEORGIUS SAMOYSKI EPISCO-
PVS CHELMENSIS, NICOLAUS
ZEBRZYDOWSKI PALATINVS ET
GENE-

GENERALIS CRACOVENSIS,
MARCUS SOBIESKI PALATINVS
LVBLINENSIS, STANISLAVS ZOL-
KIEWSKI CASTELLANVS LEO-
POLIENSIS ET EXERCITVVM
PRAEFECTVS CAMPESTRIS. Hem,
quanti, qualésque viri te manibus suis
gerunt, oculis obseruant, cordibus cu-
rant! Imò totum simul SARMATIAE
Regnum, quos à PATRIS tui morte
oculos turbauit, in te reficit: te MA-
TRIS tuæ aureum partum, Patrij non
magis sanguinis sobolem, quàm virtu-
tis heredem, cum solatio aspicit & amat.
Erigere

O decus eximium, & magnis virtutibus auge
tuorum de te conceptam spem, exspe-
ctationem omnium. Nos quoque pro-
cul positos de te cura exercet; dum quis
vultus, ætas, profectus tuus sit, studiose
inqui-

inquirimus. Cresce & adolesce, G L O -
R I O S I S S I M E P R I N C E P S, vel in reli-
quæ Europæ inuidiam; & non summo
adhuc studio, languidas tuæ fortunæ pas-
sim adolescentium institutiones, te supe-
rasse audacter cense. Tam enim spernitur
hoc futuræ vitæ summum bonum, vt
vbique pænè gentium ignoretur. Omnis
tamen ætas docuit, humanitatis artibus, &
floribus ingeniorum virtutibus, im-
peria crescere & florescere. Maacte tu sal-
tem. nam paterna per vestigia euntē par
pro paribus virtutibus æternitas manet.

Vouemus & FELICITER acclama-
mus,

L I P S I A N I T E S T A M E N T I *Curatores;*

N I C O L A V S O V D A R T V S, *Canonicus & Officialis Mechl.*

G V I L I E L M V S W A R G N I R I V S, *Canonicus D. PETRI Louan.*

I O A N N E S W O V E R I V S *Antuerpiensis.*

INDEX

EPISTOLARVM

CENTVRIÆ V. MISCELLANÆ

ÆGIDIO Schondoncho V.R.
xvj.

Andrea Chiocco V.C. xxxv, xlviij.

Andrea Schotto V.R. xc.

Antonio Persio xxxvj.

Afcario Columna S. R. E. Cardi-
nali lxiiij.

Auberto Miræo Canonico x,
lxxix.

Augustino Valerio S. R. E. Car-
dinali xlvij.

B.

Balthasari Moreto suo lx, lxxxj,
xcij.

Balthasari Robiano, Consuli iij.

Bartholomæo Petro Lintrensi, Do-
ctori Theologo xxvj, lix.

Bernardo Macieiovskio, Epi-
scopo Cracouiensi xxij.

Bonifacio Breuilaque S. R. E.
Cardinali lxxiiij.

C.

Carolo Archiduci Austriæ, Imp.
nepoti & pronepoti xcj.

Carolo Duci Croyo & Arschota-
no xxv.

Carolo Philippo Rodano, Epi-
scopo Brugenfi lxix.

Claudio d' Ausquio, è Soc. Iesù iij.

Curtio Pichena xxxiiij.

D.

Davidi Hilchenio, Regi Poloniae à
Secretis lvij.

Demetrio Soliconio, Archiepisco-
po Leopolitano xxij.

Dionysio Villerio V. R. xvij,
xxvj, lxxvij.

Dominico Auengochæa I^{to} Sena-
tori Regio xix.

E.

Emanueli Pio S. R. E. Cardinali lij.

Erycio Puteano suo v, xij, lxvj.

F.

Florentio Vander-Hario Canoni-
co lxvij.

Francisco Harleo Abbati S. Vi-
ctoris l.

Francisco Mariae Sagri Illyrio
xxxij.

Francisco Queuedo Viro Perillu-
stri lv.

Frederico Borromæo S. R. E. Car-
dinali lxxxviij.

Frederico Morello viij.

Frid. Taubmano lxxxviij.

G.

Gaspari Diemeno lxxviij.

Gaugerico Ruisio I^{to} suo lxij.

Georgio de Magna Concice Min-
sehez xxiv.

Gerardo

| | | | |
|-------------------------------------|------------|----------------------------------|----------------|
| Gerardo Buytevechio suo | xlvi. | Ludouico Beccatello | lxx. |
| Guilielmo Richardoto suo | ix, | Ludouico Nonio Doctori Medico | liij. |
| xxxvij. | | | |
| H. | | | |
| Hadriano Flerontino I ^{to} | xcix. | Lupercio Leonardo Argensola | xx. |
| Henrico Halmalio V. N. | xciiij. | M. | |
| Henrico Vanden Eede, cognato suo | | Marco Antonio Bonciario | xlx, |
| lxxij. | | lxxj. | |
| Henrico Vvueno I ^{to} | vj, lxxvj. | Marco Velfero V. J. | xj, xl, xliij, |
| | | lj, lxxxix. | |
| I. | | | |
| Jano Grutero | xlvi. | Matthia Houio, Archiepiscopo | |
| Joanni Aquilario Aluarado | xliij. | Mechliniensis | xv. |
| Joanni Andreae Prochnicio Lega- | | N. | |
| to Ser ^{mi} Regis Poloniae | lxiij, | Nicolao Hacqueuillio | xij. |
| lxxxiv. | | Nicolao Oudarto suo | xxxj, lxxxij. |
| | | P. | |
| Ioanni Baptista Baronio suo | xviiij. | Paullo V. Pontifici Opt. Max. | |
| Ioanni Bapt. Sacco | xiiij. | xcviiij. | |
| Ioanni Bapt. Salazario | lvj. | Petro Colins | xxxix. |
| Ioanni Bapt. Siluatico | lxxx. | Petro Orano I ^{to} | xxix. |
| Ioanni Buiſſonio Conſiliario | | Petro Pantino V. R. | lxj, lxxiiij. |
| xxxvij. | | Petro Peckio Conſiliario | xciiij. |
| Joanni Chokiero I ^{to} | xxvij. | Philipppo Rubenio suo | viiij, xxx, |
| Joanni Gauerellio I ^{to} | lxxv. | xliij. | |
| Joanni Mirao, Episcopo Antuer- | | R. | |
| piensis | xc, xcvi. | Remaclo Roberti | ij. |
| Joanni Richardoto, Praefidi | | S. | |
| lxvij, xcvi. | | Sebastiano Maccio Durantino Viro | |
| Joanni Samoscio, Regni Poloniae | | Perilluſtri | liij. |
| Cancellario | j. | Seraphino Oliuario Sacri Palatii | |
| Joanni Vergerio Aurano suo | xli. | Auditori | xxxiiij. |
| Joanni Wouerio suo | lxxxiiij, | S. R. E. Cardinali | lxv. |
| lxxxvj. | | Simoni Simonide | lvij. |
| L. | | | |
| Leonardo Leſſio, Theologo Soc. Ie- | | Stanislao Krzyſtanouuicio | lxxxv. |
| ſu | xxj. | Oratio de Calumniâ, loco cen- | |
| | | teſime Epistoſe. | |

1

IVSTI LIPSI
EPISTOLARVM
SELECTARVM
CENTVRIA V. MISCELLANEA,
POSTVMA.

EPISTOLA I.

I. LIPSIVS IOANNI SAMOSCIO, *magno Regni
Poloniae Cancellario, & Exercituum Praefecto.*



ILLE DOMINE, Deum ego te-
stem capio interioris meae volunta-
tis, quàm saepe adspirauerim ad te
scribere, & cultum pròmere quem
virtutibus tuis debitum, in isto
velut Vestali secreto clausum ser-
uabam. Adspirabam; sed occasio
numquam fuit, aut rima aperta
per quam erumperet: nunc vide-
tur factum, & Simonides atque

Hilchenius tui, manum praebent, & praecunt ut veniam &
me sistam. Ego facio: scis quomodo Vir maxime? ut si vel ad
Regem aliquem magnum venirem, tui verens reuerensque,
& mixto affectu amans. Profectò in omni genere virtutes tuas,
in bello, in pace, parem hoc saeculo, imò & superiore: parem?
vix similem habuerunt, & libero ore ac puro iudicio profi-
temur. O Stephanum regem magnum! sed & magno te adiu-
tore & administro: qui alter heros, benè coniunctus cum
heroe illo eras. Fructus Europa vidit, audiuit, & tui etiam nunc
sentiunt: & tu gloriam peperisti, quam edax illud tempus non
absument. Quam gloriam, mihi crede, illustrat & auget varia &

remotior doctrina, quâ ipse es imbutus: & quam in oris illis tuis suscitās & propagas. Onate in exemplum virorum Principum, atque utinam sint qui imitentur! Non me fugit, quam humanitatem, aut potius benignitatem, iterumque potius beneficentiam, nostratium quibusdam etiam exhibueris, qui peregrinati illuc sunt; & inter eos Douſæ filiis: qui Douſa (dolenter scribo) ante dies circiter quindecim fatalem suam metam adiuit. Cui me etiam sæpè valetudo tenuior, & omni motu afflictior, admouet: viuo tamen hætenus, & tuus viuam cultor, mirator, cliens. Ill^{me} Domine, non epistolam hanc cense, sed animi interioris sensum: iterumque testem illum, quem nemo fallit, inuoco: & tutorem eum tui aduoco, venerorque. Lo-
uanij, v I. Idus Nouembr. ∞. I O C. I I I I.

E P I S T. I I.

Bruxellas.

R E M A C L O R O B E R T I S. D.

R E M I T T O Soranzam tuam, de quo equidem benignius iudico, quàm de illo Peregrino, ut se appellat. cuius causa ab initio ut bona fuerit, corrumpit eam malè & asperè agendo. Et in reges cui hæc libertas aut ius datum? Sed omit-
tamus. scio alia aliis iudicia: ego autem Horatianum illud sub-
murmuro,

Non ut porticibus, sic iudiciis fruar iisdem:

cum vulgo, dico. Ad Legatum librum mitto, & cum salutis & obsequij mei delatione trades. Statui omnino, quod scribis, aliquid ad eum pangere: sed opportunitas expectanda est. Ex animo apud te depono, digniorem hoc & alio honore ego, è nobilitate, in Belgicâ nondum vidi. Sed patriæ nostræ quid fiet? Hostis vigilat, apparat, inuadet: nos sedemus, frigemus, & votis auxilia optamus. Ventura, an iam venerunt? nam herè aures meas fama tetigit, triremes cum milite in Morinos appulisse. Ego autem non tam de milite, quàm de consiliis laboro: & Mineruam iungi equidem velim cum nostro Marte. Qui Mars nec Pannoniis secundum se præbet, si vera quæ hîc sparguntur de nouâ illuc clade, an prodicione. neque enim di-
stinctè

CENTVRIA V. MISCELLANEA. 3
stinctè & liquidò etiam scio: si per te, gratum erit. Vale vir
amice. Louanij, postrid. Kal. Mart. ∞. I D C I.

EPIST. III. *Antuerpiam.*

BALTHASARI ROBIANO, *Consuli.*

ANTVERPIÆ vestræ hoc, an Deo & Fato adscribam?
sed vtri, ego melior valentiorque paullò sum, post liba-
tum aërem vestrum, perambulata urbem, flumen naviga-
tum, denique post sermones suavissimos vestros & conuictum.
Non sum equidem (ne fallam) in veteri illo virium vigore: sed
spero paullatim tangere, si Deus manum non subducit. Spero,
non confido. quid enim certi hîc est? & quid hanc vitam, nisi
vt mare, dixerim esse? Semper in eo fluctus aliqui, sæpè tem-
pestates, iterumque malacia & risus. Tale in vitâ: iactamur,
concutimur, curis, aut morbis: denique iterum hæc meliore &
mitiori sorte, aut valetudine, mutantur. Optem in republicâ no-
strâ sic esse! alternum, inquam, aliquid interuenire. Sed quid
nisi adsiduæ procellæ sunt? & iam ab annis plus triginta ocu-
lis non vsurpauimus amœniorem aliquam lucem. O Deus, ita-
ne semper iudex & vindex nobis es? numquam geres & efferes
etiam patrem? Spero equidem, & vel vicinorum exemplo con-
firmor. qui cum aut in bellis palàm, aut eorum metu essent, præ-
ter opinionem pace fruuntur: & bonis nobis apertum semper
stabit templum hoc Iani? non stabit: inducias, si non pacem
dabit, & respirare paullum, si non reualefcere, patietur. Corde
eum rogo, & te V. Cl^{me} Reip. tuæ, quæ te & quam tu amas,
diu saluum esse. Ecce autem & Carmen subito scripsi, argu-
mento quod initio dixi: habe & lege, si est tanti. Louanij, prid.
Kal. Iunias, ∞. I D C II.

Duos illos nostros saluere cupio, Schortium & Vvenum.

AD ANTVERPIAM, & inibi AMICOS.

ANtuerpia, vrbiū oculē, amata Lipsio,
 Et æstimata vrbes supra omnes Lipsio,
 Quā volupe mē te luminibus istis fuit
 Vidisse nuper, atque amena mania
 Lento perambulasse identidem pede?
 Quā volupe pariter, illum amicorum gregem
 (Ita dico: plures namque sunt) illum gregem
 Sermonibus fruitum esse, vel conuiuīis!
 O neētar, ô ambrosia, & ô meis malis
 Lenamen vnum! tibi, quod animam ducimus,
 Adscribo: tibi, quod tangimus chartam & stilum.
 Tu sola morbi Phœbus audies mei,
 Tu sola sospitator Æsculapius.
 Quid me futurum porro, nouit hoc Deus,
 Vita arbiter necisquē: sed ero, non ero,
 Tuus ego viuus, mortuusquē. quod hac manu,
 Hac mente testor: MAGNVS AVDIAT DEVS.

EPIST. IIIE.

Insulas

CLAUDIO D'AVSQUIO, è Soc. Iesu S. D.

MANVM tuam agnoui, & libens vidi: quod si non illam, stilus tamen prodebat. Quā pauci enim sic scribant (neminem dicere religio sit) inter meos Belgas? Sed domum te redisse, & placere eam, hoc placet: quod idem mihi. Ego cursu vorforiam cepi, nec vela aut remi faciebant satis: adeo fugiebam istos amicos quidem, sed qui

* Conuiuī-
 tur, & in-
 terponunt
 pocula
 Bacchi.

* Εἰλαπνάζεσι, πίνεσίν τε ἀποπτα οἶνον.

Corpusculum meum & viriculæ, vt sic loquar, non subsistunt nunc istis. Sermones alioqui capiunt, & illa comitas Antverpiensium propria: sed huic quoque melli fel suum, & natali forte nostrâ

lora, nec secutum solùm esse, sed præiuisse! Alij abnuunt: quid promouent? ille in bono & recto firmus

—— per obstantes cateruas

Explicuit sua victor arma.

De Cardinali Borromæo, & eius in optima studio, volupe audire. quod autem quærit, de lapide in aceruum Mercurij misso (in sacris ita scribitur) non aliud arbitror, quàm ad morem veterem allusum, qui sic habet. Mercurius viarum præses, & Græcis verbis, ὁδός, ἐνὸς ὁδός, ὁδῶδες, in biuiis aut triuiis effingebatur trunco habitu, & in lapidem rudem, quadratum, quos *Hermas* Græci vocabant. Ij signum erant & indicina viæ: atque vbi non illi, moris vt lapides aliquot aceruarentur, qui vicem eorum & vsum supplerent. Itaque pauci illi coniecti aut dispositi augebantur pietate an superstitione transeuntium: & Hebræus ille Sapiens nunc dicit, Beneficium aut honorem insipienti dare, assimile esse illi, si quis in aceruum talem lapidem velit iecisse. Nam beneficium quidem est, viatori puta: sed nemo imputat, quia dator ignoratur: tale in fatuo, cui beneficium si confers, perdis. Septalium conualuisse, triumpho & gaudeo, virum quem iamdiu habeo optimum doctissimumque, & melioris illius æui germen. Saluta, amplectere; ego te, & tu virtutem. Louanij, XII. Kal. Sept. ∞. IOCII.

E P I S T. VI.

Antuerpiam.

HENRICO VWENO I^{ro} S. D.

FILIOS tuos iam nunc apud me in leuiculo prandio habui, quos libens sanè video, & in iis ipsum te. Placet vtriusque indoles & industria; etsi cum aliquo discrimine, quod in sermone facilius edam. Deum seruare eos tibi precor, virtuti & reip. crescere, heu quàm inopiâ virorum, aut certè consiliorum, nunc laboranti! Quæ fiant, omnes videmus; quæ futura, timeamus: & quæ facula bonæ spei allucet? Ego nisi tenebras & confusionem non video: atque inuitus vel in hunc labyrinthum sermonis venio, implexum, & exitus ignarum. Quæ sentio, dicere non lubet, & sine fructu sit: sileo, & philosophiâ meâ me inuoluo. Legi quæ amicus ille (tuus alter) ad te scripsit: quid censes?

centes? miratum me? nihil. Nota & præcepta hæc mihi sunt: & scio à quo fonte sumant. Ecce, hæc suggeri & doceri possunt: ridentur, ad ineptias & futes subtilitates eunt, quæ ipsi *Ingenia* appellant. Ridere nos quoque possemus, si Pietas & Patria non agerentur: nunc ringimur; & quod vnum superest, frænum mordemus. Beati amici, quos interea ad beata loca mittimus! Ego hîc & alibi plusculos hoc anno: secuturus alacri gradu, cum euocare Imperatori meo visum. Vellem cum Schottio & Robiano hæc altercare nobis in sermone liceret, sed non mœstis: paratis ferre & subire quodcumque iugum Deus imponit, sed Pietate semper saluâ. Insigne documentum, si vlla ætas, hæc dat, & (vtinam fallar) dabit, quàm sine prudentiâ potentia inermis sit, & inefficaces manus habeat. Aula apud nos bis terque fuit: Aula. Aliud non habeo, videre & alloqui amicos ibi opto, hiems prohibet: saluere igitur iubeo, aliàs (Deus non inuidebit) videndos. Tuam saluto, & duos amicos, quos nominaui. Louanij, postrid. Kal. Nouembr. ∞. 1611.

EPIST. VII. *Eutetiam.*

FREDERICO MORELLO S. D.

SVAVES mihi tuas, ita Musæ me ament. Nam silueras aliquamdiu, & ego pariter: quid mirum (in me quidem) vbi nubes hæc & mœsticia temporum impendet? Amœna aut amica omnia à nobis abeunt: pro virili quisque satagit tueri se, subsistere, nec aliarum rerum esse. Apud expertum loquor, & hæc Enyo Galliam quoque, & urbem vestram, infestauit: sed minus pertinaciter, & mitior Dea superuenit, & ^{* ἡσυχίην χαρίσσοις} *ad-* ^{* quies} ^{grata.} spexit, & sibi vindicauit. O melior Galliæ pars, & animæ humanus, vt sic dicam, ^{* ἡγεμονικόν} sic manete: & lucis aliquam spem ^{* πᾶσι} ^{* pars præ-} ^{* ἐν ἀνεν δειλῶς} ^{* non sine} ^{diuino in-} ^{stinctu.} nobis facite, à luce illâ vestrâ. Ominor, & fortassis ^{* ἐπιπνοίας} Sed ad tuas litteras. significas *De Bibliothecis* te vidisse, & placuisse. Argumento, non ambigo: tractatu fortasse, quia auctorem amas. Nam ^{* ἐμπράξεν} te mihi, abest à candore tuo, ^{* illudere.} qui non habet istos ^{* φανατισμός} Ceterum, libellus exiguus: sed vel ^{* φραδν-} ^{lentas} præiuisse in hoc æuo, & immani bonorum contemptu, nōne magnum est? ^{* Μαλ' ὅτως} fortasse, vt Homerissem: sed conscientia ^{* Frustrâ.} sufficit,

fufficit, & viderint qui delinquant. De Italo, faciundum semel
 * *cornu- fuit, & istos * κεραισέλλας* reiiciendum aut reprimendum. Dij bo-
tas. ni, quæ copia est? In posterum abstinco,

Atque arma, defunctamque bello

Barbiton hic paries habeto.

* *unum ex Te amo, & vtinam fruar * ένα τῶν ἀληθινῶν φίλων,*
veris ami-

cis,

— cuius se pectore Graia vetustas

Condidit, & maior collectis viribus exit.

* *in auium.* Sit & mihi in eodem locus; in meo quidem, * *δι' αἰῶνος* tibi erit:
 sed & Morantium adiungam & curabo, quia tuum, & faxo vt

* *amantem* re factum dicat. Vale ô optime, & * *φιλέντα ἀντιφίλει.* Louanij,
redama.

v. Kal. Decembres, ipso die quo tuas vidi. ∞. IOCH.

EPIST. VIII

PHILIPPO RUBENIO meo S. D.

LVBET adfari te mi Rubeni, in publicis priuatisque ma-
 lis, & quibus tolerandis animus est, vtinam in corpore ta-
 men sano. Audis ruinas nostras, & sonitus vel illuc te penetra-
 rint: quid speramus, aut cui innitimur? Deo, nec præter illum
 nos iuuat. O vanas spes in nouâ dynastiâ! etsi optimos eos ha-
 bemus, sed nescio quâ fati malignitate nihil adhuc in nostram
 rem factum. De fato, quàm de culpis loqui malo: & in id æui
 venimus, vt tangi eas nolimus; & verè cum Liuius, *nec remedia*
nec mala nostra pati possumus. Quid ergo superest, nisi ad illum
 aspicere qui suprâ est, & cum poëtâ dicere,

— τὰ δ' αὖ Δὴ πάντα μέλει?

Fiat, fileo, stilum aliò verto. Ad nos, mi Rubeni. & ecquid agis?
 quid in futurum destinās? nam in eo iam te esse vt decidas, ratio
 & ætas, sed & scriptio tua, dicunt. Deum veneror, vt cum du-
 plici bono tuo fiat, interno externoque: si minùs, illo. Scripsi ali-
 quid nuper, sed tibi & ἀφράτως: tecum habe, ruminare, & verbo
 veteri **LENTE FESTINA.** Si animum Philosophi induis, vt
 debes & indoles tua poscit; animû curabis eximiè, imò tantum:
 cetera non deerunt affectuum modico, & iucundè clamabis,

— Benè est, cui Deus obtulit

Parcâ, quod satis est, manu.

Longiùs si imus, extraterminos imus, & in vastum illud IN-
FINITVM.

Si animus hominem perpulit, actum est, animo seruibit, non sibi:

Sin ipse animum perpulit, dum viuit, victor victorum cluet:

ait ille noster, altâ sapientiâ, etiam in focco. Ego de indole tuâ sic confido, vt etiam sine præmio bonum te futurum augurer, nec vel inter praua & prauos deprauandum. Et hercules de præmio, sepone in hoc æuo: quo Theognidis dictio vera est,

Νῆχeto μὲν πίστις μεγάλη θεός, ὃ χετο δ' ἀνδρῶν

Σωφροσύνη, χάριτες τ', ὃ φίλε, γῆν ἔλιπον.

Imus ad humilia, sordes, vitia; & qui formandis animis præfunt, quidam eò ducunt. O beatum me, qui mox hæc relinquam, & tutò spernam! Beatum & altero nomine, quòd in culpam non trahar, & consiliis aut actionibus publicis numquam me inserui aut communicauì.

Καλὸν δέ γ' ἔξω πραγμάτων ἔχειν πόδα.

Itaque eâ cogitatione & simili, quam Sapientia cumque mihi dictat, sustentor, — *es meâ*

Virtute me inuoluo, probamque

Pauperiem sine dote quero.

Quid si fugerem? bellum daret, & iam Miles ille incompositus & ex professo(iusso non dicam)proteruus, itemque Seditiosus, noua nunc manus, eò impellant. De istis, scito ad quattuor milia & vltra iam creuisse; hostes iudicatos, nondum repressos; & omnia agere in agris nostris ac ferre. Si videas audiasque miseriam; patriam miserari velis nescio, an odisse. Hæc publica nostra sunt, & priuatim mihi etiam bella. Ille Italus, quisquis aut vbi fuit, me fædo & insulso libello petiuit: respondi, non vt regerem sordes, sed à me abstergerem. Fortiter feci; & ausim dicere, non reieci solùm hunc Andabatam, sed deiëci.

Ὁ νόμπος εἰδὲς, ῥάδιον γ' εἶπεν τόδε,

si mea modò legetis. Sed apud me, non meâ causâ, ingemisco.

Heu, quo æuo viuimus? & cui vos surgitis? Sapere horror, sed vobis: si aperitis, non inuidiam sed odium habituros. Timonis illa vetus secta publicè damnata est, & euauit: vereor vt aliquis reuocer, cum homines & iudicia hæc videt. Benè est, quòd non diu videat,

— *Et omnes una manet nox.*

Et calcanda semel via leti.

Calcavit iam noster ille Micaultius, ô vir probus & pius! qui lento & medicis quoque ignobili morbo obiit, ante paucos hos dies. Quis etiam? Vibrandus ille Anskema, plenus spirituum iuuenis, & qui pænè cum Alexandro *manu vna Orientem, alterâ Occidentem tangebant*: obiit, inquam, populari morbo & *δοσφύω λοιμῶ* extinctus. Eamus, altum spiremus: in carceribus nostri cursus sistendi aut abripiendi. Etiam meus Euerardus Pollio, olim in contubernio, desit vivere lentâ & pulmonariâ tabe extinctus. Ecce funera: ad viuos redeo, & Io. Wouerium nostrum auidè nimis exspecto. Per Batauos venire dicitur, securitatis au visionis causâ. Veniat, amplectar, & pocula libabimus memoriæ etiam absentium amicorum: inter eos tuæ, tuæ mi Rubeni. Fac idem,

Nigrorumque memor, dum licet, ignium,

Misce stultitiam consiliis breuem.

De Senecâ scio exspectas: dico tibi, ne exspecta. Famæ litare conati olim sumus, nunc Quieti: & Seneca faciat suadeatque, si viuat. In hoc theatrum aretalogi prodeant & chrestalogi; emanent qui sine fucò rem, non speciem, præbent. Quàm diffundor? cum præsentē fecare sermones videor: & es animo: optote sic affectum. Ita vale mi Rubeni. Louanij, vi. Kal. Nouembris, ∞. . IOCII.

E P I S T. I X.

Patauium.

GVILIELMO RICHARDOTO suo S. D.

RA R O aut scribitis, aut ego quidem accipio: & video eamdem culpam, an casum, in meis litteris esse. Quid faciam? feram, vt multa in hoc æuo, non pro altis bonisque ingeniis, vt rem dicam. Vaticinari lubet. intra paucos annos, si sic pergitur, Doctrinæ melioris nomen Europæ subducentur, & barbaries ac sordes erunt, quas aui nostri viderunt. τῷ δὲ θεῷ τὰτο μέλλουσι: mihi, vt bona teneam aut appetam, & immotus stem contra malitiam aut inscitiam ingruentem. Cadere, non cedere,

dere, possum. Sed heu illa ora etiam vestra! olim luxit, & radios
vel in has oras sparsit: quid nunc? cum Pindaro,

* Λαμπάδα δ' ἔδεις οἷός τε φέρειν

* Facem
nemo ferre
aptus, pra
imperitiā
hodie.

Ἴπ' ἀγυμνασίας ἐτι νυλ.

Pudet, cum lego quædam: quid vel illa nostri Lucij? etsi ego
refutaui, verè — *apinas tricasque, & siquid vilis istis*. Et hæc
illuc eduntur, leguntur, fortasse & probantur? ô murcidi, an
murci, & ab omni honestiore militiâ iam soluendi. Sed ego ille
alienus ab omni pugnâ, tamen refutaui, & mundo ostendi,
quàm verè olim Hippocrates: * Σφαλερὴ καὶ ἑυπταίσοις ἡ μετ' ἀδολεχίας
ἰατροῖσι. Etsi non ἀδολεχία hîc tantum, sed * βασιλευσία: atque
ille fons præclaræ scriptionis. Quid tamen efficiunt? ut libe-
rè dicam,

* Præops
& labi fa-
cilis, cum
garrulitate
confidentia.
* Inviden-
tis.

Multa Dircaum leuat aura cygnum:

atque illi tela non peruentura, adeò non læsura, spargunt. Qua-
re igitur respondemus? non ut vlciscamur, sed ut emendemus:
non aliter, quàm pueros compescimus lasciuiantes. Sed de Lu-
cio videbitis: nec velim alium utique ὑπερωμενιστὴν mihi dari. Non
Segetum illum nostrum, etsi offert: cui utinam pro meo voto
benè lauteque sit! Sed scribe semel, quid mali fari aut vitij il-
lum premat: * Καὶ μοι τὸτ' ἀγόρευσον ἐτήτυμον. — nam iuuenem, olim
inter meos, amo. Fratrem in viâ esse, lætus audio: Deus ad suos
& ad me ducat. Tu autem Bononiam? nec illuc pro spe aut vo-
to fortasse omnia reperies. Tamen vel repertis vtere, & quod ille
ad Vlyssæm,

* Atque
hoc mihi
effert vera-
citer.

Ἐδιδε δαιμόνιε ξείνων, καὶ τέρπει τοῖσδε

Οἷα πάρεσι.

Me autem ama: quod non facies, nisi illa quæ à me amare per-
gis, id est recta & honesta. Pompa ne te abducat, vide. Loua-
nij, XIII. Kal. Sextil. ∞. IDCII.

EPIST. X.

Antuerpiam.

AVBERTO MIRAEO CANONICO S. D.

LITTERAS tuas, & quæ inclusa erant, accèpi; atque
etiam excusationem, de raritate scriptionis. Scio non à neg-
lectu esse, & mihi atque occupationibus meis dari interpretor
libens.

libens. Sanè illæ crescunt, & obruent me, nisi recido. De *Ferreolo*, gratum, pergratum est, tales in Sacro ordine reperiri, qui & hæc nostra, veterum illorum Patrum exemplo, æstiment ac sciant. respondi. Mittes Antiquarium illud Carmen: si serium, quid nisi ineptiæ & animi error? sin experimentum tantum, abeat, nec per me notam aut laudem ferat. De *Antuerpiâ*, in sermone memini nuper nos agere: in meis reperio memoriâ eius, anno Domini I O C C C X X X V I. Caroli Magni imperio: *Normanni Anduwerpiam ciuitatem incendunt, similiter & VVittham emporium iuxta ostium Mosæ fluminis*. Ita Annales vetusti, sed incerti auctoris: nec antè memorari notaui equidem. etsi iam tunc aliquid magni fuisse, ex eo quòd *Ciuitatem* appellat, dicas. Iacuisse ab eo incendio aliquamdiu arbitror, sed tamen instauratam: iterumque eius mentio, in rebus Henrici I I I. apud Lambertum Schaffnaburg. anno ∞. L X X V I. *Gozito*, inquit, *Dux Lotharingorum, cum esset in confinio Lotharingiæ & Flandriæ, in ciuitate quæ dicitur Antuuerpha*. Et paullò post: *Marchia, quæ dicitur Antuuerpha*. Vides Germanos paullò aliter ac nos pronuntiare, quod hodieque solet. Vides & situm eundem: siquidem Brabantia nostra tunc Lotharingia: denique vides iam tunc *Marchiæ* titulo insignitam. Ista nunc præ manu fuit scribere, alia à te (vt industria tua est) addes. De rep. circa nos nunc meliora. Timuimus certè, nec iniuriâ, Batauum validis copiis succinctum. Vnde istæ vires? palàm est à se non habere. Vtinam res Gallicæ, & detectæ ibi infidiæ, non dent alterum nobis hostem! Deum precor hæc auertere, nobis intendere & feruare. Vale mi Miræ. Louanij, XIII. Kal. Sextil. ∞. I O C I I. RR. PP. Schottum & Heribertum saluto. Accépítne prior ille quæ ad Senecam misi?

E P I S T. X I.

Augustam.

M A R C O V E L S E R O V. J.

FE C I quod volueras, etsi ego haud valdè vellem: scripsi, inquam, ad Masium, in re pecuniariâ. Quid tu autem censes? Tagum aut Pactolum nobis fluere? mera hîc inopia, & priuatim ac publicè (pudet dicere) mendici panè sumus. Ego ille

ille animo diues, & Stoicorum dogmatis, in metallis istis delinquo, & de fide congiarij annui laboro. Ego, qui in gratiâ Principum & magnatum esse non diffiteor: sed sic laboramus, & diuturno isto bello afflicti sumus, an exhaustos dicam? Tamen Mafius (actor tuus dicet) benignè respondit, facturum omnia quæ in copiâ eius erunt: dolere tantum, quod consiliis eius ante biennium aures non præbuiſtis. Nam tunc res laxiores. Iſta de re, quam ſolam rem multi cenſent. Carmen N. accepi, & à tuâ interpretatione probaui. Nudum ſi viderem, quid afficeret? ſed *inuidia victæ*, vt ais, *ſi hæc trophæa*, age, in porticu meâ aut portâ ſuspendam: ſed non in *Senecâ*, ne erres. Eum diſſero, non omitto. numquam ſcriptorem illum & vnicum magiſtrum è manibus: non tamen ita, vt omnia publicemus. Reuerentia me æui & iudiciorum habet; eliminanda ſunt, quæ illi conſcribimus, & iſtis delegamus. Sed heus tu, vidisti ne qui ex tranſverſo me petiit? vidisti, etſi diſſimulas: iudicij autem vel & conſilij tui copiam voluiſſem. At nunc ſerum eſt. nam reſpon-di. hîc habes: dic vel nunc quid de utroque videatur. Sartin' ego pro ſano, qui non ſanum reſponſi honore ſum dignatus? Difficile in iſtis temperare: etſi uſque adhuc Europa dicet modeſtum me, imò & per-patientem, fuiſſe. Quàm multis non reſpondimus? quos vt infantes vagientes habui, & riſu non ſcripto componendos. Non probo iſtos, qui ad ſingulos inſultus ſe parant & exſerunt, & in-gladiatorem pugnant: nec tu mi Marce, ſi te antiquorum hominum & morum noui. Philoſophi ſumus? tranſeamus. Chriſtiani? patiamur, alieni ab exce-trâ illâ delictorum omnium, ſuperbiâ & vindictâ. Sed ſcriptum habes, iudica. vincar aut vincam, parum eſt: cum Ariſtippo, *Ego victus abibo incundiùs, quàm ille victor, dormiturus*. Etſi non poteſt hoc bonis arbitris: quem te cenſeo, & mihi fero. Adiuncta ad Delrium noſtrum eunt: perueniant, obſero, te mittente. Martialem, qui ad te & tuos, vidimus: multa bona: voluiſſem ſtrictiùs quædam dicta. Sed ille cauſas ſuas habet: pro hoc æuo iuſtas, pro veteri improbandas. At ſcænæ etiam Roſcius ſeruiat, ſi viuat. Dij boni quàm longus ſum! quàm morem & ingenium meum migro? Amor eſt, in te iudicio ſuſceptus, & æternum, æternum, mi Marce ſeruam-

us. Si eadem tibi caussa, idem fac, & vale. Louanij, xvii.
Kal. Septemb. ∞. I O C I I.

E P I S T. XII.

N I C O L A O H A C Q V E V I L L I O S. D.

TVAS libens vidi mi Hacqueuilli, cur non antea? Decebat te, si vis rem dicam: & litteris etiam promptè adire cum, quem sermone soles. Sed cum fecisti, satis fecisti: in vnâ re hæreo, litteris Baronis Boncœuillij, quas tuis adiunctas scribis, & nullas in fasciculo vidi. Considera, periisse nolim: & si est, sciat ipse non vidisse. Viri illius gentem, & ipsum amo, eoque gratum fuisset mutui affectus tesseram manum videre. De itinere tuo, Deus fortunet, itemque studia, quæ in ipsâ Galliâ (ita audio) amplecti & exsequi te, equidem probo; dumtaxat ut tu totâ mente hîc te dones, dum ætas tua & publica ista pax finit, bona nutrix artium, quarum Gallia vestra ab annis mille quingentis ferax & felix, inter Europæ prouincias, fuit. Si scias, mi adolescens, quantum in iis momentum ad prudentiam, sapientiam, & vno verbo, veram felicitatem sit; fortius & arctius amplectare. sed crede nobis, & vanis sepositis hæc vera & solida amplectere, tuo & publico olim bono. Pompa & ambitio sæpè abducit, & quod poëta ait,

— *nos vilis turba caducis*
Deseruire bonis, semperque optare parati,
Spargimur in casus.

Sed excerpe te turbæ, paucis bonisque adiunge, & in tunicâ non lanæ aliquod filum, sed purpura (ut ille ait) esto. Hoc suadeo, hoc voueo mi Hacqueuilli: & ista si amas (neque enim aliter) me amare. Louanij, Kal. ipsis Sept. ∞. I O C I I.

D. Legato parenti tuo S. & officia mea deferro: idem D. Bani Thuano.

T E S T I M O N I V M.

QVI subscripsi testificor, NICOLAVM HACQVEVILLIVM, domi nobilem adolescentem, in optimis studiis artibusque deditum, hic annos aliquot egisse, me vidisse & frequen-
tasse,

tasse, ingenio eius & indole oblectatum: Vt in via cæptâ longius per-
gat, eius conatus, nostra spes est & votum: preces etiam apud exte-
ros, vt adiutum prouectumque velint. Naturam benignam reperient,
ingenium facile, faueant, dirigant, & ad proprium & publicum bo-
num (ita natus est) ducant. Hæc breviter, & testimonij fide

I. Lipsius, Professor &
Historiographus Regius.

Louanij, Kal. Sept. ∞. 1602.

EPIST. XIII. *Mediolanum.*

ERYCIO PVTEANO suo S. D.

LI BEN S tuas vidi, quia ex interuallo: & saluere te didici,
& nescio an benè, bono tamen animo in iis locis esse. Sic
oportet fato se aptare, & tranquillum, atque interiore animo hi-
larem agere, in omni sorte. De Epistolis meis non visis, mirabar
iure, nec iure mirabar. Post tot menses non peruenisse? Sed tem-
pora & studia cum cogito, & quibus rebus artibusque pretium
nunc sit, mirari desino, atque etiam nugari desino, id est hoc
agere publicè quod hactenus egi. *Sera est in fundo parcimonia*, ait
ille: sed non sapientia; & quandocumque ea venit, priora cor-
rigit; & fluctus nihil obstant aut incommodant, qui, etsi serò,
est in portu. Deum immortalem! tali æuo nos viuere? & nos
omitto: sed illuc, vbi alta & immota pax, & quod sequi vide-
batur, ingeniis artibusque honos; nihil in pretio, nisi pretium,
esse? Indignor, sed leuiter: in metâ sum, & laborent aut fata-
gant, qui sequuntur. Italus ille qui me tetigit, ego percussi: &
ius est. neque sapiens sileat, & proteruiam castiget, sed eo ani-
mo quo solemus lasciuiam puerorum. Scriptum meum vidisse
te. & Septalium velim, quem animo huic indui: & scio proba-
turos. Quid vos? ipsos hostes meos, si quos vitio suo, non me-
rito meo tales habemus. Labet fidenter loqui:

— mens altum spirat honorem

Conscia factorum.

Sed hæc talia, cogita quàm nos excitent, & ad alia porrò mit-
tant. Ill^{mo} BORROMAEO te innotescere, gratum est; melioris qui
Prin-

Principi, & stirpe suâ digno. Septalium in morbo esse, & tali Saturnio morbo, triste: Iupiter & Venus potius respiciant, & optimum ac doctissimum virum publico seruent. Vibrandus Anskema, plenus spirituum iuuenis, & nuper inconsultò maritus, obiit ante dies paucos, tristi & populari morbo sublatu. Etiam Nicolaus Micaultius, ille meus, probus & pius, si quis Belga; sed lentâ & obscurâ tabe absumptus. Denique Euerardus Pollio, olim è meo contubernio: acre & arduum ingenium: & hunc pulmonis exulceratio absumpsit. Vides funera, sed priuata: quid publica dicam? Belgica tota languet, & inualescunt qui religionem & imperium inmutata volunt. Quid causæ aut culpæ sit, malo scire quàm prodere: vos etiam auditis, & quàm non omnia hîc ex normâ aut more veteri,

Nouit & Arctois si quis de solibus horret.

Quod in epistolâ tuâ pluribus exsequeris, non hîc refello aut approbo: coràm malleim, & iudicia tua audire, sed & formare. Illud velim & adsuadeam, ex Euripide:

* Sacra faciam illis potius ipse, quàm ferox

Irascear, & recalcitrè, homo cum sis, Dis.

* Admoso capite, & ne quisquâ exaudiat aliter.

* Οὐδὲ μὲν αὖ τοῖς μάλλον, ἢ θυμέμεν

Πρὸς κέντρα λακτίζοιμι θυτὸς ὦν θεοῖς.

permitte enim leuiter hæc à me immutari & adaptari. Sed vt dixi, hæc talia incoràm malleim, & cum Homero

* Ἀγχι γὰρ κών κεφαλὴν, ἢ καὶ μὴ πευδοίαθ' οἱ ἄλλοι.

Septalij libros auidè exspecto: tunc ad ipsum, nunc salutem plenis faucibus propino, itemque Sacco. Louanij, x i i. Kal. Nouemb. ∞. IOCII.

EPIST. XIII.

Mediolanum.

IOANNI BAPTISTAE SACCO.

MIRVM, & non mirum, te epistolam illam meam, nisi editam, non vidisse. Ordinariis cursoribus tradita est, sed quid tam sollemne hodie, quàm fraus aut officij neglectus? Illud gratum, animum meum tibi conspectum esse: qui certè, mi Sacce, in te propender, & amans cupit amari. Fac merenti. non eâ parte, quâ autumas, quasi Famæ te consecrem: non ea vis mihi, etsi voluntas: sed quia iam olim constanter erga te afficior, & addam eximiè, sermonibus scriptisque proditum, & proden-

prodendum. Scisne autem, aliquem ab Italiâ (nisi titulus imponit) proteruiter mihi insultasse? Sed caput sustuli, & manum exserui, & puto, æquis & iniquis arbitris, hanc quidem palmam retulisse. Vbi sumus? inter quos Lapithas viuimus? Innocentia mea orbi testata est, & industriam approbare quidem conatus sum: ecce conuiciorum plagis excipior, & pænè ad Tarpeium saxum vocor. Tacitum corrupti. Dij hominesque! nullus auctorum hodie (fidenter loquendum est) magis medicam, magis opportunam manum, à meâ sensit. Sed isti viderint, qui scribunt, qui legunt, qui fauent: ego, vt bonus bonis approber, nec transfuersus agar ab hoc Calumniæ an Inuidentiæ cæstro. Philosophor nunc, & in Senecam, imò totam Stoam aliquid molior: si Deus & Fatum emoliri dant & absolute, ignauia me absoluet postera aliqua ætas. Vale Cl^{me} Sacce, & me ama. Louanij, ix. Kal. Decembr. ∞. IOCII.

E P I S T. X V.

MATTHIAE HOVIO, *Archiepiscopo Mechliniensi.*

ILL^{ME} ET REV^{ME} DOMINE: Petiturus venio, quò non libens inclino, nec nisi consiliis & monitis aliorum inductus, etiam medicorum. Multos annos iam tenuior valetudo corpusculum debilitat, quod sobrietate tamen, & dilectu aliquo ciborum, & exercitij mediocritate, sustento. Sed vsu iam didici, piscium solorum vsu, & parum alimoniae sufficere, & si quid prauum aut melancholici humoris in me, commouere. Equidem vsque adhuc Ecclesiae S. Romanae ritibus & praeceptis libens, vt debeo, parui: & cum sensu etiam aliquo incommodi, Quadragesimalem in cibo castimoniam seruauim. Scio enim homini, Christiano praesertim, *summam felicitatis* (vt Seneca ait) *non esse in carne ponendam*: & scio etiam primogenios parentes nostros à Paradisi gaudiis per cibi voluptatem excidisse. Itaque rediri etiam ad illa, per Abstinentiā: sed iudicio tamen & prudentiā temperatam. *Non enim per eam caro*, vt vir Sanctus scripsit, *sed carnis vitia sunt extinguenda*. Hac causā ad te, summum nostrum Sacrorum Praesulem, confugio: & moderationem, aut remissionem, in ciborum abstinentiā peto. Sed cā lege, quam

ipse mihi pono, vt non nisi in necessitate vsurpem, aut mihi indulgeam: id est cùm prostratæ vires deposcere videbuntur. Ego, si impetro, vota pro salute tuâ & publicâ interponam, eò ardentius, quò magis & meam tibi, Ill^{me} & Reu^{me} Domine, referam acceptam. Louanij, IIII. Idus Febr. ∞. IOCIII.

E P I S T. X V I.

Audomaropolim.

ÆGIDIO SCHONDONCHO V. R. S. D.

CVM abiisti nuper à nobis, corpore hoc factum; animo obuersaris, meo quidem, voueo & in tuo sic esse. Sed maxime in eo opus quod moliris, & cuius argumentum atque ordinem volenti ac lubenti mihi denarrasti: in quo serió pergere te, atque feliciter finire, publicâ etiam causâ hortor. Enimuerò veteris æui *Admiranda* concepi animo, & partim stilo digessi, aliquid edidi: nostri & superioris huius, tuum institutum, ac iam debitum est: quare? suscepisti, promissisti. Aurem tibi vello, perge: educ è tenebris præclaros viros, & facta: propone in exemplum: da ipsis lucem, ne per incuriam nostram sit

* *Æquali
in famâ
virtutis
amator, &
hostis.*

* *Εν δ' ἢ τῇ τυχῇ ἡμῶν καὶ δὲ πρὸς ἐσθλούς.*

Fructum, mihi crede, ea res amplum dabit: vis & famam? non spectas, vt tua pietas est, & aliena externis omnibus vita: sed & hanc spondeo, bonam & mansuram quamdiu Virtuti pretium erit. Industriam tuam noui, sed & stilum talibus aptum: illam exsere, hunc admoue, nec pauculis istis vitæ annis curas tuas circumscribe. Habes ab amico consilium, siue monitum interpretaberis: habes iamdiu affectum, neque nescis; tuum ex æquo mihi præsta. Vale R. P. Louanij, XVI. Kal. Mart. ∞. IOCIII.

E P I S T. X V I I.

DIONYSIO VILLERIO V. R. S. D.

DIVTIVS factum est, cùm tuas accepi, nec respondi: sed tuo exemplo (si vis verum audire) factum. Nam & tu remissior esse in scribendo soles: non in amando, hoc scio, & hanc de te fiduciam habeo; velim de me idem. An mutem, aut minuam?

minuam? augeam potius, si quis gradus ultra summum esse possit. Consistamus. Tardiores me tamen in omni officio, vel ætate, vel valetudine, fieri sentio: nec molestè fero; & desinere appeto, vel desuisse. Sæculum video, & Honesti vix scintillas alibi reliquas: nihil nisi fumum & nugas, & ea quæ mœror est cogitare. Felicem me, qui cursum pænè decurri! Eram in Stoicâ Philosophiâ totus: scis quàm non pro Genio æui, quod vel nomen odit. Itaque mihi meditor & scribo. Inuitas me ad tuam domum. Scisne? si solus sim, haud frustrà: iam adsum, & vi- uam & moriar apud animam amicam. Compedes habeo, solu- ar ipse antequam soluam. Duci Arschorano (quem solum ge- nero si animi inter omnes proceres sum expertus) Carmen nu- per scripsi, in H E V R I A M suam, petenti. Editum est, cum Ico- nismo eius Prætorij, quale id animo (nondum plenè in opere) destinauit. Ita me Deus, bellum & elegans, & Principe viro di- gnum erit, cum perfectum. Videbis, aut iam (quæ eius in te be- nignitas) vidisti. Heus, est quod tibi soli significem. Rex Galliæ scribi ad me iussit benè seriò, ante duas trèsvè septimanas, & in suum regnum, loco & conditione quibus vellem, inuitari. Ex- cusaui, & gratias egi. Iterarunt tamen, & vel ad otium, quale in Batauis Scaliger, vocarunt. Ego in sententiâ mansi, id est abnu- nec lubet peregrinari ultra; lubet, vt dixi, ad metam ire. Melan- cholia est, inquires. Nosti veterem meum morbum, corporis ta- men adhuc magis quàm animi: &, nisi ipse me fallo, ea pars constat & valet. Te utroque opto, mi amicissime, & quod à puero fuisti in me esse. Louanij, postridie Idus Martij, ∞. IOCHII.

EPIST. XVIII.

Romam.

IOANNI BAPTISTAE BARONIO suo S. D.

AM O tuam satis crebram scriptionem. Satis, nimis non dicam; non, si in dies me compelles. Suaue semper à vo- bis aliquid, & de vobis audire: quos animo huic fideliter habeo insertos. Gaudeo R O M A M venisse, illam olim magnam, au- gustam, S V P E R - A D M I R A N D A M: nunc sanctam, religio- sam, venerandam. Sed vel nunc vestigia magnitudinis suæ ha- bet: quæ magis eminebunt, si cum vetustâ lectione cogitentur

simul & lustrentur. Inuideo vobis (cur mentiar? quod mihi non iterum calcare ea loca fas : atque vtinam vel furtim liceat, & pænè dicam, Geniali aliquâ machinâ eò transferri! Nam hîc nubes, tenebræ, horror, terror : & à rebus bonis honestisque squallor & solitudo. Partes alteræ inualescunt, viribus & consiliis : ipsa hæc schola desolatur, & metu aut tædio diffluit iuuentus. Ego me solor & erigo Sapientiæ studiis, & SENECA seriò habet : sed vereor, vt mihi. Quibus enim ista? & breui vel nomen ipsum LITTERARVM ludibrio aut contemptui erit. Magnus tamen & rectus animus, recta non deferet : non,

— si tremenda

Iupiter ipse ruat tumultu.

Carmen tuum ad pontem Metauri fluminis scriptum legi, & amaui. Fac, fac, exferant se interdum & emicent flammulæ istæ ingenij : & pange si non aliis, tibi & mihi. Imò & Rubenio, & quem prædictum oportuit Richardoto : quod consortium tibi gratulor, nec vel vota melius donent. Itaque si illi hanc æstatem etiam Romæ, auctor vltro sum manendi : sin redeunt, non sim, & inclinem te redire, & in viâ tamen Germaniam videre. Domesticas tuas res, à fato optimi parentis, inspiciendas etiam tibi opinor. Sed, vt dixi, si illi manent, indulgeo : Deum precatus, vt apud te Sanitas maneat & Amor nostri. Louanij, Postrid. Idus Mart. ∞. IOCIH.

Heus tu, Carmen & ego ad vos tres subitum scripsi : hîc habetis.

AD

GVILIELMVM RICHARDOTVM,

IO. BAPTISTAM BARONIVM,

PHILIPPVM RVBENIVM,

olim & nunc SVOS, sed iam ROMÆ sistentes,

Phaleuci.

ERGO vos habet illa magna Roma?
 Florens olim opibus, superba tectis,
 Lata ciuibus? vrbium vrbis, & orbis
 Princeps? olim ea : nunc modestiores

Inscribit

Inscribit titulos, PIA atque SANCTA,

Et sedes adeò ipsa SANCTITATIS.

Verùm vos habet. ò meum dolorem,

Quòd non me quoque habet ! licebat, imò

Libebat, sed & addam ego hoc, decebat.

Quid tamen tenuit ? mala illa Parca,

Quæ filum mihi neuit, haud abire,

Quæ filum mihi neuit, hîc obire.

At vos ò mea triga, dum fruisçi

Jam datur, facite : & vetustioris

Illa Urbis monumenta, Templa, Circos,

Arcus, Balnea, Porticus, Theatra

Cum lustrabitis, hoc subinde votum

Interponite : DOCTOR ILLE NOSTER

ADSIT LIPSIVS ! hoc innabit, & me

Alâ hac visite cogitationis,

Alâ vos ego cogitationis.

EPIST. XIX.

Cæsaraugustam.

DOMINICO AVENGOCHEA 1^{to}

Senatori Regio in curiâ Aragonum.

DVPLEX à te munus accepi, amorem tuum eleganti epistolâ oblatum, & libellum siue μελέτην, ut inscribis, doctrinæ simul & innocentiaë tuæ verum testem. Vir Amplissime, tanti Lipsius fuit, ut ultro sic adires ? Humanitate me vicisti : affectu non facies, ut omnia facias : & hunc tibi ex pari certè reddam. Atqui & ipsum te ab adolescentiâ pænè mihi aperis, & Doctores tuos, & peregrinationes describis : illos egregios aut primos virorum ; has varias, & cum vtilitate iucundas. Quæ res magis & ingenio limando, & iudicio dirigendo est, quàm istæc locorum hominumque visio aut vsurpatio ? nulla, neque vniquam sedentaria lectio aut diligentia hanc æquet. Gratulor suscepisse fortiter, confecisse feliciter : & hoc gratulor, quòd virtus tua & prudentia vocabant, eò à Rege maximo productum, ad fastigium togati honoris. Quem honorem quòd homines improbi aut liuidi obtenebrare calumniarum nebulis conati sunt, gaude.

gaude. Conati sunt: tua clarior lux effulsit, nec probitatis tantum, sed ingenij; cuius telum, fortasse alioqui vaginâ condendum, in hac occasione acuisi & protulisti. Atque illi ubi sunt? mihi periisse de plano videntur; & iudex si addicar, non horam hîc moram faciam, nec censeam *AMPLIANDVM*. Confide, idem æqui bonique omnes alij: si iam non fecerunt. Et censio quidem illa, siue *ἐξέτασις*, bono & antiquo more apud vos vsurpatur: sed ut prudenter mones, cum temperie exercenda est, & malitiæ reprimendæ, non innocentia diuexandæ. At mea etiam scripta defensionis tuæ placuit inferere: id est, me honestare. neque aliter interpretor hoc iudicium talis viri. quod si ætas, aut melior propiorque mei inspectio, mutabit fortasse: at ne affectum hoc rogo, & hunc mihi integrum illibatumque serua; ita te ille *MAGNVS DEVS*. Louanij, xvi. Kal. April. ∞. *IOCIIL*.

Breuiorem me ægritudo fecit: quæ hoc ipso tempore habet, & ab amore profectò est quod scribam.

E P I S T. XX.

LUPERCIO LEONARDO ARGENSOLAE S. D.

SVAVES vestrae litteræ, addam etiam lætæ, parum suavi aut læto meo tempore aduenerunt. Neque enim inualerudo solum me, sed morbus habebat, & medici aut medicina in oculis: tamen rescribendum vel breuiter censui, abeunte Nuno Mendozio nostro, & Hispaniam suam, iussu Principum, repetente. Breuiter inquam, scribo: sed animo largiter: qui vos tales quomodo non amet? In doctrinam non affecti solum, sed eâ perfusi estis: me seriò & candidè (ita solet vestra natio) amatis: & ego non reponam affectum? Facio, liceret modò sapiùs, liceret propiùs vobis frui: suaue huic animo esset. Et, Deum immortalem! quàm tempora hæc turbida Amicitiam, id est Solem illum animorum, requirunt? Bella perseverant, titulo Ciuiliū tristia, euentibus parum fausta. Auditis, credo, & nobiscum doletis. Hæc æstas in metu est, ob hostiles apparatus: & opidum hoc nostrum iam in limite etiam belli: en quò ventum! Scitis sedem hîc Pietatis & Doctrinæ esse: periclitatur

clitatur vtraque cum illo minui in Belgis, non enim dicam perire. Sed hæc tristitia.

Quæ procul à nobis flectat fortuna gubernans:

aut Deus potius, vt piè magis loquar. Læta succedite. Lætum enim certè, quòd producis & nominas in eo etiam tractu amicos nobis, id est Doctrinæ: cuius instar aliquod in me (quid enim aliud?) amant. Inter eos Gabrielem Aluarezium, è Societate Iesu, de vnâ epistolâ nosse me puto, quam ante annos duos, tres, Andreæ Schotto benignè de me scripsit. Redamare me seriò dicito: non cum falles. Idem de Doctore Bartholomæo Laurentio Theologo, Doctore Bartholomæo Morlanes I^{eo}, quorum doctrinam prædicas, scribere me & sentire scito. Quid de Gabriele tuo, lepidissimo puero? hunc ego per te diffusuior, & in optinâ viâ pergere hortor, & ad candidam calceem peruenire. Fauco toto animo, & ad Patris & Patruorum exempla voco. Plura non licet. hæc ipsa ægrè, & ægrum referent: affectu tamen valido & viuo. Louanij, xv. Iul. April. ∞. ICCCIII.

EPIST. XXI.

Tornacum.

P. LEONARDO LESSIO, *Theologo Societ. IESV.*

PERGRATA mihi scriptio tua, & cura mei, quod scire te scio, quia & affectum meum non ignoras, magnum, stabilem, & ære vel adamante firmiorem. Ideò & gaudeo, cum mutua fieri video: & certè solatij vel leuamenti in hoc languore diutino egemus. Aquam aspersisti. Quamquam non sic extrema omnia apud me, vt fama illa prior dixerat: sum quem reliquisti, aut paullò deterior, sed valetudine scilicet vacillante & variante. Dies vnus matrem gerit, alter nouercam. Statui Antuerpiam excurrere, & aërem mutare, ac corpus commouere: quod vsu didici firmando mihi esse. Sed corpus attenuatum est, & vnus lineæ me hominem dicas. Naturæ tamen meæ illa bonitas est siue teneritudo, vt facilè labatur, & lapsa assurgat. Vtinam te illuc videam, & amplectar, nunc medicum corporis, vt semper partis illius melioris! Intra triduum aut quatrimum, si vires non abnuunt, in iter me dabo. De Spadâ, non ausim etiam cogitare. Salutaris mihi illa aqua; sed neque nunc excussi me-

tum;

tum, & faciem illam *θορυβῶδη* nostræ fugæ. Quin potius videbo, quid peregrinatiuncula leuamenti dabit, & vigor hic Veris,

— *cum tempestas arridet, & anni*

Tempora conspergunt viridantes floribus herbas,

an non & ego reuirescam? videbo, inquam: & tamen cum Pindaro sciam, *θνατὰ περισέλλων μέλη, καὶ τελευτὰν ἀπάντων γαῖν ἐπισόμενος*. Corpus hoc illuc it: anima, quò Deus & tu vocatis. O gratum mihi autem de precibus, te faciente, pro me conceptis! Iuuabunt, imò iuuerunt, & meliorem me, si non firmiorem, reddent. Caput in illo est; de cetero,

— *improvisa leti*

Vis rapuit, rapietque gentes.

Tu vale mi Pater, breui oculis, vt spero, vsurpande. Louanij, Kal. ipsis Maiis, ∞. IOCIII.

Saluto ex animo R. P. Flerontinum, & P. Schondonchum, quem videbis.

E P I S T. X X I I.

In Russiam.

DEMETRIO SOLICOVIO, *Archiepiscopo Leopolitano.*

POPVLARES tui apud nos sunt, Palatini Sandomiriensis duo filij; mihi crede, hoc nomine gratiores, quòd parentem & vicinum & amicum tuum significabant, atque hoc titulo mihi iam carum. Non blandior, sed te, non in Poloniâ tuâ solùm, sed Europâ, inter eximios habeo, & rarum sidus in tenebroso ilto, & quod veterem nobis squallorem minatur, æuo. O ex corde votum! adsum & conuiuiam talibus! sermones & iudicia misceam, doceam inuicem & discam! Fatum meum vetat, iubet inter bella & militares mores aut homines consenescere: si tamen hoc datur, & non Parca ante ipsum senium me tollit. Languor adsiduus dicit, & eò ducit: ac iam quidem fui ante duos menses ad ipsas fati portas. Tamen gradum frænauî, redire cœpi: sed nescio an non, vt Eurydice illa Orphei, reuocandus. Epistolas meas vltimas vidisse te censeo, & ad te quasdam: parabam totum *Senecam*, itemque *Philosophiam* vnâ *Stoicam*: vires abnuunt, & animosè cœptis languores isti intercedunt. Te autem, Ill^{mc} & Reu^{mc} Domine, longum valere bono Reipublicæ ex animo opto. Louanij, III. Kal. Iun. ∞. IOCIII.

EPIST.

EPIST. XXIII.

Cracouiam.

BERNARDO MACIEIOWSKIO, *Episcopo*
Cracouiensi, Duci Seueriensi.

NEPOTES tui cùm ad nos venissent, & sedem figere destinarent in hoc, vt ita dicam, bonarum artium foro, & quadam panegyri: non indecorum putauì si hoc ad te scriberem, & simul de operâ significarem, quam illis in laudabili hoc proposito voui. Nam etsi publicè satis impediòr lectionibus, & priuatim scriptionibus (è quibus quædam publici etiam iuris factæ sunt:) tamen decerpendum aliquid temporis censui, quod horum institutioni, aut certè directioni impenderem. atque id Reipublicæ etiam adspectu, cui hi tales è primariâ nobilitate meritò destinantur. Sicut medicus libentiùs atque animosiùs operam impendit in Rege aut Principe curando, cuius salus salutis aliis esse potest: sic nos in iis docendis, qui prodesse consilio atque operâ pluribus possunt. Progressum iam eos aliquem fecisse ego video, & idoneo Præfecto concreditos aut inspectori: vt porrò in hac viâ pergant, metæ magis & magis accedant, mihi, quamdiu in his locis erunt, seriò curæ erit, & pro ingenij atque orij mei copiâ adnitar. In quâ re non aliud equidem, quàm ipsos & Rempublicam, vt dixi, specto; præmij alterius neque appetens, neque (liberè dicam) egens. Tua tantùm amicitia, aut certè beniuolentia, si mihi accedit, operæ pretium grande erit: quem ego Virtutis & Dignitatis causâ colo atque æstimo: Deum precatus, vt te Reu^m & Ill^m Domine, diutissimè Ecclesiæ & Reipublicæ velit esse saluum. Louanij, III. Kal. Iunias, ∞. IOCHII.

EPIST. XXIV.

GEORGIO DE MAGNA CONCICE MINSCHETZ
Palatino Sandomiriensi, Capitaneo generali Leopoliensi,
Samboriensi, Medinicensi.

LIBERI tui ad nos, studiorum & animi excolendi causâ, venerunt: atque ea mihi occasio scribendi. Grati sunt, quia à longinquis illis oris, quia à tali parente & stirpe; grati à se
 Dd etiam,

etiam, quia inclinationem vel ardorem in optimas artes præferunt, quibus cœperunt imbui iam, non solum tingi. Equidem tibi hanc talem stirpem, & ex eâ gaudium, gratulor: hortor porro habere in his animorum gymnasiis, & quidem à te abiunctos, ut virtuti & doctrinæ magis iungantur. Sicut agricolæ, qui plantaria habent, nouellas stirpes transferre & transferere è naturali suo solo in aliud solent, ut laxius lætiusque crescant: sic oportet liberos, non genitali solo affixos sterilefcere, sed in aliud aliudque translatos robur & incrementum sumere, & succrescere in Virtute. Nec tamen longum hoc nimis esse suadeo. & sicut qui ignem è viciniâ petunt, non illuc desident, sed accepto eo domum redeunt, atque ibi accendunt: sic istos censeo velut scintillas & fomites apud exterôs quærere, domi deinde accendere, & sibi aliisque allucere. Ita nati sunt, ita à te formati & destinati, ut ad Rempublicam adinoueantur, & in magno ac laudabili illo Regno sint vtilia quædam membra. Deus hoc dabit: ego, quamdiu hîc sunt, adiuuabo & adnitar, & in viâ benè cœptâ dirigam, & manu ac voce ducam ad salutarem metam. Hanc fiduciam te mei habere rogo Ill^{me} Domine: imò & consilij & auxiliij mei in aliis etiam copiam facturum, vbi copia quidem mea feret. Vale Ill^{me} Domine, Regno, Regi, Tuis. Louanij, III. Kal. Iunias, ∞. IOCIH.

E P I S T. XXV.

C A R O L O, *Duci Croyo & Arschotano.*

ILL^{ME} ET EXCELL^{ME} PRINCEPS, An non extra decori limites (da veniam) Ex^{tia} tua abit, quæ etiam de valetudine meâ inquirat, & sollicitam se super eâ ostendit? Non sum tanti, ut tanti Principis curam merear: sed habere tamen iuuat, & hoc etiam vinculo officia mea tibi adstrinxisse. Dicam igitur, quia petis, id est iubes. Paullò melior & commodior videor, sed animo magis, quàm corpore; & ne dissimulem, isto videor ad tabem aut marcorem paullatim ire. & ut apud Ex^{tiam} tuam liberè me aperiam, non inuitus ire: siue tempora ista, siue vniuersè sortem adspiciam generis humani. Tempora quidem ista, sic tenebrosa aut turbida, ut neminem

minem paullò magis honesti, & vt sic dicam cælestis animi, delectent: imò vix viles & terreni isti subsistant, in adsidujs bellorum nimbis aut procellis. Et quâ meliorum spe? cùm finem belli habebimus, alia timemus quæ non lubet dicere: & ad summam, decretum cælitùs videtur opprimi Belgas, aut perire. Itaque an infelix ille, qui præsentia aut imminetia mala euadit, & in portum nauigat ab omni istâ tempestate tranquillum? Si etiam communem sortem vitamque, vt dixi, consideras: per Naturam suaue est viuere, per Rationem non insuaue mori. Vita quid est, aut quid amœni habet? Qui optimè de eâ loquuntur, cum mimo aut ludo comparant; qui intentiùs & seueriùs (addo & veriùs) cum carcere aut custodiâ assimilarunt. A natali nostro die, si inspicimus, lacrymæ & gemitus sunt; & cùm grandiores eorum pudet, suspiria & internæ curæ. Quis dies aut hora vna læta, cui non denæ aliæ, velut ex decreto, succedant & excipiant? Sicut in mari fluctus semper est, etiam si non tempestas: sic in vitâ motus & angores, etiam cùm non dolores aut lamenta. Vera me dicere, etiam Ex^{ti}a tua, in illâ altiore suâ fortunâ experitur: & quid censes homines iniuriæ & contumeliæ magis oportunos? Atqui in malis viuere, quæ vita est? & quis, cùm portum aut pausam Deus ostendit, refugiat, & eligat iactari? Non mihi ea mens est: qui didici obniti fortunæ, & constantiâ vincere: sed idem, Deum sequi, & cùm ad se vocat, alacri gradu, imò cursu, eò ire. Itaque, Ill^{me} Princeps, nihil mali aut anxij morbus hic meus minatur, aut adferet: homuncionem vnum eripiet; & Deus bone, quot meliores me & grandiores? Tamen, vt in epistolâ & priuatâ scriptione maneam, clientem vnum Ex^{ti}a tuæ eripiet, fide & obsequio valdè promptum, & heroicis tuis virtutibus addictum. Hæc omitto, & Deo permitto: ad publica venio, quorum cura magis te spectat. In iis lenta omnia, nec adhuc læta: & nuper Fridericus Spinula ereptus, quod momentum in rebus maritimis habeat, non prompto alio successore. Triremium administratio, nostris parùm gnara. E Britannîâ scribunt, vndecimâ huius Regem venisse Londinum, & illinc ad arcem Groenwiltiam iturum, donec ad pompam coronæ publicitus imponendæ omnia sint parata. Magna scæna & splendor (ita ingenium gentis est) futura

videntur. Scribunt & Legatos Batauos iam appulisse, sed animi parum lætos, nec in Rege hoc nimis sperantes. Quid sit in re, nescio: illud bonis auctoribus habeo, illum artificem simulandi & dissimulandi esse, si quisquam unquam fuit. Incendium Rodiensis vrbeclæ non me admiratione affecit: illud de scintillis sic longè iactis, affecit: atque id sine vento. Genij his talibus interueniunt: & vt in re nouâ aut prodigiosâ nequid mali augurij sit, Deum precor. Eundem Ill^{me} & Excell^{me} Princeps, vt te columnen nostræ Belgicæ incolumem diu conseruet. Louanij, pridie Kal. Iunias, ∞. IDCIII.

EPIST. XXVI.

Tornacum.

DIONYSIO VILLERIO V. R. S. D.

BALTHASAR noster iam apud te est, aut fuit, vt ex literis eius didici: & ergo ex illo certiora de valetudine meâ iam habueris; certiora, sed non lætiora. Quid nobis blandiamur? sum adhuc in valetudinario: & vt lumen, quod exstinguitur, flammulas interdum iacit; sic mihi fieri videtur. Velut resurgo interdum & exorior, sed fortasse lapsurus. Tamen nunc iterum satis bellè, & ridere mea Sors videbatur. Quid est? vitam noui, factam mori, & cupitor longæ illius numquam fui. Varronis illud placuit: *Non eos optime vixisse, qui diutissime vixerunt, sed qui modestissime.* Hoc verbi postremi amplector: & certè Modum in omni vitâ, sed & Modestiam in animo amaui. Alij philologi aut litterati (audacter dicam, & examina) meo æuo, à vano multum traxerunt: ego strinxi, & interiùs adduxi; & ad vtilia aut profutura, non ad splendida aut famosa tantum respexi. Rarò scripsi, cui non sapientiæ aut prudentiæ, etiam vbi locus vix videbatur, monita aut præcepta sint inspersa. Hanc laudem mecum feram; & illam optimæ conscientiæ, publico elaborasse, nullius famam minuisse, aut per oblectatiunculas auctum meam iuisse. Amplius dicam: Pauci an nemo, meo æuo, singularia argumenta aggressi sunt, aut pertractarunt: ego feci, in Constantiâ, in Politicis, Saturnalibus, Militiâ, Admirandis: & sparsim etiam materias, quæ vsui aut oblectationi generi humano essent, disposui & ordine digessi. Ordine, quem
in

in omnibus scriptis amaui: & super novos, atque adeò (an non superbum erit?) super veteres vsurpauì. Sed quò me animus rapit? ille, qui apud te esse autumat, & in fermone liberè, ac licenter etiam, garrere. Vale vir amicissime. Louanij, postrid. Non. Iun. ∞. 16CIII.

EPIST. XXVII.

Duacum.

BARTHOLOMAEO PETRO LINTRENSI, *Doctõri Theologo.*

ANIMO magis, quàm verbis profiteor, gratas mihi tuas litteras, & affectum qui illas dictauit, fuisse. Ego verò tale nihil à te meritus, nisi occulto item aliquo affectu, quem bonâ fide testari possum reddere me pari, vel auctiori modo. Inuitas ad hospitium: libens vsurpem, si illuc veniam; imò iam nunc promitto facturum, si venio. Veniam autem? an ad alia & meliora loca Deus inuitat, quem Ratio & Necessitas audire me iubent? Videor deserturus hæc infima & terrea, ô optabili permutatione, si diuina benignitas ad illa supera me ducit! Quis, non dicam linguâ efferat, sed mente felicitatem capiat, vbi regnum est Diuinitas, & lex Caritas, & modus Æternitas? vbi vita non nisi gaudium, & sensus omnis in Deo defixus, in consortium felicitatis eius transit? O ego illuc Pietatis alis subuolem! ô ego tuis & piorum votis adiuuer, & illo velut vento adspirante perueniam, corporis id est terræ huius securus, quidquid eâ fiat. Pondus est, vinculum, imò carcer: & quàm multis Affectuum nexibus nos stringit? Auaritia, ambitio, libido distrahunt; & meas atque alienas catenas video, & quosdam pluribus iis vinctos. Solue Deus, cum visum, & in libertatem illam primam asserere, tu, generis humani seruator & vindex. Vides Reu^{de} & Eximie Domine cogitationes meas, nec inuitus apud te, aut indecorè promo, talium magistrum. Vtamen de me aliquid toto, id est duplici parte, dicam: laboro, sed per incerto morbo, atque adeò morbus esse non videtur; fortassis ideò grauior, & cum discrimine censendus. Sto, ambulo (nam iacere hæc alacritas vix potest) tamen delinquo viribus & deficio, & nec animus munia sua satis vsurpat. Sicut in citharâ cum nervi detriti sunt, aut dissident, etiam artifex, constante licet arte, non

eam exserit, & vitium ab instrumentis ducit: sic animo huic fit, per se prompto & gnaro, sed in dissonis chordis concentum non edit. Fero, & colo te & amo, & saluere toto animo cupio. Louanij, VII. Idus Iunias, ∞. IOCIII.

E P I S T. XXVIII.

*Leodicum.*I O. C H O K I E R O I^{to} S. D.

IN languore me litteræ tuæ deprehenderunt, sed amor animi manumque erexit ad breue hoc responsum. Ais in conuiuio te fuisse, atque ibi de comitiis Romanis actum, ac fuisse qui Sexagenarios etiam admitteret: cum quo scito me sentire. Quis enim credet illam ætatem à suffragiis exclusam, quæ à sententiâ in Senatu non reiciebatur, vbi de summâ republicâ res erat? At prouerbium vulgatum obstat. Non obstat, saniore sensu. Nempe sexagenarij non adacti ad suffragia, liberi erant si vellent: sed & accedebant, si vellent: non aliter, quàm milites scribi poterant etiam quinquagenarij, & scribebantur cottidie, sed suâ voluntate. Profectò in tanto populo millia aliquot sexagenariorum erant, quibus corpus & mens valida; cur suffragium iis adimeretur? Si factum, fieri non posset quin apud Ciceronem, aut alios, talis rei crebrior mentio, & quòd fraude aliquando euocati à Tribunis venissent, numero augendo. Lis, dico, aut controuersia super hac ætate interdum fuisset. Ego ita arbitror, nec loca omnia Festi, Nonij, Ciceronis aliter euincunt. Noto etiam, hoc de Pontibus suffragiorum recens fuisse, & à C. Mario Trib. pl. latum: prouerbium ipsum puto antiquius, etsi alij huc trahunt. Habes breuiter meum sensum, habe & affectum semper in te inclinatum. Louanij, prid. Idus Iun. ∞. IOCIII.

E P I S T. XXIX.

*Eodem.*P E T R O O R A N O I^{to} S. D.

AM triste nobis mi frater, de tuo meoque fratre, an patre dicam? Nam utroque loco illum duxi atque habui; illo, ob affectum; isto, ob curam & directionem quam ab illo puer admodum in Vbiis accepi. Atqui abiit, & quidem cum à vobis

vobis & optimâ matre seiunctus esset, cui luctum, sciò, æternum reliquit. At tibi quid? luctum, sed ratione & robore vincendum. Ratione, sapientiæ mysta es; robore, vir es, & sexus fortem, & vt cum Senecâ dicam, perpefficium magis te fecit. Non diffundor ad plura solatia: aliàs apud te in simili casu feci, & iam recenter apud Billeum nostrum, magno vulnere percussum. Deus bone, quot funera ego cottidie audio, siue & video, ipse æger & medicorum sententiis iamdiu funus? Tamen perseuero, animi (si non corporis) firmus atque alacer: & vt statua in basi, sic ego nixus sto in Prouidentiâ diuinâ. An non ab eâ decretum, quomodo & quando mihi hoc fiet? an non optimè, & ex vsu meo, decretum? Ita credere me par est; & si credere, non repugnare aut detrectare, sed volentem ceruices dare æneo huic iugo. Franciscum nostrum Romæ in omni modestiâ & industriâ agere, ab aliis accepi: nam inquirò, & cordi mihi est, atque erit. Gaude, & in mortuorum mœstâ memoriâ, solatia hæc pete atque adhibe à viuis. Tot liberi, & iam nepotes etiam sunt: & domum ORANORVM fundatam, & validis columnis nixam, relinques. Inter liberos, meam Isabellam per te disuauior: fac, ne me falle. Vtinam coràm possim: volo iamdiu, & valetudo adigit: discrimina repellunt, & omnia vestra intuta. Vale Vir Cl^{me}, & semper germanum in modum meus. Louanij, xvi. Kal. Quintiles, ∞. IOCIII.

EPIST. XXX.

Romam.

PHILIPPO RVBENIO suo.

SVAVE est rectè vos valere. Ego abire nuper minabar, neque nunc firmiter consisto: vires vacillant, & æstui isti immodici calores non sunt reparandis. Spadam inuitant aut mittunt multi: sed in auxilio incerto certa nimis pericula terrent. Sæpè, ita me Deus, te præsentem optaui, & propius si abesses, euocarem. Nunc fatis parendum est. Cœpi iterum legere, sed animo parum vegeto aut alacri: nec de perseuerantiâ satis confido. Quid est? homo sum, ad finem eo, & cursum meum non sine aliquâ gloriâ peregi. Valere te & viuere opto, gemmam inter meos Belgas, quod vero præsagio iamdiu dixi. Ama me, ego te æternum. Louanij, iv. Kal. Iul. ∞. IOCIII.

Prius-

Priusquàm has obfignarem, alteras vltimasque tuas accepi, quæ erant de titulo doctoratus. Hoc quoque gaudeo, & ex animo gratulor. Tempus vobis emanfionis prorogatum non inuitus audio, si non producitur. Æstatem hanc ego lubens donem, vltà non donem, nec censeam ex vfu esse. Quid nisi delectatiuncula illïc est, & sensuum atque oculorum occupatio? quæ ad animum referatis, pauca; & pauci, qui illi student. Magni etiam animi est, ac pænè addam felicis, inter tot praua aut deprauantia, rectum stare, & manere in æquâ iudicij lance. Facio equidem, sed apud me: si promam, vix video fructum. Itaque Romanus ille Sapientiæ doctor, quem dare moliebamur, exire in scenam tardat, non plausu, sed pastoriciâ fortasse fistulâ excipiendus. Ille quidem

Kal δυνάται φάσαι πυκνὸν ἔπος, ἢδ' ὑποθέσαι

sed apud quos, aut quibus? Estisne amatores aut cupitores talibus, numero tot, quot Thebarum portæ? Græcarum illarum, non Ægyptiarum dico. Desino, Timonem non refero: te mi Rubeni amo. Postrid. Kal. Iulias.

E P I S T. X X X I.

Mechliniam.

N I C O L A O O V D A R T O *suo* S. D.

CREDO rediisse te è peregrinatione Gandensi, mi Oudarte: an non & illïc Vriendtium vidisse? poëtam inter Belgarum primos, & cuius libellos editos missosque ab ipso vidi, & in multis equidem probaui. Ingenium facile, subtile, igneum est, dignum quod amemus & estimemus. Ego etiam nunc morbi, aut si mitius vis meloqui, languoris liber non sum: ideoque & cœpta mea iacent, nec Philosophicum illud ædificium absoluo. O arcem altam, munitam, securam in fortunæ insultus, quam è Stoicæ Sapientiæ ruderibus instituimus! nec scio an exædificatam probabimus, molliori (cur rem non dicam?) & ignauiori huic æuo. Absoluemus tamen, nisi diutius languor impedit, per quem ego quidem nihil conor aut scribo. Tantum DE VESTA ET VESTALIBVS *Syntagma* dedi, quod Præsuli vestro & nostro visum est inscribere, vt rem sacrorum. Weerdcius Senatoriâ dignitate, in soceri locum, auctus est: quod gaudeo,

gaudeo, & titulum hunc in familiâ nostrâ retentum. Et si propriè mea LIPSIO RVM stirps defecit, & ego vltimus sum huius gentis. Quid refert? stirps pereat, nomen ego propagabo (lubet animosè, & cum poëtâ loqui) — *ab ortu*

Solis, ad Hesperium cubile.

Publica tangere panè reformido. Læta scribere non possum, mœsta non lubet: nec querelas quidem miscere super statu hoc rerum. Dicam vnum verumque verbum, & id animosè? in totâ Europâ, atque etiam Asiam & Africam addo, nihil pro veteri splendore & gloriâ geritur; neque consiliis & institutis, quæ obtinent, video gerendum. Quid gerant? ne capiunt quidem aut intellegunt sublimia, adeò non affectant. Vices hæ rerum temporumque sunt. & vt in anni decursu modò hiems æstasque est, & freta interiecta; sic in mundi & æui lapsu, lux, tenebræ, calor, frigus, & quæ media inferuntur. Prudentia hæc videre est, sapientia ferre: & collum sponte submittere fatali illi iugo.

Nam quantum hoc regnum est, quod regibus imperat ipsis?

Vale mi optime Oudarte: & vt omnia mutant, in amore constemus. Louanij, III. Non. Quintil. ∞. IOCIII.

EPIST. XXXII.

FRANCISCO MARIAE SAGRI ILLYRIO S. D.

TV verò non humanitatem meam require, sed fidem alienam, aut fortunam accusa, per quam factum vt litteras ego tuas, præter has vnas, viderim nullas. An silentio dissimulassem? non est meum, vtrique erga tales, non solum eruditione commendabiles, sed loco & habitatione insignes. Si enim rectè verba capio, Ragusia te habet ciuem aut incolam, nobilis Respublica, & quæ Barbariam à nobis diuidit; legibus & moribus polita. Itaque de neglectu tui suspicari omitte. nam vos tales amare ego didici, sed & officiis paria facere, quo fine valetudo quidem permittit. Quæ sæpè, imò plurimum, afflicta, manum conanti iniicit, & intercedit iis quæ honestè aut comiter velim. At in animum ius tamen non vindicat: qui est, vir doctissime, pariter in te pronus, & iam nunc affectu & amore fideliter se iungit. Louanij, v. Idus Iulias, ∞. IOCIII.

SERAPHINO OLIVARIO *Sacri Palatii*
Auditori, & Patriarchæ Alexandrino.

LITTERAS ad te mitto, vellem animum in ijs possem : sic tuum, vt cuiusquam ex interioribus, & toto asse amicis. Quæ caussa pignerauit? tua virtus & prudētia, in illo orbis theatro nota & prædicata : & propriè affectus in me tuus, diu me celatus, & qui ad Vestalis fauillæ instar in secreto pectoris tui, ô quàm mentior? vrbis illius volui dicere, latuit : sed & sic mentior ; ad me venit, sermo & facta tua aperuerunt, & didici non certiore aut fidiorem amicum in magnâ Româ mihi esse. Vnde merui, vir æqui & boni scientissime? non merui : tua virtus & bonitas est, quæ benè mihi fecit, & dixit : ipsa sibi causa, vt Deo in genus humanum amor & benignitas est. Sed de iudicijs factisque tuis (ita loquendum est) primus mihi bonum nomen MACARIUS indicium fecit : & postea PVTEANVS meus, qui te vidisse gloriatur & audisse. Obsecro, & PHIL. RVBENIVM meum cum GVIL. RICHARDOTO & IO. BARONIO noris, sed primum illum ingenio & doctrinâ laudabilem inter paucos. Probitatem & Modestiam addo, sine quibus hili non fecerim aut pili illa. Ecce pauca & prima verba. pauca, quia vt in angusto exitu aqua impetu veniens intercluditur : sic os aut stilus meus sistuntur ab affectu, qui impetu & calore erumpit. Agnosce, quæso : & agnoscentem iam amare persevera, saltem illo amoris tui fructu. Louanij, XIII. Kal. Septembr. ∞. ICCCIII.

EPIST. XXXIIII.

Florentiam.

CVRTIO PICHENAE.

IAM NVNC litteras tuas accipio, & ecce responsum. Te ego differam, veterem illum meum, & ante viginti circiter annos, cùm Viennæ esses, amicum? Sic appello, & quamquam non dextra aut sermo, tamen scriptio & litteraria ista, vt sic dicam, contesseratio nos iunxit : & fideliter iunxit, animi studi-
 dijque

diſque non diſpares, & iudicijs ad optima conſentientes. Eò gra-
tior iſta nunc appellatio, etſi ex interuallo: nec mirum: nam
& locorum interualla abiungunt. Vidiffe te mea video impro-
bulo illi reſcripta: in quibus quòd te honeſtè nomino, affectui
non dedi, ſed iudicio, quod in animi penetrali de te concepi fo-
ueoque. Tuo merito ita debeo. pauci bona amare, capere, aſſe-
rere idonei: tu inter illos naturæ & indiſtriæ tuæ beneficio cen-
ſeris. De diſſenſu alibi à me, nihil eſt: abite mancipia. liberi ſu-
mus, genere & ſenſibus: promere liceat, cum lege Modeſtiæ,
& vt Inuidentia aut Acerbitas abſint. Ego verò nec imperitiâ
quorundam offendor: ſi ſimplex ea ſit, nec de Calumniâ ſu-
mit. At mi Curti amo te pectore, melioris pectoris virum: noſ-
ſe propiùs vnâ tecum voueam, ſed voueam tantùm. Nam et-
ſi Italiam reuiſere mihi votum; intra illud maneo, rei expers,
& triſte Fatum Belgicæ meæ adſtringit. Quid, quòd vxorium
etiam vinculum, vt de te ſcribis, iamdiu mihi eſt? Traho com-
pedes, & longùm aut altùm ſubuolare ijs quoque vetor. Edidi
nuper Epiſtolas; doluit (in occaſione, & verè dico) quòd ad te
cùm plures dederim, nullas haberem, exemplaribus in migra-
tionibus meis furto, caſu, neglegentiâ amiſſis. Sum nunc in
Senecâ, & Stoicis: illum & hæc dabimus illuſtrata, & ab ob-
liuione vindicata. Nam Stœx quid præter nomen ferè notum
eſt? Hæc agimus, decorè fortasſe, in æuo grauiore, grauiora
iſta & ſapientiæ ſtudia tractantes. Valere te, & porrò me amare,
atque etiam affari, opto mi Curti. Louanij, poſtrid. Idus Se-
ptembr. ſtatim vt tuas legi, ∞. IOCIII.

Quæ notaſti ad Tacitum etiam, vidi. Illud de Othone, præ-
tor polluebat, minùs perplacet: alia in ipſo Tacito conſideranda
ſunt: neque nunc licet.

EPIST. XXXV.

Veronam.

ANDREAE CHIOCCO V. C.

DA veniam, da veniam tarditati ſcriptionis: & quia medi-
cus es, morbo hoc indulge. Scis quàm affligat & vires ex-
hauriat lenta illa & verè δαίτεια νόσος: cum quâ fatum mihi eſt
conſictari, nec ſuperare. Reſiſto tamen, & iterùm viriculas ali-
Ec 2 quas

quas à superiore illâ deiectione sumpsi. Vis argumentum? etiam scribimus, edimus: imò iâ edidimus breue aliquod DE VESTA ET VESTALIBVS συνταγμάτων, quod tamen malo te è secundâ editione, quam meliorem auctioremque paro, videre & donum meum habere. In istâ, adflavit me alibi morbus, quod agnosco, & emendabo. Sum etiam in SENECA totus, & ipsum & obliuiam illam Stoicam Sophiam dabo in lucem, quatenus in raritate scriptorum illorum licet, aut etiam opus est. Neque enim ambitiosè scribimus, & in Periergiâ quadam Polymathia laudem affectamus. Vtilia mi Chioce, utilia sequi, utinam assequi, mihi scopus est. Sed videbitis, & arbitrari breui vobis erit. At tibi, ô optime, quas condignas gratias pro affectu, atque etiam curâ mei dicam? Habebo facilius, & mente concipiam, quàm verbis promam. Consilia autem tua sana, & proba: & communiter uti iis possum, singulariter haud facile est in absentia & diuulsione nostrâ. Quòd significas esse inibi amantes quoque nostri, gratum est, & Veronam totam magis amo, etsi vel à Scaligero olim vel à te nunc caram. Academiam illam amplector, quam sic attollis, & eius Principem Octauium Cepollam. quid M. Antonium Montanum? cuius ego patrem Clarissimum Medicum iamdiu manibus tero, & pænè mente teneo, vnicum mihi ab annis viginti in hac interiore & occultâ inualetudine rectorem & ducem. Saluta, amabo te, & alios illustres viros quos adiungis, Comitem Augustinum Iustum, & M. Antonium Madium Equitem. Viuere me inter tales, & mitiore illo cælo, tu voues, neque ego abnuam: sed ætas & valetudo retinent, & vel Constantia mea, vel Fatum. Alioqui publicæ nostræ res λυπηρόι, & vel fugæ metum faciunt, vel si honestè vis loqui, discessus. Ill^{mi} vestri scripta ad nos non perferuntur: sicut pauca quæ Italia edit. Occasio mittendi si sit, libens videro, & plura tua mi optime, & doctissime, & prudentissime Chioce. Louanij, xvi. Kal. Octobr. ∞. MDCLII.

EPIST. XXXVI.

Romani.

ANTONIO PERSTO.

BENIVOLENTIAM tuam veterem erga me, quam nunc denique litteris testaris & aperis, sum amplexus equidem, vt debeo

debeo & soleo talium virorum, quibus votum & studium est me probare. Noui te iamdiu de famâ & nomine: etiam scripta tua quædam vidi, in quibus (etsi grauiora studia te vindicant) amorem & scientiam profiteris humaniorum istarum, id est veterum litterarum. Nec ab alio fonte amor iste tuus in me dimanat, qui videmur tibi in hoc genere supra plebem litteriorum aliquid esse. Conati sumus, de successu hæc aut sequens ætas iudicabit. Quòd autem scribis esse, qui tuum illud de Callidæ potu syntagma (mihi lectum olim & probatum) impugnant: non miror, vt cacœthes est huius æui, pænè dicam vni- ci ad æmulationes aut pugnâs. Miror tamen in re tam clarâ & testatâ posse obduci, quod vel apud improbos colorem habeat Veritatis. Præter ea quæ ego in Electis notavi, multa sunt quæ ad inferius vsque æuum mansisse morem euincunt: atque etiam apud exterâs & longinquiores gentes. De Essæis, in Philone Iudæo legas: *Vinum per illos dies non præbetur, sed aqua limpidissima, aliis quidem frigida, * calida autem his qui inter seniores delicatius habentur.* Et vides in deliciis fuisse, & tenuioris fili aut valetudinis hominibus propinatum. Quid autem? *Decoctam*, vt aiunt tui quidam refragatores? Ridiculum: & veteres probè hanc distinguere norant, & est ea inuenti recentioris. In Ammiano, Arriano, aliis, exempla alia sunt: pudeat adducere, & in Bacelos istos acrius pugnare. Habes meum sensum: habe & amorem, quem fideliter tuo repono. Louanij, postrid. Kal. Nouêbr. ∞ .IOCIH.

* Θερμὸν
δὲ τῶν
πρεσβυτέρων
τοῖς
ἐκπαιδευμένοις.

EPIST. XXXVII.

Romam.

GVILIELMO RICHARDOTO suo.

POSTREMA tua scriptio me lætificauit, verè loquor, causâ duplici. quòd & redire ad nos haueres, tui certè cupientes: & quòd bonum rectumque iudicium promeres, in toto genere vitæ. Non æstimas, quæ hodie multi, plurimi, pænè omnes, vanitates, fumos, fucos: ipsam virtutem amas & quaris, cui nati sumus & facti. Beatam mentem! & mox ab eâ vitam, si perseueras. Quidni autem perseueres? imò cum æuo consummabitur Ratio, & magis magisque illâ duce, contemnenda fastidies, appetenda adhærebis. Iuuaret frui te, & hos

sermone ferere, & fructum legere meæ olim institutionis. Et si Rubenium etiam illic habes; fallor, aut paribus tecum iudicijs, & qui sequi possit (malè dixi) imò comitari, aut præire. Decurrite simul hanc viam, quò? ad sublimem illam Sapientiae arcem. O suaues meos hoc nomine in Senecâ labores! vnâ tamen re insuaues, quòd dare aliquid æuo debeo, & Critica aut Antiquaria miscere: sed modicè meherclè & parcè. Qui Senecam aut me eo fine leget, ne legat. Sed satis philosophiæ: priuatim valetudine mediâ sumus, publicè malâ. De Busco illo Ducis periclitabamur: nûc minùs, vt videtur, præsidio inducto, sed ciue parum volente. Adhibita tamen à Principe est comitas, & Thessalica simul quædam persuasio, id est ** violenta persuasio*. Ad corpus seruandum, membrum aliquod vri aut angi, iustè non improbemus. Sed heus, Baronius noster quid? manet, redit, an iam redijt? Sui illum certò expectabant hoc Autumno: ego nec ab ipso quidquam adhuc, nec de ipso. At tu, vt scribis, adde operam vt breui: cupio videre te, complecti, suauari. Louanij, III. Nonas Nouembr. ∞. IOCH.

EPIST. XXXVIII.

Montes.

IOANNI BUISSONIO *Consiliario, & Syndico*
Ordinum Hannoniæ.

ADEVI T mihi Plouuierius, vtrique nostrum amicus, & litteras à te dedit, & de te quæ vellem nuntiauit. Quid autem magis velim, quàm valere te & me amare? Vtrumque dixit, & alterum istud etiam tuæ litteræ, quæ foueri à te amicitiae ignem asserunt, imò & ostendunt ipsæ ab eo calefactæ. Iure amo te, & istam tuam canam & ANTIQVI MORIS atque æui virtutem. O mi Buissoni, quàm ab eâ paullatim abimus! quàm ad alia, & non meliora, deflectimus! vrit oculos atque animum meum audire cottidie, videre, cogitare. Ego vaticinium apud te liberè promam, breui fore vt Honestum & Bonum à nobis abeat; Fucus & Vanitas, addam etiam Prauitas, succedant. Quod tamen nostrum interea munus? pro nostrâ virili illa amare & asserere, & si non alijs, nobis tamen approbare, & nec latum vnguem à Decretis flectere quæ Virtus dictauit.

dictauit. Si publicè res aliò eunt, mœsto sed patienti etiam oculo aspicere: & opem ferre cum non possis, velle. Sicut qui in litore stat, & perclitantes in alto nauim videt, miseratur & votis adiuuat, nec se tamen in mare præcipitat: tale nobis, facere humano generi, & vbi fas est iuuare; cum non, tolerare. Prouidentia (ad quam iure prouocas) gubernaculum rerum humanarum, aspicienda est; & flectendi ad eam non oculi solum, sed animi, & ipsa voluntas aptanda, vt sequamur non queruli nec refractarij supremam illam & immotam legem. Ecce Reges hîc in terris & Principes hoc sibi vindicant, & districtè P A R E R E nos volunt, vbi constatijs P L A C E R E: & diuina Potentia hoc ius non habebit? Habeat, & Sapiens in animo illud vetus fideliter impressum, D E V M S E Q V I. Vides me ad Constantiam hortari, spem meliorum non proponere, nisi cum ad meliora illa loca, vnde venimus, ab hoc exilio licebit redire. Fata aspera Belgas premunt, & prement, vt cursus & series ista rerum minantur. Nam etsi in obscuro ea Deus esse voluit, & tristissima etiam Spe semper temperare: tamen à causis istis secundis ad primam licet scandere, & quid ea minetur aut moueat ab his existimare. Sed omitto hæc philosophia, quorum domi tibi est silua: de nostrâ istâ Siluâ Ducis credo vos iam audisse, & siquid minùs certò aut liquidò, Ill^{ms} Dux denarrabit. Qui à corpore quidem valet, ab animo non nimis alacer, neque causas potes nescire. Magnum Principis illius ingenium est, in plerisque rectum iudicium: frigus tamen aliquod (pro sæculi nostri indole) æthereo illi igni optem. Hæc ad te liberè, & alia in sermone apertiùs: neque apud amicum & prudentem virum quidquam sensuum meorum velem. In occasione fiet, si viuo: si non, Boni & bonorum amans morior, & apud te restor. Vale vir Clar^{ms}. Louanij, XIII. Kal. Decembr. 1611.

Seneca meus breui prodibit, ipse auctor optimus (& scio te talem habere). mea scripta ad eum non semper cuiusmodi vellem, & Valetudo aut Æuum vetant.

EPIST. XXXIX.

PETRO COLINS S. D.

SERMONES tui comes nuper & benigni, nunc facta. Mit-
tis ad me aucupij tui partem : an venationem appellabo?
Equidem gratias duplices debeo atque habeo, vel affectus tui
caussâ, quem non temporarium sed radicibus nixum ostendis,
vel doni ipsius, quod nos refecit & pavit. A me quid mittam?
affectum eundem : quem repositum apud me scito, & pro-
mendum etiam, sicubi usus erit. Amplius, eundem ad filium
tuum porrigendum, quem studiorum causâ hîc habes. Is me
adeat interdum (coram ei dixi) appellet, & consilio vel dire-
ctione meâ vtatur. Crescant hi tales in parentum gaudium, in
adfectâ reipublicæ bonum. At tu vale Vir ornatissime, & ama-
turum ama. Louanij, III. Idus Decemb. ∞. 1611.

EPIST. XL.

Augustam.

MARCO VELSERO.

QUID hoc est, quod iterum iterumque amicus ille nun-
tiat, Italos populariter in me (ita loquitur) coire? Egône
aut mea tanti? Et plures iam menses, imò plus anno hoc agunt:
ô partum difficilem, & cui Vulcanus aliquis cum securi meri-
tò accedat! quidni? vt profiliat noua hæc Minerva. Et quid
tandem ista erunt? vetera, in Bembum aut alios dicacem me
fuisse: toties refutatum, & res ipsa ac scripta mea cottidie euin-
cunt. Pono in meâ gloriâ, non fuisse mitius ingenium, linguam,
stilum, inter litteratos. Atquin aliquid in meis etiam culpa-
bunt. Faciant; & si iure, fauebo: sin aliter, quæ gratia aut gloria
est? Et fac etiam prius esse. non ego, non alius, qui olim & nunc
scripsimus, extra culpam omnem sumus: alibi aliquid macu-
lat: cur in vno me puram puritatem eunt exactum? Lunam
me, non Solem profiteor: tenui luce, nec purâ, imò nec propriâ
lucere: & multa à veteribus, omnia à Deo habere. Risi nuper
qui ad Tacitum scripsit, grandiusculum opus. Quid conatur?
vulgarum omnem lectionem, etiam quæ palàm falsa aut spurca
est,

est, tueri contra me: contra me? Imò rationem, imò libros
 priscos & fidos, & aliorum scriptorum auctoritatem. Et sunt qui
 Paradoxa Stoïcorum rideant: hæc non videntur? Est alius, qui
 negat Aristotelem me legisse. Quid ita? quia non omne illud de
 Religione in Politicis, ex eo adstruxi. Ipse fecit, vt audio: atque
 adeò solam Catholicam nostram tenendam illo auctore osten-
 dit. Mi Marce, quis finis erit, si ad vana hæc capita aut sensus ver-
 timur: si Bacchis istis, liceat dicere, aduersamur? Do manus &
 tergum potius, & resoluam vnâ alteraque plagâ. Scribant, la-
 cessant: qui tamen isti? hoc quoque liberè, nouelli Parides, qui
 pugnare possunt magis, quàm possunt. O Hesperia, misereor!
 &, paucos excipio, verè nunc nomen illud habes. At nos non
 ideò scribere aut edere cunctamur: lubet obnixum stare, & pau-
 cis ingratissimis aut malignis, benigniora Europæ elogia obducere.
 In his triumphamus, & lauream capite ac manu tenemus, non
 à liuore aut calumniâ eripiendam. Da veniam exsultanti. non
 soleo: sed isti proteruuli & à Modestia deuij, me quoque extra
 viam, dum pello, leuiter abducunt: & comitor, dum commit-
 tor. Redeo, & silco, & saluere te Germaniæ tuæ magnum &
 longum decus opto. Louanij, Idib. Decembr. ∞. IOCIII.

EPIST. XLI.

IO. VERGERIO AVRANO suo.

VERGERI mihi care, care Musis.
 An non dixerò? cuius ecce versus
 Et sensu lepidos, & elegantes
 Verbis vidimus: atque eos bilingues.
 Nam linguâ patriâ, & simul Latinâ
 Scripti erant: quod amare & approbare
 Et vetus queat, & noua hæc Poësis.
 Maecte. tene ego censeam hæc minora
 Sic industriè habere? te seueræ
 Addictum Sophiæ, & libris sacratis?
 Quos tractas iuuenis, virente in æuò,
 Tali iudicio acrimoniaque,
 Ætas vt tibi vel senectæ cedat.

Vix lanugo tuas genas inumbrat,
 Barbatos tamen ipse ego magistros
 Te laceffere, quid laceffere? addam,
 Vidi vincere. perge porrò summa
 Laudis tangere: sed Modestia vsque
 Afflit. sic tibi laus perennis afflit.

Vides? tuus me amor & calor incendit, & versus adegit fundere, an versiculos? Verè istos. breues & leues sunt, etsi affectus in te largus & firmus. Quod bonâ fide, & veteri Gallico candore, habe dictum. Vale, in Musæo nostro, III. Nonas Ianuar. ∞. 16CIIII.

TESTIMONIUM.

VIRTUTEM qui amat, agnoscit; qui agnoscit, promouet, & gaudet plures cultores eius esse. Idèd mihi grata indoles, & cum indole studium, IOANNIS VERGERII AVRANI Baionensis: quem à quattuor circiter annis in hac vrbe & Athenæo noui, optimis semper artibus operatum, & præsertim Theologiæ, cui Principi scientiarum sublime & subtile ingenium suum addixit. Quæ experimenta & pericula ego vidi? & nuper vtique, cùm VI. Kal. Maias de vniuersâ Theologiâ, in publico cœtu, solenni Disputatione respondit: sic promptè, argutè, firmiter, ut cum admiratione voluptatem gigneret in animis auditorum. Seriâ fide hoc testificor, & Deum precor prouehere hoc ingenium suo honori, reipublicæ Christianæ bono, cui natum auguramur. Louanij, III. Idus Maias. ∞. 16CIIII.

Iustus Lipsius Professor, &
 Historiographus Regius.

E P I S T. XLII.

IOANNI AGUILARIO ALVARADO.

LIBENS ego te admisi, nō vt ad tutelarem genium, sed amicum, & iamolim in te animo affectum. Auunculum habes, virum inter claros clarissimum, & verâ virtute cōspicuum, qui hoc à me impetrauit, vt vos suos quoque amarem. Feci equidem

dem ferio, nunc magis cum tu à te causam augendi affectus præbes. Epistola tua tota bonæ, & ut rem dicam, altioris, id est ætheræ illius indolis ac feminis est: ô mi adolescens, illuc eamus, & per Virtutis ac Doctrinæ viam nitamur. Doctrinæ, inquam, & hanc adde. Nam neque consummata satis sine eâ ipsa Virtus est, aut certè parum ornata, vel etiam instructa, ad suum vel alienum usum. Vidēsne arbores quasdam sine culturâ crescere, & foliis lignisque luxuriare? sed alius fructus vix adest, & umbram ac speciem modò præbent. At in cultis, & humanâ manu factis, insitione etiam emendatis, vides usum multiplicem, & fructificare, non solùm obumbrare. Quæso te, imitare. nomen tuum vide, ab Aquilâ est, alta & honesta pete: ætatem vide, apta institutioni & velut culturæ est, frueri dum licet, ne Pœnitentia postea succedat, in quâ tu doleas, alij rideant, occasione lapsâ. Clausula est, ego te amo & amabo, fauebo & fovebo quoque: sed si tu ipse te, & dignum geris sanguine, è quo ortum ducis. Nauigantes Cynosuram respiciunt: tu auunculum, non aberrabis. Vale, & cum nouo anno nouum impetum ad optimas artes cape. Louanij, Nonis Ianuarijs, ∞. IOCIIII.

EPIST. XLIII.

Augustam.

MARCO VELSERO.

EN ad Polam nostrum. quomodo non meum, qui sic amat? Etsi iudicium & veritatem requiro, & plures mecum. Ad te satis longam epistolam nuper dedi, super illâ Bononienſi factione. Crescat, sedeat & sileat, non magnæ mihi curæ est: vos pauci & boni, & gnari bonarum artium, me amate. Ad Senecam omnia Typographus iam habet: de *Pilis vitreis*, omitti tuum illud non debuit, raræ obseruationis. Sed pleraque mea ad illum, magis pro Genio eius sunt, id est Philosophæ, quàm Philologa aut litterata. Sic decere & debere, mihi visum. Dum heri suauiter de te cogito, ecce Carmen effudi: lege, & verum affectum ama.

AD PERILLVSTREM

M A R C V M V E L S E R V M

II. virum Augustæ Vindiliciæ.

MA R C E, dispeream, nisi inter omnes
 Quos amo, te ego amo. idque iure: siue.
 Virtutem videam tuam, aut Amorem.
 Virtus, Solis ad instar, illa lucet:
 Nec tuæ modò Ratiæ, sed omni,
 Quàm lata est, Alemanniæ, & propinque
 Galliæ, Italiæque, Iberiæque.
 Addámne ipsam Asiam? addere hanc quoque ausim.
 Et splendor tuus ora inhospitalis
 Ponti percutit, ipsaque vrbs Byzantis
 Te nouit simul & colit merentem.
 Quid iam porrò ego debeo? qui amorem
 Tam largum mihi candidumque defers.
 Certè debeo, quod nec vllà lingua,
 Quod nec concipere ipsa mens potissit.
 Ergo me tibi sisto mancipandum:
 En habe tibi, quidquid est eritque
 I V S T V S L I P S I V S, hoc ab auro in auum.

Louanij, prid. Kal. Febr. ∞. IOCIII.

E P I S T. XLIIII.

Romani.

P H I L I P P O R V B E N I O semper-suo S. D.

INVITVS ad te scribo: ne mirare. Vos ego iam exspecto, iam
 occurro, iam brachia pando ad amplexum. Quid iterum à
 solidâ voluptate ad hanc imaginariam vocor? quid à veritate
 ad umbram? Venite, affamini, & sistite mihi tres vos illos meos:
 quos non dimisi, sed commeatum in tempus aliquod dedi. At
 Italia vos tenet; quam hoc nomine minùs amo, quia vos sic
 amatis. Redite. vis dicam? aut ad alios amores ego eo. Senesco,
 cano-

canefco: longum exspectare non possum, frui nunc aut numquam debeo: & fruamur, ita omnia votiua vobis Deus in reliquam vitam donet. Vsuram breuem ego posco; sed tam hilaris, quam ij qui ætates disponunt & promittunt. Venite (iterum dico) tres ad me recta: si quis abnuat, tu nihil excusa, & indulge vtriusque (nam & de te arbitror) amor. Sic vale. Louanij, prid. Kal. Febr. ∞. MDCLIII.

EPIST. XLV.

IANO GRVTERO.

LIBENS legi, libens, de Politicis tuis Dissertationibus: Age, vel ob hanc causam fac, ut os calumnie claudamus, qui meros litteriones nos censent, nec alterius seriae rei. O quam errant! quam diuina & humana in his veterum monumentis tractamus & indagamus! Sed cum vulgo frustra pugnes, & brachia in ventum iactes. Quæris, ecquid Taciti iudicium mihi rectum, qui Senecam & Burrum probare videtur silentes, ne iriti parricidium dissuaderent. Dico, non vniuersè hoc verum esse; & boni consilij virum, atque ipsum bonum, etiam non audiendum, optima debere effari. Cur non igitur hic Seneca aut Burrus? factum & personam cogita. Agebatur an Nero, an Agrippina imperaret. Eo enim ventum, & superstes illa mulier magni animi & gratiae, Germanici filia, imperium pacemque turbasset, aut rapuisset: nec ipsa filio melior futura. Adde, quod ad hoc æui non inter pessimos Nero: postea fræna exsoluit: ideoque, ut fidi & integri consiliarij, statui eius priuato & publico ire debebant consultum. Ergo per tale facinus? absit: non suaserunt, siluerunt. id est, non approbarunt: sed ut inter mala, & quia longius Nero iuerat, quam ut retrocari posset, hoc tolerandum censuerunt. Caput etiam, quod Tacitus non exprimit: tutò dissuadere non poterant, & in dissensu, illorum salus agebatur. Summa, in republicâ multa interueniunt, quæ priuatim iniqua, respectu alicuius publici Boni aut Quietis tolerantur. Tu plura dices, & inuenies: examina. De Senecâ, dedi operam ut Textus emendatus esset, ac tu iuisti. Cetera pompam non habent, fortassis usum si quis quæret. De illo Atheo in Epistolis, diuinasti. Gratulor tibi in Bibliothecâ luxurianti,

& à copiâ , vt scribis , panè oppresso . Mihi ab alijs vacuo contingat , & vel sepulchrum sic esto . Sed , Dij boni , distrahimur , & ad alia raptamur . Tu bona & me ama , mi Grutere , idem constanter facturum . Louanij , Kal . Febr. ∞ . IOCIIII.

E P I S T. XLVI.

Lugd. Batavorum.

GERARDO B V Y T E W E C H I O suo.

SATIS diu factum est cùm à te nihil audiui: eò gratiores istæ postremæ tuæ litteræ , etsi non grata omnia continebant. Illud certè triste de Vxore tuâ . quam in morbo , & tali morbo , id est Hypochondriaco aliquo esse , inuitus audiui . nam scio quale hoc sit , & quàm leniri fortasse medicinâ aliquâ aut curâ possit , numquam vinci . At ego melius de tuâ etiam spero , nec in hac florenti ætate id genus omnino morbi esse : etsi vicinum aliquod fortasse , & notis iunctum . Confide , Deus illi & valetudinem , & ex eâ tibi liberos dabit . Suaue fuit audire de tuâ illâ bellulâ , & opinor iam garrulâ : & mihi quoque desiderium sit videndi , & (verè dicam) suauandi . At quæ spes vltra est ? ego senesco , & niues caput meum spargunt : & morbus iste tot annos atterens & exedens valdè vacuum virium me concinnat , & longæ hîc moræ spem non facit . Nec tamen etiam cesso . & breui *Manuductionis ad Stoicorum Philosophiam* libri tres , *Physiologiae Stoicorum* totidem apparebunt : quidni dicam ? non pro gustu aut sensibus huius æui scripta . Causas per te cogitas . sunt vetera , ignota , à scholis spreta : & solum fortasse fructum habeant illustrandi Senecæ , cui equidem destinaui . Sunt enim velut prodromi , & ille consequetur . Iam Antuerpiæ essem , nisi casus equi tibiam meam afflixisset ; sed iam ferè persanatam . Scisne autem equum me domi habere , sed ex dono ? Fit illud Aristippi , opinor : — *equus me portat , alit Rex* . De Douzæ scriptis , vellem misisses . priora enim habeo : hæc credo consequentia esse , & non moueor si qua alia à nobis inspergit : nam & firmus ego in talia sum , & venia mihi facta legendi . Mitte igitur : ego ad te mea , cùm lucem videbunt . Quando autem Scaligeri optatus Eusebius ? inquire , & in occasione virû saluere à me iube . Exspectamus reduces Româ Richardotum , Baronium , Rubenium . hunc

hunc postremum egregium virum, & Græcas Latinasque litteras perdoctum. Vale mi Buytevecchi, & meus perseuera. Lovanij, VI. Idus Febr. ∞. IOCIII.

Parenti vtrique, sed & Tuæ, amicam salutem mitto. Scripsi & editurus sum, *Diam Virginem Hallensem, eiusque Beneficia & Miracula*: piis non displiciturum opus; quid vestri illuc alij dicent? Lipsium Bellerophontæo morbo agitari?

EPIST. XLVII.

Veronam.

ANDREAE CHIOCCO.

IAM iam nunc tuas accipio, & lectis respōdeo: vide quàm sim ^{ἀδελφός} amico paria reddere, quatenus valetudo quidem (nam occupationem non excuso) permittit. Rogas de acceptis Ill^{mi} Cardinalis & Antistitis vestri AVGVSTINI VALERII libris? Accepi, legi, & vel ipso aspectu delectatus sum, hæc optimarum artium & honestioris famæ illis etiam magnis curæ adhuc esse. Quid, cum legi? affirmo tibi placuisse, & doctrinam & iudicium viri admiratum esse, in illâ dico dignitate, & multifariâ καὶ πολυποικίλῃ (satis scio) occupatione. Italia vestra vel hoc nomine etiam felix, quòd tales quosdam, sed quosdam, in illo culmine habetis: nobis non nisi votis suspirandos. At legisse te mea *De Bibliothecis*, & *Dispunctionem* significas, & placuisse. Tamen inijs de Polirianis & Barbaris, atque hodie etiam, sed aliâ & vestrate linguâ esse. Mi Chiocce, non abnuimus de ingenijs in vestrâ gente (neque istæ τυφλομανίη nos habet) sed ad artes veteres respicimus, & quas Græcia coluit Latiumque. Linguam vestram si excolitis, benè est: sed quo imperio ad alias gentes propagandam? quod in vtrâque illâ, vt scis, fuit. Imperio dico, atque item Colonijs in orbem terræ missis. Fatorum aliquis orbis est, & surgunt illa, hæc cadunt: sed in linguis observa, vix tres obtinuerunt ab orbe condito spargi & dilatari. Nos quoque vestra legimus, capimus, & probamus: sed studium idem nōne Gallis est? & lingua eorum latius patet, certè comuniùs vsurpatur. Cuique suum iudicium: sed cum Religione veteri, verâ, & Romanâ, stare Romanam linguam & coli debere, ego cenfeo: magis quia artium & scientiarum veterum custodem.

dem. Siquid in vestrâ, Hispanâ, Gallicâ, boni aut venusti est; negabis etiam ab hac esse? cuius istæ filiæ, & per vim atque iniuriam, vt sic dicam, dominantibus Barbaris ex eâ productæ. Defino, ne videar quibusdam *φρονῶν ἐδ' ἀν φρονεῖν*: sed non tibi, si te noui. De homine autem qui me *ὑβρισμα* fecit, nec nosse vos credo: ne nunc quidem ego. Italum se præscribit; ingenium, aut illud ingenium, *καὶ μεγαλόθεν* vestræ gentis, non præfert. Quisquis sit, valeat, aut in Vespasiani illam Morbōniam abeat. M. Antonium Bonciarium vel ex litteris noui, sanè insignem virum, & *ἀξέπαινον*: plerosque alios ex lectione, quos iuisti nominatum. Inter eos iamdiu Torquatū Tassum, & Speroni quædam. Sed aliæ nobis curæ, aut auocationes: in otio, quod optem magis quàm sperem, libens istis vacem. Vale vir amice, & talis in me perseuera. Louanij, xv. Kal. Mart. ∞. IOCIII.

E P I S T. XLVIII.

AVGVSTINO VALERIO S. R. E. *Cardinali* S. D.

BENIGNITAS tua, tum item scripta quæ vidi, scriptiōnem hanc meam elicuerunt, grati animi & virtutibus tuis meritisque addicti testandi causâ. Nam benignitatem quidem ostendisti, in salute semel iterumque ad me peramanter missâ; tum & sermonibus, quos honestos de me studiisque meis apud plures habuisti. Iam Scripta tua quæ publicasti, visa mihi beneficio Andreæ Chiocci Doctoris vestri Medici, qui ad me misit: & lecta mihi fateor cum fructu pariter, & voluptate, cui affectus & veneratio in auctorem se coniunxit. Quomodo enim non colam & amem virum in eâ dignitate, in eâ ætate, hæc studia sic industriè & feliciter tractantem, & ad posteros etiam ingenij sui monumenta propagantem? Colo, & amo: & vnum certè librum vel argumenti causâ, quia in eo CARD. BORROMAEVS describitur, ô magnus ille æui nostri (sic appellare liceat) heros! Eum ego semper suspexi, & virtutes extra ambitionem omnem admiratus sum: quas tu ita laudas, vt etiam imiteris. IVBILAEVM etiam tuum ANNVM perlegi; & variam in eo rerum notitiam, cum hominum locorumque descriptione, am aui. Sunt seria hæc scripta, & tui loci atque mun-

neris: atque vtinam ætas (nam de voluntate non ambigo) ferat, plures ex hoc agro ingenij tui fructus prodire! Vt id possit, Deū rogo: & vt iste Ill^{mc} ac Reu^{mc} Domine, longum Ecclesiæ suæ seruet. Louanij, prid. Idus Mart. ∞. IOCIII.

EPIST. XLIX.

Perusium.

MARCO ANTONIO BONCIARIO,

nimis, penè dicam, meo S. Dico.

NE mirare exordium, mi Bonciari. iamantè sciebam te meum esse; sic esse, ex epistolâ tuâ didici, quam beneficio Andreæ Chiocci, insignis viri & Medici, iam nunc vidi. Tene tam effusè in laudes meas ire? nec apud me, vbi blanditijs locus esse possit, sed apud alium, quid alium? apud omnes sic effari & profiteri: nam edidisti, & vulgasti. Profectò motus mihi animus fuit cùm legi, non nego: & quamquam saluâ fronte pleraque non possum agnoscere, tamen suaue, suaue fuit à te tali hæc tribui,

Ὁ, νόος ἐν σήθεσι πετυμένος, ἐδ' ἡ αἰκίη.

Etiam hoc testificor, te sic in mea intima iudicio indagasse aut penetrasse, vt ipsi mihi notior non videar, quàm tibi. Quæ hæc sagacitas tua est? quis super omnia candor? Iam verba pensitata, & sensus sic maturi, fidem apud alios adstruant, quam apud me non habent. Et mihi tamen hîc fructus: quis? excitari & erigi, & vt generosi equi, plausu hoc tuo & fauore acrius ad cursum impelli. At non in fastum attolli, mi amice. noui me, & impurum aut imbecillū illud in me hominis; & vt Ianonia auis, cùm plumas adspexi, ad pedes oculos demitto. Sed ad te nunc animū mitto (vtinam totum me possim!) æterno, æterno tecum vinculo, vt cum me altero hæsurum. Louanij, prid. Id. Mart. ∞. IOCIII.

Scripsi item ad te ante dies xv. & misi Augustam Vindelicam ad M. Velferum.

EPIST. L.

Lutetiam.

FRANCISCO HARLÆO Abbati S. Victoris S. M. D.

ET ex sermone cognati tui Harlæi, qui nobis adfuit, & clariùs ex tuâ scriptione affectum didici, quem acrem in me præfers,

præfers, amore Virtutis & Doctrinæ excitatum, quarum scintillas in me (utinam lumen!) annotasti. Nam & me amare ea profiteor, & crescere cultum cum ipsis annis: quanto magis video alia hæc vana, leuia, nihili esse; sola hæc firma, solida, æterna. Itaque meritò & tu ad ea adspiras, & non simplici ac nudâ, vt sic dicam, Virtute contentus, ornatum & velut purpuram adiicis Doctrinæ. Benè est, perge. hæc eminendi & prælucendi via est, quò tua te indoles, & maiorum splendor atque exempla vocant. Meam autem amicitiam quòd appetis, in promptu est: vel vtrò iungar, quoscumque tales repperi: & vt magnes ferum, sic me honestior indoles consensione tacitâ & *συμπάθεια* trahit. Ergo sequor, manum do, fidei & amoris non fallacem. Louanij, III. Idus Maias. ∞. IOCIIII.

EPIST. LI.

Augustam.

MARCO VEL SERO V. I.

ERRATVM. nondum vt STOICA nostra videris? sed erratum, aut peccatum (non enim definio) ab aliis quibus commisi: ego te inter primos habere fructus istos acridulces (da verbo veniam) ingenij mei volui: habere, & censere. Fac vel nunc. Musicum illum Etruscum vidi nuper, è tuo dono; & miratus sum ingenium, dij boni, acutum! Sed ego quàm non sim ad hanc scientiam, publicè sum testatus, & est vitium naturæ meæ. In Senecâ, hæc talia non nimis inquirò: quod ille egit, hoc ago, & ad mores eo. Et quia pompam hæc scriptio non habebit, fortasse & famæ minus, vt hodierna sunt iudicia: sed & ea alibi corrigenda aut dirigenda sunt, & in veterem limitem boni vsus reducendâ. In N. affectum amo; cetera mecum intelligis & arbitraris. Stanislaum Balam, de cuius affectu in me scribis nobilissimi viri, amo & te velut inducente admitto atque amplector: & gaudeo atque Europæ gratulor tales in eo tractu viros esse: Mirum, mirum, Sarmatiam sic excultam hodie, vel supra Hesperiam vtramque (gnarus dico) esse. Omitto litteras, quæ id mihi dicunt: sed sunt & fuerunt in hoc ipso loco nobilissimi iuuenes, qui vagantur & lustrant incensi cupidine doctrinæ. Nostri homines aliter, & veteres Cimbri (Becani hæc asseritio)

fertio) ad Cimmericas ignorantiae tenebras eunt. Sit is quoque inter bellorum civilium fructus. *Dima nostra Hallensis* excuditur. Quid tu ad talia? inquires. Imò decuit, & animo libuit ad pietatis hanc aram facere, cui primò nati sumus: & reliqua secundas in hac scænâ partes agant. Mi Velfere saluere te cupio, & me amare: te inter paucos, per paucos nostri æui, iudicij atque animi rectum. Louanij, XIII. Kal. Iun. ∞. IOCIII.

EPIST. LII.

*Romam.*EMANVELI PIO S. R. E. *Cardinali.*

M. Antonius Bonciarius (ab amico tibi nomine ordiendum est) cum sæpè mihi & de virtutibus tuis, ingenijq. præstantiâ, & litterarū ac mei amore, ex fide scripsisset: cultum & simul affectum erga te in animo isto genuit. quem in dignitatis tuæ incremento cohibere vltà non potui, non item debui, quin erumperet, & tibi se sisteret, probandus, vti spero, & admittendus. Candore quidem hoc mereor: vt alia mea, quæ benignè attollere te audio, omittam. Venio igitur gratulaturus purpuræ hunc honorem, veteri, & ab ipsis Imperatoribus familiæ tuæ, non nouum: quem ipsum nuper quoque tenuit Rudolfus Pius Cardinalis Carpenfis, ille in exemplum genitus virtutis, doctrinæ, elegantiae, & omnibus in ijs numeris absolutus. Nihil veræ laudis extra gentem tuam quære: illa suppetabit, & multâ luce vndique circumfundet; etsi iam nunc in eâ lucet. Nam eminens hæc tua indoles, & sublime cultumque ingenium, Pontificem hunc optimum maximum aduerterunt, vt te vltro eligeret & in sacrum Senatum adscriberet, quò non nisi apices & decora prouinciarum adspirant. Sit felix bonumque factum, eminus, sed corde, acclamo: & me tibi do, dico, Ill^{me} & Reu^{me} Domine, seriò clientem. Louanij, IIII. Idus Sextil. ∞. IOCIII.

EPIST. LIII.

*Antuerpiam.*LVDOVICO NONIO *Doctori Medico* S. D.

DI VAM nostram placuisse tibi, pietatis tuæ in illam est, fortasse & in me affectus. Nam à stilo aut ingenio meo

leuiter accessit, quod commendaret. gaudeo tamen grata hæc esse (nam & ab alijs sic accipio) & excitor ad similes scriptiones. Similes dico, id est Historicæ: & tu me eò vocas valde inclinatum. Itaque iam nunc edo *Monita & exempla Politica*, in quibus quid nisi florem historiarum excerpo, & huic scriptioni velut proludo? Deus si vitam mihi seruat, illuc ibo: firmior sum modò; nam iam à tribus mensibus, mi Noni, valde virium & vigoris interni vacuus sum factus. Te in Hispaniâ illustrandâ pergere, gaudeo: & in Marciani Capellæ loco (inspexi & inquisiui) à tuâ correctione nihil muto. Vera & necessaria est: etsi tentabam illud *vniversa* inuertere, sed non successit. Quæris super Strabonis loco de *Balearium laticlaniâ tunicâ*: & meretur quæri. ego autem simpliciter ita accipio, vfos primùm πλατυσήμοις χιτῶσι, quas Romani senatores vsurparunt, sed paulò aliter. Nam Baleares, opinor, in lino, non in lanâ; & ab ijs haud dubiò Hispani sumpserunt, sic propinqui. Sanè de istis in Liuius est lib. XXI. vbi de pugnâ Cannensi: *Hispani linteis, prætextis purpurâ tunicis constiterant*. atque in eadem re Polybius dixerat χιτωνίσκος περιπορφύρεος. quid eæ aliud sunt quàm *tunica laticlaniæ*: si tamen purpura ea in clauos distincta? Hæc ad Liuium olim notabam, & Strabonis locum adiungebam: tu iudicabis. Publica valde me suspensum habent, & video certamen omne in Flandriâ cernendum. Hostis copias auxisse, instruxisse dicitur, & rectâ ad nouam expeditionem ire. nos quid? quod tu scitissimè à tuâ arte, in Vaterno aut Lethargo sumus, nec excitati excitamur. Ades ô Deus; & patriam, aut certè religionem tuam, vindica & tuere. Vale, mi Noni. Louanij, XI. Kal. Octobris. ∞. IOCIII.

E P I S T. L I I I I.

Urbium.

SEBASTIANO MACCIO DVRENTINO
Viro Perillustri S. D.

LITTERAS ad me dedisti triplici notâ insignes, amoris, benignitatis, doctrinæ. Amorem ipsâ scriptione profers, & finem habes vt meum elicias: quid elicias? tuo iure poscas, qui debetur tali viro, & sic amanti. At benignitatis iam tuæ est,

est, quòd in laudes meas stilum admittis: cur autem tam effusè? Stringe vir optime, nec affectui tuo habenas omnes laxa, quas iudicij tui reſtitudo adducit & còercet. Ab illo enim, nò ab isto (ego ita cenſeo) hęc laudes. & vt per aquam qui videt, maiora omnia videt: ſic qui per fauorẽ iudicat, attollit. Equidem ampla illa non agnoſco: Deus ille Delficus veteri monito aurem vellit, & me ad me mittit. Denique doctrinam ipſa ſcriptio tua præfert, & acre eius ſtudio: atque huius fructus, SOTERIDEM tuam: quam vt videre mihi ſit rogo, & mittere licebit viâ, quam in imâ chartâ ſubſcribam. Sed ad amorem redeo, quem vt magis probes, ſine vllò riualitatis liuore (nec enim verus iſte habet) alios adiungis & nominas, qui me tecum amant. inter eos Franciſcum Mariam Sancti Angeli Comitẽ, virum genere & dignitate primarium, itemq̃ue Baptiſtam Guarinum Equitem, Felicem Paciottum Philoſophum: & quid dicam, niſi ſuauiter affici me, & velut titillari, talium ingeniorum approbatione vel affectu? Rependo vicem: vtinam & vocem aliquando poſſim, & paſci ſermonibus ac diſſertationibus, dirigi iudicijs eruditiffimorũ virorum! Olim optaui, & conatus etiã ſum inferre me Italiæ veſtræ nouũ ciuem: Deus & Principes mei vetuerunt, & patria etiam manum iniecit, etſi abiturienti. Quid enim apud nos, niſi aſſidua, & quidem calamitofa, bella? Pax ingenio ſcriptiſq̃ue meis magis faciebat, & excitari per illam ac produci vtraque hæc potuiſſent. Sed quibus ego iam verbis vtar, vt benignitati Ser^{mi} Principis FRANCISCI-MARIAE RVEREI Vrbinatium Ducis, reſpondeam? Quam tu in me & mea promiſ: neq. inſperatam, vt verum fatear, quia inclytæ illi familiæ proprium ſtudia arteſq̃ue fouere atque amare. Sed quòd: eam extra Italiam etiam mittit, id fortasſe nouum, ſed magno & capace illo ingenio dignum, quale deſcribis: & quod inſtar ſolis aut velociſſimi fideris, omnia ſtatim obit ac luſtrat. Legi ab eo ſcripta noſtra, votum eſt; probari, ſupra votum: fruor tamen & excitor, neque aliter erigor aut attollor. Habes ad epiſtolam tuam, ſed voluntate meâ breuius: quia languor, an morbus dicam, manum & ſtilum alligat, qui iam tres meſes me habet. Deus, ſi ita expedit, ſanum me reddat, te ſeruet Vir Perilluſtris. Louanij, XIII. Kal. Octobr. ∞. MDCLII.

Siquid ad me placet mittere è tuis scriptis, ægrè id potest per Cursores ordinarios, nec nisi magno impendio: at potest bis anno per mercatores, qui Francofurtum eunt. Ad Moretum illuc si mittis, id est ad Plantinianam tabernam, rectà & tutò ad me ibit.

EPIST. LV.

Pinciam.

Domno FRANCISCO QVEVEDO Viro Perillustri.

Dij tibi dent animos continuentque tuos.

PATERE enim & me versu ordiri, & tuo illi *παρρησίᾳ*, quem scitissimè (sed cum nimîa laude meâ) præponis. At ego tibi animos istos opto perpetuos: animos, sic in me affectos; animos, sic omni doctrinâ & virtute perpolitos. Ita enim ab aliis audio, qui & propiùs te norunt, & scripta varia viderunt: quod nobis non datum, ad quos vestra ægrè deferuntur, nec nisi ex destinato missa. Rarum in istâ nobilitate tuâ decus. quod non tibi magis, quàm patriæ gratulor, quam is atque ibis (diu enim viue) illustratum. Mea DE VESTA quòd legisse te scribis & probasse, gaudeo: mallem eadem videres aucta & notis illustrata, quæ propediem vulgabuntur. Sunt enim in manibus Typographi: & efficiam vt vel me mittente possis nancisci. Nunc SENECA vester me totum habet, ad quem STOICAE DOCTRINAE excerpta præmisi. Non enim cesso, Vir Perillustri, etsi tempora apud nos ferrea, nec artibus istis sed Marti facta. Vos quoque auditis: auditis, an & sentitis? Contage enim mala nostra vos tangunt, & opes ac miles vester hîc exhauriuntur aut consumuntur. Scripsit ille olim, de Troiâ: — *Commune sepulcrum Europæ Asiæque*. Ego de Belgicâ dixerim, quæ ab annis iam pænè quadraginta, florem militiæ ab Europâ aduocat, & consumit. Medere tu Deus, & hunc nouum mihi amicum tuere. Louanij, VI. Idus Octobr. ∞. IOCIII.

EPIST. LVI.

Gades.

IO. BAPTISTAE SALAZARIO.

AVLTIMIS Gadibus (vt olim opinio erat) litteras ad me venisse, si non gloriôr, gaudeo: & non responso te solum, quod

quod petis, sed amore dignabor. Idque doctrinæ tuæ merito, & incensi studij, quod scriptione hac profiteris. De meâ autem doctrinâ, vel ut tu, sapientiâ, nihil equidem assenserim: imò animus hic sibi conscius repugnat, nec ventulo isto eleuante à terrâ se tollit. Sum homo, sum ab humo, in eam ibo, & fama ipsa mea haud latè vagata circa hanc peribit. Dum sumus hîc tamen, suaue est altius & melius aliquid agere, & quod bonum proprium Stoici censebant, prodesse. Hoc sine scribo, edo: hoc sine & istas ad te mitto. Quærebas duo prius de sensu versuum Ouidij, quibus suadet puellas adiri opportunè,

Sive dies fuerit natalis, sive Kalendæ,

Quas Venerem Marti continuasse iuuat.

De Natali, scitum est: dubitas, de Kalendis istis. quas ego censeo Apriles fuisse. & quare puellis gratas lætasque? quia tempus tunc anni ad lusus inuitat, & aperit stricta aut clausa. Ipse idem poëta in Fastis, & ipsis illis verbis:

Et formosa Venus, formoso tempore digna est,

Utque solet, Marti continuata suo est.

Sed & vulgò colebant tunc Venerem matronæ, puellæque. Idem:

Ritè deam colitis Latiae matresque, nurusque;

Et vos, quibus vittæ longaque vestis abest.

Quia & sacrum eo die Veneri fuisse, præter poetam, Macrobius tangit Saturnalium primo. Opportunus ergo amoris dies, ipsa Cap. XII. Veneris præsidente & conciliante. Alterum quæsitum, in versibus:

Junge tuum domina, quâ licet vsque, latus.

Et bene, quod cogit, si nolit, linea iungi.

Quæ hæc linea? Alij alia: ego de Circo sermonem esse scio, & in co sedilibus: itaque accipio *Lineam*, ipsum ordinem subselliorum, velut lineis descriptum & discretum. Erant Cunei, inter cuneos Viæ, & media Subsella, lineis suis diuisa. Qui ergo in vnis subselliis fedebant, iungi necessariò debebant: nec declinare fas vel antrorsum vel retrorsum, aut lineam migrarent. De tali lineâ, in Martiali etiam versus, me interprete:

Omnis habet sua dona dies, nec linea diues

Cessat, & in populum multa rapina cadit.

Manifestè dicit, missilia in omnes sparsa, atque etiam *lineam* diuis-

dimitem, id est Subsellia senatorum siue Orchestram. nam distinguit à populo & popularibus statim. Isto etiam sensu iterum Ovidius:

Quid frustra refugis? cogit nos linea iungi.

Nam Circensibus viri & fœminæ mixti spectabant olim. Suspicetur fortè etiam aliquis, lineas è ligno antepositas aut admotas, quibus firmarentur sua cuique sedilia, & vt fas inniti, nec prioribus sessoribus incommodare. Sed hæc suspicio: ista veritas, me ex vnâ epistolâ te amare, & idem perpetuum à te optare. Louanij, ix. Kal. Nouembr. ∞. MDCLIII.

EPIST. LVII.

In Poloniam.

SIMONI SIMONIDAE.

LITTERAS tuas, & quod librorum adiunctum fuit, nimis libens legi. illas, ab humanitate & affectu mei, quem spirabant; istos ab eruditione variâ, quam præferebant. Ego mi Simonide, vt de affectu dicam, pretium laborum meorum censeo à talibus amari: id est doctis, bonis, quorum inter apices te pono. vt fama mihi non dixerit (quam & hîc habes) vnum illud carmen tuum *in Imagines Zamofchianæ diætæ* approbet: quod, ita me Deus, eruditum, antiquum, suaue est, & numeros ac phrasim Catulli ac veterum illorum habet. Maeste! spondeo tibi, paucos in Europâ esse (& est ingens poëtarum copia, vt apum) paucos, inquam, qui meo quidem sensu sic scribant. Iam illa Stoïca, quàm putas ipso titulo & argumento blandita esse? quid cùm cœpi legere, tam multa è Græcis Latinisque, & remotis etiam auctoribus petita: sic adaptata & nexa, subtiliter explicata: quàm putas, inquam animo affectum & motum esse? Amo illam sectam, & conatus sum producere, vt vidisti: sed hanc Logicam partem reformidaui panè tangere, vix otij, certè non languoris huius mei. Gaudeo illîc factum à Bursio, & sic eruditè factum: à Bursio, an vis me magnum illum Heròem vestrum inscribere, quod vix vlla ætas credat? Virum in tot, & tam arduis occupationibus, regni Atlantem, sustinere & has litterarias curas ac lucubrationes posse? Diuinum ingenium dicendum est, in admirationem æui, vix in exemplum (quis enim imite-

imitetur, vel auferatur?) datum. Diu nobis viuat, quem toto animo
suspiciamus & colimus: diu tu tali patrono felix, mi Simonide,
flore itemque viuere. Louanij, VII. Idus Nouembr. ∞. MDCLIII.

EPIST. LVIII.

DAVIDI HILCHENIO, *Regi Poloniae à Secretis.*

SILENTIVM, vti scribis, fuit ab interuallo grandiore: quid
mirum, in his locorum interuallis? Animo meo te non ex-
cidisse, hoc ingenuè & fideliter testor. Amo & ingenium tuum,
& virtutem. Neque hanc, mihi crede, coëtio ista inimicorum aut
calumniarum decolorabunt: splendorem addent potius; & ut fer-
rum ab attritu, sic illa nitescet. Esto quod es, bono fortique ani-
mo, & qui bonam causam decet. Habes tutorem ut video ma-
gnum Zamoscium: sub Herôis illius scuto quem timeas? non
omnes Dolones aut Sinones. Tua etiam Apologia apud æquos
aptosque iudices abundè te suspicionum, non solum criminum,
purgat: mihi quidem sic visum. Quòd autem inuitas me, ut
aliquid ad Heròem illum, feci, & tu vide ut audacia nostra be-
nè cedat, culpam in te alioqui transfutura. Ego virum iamdiu
amo, miror, colo: sed quæ occasio declarandi fuit? neque vere-
cundia aut modestia mea temerè irrumpunt. Si viam mihi mit-
tendi tutam & promptam præscribitis, non omitтам officium.
sed ab eâ laboro, neque cursores nostri publici in Sarmatiam
solent penetrare. Magee & Nobilis Domine, saluere te animo
opto, & erectum atque alacrem esse. Stoïca nostra legisti? con-
ducent. Louanij, v. Idus Nouembr. ∞. MDCLIII.

Hieronymus Ferrerius, qui apud vos in militiâ vixit, Italus,
& mihi notus, nuper hîc subitò obiit è defluxu catarrhi. Frustrâ
reducem expectetis.

EPIST. LIX.

Duacum.

BARTHOLOMAEO PETRO LINTRENSI

S. Theologiae Doctori.

AMPECTOR præcationem, quam de more, sed affe-
ctu quodam singulari, mihi facis in auspicijs noui anni.
Amplector, & largirer ac puriter eandem repono. Deus tibi
Hh det

det quæ voles; & nil nisi bonum ac salutare, scio, voles. Verè audisti de *Diuâ Sichemiensi*: atque eam iam concinnaui, & ad Typographum misi, prius tamen auctoritate nostri Antistitis Mechliniensis cōprobandam, quod in Miraculorum propagatione S. Synodus fieri mandauit. Ego sanè libens tales scriptiones obco, & sine molestiâ obco: siue animo, siue Diuâ ipsâ subleuante, & recreante. At mali aut morosi quidam, & prauè sapientes, non occultè deterrent aut improbant: tamquam à narrationibus parum certis, vt aiunt, & opinione sæpè nixis. Non debere talibus obsolefieri auctoritatem nostram, siquam habemus. Dissentio. & aut istis fides sua certa apud me, & bonos est: aut quid adferent, cur antiquioribus eam præstem? Sunt testes, sunt examina, & quæ in profanâ historiâ minimè adhibētur: & huic tamen credo; diuinis tantum refragabor, & assensus mei ostium claudam? Prauitas est: & hi tales per cuniculos subuertūt arcem religionis nostræ, quæ Miraculis est superstructa. Sed viderint: mihi certum pia, recta, vetera sequi; & asserere etiam, pro ingenij aut stili viribus, quas Deus dedit. Reu^{de} & Eximie Domine, precationem iterō, & hunc atque alios annos felices agere te exopto. Louanij, XIII. Kal. Febr. anni ∞. IOCV.

E P I S T. L X.

*Antuerpiam.*BALTHASARI MORETO *suo.*

L E G I tuas, & amici illius, litteras: & in vtrisque aliquid sum miratus. In tuis, quod ægrè & velut retractans hoc ad me deferres, tamquam triste: in illius, quod vt rem seriam habuit, & à tali auctore, quem constat mihi non esse. Noli autem tu mi Morete, si meum affectum vis scire, & eundem induere, hæc talia nisi risu excipere: & quid aliud merentur? Sunt Epigrammata, leuiora non *Pennâ* meâ, quam carpunt, sed *plumâ*: & addo, sunt inscita, sine sale aut Venere; ac meum nomen tolle, nemo leget. O digna, quibus ille auctor inscribatur! quem hactenus amicum mihi habui; sed hominem scio, & posse mutari. Si facit ob talem causam (nam priuatim nulla est:) næ ego & affectum tempero, & iudicium muto, quod perhonestum semper de illo tuli. Quem scripto colæsi? quem
vel

vellente tergi? Religionem meam aperui: & Neronis iterum sint, qui vetent? Noua sua ferri volunt, & armis id pugnant: nobis non licet vetera asserere, & æui suffragijs atque orbis approbata? Atqui leue, & me indignum scriptum est. Si à tali affectu carpunt, non veniam, sed gratiam debeo: sed quæ credam? Scio esse in ijs locis, qui magno emerint omnem famam veterem me decoxisse, & L I P S I V M inter oblitterata, aut & damnata, nomina esse. Tamen leue est. Itane? non res talis, nobis qui piæ sanctæque de diuinis sentimus: non stilus ijsipsis, qui subsannant & illudunt. Hoc scriptum, audi me, & ipsi intellegant, æuum feret cum aliquot alijs, quæ bono generis humani scio me edidisse. Fremat Calumnia, & Liur palleat: ego ab his talibus famam, imò & gloriam, imò & claritudinem, apud posteros habebō; & ero, cum omne istorum nomen & factio non erit. Sed de Epigrammatijs insulis, parum est, nec merentur non dicam responderi, ne legi quidem, aut certè iterari. Quid si libelli prodeant? & prodibunt, aut æui huius, & seculæ illius proteruiam ignoro. Sed tam ego eos contemnam, si à talibus & tales sunt, quàm versus: quòd si grauius aliquid, & par in arenam venit, dignum cum quo componar, videbō; & pro re decernam. Pugnare equidem semper refugi: sed vbi opus erit, tam virum ostendam, quàm duobus illis olim aut nuper, qui non lætantur me prouocasse. Palmam de me vsque adhuc quis tulit? Neque iactare liber: sed noui me & alios: & in bonâ hac vtrique causâ, veniant cum Hectore Achilles, non subducam. Istæ quidem pilæ, & velut homines fœnei, qui nunc in circum iacti sunt, non valent ad irritandum, qui ludibria hæc & deliria (vt rem dicam) noui. D A L E O N E M. Sed ad Amici litteras. tu illi hunc sensum meum scribe, & præsertim de austore: quem certò reperiet alium esse. Istæ sordes non sunt ab eâ Seplasiâ. Salutem etiam adscribe, & à me amorem. D I V A M SICHEMIENSEM iam acceperitis, mittente Oudarto: cudite, vt iterum malis malè sit, & viuat honos cultusque illius, quem omnes prauis (mirum, & certum) ab omni æuo eunt imminutum. Heus etiam! quod ille Amicus suadet, vt poetæ vestri aliquid meam vicem reponant: per Deum, ne fiat. Ego mihi sufficio, nec Teucer ille sum, qui clypeum desidero Aiakis.

Sileamus nunc quidem, & magis seria agamus. Vale mi amice.
Louanij, Nonis Febr. ∞ . IOCV.

E P I S T. L X I.

Bruxellam.

PETRO PANTINO V. R.

* beniuo-
lentiam.
* prouiden-
tiam.

* imperan-
tes.
* admini-
stros.

* Ne mihi
Gorgoneū
caput.

* Nihil su-
per filum.

ET ego insidijs capiar, quas ipso te monente fas mihi vitare? Græcorum Morychus sim, aut siquid ἀνθέσπον cogitatur. Hoc sine, non venio, & vel numquam videat me Bruxella. Extra iocum. honore aliquo externo & imaginario, nec meâ sed litterarum causâ, si affectum me Princeps volet, admitto. sin onus adiungitur, inò si munus, respuo, & vel fugâ declino. Mihi tam certum & firmum, hoc statu rerum, res extremo digito non tangere, quàm ad extrema rerum aliquando ire. O amici, * εὐνοίαν in hoc consilium adfertis, ego & * πρόνοιαν velim. Ille, quem vos suspicitis, pleno pectore in rem meam sapit: & addo famam; quam alijs studijs inculpatam, ne, obsecro, nouis polluamus aut obscuremus. Sit aliquis, vel in exemplum, qui quietem, Musas, se amet, & Numen colat: vana aut vulgata seponat, aut (si superbum non est) spernat. Quid apud te verba facio? ad te redi, & affectum omitte: idem suadebis. Vide * ἀρχαίους, vide * ὑπάρχοντας: tu aliquid rei, aut spei etiam melioris, per me exspectes? Marius Celsus, & Suetonius Paullinus sim: de quibus scio quid Tacitus scribat. Magna Respublica, tu me tene, communis Patria, Dei hominumque ciuitas: ô pulchrum, in eâ locum ordinemque habere, & inter illos Clâssicos cenferi! Quod superest, * μή μοι γοργεῖν κεφαλήν: nam bonâ tuâ veniâ, Belgica, es aut eris. Vno verbo, fatis obsequamur: neque huc ego natus aut factus sum: * ἔδ' ἐν ὑπὲρ τὸ λῆρον. Oudarto etiam meo hæc scribo, quem scio inter insidiatores iam diu esse. Sed de primâ tuâ scriptione; Bruxellam sic citò, vt destinaueram, non venio. Est libelli munusculum, quod dedicatum Principi offerre volebam: sed non venit. quid si, cùm venerit, per te facio? Nam fugio iam Bruxellam venire, aut valetudo potius me verat. Utinam tu cū Oudarto hucifacite me compotem huius voti, & in cælo me collocare. Salue mi vir amicissime, cum altero tali Oudarto nostro. Louanij, statim à tuis lectis, vt eram affectus, & spiritus (nō nego) plenus. post. Non. Febr. ∞ . IOCV.

EPIST.

EPIST. LXII.

*Mechliniam.*GAUGERICO RIVIO *J^{to} & Aduocato, Suo.*

CERTE enim te Meum appello. nimis affectus clamat, qui in verbis tuis elucet. Sed pone, aut sepone metum: meliusculus sum, etsi vires non recepi. Brevis illa concussiuuncula planè me vacuum earum fecit. Oudartus apud me est, tui amans: quem & scis me esse, ac semper fore. Vale, inter primos vidende, cùm illac (Deus donet) transibo. Louanij, Kal. April. ∞. IOCV.

TESTIMONIUM.

LECTVRIS S. M. DICO.

GAUGERICVM RIVIVM iamdiu indoles, industria, & denique doctrina, ac virtus maximè, mihi conciliarunt: quæ omnia nota perspectaque annorum aliquot consuetudine habeo, & talia ea esse apud omnes EX ANIMI SENTENTIA testor: Me delectauit, & in ævo haud fertili nimis talium eminere visus est, & dignus esse quem alijs ostenderem: ostenderem? imò & seriò commendarem, si qui illa priora amant. Viri magnates, & quibus Respublica, atque eius splendor, cara sint, inprimis curare debent, & sæculi hæc ornamenta fouere ac producere, in huius & futuri sæculi usum. Ego rogo eos facere, hunc amatum mihi amare, & in occasione alleuare atque adiuuare. Stirps ista melior irriganda & attollenda est, vt fructum floremque proferat: proferet autem, spondeo, si illud fiat. Louanij, Kal. Quintil. ∞. IOCIII.

I. Lipsius Professor & Historiographus Regius.

EPIST. LXIII.

Neapolim.

IO. ANDREAE PROCHNICIO

Legato Ser^{mi} Regis Poloniæ S. D.

DICIT, & seriò mittit, quam ipse non habet. Nam ego (ô vir amice, & quomodo non sic appellem?) iam à duodecimo

decimo die in acerrimo morbo fui, qui pænè abstulit, & melioribus locis sedibusque dedit. Noctu acer Paroxysmus me inuaserat, & videbatur Apoplexiæ genus aliquod esse. Ecce triduo post amicissimæ tuæ litteræ, & oportuna munera, quæ ipse Io. Wouerius meus ad me tulit. Sum recreatus, fateor, ab ipsâ beniuolentiâ tuâ, quam sic puram, fidam, magnam in me ostendis: & quædam etiam munerum, ut armillam illam ex Alcis ungulâ, statim consilio medici, & proprio affectu, brachio indidi, non dimissurus, quamdiu vita quidem erit. Accepi & annulos, & quosdam ex ijs collo suspendam, & cordi admovebo, in quo te datorem meritò iamdiu inclusi. Si vita mihi erit, an non palàm ostendam? *ingratissimus mortalium* sum, nisi faciam, & dignus eâ notâ, quâ Sulla Athenienses inussit. Multa vellem, nondum possum, nec vires suppetunt: alia Wouerius pro me dicet aut scribet. ego te affectu alloquor, atque vtinam amplectar, ô amicum pectus! Vale. Louanij, vi. Kal. April. ∞. 1655.

E P I S T. L X I I I I.

Romani.

ASCANIO COLVMNAE S. R. E. Cardinali.

FATEOR aliquamdiu à scriptione & officio meo, sed inuitum, abstinuisse: neque alia causâ, quàm peregrinationis quæ ab Vrbe te remouit, & in eas oras misit, ad quas litteræ nostræ haud tam faciliè quàm affectus & memoria cominearent. Certè enim hæc retinui, & veterem illum cultum, fideliter virtutibus tuis & meritis deuotum. Itaque ut aura aliqua nos adflauit aduentus iterum tui in Vrbe, ad sacra hæc Comitia; & fidem statim habui, & hac scriptione testari gaudium tui reditus & consignare fidem & constantiam meam volui in te colendo. Atque vtinam etiâ vel ætas vel valetudo mea tulissent, ut coràm me aliquando in dominâ eâ vrbe sistere, & vultu ac sermone, quæ dico, probare potuissem! Suaue fuisset, & cogitatione ipsâ recreor; sed eâdem mox deiicior, cùm video irritum illud, & nil nisi votum futurum. Quod tamen à me non possum, habeo è domo meâ & interiore amicitia insignem iuuenem Philippum Rubenium, qui coràm præstabit, spero, & totum me reuelabit; & Ill^m D. Tuæ dabit dicabit. Adspirat enim ille

Romani

Romam: & quamquam mihi in docendi munere successorem, ut ingenium & doctrina eius sunt, destinaram; tamen visa ea urbs sic cepit, ut frænum dare huic desiderio non possimus, & vitam non solum agere, sed ponere in eâ velit. Neque ultra retineo. cur enim Theatrum hoc virtuti eius inuideam? imò commendatione etiam adiuuo, & ad te, Ill^{mc} Domine, si commodum est, mitto. Audio Bibliothecam instructissimam & animo ac stirpe tuâ dignam parasse: non est fortasse in Europâ aptior ad hoc aut maius aliquod munus. Doctrina varia est in Græcis Latinisque, stilus in utrâque oratione, prosâ & versâ, elegans, & famæ etiam producendæ, notitia antiquitatum & historiarum: quid mores? ipsa suauitas, ipsa probitas, & qui experietur aut noscet, vera me dixisse agnosceret. Neque enim aliter apud talem Principem debeo, & ita Rubenium meum amare ac producere, ut me & famam meam amem. Sed certus sum quicumque iuuenem possidebit, gratiam mihi tradenti habiturum, & plura aut certè distinctiora, quàm dixerim, inuenturum. Et quamquam de Bibliothecâ iniecerim, re scilicet studiis eius aptâ; potest tamen & in litteris scribendis aut concipiendis operam decorè & utiliter nauare, & variè cultum factumque ingenium varia obire. Hæc ego Ill^{mc} & Reu^{mc} Domine, ante omnes scribenda ad te censui, & peccaturus videbar, si gemmam hanc ut sic dicam adolescentis alteri offerrem. Si tamen ratio aliqua est quæ nunc non admittat, commendatum certè notumque esse cupio, & honorem interdum habere vel adspectus tui vel affatus. ILL^{ME} ET REV^{ME} DOMINE, Deum oro seruare te longum Ecclesiæ & Patriæ, atque etiam in Patriâ, velit. Louanij, Kal. Aprilis. ∞. IOCV.

EPIST. EXV. Romam.

SERAPHINO OLIVARIO S. R. E. Cardinali.

VOTA nostra & bonorum Deus audiuit, & ad dignitatem euexit, quæ virtutibus & meritis tuis iamdiu debebatur. Animo hoc gratulatus pridem sum: nunc & scripto, cui materiem etiam Philippus Rubenius noster dabit. Nosti iuuenem, & vidisti Romæ: atque utinam interiorem cum totum, & bona egregij

egregij animi noſſes ! Græcè, Latinè, inter paucos doctus eſt; ſtilo utroque facilis, & vel ad veterem elegantiam in verſu; hiftorias & memorias veteres nouit: & quod caput mihi quidem, iudicij in plerifque omnibus puri & directi. Mores ſunt, vno verbo, quos vel in filio (ſi Deus dediffet) optem. Quorſum iſta? Ad Romam veſtram iterùm adſpirat, etſi me, non abnuo, refragante. Nam ego hîc illigare cum, & in Profeſſione mihi ſufficere deſtinabam; & iam cum Principe agere cœperam, imò & impetraram. Quid tamen eſt? intemperanter Urbem amat, & neſcio quis Genius eò vocat: bonus, ut ſpero, ſi vos tales fauetis & iuuatis. Atque hoc Ill^{mc} & Reu^{mc} Domine, fiduciâ tui in me & litteras amoris, peto. Commendaui equidem priuatim Ill^{mo} Cardinali Columnæ, ut à Bibliothecâ ei eſſet: ſed litteras eas ſuſtineri volui, donec de tuo cōſilio rem inſtitueremus: & aut illuc aut aliò iremus. Rogo iterùm, dirige & gratiâ atque auctōritate tuâ nos iuua. Ego ſpondeo optimâ & Romanâ fide, non ſolùm pro opinione tuâ, ſed ſupra Rubenium futurum, & vſui atque ornamento eſſe poſſe, quicumque rari adoleſcentis hoc decus habebit. Dabis autem veniam ſic liberè & reuelatâ fronte hoc petenti: iam dixi, fiduciâ amoris tui (de quo alij ad me) factum; & addo notitiâ virtutum tuarum factum, quas cùm tam multas habeas, fieri non poteſt quin & in aliis ames. ILL^{ME} ET REV^{ME} DOMINE, voto duplici claudō: altero ut Eccleſiæ diu ſis ſuperſtes; altero, quod animo concipio, ore non promo. Louanij, Kal. Aprilis. ∞. MDCV.

E P I S T. L X V I.

Mediolanum.

E R Y C I O P U T E A N O ſuo.

IN grauiffimâ tempeſtate morbi fueram, cùm Beemdius tuas dedit: neque emerſi etiam, portum tamen propiùs ſpecto: ſi illè non erat verè portus, quò ibam. Homines ſumus, & ibi quies. Epidigma tuum Hiftoricum vidi: valdè placuit à robuſto & vegeto ſtilo, nec cenſebam te ſic aſſurgere. Plura modò fuiſſent: & cur non etiam in digniore argumento? Litteræ tuæ quædam ad amicos querelas præferunt, & nauſcare illîc videris. At lentè & prouidè agendum eſt, mi Puteane, & ſumendi pro

pro temporibus affectus. Alia mereris? fateor, sed rectis iudicijs, quæ istud ævum in nostrâ re non habet. Si solus sis, faciliè migres, & pedem aliò inferas: nunc comparem habes; solatium, sed & impedimentum. Rogo te iterùm; lentè, & mecum philosophare. Belgica aut Germania non donet, quod istâc habes. Sed etiam æmulos, inquires. Et credis hîc non esse? vetus & magna fama vix sustinet: quid novella & assurgens? Si mihi liberè & remoto velo te pandis, consilium non deerit, & auxilium quâ potero. Confide interim, & Deo & te nitere, & animum pro ingenio habe: id est, magnum & altum. Στέργε ^{* Acquisce præsentibus.} τοὺς παρῶν, donec Fortuna alibi sinum pandit. Louanij, VII. Idus April. ∞. 1665.

Postquam scripsissem, tuas nouitias accepi, & Tesserarum tertias. Sunt sanè bona & arguta in ijs: sed iudicium, aut consilium potius, non muto; & laudem mihi è maioribus pete. **DI**-**VAM** nostram acceptam ibi, benè est, & debet in Italiâ: quid censes in Batauiâ? Vapulo, & scripta in me & libelli; etiam è Galliâ nunc, neque hominis indocti, vt apparet. Nosti partium factionem. Nos Batauo aliquid reposuimus in fine **DI** **VAE** **SICH** **EMIENSIS**, quæ iam editur: de Gallo, videbo. Et si litigare scis quàm nos abhorremus: sed obijciunt ea, quæ religionem & famam meam tangunt. O æuum, in quo bonis modestisq; multa ferenda sunt! Quomodo? *stomacho Ciceronis*; non enim licet, *animo Catonis*. Tibi etiam suggero, & fer, & feruorem ingenij aut ætatis compesce. Laxa autem omnia in mei amorem. v. Idus April. anni scripti.

EPIST. LXVII.

Insulas.

FLORENTIO VANDER-HARIO, *Canonico & Thesaurario.*

TVAS & Legati litteras accepi, & illis quoque respondi,
ut hîc videbis. At tuas caras habui, non solum quia pri-
mas, sed quia amicè & prudenter scriptas. Duo earum capita.
prius de excursionem meâ Lutetiam : & huic rei stimulos vel in-
citamenta adfers. Quid tamen opus erat, si valetudo fræna
mihi laxaret, cum sponte propendeam & iamdiu animo illuc
Li adspi-

adspirem? Sed reuera vltimus iste morbus (de quo audisse te video) sic me adflixit & deiecit, vt suscipere longiusculum paullò iter non audeam, vacuus virium, & leui momento fortasse collapsurus. Alioqui Luteria quomodo me non trahat? quomodo non ille, qui sic amanter inuitat, & quem tanti facio? Sed & momentum, fateri debeo, tua scriptio habeat; quæ omnibus illicitis illis & blanditijs suggestis, oleum in hunc ignem, vt sic dicam, addit. Sed differre debeo, & spe me pascere, ac cogitatione interea loca atque homines illos vsurpare. Caput alterum, de aduersario illo in Diuam & me scripto. Cuius auctorem adhuc quæro: sed quicumque sit, consilio tuo nimis acquiesco, de silendo & contemnendo. Et sunt tamen, etiam graues & pij viri, qui aliter volunt, & velut classico me excitant ad pugnandum. Sed cum naturam meam, cum ipsam rem, cum finem fructumque video, inclino quò tu ducis. Natura sanè mea mitis & tranquilla est, vehementiori omni affectui aliena, & ab ingenio meo deserar si irasci velim aut litigare. Respondi quibusdam, fateor: sed comiter, non acerbè, & commissionem aut ludum magis dicās, quàm pugnam. Non est meum Thyestæo more, quod hodie obtinet, furere aut sæuire. Deinde ipsa res, vti tu verissimè, quid est? duplex, vel in me, vel in Diuam. Hanc Theologi vindicabunt, aut potius iamdiu vindicarunt. Quid enim ille homo adfert, quod non à triginta amplius annis refutatum? At in me quæ dicit, duo item sunt: quòd & Tullius sim & Iulianus; siue causam deseruerim, & religionem. De causâ, parum est: numquam in eam me dedi, nec publicè aliquid attigi, quod scio te quoque scire. De religione, ab annis triginta tribus, id est omni maturiore meo æuo, constans & firmus in istâ fui: nec vel in Batauiâ, id est inter medios aduersarios, vacillaui. At in Adolescentiâ meâ voluñt aliter. Primùm, scito illos augere & fortiter mentiri, præsertim quod ad scripta: in dictis aut factis, siquid in communi Europæ motu titubaui, abeat, & *hinc estimemur* (ait ille) *cum sumus nostri*. In alienâ religione, in æstu adolescentiæ, inter blandientes aut terrentes, facile fuit in speciem culpæ venire, si non culpam. Ad Prudentiorem aliquem, id est tui similem, appello. Denique fac me respondere, & hæc omnia

omnia obterere ac profligare: quis finis, aut fructus erit? Finis? imò, principium litigiorum: & pro vno meo scripto tria rescripta. Gaudent homines his pugnis, & præsertim in nomen aliquod illustre, quale benignior Fama fortassè mihi dedit. Fructus autem, illeipse quem dixi, odia & pugnae. Non enim illos meliores ita facimus, aut causæ nostræ amiciores: contra est, & alienamus. Quid autem bonos? de me scio & sentio, offendimus, & superbix aut contumaciæ taciti nos damnant. Heus, heus, Christiani simus: sacerdotes pacis, vt Tertullianus ait: & siquid peccatum est, pænitere malimus quàm defendere. Hæc mea mens est, & erit: in quâ suffragium me tuum habere, Vir Reu^{de} & Clar^{me} gaudeo: tu me inter amicos & clientes. Louanij, xvi. Kal. Sextil. ∞. Iocv.

EPIST. LXVIII.

Bruxellam.

IOANNI RICHARDOTO, *Præsidi.*

TERTIA hæc consolatio est, quam scribo: & me verba pænè deficiunt; an non te animus, in tam assiduo & repetito Fortunæ ictu? Non opinor, vt tua prudentia est: quæ & robur sumpsisse iam ab usu debet. Tiro aliquis miles ad primum vulnus collabitur, veteranus sine motu sanguinem suum spectat. Et quid mirum, si consideras, Fortunam in te vires suas sæpè experiri? materiam habet, & numerosam florentemque familiam Deus tibi dedit. Tela in vnum alterumque missa, aberrant: vbi turba est, lædunt etiam quem non petunt. Fortunæ causam agere videor, Ampl^{me} Domine, tuam ago: quia vnum alterumque si tulit, habes in quos spes tuas reclines, & solatium in omni luctu petas. Ecce proles reliquas, ecce tot nepotes! benè fundata domus est, rarefcere potest, exstingui (nisi inopinabili aliquo fato) non potest. Et vis robustum vnum solatium pro-mam? Cogita tam multos non habuisse. Olim inter vota erat, & legibus munerata felicitas, tres liberos sortiri: quid? plus bis tres etiam nunc potes (& longum opto) numerare. Et addo, quòd tuus iste qui periit, ascitus in familiam tantum, gener non filius, amore non sanguine iunctus fuit. Quid, quòd nec ipse totus periit? prolem è carissimâ filiâ tuâ tibi, nobilissimæ familiæ germen,

germen, relinquit. Adolefcat, & te ac matrem magis magisque oblectet. At pater ipse quomodo periit? ut militari viro, & stirpe illâ dignum erat, in acie, in armis, & spiritum suum patriæ ac Principi impendit. Patienter me audi; habes etiam in quo glorieris, etsi tristi casu. Ecce duos iam è tuis, filium ac generum, pro publicâ salute pænè dicam immolasti. Certè consecrasti; & à tam honesto fine, piâ causâ, non solum in memoriam hominum, sed ad beatas sedes æternâ fruituri gloriâ iuerunt. Hæc te solentur: & quid addam? timidum in tertio filio reddant, quò meus quidem timor te vocat. Antonium nostrum, qui vnicum Richardotorum fulcrum, propago, semen, subtrahe ab incertis istis belli, & satis sit gloriæ vel fidei, Martem duos iam pignerasse. Hoc te rogo, & simul paullò post cogitare de honestâ eius copulâ, & nouis gaudiis hæc ac præterita mala obliterare. Apud te, spero, audiat, & modum dolori prudentia tua ac ratio dabunt: dies apud filiam, cuius primis affectibus cruda hæc auulsio accidit, & frustra suadeamus non lugere. Mulier etiam est: te fortes & viriles curæ decent, te Respublica & Princeps vocant, neque otium indulgent mœrori. Mane in hac statione, quam Deus assignauit, Ampl^{me} & Nobil^{me} Domine, & diu in ipsâ vitâ hac mane, publico bono. Louanij, iv. Kal. Septemb. ∞. Iocv.

E P I S T. L X I X.

CAROLO PHILIPPO RODOANO *Episcopo Brugenfi.*

LI C E N T I A T V M hunc nostrum, & Canonicum tuum labeuntem à nobis ut animo & fauore prosequor, ita commendatione meâ comitari, iterumque sistere Reu^{me} D. tuæ volui. Ostendisti iam animum, & deuinxisti illum ac me beneficio: rogo ut exhibere eundem porro digneris, & beniuolentiâ tuâ meriturum complecti. Certè à me præcepta illa siue monita habet, Deo & diuinis pie operari, Antistiti suo obsequi, cum collegis tranquillè & modestè versari. Confido futurum, & Ecclesiæ utilem futurum. Audio Pœnitentiariam, quam dicunt, vacare; quæ de more dari Canonicis affectis solet. Si iudicas hunc idoneum, audeo commendare; sic tamen ut totam eam rem prudentiæ tuæ meritò permittam. Deum rogo,
Reu^{me}

Reu^{me} in Christo pater ac Nobilissime Domine, diuturnum te in Ecclesiâ & republicâ, atque vtinam meliore æuo, esse. Louanij, prid. Kal. Septemb. ∞. 165v.

EPIST. LXX.

Romam.

LVDOVICO BECCATELLO.

DVPLICI nomine & epistolam tuam caram, & ipsum te habeo; priore quòd me, altero quòd & Rubenium meum sic ames. Quod vtrumque ex epistolâ tuâ cum didicerim, meritò grata accidit: & in vtroque vt perseueres, te rogo. Nam & ego certè affectum hunc iam in te indui, & fide ac candore, quem Amicitia debere scio, seruabo. Sed de Rubenio, & ipse tibi debet, ac coràm vel soluet, vel certè agnoscet; quòd te sic promptè & industriè agente, in familiam Principis illius viri venerit. Et quamquam res auctoritate Ill^{mi} Seraphini peracta sit; tamen te quoque affectu & dexteritate illâ contulisse, & scimus, & fatemur. Enimuerò benè fecisse tam bono & merenti viro (Rubenium dico) nō poenitebit te vñquam mi Beccatelle: & si vitam Numen ei largitur, sparget & ipse ingenij sui lumen, & ad exteros ac posteros diffundet. Fia, voueo. Sed illud me etiam in epistolâ tuâ delectauit, de Cardinali Palæoto, beatæ memoriæ viro: in cuius familiâ egisse te scribis. quem ego viuum colui, & amari ab eo me sensi, & defuncti nomen etiam apud me est sanctum. Fecisti iacturam in eâ morte dicam, an non fecisti? Transijisti enim in huius viri domum, quem ego inter primos Europæ esse scio, & cuius benignitas in me quoque affectum largiter ostendit. Vt diu frui possis, meum votum est, & vt inter nos amemus. Vale vir R^{de} & Nobilis. Louanij, viii. Kal. Octobr. ∞. 165v.

EPIST. LXXI.

Perusiam.

M. ANTONIO BONCIARIO S. D.

RISI in epistolâ tuâ, quâ Laconissimum voues: & quid dicam? imitari te virgines, quæ formosæ, modestiâ quâdam formam optant, & tacito sensu sciunt & gaudent se habere.

bere. In te est, mi Bonciari. certè in hac epistolâ sic illum exprimis, vt exemplum esse Laconibus possis : & quod palmam poscit, argutias & Veneres Atticas vnâ misces. Me ducem facis? Fateor cædi me à meo milite, & in meis castris. Sed ad rem. Legi quæ de Ill^{mo} Legato Cardinale scribis, valdè in me amica: nec pudor meus passus, neque ratio erat, silentio hæc me præterire. Scripsi igitur ad ipsum, & curæ tuæ erit vt videat: quid etiam? vt probet hanc animi mei declarationem, puram, sine fuco, sine ambitu, qualis mundi ille status est super nubes. *Stoïca* nostra vidisse te non nolo, magis approbasse. Idem in *Monitis*: quæ plus fortasse prompti, vt sic dicam, fructus habent: sed *Stoïca* examinata ad Virtutem ducunt, directâ iudicio quod Pietas formauit. Accessit nunc & meus *Seneca*: & iure mirabaris, siquid post multos & magnos illos possem. Potui, & ad scripta ac Notas meas appello. Etsi nihil in iis quod circulum, id est populum spectet: breuia & adducta sunt, nec nisi examinanti laudanda. Te aliquem lectorem, non è pullatâ turbâ, poscunt. At ego deinceps etiam tuum amorem: hoc magis, quòd frui diu fortasse non erit; ita valetudo hæc præcipitavit casu nupero: at tuam ego firmam opto, ô Italiæ tuæ (patere me sic loqui) Homere. Louanij, postrid. Idus Octobr. ∞. ICCC.

Scîsne Epistolarum tuarum libros ante annum in Germaniâ recufos? Vides iudicia, & confide de famâ.

E P I S T. L X X I I.

HENRICO VANDEN EEDE, cognato suo.


I A M A N T E triste fatum optimæ matris tuæ acceperam mihi cognate, & in animo meo senseram dolorem. Mihi crede, iacturam fecisti in tali parente, tam industriâ, probâ, piâ, & tui amante. Quid tamen est? communem legem habere in oculis oportet, & illi ac diuinæ voluntati non refragari. Omnes cõimus, & ordine non sine variamus. Benè etiam, & magna vobis consolatio (tibi ac sorori, dico) quòd piè vixerit, assidua in sacratis occupationibus, precibus, locis: vt fiducia esse debeat receptam eam ad beatas sedes, in quibus diuinâ visione fruitur, id est omni felicitate. Hoc speramus. & precibus eam magis quam

quàm lacrymis prosequere: ita facturus pij filij officium, & quod ipsa à te ambit. Ceterum ab illâ etiam oculos ad te reflectes, & vitæ ac studiorum cursum moderaberis, vt eius & amicorum voluntas tulit: hoc est, ad Virtutem simul & Doctrinam ibis. Non propone tibi ambitionem aut quæstum è studijs, qui plurimum hodie finis: sed prudentiam propone, & conformationem ingenij, ad publicos & priuatos vsus. Adiunge deinde finium finem, honorem Dei, & tuam salutem. Hæc obiter nunc moneo mi cognate, vberiùs aliquando in sermonibus facturus, cùm res tuæ ferent ad nos redire. Nunc animum à luctu compone, & ad vetera studia dispone; & memoriam tamen & exempla optimorum parentum (nam & pater talis fuit) in animo habe, & imitare. Louanij, postrid. Non. Octobris. ∞. IOCV.

EPIST. LXXIII.

Bruxellam.

PETRO PANTINO V. R. S. D.

PRO chartis meis nummos à te accepi, & quidem probos, veteres: adeò non gratus solùm, sed promptus es, & statim tibi visum *ἀντιδίδωαι*. Laudas editionem Senecæ, modum & formam, & chartam: sed quàm malle ipsas Notas, & quæ à me, non Typographo, essent! Mallem dico, si merui: neque aliter. Et scio in frontem quædam tenuiora videri: sed examinata fortasse pondus habeant, aut certè vsum afferant lectori. Denique illustria quædam & à nobis esse, post multos & grandes censores, id quoque, *ὃ δὲν ἀλλὰ ζουεῖ μέν* , dicam. Sed tu, & qui potestis (pauci in Belgicâ) iudicium feretis. In publicis percussit equestris clades iam nuper accepta ad Rhenum: etiam Principis morbus, etsi remisisse nunc, imò dimisisse, dicebatur. Audistine & classem iterum ex Hispaniâ aduentare? si non aliam, aut maiore instructu, & addam consilio, quàm hanc priorem: vbi mens eorum est? Nam hoc quidem planè videatur * *ὅς ὑπὸ* * *Sus sub-*
ῥόπταλον, quod Græci tui dicunt. Vale V. R. & nobis care. Louanij Idib. Octob. ∞. IOCV. *fuisse.*

E P I S T. L X X I I I I.

BONIFACIO BEVILAQUAE S. R. E. *Cardinali,*
Legato Vmbriae.

GALLICAM audaciam vide, & hominem, nisi de nomine fortasse (& hæc tua benignitas est) notum, ad te scripto adeuntem : sed à causis ; vt meus animus dicit, iustissimis impulsus. Dignitas tua est, quam scimus ; genus, opes, & quod caput est, virtutes : iisq̃ue cultum nostrum merebare, & , quamquam in silentio, venerationem . Sed accessit in me beniuolentia, quam M. Antonius Bonciarius, merito rarioris doctrinæ carum mihi nomen, aperuit & litteris affirmavit : quæ vocem siue stilum istum elicit, & sistere me velut coram iussit. Quid dicturum ? quod facerem, si adessem ; sed vultu, oculis, toto gestu affirmatiùs ; me nomen inter cultores tuos profiteri, & rogare admittas, fide & officio nemini vel veterano cessurum. Sincerè, & sine moris aut æui nostri verbis, sum animo & affectu inter tuos clientes : gaudebo recipi, & magis, si vsus aliquis mei esse (quî sperem in tam longinquis locis ?) esse inquam potest ? Scripta & libellos nostros non improbare te audio, & in manus interdum sumere : honos mihi est, & addam, stimulus mihi est, ad decurrendum porrò hunc cursum, quem vos plausu & fauore incitatis. Sicut histrio, aut alius actor, gaudet coram Principibus viris specimen operæ atque artis edere : sic nos spectari à vobis, quid approbari ? Testor hoc igitur, & gratiam hîc consigno ; & quod antè dixi, officium defero & cultum. Louanij, postrid. Idus Octobr. ∞ . Iocv.

E P I S T. L X X V.

In Castra.

IOANNI GAVERELLIO 1^{to} & Iudici Legionis.

QUOD in feruore illo rerum memoriam mei retines, gratum est : & merui in parte, amore meo tui. Scribis distinctè quæ adhuc euenerunt, & sanè læta : atque initia iacta esse, & velut fundamenta melioris Fortunæ, ego tecum spem concepi. Duce[m] ipsum nostrum video, bonæ Famæ audum, Deo
&

& Regi addictum, intelligentem, diligentem: cui nihil deficit, si occultâ æmulatione quorundam, à Rege ipso (quod abominor) non deferatur. Scis factiones in potentiorum Aulis, suspiciones, delationes: neque semper recto iudicij oculo res aut homines æstimatos. Si tamen ista spes & fulcrum nos deferit; ego nihil video nisi funus nos esse. Placet, bellum translatum in hostilem limitem: & diu sic oportuit: non honoris & decori solùm causâ (quia turpe est, tam potentem Regem & Principes, non inferre bellum, sed propulsare & defendere:) non, inquam, idè tantum, sed quia sic expedit, & nil nisi clades in nostris finibus expectemus. Multa consideranda in eâ re, quòd hosti subsidia belli imminuimus, nobis augemus; quòd militem alacriorem, & animi fidentiore, habemus; quòd distinemus illorum copias, & ad multiplicem sumptum & impendia adigimus; denique quòd ferociam illorum atterimus, & docemus suis timere. Mihi ita videtur (& puto in opinione non falli:) si biennium tantum, in illorum finibus copias habemus, cum disciplinâ, & à seditione expertes; hostes valdè frangimus, neque aut ipsorum, aut occultæ aduenticiæ vires subsistent. Sed hæcenus confusio apud nos, bellum aut rebellio inter nos, quomodo non partes illorum erigat & attollat? Quòd si classis deinde, bonis viribus & navalibus socijs instructa, ab Hispaniâ accedat: mihi crede, non inclinationem solùm, sed finem belli videamus, & seditiones à nobis in ipsos ire. De Regum occultis consilijs, aut pactis, nihil dissero: omnia tamen me fallunt, aut Rex Britannix amicus illis esse non potest, qui regna tollunt; non item Daniæ, & quicumque magnitudinem suam & securitatem amant. Sed longius eo capiatur Wachtendoncka, tum Meursia, & Cracouia; denique alius transitus in Rheno fiat; res illorum in arctum eunt, & Fortuna quæ risit, vultum vertet. Marchioni dumtaxat robore opus & fortitudine animi, contra occultas fraudes: & sciat multos esse, qui bellum belli causâ gerunt; qui dolituri sint in deurgio rerum, & ubi plena victoria ad nostros ibit. Hæc tabes in ciuili diutino bello: intelligat, & se muniat, & felici pede porrò ad gloriam eat. Vale mi Gaucelli. Louanij, v. Kal. Nouembr. ∞. 100v.

E P I S T. L X X V I.

*Antuerpiam*H E N R I C O V W E N O *I^{to}.*

FILIVM tuum vidi, & amplexus sum, & porrò amplectar: ita affectus meus in te poscit, ita adolescens ipse meretur, & magis magisque merebitur, cum ætate maiore. Spero patri similem futurum, atque vtinam supra patrem, te volente! Quòd Senecam nostrum probes; parum est de nostro, id est quæ ego attexui; sed valdè cupio & hortor vt ipse auctor placeat, optimus Dux, si quisquam veterum, ad bonam Mentem. A naturâ eò duceris, cape directorem contra vulgi iudicia & voces, quæ sæpè interpellant. Significas ad primarium iustitiæ tribunal te vocari, & iam audiueram: sed competitorem habes, quicum scio non libenter te concurrere, & panè malle vinci. Vis meum iudicium? Gaudeo te vocatum, & laudo Senatores recti sensus: opto Princeps eò eat, & homines muneri, non hominibus munus donet. Benè factum, quòd ad Præsidem modestè, & in eam sententiam scripseris: hoc satis est, cetera Deo & Principi per- mitte. Tuus honos fortasse agitur, res non agitur: & illa augen- te, hæc minuetur. Scis, quid dicam. Sed puta & constantiam tuam & æquanimitem spectari: nos in te vertimus oculos, & videbimus ambitio, an respublica ducat. Si illa, dolebis in re- pulsâ: si ista, facies quod olim Cato, & vel pilâ eodem die lud- des. Non enim reuerà tu, sed illa repelletur: & hoc vir sibi, & donis à Deo, fidens cogitabit, tempestiuum nondum esse ad- moueri. Ad rempublicam optimi & seuerissimi sapientum, imprimis Stoici nostri, mittunt. quid ni? animal societati natum, ratione & consilio præditum, & quibus plures potest debetque iuuare. Hoc magis, cum institutio & doctrina, & addam, vsus accessit: quæ omnia in te, mi Vvene, scimus esse. Itaque tu te idoneum ciuem patriæ dedisti, & in promptu ac velut procin- ctu es, si vocat: vltro ingerere, non modestia, non mos item vo- lunt. Amo autem valdè, quod de magnâ republicâ & mundo, pro intimo meo sensu addis. Ita est. ô illam colamus, si ab hac minore spernimur: & quanto grauiores, atque etiam suauiores, curas habebimus? Venient in conspectum diuina & humana:

nec

nec de terræ glebâ, aut stillicidio, ius dicemus; sed cælum, aër, terra, maria, & quidquid Geniorum aut animantium hæc colit, considerationis & arbitrij nostri erunt. Tollere in hunc currum potius, & in ætherem subuola; quàm sellam aut tribunal ascendas, vbi cùm federis & caput tolles, videbis quàm in humili eris. Satis philosophiæ. quam modestè tractari & haberi, præsertim à vobis patribus familias volo, & cogitari etiam quos in terrâ habetis & relinquitis, à Deo datos. Non renuntiat iis curis philosophia, sed temperat: tu fac, & me ama. Louanij, III. Idus Nouembr. ∞. LCCV.

EPIST. LXXVII.

GASPARI DIEMENO.

AB epistolæ tuæ lectione voluptatem, admirationem, iram etiam concepi. Omnia hæc vno tempore? vno. Voluptati fuit amor, quem seriò & candidè præfers, & verbis ita exprimis, vt animo huic imprimas, & persuasus sim non vulgariter à te amari. Admirationi, ipsa scriptio: à taline talis? Mercurialium te virorum censebam, & sic profiteris: ego Censor titulum mutem, & Musicis ac litteratis iure adscribam. Profectò non libasti in iuuentute hæc studia, vt coràm dicebas, sed combibisti, & è pleno eorum pectore manant quæ scribis. At hoc ipsum est, quod Iræ fuisse dico. tène ad me venire, & sic callidè tegere & dissimulare? O vulpio, non impones postea: veni, veni, & amplectar te & vinciam, & sermonibus tuis suauius, atque etiam diutius, fruar. Non, inquam, sic vt vnum aliquem τὸν τυχόντων, vel accipiam, vel dimittam. Nam amare te deinceps certum est, mi Diemene, & scriptis amorem fouere, ac factis, vbi opus aut vsus, testari. Hoc dextrâ istâ fideliter scribo, & do eam animi huius testem. Iam ad tuas litteras. Scribis de bulbis quibusdam selectioribus mittendis: fac te quæso, & voluptatem hanc meam, quâ pascor, instrue vel auge. Post libros, duæ sunt auocationes, vel solatia: Hortus, & Canes. De fructibus autè ab Hispaniâ, nihil vrgeo: tantùm, nec illos ingratos vxori fore à nouo amico. Habebis & à me breui donum magnificum, regium: quod illud? opidum totum, &

LOVANIUM nostrum, quod iam typis cuditur, intra paucas septimanas mittam. De nostro ibi Villerio (nec enim amare desij) porro curare perge, & ne magis in præceptis etiam ruat. Siste, si non potest reduci. Quòd Senecam habeas, & ames, ô quàm gratum! Mihi crede, non est auctor aut dux certior (de profanis loquor) ad bonam mentem: da te illi, & Mercurio tuo Mineruam istam iunge. Sensum meum interiore tibi dicam. amo valde hoc genus vestrum, qui curas externas internasque miscetis, & vulgi bona istis veris solidisque temperatis. Non alia vita Pomponij alicuius Attici, & veterum illorum equitum Romanorum fuit. Vale, & litteræ etiam tuæ me adeant, donec tu iterum, & culpam dictam purges. Louanij, prid. Idus Nouembr. ∞. Iocv.

E P I S T. L X X V I I I.

Tornacum.

D I O N Y S I O V I L L E R I O.

SENECAM accepisse te gaudeo, magis approbasse. Nam quid te celem? In hac ætate ingrauescente, in continuâ inualetudine, timere de iudiciis incipio, & ne scripta mea non sint pro famâ priore. Tu aliter dicis, & cum cygno me componis; bene est, si affectui hoc non dones. Ordines Brabantia scribi ad me iusserunt, gratum sibi fore si de Historiâ patriâ cogitarem: & fuscipienti liberalitatem suam promittunt. Quid tibi videtur? nondum respondi, & tamen inclino: imò sponte iam me cœpi ad ista dare, ut videbis in LOVATIO nostro. Quod Duci Croyo & Arschothano inscripsi, & per occasionem nuptiarum istarum (aliter nunquam) conscripsi. Quibus nuptiis an & tu intereris? Ille me seriò vocat, & iuber: sed alibi paruero, hîc valetudo veat, & pompa minimè Lipsiana. Malim apud te mi Villeri fabulari, conuiuari, ambulare. & fiet, vbi Ver primum carceres aperiet ad excurrendum. De publicis equidem silui, & quamquam te excitante, etiam sileo. Quid enim magnæ rei, aut vel spei, possum? Nos in limite assultamus, & hæremus: & vereor ut lentè perrumpamus: & sic quoque bellum inexplicabile habeamus. Longius enim progredientibus maiora & munitiora occurrent. Ego in veteri sententiâ maneo, de classe: & sine eâ finem

nem aut inclinationem non fore huic bello. Sed classem mei sensus atque arbitrij velim, non qualem Iberia nobis misit, aut mittit. Nam & nunc in eo esse dicuntur. Multi aliquid ab occulto consensu Regum sperant, quibus placere vix possunt qui regna tollunt: sed lentum est, & multa interueniunt quæ impediunt, aut mutant. Interea Austriaci clades magnas in Turcico limite accipiunt, & tota regna perdunt. Austriaci? imò Christiani. nam commune profectò periculum est ab immani illo hoste. At nos cessamus: etiam ego, & te valere iubeo mi Villeri. Louanij, Idibus Nouembr. ∞. 1655.

EPIST. LXXIX.

Antuerpiam.

AVBERTO MIRAE V. R. S. D.

CUM apud me esses, optime Miræ, inter varios & delectantes sermones, de Historiâ patriâ locuti etiam sumus, ad quam illo ipso tempore Ordines me inuitabant. Dixi tibi statim promptè me suscepturum: & quid negarem magnæ parenti meæ, id est patriæ? Laudem eius & vetera facta propagemus: & ostendamus exteris, neque barbaros nos, neque in militiâ aut pace inglorios fuisse. Hæc magnitudo & potentia, quæ nunc est, & animos exterorum percellit aut vrit; tota ferè à Brabantiâ est, aut certè augmentum & culmen ab eâ habet. Ergo libens scribam: & decere hanc ætatem meam videtur, ad propria magis quàm aliena stilum vertere: ac si quid prudentiæ aut iudicij à naturâ, vel lectione, vel etiam vsu habeo, in Historiâ promere, quam licet Practicam philosophiam vocare. Alibi alia dicuntur, aut strudentur; hîc exercentur, & præter exempla sententijs iudicijsque notantur aut suggeruntur. *Siquidem debent* (ait vetus Historiæ scriptor) *ea poni ab Historiographis, quæ aut fugienda sunt, aut sequenda.* Ita est. neque clarius speculum morum, morum? etiam Fortunæ, & variæ sortis rerum, quàm in hoc æui theatro: vbi præmia pœnâsque bonis siue improbis obserues, vbi constantiam aut robur ab alienis exemplis sumas, siue cum in aliquo ea esse admiraris, siue cum abesse indignaris. Et dic fodes, nonne hæc melius scribere, quàm nugatori alicui aut sycophantæ rescribere? Nam patere me hîc affectui

tuo frænum aliquod dare, qui nuper incitabas ad respondendum. Læsit enim Diuam & te, inquebas. Diuam? non potest: illa est extra ictum. Me? nec id quidem: sagittas in me misit, sed in aëre hæsuras, nec ad animum istum peruenturas. Miseros nos! si talibus configi necessum habeamus, quoties illi Massage-tæ aut Scythæ iaculantur. Cur non sic appellem? inò omnibus barbaris immaniores sunt, qui nos modestè, grauiter, & sine cuiusquam iniuriâ scribes inuadunt, & laceunt. Atqui iniuria est in religione dissentire. Itane? & eò ventum? Illi nouitij, & nuper nati (nec ipsi negent) regnum capient, & veteranos possessione iustissimâ pellent? O LIBERTAS, quam præscribunt, & pro quâ armantur! Indignor hæc fieri, & mecum boni: sed mederi aliorum est, & à responsione nostrâ frustrâ id speres. Irritabimus. sicut ignem qui gladio fodit, scintillas in se plures & stricturas elicit: tale in istis; cæde & dissipa, acrius insurgunt. Est hoc ingenium contumaciæ, subijci posse, non domari. At enim quæ famam tuam spectant obijcit. Quæ illa? Ienæ fuisse. Publicè dudum sum factus. Quid etiam? Orationes ibi habuisse. Vel vicens, non nego. Tales illas improbas & impias. Hoc nego, hoc pernego: & palàm editâ Epistolâ ostendi falsimonias istas meras esse. Tamen iterum aiunt. Quid ergo me vis facere? ora ijs claudere? non possum. Parum cauti aut probi sunt, vt rem dicam, qui attendunt: & occultè cupiunt aut esse tale aliquid (nouimus ingenia) aut simulant ambigere, vt in Arenam me proliciant, & voluptari eorum pugnem. Ego faciam? apage, honestior sum, non violò edictum Augusti. Possum alioqui, fateor:

* Et mihi
sunt haste,
sunt &
mihi scuta
rotunda.

Καί μοι δόξα ἐστὶ, καὶ ἀσπίδες ὀμφαλόεσσαι.

& ostendi, vbi res aut vsus fuit: hîc non committar, & cum his, quos nullâ meâ gloriâ vincam. Vno verbo, & breuiter. In freto illo adolescentiæ (nam hæc obijciunt, & ab annis triginta quinque circiter repetunt) in illo, inquam, æstu ac feruore ingenij aliquid fortasse inconsideratè dictum, aut factum: quid iam est? Ex veteri sententiâ, *Hinc æstimemur, cum nostri sumus*. Postquam curæ alienæ non fui, cum solidæ mentis, steti in solido: cetera Pœnitentia defendat. cuius portus ex facili hanc cymbam admittet, quæ Reges, Principes, Ecclesiæ ipsos apices non excludit.

En meam vitam à tot annis ! vbi vacillat , aut fluctuat ? Neque nescio quorundam hodie prauam sapientiam esse , frigus præferre , medios agere : vt de ijs Homericum illud iure efferas :

* Τὸ δ' εἶδ' ὧ δ' ἐκ αὖ γρόντος ποτέρῳσι μετείν :

* Tydidem
haud nosset
vris in
partibus
esset.

mihi displicuit. Factis , scriptis , dictis ostendi , * *Vetera nouis* , & *quieta turbidis antehabere* : quid amplius poscunt ? Inimicitias conciliaui : etiãne lites , & quidem perpetuas , volunt ? Nam hic finis non sit , & oriantur *Tusca iurgia* , quod vetus verbum dixit. Ama me , hæc omitte : de *DIVIS* nostris securus , quæ fremente impietate viuent , & noster in Numen cultus. Louanij , postrid. Idus Nouembr. ∞ . IOCV.

* Tac. II.
Annal.

EPIST. LXXIX. *Mediolanum.*

IO. BAPTISTAE SILVATICO S. M. D.

LIBROS à te accepi , etsi non litteras : quid etiã ijs opus erat ? nam ipsa Præfatio epistola est , quâ labores tuos (vtiles & doctos , ita me Deus) mihi dedicatum is , & nomen meum tuã etiam luce illustratum. Ita sentio , ita accipio : & quamquam in hac ætate ambitioni alienior , gaudeo vel in testimonio vel in beniuolentiã , quæ vtraque erga me promissum . Remotus à vobis sum locorum spatijs : atque vtinam nunc propior sim , & Pegaso aliquo possim subuehi ! videres mi Siluatice in vultu , oculis , voce affectum erga te , & tuo merito susceptum : qui non , vt alij , elicere amorem meum , sed pignerare voluisti . Obligor , hoc fateor : pande viam quâ resoluam , videbis Ingrati dicam scriptum mihi iure numquam iri. Dum id fiat , affectu gratus certè ero , & te in animi isto sinu geram & fouebo : tu quæso , quem vltro amplexus es , ne dimitte , & litteris me appella . quoniam eæ , in hac locorum intercapedine , sermonis vicem debent possuntque obire. Fac , & te rogo. Louanij , XII. Kal. Decembres. ∞ . IOCV.

EPIST. LXXXI. *Antuerpiam.*

BALTHASARF MORETO suo S. D.

REMITTO , quæ misisti. De numeris in *Icone Heuerleæ* , videbo si pictor poterit : & dubito , quia breue est tempus.

Parum

Parum refert : præcipua modò sint norata & incisa . Censes tu tam accuratè hæc examinari ? Vtinam faciant ! & magis illa , quæ scribimus : & semper candidè , ac bonâ fide . Hanc quoties in multis requiro ? Occasio & causâ est , cur dicam . Incidi nudius tertius in nouellum librum , in quo mei perhonorifica mentio : sed alibi nota , *Lipsum Orchadas & Stæchadas insulas confundere* : quod non puto vsquam in somnio me fecisse . Alij etiam obliquè aliquid : *Vir doctissimus in Tacitum* . Non tu censes me esse ? neque ob elogium , sed auctorem . Quære tamen , notam aut vestigium non reperies in meis scriptis . Talia plura peccant , & præsertim isti nouelli , & vt sic dicam , mustei Critici : qui feruent , qui erumpunt , & laudem suam alienam criminationem censent . Adde , quod *Lipsius non vidit* . Quis tibi dicit , non vidisse ? & iudicio fortasse , cùm satis testium esset , omisit . Sed non viderit : quæ culpa est , aliquid non fecisse ? Omissum hîc potest esse , non commissum : nec magis culpandum , quàm si à te exigam & confiscam , in Homerum non scripsisse . O vanitates , ô ambituunculas ! At ego ad hæc talia fileo , & silui ; & magno animo ostendo tales iniurias vel calumnias intra me stetisse . Est quidam , qui in Scholis , vt audio , materiem etiam me fecit , & in verba ac litteras , quid ? accentus etiam inquirat . Ille ipse , vt rem magnam , ter quater in scriptis iterauit , *Lipsum censuisse tesseras frumētarias è plumbo , aut tali metallo , fortasse fuisse* : ô flagitium ! è ligno , inquit , fuerunt , & Dio dicit . Dic ô bone , vbi hoc Dio ? Ille de tesseris ludorum asserit , nusquam de istis : & diuersa sanè ratio est : cur vt geminum aut idem obiectas ? Cur etiam obiectas ? nam ego disertè scripsi , *potuisse & è ligno esse* . Ecce in his talibus docti & arguti sumus : vetus simplicitas vbi es ? *Sceptici* olim sectam fecerunt : faciant nunc *Psectici* , & magna manus erit . Ego illud seriò posteros rogem , si qui mea aut aliena legent , vt etiam conferant ; nec fidem statim habeant , hoc aut illud obiectanti aut refellenti . Aliter sæpè scripsi , & mente aut verbis aliis ; sæpè & non scripsi . Et fac , age , in tam variis opusculis meis & materie aberrasse : quid magni , aut noui est ? Fecerunt veteres , nouitij isti magis ; & in Criticis certè , ac diuinatorio genere , pænè est necessum . Sicut ij qui rete iaciunt , sortem exspectant , & sæpè truncum aut lapidem , pro pisce adducunt :

ducunt: tale in istis. opinio imponit, & addam cupiditas aliquid præter alios dicendi, aut iudicandi. At in scriptis mei stili aut argumenti, vt *Constantiâ*, *Politicis*, talibus, audacter dicam paucos nãuos aut nãuulos esse: si sunt, culpari nihil abnuo, imò & mulctari. Quidquid est (& hoc sine scribo) modestiam amo & teneo: numquam ad rescripta veniam, nec remedia amabo periculis peiora. Quisquis me carpit, vel hoc ipso sentiat bono viro iniuriam se fecisse. En, mi amice, pluscula, quæ calor iste scriptionis subiecit: tum & cogitatio de quibusdam, quos in hoc genere non stare scio & auferri. Nominaſti, nec repeto: sapiamus, & pro dignitate litteras tractemus. Vale, Louanij, XII. Kal. Decembr. ∞. IOCV.

EPIST. LXXXII.

Mechliniam.

NICOLAO OVDARTO.

QVAESTOR hodie denique ad me misit (anteà absurdè responderat) pecuniam aliquam paratam fore, mitterem vxorem. Fiet iam à prandio. Quod ad historiam patriæ, non miror illum vestrum haud nimis probare: quia nec institutum fortasse meum nouit; atque ego ista nouitia nunc quidem non tangam. Diuisi in duas partes. veteres nostros Duces; tum istos Austriacos, qui à Maximiliano successerunt. Usque ad illum, quid periculi aut suspicionum est? imò pleraque laudum plena, & generosi ac minimè Tiberiani imperij, quod sine fuce aut metu denarres. Ego, cum Deo dicam, in scriptis cautionem & prouidentiam, si quisquam, habeo: & in hac certè ætate, & statu etiam rerum, habebo. Sed res gestas fideliter posteris tradere, diuinum si non præceptum, exemplum est; & Moyſes aliq̃ue Pontifices aut sacerdotes, pace ac bello fecerunt. Vide libros sacros. Quid etiam regius Vates? *In memoriâ æternâ erit iniustus: iniustus autem cum maledictione & ignominia recitabitur.* Hi sunt stimuli bonis Principibus, fræna improbis: & fuere ab æuo, atque erunt, nec vlla sæuitia toller aut abolebit. Equidem inclino in hac ætate, quæ aliquid prudentiæ habere debet, & potest scriptis inspergere: atque ego Historiam veram & legitimam, ipsam esse prolem & fœ-

tum Philosophiæ censeo, quod prisci illi scriptores dicant. Nam isti nouitij meras nugas agunt, & umbram pro re habent. De Riuiro, spero: te amo mi optime Oudarte. Louanij, ix. Kal. Decembres. ∞. lccv.

EPIST. LXXXIII.

Antuerpiam.

IO. W O V E R I O mea.

* Desit
scribere &
vivere in
anno ∞.
cc. lxxiii.

GAUDEO, gaudeo, melius iam tibi esse. Sit longum, sit post me ætatem, & in te viuam. Quid destinaueris de Imagine meâ, & adscriptione, vidi. An intercedam? non faciam: do fræna affectui, & in me Honestum à te amari orbis sciat. Si non ego tantus, quid refert? esse volui, & in bono conatus etiam sufficit, cum occasio deficit aut facultas. Prochnicij illius ardentem etiam animum agnosco, & videbo vt liquoze aliquo infuso non exstinguam, sed alam. Intra duos aut tres menses sermonis copia inter nos erit; & aut ego ad vos veniam, aut te istuc inuitabo. Tum de eo quod suggeris, aliisque. Sed heus, his diebus fui in scriptore superioris, nec* remoti nimis æui, Matthæo Parisiensi, qui Historiam Anglicam scripsit, industriè & inquisitè, si non eleganter aut scitè. Sed multa in eo bona & libera iudicia: mireris, si legas. Vnum, quod volui ad te referre super studiis hodierni æui:

„ Papa considerans (Innocentius Quartus) liberales artes iam in
„ mechanicas panè fuisse conuersas, propter lucrum; vt verè possit dici de
„ Philosophiâ,

Prostat, & in pretio pro meretrice sedet:

„ Et quòd iam ferè omnes scholares, intactis Grammatices rudimentis,
„ Auctoris, & Philosophis, ad Leges properant audiendas, quas constat
„ non esse de numero artium liberalium. Artes enim propter se appetuntur,
„ Leges autem vt salaria adquirantur. Imò etiam, vt omnibus liquet, ado-
„ lescentes atate & scientiâ satis simplices, ex quo nouerunt in paucis
„ Sophismatibus, per strepentibus palmis congarrire, cathedras ascendunt
„ magistrales, vt nomine illo vsurpato tumeant eleuati: & facti venera-
„ biliores, sine fundamento scandunt ad culmina celsiora: cum melius esset
„ & utilius, Scholarum prius imbui experientiâ, & sic transcendere
„ ad præmissa.

Addit

Addit deinde, *Papam elegantem super hac re epistolā scripsisse*, quā remedium adferret: sed eam non intexuit, quod doleo, & velim vidisse. Examina, te autem quæso, verba illius Monachi: putes de suo, an nostro ævo scripsisse? Sanè cō ventum est, mi Woueri, vt omnis vetus doctrina logi sint, & desipere censeantur qui sectantur. Robore opus est contra iudiciorum hos fluctus, & clauo recti iudicij, qui dirigat inter vndas obstantes. Ordines patriæ mecum agi iusserunt de Brabantia Historiā scribendā: neque abhorreo, & vtiliter ac more veteri fortasse possim. Tamen nihil etiam addixi, & ἐπέχω. Vale mi optime. Louanij, III. Kal. Decembres. ∞. 1655.

EPIST. LXXXIIII.

Neapolim.

IO. ANDRÆAE PROCHNICO,

Legato Ser^mi Regis Poloniae.

SI vlla epistola ex animo scripta est, hæc erit: rogo te audi. Accepi & legi tuas (binæ enim fuerunt) quibus, præter benivolentiam, etiam beneficentiam adiungis, & munera mittis à sui pretio, sed quanto magis ab animo æstimanda? Lectis tuis litteris, non aliud subiit mihi, quàm exclamare, O amicum petus! ô animum prisce & aurei illius æui! Et rem dixi. Quis hodie virtuti & doctrinæ aut affectum aut pretium hoc ponit? Et habeo amicos tamen fateor, atque etiam beneficos: sed officiis nempe prouocatos. De te autem, quid ego priuatim merui, nisi quia publica beneficia tibi inscribis, & alienum æs tuum facis? Sed profectò magis deinceps animus hic meus & affectus se exferent, & posteri scient talem virum vixisse, talem in me & Litteras ac Sapientiæ studia fuisse. Hoc sine iam nunc concepi, quod publicabo, si Deus vitam in paucos menses mihi donat. Sed ad tuas litteras. Scribis te illa & illa mittere, distinctè: nondum habeo, & via longa est, & prædonibus etiam ac periculis exposita: sed tamen vt si habeam gratias ago, & referam: quia non ipsa munera, sed animum pendere soleo & referre in acceptum. Edidi iam denique *Senecam*, & Summo Pontifici nostro inscripsi: vt vel sic orbi constet, quem caput Religionis in orbe esse velim. Diu me tenuit, & grande ac diffusum fuit, addo

& intricatum, præsertim si *Stoica* nostra adiungis. Illum per Wouerium meâ manu inscriptum mitto: missurus & hæc, si scirem non habere. Publica nostra paullo meliora sunt, per diligentiam Spinulæ. At vobis in Poloniâ omnia plausu & lætitiâ personant, partim ob nuptias, partim ob victoriâ de Sueco insignem. Deus longum sic esse velit, & te, Ill^{me} & Reu^{me} Domine, valere & viuere, vel in æui exemplum. Louanij, postrid. Non. Decembres. ∞. IOCV.

E P I S T. L X X X V.

Moguntiacum.

STANISLAO KRZISTANOVVICIO S. D.

AMOR tuus V. C. & dona grata. Ille, quia à tali, id est amando & æstimando: istæ, quia talia, & pretium perfectò ac bonitatem in se habent. O pulchra illa olim mei Demetriij! ò pulchriora pænè dicam magni Zamoscij! Semper mihi ille vir inter Europæ lumina, nunc magis apparet, cum in ultimo illo effato, ubi simulatio & ambitio cessant, tam claris certisque verbis solidam probitatem, veram pietatem expræsit. Exosculatus sum voces & sensus ab omni vanitate & pompâ suum reuocantis, in priscis moribus, in priscâ religione, confirmantis. Quàm forte illud, quàm sanctum! *Non nasci satius, quàm in hac non mori.* Dicam iterum, sciui semper & habui Zamoscium inter prima virorum: nunc magis certiusque habeo, & à paucis verbis vltimis ad primam lineam eum ducam. De filio, opto imbibere hæc præcepta aurea, & illinc petere vitæ exempla. Sanè pater docuit quid litteræ & doctrina possint, ubi in bonam naturam cadunt: & quàm vtilis eæ ad pacis bellicque artes. Epistolam meam ibi editam non nimis gaudeo: & displicet exemplum. Munus libri gratum; & remuneror ecce, si non pretio, affectu pari. Ama me V. C. ego te deinceps. Louanij, III. Idus Decembr. ∞. IOCV.

E P I S T. L X X X V I.

Antuerpiam.

IOANNI WOUERIO suo S. D.

CREDE mihi optime Woueri, animo meo malè factum est, cum audiui iterato te vulnere percussum: & in

in illo fratre, qui familiæ velut columen erat, & quem noui à probitate & industriâ, atque ideò amo. Doleo tecum: quid ergo? etiam iaceo, aut, quod tu, languo? Absit mi amice: erigere mecum, & ne supra humanam sortem aliquid velis aut tentes. Quid vis? hominem Deum esse. Soli illi æternitas: nos ex quo nati sumus, non dicam mori possumus, sed morimur; & omnis hora, omne momentum ad metam illam ducit. Alijs est alia, si tempus spectes; eadem, si finem. Et quod tempus? rideo cum cogito. discrimen est dierum, mensium, paucorum annorum: & pone plurimos, sæculum dices. Quàm breue istud? quàm citò abiit, quàm citò aliud aduënit? Sed muniti animi, & qui magna non cogitant; qui Naturam rerum, quod caput est, non peruident; hæc habent in magnis. Pueri Saturnalia celebrant, & Reges aut Antistites imitantur & agunt: breue ludicrum est, & nos ridemus; sed illi sic amplectuntur & æstimant, vt longus annus sit, donec dies ille illucescat. Quid non simile facimus? nati sumus; spes & vota disponimus, in vxorem, in opes, in honores: & dum scæna instruitur, ecce Mors superuenit, & obliquo oculo ridet & interrumpit. Ita est. illâ damnamur; & cui nasci contigit, restat mori. O nostra imbecillitas! Homeri versum Pyrrho Philosophus in admiratione & ore semper habebat istum:

* Οἷν περ φύλλον γενεή, τοῦδε καὶ ἀνδρῶν.

* Talis vita
ta atq̃
hominum
est, qualis
foliorum.

Meritò nihil potuit aut verius, aut euidentius dici, in hanc sortem. Vides arborem illam quæ vere primo folia induit? Pulchra est, & viret, & umbram, & speciem gratam sui præbet: quid tamen est? mox ventus aut ictus folia pauca decutit, tum æstus aut siccitas, denique hiems omnibus spoliatur & nudatur. En humanum genus! virent, vigent: ille atque ille moritur, morbo, vi, fraude; & cum hiems senij superuenit, omnes naturæ lege. Miseras nostras narras, inquires: ego solatia exspecto. Iam accipe, & serua. Non dicam illa ex Epicuri delirio;

Post mortem nihil est, ipsaque mors nihil:

hoc sapienter & piè dicam, Mors intermittit vitam, non eripit: veniet iterum, qui nos in lucem reponat dies. Agnoscis Senecam, sed Christianum ei sensum (quò verba ducunt) etiam adde. Quid est hæc vita? nihil, nisi ad illam aditus & præparatio;

Strabo lib.
xv.

illam æternam, beatam, & cui vni vita hæc viuit. Sacra tibi non ingero, protrita sunt: sed Brachmanes illi Indi, veteris Philosophiæ, censebant; *Vitam habendam esse, quasi conceptorum in vtero statum; mortem autem, partum in veram vitam, & felicem quidem ijs qui rectè sint philosophati.* Est mira sententia, & ex arcanis nostræ religionis prompta. Quid hæc vita? velut formamur in vtero, & præparamur ad illam æternam. Itaque Mors nomen tantum est nobis: & illam timeat, qui non sperat viuere post mortem. Audis hæc mi Woueri? admitte etiam: & vis aliquid pro caueâ? Cogita abiisse amicos, sed & habere te hîc amicos. Parentes omitto, aliosque fratres: en confor-tem vitæ & rerum duxisti vxorem: & (vt alios sileam) me inter amicos habes, cui solatium, consilium & auxilium es: & à me eadem exspectes. Cur, quasi conclamatis rebus te abijcis, & istuc oculos non reflectis? Ille abijt? nos supersumus: erige te vel nostrâ causâ, & scito in hac graui iam ætate, & dudum valetudine, vsum mihi tui esse. Sincerè dicam, patientiùs ego diem meum exspecto, quia te superstitem destino, & eorum etiam quæ post mortem volo curatorem. Hoc cogita: & sicut Seneca noster de Paullinâ, *ego tibi valetudinem meam commendem:* & scito in hoc iuvene senem etiam viuere, cui fatum sine culpâ non acceleres. Hæc ex animo scripsi: animi & corporis vires tibi reddi, Deum precor. Louanij, Idibus Decemb. ∞. Iocv.

Ad Prochniciu nostrum has mitto, qui valde de te etiam amicè scripsit. An non Senecam vnâ placet? & quomodò resoluam me vinculo isto beneficiorum, quæ indies accumulât? O virum ab aureo æuo! Iam nunc parata est *Centuria Epistolarum selecta*, quam, siquid mihi continget, in arcâ meâ reperies à te edendam, & illi ex meâ destinatione inscribendam: quod sine fraude rogo te facere, itemque nullâ epistolâ insertâ aut immutatâ. In Præfatione dic, quæ ego deberem.

E P I S T. L X X V I I.

FRID. TAYBMANO S. M. D.

PLAVTVM tuum veteres nostras delitias accepi, sed nunc ruum, nouâ & decorâ istâ facie à te perpolitum. O gra-
tum

tum acceptumque donum! non dicam dolo. Certè industria & elegantia simul ingenij tui in concinnando hoc Opere sic apparent, vt alij omnes, qui conati, ad tuam accurationem & lucem luscitiosi videantur. Non percutio te palpo: ne verere: expers eo more sum, & apud amicum amicè, id est, verè loquor. Debeo tibi pro hoc dono & dicatione: & quid verbis opus est? cum ipso Comico;

Ego tibi omnia facta cupio, cupiamque quæ voles.

Sed dic fodes, quis iste sacer & Germanicus liber est, de quo peruiam memoras? Vidi equidem annò, nisi fallor, editum, sed Anonymum, qui calumniosè & inclementer multa in me dicit. Talis iterum aliquis pilum inijcit? contemno: & delirent, fauiantque isti laruarum pleni homines, stabula malitiæ & columnina audaciæ; non hilum me concutiunt; & susque deque habebo, quod scribant, non scribant. Modestiam natura mihi conciliauit. à vitâ abire cupiam, cum ab hæc abibo. Quid meus SENECA, quàm quietum de istis me esse iubet! huic ego insistam credere potius, & res alias præ Sapientiâ relictas habere. Quem tu Senecam in breui, me mittente, videbis, & habebis in fronte amicitiae tesseram inscriptam. Nunquid in proximis fiet, neque antè video tutò posse. At tu homo hominum in illo tractu litteratissime, quoniam hoc Plautinum negotium sic sub manus successit, adde porrò operam consimilem, & in alio argumento vel scripto iuuentuti benè consultum eas, & optimas artes productum atque illustratum. Præsens igitur & posterum æuum debebit, & nos melius nati aut facti fauebimus, & plausum, vires, animosque addemus ad candidam calcem currenti. Delphis hoc tibi dictum credito, & dicentem ama. Louanij, Idib. Decembr. ∞. IOCV.

EPIST. LXXXVIII. *Mediolanum.*

FREDERICO BORROMAEO S. R. E. *Cardinali.*

IAM denique seriò intellexi ex benignis tuis ad me litteris consilium quòd vsui publico suscepisti, neque tale & tantum id est animo præsumebam. De Bibliothecâ suspicabar, eaque selectâ & simul copiosâ: sed addis etiam Collegium, atque id noui gene-

generis, in quo non iuuenes, sed grandiores alantur, & qui facti aptique iam sint scriptis, consilio, voce alios iuuare vel docere. Sanè iamdiu est cùm hoc institutum apud me approbo: atque adeò publicè aliquod testimonium dedi, in laudando & aperiendo Musèu Alexandrino. Nam & illud viros admisit tantum & habuit, vel benè meritos iam de republicâ litterariâ, vel merituos. Itaque utrâque manu & toto animi sensu consilium tuum approbo, & gratulor hunc animum, & Deum rogo successum & fructum pro eo esse. Erit autem si legibus bonis firmisque institutum tuum alliges: sine quibus diffluet; & ut te viuo maneat, functo metuendus est lapsus aut ruina. Ego in similibus sæpè vidi fraudes aut frigora, quæ interueniunt, maximè à Conditoris morte: & ad cauendum, omnis opera danda, ut electio fiat prudens eorum, qui simillimum tui animum & iudicium adferre post te possint. Nam, mihi crede, in prioribus vix ego laboro, & prudentia tua ac tuorum facillè instituet ac gubernabit: postuma cogitanda sunt, & ut maneat institutum, & ut idonei beneficio tam grandi fruendo eligantur. Idonei, inquam: & quantus hic fructus, si tales? Vnus alterque quot præfentes & posteros iuuare poterunt, & præluce insigni aliquâ doctrinæ face? Atque huic rei, etsi grandiores illæ scientiæ principatum tenere videantur, Theologia, Iurisprudentia, Medicina: tamen paucos è prioribus eligam, nullos ex vltimâ, quia vulgo satis grande pretium vel æstimatio iis est, & commodis excitantur. At non idem in linguarum litterarumque scientiâ, non item in Philosophiæ: quarum artium, quæ verè pabula animorum sunt, & graviorum item illarum adiumenta vel fundamenta, suadeam rationem & adspectum maximè te habere. Negliguntur passim: & quis exitus erit? barbaries & tenebræ quas magno opere discusserunt boni prouidique maiores nostri; utinam nos faciamus, ut ne frustra! Sed tu facies pro tuâ parte Ill^{me} & Reu^{me} Domine: sequantur duo, tres, in Europâ, ô magnum breui & diffusum lumen! Enimverò sæpè miratus sum, cùm tam multa passim Collegia aut Scholæ instituuntur pueris aut iuuentuti formandæ: neminem adhuc fuisse, qui propriè sollicitus esset & curaret de doctoribus: sine quibus cui vsui omnis illa institutio est? Speciem non rem habet, & multi in cursu

curſu ſunt, pauci ad metam veniunt & verum ſtudioꝝ ſinem. Cauendi proſpiciendique ratio aut hæc eſt, quam inis, aut nulla: & ipſi eligendi, alendi, formandi ſunt, qui forment. ILL^{ME} ET REV^{ME} DOMINE, Deum rogo proſperare conatus tuos tam laudabiles, teipſum firmum & validum diu ſuper-eſſe ad conſummandum. Louanij, x. Kal. Ianuar. anni noui inſtantis ∞. IOCVI.

EPIST. LXXXIX.

Auguſtam.

MARCO VELSERO V. I. S. M. D.

SENECAM noſtrum à te acceptum, & verè acceptum, id eſt ſgratum, fuiſſe gaudeo. An non eſſet ſcriptor optimus viro optimo? Quod ais deſiderare quosdam reliqua: pauca ſunt, & hodie mos obtinet reliquatores eſſe, imò conturbatores. Detur venia, aut certè mora aliqua, valetudini: & fortasſe altera editio dabit. Sunt & in illis libris, quæ volenti haud peribunt. At tu de elogio debere proſiteris. Et ſic loqueris? iudicio, dicere debebas: & ideò nihil debere. Mihi crede, vt ſi iuratus in Senatu ſententiam dicerem, ſic dixi. Amote iam dudum mi Velfere, ſed affectus illam animi lucem non obtenebrat. Sed heus, eſt quod comuni litteratoꝝ nomine commendemus, vel peramus. Andreae Schotti, magni amici noſtri, PHOTIVS Latinus iam diu apud vos eſt, & quando ipſe lucem, nos cum videbimus? Certè inter paucos ille ſcriptor meretur: qui ſolus tot clariffimorum ingenioꝝ monumenta à fato eripuit: toto dico fato, & ſaltem nomina & ſcriptorum velut membra ſeruauit. Quàm multos ille legit, ex iis elegit, & vt ſic loquar, deſlorauit, quos noſſe nobis aliter non eſſet? E ſacris, profanis; tractatoribus, hiſtoricis, oratoribus, poëtis; & nihil eſt in Græcâ omni litteraturâ, aut vt veriùs dicam, librariâ, quod ille vir non libarrit. Pulcherrimus mos in menſâ legendi, vel audiendi: ſed iſte pulchrior vtiliorque, annotandi, cenſendi, excerptendi. PHOTIVS fecit, & qui ad nos peruenerint ſolus. David Hœſchelius veſter, & veſtris etiam auſpiciis, Græcum primitus & variè atque induſtriè caſtigatum dedit: ſed noſti quò ventum ſit ignauiâ xui; pauci hæc legunt aut capiunt, & niſi Latina addantur,

pænè dicam non dedisse. Ergo A. Schottus, vir bono publico natus, allaborauit, & Latinum totum dedit, & tibi commisit: ecce iure te flagitamus, fac quod soles & natus es, rem publicam vel priuatæ tuæ damno iuua. Mi Velfere, da hanc operam: etsi quàm trepidis & pænè desperatis Europæ rebus: Pannonia, & iam Illyricum finitimum, sollicitos nos habent:

Quò pondus istud verget? vbi ponet minas?

Vbicumque, stemus; & in Honestò firmi, omnem Fati vim excipiamus, inò vincamus, id est feramus. Vale. Louanij, postridie Natalis Dominici, anno ∞. IOCV.

E P I S T. X C.

IOANNI MIRAEO Episcopo Antuerpiensi.

MERITO descriptionem istam amplector, tam benigni animi, & à tali viro, testem. LOVANIVM non displicuisse significas, & hortaris porro ad patriam Historiam vniuersam scribendam. Magnus mihi stimulus, fateor, vel ab auctoritate tuâ, vel à iudicio: & sentio sponte hunc animum meum inclinare, in magnam parentem, vt debet, affectum. Cùm tamen vacillantem valetudinem video, cùm etiam sæculum & iudicia (neque enim omnes MIRAEI sunt:) frigus aliquod subit, & pænè resisto in cursu, cui carceres iam video apertos. Nam & ipse collegi quædam, & Comes Baussigniacus tradi quædam iussit, etsi adhuc per alias manus oberrantia; & R^{ma} D. tua offert Dinterum suum, magnum adiumentum ad rem emoliendam. Videbo an D. Prælatus Parcensis. hîc sit, & trader eum: si non, rogo verbo vel scriptiunculâ velis admonere. Ego sine iactantiâ proferam, posse me & stilum & iudicium ad historiam adferre, atque eam veteri more & exemplo scribendam. Si ex usu & gloriâ Patriæ est, Deus mihi vires donet; te autem, Reu^{me} in Christo Pater & Domine, longum Ecclesiæ atque eidem Patriæ nostræ seruet. Louanij, v. Idus Ianuar. ∞. IOCVI.

EPIST. XCI.

Gracium.

CAROLO *Archiduci Austria, Imp. nepoti & pronepoti.*SER^{ME} PRINCEPS,

PLACVIT humanitate istâ in me vti, vt non solum salute impertiri iuberet, sed etiam manu tuâ eam consignaret. Obenignitatem ab alto animo! & cui vnum fontem video, amorem erga res honestas & Doctrinam. Dignus ille tali Principe, tali stirpe. Si audaciam me sumere vis, quam ætas grandior donat, sic perge magnæ spei Princeps, & cum Pietatis studio (id primas habet) ista iunge, quæ menti lumen infundunt, quæ clariùs res videre & arbitrari faciunt, quæ hominem supra communes istos homines tollunt. MAXIMILIANVS Augustus inter proavos tuos exemplum præbeat, qui audire semper doctos aut percunctari, qui ipse legere, scribere & commentari solitus: idque æuo illo, quo caligo adhuc ferè in Germaniâ, nec clara ista fax litterarum satis illata. Doctores, Dei beneficio & Parentum tuorum, habes ad vtraque omnium maximè idoneos: obsecro, vtere; & hoc iuuentutis tempore fructus velut in horreum collige, quibus reliquum æui suauiter fruire. Significas & à nostris libris non abhorre, & Discipulum meum proferis: ô magnum mihi & gaudium, & honorem! equidem scripta mea publicè prodesse multis (eo sine pangimus) cupio & voueo: sed Principes etiam legere & affici, super modestiam voti mei est. & tamen gaudeo meritò, si fiat. Nam è Principe erudito scio quantus in vniuersam rempublicam manare fructus aliquando possit. Vnus peritus gubernator nauem regit & seruat, vnus Imperator exercitum: tale in vobis, & vnius prudentia ac virtus populo est salutaris.

SER^{ME} PRINCEPS, hæc pauca expressit mihi humanitas tua: benignè interpretare; & ab eo profecta scito, qui est SER^{ME} gentis tuæ, & priuatim TVAE SER^{TIS} deuotissimus cliens.

Louanij, IIII. Idus Ianuar. ∞. IOCVI.

EPIST. XCII.

Antuerpiam.

BALTHASARI MORETO.

HEM, hem, quid hoc est mi Morete? gratiæ conciliandæ ego illa scripseram, & affectui in patriam testando: aliorum vertit, & inuidiam aut cauillos (vt tu quoque audis) LOVANIVM mihi concinnat. Quâ culpâ aut merito? rogo te audire paullum, & æquâ iudicij librâ pensitare. Parcè enim, neque omnia dixisti, inquit. Libens fateor, neque hîc neque alibi omnia dicere amo: selecta tantum & præcipua: & credo tamen insignia pleraque ad laudem (is finis noster fuit) attulisse. Panegyrica quædam, vt sic dicam, ista scriptio, non propriè Historica: & hoc stilus ipse dicet, qui florem, colorem, non vigorem solum habet. Et vbi tamen historiæ locus fuit, in pugnis, in seditionibus; à lege eius abisse me non cenfeo, imò vel iuxta veterum exemplum tractasse. Atquin alia nos etiam habemus, aiunt. Aiunt, proferant & applaudam: si tamen pondus habent, & rei momentum aliquod addunt. Sed non dissimulo, quosdam esse qui curiosos & peritos se simulant, sed Pythagorico quodam exemplo tacitos: & minantur aut iactant assidue edere, nihil edunt. Edunt? nec communicant quidem edentibus: & siquid petis, obliquo oculo, aut renidentes, abnuunt: & Pluris sibi esse; denique, Sibi esse. Per me habeant, premant: nos non premant, qui siquid notitiæ nostræ esse potuit, iuimus perquisitum. Petrus Diuæus triginta, opinor, annos, aut circiter, à ciuicis hîc Regeſtis fuit: vidit eadem excussitque Io. Molanus Theologus eximius, idemq. historiarum cupiens & sciens. Hos consului, Annales vicinarum etiam gentium adij: quid vltà volunt fecisse? In Vestalia illa secreta penetrare non potui, nec inuitis ædituis excutere Capitolas istas Flauissas. At quædam etiam aliter dixi. Sanè sequi me tutò in plerisque dictos auctores censui: & siquid erratum, veniam illis mihiq. vnâ operâ peto. Mihi etiam seorsim, quòd appropriatum hoc opusculum (in occasione illâ, vt tu optimè scis, Nuptiarum) nec limam aut exactiorem curam admisit. Itaque in numeris corrigendum alibi erat: postea factum. Poterant & accuratius vel vberius

vberius quædam de Lotharingâ vel Brabantia dici: & à me exigunt. Iniqui ! & nonne melius aptiusque in suo loco ea dici ? Et profiteor apud te ac clamo, animum mihi tunc fuisse tractandæ Historiæ Patriæ : eoque, ex consilio multa omissa, aut certè dilata. At, inquiunt etiam, familias nostras veteres parum distinctè tangis : ipsum opidum haud annosum satis facis . De familiis; meum non est, faciunt * γενεαλόγοι, quorum hodie manus est, & * *familiarum scriptores.*
huic studio vel * περιέργως operantur. De vetustate; si erro, doceant, & bono auctore aliam æuitatem ostendant: fauebo. De nomine * Curiosè, vel nimis.
sanè non abnuimus, non item de conuentu aut digniore aliquo loco : & palàm hoc * scripsi : sed nihil etiam nunc magis * εὐλογον * *Lib. I. cap. VIII.*
ἡ δὲ πιθανὸν occurrit, quàm hunc ambitum & clausuram origine * *rationi aut fidei consonum.*
illâ esse, quam dixi . Quid verbis opus ? aliud, inquam, doceant, & fileo : aut si non, ipsi fileant . Quod ad fabellas aut opinatiunculas attinet ; sciant nos exteris posterisque ista, & idèò firmiter, scripsisse: sciant etiam, neque apud ipsos populares nostros fœnum omnes esse. Incalesco, & melius est desinam. alioquin & illi accurrent, qui singula Collegia describi, etiam ipsas alimonias (nostro sermone *Bursas*) desiderent, imò iam desiderauerint. Heu Lipsi, heu Lipsiane stile, quò vocamini ? Otium agere, aut certè alias res agere melius, nec ad plebeia argumenta aut iudicia vltra venire. Audis ? audio : & cum Homero,

* Ἡ δὲ δέ μοι κατὰ θυμὸν ἀρίστη φαίνεται βελή.

* Hoc mihi consilium præstare in pectore visum.

At ex istis, mi Morete, vides quo præmio scribimus: & alibi fortasse in gratiâ, domi frigemus . Sic solet, fero, & Genium meæ patriæ (si Deo visum) elegantiorum votis exposco . Louanij, III. Idus Ianuarias. ∞ . IOCVI.

EPIST. XCIII.

Mechliniam.

PETRO PECKIO Consiliario.

BENEFICIUM sanè mihi tribuisti missione nouitij huius libri è Galliâ. quem ego historicis an politicis magis accenseam, sententia hæret. Vtraque habet, & flore præterea sermonis aspergit ; qui omnem feueritatem recreet & diffundat. Non sic veteres, fateor, & magis restricti atque accisi sunt : sed tamen delectat, docetque hæc vbertas, & meo iudicio gratiam

atque vsum suum habet. Sunt in quibus fidem tamen requiras, & partium studium aut adulationes deprehendas: ignorantiam etiam aut alucinationem interdum in externis. Sed interdum; & compensat alijs virtutibus. Ego pro vfurario libro, libellum hunc ecce mancipio mitto, à me donum. Levis res & scriptio est; & cum leges, animaduertes calamum alas habuisse. Nam quid dissimulem? Serio hoc argumenti numquam cogitaueram: alio fine aliquid in Aduersaria conieceram: & incidit vt in nuptijs istis (rogatus eram) concinnarem, & vulgarem. Prædico, vt remissiore animo ac iudicio legas, nec acrimoniam tuam ubiq; adhibeas, aut meam requiras. Sunt tamen, præsertim vbi materies fuit, in quibus ad altiore stilum assurgo, & historiæ veteris faciem conatus sum referre. Auctores mihi quidam sunt, vt in rebus Brabantiae idem faciam: ego delibero, & ætatem meam & valetudinem, sed & sæculum in alterâ lance pono. Sæculum. nam quàm pauci hæc capiunt, siue legunt? Quò igitur pondus verget, nescio: & vernum fortasse tempus dicet. Tu vir Clar^{me} & Prud^{me} vt me ames, qui te serio, rogo. Louanij, postrid. Idus Ianuarias. ∞. LCCVI.

E P I S T. XCIII.

HENRICO HALMALIO V. N.

LEGISSE te Louanium meum libens audio: etsi cum in tales manus venit, vellem accuratiore limâ perpolitum. Nam verè dixi, & subitum & festinatum etiam, ob instantes Nuptias fuisse: atque ideò ingenuè fateor, aut quædam mihi non dicta, aut aliter dicta. Sed medebitur aut supplebit siue sequens Editio, siue ipsa Brabantiae Historia, si tamen ad eam ire & pergere valetudo patietur. Alia quidem res (hoc tibi spondeo) non auocabit, & vltimos istos annos Patriæ libens ibo consecratum. Quod cum fiet, non omitтам rogare te, vt id quod sponte & benignè offers, re exsequare, & me subsidijs tuis & apparatu vario instruas, in communem vsum. Scio iamdiu te industrium & sedulum conquisitorem atque inquisitorem talium fuisse: potes igitur re, potes & consilio ac directione nos iuuare. Coràm, vbi Antuerpiam nostram venero, plura & distin-

distinctiùs licebit: nunc Nobilis & Clar^{me} Domine valerete, & nos amare, opto. Louanij, postrid. Idus Iannuar. ∞. IOCVI.

EPIST. XCV.

Antuerpiam.

ANDREAE SCHOTTO. V. R.

NON indelectatum te *Louanio* nostro, benè est mi Pater, & gaudeo in tuo iudicio: sed plebeia apud nos voces non sic consonant, & ad nugas suas aut ineptias multi me conuicio trahunt. Cur vetustius opidum non fecit? cur familias illas veteres non inseruit? meam cur omisit? Quid collegia? hæc nominat, illa transilit: denique priuati vellent & suum alibi nomen legi. Hæc pati necessum est eum, qui res in omnium sensibus oculisque scribit: & ista cogitatio non nihil à Brabantia rebus me absterret. Noui ambitionem multorum, qui se aut suos volunt esse argumentum. At altior animus Historico esse debet, & causam æui agere duplicis, eius quod fuit, & quod erit. Illud vt ex vero repræsentet; hoc vt vtilibus narrationibus, siue monitis interdum, instruat, nec ad vana aut futilia, & pueriles animos oblectatura, declinet. Videbo vt modum teneam, si opus aggredior, & scribam ex patriâ, ex historia, & meâ dignitate. Adulari, calumniari, nugari non lubet. Hactenus Musas virgines habui, non prostitui pretio aut pella-ciâ inductus: perseuerabo honesti animi, recti iudicij (Deus adiuuet) esse. De Cantipratano benè mones, & iam vidimus, & corrigi in alijs exemplaribus iussimus. Sanè sciebam discipulum Alberti Magni fuisse: sed properantia & calor, quæ in hoc opusculo adhibita pænè necessario, mentem obnubilant, aut certè manum faciunt delirare. Sunt & alia quædam, in quibus nuto, aliàs corrigenda. Felix Recitatio veterum, & aduocati in consilium amiei: nunc deserunt, & Typographia nec penitentia locum; aut si illi, non emendationi relinquit. De Idolo Hallensi, lumbos nugatori impio frangam, si fustem, id est calamum sumo. Sed adhuc tempero, & inhibeo, & Modestiam ingentitam vsurpo. Caueat à calore. P. Leonardus noster etiam illuc? dimidium nostri habetis, remittite, aut (si aura admittat) me habete. P. Rectorem & illum saluto. Louanij, ad lumen vespertinum, xvi. Kal. Febr. ∞. IOCVI.

EPIST.

E P I S T. X C V I.

I O A N N I M I R A E O *Episcopo Antuerpiensi.*

IN amici causâ breues has litteras scribo, quem mihi institutio (discipulus enim mihi fuit) & morum probitas, & magis constans pietas, commendarunt. Is est Io. Hemelarius gente Barauus, insigni ingenio & doctrinâ: sed qui patriam deseruit maculosam & infectam. Romam igitur se contulit, & cum ad Ecclesiasticum ordinem adspiraret, à S. Pontifice impetrauit Canonicatum in vestrâ Ecclesiâ Antuerpiensi, in locum defuncti Iacobi Antonij: defuncti, inquam, in mense Pontificiæ collationis, vt scribit. Itaque ius putat clarum & certum esse, petit tantum insinuari R^m D. tuæ, & significari qualis esset. Reuera spondere audeo gratum acceptumque futurum R^m D. tuæ & Collegis: ita non solum dotes habet, quæ ornamento sint, sed mores suaues & mites, qui delectationi. Nihil tribuo affectui, Reu^m in Christo Pater & Domine, Deum testari possum: quem rogo & veneror, vt te talem Antistitem Ecclesiæ & nobis diu velit superesse. Louanij, IIX. Kal. Februar. ∞. IOCVI.

E P I S T. X C V I I. *Bruxellam.*I O A N N I R I C H A R D O T O *Præsidi.*

ET iterum iterumque Fortuna te petiit, & vix cicatrix à priore ictu obducta est, aliam plagam inflixit? O sæuitiam! accusare eam libet, & tecum dolere: si tamen hoc remedium sit, habere comites in querelâ aut dolore. Præstaret qui alleuarent & erigerent: & iam conor: sed dicta aut monita vbi reperiam? Solita consumpsi, & eadem dicere nec ex decoro, nec ex more meo, possum. An vnum hoc nouum, & magni animi, succurrit? in Fortunam Fortunæ exemplo repugna. Pertinaciter te incurrit, nec dignitati, nec ætati tuæ parcit: indue item pertinaciam; & non ratione solum, sed irâ quâdam honestâ pedem in eam firma. Quid tibi vis? ideò destinor vincendus, quia non vicisti? Hoc ipso fumo animos, & prior victoria de sequenti spondet. Nepotulum amisi: sed antea liberos. in paruâ hunc ætate:

ætate: antea plenæ ætatis & roboris, & qui propinquam de se spem, aut præsens gaudium, dabant. In isto quantulum perdidit? Flos, non fructus fuit: vix etiam flos; & in paucis non mensibus, sed diebus, natum amisi.

Monstrarunt terris hunc tantum Fata:

atque ecce, firmum solatium, si attendis. Fata, inquam, derunt, eadem abstulerunt: quid iuuat, aut decet queri? Non iuuat, quia non mutabis, semel abiit: non decet, quia lex à Deo est, in quem impius qui repugnat. Ille firmiter sanxit, quid quid natum est mori, & alternante tempore ac vicibus mori, senes, viros, iuvenes, pueros: nullum discrimen est, & cæca illa Dea per omnes furit, & datum ius exercet.

Poma vt in arboribus pendent, sic corpora nostra

Aut matura cadunt, aut citò acerbarunt.

Vetus poëta hoc scitâ & verissimâ imagine scripsit: auellimur, deiicimur, sponte cadimus, & hæc omnia ex fatali lege. O pareamus Deo, imò assentiamur! & hoc Christianum pectus decet. Sed ante omnia vrgeo quod tetigi, paruulum hunc fuisse. Vix limen vitæ ingressus erat, & ablatum est: id est, vix habuisti. In aliis grandioribus reminisci licebat facta aliqua aut verba laudanda, siue amanda; in paullò etiam grandiusculis iocos, blanditias, gestus, & quæ parentum affectus exosculatur & notat. Quid in isto? spem modò ostendit, germen & propago futurus vetustæ ac nobilissimæ stirpis, si Deo visum fuisset: sed non est visum, quid contra æternum cursum molimur? Non dum gaudia alia ex illo erant: vix oculo, aut tenui risu matrem, non dicam auum, agnouit: quid ergo firmæ aut solidæ iacturæ est? Excute ipsum te, videbis vmbra & imaginem adhuc amasse. Si initio concepti fœtus parens abortisset, minùs doleres: eadem ratio valeat, & infirma adhuc proles non gignat dolorem aut desiderium firmum. Hæc ex communi etiam Sapientiâ: quid illud ex Christianâ? Puram hanc animulam, & omnis adhuc labis expertem, an non palàm in pura & beata illa loca misistis? Ne reuocate: ipse doleat, & tot periculis, addam etiam curis molestiisque, iterùm exponi. In spem eos educamus bonam: sed quàm sæpè fallacem? Optimè nati, quàm degenerant, nec gaudium aut decus (vt lenissimè loquar) suis do-

nant? Dehoneftamenta maiorum multi, propudia publica: & exempla in ifto atque alio æuo. videmus. En, in certâ fecuritate, in gloriâ, in gaudio nunc agit: ponite ſpem metumque, & applaudite potiùs ac ſuſpicite ſublimatum. Oblectare parentes poterat, nunc iuuare: precibus eius votifque locus eſt, & apud Numen fundit. Enimuerò apud te, non loco magis quàm prudentiâ Præſidem, etiam hoc ſolatio utar. Vide non dicam Belgicæ, ſed Europæ, hodiernum ſtatum: quid læti aut firmi poſteris polliceris? Sunt turbæ, erunt turbæ; mutationes priuatæ & publicæ; & niſi Deus pacatiore oculo reſpiciat, exitia ſtatuum & rerum. Quis in talia libenter ſuos educet, aut mittat? Sinto & maneat, quos Deus dedit, habituri ſuam ſortem: alios voto ne adſciſcamus, imò gratulemur euocatis. Hæc apud te breuiter, Ampl^{me} & Nobil^{me} Domine: & vides quò fiducia me impellit? Ipſe ſolatiij iam compos, filiam tuam ſolare, ſexu infirmam, & grauiore icſtu percuſſam: & verba robuſta aut ex corde profer, aut ore adſimula & vultu. Debes illam erigere. maritus non eſt, nec alius affectus propior: patrem illa ſpectat: ſi amas, fac vt per te vires recipiat animi corporiſque, quod opto. Vtraſque, Ampl^{me} & Nobil^{me} Domine, etiam tibi. Louanij, XII. Kal. Martij. ∞. LCCVI.

EPIST. XC VIII.

PAVLO V. PONTIFICI O. M.

BEATISSIME PATER: Accepi BREVE, quod S. V^{RA} dignata eſt mihi ſcribere; & ipſum, ac benedictionem, interiore mentis gaudio & omni veneratione ſum complexus. Inter ſuprema beneficia, quæ Deus mihi contulit, hoc recenſebo ſemper, quod à Vicario eius manauit. Hortatur me in eo S. V^{RA} vt ſtilum & ingenium ad ornandâ Eccleſiam, & magnitudinem eius propagandam, velim conferre: quod ego velut diuinitus imperatum ſuſcipio, & promitto S. V^{RE} me operam omnem huic rei daturum, quam valetudo mea tolerabit. Incalui enim meritò ab hoc ſtimulo, & oſtendam paternam admonitio quantum apud verè filium ponderis habeat & robuſtæ auctoritatis. Eſi, BEAT^{ME} PATER, iamantè hunc

hunc animum cœpi ostendere, & publicè militem agere in Ecclesiæ castris. Nam scripsi & emisi hoc anno libros duos, priorem quo MIRACVLA & laudes DIVAE VIRGINIS HALLENSIS continebantur; alterum, quo DIVAE SICHEMIENSIS. Non possumus aliâ re, credo, efficacius frangere & calcare hæresim, quàm hoc Miraculorum fulmine: vbi non verbis, sed factis disputamus, & impudentissimorum etiam oculos atque animos perstringimus istâ rerum maiestate. Si dignum censuissem donum, quod oculos S. V^{RAE} subiret, misissem ad arbitrandum, & saltem promptum & apertum meum pro Religione studium cōspiciendum. Quod porro etiâ dignatur scribere VESTRA S^{TAS} cogitaturam se de Pace publicâ procurandâ, & bellorum apud nos motibus sedandis; ego eam flexis mentis genibus iterum precor. Necessitas postulat, & discrimen grande quod toti Ecclesiæ (ita loqui audeo) tramontanæ imminet, si Hæresis & Rebellio limitem hunc Belgicæ perrumpunt, qui adhuc resistit. Resistit, sed validè concutitur, & vicini etiam aliqui Principes oleum in hanc flammam conferunt, priuatâ æmulatione aut spe, utinam auctoritate S. V^{RAE} comprimendi! Atque utinam etiam fidâ inter eos pace, arma contra communes & Ecclesiæ hostes vertant, felicius & gloriosius triumphaturi! Sed hæc Sapientiæ vestræ, cui cælestis ille Spiritus semper adsistit, & inspirando dirigit, dispicienda & gubernanda permitto, precatus ab illo longævam tuam Ecclesiæ præsidentiam & tutelam, atque ego,

BEATISSIME PATER,

tuam sanctam mihi benedictionem. Louanij, III. Kal. Martias. ∞. IOCVI.

EPIST. XCIX. *Leodicum.*

HADRIANO FLERONTINO I^{sto}.

TRISTEM, inquis, nuntium adfero. Certè tristem, & magnum in animo isto ictum. Ita Carolum Billeum amissimus, rarâ laude, prudentem, pariter probum, pium, & vno verbo, optimum Aulicorum? Amissimus nos amicum,

cum, vos præsidium, Princeps consilium: & mihi crede, facilius reperietur qui locum subibit, quàm implebit. Ecce mortalitas! Scripseram ad eum ipsâ horâ, quâ tuas accepi, epistolam, quâ de filio promebam quid videretur: scripseram, & statim disco non esse ad quem scripsi. Vis & aliud philosophiæ? amare eam soles; & ut sapias, ama. Intraui coenaculum meum ambulaturus, & in cogitatione super Billéo meo defixus. Conijcio oculos in vitreas; quæ octodecim, ut scis, locum illustant: atque ibi amicorum aliquot nomina & insignia, amoris vel domini monumentum. Conijcio; & statim animum tangit, illum atque illum mortuos esse. Numerare incipio: & ecce vndecim ex inscriptis Parca viuorum numero expunctos mortuis adscripsit. Hem quid hoc est? intra annos nouem? Progredior etiam in atrium adiunctum: sex fenestras numero, & è donatoribus quinque fatum suum obijisse. Vides, inquam, quàm densè morimur? Atque isti ex amicis tuis Belgis: quid in exterisquot amisisti? quid ex ignotis quàm multi cottidie pereunt: innumerus hic numerus. Solari me cœpi: & quid in vno dolemus, ubi tam frequens vel assidua iactura est? Huc nascimur: & ipsum nasci, est non nisi partus in mortem. In caueâ te claude, ferro & ære conde:

Mors tamen inclusum protrahet inde caput.

Cogitemus mi Flerontine, & præiuisse amicum nostrum, quò certo gradu sequimur: non error abducet, non vis subducet. Benè precemur mortuo, & gratâ mente ac linguâ, cum vsus, memoriâ eius prosequamur: — Τὸ γὰρ γέρας ἐστὶ θανάτου, ut ille ait. Vale, & me ama: parentem etiam tuum, & Timpe-
lium Canonicum à me saluta. Louanij, Prid. Idus Martij, ∞. IOCVI.

Patruus tuus Prouincialis heri in prandio mihi aderat, & multa locuti super Billéo eramus, & de litteris communiter mittendis. Ille inter primos dolet, scio.

IOANNIS WOVERI Antuerpiensis
Ad æquum & amicum LECTOREM
in IVSTI LIPSI V. C.

Orationem de CALVMNIA

PRÆFATIO.

VLTIMAM hæc pagina epistolam tamquam suam expectabat. subtrahi tamē istam nemo emulus tam indignabitur, quā boni omnes exultabunt, Calumniæ crimen, parvis hodie & magnis commune ingeniis, protrahi, imò proster-
ni. Quod quamvis vitium neque novum, neque veteribus insolens, in ætatem nostram influxerit, tantò tamen iniquius nunc exercetur, quā-
to caritatis & diuinæ legis præscriptū scelestius violatur. Amicos enim (immensæ eruditionis Afer scripsit) diligere omnium est, inimicos autem solorum Christianorum. Sed aduersus istos ita vindicta hodie obtinuit, ut nec præsentī planè narrationi desint, qui pro laudibus criminationes, pro beneficiis iniurias etiam amicissimis reponunt. Ah! vel tali furore plebeiam furere scurrilitatem, utinam Erebi ipsis furiis placuisset! nunc augetur immensum hoc dedecus primarię claritudinis designationibus; & litteræ olim ornamenta ingeniorum cum Sapientiæ ancillarentur, ita auctoratæ ad has pugnas accedunt, ut à paucorum libidine insaniaque si æstimentur, nihil obset, quò minus vanitatis & inhumanitatis nouis nominibus innotescant. Inuisum meritò bonis vitium, quod homini seipsum eripit. Nec feris inter se bella sunt; nec, si forent, eadem hominem deceant, placidum, proximumque diuino genus. Auget præterea remediorum desperatio sic præsens hoc malum, ut nec mecum calumniæ abstinentiam à se impetraturos arbitrer, qui recidiuæ iniuriæ malignitatem citius ostendunt, quā vomici huius morbi curationem ad-

mittunt. Religiosè enim dicent ; pro Epistolâ non bonâ fide Orationem editam. Sed his, ne interni vlceris purulentiam obijciam, dico; integrum esse, Ut primum apud Saxonie prætorem dicam scribant, Ienensis, sed non germanæ fidei declamatoribus ; quibus ad calumniandum tantum otij superfuit, Ut iniuriosiores LIPSIUS esse non possent, nisi infantie suæ macie, totoque inuidiæ pallore, bonam chartam malè commacularent. Tamen & operæ quoque huius ut compendium faciant ; satis ipse olim noster *παράκλητος*, vegrandem hancce, apertissimisque mendacijs instructam expunxit iniuriam. Cum hoc quoque satis constet, neminem non modò melioris, sed vel sani sensus esse, qui scholasticorum plumbeas has paginas cum illius componat ; qui vnus temporibus nostris monetam aurei eloquij in vetustatis incude sic finxit, Ut non immeritò optimorum iudicio habitus fuerit (Ut Symmachus alibi scripsit) IVSTVS heres veterum litterarum. Nam nuperam illam putidissimi liuoris inscitiam, solâ dignam miseratione iudico, quâ quispiam latinè parum LIPSIUM, nec aptis satis imaginibus cælestis ingenij opera texuisse, ostendere cæpit. Sed quoniam illi homini insanire, & in omnes passim incurrere doctos, tralaticium est ; ego reponere oraculum maximi naturæ Mystæ solum hoc possum : Homines quosdam ut venena nasci, qui nullum aliud abominati spiritus præmium nouere, quàm odisse omnia. Tu contra amare optima, & sic LIPSIANA, beniuole Lector, perge, ac salutare istud aduersus calumniam eiusque carcinomata quasi alexipharmacum accipe, & vale.

IVSTI LIPSI

DE CALVMNIA

ORATIO.

DE Calumniâ dicturus hodie, & hoc quidquid est vitij in lucem protracturus sum. Tu DEVS, qui bonitas, candor, amor totus es, dirige & præluce mihi aduersus inimicum tibi vitium, & mentem ac linguam moue, vt generi humano innocentiam instillem, & in vitâ, dictis, scriptis probitatem, pacem & caritatem. Calumniam hîc definio occultam læsionem, imminutionemque alterius, in sermone aut scripto, mixtam fraude. dicta ea est à caluendo, quod prisco verbo frustra habere & decipere significabat. Omnis enim calumnia mentitur & fallit, vt mox dicam, & mendacium aut fucum auctorem habet. Græci *διαβολήν* dixêre. item appositè, quòd quasi traiciat ac penetret, & noxio linguæ suæ telo defigat. Finis scilicet illi primus, fallere; quod Latini considerarunt: vltimus, lædere; quod Græci. O vitiorum vitium! & tamen quod hodie crebrius est? quod cum maiori perniciæ coniunctum rei priuatae & communis? Addo etiam, quod neglectum magis à nouis scriptoribus & antiquis? Quare cum nemo studiosius paullò, quod sciam, de illo aut in illud dixerit; ita spero vt tractatio eius non solum fructuosa futura vobis sit, sed nec mihi ingloria: qui primus ingredior aperire id & diffundere stilo. De istâ igitur tria hæc dicam. Quàm fœda sit: Quàm perniciofa: Quomodo cauenda. Hæc singula dum subtilius paullò & vberius persequor, quaeso vos Auditores, adhibere mihi non aures solum sed animos: & vela hæc, vt sic dicam, orationis meæ, Zephyro beniuolentiæ vestrae afflate atque dirigite.

Et fœditatem quidem Calumniæ, quo clariùs vobis argumento ostendam, quàm istoc duplici? Quòd & in fœdissimas ea personas cadat: & quòd fœdissima sit ipsa. Personas quidem triplici hac notâ insignes, Viles, Ignauas, Loquaces. Viles: adeò verè

verè à me dictum, vt negem, non dicam bonam, sed mediocriter bonam altamque indolem, vñquam hac labe fuisse aspersam. Vetus, & nostrum, æuū excute. non aliter leges, videbis, audies; quàm tristes quasdam malignasque naturas, quas fidere suo Saturnus afflauit, aliis inuidentes, sibi diffidentes, pronas ad hoc vitium & factas. Videtisne minutos illos canes & degeneres, qui hospites allatrant, feras non tangunt? tales deteriores isti hominum, qui lædere tantum innoxios nati & vexare. Nati, inquam, quia reuera ad hoc vitium ita vergunt & inclinant, vt quies iis non sit nisi aliis inquietis. Tum Notâ alterâ, Ignauos feci. quid clarius? prima scintilla & fomes Calumniæ ortum est: nec vñquam aut vacabit aut lubebit in alienas res inquirere, quem suæ distinebunt. Apud desides & ignauos mala Diua habitat, & apud eos sedem posuit sui regni. Negat quispiam? Forum & Basilicas nostras paullisper adeat: in quibus vberrima cottidie calumniarum seges feritur, non nisi ab istis quibus vñum hoc opus est, Ambulare & Fabulari. Publica illuc & priuata vapulant: Princeps, & administri peccant: alius hoc fecit, alius hoc dixit: denique nulla de quoquam fabula est, quæ apud eos stet, vt cum poëtâ dicam, talo recto. Atque hæc si periti ipsi rerum facerent, minus indignarer. nunc homines non solum ignauissimi, sed & ignarissimi, rebus iis calumniando semiscent, ad quas cogitatione & sensu non pertingunt. Vt in naui nemo vectorem ferat qui nautas moneat identidem aut culpet, ipse interea imperitus manum non dicam clauo admo- tuere, sed remo: ita meritò importuna nobis & molesta vascula hæc inania; quæ maximè tinniant, & liquoris minimum habent. Denique Nota tertia, Loquaces. & quâ potest aliter? Naturâ hoc lingulacis insitum, vt non multa solum loquantur, sed mala. Siquis vestrum adfuit indomitis istis, & quibus, vt Pindarus ait, os sine freno: nonne præcipuus illorum sermo, non solum de aliquo, sed in aliquem est? certè. Audita enim & non audita efferunt, quæ vera, quæ vana. & vt in Iudææ lacu Asphaltite nihil mergitur, sed supernatant omnia iniecta: sic in istorum pectore nihil conditur, superfluum imò effluunt cuncta. Et quid aliis parcere eos credas? nec sibi. quoniam huic morbo id quoque proprium, vt si in alienos dicere nihil habeant, in suos dicant,

dicant, atque adeò in sese. Vt in longâ fame, corpora nostra alimento defecta, ipsa se depascuntur : simile euenit in istis.

Atque ecce Personas habetis, quibus gaudet & assidet Calumnia: quod ordo nunc iubet, producam ipsam, & quidem in vero suo vultu. Omne ego vitium detestandum & fœdum fateor: verùm hoc eximiè. quod non solùm in fœdis, sed natum & cõflatum è fœdis. Poëtæ Chimæram suam è triplici corpore fingunt : sed fingunt. hîc ipsa res est, & ad hoc monstrum Calumniæ constituendum cœtus & mixtio concurrit trium vitiorum. Nam architecti eius præcipui & quasi parentes sunt, Mendacium & Inuidia : Curiositas autem nutrix. Cogitate ipsi, quàm bella hæc proles sit, à bellâ hac vitiorum trigâ. Mendacium inquam, ei pater. quidni ? quod animat scilicet & inspirat omnem Calumniam ; quæ iaceat, nec vitam aut sanguinem habeat sine illo. Quis calumniator simplici vero contentus vniquam fuit ? quis ficum, dicere ficum ? nec potest quidem. quia aliter vim nocendi non habeat, nec finem suum assequatur nisi abeat extra veri fines. Itaque auget maliciosè omnia & attollit. atque vt conuallium ille sonus, quem Echo dicimus, pro vnâ voce acceptâ duas tresque reddit : sic iste geminat visa & audita. Verbulo de quopiam questus sum ? grauiter accusasse me dicit. Leue aliquid notauit ? carpsisse omnia. Ambiguum sermonem habui ? quod deterius est, eliger. & ad summam, quod medici de cucurbitis dicunt quas corpori affigunt, non nisi prauum eas vitiosumque sanguinem educere : veriùs de isto ego, qui adtrahit ad se non nisi mala. Atque vtinam adtrahat tantùm ! sed sæpè à se addit & inspergit : & vt dicta, vt facta refert, quæ nec in somnio nobis cogitata. Sicut aranæ casses & filamenta mirâ arte è suo corpore gignunt : sic iste fraudium argutos laqueos suo pre ingenio necit. Iure igitur Mendacium ei pater : sed mater etiam Inuidia : quæ in illo maligno ingenij vtero concipit, gestat, parit denique hanc infantem. E moribus & factis calumniantium quis id non approbet ? Rarò enim in viles & sui similes telum hoc armant aut exerunt : sed in eos quos virtute, doctrinâ, aut quâ aliâ laude alios vident anteire. Athletæ in cursu, non eos respiciunt quos reliquerunt, sed intendunt saltem in priores : sic Calumnia dirigitur in meliores. In ludis olim & arenâ ob-

nâ obseruatum fuit, tauros purpurâ & rubore maximè concitari, qui tamen pulcherrimi sunt colorum: simile in istis licet dicas, quorum virus prouocat ipsa virtus. At postremò Curiositatem etiam, Nutricem Calumniæ addidi. verissimè: quia scilicet fouet & nutrit hanc puellam quæsito vndique rumorum & sermonum cibo. Tolle eam à Calumniâ: quid poterit? imbecilla, ieiuna, vacua sedebit: & quæ nocere velit potius, quàm possit. Nam hæc est quæ materiem suppeditat, quæ domi numquam, foris semper, imò in foris habitat, omnium ædes, omnium animos penetrat; vigil assiduè & sine somno. Hæc rumores passim colligit: & Heus tu da dextram. ecquid noui? in Aulâ quid fit? Qui status in Angliâ? quis in Galliâ? Titius quid agit, quid Seius? Talia ac plura scrutatur atque excipit: numquam tamen plena & satura. sed vt pædidum ac membrum scabiosum fricari semper vult: sic ista sermonibus, & præsertim asperis malisque, assiduè scabi. Nec verò aures solum huius prurientes & auidæ; sed acres quoq. & acuti oculi, quos cum semel aperuit, quid ea non videt? etiam quod non videt. Quid non scrutatur? aperta, & operta. Tiberium Imp^{rem} eâ oculorum indole fuisse ferunt, vt noctu pariter atque interdiu cerneret: de hac appositè dixerim, quæ etiam ea quæ in tenebris & solitudine geruntur explorat. Domum tuam claudis? penetrabit. Linguam contines? pectus inspiciet. Homines fugis? ipsa te inueniet. & vt muscas atque eiusmodi minuta animalia nullâ curâ submoueas: non item vllâ cautione istam. Hæc Curionum illa gens, quam poëta Comicus scitè depinxit:

Qui res alienas curant opere maximo:

Qui omnia se simulant scire, nec quidquam sciunt:

Id quod reginæ rex in aurem dixerit,

Sciunt, quod Iuno fabulata est cum Ioue:

Quæ neque futura neque sunt facta, tamen sciunt:

Atque ex his palàm videtis, quanta fœditas sit Calumniæ: quæ in turpibus, quæ è turpibus: quam Mendacium genuit, Inuidia peperit, Curiositas educauit.

Agite, sequimini me ad Perniciem: quam alterum velut spatium esse volui mei cursus. Quod tamen priusquam ingredior, reficite paullisper animos, & mecum respirate.

Perni-

Perniciem ego in Calumniâ Validam & Variam inuenio: quantam nec in vlllo (verè hoc, non oratoriè dicam) vitiorum. Validam ideò: quia Acutè imprimis & Occultè lædit: Variam, quia in plerâque omni re, & plerosque omnes. Singula hæc breuiter videamus. Acutè dico lædere. & mecum facer ille Vates, qui exclamat: *Dentes eorum tela & sagittæ, & lingua eorum gladius acutus*. Nec longè à mente aut verbis diuini viri hic Spartanus: qui interrogatus de gladio, *Satisne acutus esset? Acutior*, inquit, *Calumniâ*. videlicet hoc significans nullam è chalybe aut ferro aciem esse, quæ conferri possit cum acie hac linguæ. Quid enim ea non tangat, aut tactum non penetret? vt fulminis subtilis illa vis omnia peruat: sic hæc quauis seposita & clausa perurit. Idque eò efficacius, quoniam Occultè, vt addidi, & ex insidiis id facit. Quî vites telum, quod nec vides? Tempestatem nobis nubes denuntiant, incendium fumus, hostem explorator: at subita & improuisa perniciēs est à calumniante. Minari eum credis? blanditur. Hostem præferre? amicum. & eai ipsâ linguâ quâ te sauciat, verborum prius, imò & laudum illecebris demulcet. Vt scorpiū si manu teneas, ludere paullisper videtur, mox ferit te obliquâ caudâ: tale imò amplius in isto est, à quo cum lædi nihil timeas, iam læsit. O fraudem detestabilem! & ex oraculo ab Historico meo scriptum, *Pessimum inimicorum genus, laudantes*. Venena mihi nuda & aperta porrige, vitabo: si cibo aut vino callidè mixta, quî possum? non aliter de Calumniâ censeo: quam bono iure dixerim, Mel venenatum. *Hostem aduersum*, ait egregiè Sallustius, *deprimere homini strenuo baud difficile est: occulta pericula neque facere, neque vitare, bonis in promptu est*. Itaque Validam ab eâ perniciem esse (primò à me positum) satis vobis liquet: nunc quàm Varia eadem, audite. Lædit enim & tangit in plerâque omni re, vt dixi, & plerosque omnes. quod sanè eximium in Calumniâ adnotes, & præter sortem aliorum vitiorum. Quæ noxam nocere non negauerim: sed quid nisi vnā? sed quid nisi vni alteriue? Nempe libidinosum me fac: duos impuritate contamino. Pone auarum: tres, quattuor, pecuniolâ defraudo. Ebriosum cense; vnus aut alter obuius verbera manuum mearum excipient aut linguæ. At in Calumniâ res habet aliter: quæ in omnem ætatem, sexum,

ordinem debacchatur; calamitas publica, & Phaëthon quidam, ut sic dicam, orbis-terræ. Quis tam felix aut sapiens, qui iactet ab eâ esse liber? nemo. Paratum enim strictumque lividum illum dentem in omnes habet: sed tamen in eos maximè, qui magni. Quicumque, quacumque in re, excellit: hunc ite depressum. & ut ij qui ruere ædificia volunt, columnas primò subtrahunt: sic hæc cui perdere genus humanum libido sit, perdit eos quibus innixus publicus hic, status. Prudentes, probos, doctos, hostes omnes habet: & eos modò criminationum machinis violentè concutit, modò suspicionum cuniculis callidè subvertit. Varios igitur lædit: sed & variâ in re lædit. nec quidquam homini carum acceptumque est, quod non eripi, certè imminui, videas per calumniæ technas. Te opes delectant? si potest, exuet. Alium honores? priuabit. Amici quempiam? hîc verò vim suam artesque exeret: & Lælium à Scipione, Pyladem ab Oreste diueller. Iam quid rerum humanarum carius famâ? quæ iure est bonis, ante bona omnia & ipsam vitam. Nam hæc vtraque caduca & fluxa sunt: & opes quidem ante nos sæpè, vita nobiscum semper abit: nomen autem & Fama æternant; eaque sola, cum non erimus, hîc erunt. Atqui hanc, vnicum Sapientum thesaurum, purissimâ vitæ gemmam, appetit calumniator assiduè; & subtrahere aut maculare conatur omni fraude. Virtutem enim ipsam quia lædere non potest (summum in nobis propriumque bonum:) hanc lædit; splendorem, lucem, & quasi imaginem virtutis. Et quid de hominibus queror, aut rebus humanis? Proh summe DEVS! nec tibi quid è parcat, & tuo cælo. In rebus enim diuinis & religione inuenit iam quod exagitet; per quod nos, imò te lædat. Tua enim illa vox decretumque est, tua sanctio, **ABDITA MENTIVM CAELESTI MENTI RESERVANDA**; nec pectoris huius fibras pulsandas cuiquam aut referandas, nisi qui eas fecit. At Calumnia aliter. & passim iam (ô labem nostri æui!) oculos, linguamque illuc coniicit, & adyta interioris huius templi scrutatur & calcat. Ille in religione parum purus est, ille parum fortis, tertius parum apertus. Et quid iam superest, nisi ut palàm & per præconem animi nostri sensa citentur ad Calumniatorium hoc tribunal? Homerus ille, me quidem iudice, non vatum solùm sed homi-

hominum (de profanis loquor) semper-Princeps, Aten quam-piam deam finxit: à quâ in populos deriuatæ omnes noxæ. quo fabulæ inuolucro calumniam eum tegere & tangere voluisse tam mihi certum, quàm loqui me nunc & spirare. Nam ita describit,

Perniciosa dea (verba eius pressè interpretor) quæ omnes offendit:

Quæ terram non tangit, incedit autem per capita virorum:

Quæ Iouem ipsum læsit.

Per vestram fidem, vllusne pictor artifice suo penicillo, aut orator vbere stilo, clariùs expressiusque signauerit germanam Calumniæ formam? non opinor. *Quæ omnes, inquit, offendit.* nōne hoc ipsum est quod doceo, passim & omnes ab eâ lædi? *Terram non tangit.* certè. rarò enim in viles aut humiles incurrit: sed, quod addit, *incedit per capita virorum:* id est, summa petit, & summates. Denique *Iouem ipsum lædit.* quippini? siue quia diuinas quoque actiones calumniatur & carpit; siue quod iam dixi, nec religionem immunem habet improbi sui dentis. Atque hæ noxæ illæ sunt, quas priuatim adhuc ludit. verè ludit: si cum ijs compares, quas publicè patrat & in Principum aulis. Hic enim ei sedes: hic admissis equis lasciuat & currit, vt in suo circo. Non mihi fas singillatim persequi: (tempus vetat:) breuiter hoc accipite. Quidquid fraudium, oppressiōum, scelerum vsquam aut vñquam in aulis fuit: id inanasse ab hoc capite, ab hoc fonte. Alexandrum illum Magnum in tot amicorum neces quid nisi Calumnia impulit? Socratem vitâ, Rutilium ciuitate quid nisi Calumnia expulit? Tiberios, Caligulas, Nerones, & tot portenta tyrannorum, quid nisi Calumnia peperit? & ne vetera tantùm cogitemus: hoc, hoc, miserrimò tempore, fugas, clades, cædes, & maria calamitatum quas patimur, natæ primò non nisi ab riuulis istis in Aulâ calumniarum. Doletis hære in reip. visceribus discordiarum hæc tela? Calumnia iniecit. Ardere tot iam annos facem hanc ciuiliū bellorum? Calumnia accendit. Nec quidquam malorum videmus aut vidimus, quod non ab hac scaturigine diffusum. Populi in reges, reges in populos, non aliâ re excitati primò atque irritati sunt, quàm

hoc linguario flabello . ut maria suâ sponte quæta vento intumescunt: sic Principes naturâ sepè boni aut mites, per incendiarios istos inardescunt . Perniciem igitur Validam, & Variam, in Calumniâ nunc habetis. quam Christiani nostri veteres præclare intellexisse mihi videntur, cùm patrem omnis vitij, imò ipsum vitium, monstrum inquam illud ab inferno, Græcâ voce Diabolum, id est calumniatorem, propriè dixerunt: arbitrati scilicet, nocentissimum hostem, non aliò nocentiori nomine potuisse designari . Nec minùs indomitam eius vim legislatores prisca considerarunt . qui cùm vitia cetera legibus aut pœnis coërcerent: huic vni, quod miremur, apertos carceres & velut liberum campum reliquerunt ad nocendum. Ite enim per omnes hominum gentes: fallor; aut nullam mihi dabitis, ubi vitium hoc legum freno aut sanctione comprimatur . Apud Athenienses quidem multa pecuniaria calumniatoribus fuit, fateor: apud Romanos frons ijs iniusta K litteræ notâ: sed nemo erret; non istis meis susurrionibus, dumtaxat illis qui in iudicio & publicâ accusatione calumniabantur. Quid ergo? aut tam cæci illi, ut perniciem hanc non viderint: aut tam fatui, ut visam approbarint? Nihil horum . sed scienter & iudicio vitium extra pœnam habuerunt, quod esset extra medicinam. Mediocribus amnibus repagula sua sunt: communi alicui diluvio qui aggeres resistunt? Orbem terræ Calumnia inundavit; hæret & habitat in pessimæ huius naturæ medullis; nec iam inter culpas censetur, sed mores. Quid facerent? opinor, quod prudentes & pudentes medici, qui nec cancro manum temerè admouent nec tabi. Itaque mali magnitudo & diffusio asseruerunt hanc in libertatem: nec comprobata ea, cùm desperata est.

Sed ne longiori oratione me fatigem, vos detineam: flectere hanc nauim ad portum incipio, & venio ad tertiam, vltimamque partem, quæ est de Calumniæ cautione. Quam si quis ita accipit, ut immunem tutumque ab omni calumniâ futurum se speret: nã ille errat, & exigit à me quod non est vitium humanarum. Prodeat, non dicam Thales ille alumnus Sapientiæ, sed Sapientia ipsa: numquam eum dabunt. Quid ergo est? duos tantùm velut clypeos suggerere possum, qui vim aciemque eius incurrentis frangant & retundant. è quibus priorem,

rem, Innocentiam; alterum, Patientiam appello. Innocentiâ inquam ante omnia te muni, quisquis effugere vis malæ & hiantis huius diuæ morsum. Nam certè qui vitâ integri, linguâ cauti, actione modesti: quid ab eâ timeant? Vt locis lauibus & politis ægrè sordium aliquid adhærescit: sic maledictum sedem vix inuenit in vitâ puriore. Itaque sæpè tegmen hoc profuit: mentiar tamen, si dicam semper. Ciceronem scio scribere: *Vt ignis in aquam coniectus continuò restinguitur: sic falsum crimen in castam vitam.* Vtinam tam verè, quàm disertè! quàm multos enim vel purissimæ & pænè supra hominem vitæ Calumnia læsit, & lædet? & efficaciter læsit: adeò vt sanguinem omnem ab ijs succumque duxerit bonæ Famæ. Nec miremur. Calumnia enim, vt docui, mendacio ferè grassatur; & id tutò: quia apud iudicem vnum; & qui non quærit plerumque, sed credit. Itaque rem hanc præ magno Oratore vidit melius magni Regis adulator & copria: qui identidem monere solitus, *Quid vis in quosvis esse confingendum.* Vt enim, aiebat, *vulnus maxime sanet, manebit tamen cicatrix.* Pestilens, sed, ita me Deus amet, ingeniosum dictum: & cui origo, atque item fides, ab ipsâ nostrâ naturâ. Insitum enim plerisque hominum, non solum patulas sed etiam credulas aures delationibus habere: & id magis, si ad læsos ea pertinent, aut lædendos. Et cum semel aspersus sis, vix est vt plenè eluas hanc labem. Suspicio inquam manet, vbi non crimen. Ergo altero etiam clypeo meritò te muniui: quem Patientiam dixi. Eius vim & vsum hunc esse volo, vt calumnias quas vitare non potes, fortiter & erectâ ceruice feras. Varronis argutum olim dictum fuit de malâ coniuge: *Ferendam eam, aut tollendam esse:* tu usurpa in pessimâ hac viperarum, & tolera, quod non tollis. Feras autem? imò & spernas. Vt bonus & animosus miles leuia & circum galeas crepitantia tela contemnit: sic vir robustus & sapiens dicteria. Quid enim tibi tollunt? Famam? bona ea semper erit apud bonos. Virtutem aut Sapientiam? non subiacent ea arbitrio humano. Denique cum omnia captores isti fecerint, dixerint: vero altoque animo clamabis, *Omnia mea mecum porto.* Quòd si infamiæ tamen specie moueris: benè, si verâ; sin autem falsâ, quid ad te? Ne applica tibi, non eam habes. Diogenes ille Cynicus altæ sapientiæ vir, & qui non vicit
solum:

solùm hominem, sed excessit, dicere solitus cùm turbæ subsannarent : *Illi me rident ? ego non rideor*. Tu idem fac : & dicta illa omnia siue scommata sic audi , quasi iacta in alienum . Nemo ab istis conteritur aut contemnitur , nisi qui antè se contempsit. M. Cato , Romanus ille Socrates , in os percussus à quodam, cùm idem satisfaceret deinde & deprecaretur : *Non hercules* , inquit, *animadverteram*. O eximium & supra viros virum ! qui altius meliusque putauit non agnouisse iniuriam , quàm ignouisse . Et verò, si iudicio examinamus , quantula ista sunt , quæ nos turbant ? rerum plerumque nihil, sed verborum aliquot nugæ : quorum maior etiam pars constat vitio interpretantis. Noli ea intelligere , periit conuiciatori contumeliæ suæ fructus. Hæc vera, Auditores, hæc solida in Calumniam arma sunt: non illa quæ vulgus vsurpat, reponere & vindicare. Vt in viâ, si canis aut equus luto me adspergat , non excandescō statim & vicissim in illum regero ; sed potius me purgo : ita hîc faciendum, & omnes isti pro caniculis aut equuleis habendi, qui non iudicio sed impetu & proteruiâ lædunt.

Sed iam desino , & complico, vt sic dicam , Orationis mea vela. Tria hæc audistis, Fæditatem huius vitij, Perniciem, Cautionem. Oro, obtestorque vos Auditores per Deum immortalem, spernire à vobis longissimè hanc pestem ; nec à linguis solùm , sed ab auribus etiam vestris . Peccat enim hîc non modò qui dicit calumniam, sed qui excipit : & vt ferrum ignitum tangere sine noxâ non est , non item assistere amburentibus hisce linguis. Blandiuntur & insinuant , scio : verbis comitatem, vultu amorem præferunt . vos mihi credite : aspides illæ sunt, & venenum suum inspirant sopiente quodam & fallente morsu. Quod ad ipsos attinet, nihil eos moneo. voueo & imprecor cum Dauide potius : *Muta fiant labia dolosa , quæ loquuntur aduersus IUSTVM*.

FINIS.

CENSUR-

C E N S U R A.

HÆC selectarum Epistolarum Centuria, ex supremis pænè lucubrationibus IUSTI LIPSI V. C. collecta, & in ordinem digesta, quòd Virum Clariss. pridem ereptum, Orbi restituat, & quàm magnus semper inter Magnos fuerit, luculenter ostendat; meritò typis excusa, diuulgabitur. Actum Antuerpiæ, XII. Kal. Iulij. ∞. MDCVII.

Laurentius Beyerlinck Antuerp. S. Theolog. Licentiat Librorumque Censor.

P R I V I L E G I V M C Æ S A R E V M.

R V D O L P H V S S E C V N D V S diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fideli dilecto I V S T O L I P S I O gratiam nostram Cæsaream. Postquam inter alia, quæ D E V S immortalis hominibus liberali manu dedit dona, illustria inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudibus etiam & imperito hominum vulgo ita distinguuntur, ut tanquam Dij quidam splendescere in terris videantur: rem sanè præclaram sequè dignam illi præstant, qui diligentem iis ipsis in litteris ac disciplinis operam ponunt; præclarissimam verò & Reipub. utilissimam, qui eas ita excolunt, ut aliorum menti docendo, scribendo lumina præferant, eosque ex ignorantia tenebris quasi manu educant. Quos excitare, quos amare atque animare, ad dignitatis nostræ munus, ad quod Diuino vocati beneficio concessumque sumus, inprimis pertinere existimamus. Cum itaque ab iis, quorum nobis spectata fides, qui que iudicare de Litteris possint, acceperimus, insigneste animi ingenique tui dotes tibi à natura insitas à primis temporibus ætatis tuæ ita litterarum ac disciplinarum studiis excoluisse atque exornasse, ut olim iuuenilibus adhuc annis præclara florecentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituiisti, dum vetusta Latine antiquitatis rudera in nouam subinde structuram singulari artificio eleganter conuertisti: ad exquisitam adeò & raram doctrinam, quæ magnam de te apud doctos quosque viros opinionem excitauit, peruenisse, eamque variis abs te libris acris & graui cum iudicio scriptis atque in lucem editis ostendisse, ut in eo quod tam feliciter tractes scriptionis genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. utilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirifice recrees, & eorum pectus ad prudentiam, probitatemque informes: haudquaquam prætermittere volumus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrocinioque nostro defendendum pro benigna nostra in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro privilegioque te & Typographum tuum aduersus quorumcumque fraudem, qui luci causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus, statuimus, veramusque, ne quis Typographorum, Bibliopolarum,

aut

aut aliorum, qui librariam negotiationem exercent, eos libros, quos tu editurus es, quocunque modo, caractere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq; ac Dominiorum nostrorum hæreditariorum fines, triginta annis proximis à primo editionis die computandis, absque tuo tuorumve hæredum consensu audeat: Hac autem lege addita, ut tria ut minimum cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, cum non solum eiusmodi libris, tibi, hæredibusve tuis, auxilio Magistratus, ubicunq. reperti fuerint, vendicandis, priuari, sed triginta etiam Marcharum auri puri multa, cuius semissis quidem Fiscus nostri Procuratori, fraudis vindici; alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscumque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiãve exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis multa, eos puniri & quibuscumque modo discoërceri curent, ni & ipsimet grauissimam nostram in se conuertere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti. Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici itidem decimo septimo.

Subsign.

RVDOLPHVS.

Iacobus Curtius à Senfftenaw.

Ad mandatum sacre Cæsareæ M^{te} proprium.

Io. Baruitius.

Additum sigillum Cæs. M^{te} in cerâ rubrâ.

SVMMA PRIVILEGII REGIS CATHOLICI.

PHILIPPVS Dei gratia Hispaniarum, &c. Rex Catholicus, diplomate suo sanxit, nequis, IUSTI LIPSI Historiarum in alma Vniuersitate Louaniensi Professoris, & item Historiographi sui libros quoscunque, à Censoribus legitimis approbatos, præter ipsius, heredumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos; in has inferioris Germaniæ ditiones importet, venalesve habeat. Qui secùs faxit, præter librorum confiscationem triginta marcharum auri puri illatione mulctabitur. Vti latiùs patet in litteris, datis Bruxella, XIV. Febr. M. D. XCVII.

Signat.

Verreycken.

SVMMA PRIVILEGII REGIS CHRISTIANISSIMI.

HENRICVS Dei gratia Galliarum & Nauarra Rex Christianissimus, singulari priuilegio sanxit, nequis per Vniuersos Regnorum suorum fines, IUSTI LIPSI, quos vel hætenus edidit, vel in posterum editurus est libros, excudere intra decennium præter voluntatem ipsius possit. Qui secùs faxit, præter librorum confiscationem, ter mille florenorum illatione mulctabitur; vti latiùs patet in litteris, datis Parisiis, XIII. Iulij, M. DC. V.

Signat.

Perrochel.

Tibi IOANNES MORETE, pro amicitia quæ mihi cum Plantino (heu, quondam meo) & Plantinianis est ac fuit, tibi, inquam, permitto, vti EPISTOLARVM mearum CENTURIAS typis tuis excudas ac diuulges. Nequis alibi alius præter te, cupio siue iubeo, ex lege quam magnus Cæsar & Reges dixerunt.

Iustus Lipsius.


ANTVERPIÆ,
EX OFFICINA PLANTINIANA,

Apud Ioannem Moretum.

CLC. ICC. VII.







AFD/378



UNIVERSIDAD DE SEVILLA



600712131

627920719

2
M
S
i
n
s
c
r
i
p
t
u
m

F. D.
378